

जिन्होंने ऐसे परमोदार महात्माको निवास कराय निजव्ययसे लोकाहितार्थ उक्त ग्रन्थ मुद्रित कराय प्रसिद्ध किया; ऐसे परोपकारीयत श्रोत्रवत् नाहरांसहजोंको शतशः धन्यवाद देते हैं, दीर्घाऽऽयुः जगदीश्वर देवें ॥ श्लोक ॥ श्रीमज्जानकीशसेन कृत्वा रामरसायनम् ॥ भूयास्तच्छ्रेयसे नृणां राघवाय समर्पितम् ॥ १ ॥ उर्वीमंडलमंडिते धनवतां प्रज्ञावतां सौख्यदे कानोडे पृथुमदिरे मुनगरे दंडवान् पुनर्दंडयन् ॥ नित्यं च प्रतिपालयन् विनयिनः पाखंडिनः खंडयन्नास्ति श्रीनृपनाहसिहसुमतिः सत्पण्डितान् मंडयन् ॥ २ ॥ कवित्त ॥ रामचन्द्र वारि शत्रुराज नित पूर चहैं सातसुख लोन्हे मत वेदित अनन्दके ॥ गुरु वेद पितु मातु आज्ञा अनुकूल रहैं सुजन कुटुंबी प्रजा मोदरस कंदके ॥ लक्ष्मणसो भ्राता लक्ष सत्यको सुरक्षन है शक्ति स्वरूप स्वच्छ अच्छ मनुचंदके ॥ अवध नरेश-वारि विभूति विचारि आजु रासिकविहारी सारो नाहरनरेन्दके ॥ ३ ॥

इति ॥

आपका कृपापात्र—

खेमराज श्रीकृष्णदास,

“श्रीवैष्णवेश्वर” स्टोम्-यन्त्रालय-मुंबई.

इसके आगे श्रीमहाराजजीकी संस्कृतप्रशस्तिपत्रिका है.

अवश्य देखने योग्य है.—



॥ श्रीः ॥

## प्रशस्तिपत्रम् ।

पृथ्वीमण्डलमण्डनायितमहापाण्डित्यवन्मण्डितोनानादेशविदेशवासिविबुधप्रत्यक्षकल्पद्रुमः ।  
धैर्योदायपुत्रोपशोयमुकलाशोटोर्यशाली सदाश्रीमन्नाहरासंहारावतमहाराजोऽवतान्मेदिनीम् ॥ १ ॥  
धन्यं गोत्रामदं हि भूमिवलेय श्रीवेजवापायनं धन्यं तत्कनकं पुरं च विमलः शोशोदवंगः कृती ।  
यत्र श्रीमद्रुमेदासंहारणोनायात्मनो राजते श्रीमन्नाहरासंहारावतमहाराजोऽधिराजश्रिया ॥ २ ॥  
विद्याबुद्धिचिवेकनोतानेपुणःसद्धर्मोवश्रमवान्गोविषमिसर्वकार्यकरणे दक्षः सभेयप्रियः ॥  
श्रीमन्नाहरासंहारावतमहाराजानुजो भाग्यवान्श्रीमल्लुङ्गमणोसंहोजेद्रिजयता सोभाग्यसपत्तिभिः ॥  
श्रीमन्ताविह मुंययो गुरो यदाऽऽयातोतदास्वात्सवादागम्यातिमुशोभित मम महाभायेन मुद्रालयम् ।  
दृष्टं सर्वमगं ह कृत्यभवनं सभापिताः शास्त्रिणो मन्य धन्यामिदं शुभागमवशाच्छ्रीवेङ्कटेशालयम् ॥  
श्रीमन्नाहरासंहारावतमहाराजोवैपश्चिहणाः सन्मान्या अतिमानिता इति यशो लोकत्रयं व्याकृतं ।  
तच्चैतादृशसाधुवयेराचितप्रथमकाशाज्ञया सत्य स्वानुभवमासद्धमिति तान्गन्धर्वान्ध मन्यामहं ॥ ५ ॥  
श्रीजानकोप्रसादेन कावेना रचितं शुभम् । सर्वार्थसाधनपरं श्रीमद्रामरसायनम् ॥ ६ ॥  
अस्य मकाशनं कर्तुं सर्वोपकरणक्षमः । प्रियन्मुद्रणागोर श्रीमन्नाहरासंहारेजित् ॥ ७ ॥  
तन्मया सुंदरेवंगैः पुष्पाचक्रणपत्रके । स्वकीये “श्रीवेङ्कटेश” मुद्रापत्रे मुद्रादितम् ॥ ८ ॥  
एतद्वंमकाशेन मोदतां सज्जनाः सदा । महाराजयशश्चापि त्रिलोक्यं पूरयत्वलम् ॥ ९ ॥  
श्रीकृष्णदासतनयः खेमराजाभिधेयवान् । विद्वद्गुणगणप्रेमो समाशास्ते प्रशस्तिकाम् ॥ १० ॥

महाराजविजयाभिलाषी-

खेमराज श्रीकृष्णदास.

“श्रीवेङ्कटेश्वर” छापखाना.

मुंबई.

❀ श्रीरामपञ्चायतन. ❀



❀ बालकाण्डम् १. ❀

दोहा—राम राज रति जो चहे, अयवा पद निर्वाण ॥  
 भाव सहित सो यह कथा, करै भवण पुटपान ॥



चीपाई—मनकामना सिद्धि नरपाये । जो यह कथा कपट नजि गावे ।  
 कहहि मुनिहि धनुमोदन करहो । ते गोपद इव भवनिधि तरहो ॥



❀ बालकाण्डम् १. ❀

दोहा—राम राग रति जो चहे, अयस पद निर्वाणि ॥  
भाव सहित सो यह कथा, करे अवग पुटपाल ॥



गोपाई—मनकायना सिद्धि नराधि । जो यह कथा कष्ट नलि गवि ।  
कहहि मुनि अनुमोदन करहो । ते गोपद इव जयनिधि तरहो ॥





अयोध्याकाण्डम्

दोहा-मुनि दुर्लभ हरि भक्तिनर, पार्वहिं विनहिं प्रयास ।  
जे यह कथा निरंतर, सुनिहिं मानि विश्वास ॥



चौ०-जे अस्ति कथा पाय परि हरिहो । केवलज्ञान हेतु भ्रम करहो ॥  
ते जड कामधेनु गृहत्यागी । खोजत आक फिनिहिं पयलागी ॥

❀ आरण्यकाण्डम् ❀

दोहा-सो कुल धन्य उमा सुन, जगत्पूज्य सुपुनीत ॥  
श्रीरघुवीर परायण, जेहि नर उज विनीत ॥



नी०-देहि फलि काल न साधन दुजा । योगयत्न जप तप व्रत पूजा ॥  
रामहिं सुमिरिय गादय रामहिं । सन्तत मुनिय राम गुण यागहिं ॥



❀ किष्किन्धाकाण्डम् ४ ❀

दोहा-वा म रे वरु होइ धृत, सिक्तात वरु तल ॥  
चिन हरि भजन न भव तरिय, यह सिद्धान्त अपेल ॥



पौ०-संशत रोग सजीवन मूरी । राम कथा गावहिं श्रुति भूरी ॥  
अति हरि कृपा जाहि पर होई । पाँव देइ यहि मारग सोई ॥



दोहा—यह रहस्य रघुनाथ कर, बेगि न जाने कीइ ॥  
जाने ते रघुपति कृपा, स्वमहु दुःख न होइ ॥



सुन्दरकाण्ड ६.

चो०—गुण जाइ पर मृगजल पाना । करु जामहिं शरा शीघ्र वृषाना ॥  
अन्धकार करु रविहि नशोवै । रामविमुख सुख जीव न पावै ॥


❀ किष्किन्धाकाण्डम् ४ ❀

दोहा-वारि मथे वरु होइ घृत, सिकतात वरु तल ॥  
विन हरि भजन न भव तरिय, यह सिद्धान्त अपेल ॥



नजीवन मूरी । राम कथा गावहिं श्रुति भूरी ॥  
आ जाहि पर होई । पाँव देइ यहि मारग सोई ॥

❀ श्रीरामपंचायतन ❀



❀ उत्तरकाण्डम् ❀

नो०-ने सकाम नर मुनिहिं जे गावहिं । मूल सम्यति नाना विधि पावहिं ॥  
 मुर दुष्टम मूल करि जगपाही । अन्तकाल रघुपति पुर जाही ॥



बोला-बार बार नर मांगी, हपिं देहु श्रीरंग ॥  
 पद मांगज अन पावनो, भक्ति सदा सतसंग ॥


❀ लङ्काकाण्डम् ६. ❀

दोहा—समर विजय रघुवीरके, मुनिहिं जे संत सुजान ॥  
विजय विवेक विभूति नित, तिनिहिं देहि भगवान ॥



चौ०—भवभंजन गंजन संदिहा । जनैजन सजन प्रिय येहा ॥  
रामउपासक जे जगमाहीं । इह सम प्रिय तिन कहै कछुनहीं ॥

❀ श्रीरामपंचायतन ❀



❀ उत्तरकाण्डम् ❀

चो०-जे मराम नर गुनहिं जे गार्वाहिं । मूल सम्पति नाना विधि पावहि ॥  
नर दुर्लभ मूल करि जगमाही । अन्तकाल रघुपति पुर जाही ॥



बेला-बार बार नर मांगी, दापि देहु श्रीगंग ॥  
पद मंगल अन पावनी, भक्ति सदा सत्संग ॥




❀ लङ्काकाण्डम् ६. ❀

देहा—पुनरपि विना मूर्तिरुक्तं नृणां न  
विना विरक्तिरिति विरक्तिरिति चेत्तु च ॥

नो—विना विना विना नृणां । नृणां नृणां नृणां ॥  
रामउपासक जे जगमाहीं । इह सम प्रिय तिन कहै कछुवाहीं ॥

# ❀ श्रीरामपंचायतन ❀



## ❀ उत्तरकाण्डम् ❀

नौ-ने मकाम नर गुर्वहिं न गयोहिं । मुर मर्मानि नाना विधि पावहिं ॥  
मुर दुग्धं गुन करि जगवाही । अन्नकाल खुपनि पुर जाही ॥



बाला-पार पार पर मर्गो, हपि देहु श्रीरंग ॥  
पर मर्गेन अन पावर्गो, भक्ति सदा सत्संग ॥

# रामाश्वमेध प्रारंभः ।



पुस्तकमिलनकाठिकाना-

खेमराज श्रीकृष्णदास,  
श्रीवेङ्कटेश्वर स्टीम प्रेस-बंबई.

श्रीवेङ्कटेशाय नमः ।

## अथ रामरसायनकी अनुक्रमणिका ।

विधान	विभाग	विषय	पृष्ठांक
( १ )	१ वंदना-श्लोक मालिनीछंद	...	१
"	" रसिकविहारीकृत ग्रंथचक्र	...	३
"	" रसिकविहारीकी कुण्डली	...	४
"	२ वंदना तथा कविके हृदयमें भगवत्की प्रेरणा-कथाप्रबंध	...	५
( २ )	१ अवधराजश्रीवर्णन	...	१४
"	२ दशरथयज्ञवर्णन	...	१९
"	३ हनुमज्जन्मवर्णन	...	२१
"	४ श्रीराम, लक्ष्मण, भरत, शत्रुघ्नकी जन्मकुण्डली तथा श्री- रामचन्द्रजीके व श्रीलक्ष्मणादिके सखायोंका निर्णयचक्र तथा रामजन्मोत्साह वर्णन	...	३०
"	५ रघुचरित्र वर्णन	...	५२
"	६ रावण वृत्तान्त वर्णन...	...	५६
"	७ श्रीसीताजन्म वर्णन	...	६२
"	८ शुकचरित्र वर्णन	...	७३
"	९ कुलदेव पूजन वर्णन	...	७८
( ३ )	१ धनुषयज्ञारंभ वर्णन	...	८१
"	२ विश्वामित्रको अयोध्याप्राप्ति आगमन वर्णन	...	८४
"	३ विश्वामित्र चरित्र वर्णन	...	९०
"	४ जनकपुर दर्शन वर्णन	...	...
"	५ वाटिका प्रसंग वर्णन	...	...



विधान	विभाग	विषय	पृष्ठांक
११	११	श्रीरघुनाथजीका ससैन्य लंकापयान वर्णन...	३०५
( ६ )	१	रावणसभा मंत्र वर्णन ... ..	३०९
११	२	विभीषण शरणागत वर्णन ... ..	३१५
११	३	सेतुबंधन वर्णन ... ..	३२२
११	४	रावणदूत प्रेषण वर्णन ... ..	३२६
११	५	दलथापन वर्णन ... ..	३३१
११	६	रावणसुग्रीव मल्लयुद्ध वर्णन ... ..	३३४
११	७	अंगद रावण संवाद वर्णन ... ..	३३७
११	८	नागफांस बंधमोचन ... ..	३४२
११	९	धूम्राक्ष प्रहस्तादि युद्ध तथा वध वर्णन ... ..	३४९
११	१०	रावण युद्ध वर्णन ... ..	३५२
११	११	कुम्भकर्ण युद्ध तथा वध वर्णन ....	३६१
११	१२	नरान्तक अतिकायादि युद्ध वर्णन ... ..	३६८
११	१३	इन्द्रजित अंतरिक्ष युद्ध वर्णन ... ..	३७३
११	१४	लंकदहन तथा मकराक्ष युद्ध वध वर्णन ... ..	३७८
११	१५	मेघनाद युद्ध व वध वर्णन ... ..	३८३
११	१६	सुलोचना सत्य वर्णन ... ..	३९४
११	१७	महिरावण वध वर्णन ... ..	३९६
११	१८	मूलदल युद्ध वध वर्णन ... ..	४००
११	१९	रावण युद्ध कालनेमिवध वर्णन ... ..	४०२
१०	२०	रावण युद्ध वध वर्णन ... ..	४१२
११	२१	श्रीसीताराम मिलन वर्णन ... ..	४२७
( ७ )	१	श्रीरामचन्द्र अवध आगमन वर्णन ... ..	४३३
११	२	श्रीरामचन्द्र राज्याभिषेक वर्णन ... ..	४४१
११	३	श्रीरामचन्द्र राज्यरति वर्णन ... ..	४४७
११	४	वाक्य विलास वर्णन ... ..	४५२

विधान	विभाग	विषय	पृष्ठांक
"	६ धनुषभंग वर्णन	... ..	११६
"	७ परशुराम संवाद वर्णन	... ..	१२३
"	८ विवाह वर्णन	... ..	१३०
"	९ हास विलास वर्णन	... ..	१३८
"	१० श्रीजनकनन्दनी विदा वर्णन	... ..	१४५
"	११ विवाहान्त वर्णन	... ..	१४७
(४)	१ श्रीरामवनगमन वर्णन	... ..	१५७
"	२ ग्रामवधू समागम वर्णन	... ..	१७६
"	३ ग्रामवधू विलाप वर्णन	... ..	१८७
"	४ ग्रामवधू नेहकथन	... ..	१९५
"	५ चित्रकूट निवास वर्णन	... ..	१९८
"	दशरथराज देहत्याग वर्णन	... ..	२००
"	७ रामभरत संवाद वर्णन	... ..	२०४
"	८ चित्रकूट चरित्र वर्णन	... ..	२१०
"	९ मुनिसमागम वर्णन	... ..	२१६
"	१० पंचवटीवास वर्णन	... ..	२१८
(५)	१ सीताहरण वर्णन	... ..	२२४
"	२ जनकनंदिनी विलाप वर्णन	... ..	२३०
"	३ रघुनंदन विलाप वर्णन	... ..	२३६
"	४ रघुनंदनका लक्ष्मणसहित वन अटन	... ..	२४९
"	५ सुग्रीव मिलाप वर्णन	... ..	२५६
"	६ वालिवध वर्णन	... ..	२६३
"	७ जनकनंदिनीशोध वर्णन	... ..	२६७
"	८ हनुमानजीका जनकनंदिनी दर्शन वर्णन	... ..	२७४
"	९ लंकादहन वर्णन	... ..	२८८
"	१० सीता संदेशप्राप्ति वर्णन	... ..	२९७

विधान	विभाग	विषय	पृष्ठांक
११	११	श्रीरघुनाथजीका ससैन्य लंकापयान वर्णन...	३०५
( ६ )	१	रावणसभा मंत्र वर्णन ... ..	३०९
११	२	विभीषण शरणागत वर्णन ... ..	३१५
११	३	सेतुबंधन वर्णन ... ..	३२२
११	४	रावणदूत प्रेषण वर्णन ... ..	३२६
११	५	दलस्थापन वर्णन ... ..	३३१
११	६	रावणसुग्रीव मल्लयुद्ध वर्णन ... ..	३३४
११	७	अंगद रावण संवाद वर्णन ... ..	३३७
११	८	नागफांस बंधमोचन ... ..	३४२
११	९	धूम्राक्ष प्रहस्तादि युद्ध तथा वध वर्णन ... ..	३४९
११	१०	रावण युद्ध वर्णन ... ..	३५२
११	११	कुम्भकर्ण युद्ध तथा वध वर्णन ....	३६१
११	१२	नरान्तक अतिकायादि युद्ध वर्णन ... ..	३६८
११	१३	इन्द्रजित अंतरिक्ष युद्ध वर्णन ... ..	३७३
११	१४	लंकदहन तथा मकराक्ष युद्ध वध वर्णन ... ..	३७८
११	१५	मेघनाद युद्ध व वध वर्णन ... ..	३८३
११	१६	सुलोचना सत्य वर्णन ... ..	३९४
११	१७	महिरावण वध वर्णन ... ..	३९६
११	१८	मूलदल युद्ध वध वर्णन ... ..	४००
११	१९	रावण युद्ध कालनेमि वध वर्णन ... ..	४०२
११	२०	रावण युद्ध वध वर्णन ... ..	४१२
११	२१	श्रीसीताराम मिलन वर्णन ... ..	४२७
( ७ )	१	श्रीरामचन्द्र अवय आगमन वर्णन ... ..	४३३
११	२	श्रीरामचन्द्र राज्याभिषेक वर्णन ... ..	४४१
११	३	श्रीरामचन्द्र राज्यरीति वर्णन ... ..	४४७
११	४	वाक्य विलास	



विधान	विभाग	विषय	पृष्ठांक
११	५	सतसंग वर्णन	४६१
११	६	सुग्रीवादि गमन वर्णन	४७४
११	७	न्याय वर्णन	४७७
११	८	लवणासुर वध वर्णन	४८०
११	९	द्विजपुत्र संजीवन वर्णन	४८३
११	१०	महारावण वध वर्णन	४९०
११	११	हनुमत पर्यटन वर्णन	४९५
११	१२	गौरांग कथा वर्णन	४९८
(८)	१	विहारविधाने अप्रियाम रीति वर्णन	५०२
११	२	हिंडोल विहार वर्णन	५०९
११	३	रासविहार वर्णन	५२०
११	४	मिथिला विहार वर्णन	५२८
११	५	फाग विहार वर्णन	५४४
११	६	कुशलवादि जन्म वर्णन	५५३
११	७	अश्वमेध यज्ञारम्भ सुवाहुयुद्ध वर्णन	५५८
११	८	विद्युन्माली युद्ध वर्णन	५६४
११	९	वीरमणि युद्ध वर्णन	५६५
११	१०	सुरथ युद्ध वर्णन	५७२
११	११	लव कुश युद्ध वर्णन	५७८
११	१२	अश्वमेध यज्ञान्त वर्णन	५८७
११	१३	राज्यविभाग वर्णन	५९३
११	१४	श्रीरामचरित्र प्रभाववर्णन	५९८
११	१५	सुरलोक विहार वर्णन	६००

इति अनुक्रमणिका समाप्त

॥ श्रीगणेशाय नमः ॥



अथ श्रीरामरसायनप्रारम्भः ।

श्लोक-मालिनीछन्द ।

सकलसुकृतसारंचार्थधर्मस्यसारंवहुगुणगणसारंभक्तिसारंचनित्यम् ॥  
प्रचुरप्रणवसारंसर्वदामोक्षसारंदशरथहृदिसारंरामनामैववंदे ॥ १ ॥  
पद्य अनुष्टुप्छन्द ।

श्रीरामंसीतयासार्द्धलक्ष्मणेनहनूमता ॥ कोटिकंदर्पदप्यंघ्रंशिरसा-  
प्रणमाम्यहम् ॥ २ ॥ गुरुगणेशंगिरिशंगिरंचगरुडध्वजम् ॥ वाल्मीकिं-  
बुद्धिदवंदेकविकारव्यकलानिधिम् ॥ ३ ॥ दृढवद्वीभवाब्धौयद्वाथासे-  
तृसुविस्तरौ ॥ तुलसीसूरदासीचवंदेतौपुरुषोत्तमौ ॥ ४ ॥

उपजातिछन्द ।

अनेकजन्मार्जितदुष्कृतेनतेनोद्भवाःसंतिअपारकेशाः ॥  
तेपाविनाशायसुभेपजंसत्सिद्धीकृतरामरसायनंमे ॥ ५ ॥

पनाक्षरी कवित ।

शोभितसतीके सतीभारतीरतीके करसेवित सुतीके सुरतीके नरतीकेहं  
विमलरतीके विरतीके विरतीके दानिशुद्ध विरतीके सुरतीके सुरतीकेहं  
रसिकविहारी सुगतीकेसुमतीके नित्यकारक पतीके दृढहारक छतीकेहं  
देववंदिनीके निमिवंश चंदिनीके युगनीके पदकंज मिथिलेश नंदनीकेहं  
॥६॥ तारी ऋपिनारी वज्र अंकुशादिधारी चित्रकूट वनचारी सहचारी  
त्रिपुरारीके ॥ अधम उधारी मुनि मानस विहारी सारी विपति  
विदारी पूज्य कपि गिरिधारीके ॥ सोचके सैहारी पाप तमके तमारी



कहि महंत जानकी प्रसादा ❀ नाम पुकारत युत मरयादा ॥ ३२ ॥  
 सो यह नाम छंदके माँहीं ❀ कहूँ कहूँ अति अमिल लखाहीं ॥  
 याते निज कविता मधि राखौं ❀ और नाम द्वैसो इत भाखौं ॥ ३३ ॥  
 रसिक विहारी नाम उचारो ❀ कितहूँ है रसिकेस निहारो ॥  
 मम कृत छंद प्रबंध सुजोऊ । तिन महँ प्रगट नाम ये दोऊ ॥ ३४ ॥

दोहा—सूक्ष्म निज वृत्तांत में, धरो इहाँ इहि हेत ॥

सुनिसज्जन निजजानि मुहि, करिहँ कृपा सचेत ॥ ३५ ॥

पुनि प्रणमों कर जोरिकै, करौ कृपाते धन्य ॥

हौ सिय सिय वरके सदा, जे प्रिय रसिक अनन्य ॥ ३६ ॥

निजनिज प्रकृतिप्रभावमो, औगुण निरखि अनंत ॥

कृपा करौ मोपै सदा, दोऊ संत असंत ॥ ३७ ॥

इति श्रीमद्रसिकविहारीविरचिते श्रीमद्रामरसायनग्रंथे

प्रथमविधाने प्रथमो विभागः ॥ १ ॥

सोरठा—शिव विरंचि सुराय, नारदादि सनकादिकपि ॥

वंदां मन वच काय, मुनि वासिष्ठ कौशिक सकल ॥ १ ॥

राम चरित अभिराम, नाम रूप लीला बहुरि ॥

धाम सहित सुख धाम, वरनों मति अनुसार कछु ॥ २ ॥

राम चरित्र अपार, नेति निगम आगम भनै ॥

पै निज बुधि अनुसार, कहाँ कहें पुनि कहैंहिने ॥ ३ ॥

राम चरित अति गूढ, विन हरि कृपा जनात नाहि ॥

सो कह जानै मूढ़, पगे विवाद प्रमादमें ॥ ४ ॥

राम उपासक होय, गहँ अनन्य उपासना ॥

हरि गुरु कृपा सुजोय, राम चरित तब जानहौ ॥ ५ ॥

वर उपासना ग्रंथ, हैं प्राचीन प्रमाण बहु ॥

राम चरितको पंथ, जानै सकल दिग्वानह ॥ ६ ॥

पै वे बहु ननसंग, कोने विना न पाइये ॥

चाते ताजि जगसंग, नैव नन अभंग चित ॥ ७ ॥

राम चरितको भेद, जव जानि गुरुकी कृपा ॥  
 तव छूटे सब खेद, राम उपासक होय दृढ ॥ ८ ॥  
 यातें लाखि उपकार, कालि जगजीव उधार हित ॥  
 लघु मातिके अनुसार, राम कथा कहु रचतहाँ ॥ ९ ॥  
 पूरव ग्रंथ प्रमान, संस्कृत अरु भाषा विविध ॥  
 सब संमत उर आन, रास रसायन ग्रंथ किय ॥ १० ॥

दोहा—राम रसायनके विशद, हेरो आठ विधान ॥

प्रति विधान सुविभाग बहु, यथा योग अनुमान ॥ ११ ॥  
 निर्णय १जन्म २विवाह ३वन ४, अरु० वियोग ५ पुनि० युद्ध ६ ॥  
 वर अभिषेक ७ विहार ८ ये, आठ विधान विशुद्ध ॥ १२ ॥  
 हैं बहु गुप्त प्रतक्ष जे, सिय रघुचंद्र चरित्र ॥  
 पूरव कथित प्रमाण जे, वरणों परम पवित्र ॥ १३ ॥  
 जन्म कथातें आदिलै, मध्य चरित्र अनंत ॥  
 वरण तहाँ साकेत निज, गुप्त वास पर्यंत ॥ १४ ॥  
 रास विलास हुलास बहु, सुख दुख योग वियोग ॥  
 यथा उचित सिय रामयश, कहाँ सुनौ सत लोग ॥ १५ ॥  
 सिय रघु चंद्र चरित्र सुनि, संका करौ न कोय ॥  
 है प्रमाण युत सत्य सब, वर्णन कीनो जोय ॥ १६ ॥  
 जे जन कवहुँ नहिं सुने, राम उपासन ग्रंथ ॥  
 पुनि दृग भरि देखो न कहुँ, रसिक जननको पंथ ॥ १७ ॥  
 ते सुनि रासादिक कथा, सिय रघुवरकी सोय ॥  
 करि करि विविध वितर्क मन, चकित रहत चितजोय ॥ १८ ॥  
 चौ० जिनहि कछु शंका जिय होई \* ते यह यतन करौ सब कोई ॥  
 सीता राम उपासक हेरो \* तिनहुँमें अनन्य निरवरो ॥ १९ ॥  
 पुनि तिनमें अति रसिक जु होई \* रसिकनमें विद्वान सु जोई ॥  
 ताढिग जाय करौ सतसंगा \* तनमन धन युत प्रीति अभंगा ॥ २० ॥  
 तव ता मुख अनेक वर गाथा \* सुनौ चरित जे सिय रघुनाथा ॥  
 वरणे सुर मुनि संत अपारा \* ग्रंथ अमित जे लघु विस्तारा ॥ २१ ॥

संस्कृत अरु प्राकृत हैं कोऊ ❀ परम प्रमाण वाक्य वर दोऊ ॥  
लिखौ नाम ते सकल निहारौ ❀ इमि अनेक औरहु विचारौ ॥ २२ ॥

ग्रंथनाम ।

चौ० हनुमंतसंहिता १ हि लखिलीजे ❀ पुनि वसिष्ठसंहिता २ कहिजे ॥  
अरु अगस्त्यसंहिता ३ विचारौ ❀ त्यों० निरुक्तिसंहिता निहारौ ४, २३  
लखौ सदाशिवसंहिता ५ हि गुनि ❀ रामरसामृत सिंधु ६ भलोपुनि ॥  
बहुरि चरण चामर ७ वर देखौ ❀ रामरास तिहि ८ सुंदर पेखौ २४ ॥  
बालमीकिरामायण ९ हेरौ ❀ सुंदररामायण १० निरवेरौ ॥  
पुनि भुशुंडिरामायण ११ पेपो ❀ बहुरि महारामायण १२ देखौ २५  
फेरि बालरामायण १३ जानौ ❀ पुनि हनुमन्नाटक १४ दृढठानौ ॥  
कौशलखंड १५ बहोरि विचारौ ❀ अरु सियगुणवल्ली १६ निरधारौ २६  
संग्रह उत्सवसिंधु १७ अनूपा ❀ अरु गुणावली १८ सुखदसरूपा ॥  
महासुंदरी तंत्र १९ निहारौ ❀ पुनि नवरत्न २० हि निरखिविचारौ २७  
इते ग्रंथ संस्कृतके पेखौ ❀ पुनि प्राकृत ग्रंथनको देखौ ॥  
अष्ट जामर २१ नाभाकृत हेरौ ❀ तुलसीकृत २२ सब ग्रंथ निवेरौ २८  
बहुरिलखौ सीतायन २३ ग्रंथा ❀ कादंबरी २४ विशद शुभपंथा ॥  
नेहप्रकाश २५ विशद जिय जानौ ❀ पुनितरंगिनी २६ परम प्रमानौ २९  
इनहि आदि बहु ग्रंथन माहीं ❀ सीताराम चरित्र मिलहीं ॥  
रास विलास अनेक प्रकारा ❀ समय मास ऋतुदिन अनुसारा ३०  
वरनी कथा पुरातन जोई ❀ विरचैं राम रसायन सोई ॥  
अब इत कछु प्राचीन प्रमाना ❀ सुज्ञम धरौं करौ बहुज्ञाना ॥ ३१ ॥

प्रमाण-वाल्मीकीये । अयोध्याकांड ॥ सर्ग २ ॥

श्लोक-गांधर्वेषु भुवि श्रेष्ठो बभूव भरताग्रजः ॥

कल्याणाभिजनः साधुरदीनात्मा विचक्षणः ॥ १ ॥

पुनः ॥ तत्र ॥ सुंदरचरित ॥ सर्ग ॥ २८ ॥

पितुर्निदेशानियमेन कृत्वा वनात्रिंशत्तश्च गन्ति वनश्च ॥

सोभिस्तु मन्ये विपुले जगाभिः संस्यन्नेवैतन्मयः कृतार्थः ॥ २ ॥

पुनः ॥ तत्रैव ॥ सर्ग ३६ ॥

नमांसंराघवोभुंक्तेनचैवमधुसेवते ॥ वन्यंसुविहितंनित्यंभक्तमश्रा-  
तिपंचमम् ॥ ३ ॥ नैवदंशान्नमशकात्रकीटान्नसरीसृपान् ॥ राघवोपन-  
येद्वात्रात्त्वद्गतेनांतरात्मना ॥ ४ ॥ नित्यंध्यानपरोरामो नित्यंशोकपरा-  
यणः ॥ नान्यंचितयतेकिंचित्सतुकामवशंगतः ॥ ५ ॥ अनिद्रःसत-  
तरामःसुप्तेपिचनरोत्तमः ॥ सीतेतिमधुरांवाणींव्याहरन्प्रतिबुध्यते॥६॥  
दृष्ट्वाफलंवापुष्पंवायच्चान्यत्स्त्रीमनोहरम् ॥ बहुशोहाप्रियेत्येवश्वसं-  
स्त्वाद्मभिभाषते ॥ ७ ॥

पुनः ॥ तत्रैव ॥ युद्धकांडे ॥ सर्ग २१ ॥

ततःसागरवेलायांदर्भानास्तीर्यराघवः ॥ अंजलिंप्राङ्मुखंकृत्वाप्रति  
शिष्येमहोदधेः ॥ ८ ॥ बाहुंभुजंगभोगाभमुपधायारिसूदनः ॥ जात  
रूपमयैश्वैवभूषणैर्भूषितंसदा ॥ ९ ॥ मणिकांचनकेयूरमुक्ताप्रवरभूषणैः॥  
भुजैःपरमनारीणामभिमृष्टमनेकधा ॥ १० ॥

पुनः ॥ तत्रैव उत्तरकांडे ॥ सर्ग ४२ ॥

अशोकवनिकांस्फीतांप्रविश्यरघुनन्दनः ॥ आसनेचशुभाकारेपुष्प  
प्रकरभूषिते ॥ ११ ॥ कुशास्तरणसंस्तीर्णेरामःसन्निपसादह ॥ सीता  
मादायहस्तेनमधुमैरेयकंशुचि ॥ १२ ॥ पाययामासकाकुत्स्थःशची  
मिवपुरंदरः ॥ मांसानिचसुमिष्टानिफलानिविविधानिच ॥ १३ ॥  
रामस्याभ्यवहारार्थंकिंकरास्तूर्णमाहरन् ॥ उपानृत्यंश्चराजानंनृत्यगी-  
तविशारदाः ॥ १४ ॥ अप्सरोरगसंधाश्चकिन्नरीपरिवारिताः ॥ दक्षि-  
णारूपवत्यश्चस्त्रियःपानवशंगताः ॥ १५ ॥ उपानृत्यंतकाकुत्स्थंनृत्य  
गीतविशारदाः ॥ मनोभिरामारामास्तारामोरमयतांवरः ॥ १६ ॥  
रमयामासधर्मात्मानित्यंपरमभूषिता ॥ सतयासीतयासार्धमासीनो  
विरराजह ॥ १७ ॥ रमयामासर्वदेहीमहन्महनिदेववत् ॥ तथातयो-  
र्विहरतोःसीताराघवयोश्चिरम् ॥ १८ ॥ दशवर्षसहस्राणिशतानिसुम-  
हात्मनोः ॥ ग्रातयोर्विविधान्भोगानतीतःशिशिरागमः ॥ १९ ॥

पुनः ॥ निरुक्तिसंहितायाम् ॥

सौगंध्योज्ज्वलसौकुमार्यकलिताकौमल्यदाकेलिदासंगीतामृतवर्षिणीप्रतिपदप्रेयःप्रयासापहा ॥ एणाशीस्वकटाक्षकल्पितसुरैश्वर्यादिकाशक्तिदायद्रंघ्राविबुधोत्तमोत्तमशिवाजाभ्यांजयेज्जानकी ॥ २० ॥  
याःसख्यःकलिताःसताभगवतागस्त्येनतेकोटिशस्ताभिस्त्वंसममेवनाथदयितंत्वाद्वादयन्तीरहः ॥ मच्चित्रेस्फुरसुंदरस्फुटगुणस्मेरायमाणाननानानाभावविनोदिनीहजनकक्षीरोदजातेसदा ॥ २१ ॥ कांच्याद्यारणनंचरंगकरणंमंजीरंमंजुध्वनिंश्रोतुंत्वारंमणोविहारयतितेसामादिगानोद्गतिम् ॥ संगीतंसुरसेवितंचसमयेसीते विदूरेभजन्व्यर्थतत्रचसर्वथा सकुरुतेमानार्हमानप्रदः ॥ २२ ॥ साधर्म्यदवाप्तमात्ममननात्सर्वात्मनातत्रवास्यादित्येवपरीक्षितुंतवसखीः कांतोयदाश्लिष्यति ॥ एकैकांहिविवक्तिचान्यवनितांत्वत्साम्यशंकीतियत्तत्तेमर्मतुदंनमर्ममधुरासुगंधासियन्मथिलि ॥ २३ ॥ पुनः ॥ सदाशिवसंहितायां ॥ उर्वशीमेनकारंभाराधाचंद्रावलीतथा ॥ हेमाक्षेमावरारोहापद्मगंधासुलोचना ॥ २४ ॥ हंसिनीमालिनीपद्माहरिणीमृगलोचना ॥ रामस्यपरिनृत्यंतिगीतवादित्रमोहिताः ॥ २५ ॥

पुनः महारामायणे ।

अनंतसखिभिःसार्द्धरामचंद्रः ससीतया ॥ स्वेच्छयाकुरुतेरामंताःकुजागात्रसंभवाः ॥ २६ ॥ मध्योवयःकिशोरश्चानंतरूपारयुत्तमः ॥ किशोर्यःसकलाःसख्योभूषिताश्चंद्रिकादिभिः ॥ २७ ॥

पुनः ॥ तत्रैव ॥

मुनिवेषधरंरामंनीलजीमूतसन्निभम् ॥ रमतेयोपितीभृनारूपंदृष्ट्वामर्षयः ॥ २८ ॥ इंपद्मास्यकृतोरागोदृष्टानेपामिमांगनिम् ॥ यूयंयन्त्यतगजानंमत्प्रसादेनसांप्रतम् ॥ २९ ॥ रामिनागममूर्तानेस्त्रियोरूपास्तपश्चग्न ॥ अतोदेवीरमुक्रीदारागमनाम्रवर्तेते ॥ ३० ॥ इत्यादि ॥

चौ०—यौतौ अमित ग्रंथ विस्तारः ॥ तिनमहं रामचरित्र अपाग ॥ सो प्रमाण मय मे कलु भावो ॥ नोपरकृपा सदा नवगजोदर ॥ राम रसायन ग्रंथ अनृपा ॥ प्रगट भवो शुभ मंगलदा ॥ यद सुमंथ विरयो जिहि वारन ॥ मुनी सकल मे कर्ग देवान् ॥ ३१ ॥



दो०-येक दिवस मध्याह्न मधि, वालमीकिअभिराम ॥  
 मैं अवलोकन करतहों, सुंदरकांडललाम ॥ ३४ ॥  
 रावण भाषित कटु वचन, जनकसुता कृतखेद ॥  
 सो प्रसंग लखि दुःखते, मो हिय भयो विभेद ॥ ३५ ॥  
 चली अश्रुधारा दृगन, शिथिल भयो तनु मोर ॥  
 कछु आलस आई सुमैं, पौढिरहो तिहि ठौर ॥ ३६ ॥  
 नाहिं जागत सोवत नहीं, और न कछु प्रतक्ष ॥  
 स्वप्न नहीं अचरज महां, मोहिं भयो यह लक्ष ॥ ३७ ॥  
 कानन विशद विशाल तहैं, यक बट वृक्ष ललाम ॥  
 तापर सकल समाज युत, बैठेहैं सिय राम ॥ ३८ ॥  
 तहैं दंपति ढिग मैं खड़े, पैकछु जीय उदास ॥  
 याते हिय अकुलाय मुहि, आई दीह उसास ॥ ३९ ॥  
 सुनि उसास सियराम जू, विहँसे मोदिशि हेरि ॥  
 इक इक फूल कदंबको, दियो दुहुं मुहि फेरि ॥ ४० ॥  
 ताछिन आई एक तिय, लिये चारिकपि संग ॥  
 करन लगी कौतुक विविध, वीनःवजाय सुदंग ॥ ४१ ॥  
 पुनि मोसन सो तिय कही, सिया राम गुण गान ॥  
 तुमहुं करी हिय डुलसिकै, दंपति पद उर आन ॥ ४२ ॥  
 सो सुनिर्क सिय राम दुहुं, मोहिंदई मणिं एक ॥  
 कही लेहु यह कल्पमणि, येही विमल विवेक ॥ ४३ ॥  
 अद्भि सिद्धि वर बुद्धि बहु, मणि प्रभावते होय ॥  
 इतनेमें मुहि धायकै, गहि लीनो कपि दोय ॥ ४४ ॥  
 ताछिन चिरि आये जलद, परनलगी जलधार ॥  
 इने माहिं मोदग गुले, आनंद भयो अपार ॥ ४५ ॥  
 मैं उठि धरो चकित चित, कीनों अमित विचार ॥  
 सिया गम यश कछु रत्नां, यही भयो निरधार ॥ ४६ ॥  
 यह विनायके कनहीं, आचर उर उमगाय ॥  
 गम रसायन नाम दिय, आपदि पन्यो जनाय ॥ ४७ ॥

तव सिय रघुवरकी कृपा, दृढ़ जानी सब भाँति ॥

वर्णन लागो विमल यश, गुप्त प्रगट गुण पौंति ॥ ४८ ॥

चौ०—यातेहं यह ग्रंथ अनृपा ॥ सव सुखदानि सुमंगलरूपा ॥  
जो इहि बाँच सुन सुनाव ॥ दुहूँ लोक आनंद सुपावे ॥ ४९ ॥  
सहित प्रतीति प्रीति युतनेमा ॥ पढ़ सुन होवें सब क्षेमा ॥  
विरुज अंग बल तेज अपारा ॥ वृद्धिलहं संतन परिवारा ॥ ५० ॥  
विद्या विजय विभूति बडाई ॥ सुयश सुबुद्धि सुकृत शुचिताई ॥  
लहि सुख भोगि लोक इहि माहीं ॥ अंतकाल हरिरूप मिलाहीं ॥ ५१ ॥  
रामरसायन मंगलकारी ॥ तन मन धन सुखदानि निहारी ॥  
जो यह पढ़ सुन चितलाई ॥ रामकृपातिहिपर अधिकाई ॥ ५२ ॥  
यामें बहु ग्रंथनके अंगा ॥ धरे यथोचित निराखि प्रसंगा ॥  
छंद अनेक नायिका नायक ॥ अलंकाररसजो जहँ लायक ॥ ५३ ॥  
भाव विविध ध्वनि व्यंग्य घनेरी ॥ कोष व्याकरणशब्द निवेरी ॥  
निज लघु मतिकी गति अनुसार ॥ विरचों ग्रंथ समेत विचारा ॥ ५४ ॥  
पे निज बुधि भरोसं नहिं आवि ॥ लाखि स्वमंदता हिय सकुचावे ॥  
याते सब सज्जन समुदाई ॥ दीन जानिके करौ सहाई ॥ ५५ ॥  
अनुचित मोर क्षमा सब कीजो ॥ जहँ अशुद्ध तहँ शुद्धकरि दीजो ॥  
पे यह सुधि राखियो सदाही ॥ पक्षपात नहिं रंचवनाही ॥ ५६ ॥  
याते विनय करों करजोरी ॥ क्षमियो सकल ढिठाई मोरी ॥  
प्राकृत और संस्कृत दोऊ ॥ कविता भेद लखे जो होऊ ॥ ५७ ॥  
पुनि बहु ग्रंथ प्रसंग निहारे ॥ पक्षवाद जिन दूरहि टारे ॥  
जे ऐसे जन सुमति उत्तका ॥ शुद्ध करें ते याहि निशंका ॥ ५८ ॥  
मैं यह ग्रंथ रचो करि हेतू ॥ सुखी होहिं सुनि बुद्धि निकेतू ॥  
सो सब मैं अभिलाप पुजावों ॥ दीन जानि दाया दरशावों ॥ ५९ ॥

दोहा—पुनि सब सज्जन जननतें, विनय करों करजोरि ॥

रामरसायन देखिकै, मोहिं न दीजो खोरि ॥ ६० ॥

रघुवर प्रेरित शारदा, आय वसी हिय धाम ॥

सोई वर्णन करतहै, सिय सियपति गुणग्राम ॥ ६१ ॥

यही भौति पूरव रचे, बहु विधि ग्रंथ अनेक ॥  
 प्रथम भागके चक्रको, निरखे होत विवेक ॥ ६२ ॥  
 तिनहूँ ग्रंथनके रुचिर, निज विरचित बहु छंद ॥  
 यथा उचित या ग्रंथ में, धरिहौं निरखि प्रबंद ॥ ६३ ॥  
 औरहु विविध प्रसंगके, नूतन छंद प्रबंद ॥  
 रचिहौं प्रेरित भारती, राम चरित निरद्वंद ॥ ६४ ॥  
 प्रगट कियोहै शारदा, पढैं सुनैं हरि भक्त ॥  
 सिया रामजूकी कृपा, ग्रंथ प्रकाशै जक्त ॥ ६५ ॥  
 अव वंदौ श्री अवधपुर, मन वच कर्म समेत ॥  
 जो सिय राम विहार थल, नित्य धाम साकेत ॥ ६६ ॥  
 परहुते पर अवधपुर, जाते परे न और ॥  
 वर प्राचीन प्रमाण है, वर्णनीय बहु ठौर ॥ ६७ ॥

प्र०—अथवर्णवेदे श्रुतिः ।

यायोध्यासर्ववैकुण्ठानामूलाधारः मूलप्रकृतेः परात्परातत्सद्ब्रह्ममया  
 विरजोत्तरादिव्यरत्नकोशाढ्यातस्यानित्यमेवसीतारामविहारस्थल-  
 मस्तीति ॥ १ ॥

पुनः ॥ पद्मपुराणे ॥ श्लोकः ।

श्लोक—विष्णोः पादमवतिकांगुणवर्तीमध्येचकांचीपुरीनाभौ द्वारवर्ती  
 तथाच हृदये मायापुरीपुण्यदाम् ॥ ग्रीवामूलमुदाहरंतिमथुरानासाग्रवा  
 राणसीमेतद्ब्रह्मपदवदंतिमुनयोयोध्यापुरीमस्तके ॥ ३१ ॥ मथुराद्याः  
 पुरःसर्वाअयोध्यापुरदासिका ॥ अयोध्यामेवसेवंतेप्रलयेप्रलयेपिच ॥  
 ३२ ॥ पट्टिर्षसहस्राणिकाशवासेपुयत्फलम् ॥ तत्फलंनिमिषार्धेनकलौ  
 दाशरथीपुरी ॥ ३३ ॥ पुनः ॥ महारामायणे ॥ गोलोकाच्चपरंज्ञेयं  
 साकेतान्तःपुरंप्रियम् ॥ गोप्यागोप्यतरानित्यासायोध्यातीवदु-  
 र्लभा ॥ ३४ ॥ इत्यादि ॥

दोहा—पुनि वंदौ सरयू सरित, राम रूप अभिराम ॥  
 सकल सरितकी शीश मणि, विशद विदित गुणग्राम ६८ ॥  
 सो सरयू तट विशद वर, द्वादश वन अभिराम ॥  
 विमल विशाल अनूप अति, सकल समे सुखधाम ॥ ६९ ॥

द्वादशवननाम ॥ काव्यछंदः ॥

प्रथम-अशोक १ प्रमोद २ बहुरि-संतानक ३ जानौ ॥  
पारिजात ४ मंदार ५ सु-चंदन ६ चंपक ७ मानौ ॥  
रमनक ८ आम्र ९ पलास १० कदम ११ सोहै-तमाल १२ घन ॥  
ये सरयूके तीर अनूपमहैं द्वादश वन ॥ ७० ॥

दोहा-मृदुल भूमि शुचि पुण्य थल, सुंदर दोऊ तीर ॥  
सुर पावनकारी सदा, निर्मल सरयू नीर ॥ ७१ ॥  
नाम लेत नियरात सुख, दुख दुरात दरशात ॥  
परसत पाप नशात जिहि, मज्जत राम मिलात ॥ ७२ ॥  
श्रीसरयू जलपान करि, वसत अवधपुर माँहि ॥  
धन्य अवधवासी सकल, जिन लखि देव सिहाँहि ॥ ७३ ॥  
अवधपुरी सरयू नदी, अवध निवासी तत्व ॥  
विदित प्रमाण पुराणमें, वर्णों महत महत्व ॥ ७४ ॥

पु० ॥ अगस्त्यसंहितायाम् ॥

अयोध्याचपरब्रह्मसरयूःसगुणःपुमान् ॥ तन्निवासीजगन्नाथःसत्यं  
सत्यं ब्रवीमि ते ॥ ३५ ॥ यथासर्वावताराणामवतारीरष्टमः ॥ तथासर्वे-  
पुतीर्थेषुपावनीसरयूसरित् ॥ ३६ ॥ यावन्नजायतेतस्यांस्नानपाननि-  
पेवणम् ॥ तावन्नजानकीनाथेप्राप्यतेभक्तिरुत्तमा ॥ ३७ ॥

पुनः ॥ पद्मपुराणे ॥

मन्वंतरसहस्रेपुकाशीवासेनयत्फलम् ॥ तत्फलंसमवाप्नोतिसरयू-  
दर्शनेकृते ॥ ३८ ॥ प्रयागेयोनरोगत्वामाघानांद्वादशवंसेत् ॥ तत्फला-  
दधिकंप्रोक्तंसरयूदर्शनेकृते ॥ ३९ ॥ मथुरायांकरुणमेकंवसतेमानवो  
यदि ॥ तत्फलादधिकंप्रोक्तंसरयूदर्शनेकृते ॥ ४० ॥ गयाश्राद्धेन  
यत्पुण्यंपुरुषोत्तमदर्शने ॥ तत्फलादधिकंप्रोक्तंसरयूदर्शनेकृते ॥ ४१ ॥  
पुष्करेपुनरोयातिकार्तिक्यांकृत्तिकायुते ॥ तत्फलादधिकंप्रोक्तंसरयू-  
दर्शनेकृते ॥ ४२ ॥ इत्यादि ॥

दोहा-योंहीं अमित प्रमाणहैं, वेद पुराणन माँहि ॥

ग्रंथ अपार अपार वच, कहँलें वर्णें जाँहि ॥ ७५ ॥

नाम रूप लीला बहुरि, धाम राम गुण ग्राम ॥  
 अमित अपार विचार कछु, वरणीं यश अभिराम ॥ ७६ ॥  
 सिय रघुवर वर चरित बहु, सुर मुनि किये वखान ॥  
 ग्रंथ लखौ प्राचीनते, जानौ परम प्रमान ॥ ७७ ॥  
 इति श्रीमद्रसिकविहारीविरचिते श्रीमद्रामरसायने प्रथमविधाने द्वितीयो  
 विभागः ॥ २ ॥ इति श्रीमद्रसिकविहारीविरचिते श्रीमद्रा-  
 मरसायने निर्णय वर्णनोनाम प्रथमोविधानः ॥ १ ॥

### अथ जन्मविधानप्रारंभः ।

दोहा—श्रीसीतावर सहित पुनि, लपण समीर कुमार ॥  
 पुर परिजन संयुत सबहिं, बंदौ वारंवार ॥ १ ॥

चौ०—अब वणतहौं कथा प्रसंगा ॥ जाते होय अनंद अभंगा ॥  
 बीच बीच पुनि थल अनुमाना ॥ धरिहौं वर प्राचीन प्रमाना ॥ २ ॥  
 नाय संत गुरु द्विज पद माथा ॥ विरचौं सिय रघुवर गुण गाथा ॥  
 सकल दोष दुख विघ्न विहाई ॥ राम कृपा सदग्रंथ बनाई ॥ ३ ॥

दोहा—प्रथम करौं श्रीरामकी, वंशावली बखान ॥  
 ता पाछे पुनि होय बहु, विशद कथाको गान ॥ ४ ॥

अथ वंशावली ।

नारायण १ की नाभिते—कमल २ प्रगटभो आन ॥ ताते पुनि—  
 ब्रह्मा ३ भये, विरचो सकल जहान ॥ ५ ॥ ब्रह्मातेसु—मरीचि ४ भे,  
 तिनके—कश्यप ५ मान ॥ कश्यपके—सूरज ६ प्रगट, सूरजके—मनु ७  
 जान ॥ ६ ॥ मनुकेहैं—इक्ष्वाकु ८ सुत, तिनके—कुच्छ ९ विचार ॥ ति-  
 नके भये—विकुच्छ १० पुनि, तिनके—वान ११ निहार ॥ ७ ॥ वान  
 पुत्र—अनरन्य १२ नृप, तिनके—पृथु १३ पृथिपाल ॥ तिनके भये—  
 विशंकु १४ जो स्वतनुस्वर्गगे हाल ॥ ८ ॥ धुंधुमार १५ तिनके भ-  
 ये, तिनकेहैं—युवनाश्व १६ ॥ मांधाता १७ तिनके सुजिन; भजीधरा  
 सरवस्व ॥ ९ ॥ तिनकेभये—सुसांधि १८ पुनि, तिनकेहैं—ध्रुवसांधि ॥  
 ११९ ॥ तिनके—भरत २० सुजासुकी, फैलि रही यश गांधि ॥ १० ॥

येद्वै गुरु प्रोहित सुवे. मन्त्री आठ महान ॥  
 दश दशरथ महाराजके, राज काज कर जान ॥ २७ ॥  
 सुरपुर नरपुर नागपुर, अवध नाथ आधीन ॥  
 सकल सुखी सब भौंति नृप, आज्ञा पाल प्रवीन ॥ २८ ॥  
 श्रीदशरथ महाराजको, अनुपम साज समाज ॥  
 तेज स्वरूप प्रताप बल, शोभित सुयश, दराज ॥ २९ ॥

घनाक्षरी कवित्त ।

जाको नाम प्रगट प्रताप तिहुँ लोकनमें रहत सशंक दिगपाल  
 लोकपाल सब ॥ चलत चमूके हियहुके होतभूके अति उठत भभूके  
 शेषजूके शीश हाल तब ॥ राजनके राजा महाराजा दश स्यन्दनजू  
 कढत सवारी घनी शस्त्र नोकशाल जब ॥ रसिक विहारी अवधेश  
 चक्र वैनरेश सोहै और कोहै जौन जोहै झोकजाल अब ॥ ३० ॥  
 कर कर होतहै कठोर पीठ कच्छपकी थर थर कैपतहै ग्रीवा अहिराज  
 की ॥ तर तर शब्द होत दाढतें वराह हुके धर धर छाती धरकात गज-  
 राजकी ॥ छाय जात धूरि नभ मण्डल छिपाय जाति आसन डगाय  
 जात शिव सुरराजकी ॥ रसिकविहारी जै जै सोर सरसाय जात  
 कढत सवारी जब रघुकुल राजकी ॥ ३१ ॥ जाकी ओर भूलिहु  
 कृपाकी कोर कीनी भूप ताके दुख दारिद परायकै जनी भये ॥ जाहीके  
 भरोसे सुरपालहुँ निशंक रहैं जाके तेज पुञ्ज शेष सहस्र फनी भये ॥  
 रसिकविहारी ऐसे भयेहैं न ह्वैहैं अब जैसे अवधेश धर्म थपन पनी  
 भये ॥ जाकी प्रभुताई दई पाई प्रभुताई सब जाके धन दीनेसे कुवे-  
 रहू धनी भये ॥ ३२ ॥

सो०-ऐसो अमित प्रताप, श्रीदशरथ महाराजको ॥

सो कौशलपुर आप, रैन दिवस पालत प्रजहि ॥ ३३ ॥

चौ० अवधपुरी दशरथ रजधानी ❀ जिहि लखि अमरावती लजानी ॥  
 चहुँदिशि विशद विचित्र ललामा ❀ सदन सरित सरमग आरामा ३४  
 उत्तर अरु दक्षिण दिशि माँहों ❀ योजन तीन प्रमाण रहाँहों ॥  
 पुनि पूरव पश्चिम दिगजोहै ❀ द्वादश योजन अवध वसोहै ॥

रुद्र याम लहि देखिये, तहँ बहु करि निरधार ॥  
अवध नगर वृत्तांत सब, लिखो सहित विस्तार ॥५७॥

प्र० ॥ रुद्रयामले ।

अयोध्यायांप्रदृश्यंतेपंचकोटिशतानिच ॥ प्रासादाश्चमहाभागेअ-  
र्बुदान्येकविंशतिः ॥ १ ॥ तन्मध्येराजराजस्यराजतेराजमंदिरम् ॥  
सुविभागमहाकक्षंताराणामिव चंद्रमाः ॥ २ ॥ इत्यादि ॥

दोहा-वर्णन कौशल नगरको, करौ कहा : मैं मंद ॥  
शारद शेष गणेशहू, भाषि न सकाहँ सुछंद ॥ ५८ ॥  
जहाँ चक्रवर्ती नृपति, श्रीदशगंध महाराज ॥  
धर्मराज संतत करत, सकल भूष शिरताज ॥ ५९ ॥  
पुर परिजन संयुत नृपति, रहन सदा सानंद ॥  
विपुल विलास विभूति मय, राज्य करत निरद्वंद ॥ ६० ॥

इति श्रीरामरसायन द्वि० वि० अवधराज श्रीवर्णनोनाम

प्रथमोविभागः ॥ १ ॥

दोहा-धर्म धुरंधर भूपवर, दानी परम प्रवीन ॥

प्रवल चक्रवर्ती सदा, तिहँ पुर जिहि स्वाधीन ॥ १ ॥

चौ० सोइकदिनदशरथमहिपाला ॐ मुकुरलखो निजवदन विशाला ॥  
वृद्ध बैस चिह्नित तनु देखी ॐ नृपद्विय चिंता भई विशेषी ॥ २ ॥  
गौती वय किशोर तरुणाई ॐ आय वृद्धता अंगन छाई ॥  
अजहूँलौ सुत एकहु नाहौ ॐ पुत्रहीन यह राज्य वृथाहौ ॥ ३ ॥  
इमिससोचनृप सचिवसनेना ॐ आतुर गये वसिष्ठ निकेता ॥  
गुरुहि पूजिपद धरिनिज शीशा ॐ विनय करी कर जोरि महीशा ॥ ४ ॥  
सुनिनृपविनयमुदितमुनिज्ञानी ॐ बोलि विकालज्ञ वर दानी ॥  
पद मूल तय पुत्र भुवाला ॐ हँहँ अनि सत्रिधि बह काला ॥ ५ ॥  
सुनि परचनमुदितद्वियभयउ ॐ गुरुहि वंदि भूपति गृह गवड ॥  
तरो सुमंत रदानि लखि भूषा ॐ वर्गी पूरव कथा अनुवा ॥ ६ ॥  
अंग देश तुय सत्ता मुदेशा ॐ रोमपाद वर्यवत नेग्या ॥





अश्वमेध मख सविधि करायो ॐ पुत्र हेतु पुनि यज्ञ दिढायो ॥  
दे मंत्र मय आहुति दीनी ॐ सकल सुरीति यथोचितकीनी २१ ॥

सो०-ता छिन समय निहार, अग्निदेव नररूप धरि ॥

लैकर पायस थार, यज्ञ कुण्डते प्रगटभे ॥ २२ ॥

ऋषिहि दयो सो आय, ऋषि दीनों नरनाथको ॥

भूपति उठि हरपाय, लीनों शीश चढाय कर ॥ २३ ॥

सो पायस ले भूप, चारि भाग कीने उचित ॥

यथायोग लखि रूप, तिहुँ पटरानिनको दये ॥ २४ ॥

सब पायसको अर्थ, सो नृप कौशल्याहि दियो ॥

शेपरहो तिहि अर्थ, दयो कैकयिहि मुदितहै ॥ २५ ॥

शेप रहो पुनि ताहि, करि द्वै भाग महीप मणि ॥

दयो सुमित्रहि चाहि, लहि तिहुँ तिय प्रमुदित भई ॥ २६ ॥

संयुत प्रीति प्रतीति, रानी कौशल्यादि तिहुँ ॥

पायस पाय पुनीत, भई गर्भवती रुचिर ॥ २७ ॥

जादिनते नृपतीय, तिहुँ गर्भवती भई ॥

ता दिनते सब हीय, पुर परिजन प्रमुदित महा ॥ २८ ॥

शिव विरंचि सुरराय, संयुत सुर ऋषि नाग सब ॥

नित प्रति हिय हुलसाय, राम दरश आशा लगी ॥ २९ ॥

अमित देव नर नारि, धरि मानुष वपु अवधमें ॥

वसे अनंद विचारि, राम जन्म सुख लखन हित ॥ ३० ॥

इति श्रीरामरसायन द्वि० वि० दशरथयज्ञवर्णनो

नाम द्वितीयोविभागः ॥ २ ॥

चौपाई-अब वर्णों सो सहित उमंगा ॐ विधि प्रेरित जो देव प्रसंगा ॥

जब दशरथ नृप यज्ञ सुठाना ॐ अश्वमेध वर विधि अनुमाना ॥ १ ॥

तवते प्रथम विरंचि विचारी ॐ प्रगटे राम अवध सुखकारी ॥

तिहुँ लोकको सब दुख हरिहैं ॐ अतिविचित्र लीला बहु कांहैं ॥ २ ॥

याते सुर गंधर्व मुनागा ॐ निज अंशन युत सकल सभागा ॥

प्रगटि वसैं महि जहैं तहैं जाई ❀ वानर ऋक्ष मनुज समुदाई ॥ ३ ॥  
जो विचारि विधि आयसु दीनी ❀ सो सब उचित शीश धारि लीनी ॥  
रूप तेज गुण बल जिहि जैसे ❀ प्रगटे विविध अंशते तैसे ॥ ४ ॥  
दोहा-प्रथम भये विधि अंशते, जाम्बवंत ऋच्छेश ॥

वाली सुरपति तेजते, कपिपति प्रगट सुदेश ॥ ५ ॥

भानु अंश सुग्रीव भे, सुरगुरुते कपि तार ॥

बहुरि गंधमादन लखौ, अंश कुबेर सुदार ॥ ६ ॥

विश्वकर्माके अंश नल, अनल तेज कपि नील ॥

हैं अश्विनीकुमार ते, द्विविद मयंद सुशील ॥ ७ ॥

पुनिसुखेन वर वरुण ते, शंभु अंश हनुमान ॥

धीर वीर तिहुँ लोकमें, जा सम कोउ न आन ॥ ८ ॥

इच्छा तनुधारी सकल, तिहुँ पुर चारी कीश ॥

यदपि तदपि हनुमंत गुण, सवते अधिक सुदीस ॥ ९ ॥

अतिसमर्थ बल तेजनिधि, कपि केसरी कुमार ॥

जन्म कथा तिनकी कछु, कहीं सुमति अनुसार ॥ १० ॥

चौ०-कपि बलवंत केसरीनामा ❀ तिनकी तिय अंजनीललामा ॥

वर वानरी स्वइच्छाचारी ❀ एकदिवस सो हर्षितभारी ११ ॥

करि वृंगार मानुषी रूपा ❀ विचरतही गिरि शिखर अनूपा ॥

नखशिख सकल अंग शुचि सोहे ❀ तिहि लखि पवन देव मन मोहे १२ ॥

आय वेग करि तिहि तनु परसो ❀ मनसिज अंग अंग अति सरसो ॥

तिनहिं देखि अंजनी रिझानी ❀ बोली बिलखि क्रोधमय वानी १३ ॥

देन मंदमति यह कह कोनो ❀ सब मम कर्म धर्म हरि लीनो ॥

कहो मुनि अंजनि वानी ❀ तुम सुंदरी बृथा रिस ठानी १४ ॥

न अयमं किया तुम पाँहीं ❀ पतिव्रत भंग भयो कछु नाहीं ॥

मुदिन यह मन बदना ❀ पैदो सुत मोसम बलवाना १५ ॥

पान पानन सुनि केसरि नागि ❀ सकुनो प्रगट हिये मुद भारी ॥

भई न नमं अंजनी स्वदी ❀ प्रतिदिन द्विगुन तेज तनु तवहीं १६ ॥

योहीं गर्भ समय सब बीता \* आयो कातिकमास पुनीता ॥  
 तिथी चतुर्दशि मंगल वारा \* असितपक्ष दिन अंत विचारा १७ ॥  
 स्वातीनखत लगन शुभ मेपा \* ग्रह बलिष्ठ सब योग विशेषा ॥  
 भई अंजनी तवाहि प्रसूता \* प्रगटो सुंदर पुत्र अभूता ॥ १८ ॥  
 कंचन वर्ण सुअंग अनूपा \* अतिचंचल तनु पुष्ट सुरूपा ॥  
 लाखि अंजनी पुत्र हरपानी \* जानी सत्य पवनकी वानी ॥ १९ ॥  
 प्रसव अंत लागि धुधा विशेषी \* अंधकार कानन निशि देखी ॥  
 विन जल फल सब रौनि विताई \* प्रात होत आतुर उठि धाई ॥ २० ॥  
 सुताहि त्यागि तहँ जाय उताला \* खोजत फिरत अहार विहाला ॥  
 सरस पत्र फल फूल सुहाये \* इत उत धाय उदर भरि खाये २१ ॥  
 इत विन मात बालकपि रौवै \* विलम भयो बहु धुधा विगोवै ॥  
 ता छिन प्रगट भये रवि आई \* अरुण वर्तुलाकार सुहाई ॥ २२ ॥  
 अंजनि पुत्र धुधातुर भारी \* लखे पक्ष फल सरिस तमारी ॥  
 तडाकि तडाक भानु गहि लीनो \* बाल बुद्धि भ्रम कछु नाचीनो २३ ॥  
 जा छिन रविहि गहो कपिवाला \* ताछिन रहो ग्रहणको काला ॥  
 आयो भानु निकट द्रुत राहु \* सो लखि भयो क्रोध उर दाहू २४ ॥  
 पै लखि पवनपुत्र बल भारी \* गयो इंद्र दिग वेगि सुरारी ॥  
 कहे सुरेशहि वचन रिसाई \* अब विरंचि नव सृष्टि बनाई ॥ २५ ॥  
 दूजो राहु आज रवि तोप्यो \* मेरो सकल पराक्रम लोप्यो ॥  
 सुनि सुरपतिलै कुलिश कराला \* चढि ऐरावत चले उताला २६ ॥  
 संग राहु वासव तहँ आये \* जहँ केशरी सुवन रवि छाये ॥  
 दूरहि लेखि राहुहि श्यामा \* कपि तिहि फल जानौ अभिरामा २७ ॥  
 रवि तजि गहो राहुको धाई \* सो लखिके धाये सुरराई ॥  
 आवत उज्ज्वल गज कपि देखो \* ऐरावतहि शुभ्र फल लेखो ॥ २८ ॥  
 तजि सिंहिका सुतहि तिहि छाये \* सुरपति गज गहिवेको धाये ॥  
 आवत देखि बाल कपि योधा \* मारो कुलिश इन्द्र करि क्रोधा २९ ॥  
 बज्र घात पीडित कपि बाला \* आय गिरे गिरिपर बेहाला ॥  
 लागत सुरपति कुलिश अभंगा \* किंचित भयो वाम हनु भंगा ३० ॥

प्रगाटि वसैं माहि जहैं तहैं जाई ❀ वानर ऋक्ष मनुज समुदाई ॥ ३ ॥  
जो विचारि विधि आयसु दीनी ❀ सो सब उचित शीश धरि लीनी ॥  
रूप तेज गुण बल जिहि जैसे ❀ प्रगटे विविध अंशते तैसे ॥ ४ ॥

दोहा—प्रथम भये विधि अंशते, जाम्बवंत ऋच्छेश ॥

वाली सुरपति तेजते, कपिपति प्रगट सुदेश ॥ ५ ॥

भानु अंश सुग्रीव भे, सुरगुरुते कपि तार ॥

बहुरि गंधमादन लखौ, अंश कुबेर सुढार ॥ ६ ॥

विश्वकर्माके अंश नल, अनल तेज कपि नील ॥

हैं अश्विनीकुमार ते, द्विविद मयंद सुशील ॥ ७ ॥

पुनिसुखेन वर वरुण ते, शंभु अंश हनुमान ॥

धीर वीर तिहुँ लोकमें, जा सम कोउ न आन ॥ ८ ॥

इच्छा तनुधारी सकल, तिहुँ पुर चारी कीश ॥

यदपि तदपि हनुमंत गुण, सबते अधिक सुदीस ॥ ९ ॥

अतिसमर्थ बल तेजनिधि, कपि केसरी कुमार ॥

जन्म कथा तिनकी कछु, कहौं सुमति अनुसार ॥ १० ॥

चौ०—कपि बलवंत केसरीनामा ❀ तिनकी तिय अंजनीललामा ॥

वर वानरी स्वइच्छाचारी ❀ एकदिवस सो हर्षितभारी ११ ॥

करि शृंगार मानुषी रूपा ❀ विचरतही गिरि शिखर अनूपा ॥

नखशिख सकल अंग शुचि सोहे ❀ तिहि लखि पवन देव मन मोहे १२ ॥

आय वेग करि तिहि तनु परसो ❀ मनसिज अंग अंग अति सरसो ॥

तिनहि देखि अंजनी रिसानी ❀ बोली बिलखि क्रोधमय बानी १३ ॥

देव मंदमति यह कह कीनो ❀ सब मम कर्म धर्म हरि लीनो ॥

पवन कदो सुनि अंजनि बानी ❀ तुम सुंदरी वृथा रिस ठानी १४ ॥

हाँ न अधम कियो तुम पाँहीं ❀ पतिव्रत भंग भयो कछु नाहीं ॥

लेहु मुदित यह मम बरदाना ❀ पेहो सुत मोसम बलवाना १५ ॥

पवन वचन सुनि केसरि नारी ❀ सकुची प्रगट हिये मुद भारी ॥

भई स गर्भ अंजनी जवहीं ❀ प्रतिदिन द्विगुन तेज तनु तवहीं १६ ॥

हीं गर्भ समय सब बीता \* आयो कातिकमास पुनीता ॥  
 नेथी चतुर्दशि मंगल वारा \* असित पक्ष दिन अंत विचारा १७ ॥  
 चातीनखत लगन शुभ मेपा \* ग्रह वलिष्ठ सब योग विशेषा ॥  
 मई अंजनी तवाहिं प्रसूता \* प्रगटो सुंदर पुत्र अभूता ॥ १८ ॥  
 कंचन वर्ण सुअंग अनूपा \* अतिचंचल तनु पुष्ट सुहृपा ॥  
 लाखि अंजनी पुत्र हरपानी \* जानी सत्य पवनकी वानी ॥ १९ ॥  
 प्रसव अंत लागि क्षुधा विशेषी \* अंधकार कानन निशि देखी ॥  
 विन जल फल सब रौनि विताई \* प्रात होत आतुर उठि धाई ॥ २० ॥  
 सुताहि त्यागि तहँ जाय उताला \* खोजत फिरत अहार बिहाला ॥  
 सरस पत्र फल फूल सुहाये \* इत उत धाय उदर भरि खाये २१ ॥  
 इत विन मात वालकपि रोवै \* विलम भयो बहु क्षुधा विगोवै ॥  
 ता छिन प्रगट भये रवि आई \* अरुण वर्तुलाकार सुहाई ॥ २२ ॥  
 अंजनि पुत्र क्षुधातुर भारी \* लखे पक फल सरिस तमारी ॥  
 तडाकि तडाक भानु गहि लीनो \* वाल बुद्धि भ्रम कछु नार्चीनो २३ ॥  
 जा छिन रविहि गहो कपिवाला \* ताछिन रहो ग्रहणको काला ॥  
 आयो भानु निकट द्रुत राहु \* सो लखि भयो क्रोध उर दाहू २४ ॥  
 पै लखि पवनपुत्र बल भारी \* गयो इंद्र ढिग वेगि सुरारी ॥  
 कहे सुरेशहि वचन रिसाई \* अव विरंचि नव सृष्टि बनाई ॥ २५ ॥  
 दूजो राहु आज रवि तोप्यो \* मेरो सकल पराक्रम लोप्यो ॥  
 सुनि सुरपतिलै कुलिश कराला \* चढि ऐरावत चले उताला २६ ॥  
 संग राहु वासव तहँ आये \* जहँ केशरी सुवन रवि छाये ॥  
 दूरहिते लखि राहुहि श्यामा \* कपि तिहि फल जानी अभिरामा २७ ॥  
 रवि तजि गहो राहुको धाई \* सो लखिके धाये सुरराई ॥  
 आवत उज्ज्वल गज कपि देखो \* ऐरावतहि शुभ्र फल लेखो ॥ २८ ॥  
 तजि सिंहिका सुताहि तिहि छाये \* सुरपति गज गहिवेको धाये ॥  
 आवत देखि वाल कपि योधा \* मारो कुलिश इन्द्र करि क्रोधा २९ ॥  
 वत्र घात पीडित कपि वाला \* आय गिरे गिरिपर बेहाला ॥  
 लागत सुरपति कुलिश अभंगा \* किंचित भयो वाम दनु भंगा ३० ॥

दोहा—पवन देखिं निज सुत विकल, अंक उठायो धाय ॥  
 तिहि लै बैठे कुपित है, गिरि कन्दर दुरि जाय ॥ ३१ ॥  
 मरुत कोपते जीव सब, विकल भये तिहुँ लोक ॥  
 प्रलयकाल आयो अवै, यों अकुलात सशोक ॥ ३२ ॥  
 सब इन्द्रिय मग रुद्ध भे, नेक न पवन प्रचार ॥  
 प्राण कण्ठगत छिनकमें, भये जीव गणझार ॥ ३३ ॥  
 सकल सुरासुर विकल है; आरत करत पुकार ॥  
 लखि कलेश सब अमर युत, वेगि चले करतार ॥ ३४ ॥  
 जहां पवन निज पुत्र युत, रहे कन्दरा धाम ॥  
 शिव विरंचि आदिक सकल, सुर आये तिहि ठाम ३५ ॥  
 पवन हेरि सुर मण्डली, उठे सुतहि लै अंक ॥  
 करि प्रणाम विधि चरणपै, पुत्रहि धरा निशंक ॥ ३६ ॥  
 तव करता करिकै कृपा, कर फेरो शिशुमाथ ॥  
 पुत्र भयो प्रमुदित पवन, जान्यो जन्म सनाथ ॥ ३७ ॥  
 अति प्रसन्न है वायु तव, कियो लोक सञ्चार ॥  
 विरुज भये सब जिविगण, लहों अनन्द अपार ॥ ३८ ॥  
 मुदित देव गण जीव सब, जाने विगत कलेश ॥  
 स्वारथ परमारथ मिलित, बोले वचन सुदेश ॥ ३९ ॥  
 सकल देव मिलि दीजिये, मारुति हित वरदान ॥  
 तव मधवा बोले मुदित, संयुत अर्थ प्रमान ॥ ४० ॥  
 बंक भयो हनु वज्रते, याते कपि सुत नाम ॥  
 ख्यात रहे हनुमान इव, होय तेज बल धाम ॥ ४१ ॥  
 पुनि प्रसन्न मम दत्तवर, यह हनुमत हित जान ॥  
 अमर सदा मो वज्रते, रहे अमित बलवान ॥ ४२ ॥  
 पुनि दिनेश निज कलन ते, दीनों सन कल अंश ॥  
 परमप्रज्ञाशिन अंगभो, हनुमत कपि अवतंश ॥ ४३ ॥  
 कहे भानु पुनि होय जब, सत वर्ष हनुमान ॥  
 तब हम देखें इनहि वर, सकल सुविद्यादान ॥ ४४ ॥

प्रमुदित वर दीनों वरुण, हनुमन्तहि सुखदाय ॥  
जलते अरु मम पाशसे, रहै अवध्य सदाय ॥ ४५ ॥  
यम बोले हरपाय नित, निरुज रहै बलवन्त ॥  
पुनि अवध्य मम दण्डते, विचरै सकल दिगन्त ॥ ४६ ॥  
हनुमन्तहि पुनि विशद वर, दीनो मुदित कुंवर ॥  
चण्ड गदाते अमर ह्वै, कपि विचरै चहुँ फेर ॥ ४७ ॥  
हैं त्रिशूल आदिक विविध, जो मम शस्त्र सुझारि ॥  
तिन सब ते कपि अमर यों, वर दीनो त्रिपुरारि ॥ ४८ ॥  
कहो विश्वकर्मा हरपि, मम कृत जिते हथियार ॥  
अमर होय तिन सवनिते, सन्तत पवनकुमार ॥ ४९ ॥  
वर विरंचि दीनो हरपि, ब्रह्मदंड सब जोय ॥  
हनूमान तिनते सदा, अवशि अवध्य सुहोय ॥ ५० ॥  
पुनि विधि बोले मरुत प्रति, हो तव पुत्र अजेय ॥  
चिरजीवी बलवन्त शुचि, रहै सदा मति श्रेय ॥ ५१ ॥  
मित्रपाल होवै अमित, कामरूप रिपु शाल ॥  
वर त्रिलोकगामी प्रबल, पूज्य अंजनी लाल ॥ ५२ ॥  
याविधि सुखर दै कपिहि, गये सु निज निज धाम ॥  
वन विचरत निश्चिंत नित, पवनपुत्र अभिराम ॥ ५३ ॥

चौपाई-देवरदान गये सुरजवते ❀ प्रतिदिन बढ़ै तेज बल तवते ॥  
हनूमान निज इच्छाचारी ❀ विचरत चहुँ नित विपिन मँझारी ५४  
कपि चंचल पुनि बालनिशंका ❀ वर प्रभाव अतुलित बलवन्का ॥  
जाय नित्य शिशु केलि करार्हीं ❀ सो लखि वनचर अपर डरार्हीं ५५  
तरु उखारि नभ ओर चलावैं ❀ धरि इलाय गिरि शिखर ढहावैं ॥  
कूदैं किलकि चढ़ैं द्रुम जाई ❀ मयै सर सरिता जल धाई ॥ ५६ ॥  
जाय मुनिनके आश्रम मारहीं ❀ लेवलकल मृगचर्म पराहीं ॥  
काहू परन कुटी झकझोरैं ❀ काहू नीर पात्र गहि ढोरैं ॥ ५७ ॥  
काहूकी पादुका बहावैं ❀ काहूके फल फूल नशावैं ॥  
जो कोऊ ऋषि रंचहु डाटैं ❀ तो तिहि धाय कोप करि काटैं ५८

भय वश रहैं सवै चुप साधी ❀ पवनसुवन नित करैं उपाधी ॥  
 भये विकलऋषिगण वनवासी ❀ भृगु अंगिरा आदि तपरासी ॥६९॥  
 ते त्रिकालदर्शी मुनि ज्ञानी ❀ ज्ञान दृष्टि कपिवर गति जानी ॥  
 रहे मष्ट कछु दिवस बहोरी ❀ हनुमान निज वानि न छोरी ६०॥  
 सबही भयेविकल अतिजबहीं ❀ दीनों शाप क्रोध करि तबहीं ॥  
 पवनपुत्र बल विस्मृत रहई ❀ संतत सरल चित्त निरवहई ॥६१॥  
 जब कोऊ बल सुरति करावै ❀ तबहिं वीरता कपि तनु आवै ॥  
 इमि शापित है पवनकुमारा ❀ भूले निज बल सकल अपारा ६२॥  
 शांत रूप विचरै वन माहीं ❀ कबौ न कछु मुनि विघ्न कराही ॥  
 इहिविधि सप्त वर्ष वय वीती ❀ रहत सदा शाखामृग रीती ॥६३॥  
 अष्टम वर्ष प्रवेश विचारी ❀ बोले पवन समय अनुहारी ॥  
 जाहु पुत्र दिनकरके पासा ❀ करौ सकल विद्या अभ्यासा ॥६४॥  
 तुम्हैं जबहिं सब सुरवर दीना ❀ तबहीं यह दिनेश प्रण कीना ॥  
 हम वर विद्या सकल पढ़ैहैं ❀ वेद शास्त्र गुण विविध सिखैहैं ६५॥  
 सुनि पितु वचनमौन हनुमाना ❀ सो लखि पवन आचरज माना ॥  
 बोले मरुत सुवैन बहोरी ❀ जान्यौ बाल केलि मत भोरी ६६॥  
 पुत्र सु बाल बुद्धि परिहरहू ❀ विक्रम बल विद्या उर धरहू ॥  
 यदपि देव वर विदित प्रभावा ❀ बालकेलि कल्पित तुम पावा ६७॥  
 तदपि परम उत्तम यह बाता ❀ रवि ढिग जाहु पढ़न हित ताता ॥  
 है मम सुत मोसम बलवाना ❀ रवि ढिग गमन सुनत चुपठाना ६८॥  
 केलि कलोल वीरता करहू ❀ रवि तम गज गहिवे नभ चरहू ॥  
 विद्या पढ़न हेतु हरि पासा ❀ जात होत हिय अधिक हिरासा ६९॥  
 सुनि पितु वचन वीरता वाढ़ी ❀ भई पुच्छ रोमावलि ठाढ़ी ॥  
 नभ दिशि देखि हर्षि हनुमाना ❀ तमकि गगन कूदें बलवाना ७०॥  
 परे जाय उदयाचल वंका ❀ तेज पुंज कपि निपट निशंका ॥  
 औचक देखि दिनेश डराने ❀ पुनि धरि धीर भानु पहिचाने ७१॥  
 धाय गहे रविपद हनुमंता ❀ दिनमणि आशिष दीन अनंता ॥  
 कर जोर केशरी वारे ❀ मृदुल नम्र वर वचन उचारे ७२॥



तु सिखदै प्रभु पास पठायो ❀ गुरुपद रज सेवन में आयो ॥  
 खि सेवक हरि कृपा करीजे ❀ विद्यादान मुदित मुहिं दीजे ७३  
 नि कपि वचन प्रसन्न तमारी ❀ एवमस्तु वर गिरा उचारी ॥  
 गपति बोले वचन बहोरी ❀ पवनपुत्र तव वय अति थोरी ७४  
 म रथ कवहुँ रहत थिर नाहीं ❀ अमित वेग वर वाजि चलाहीं ॥  
 ललत संग अतिही श्रम पैहो ❀ किहिविधि विद्यामें चितदैहो ७५  
 घनाक्षरी कवित ।

गम क्रोध लोभ मोह विवश प्रमादी मूढ़ संतत दरिद्री दुःखी मत्त  
 द भावैहै ॥ मानी अभिमानी व्यग्रचंचल अयान अति कृपण कुसंगी  
 ओच सकुच रहावैहै ॥ आलसी अभागी अनचाही अनाचारी बहु स-  
 ज अनौसरी अर्धार अकुलावैहै ॥ रसिकविहारी भनै भानु हनुमान  
 गुनौ येतनको पूरी वर विद्या नाहिं आवैहै ॥ ७६ ॥

सो०—भानु वचन सुनि वीर, नाथ शीश कर जोरि दुहुँ ॥

बोले हरपि सुधीर, नाथ कही सो सत्य सव ॥ ७७ ॥  
 मो लघुमति अनुसार, मैं निज हिय दृढ़ कीन यह ॥  
 गुरुकी कृपा अपार, अगम होय सो सुगम अति ॥ ७८ ॥  
 मोहिं दास दृढ़ जानि, नाथ साथ निज लीजिये ॥  
 वर विद्या शुभ दानि, कृपा दृष्टि करि दीजिये ॥ ७९ ॥  
 यौहीं बहु वतरात, वात जात अति दूरलों ॥  
 पिछले पगन चलात, गगन गये रवि संगही ॥ ८० ॥  
 सो गति देखि दिनेश, कृपा सहित अति मुदितहूँ ॥  
 करन लगे उपदेश, वेद शास्त्र विद्या विशद ॥ ८१ ॥  
 रवि रथ आगे वीर, चलत पाछिले पगनतें ॥  
 विद्या पढ़ी सुधीर, स्वरूप दिवसमें पवन सुत ॥ ८२ ॥  
 सामादिक चहुँ वेद, व्याकरणादिकशास्त्र पट ॥  
 संयुतं सकल विभेद, पट्टि रविते कपि निपुणभे ॥ ८३ ॥  
 विद्या विशद अनूप, तेज धाम कपिको दई ॥  
 सुमति तेज चलरूप, लखि सब देव सराह्यो ॥ ८४ ॥

पुनि आदित्य दयाल, कह्यो जाहु कपि निज भवन ॥  
 वर विद्या सबकाल, अनभ्यास जनि राखियो ॥ ८५ ॥  
 गुरु आयसु धरि माथ, चरण वंदि बुधिमंत कपि ॥  
 कही जोरि युग हाथ, नीत प्रीत संकोच युत ॥ ८६ ॥  
 दोहा—नाथ कृपा करि मुहिं दर्द, विद्या विमल अपार ॥  
 गुरुतें उरण तौन जो, सेवौ जन्म हजार ॥ ८७ ॥  
 पै मर्याद प्रमाण यह, प्रभुहि विदित सब सोय ॥  
 विन दीने गुरु दक्षिणा, विद्या सफल न होय ॥ ८८ ॥  
 याते प्रभु करिकै कृपा, यथाशक्ति अनुमान ॥  
 लीजे कछु गुरु दक्षिणा, मुहि निज सेवक जान ॥ ८९ ॥  
 पवनपुत्रके वचन सुनि, बोले तेज निकेत ॥  
 सत्य धर्म मर्याद यह, भापी सुमति सचेत ॥ ९० ॥  
 निरखि शक्ति तुव पवनसुत, हम जो करहिं रजाय ॥  
 देहु वही गुरुदक्षिणा, मम हिय अति हुलसाय ॥ ९१ ॥  
 अंशुमान हनुमान प्रति, भापो सहित सनेह ॥  
 वीर धीर गुरु दक्षिणा, प्रीति सहित यह देह ॥ ९२ ॥

घनाक्षरी कवित्त ।

दुष्ट दल दंडिवेको रहियो उदंड चंड मंडितहैं कीजो बल खंडित  
 सुरारीको ॥ सकल दराज साज साज राम काज काज संयुत समाज  
 सुख दीजो धनुधारीको ॥ तुम हनुमान बलवान वर बुद्धिमान हूजो  
 अनुरक्त भक्त जक्त रखवारीको ॥ देश परदेशमें हमेश सब भांति  
 घनो राखियो आनंद सदा रसिकविहारीको ॥ ९३ ॥

चौ०-याँ कहि पुनि बोले दिनराई ❀ परम प्रीति संयुत हुलसाई ॥  
 यह रजाय दृढ गहो हमारी ❀ येही गुरु दक्षिणा तिहारी ॥ ९४ ॥  
 सुनि गुरु आयसु कपि गुणवंता ❀ दृढ करि हिय धरि लई तुरंता ॥  
 निरखि दिवाकर कपि धुरधर्मा ❀ है प्रमुदित वर दयो सुपर्मा ॥ ९५ ॥  
 फलित होय विद्या तुव कीशा ❀ पूरण कृपा करें जगदीशा ॥  
 जे जन तुव सेवा चित लावें ❀ ते सब निज इच्छित फल पावें ॥ ९६ ॥

यों कहि कपि शिरपर कर फेरो ❀ कृपा सहित सिखदै बहुतेरो ॥  
 विदा किये हनुमंतहि ईशा ❀ चलेहरपि गुरुपद धरि शीशा ९७  
 कूवि कुधर अस्ताचल पाहीं ❀ नभ मार्गहैं छिन माहीं ॥  
 आय दुहूँ पद माथ नवायो ❀ पितु जननी सुत लखि सुख पायो  
 विचरत सुख युत इच्छाचारी ❀ तिहूँ लोक मुद मंगल करी ॥  
 रामचंद्र दर्शनकी आसा ❀ लागि रही गुरु वच विश्वासा ९९ ॥  
 गुरु सिख हिय धरि अंजनिलाला ❀ रसिकविहारी पाल कृपाला ॥  
 इमि हनुमंत जन्म गुण गाथा ❀ वार्णि यथाश्रुतभयो सनाथा १००  
 अब हनुमंत जन्म तिथि मासा ❀ है प्रमाण पूरव जो खासा ॥  
 उत्सव सिंधु ग्रंथके माँहीं ❀ है सो लिखौ सत्य इहि ठाँहीं १०१

प्र० ॥ उत्सवसिंधौ ।

ऊर्जस्यचासितेपक्षेस्वात्यांभौमेकपीश्वरः ॥

मेपलग्रेजनागर्भाच्छिवः प्रादुरभूत्स्वयम् ॥ १ ॥

दोहा—लिखो हनुमत जन्मको, है इतिहास पुरान ॥

चैत मास पुनौ तहां, सोऊ वाक्य प्रमान ॥ १०२ ॥

कल्पभेदसों जानिये, यामें कछू न फेर ॥

वर्तमानके कल्पको, निश्चय यही निवेर ॥ १०३ ॥

उत्सवसिंधु सुग्रंथ अरु, वाल्मीकि ये दोउ ॥

होत एकता बुद्धिते, लखौ सुबुध सब कोउ ॥ १०४ ॥

वाल्मीकिमें हे सुकछु, लिखौ इहां लखि लेहु ॥

शब्द अर्थ भावार्थते, निश्चय सकल करेहु ॥ १०५ ॥

प्र० ॥ वाल्मीकीये ॥ उत्तरकाण्डे ॥ सर्ग ॥ ३५ ॥

शालिशूकनिभाभासंप्रासूतेमंतदांजना ॥ फलान्याहर्तुकामावनि  
 फ्रांतागहनेवरा ॥ २॥ एषमातुर्वियोगाच्चशुष्याचभृशार्दितः ॥ रुरो-  
 दशिशुरत्यर्थशिशुःशरवणेयथा ॥ ३ ॥ ततोयंतंविष्वंतंजपापुष्पोत्क  
 रोपमम् ॥ ददर्शफललोभाच्चक्षुत्पपातरविंप्रति ॥ ४॥ बालाकाभिमुखो  
 बालोबालार्कइवमूर्तिमान् ॥ गृहीतुकामोबालार्कपूवनेवमध्यगः ॥ ५॥  
 यमेवदिवसं ह्येषगृहीतुंभास्करंलुतः ॥ तमेवदिवसंगृह्णिष्यतिदिवाक-  
 रम् ॥ ६ ॥ इत्यादि ॥

दोहा—जो पूरणिमा कहिय तौ, सूरज ग्रहण न होय ॥

याते हनुमत जन्म तिथि, असित चतुर्दशि सोय ॥ १०६॥

पुनि स्वाती नक्षत्र सो, ज्योतिष गणित प्रमान ॥

आवै कातिक कृष्ण तिथि, इमि चतुर्दशी जान १०७॥

इति श्री० रा० र० द्वि० वि० हनुमज्जन्मवर्णनोनाम तृतीयोविभागः ॥ ३ ॥

चौ—अव वणों सो सकल प्रसंगा \* राम जन्म रस रंग उमंगा ॥

जिहि उत्सव हित सुर मुनि झारी \* अमित दिवस आशा उरधारी १ ॥

अवधपाल दशरथ नृप रानी \* कौशल्यादि तिहूँ सुखदानी ॥

जबते भई सगर्भ अनूपा \* तबते प्रतिदिन बढ़त सुरूपा २॥

पुरवासी सब भगन अपारा \* घर घर होत मंगलाचारा ॥

सुख संपति निशिदिन अधिकई \* राजमहल शोभा सरसाई ॥ ३॥

राम जन्म औसर नियरायो \* तिहूँ लोक आनंद उमगायो ॥

लंका त्यागि और सब काहू \* जड चेतन तनु भरो उछाहू ॥ ४ ॥

घनाक्षरी कवित्त ।

ठौर ठौर मंजुल रसाल झौर झौर फूले तरुण भयेहैं नव पल्लव  
लहैं लहे ॥ मुदित मलिंद डोलैं नितरत मयूर चारु करैं कमनीय  
कीर कोकिल कह कहे ॥ रसिकविहारी सुखंकारीहै तयारी सब  
देव नर नारी भारी आनंद डह डहे ॥ औसर विलोकि राम जन्म  
को त्रिलोक चहूँ आपहीते होन लागे मंगल गह गहे ॥ ५ ॥ राम

सुखके निरंतर विलोकिवेको आनंद सुमिर देव हृदय उमाहैंहैं ॥

पछितायँ रहिजायँ अकुलायँ फेरि वार वार अवध निवासिन  
सराहैंहैं ॥ रसिकविहारी आयो औसर आनंदकारी सब सुर  
झारी भारी भरत उछाहैंहैं ॥ विधि विधिताई त्यागि वामदेव भयो  
चाहैं शंभुतजि शंभुता वशिष्ठहोनचाहैंहैं ॥ ६ ॥

दोहा-राम जन्मते प्रथमहीं, लीनी विरचि विरंचि ॥  
 चहुं बंधुकी पत्रिका, धरि राखी अति संचि ॥ ७ ॥  
 सो चतुरानन समय लखि, शेष रहे दिन तीन ॥  
 चारु चारिहुं कुंडली, सुरगुरुके कर दीन ॥ ८ ॥  
 कही विधाता देव गुरु, ये पत्री सुखदाय ॥  
 शुभ दिन आज वशिष्ठको, देहु अवधपुर जाय ॥ ९ ॥  
 सुरमंत्री सुनि सुदित है, चले अवध चित लीन ॥  
 वेगि आय वर पत्रिका, चहुं वशिष्ठहि दीन ॥ १० ॥  
 पितु विरचित लखि कुंडली, आति वशिष्ठ हुलसाय ॥  
 सुर गुरु संयुत वेगहीं, अविलोकत चितलाय ॥ ११ ॥

कुंडलीवर्णन-घनाक्षरी कवित्त ।

चैत सित नौमी सोम नपत पुनर्वसू है शूल योग, कौलव करण  
 शुभकारी है ॥ कर्क है लगन तहां सोहैं गुरु चंद्र दोऊ शनिहैं तुलाके  
 धन केतु रिपुहारी है ॥ भौमहैं मकर मीन क्रक मेष भानु देख मि-  
 थुन परेहैं बुध साथ तम भारी है ॥ रसिकविहारी राम कुंडली  
 अनूप ऐसी विशद विचित्र या विधाता निरधारी है ॥ १२ ॥

दोहा-भरत जन्म ग्रह रामतें, ध्रुव न्यारे ध्रुव एक ॥

यह विभेद सो जानिहैं, जिनके विमल विवेक ॥ १३ ॥

चैत शुक्र दशमी नखत, पुष्य भौम दिन जान ॥

गंड योग तैतिल करण, भरत सुजन्म प्रमान ॥ १४ ॥

राम धर्म सो भरत तन, खेचर एक समस्त ॥

भरत कुंडली कल कलित, विधि इमि लिखी प्रसस्त ॥ १५ ॥

पुनि लछमन रिपुदमनको, जन्म येकही संग ॥

याते एकहि लग्न ग्रह, एक पांचहू अंग ॥ १६ ॥

चैत शुक्र एकादशी, अश्लेषा बुधवार ॥

वृद्धियोग गर करणमें, दुहू जन्म निरधार ॥ १७ ॥

लपण शत्रुदन लग्न ग्रह, राम सरिस सब ठान ॥

चहुं कुंडली याहि विधि, विधि विरचित शुभ दान ॥ १८ ॥



औचक उजास विकास विमल प्रकाश दश दिग आसभो ॥  
 तिहुँ भास भो महि खासभो अहिवासभो आकाशभो ॥ २२ ॥  
 तिहि देखि शेष महेश अरु अमरेश अति चित चकितभे ॥  
 सब देश सहित नरेश भेस दिनेशहि थिर थकितभे ॥  
 नहिं शेष कहूँ तम लेश सकल कलेश गो असुरेशमें ॥  
 रासिकेश रूप रमेश मोद प्रवेशभो अवधेशमें ॥ २३ ॥  
 पुनि सवहि जानो हर्ष मानो राम रूप प्रकाशभो ॥  
 जे जैति अवध किशोर शोर त्रिलोक सहित हुलासभो ॥  
 नभ जाय देव वजाय दुंदुभि सुमन झरि बहु लावहीं ॥  
 पुनि आय कौशल नगर लखि सुखदाय आनंद पावहीं ॥ २४ ॥  
 गंधर्व किन्नर करहिं गान सु अप्सरा गण नाचहीं ॥  
 सब अंग पूर उमंग ढंग अभंग रंग सुराचहीं ॥  
 सुत मुख विलोकत कौशलाके हीय सुख न समात है ॥  
 मानहु निहारि मयंक पूरण सिंधु अति उमगातहै ॥ २५ ॥  
 नृप नारि सब सानंद अति मुख चंद लखि रघुचंदको ॥  
 मणि वसन भूषण वारि परसाहिं अंग सुत सुख कंदको ॥  
 दासी जुखासी दासि दासी तेउ सुवन निहारिकै ॥  
 पावें सु औरहु वारि डारें वित्त वित्त विसारिकै ॥ २६ ॥  
 तिहि समय दशरथ राज हियको अमित सुख को कहि सकै ॥  
 है अकथ वरनन न जाहि वरनत शारदा रसना थकै ॥  
 जिहि भाग्य प्रभुता हेरि लघु लागत विभव सुरगजको ॥  
 तिहुँ लोक पति भो पुत्र सो महाराज सम है आजको ॥ २७ ॥  
 सब अवधवासी सुकृतरासी हिय हुलासी धावहीं ॥  
 आनन्द भरि भरि दान करि करि अमित वित्त लुटावहीं ॥  
 प्रति सदन शोभित हेमकुम्भ पताक वन्दनवार हैं ॥  
 पर नारि गावहिं सोहि ले बहु होत मंगलचारहिं ॥ २८ ॥  
 बहु भार भारी भूष झार सुले भँडार अपार हैं ॥  
 जन देत दान यथेच्छ लेन सु देत सकल उदारहिं ॥

चहुँ नृत्य गान अनूप अगणित बाजने बहु बाजहीं ॥  
 छायो सु दुंदुभि शोर मानहुँ घोर घन घन गाजहीं ॥ २९ ॥  
 आनंद परमानंदके मधि और महदानंद भो ॥  
 सुत तीन प्रगटे बहुरि रघुवर वंधुवर निरद्वंदभो ॥  
 है एक राम समान श्याम जु दोय और सुरूपहैं ॥  
 तनु तेज शोभा सरस चारहु सुवनपरम अनूपहैं ॥ ३० ॥  
 सुललाम सब सुखधाम शोभित कौशला सुत रामहैं ॥  
 छवि मन हरत बहु भरत कैकेयी सुवन अभिरामहैं ॥  
 द्वै पुत्र लछमन शत्रुहन सुठिहैं सुमित्राके भले ॥  
 तिहुँ कल्पलतिकामे यथोचित सरस फूल मानहु फुले ॥ ३१ ॥  
 चहुँ वाल सुंदर तदपि सबते सरस शोभा रामकी ॥  
 जिहि निरखि लागत चंद मंद लाग छवि शत कामकी ॥  
 सुनि जन्म उत्सव अवध आवैं देव दशरथ द्वारपै ॥  
 अति होत मोद विनोद भारी भीर भूप अगारपै ॥ ३२ ॥

घनाक्षरी कवित्त ।

प्रगटे अनूप पुत्र चारि अवधेश जूके जैजैकार जोर चहुँ ओर सोरहै  
 उतंकु ॥ भारी भीर भूप द्वार भवन भँडार खुले दान भो अपार  
 कोऊ जगमें रहो न रंकु ॥ दिवस भयो सो येक मासको अभूत हेरि  
 रसिक विहारी गुणी गणक गनैहैं अंकु ॥ रंचहु न पावैं भेद अधिक  
 अचंभा जानि हेरि हेरि भानु फेरि फेरि कै मिलावैं संकु ॥ ३३ ॥

दोहा—भयो अमित आनंद चहुँ, प्रगटे चारि कुमार ॥

किये विधान अनेक वर, लोक वेद अनुसार ॥ ३४ ॥

छठी दिवस उत्सव महा, भयो यथोचित जान ॥

भूप भवन रनिवास मधि, अति अनंद उमगान ॥ ३५ ॥

सो०—अमित नारि नर वृंद, साजि साजि वर साज बहु ॥

आवहिं अतिसानंद, राम बधाई हित हरपि ॥ ३६ ॥

घनाक्षरी कवित्त ।

नारि भरे विशद विचित्र कुंभ कंचनके शोभित सपल्लव सदीप  
 शीशधारहैं ॥ थार वर वानिक जड़ाऊ मणि माणिकके लीने साज



मंगल जे पूरित सँवारेहैं ॥ रसिकविहारी सुख दैनी गुणऐनी तीय  
नख शिख अंग शुचि सकल सिंगारेहैं ॥ मंजु मृगनेनी पिकवैनी कल  
गान कीने वृंद वृंद आवैं नित कौशिलाके द्वारेहैं ॥ ३७ ॥

दोहा—इमि एकादश दिवस जव, बीते सहित हुलास ॥

नामकरन हित सकल जन, जुरे आय रनिवास ॥ ३८ ॥

तव वशिष्ठ शुभ समय लखि, भूपति रुचि अनुसार ॥

अर्थ सहित चहुँ सुतनके, कीने नाम उचार ॥ ३९ ॥

बहुरि चारिहु सुतनके, विधि विरचित ग्रह जोय ॥

सविधि पुजाय नृपाल युत, सचहि सुनाये सोय ॥ ४० ॥

ग्रह फल सुनि प्रमुदित नृपति, सहित सकल रनिवास ॥

दोऊ गुरु द्विज वृंद युत, पूजे सहित हुलास ॥ ४१ ॥

पुनि आनंद उछाह अति, दान मान बहु कीन ॥

पाय एकते एकसो, अपर एक इक दीन ॥ ४२ ॥

सो०—जैसो दान अपार, देत नृपति सुत जन्म सुख ॥

ताहूते अधिकार, होत सकल रनिवास नित ॥ ४३ ॥

इत नृप उत नृप नारि, पुर परिजन सेवक सखा ॥

निज निज वित्त विम्वारि, करत दान सब मानयुत ४४

नृपदशरथ नजिसाज, करी सभा आनंदमय ॥

गजें सकल समाज, यथा उचित मर्यादयुत ॥ ४५ ॥

देश देशके भूप, आये रघुवर जन्म सुनि ॥

सब सोहैं सुठि रूप, अवधनाथ दरवार विच ॥ ४६ ॥

पनातरी कवित ।

कौशलाधिराज सोहैं सहित समाज साज गजें द्विजगज दोऊ  
विधिसे मदेशसे ॥ मंत्री वसुधेम देश देशके नरेश चहुँ लखन निदेश  
देश शोभित सुरेशसे ॥ रसिकविहारीहैं धनेशसे धनेश कोऊ गेव  
शेष रोष तोष कारक जलेशने ॥ दशरथ गज महागजसो सनाने  
भूप भ्राजन रनेशने गनेशने दिनशने ॥ ४७ ॥

सो०—या विधि अवध नरेश, विशद सभा बैठे रुचिर ॥  
 राजत मनहुँ रमेश, देवमंडली मध्यमें ॥ ४८ ॥  
 नृत्य गान रसरंग, होत कुतूहल विविध बहु ॥  
 सब उरभरे उमंग, राम जन्म आनन्द अति ॥ ४९ ॥  
 ताही छिन तहँ आय, द्वारपाल कीनी विनय ॥  
 सादर शीश नवाय, महाराज अवधेशसों ॥ ५० ॥  
 राजराज महाराज, विविध अपूरव कौतुकी ॥  
 सुनि प्रभु सुयश दराज, आये उत्तरदेशते ॥ ५१ ॥  
 जो तिन होय रजाय, तौ इत सकल सुआवहीं ॥  
 राज दरश वर पाय, निज इच्छित फल सो लहैं ५२ ॥  
 द्वारपालके बैन, सुनि भूपति आज्ञा दई ॥  
 आवैं सब गुणएन, दरशावैं निज निज कला ॥ ५३ ॥  
 द्वारपाल हरपाय, शीश नाय तहँ जाय तिन ॥  
 दीनी सुदित रजाय, आये भूपति निकट सब ॥ ५४ ॥

घनाक्षरी कवित्त ।

कोऊ बालरूप वर विमल अनूप अति कोऊ बहु वृद्ध सिद्ध तेज  
 तनु छायेहैं ॥ कोऊ हैं किशोर कोऊ तरुण सजोर कोऊ वसनविहीन  
 कोऊ भूषण सजायेहैं ॥ कोऊ झुकि झूमैं कोऊ गिरि गिरि भूमैं उठैं  
 कोऊ व्यंग्य बोलैं कोऊ नृत्य गीत लायेहैं ॥ रसिकविहारी हेरि  
 कौतुकी अनोखे चोखे सहित समाज राज मंद मुसक्यायेहैं ॥ ५५ ॥

दोहा—लाखि भूपहि मुद जैति कहि, सो कौतुकी सुजान ॥

करन लगे लीला रुचिर, तनु धरि विविध विधान ॥ ५६ ॥

अथ कौतुक-शंभु ॥ घनाक्षरी कवित्त ।

आयो एक अंबरके मारग दिगंबर ह्वे गावत सुढंग रंग छावत  
 नत ॥ कबहुं दिखावैं पंच आनन दुरावैं कवीं तीय वनिजावैं  
 बंगोके नयानतें ॥ रसिकविहारी कवीं खडग त्रिशूल धारी वीर  
 भुजा फेरत पटानतें ॥ कवीं प्रगटवैं भाल ज्वाल दरशावैं  
 ज्वाल कवीं बारिधाग शुभ छोड़त जटानतें ॥ ५७ ॥

वीरभद्र ।

वीर वनि आयो एक कौतुकी नरेश दिग कह्यौ महाराज राज भवन  
पधारिये ॥ रसिकविहारी सुखकारी साज साजे गेह रावरेहीहेत कीनी  
सकल तयारिये ॥ अशन धतूर आदि भूर भांति भांतिनके सरश अभंग  
भंग नीर मद करिये ॥ वृश्चिक विपारे करे नाग फन वोर बहु देहों  
यह भेदे मेरे संग जो सिधारिये ॥ ५८ ॥

ब्रह्मा ।

ताहि छिन दूजो द्विज रूप धरि बोलो वेगि आयो दूरी तेहों  
सुनि सुयश प्रतापको ॥ बृद्धहों घनेरो पीत केश ममहेरो भूप  
रसिकविहारी नित्य कारी वेद जापको ॥ देखौं आठ नैनते सुनौं  
मैं आठ श्रौननतें ताहू पे न पायो भेद बूझौं तव आपको ॥  
औरनके एक मुख मेरे क्यों बनाये चार दीजिये बताय का विगारो  
विधि बापको ॥ ५९ ॥

यमपमराज ।

एक वर कौतुकी सुकीनी है अनूपकला उछलि महींतें नभ  
मंडल समायगो ॥ लँकें संग अमित अनेक जीव जंगमको वेगहि  
तड़ाक पुनि ताहि ठाम आयगो ॥ देखत सभाके ते सु देव भये  
जंतु सब आपर्ह कराल रूप बहुरि दुरायगो ॥ रसिकविहारी फेरि  
धरिकें सु देश वेश वनिकें नरेश अवधेशहि रिझायगो ॥ ६० ॥

सनकादिक-सर्वया ।

आय अनाचक बीच सभा वर बालक चार सुनाचन लागे ॥  
नाचतहीं तिय रूप भये चहुँ चंचल चारु सु जोवन पागे ॥  
फेरि विलोकतहीं शिशुहं मचले पुनि हंसवने उड़ि भागे ॥  
देखतहीं रसिकेश नरेश महाअनुराग आनंदमें पागे ॥ ६१ ॥

गणेश-अवित ।

एक आय बोलो मेरे नेदके चरित्र भूप नृत्य सुनिये पे दोता कदत  
डरातहीं ॥ बापर्ह भित्तारी मन माना मनचारी पुनि ब्राना कोयकारी  
तिहुं शोचमें रदातहीं ॥ रसिकविहारी मदागुज बात भागी और



सुनि सकल कौतुकी हर्ष पाय । बोलै सुजैति जै अवधराय ॥  
 तुव पुत्र चारि प्रगटे अनूप । हम सबहिं चहैं तिन दरश भूप ॥७०॥  
 नृप रूप प्रेम कौतुकिन केर । लखि कह्यो गुरुहि करजोरि हेर ॥  
 इन यथायोग लै सबहिं साथ । दीजे दिखाय चहुँ सुवन नाथ ॥७१॥  
 सुनिकै वसिष्ठ लै सबहिं संग । वर उचित रीति संयुत सुदंग ॥  
 छविधाम चारहु सुत ललाम । दरशाय दये हिय भरि सुठाम ॥७२॥  
 सो सकल कौतुकिन हेरि वाल । किलकै चलाय कर चरण लाल ॥  
 स्वाँगी सुदेखि शोभित स्वरूप । हिय लई धारि वह छवि अनूप ॥७३॥  
 आनंद मगन ह्वै अपार । कीनी सु देव वाणी उचार ॥  
 कहि जैति जैति कौतुकिय वृंद । गवने सु गेह जित तित सुछंद ॥७४॥  
 इमि राम जन्म उत्सव अभंग । चहुँ होत अवधपुर राग रंग ॥  
 नट भाट नर्तकी गण अपार । वर विविध कौतुकी झुंडझार ॥७५॥  
 द्विज वृंद और याचक अनेक । गुण मंत्र एकते अधिक एक ॥  
 नित आय आय अवधेश द्वार । निज निज कलान ठानैं प्रचार ॥७६॥  
 ते सबहि यथोचित दान मान । लहि होत हीय आनंद महान ॥  
 लखि नृपति दान प्रतिदिन सुरेश । सकुचात डरत संयुत धनेश ॥७७॥

दोहा-अवध नृपतिके दानको, कछू न पारावार ॥

शेषहु भापि सकै न जो, वरणें युगन हजार ॥ ७८ ॥

य० कवित्त ।

दीने अवधेश ते गयंदनके भार भूमि वार वार झूमै शीश शेष-  
 के छिलतहैं ॥ रसिकविहारी दान सुनिकै त्रिकूट कूट कंचन रजत  
 मेरु शंकते हिलतहैं ॥ संकल्प नीर भई सरिता गँभीर बहु जिनके  
 प्रवाहना पयोधि पै झिलतहैं ॥ खोजेहु अखंड नवखंड माहि मंडल  
 में एकहु न पुंगीफल तंदुल मिलतहैं ॥ ७९ ॥ अंबरते अंबर  
 दिगंबर वरंवरभो भूषणकी भूषण रहीहैं भूषणनको ॥  
 मानको नमान मानको नमान मान देखि सुखनते रुखन मिटो-  
 है रुखननको ॥ रसिकविहारी भये रसिकविहारी सर्व दूषन विदूषन  
 भयोहैं दूषननको ॥ दशरथ दानके निदानको निदान यही दूषनते  
 पूषन जनात पूषननको ॥ ८० ॥

दोहा—याहीविधि नितहोत बहु, दान विधान अपार ॥  
 लोक वेद कुलरीति मय, सकल मंगलाचार ॥ ८१ ॥  
 राम दरश हित आवहीं, सुर नर नाग अपार ॥  
 अवध निवासी रूप धरि, सेवत विविध प्रकार ॥ ८२ ॥  
 पुर परिजन सेवक सखा, सुर नर सब रतधर्म ॥  
 कुशल हेतु चहुँ बंधुकी, संतत करत सुकर्म ॥ ८३ ॥  
 यौहीं अति आनंदमें, पगे सकल पुर लोग ॥  
 कहत मुदित अब सफलभो, नेम धर्म जप योग ॥ ८४ ॥  
 मुदित अयुध्यानगरके, वासी परम सुजान ॥  
 वर्णत चारहु बंधुके, गुणगण रुचि अनुमान ॥ ८५ ॥

धनाक्षरी कवित्त ।

अगम सनेह सिंधु उमगो विलोकि जाहि सजन चकोरनके हीय  
 सुख है गयो ॥ रानी अनुमोदिनी कुमोदिनी विकासौ मंजु भूप उर भूमिमें  
 प्रकाश आतिहीं छयो ॥ रसिकविहारी पाप ताप तमदारी लोक शोक हर  
 शीतकर शीत करते दयो ॥ पूरण कलाको शुद्ध प्राची दिशि कौशिलाते  
 स्वच्छ रामचंद्र चारु चंद्रमा उदै भयो ॥ ८६ ॥ मंजुल मृणाली मृदु  
 कौशलादि रानी शुभ्र जिनते प्रगटि रूप अनुपम भासेहैं ॥ लोचन  
 विशाल पत्र कोस हिय मध्य भूरि प्ररित पराग कृपा विमल विलासे-  
 हैं ॥ रसिकविहारी भूप धर्म रवि तेज फूले फैली जस गांधि भक्त भ्र-  
 मर हुलासेहैं ॥ अवध तडाग भरो सलिल सनेहतामें राजपुत्र चारु  
 चारिकमल विकासेहैं ॥ ८७ ॥

दोहा—इहि विधि पुरवासी सकल, नाम रूप गुण गान ॥  
 करत चारहु बंधुके, धन्य जन्म निज जान ॥ ८८ ॥  
 अवध वासिनी सकल तिय, नित प्रति हिय हुलसाय ॥  
 बार बार चहुँ बंधुको, लख जाय दुलराय ॥ ८९ ॥

धनाक्षरी कवित्त ।

आन्तो उनाई कोउ गइ नोनचारि कोऊ नीर फेरि डारि कोऊ मंत्र-  
 ननै शारिहैं ॥ कोऊ दुलगावै मलगवै दलगवै कोऊ चुटकी वजावै को-

ऊ देति करतारहैं ॥ रसिकविहारी भरीं परमप्रमोद नारी सहित वि-  
नोद गोद लैकै चुचुकारेहैं ॥ आय आय आनंद उमाय चित्तः चाय  
चाय धाय धाय जाय चहुँ बालक निहारेहैं ॥ ९० ॥

दोहा—सकल मातु अवधेश युत, पुर परिजन समुदाय ॥

निरखत चारहु बंधुकी, बालकेलि सुख पाय ॥ ९१ ॥

घनाक्षरी—कवित्त ।

छोटे पद पाणि लाल छोटी आंगुरीहु लाल छोटे नख लाल छो-  
टी रेपा लाल लालहैं ॥ कलित कपोल लाल लोचन ललित लाल  
अधर अनूप लाल लाल मुख लालहैं ॥ लाल लाल भूपण बसन तन  
लाल लाल रसिक विहारी सब साज भौन लालहैं ॥ लाल पालनामें  
लाल फूलनकी सेज लाल खेलें नृपलाल लै खिलौना लाल लाल  
हैं ॥ ९२ ॥ झुल्लें माणि मोतिनके झुमका विशाल तिन्हें हैरें टकलाय  
हैंस फेरि हेरि फूलहैं ॥ फूलें हैं विलोकि बाल चहुँ दिशि जोधैं पुनि  
होवैंहैं अंधीर रोवैं सब सुधि भूलहैं ॥ भूलहैं रुदन जब मातु पय प्यावैं  
तब बहुरि आनंद है कलोलनमें तूलहैं ॥ तूलहैं न या सुखपे कोटि  
ब्रह्मलोक सुख रसिकविहारी लाल पालने सुझूलहैं ॥ ९३ ॥  
कौशिला सु कैकयी सुमित्रा आदि रानी सबै एकनते  
बालन लै एकन झिलावतीं ॥ कोऊ ले उछंग दुलरावतीं उमंग रंग  
कोऊ चूमि चूमि मुख मुखसों मिलावतीं ॥ रसिकविहारी मन सुदित  
हैंसावतीं हैं अंगुरी ते कलित कपोलन हिलावतीं ॥ भूपन बसन  
धन वारिके लुटावतीं हैं हिय हुलसावतीं यों सुतन खिलावतीं ॥ ९४ ॥  
रसिकविहारी प्यार करि करि राम मात वार वार झंगुली नवीन  
पहिरावै है ॥ कवहुं गुलाबी आवी धानी आसमानी कवों कवहुं  
गुलाली औ जंगाली सरसावै है ॥ कवहुं सुरंग श्वेत नारंगी बदामी  
श्याम कवहुं हरित पीत नील छवि छावै है ॥ मानो ऋतु पावसमें  
सजल पयोद श्याम संध्या समे अमित सुरूप दर्शावै है ॥ ९५ ॥  
चित्रित कपोल कल कजल विलोकि दृष्टि कौशिला दरपि दीप मुन  
मुख धोयो है ॥ ता छिनकी शोभा मंजु वरणी नजाय मोपे गनिक-

विहारी जो अनूप रूप जोयो है ॥ श्याम जल बूँदें पीत रंगके झंगापै  
 परीं तापे लसो वधना विचित्र गुन पोयो है ॥ मानों नीलगिरिपै  
 विछायकै वधंवर सो अंबर विहाय बालचंद आय सोयो है ॥ ९६ ॥  
 कवों अति रोवैं कवों निपट अधीर होवैं कवों नहीं सोवैं टकलायकै  
 निहारैहैं ॥ कवों नाहिं छीवैं मातु अंचल न पीवैं पय अंकमें रहैं ना  
 पानि पद झझकारै हैं ॥ सुतहि विलोकि जिय जननी विहाल हैकै  
 बांधैं जंत्र तंत्र करि राई नोन वारैहैं ॥ रसिकविहारी होयँ मुदित घनेरे  
 जब आयकै बसिष्ठ राममंत्र पढ़िझारैहैं ॥ ९७ ॥ चीकैं चौकि चौकि  
 अति रोवैं नाहिं सोवैं रंच होवैंहैं अधीर क्षीर पीवतहीं भूलैरी ॥ किलकैं  
 न नेकौ काहू हेरि हिलकैं नहेली निरखिरमैया मो हियमें दुखहूलैरी ॥  
 रसिकविहारी मातु कौशिला सहेलिनसों कहैं कोउ लावो झारि लावै  
 गात धूलैरी ॥ कलनापरैहै एक पल ना भयो धौं काह ललना हमारो  
 आज पलना न झूलैरी ॥ ९८ ॥

दोहा—इहि विधि बीते मासपट, शुभदिन समय निहार ॥  
 अन्नप्राश नीको विशद, उत्सव भयो अपार ॥ ९९ ॥  
 भोजन दान विधानको, वरणों इतो नज्ञान ॥  
 अकथनीय आनंद सों, बनत कियेही ध्यान ॥ १०० ॥  
 प्रतिदिन दशरथ भवन जो, उत्सवहोयँ सदाँयँ ॥  
 सो शतशेष गणेशपै, रंचहु कहे नजाँयँ ॥ १०१ ॥  
 नित नित होत अनंद अति, दूनो हृदय हुलास ॥  
 दूनो नृपसुत तेज बल, संतत करै प्रकास ॥ १०२ ॥

घनाक्षरों कवित्त ।

दिन दिन दूनो प्रगटात रूप राघवको दिन दिन दूनो तनु तेज  
 वरसातहै ॥ दिन दिन दूनो औघ मंगल जनात चहुँ दिन दिन  
 दूनो लंक दुख दरशातहै ॥ दिन दिन दूनोहीं सनेह उमगात उर  
 दिन दिन दूनो नित्त चित्त हरसातहै ॥ रसिकविहारी दिन दूनो  
 अधिकात वित्त दिन दिन दूनो सवै सुख सरसातहै ॥ १०३ ॥ शोभित  
 सुवन चारों कौशिला महल मध्य विचरत जातु पानि इत उत घेरि



घोर ॥ गिरत सुभूमि उठि रोवैं पुनि जोवैं चहुँ आप चुप होवैं  
 एक ऐकनको गेरि गेरि ॥ धूसरित धूरि भूरि पूरित वसन अंग खेलत  
 उमंगते अमंग रंग फेरि फेरि ॥ अति सुख छावैं मात आनंद अचावैं  
 भावैं रसिकविहारी हुलसावैं हिय हेरि हेरि ॥ १०४ ॥ धावत वकैया  
 ह्व चिरैया गहिवेको कवों देखि परछैया कवों रोवत डरायकै ॥  
 कवों मचलाय भूमि लोटत रिसाय कवों चारौ भाय खेलैं एक  
 एकन गिरायकै ॥ कवों प्रतिविंव मणि खंभन विलोकि हँसैं रसिक  
 विहारी कवों रहत चुपायकै ॥ जननी निहारि मुख हरपि उठावैं अंक  
 तव हुलसाय रहैं अंक लपटायकै ॥ १०५ ॥ विथुरी लटूरी मुख सोहैं  
 छुँपुरारी कारी रुचिर दंतूली दोय लागत पियारीहैं ॥ धूसरित धूरि  
 अंग पूरित उमंग भरे रसिकविहारी चहुँ बंधु सुखकारीहैं ॥ करत  
 उमाह गहि भीत उठिवेकी फेरि गिरत बहोरि जोर भरत हुँकारी-  
 हैं ॥ सब जननीके जननीके मन मोद हेरि अवधविहारी खेलैं  
 अजिर विहारीहैं ॥ १०६ ॥

सवैया-कवित्त ।

बात कहैं तुतरात हँसात लसै जलजातसों आनन नीको ॥ आँगु-  
 री हात गहात चलात डरात चलैं निरखात महीको ॥ पायँ डगात  
 रुकात लखात सुमात उठातहैं जीवन जीको ॥ ज्योरसिकेश हिये  
 लपटात त्यों नेहवड़ात घनों जननीको ॥ १०७ ॥

दोहा-कवहुँ हठि अचगरि करें, छिन मचलैं उमगाय ॥

मात भुरावैं जवाह्रि तव, मौन रहैं हरपाय ॥ १०८ ॥

पनाक्षरी-कवित्त ।

लाऊँ मैं मिठैया औ मलैया सो खवाऊँ तुम आऊँले चकैया झं-  
 झनैया सो सुनाऊँमें ॥ नाऊँ मैं झपैया दरुपैया जेमगाऊँ गैया  
 द्वारे ह ववैया जोडेरैया सो भगाऊँमें ॥ गाऊँ मैं सुहैया गीत रसिक-  
 विहारी सुनी दया जो पपैया रंग रैया सो वजाऊँ मैं ॥ जाऊँ मैं बलै-  
 या फहै मैया जो रनैया तुम सोवो नेक भैया तो जुन्हैयाको बुला-  
 ऊँमें ॥ १०९ ॥

दोहा-इहिविधि बालविनोद बहु, करत लखत पितृ मात ॥

प्रतिदिन तन बल रूप गुन; अधिक. अधिक अधिकात ११०  
पनाक्षरी-कवित्त ।

ठुमाके चलेहं मातु संग गहि आँगुरी को ठहरें ठुनकि फेरि मछ-  
लि रहें जवै ॥ कौशला प्रमोद भरि गोदमें उठाय चूमि अति दुलरावैं  
सुख पावैं विहसैं तवै ॥ रसिकविहारी नर नारी लखि लालन पे तन  
मन प्रान धन वारत रहें सबै ॥ नितहि मनावै भैया देया ले धनैयां  
कर संगतिहुँ भैया मो रमैया खेलिहं कवै ॥ १११ ॥

सो०-याँही नित प्रति माय, देव मनावै दुलसि हिय ॥  
बड़े भये रघुराय, खेलत बंधु सखान मिलि ॥ ११२ ॥  
नारदादि ऋषिराज, ब्रह्मादिक सुरवृंद बहु ॥  
राम. दरशके काज, गुन रूप नित आवहीं ॥ ११३ ॥  
निखत हिय भरि नित, सकल सुलक्षण रामके ॥  
पुलकित प्रसुदित चित्त, करत परसपर गुण कथन ११४ ॥  
चारहु बंधु ललाम, सखन संग शोभित भले ॥  
वर विनोद अभिराम, करत लखत सब मुदित मन ॥ ११५ ॥

पनाक्षरी-कवित ।

हृदय दुलास भरि देवता दरश आश आवैं वनिभिक्षुक  
बजावैं द्वार तुन्तुनू ॥ त्योहीं सुरवामा होय मानुषी अनूपरूप भूप  
भौन भीतर सुआय नचैं थुन्थुनू ॥ रसिकविहारी रघुरैया तिहुँ भैया  
संग खेलैं धाय नूपुर बजाय पाय झुंझुनू ॥ सब नरनारी हेरि शोभा  
मनलोभा थकैं व्यापैं अंग अंग अनुराग भई झुंझुनू ॥ ११६ ॥  
छोटे छोटे बाल संग लीने करवाल छोटी छोटी ढाल छोटे तून  
वान औ कमान हैं ॥ छोटी शीश चौतनी सुरंग अंग छोटे झंगा कटि  
पट पीत छोटे छोटे पद जान हैं ॥ छोटे कण्ठ कटुला जलजहार  
छोटे छोटे छोटी छोटी पैजनीं विराजैं छविमान हैं ॥ रसिकविहारी चहुँ  
बन्धु चारु छोटे छोटे धाय धाय खेलैं सबै सुपमा निधान हैं ११७  
अंगन फटिक भूमि विमल विशाल तहां चारौ बाल करत कलोल

कल केलैं हैं ॥ लीने धनुवान त्यों प्रफुल्लित प्रकाश मान जग सुख-  
दान करकंदुक सुझेलैं हैं ॥ रसिकविहारी लपटाय रघुराय अंक  
तीनौ भाय धाय धाय गल भुज मेलैं हैं ॥ मानौ रतिनाथ ऋतुनाथ  
रातिनाथ तिहूँ शुभ्र सरिपाथर सनाथ साथ खेलैं हैं ॥ ११८ ॥

दो०—यहि विधि कौशलराजके, चारहु पुत्र अनूप ॥  
विहरत भूपति भवनमें, मुदित मनोहर रूप ॥ ११९ ॥  
समै समै सब सविधि वर, सहित वेद कुल रीति ॥  
भये अमित उत्साह चहुँ, मुण्डनादि उपवीत ॥ १२० ॥  
पढी सकल विद्या निपुन, भये परम गुणमान ॥  
चारहु सुत अवधेशके, हैं सब कला निधान ॥ १२१ ॥  
धर्म कर्म धारी चतुर, दानी परम दयाल ॥  
नीति प्रीति ज्ञाता बली, चारहु दशरथ लाल ॥ १२२ ॥  
यदापि चारहु बन्धुवर, रूपवन्त मतिवन्त ॥  
तदापि सबहिते रामको, बल गुण तेज अनन्त ॥ १२३ ॥  
राम अनन्त अनन्त गुण, सुयश चरित्र अनन्त ॥  
नाम एक त्रिभुवन विदित, यौ वरणं सब सन्त ॥ १२४ ॥  
सौ कौशलपति पुत्रके, विशद चरित नवानित्त ॥  
जनक जननि पुर लोग सब, निरखत प्रमुदित चित्त ॥ १२५ ॥

सर्वथा-कवित्त ।

कवहूँ गहि वान कमान सजँ कवहूँ रथ वाजि गवन्द चटें ॥ कव  
हूँ मृगया वन खेलत हैं लाखि मात पिता मन मोद बटें ॥ कवहूँ पुर  
हेरनको निकसैं चतुरंग अनी चहुँ संगकटें ॥ रसिकेस लहैं पुर लोग  
अनन्द भली विस्दावालि बंदि पटें ॥ १२६ ॥

पनासरी-कवित्त ।

धर धर कम्पत हैं शेषके सहस्र शीश दिग्गज अर्धरि टारि नर  
भर आंशु अच्छ ॥ नाटके बगइ डाट गोपन रूपन बाट हलत मुनेर  
सल भलत पयोधि मच्छ ॥ दशरथ नंद नरगजा गनचन्द्र बूझी

सखा मातु नृप सुत जननि, यों जानें सतभाव ॥  
 हैं मेरेही सुवन सव, रंन न कट्टू दुराव ॥ १४४ ॥  
 चारहु राजकुमारके, मुख्य सखा तिन नाम ॥  
 वर्णतेहीं इनते अपर, अमित सकल अभिराम ॥ १४५ ॥

उपपन्न छंद ।

सुंदर १ सेपर २ वीरसेन ३ मणिभद्र ४ निहारो ॥ तेज रूपर-  
 सिकेश ५ कलाधर ७ हृदय विचारो ॥ वाणरूप ८ रसरास ९ मनो-  
 हर १० और-गुणाकर ॥ ११ ॥ मानद १२ पुनि पत्रीस १३ बहुरि  
 वनपाल १४ गदाधर १५ ॥ रमनेश १६ पद्मकर १७ शीलनिधि  
 १८ रसिकविहारी जानिये ॥ रघुवीर सखा ये अष्टदश अंतरंग पहि-  
 चानिये ॥ १४६ ॥

देहा-रसिक रसाल १ सुभद्र २ अरु, कमलाकर ३ श्रुति जात ४ ॥  
 कुशल ५ जटाधर ६ वीरमणि ७, भरतसखा ये सात १४७  
 ब्रजशाल १ रसमत्त २ पुनि, वातप ३ मंडन ४ मानि ॥  
 बहुरि विहारी ५ लपनके, पंच सखा ये जानि ॥ १४८ ॥  
 चार शत्रुहनके सखा, संतानक १ सुखदान ॥  
 दमन २ राज रंजन ३ लखौ, चामीकर ४ बलवान ॥ १४९ ॥  
 मुख्य सखा ये जानिये, पुनि इनके स्वाधीन ॥  
 अष्टोत्तर शत प्रति सखा, यूथप सखा प्रवीन ॥ १५० ॥  
 प्रति यूथप आधीन हैं, सखा पंचशत जानि ॥  
 पुनि सेवक सव सखनके, इनते न्यारे मानि ॥ १५१ ॥  
 अरु चारहु वर बंधुके, सेवक दास अपार ॥  
 अंतरंग शुचि सुभगतनु, बली प्रवीन उदार ॥ १५२ ॥  
 सखादास संयुत सकल, तीनहु बंधु ललाम ॥  
 प्रीति सहित रघुचंदको, सेवत हैं वसु याम ॥ १५३ ॥  
 बंधु सखा सेवक सबहि, रघुवर युत सनमान ॥  
 यथा उचित राखत सदां, प्राणहुते प्रिय जान ॥ १५४ ॥

## अथ श्रीरामचंद्रजीके सखानका निर्णय चक्र ।

सखानकी संख्या.	सखानके नाम	सखाप्रति यूथप	यूथपप्रति सखा	सर्वयूथपन के सखा	प्रतिमुख्य सखाके स्वाधीन
१	सुंदर	१०८	५००	५४०००	५४१०८
२	दोषर	१०८	५००	५४०००	५४१०८
३	वीरसेन	१०८	५००	५४०००	५४१०८
४	मणिभद्र	१०८	५००	५४०००	५४१०८
५	तेजरूप	१०८	५००	५४०००	५४१०८
६	रसिकेश	१०८	५००	५४०००	५४१०८
७	कलाधर	१०८	५००	५४०००	५४१०८
८	वाणरूप	१०८	५००	५४०००	५४१०८
९	रसरास	१०८	५००	५४०००	५४१०८
१०	मनोहर	१०८	५००	५४०००	५४१०८
११	गुणाकर	१०८	५००	५४०००	५४१०८
१२	मानद	१०८	५००	५४०००	५४१०८
१३	पत्रीस	१०८	५००	५४०००	५४१०८
१४	वनपाल	१०८	५००	५४०००	५४१०८
१५	गदाधर	१०८	५००	५४०००	५४१०८
१६	रमनेश	१०८	५००	५४०००	५४१०८
१७	पद्मकर	१०८	५००	५४०००	५४१०८
१८	शीलनिधि	१०८	५००	५४०००	५४१०८
सब	१८	१५४४	९०००	९७२०००	९७३५४४

चमू चतुरङ्ग देखि दङ्ग होत देवरच्छ ॥ रसिकविहारी जवै कढत  
सवारी तवै आहि करि कसक कराहि रहि जात कच्छ ॥ १२७ ॥

सवैया-कवित्त ।

खौर दिये शिर चंदनकी धनु बान लिये औ कसे कटि भाँथै ॥  
मत्त गयन्दसी चाल चलै छविसों निरखैं सरयू सरि पाँथै ॥ बाल  
सखा शुचि सेवक वृन्द सुबन्धु लसैं रसिकेशदुसाँथै ॥ औध  
निवासी सवै धनि जो इहि भाँति लखैं नितहाँ रघुनाथै ॥ १२८ ॥

दोहा-चारहु सुत अवधेशके, संग सखा अभिराम ॥

विचरैं सरयू तीरसो, लखैं मुदित मन वाम ॥ १२९ ॥

सवैया-कवित्त ।

ढोटाहैं ये अवधेशक मानों सुवाल मगलके जोटाहैं आछे ॥ लाल  
झँगा शिर चौतनी चारु लसैं कटिमें पट पीत मुकाछे ॥ हँसरसिकेश  
सु एकहि बैसके संग सखा चहुँ ओरते गाँछे ॥ देखु सखी सुखधाम  
छटा तिहुँ बंधु ललामहैं रामके पाछे ॥ १३० ॥

दोहा-विशद विनोदी रामत्यों, तीनहु बंधु अनूप ॥

सरयू तट युत सखनके, खेलैं रचि रचि रूप ॥ १३१ ॥

जैसे बल गुण रूप निधि, चारौ दशरथ लाल ॥

संग सखा तैसैं सकल, रघुवंशिनके बाल ॥ १३२ ॥

धनाक्षरी-कवित्त ।

कोऊ धनु बान धारी कोऊ तो कृपान धारी कोऊ शक्ति  
धारी शूल धारी गदा धारीहैं ॥ कोऊ कुंत धारी वज्र धारी  
चक्र धारी कोऊ कोऊ खड्ग धारी औ उदंड दंड धारीहैं ॥  
यूथप सखान पारी बंधुनकी न्यारी न्यारी ठानैं कला भारी एक  
येकन प्रचारीहैं ॥ सरयूके तीर खेलैं सहित उमंग रंग रसिकविहारी  
संग अवध विहारीहैं ॥ १३३ ॥ कोऊ लै तुरंग स्याह सवजा सुरंग नील  
नुकरा कुमैत लाखी अवलख साजेहैं ॥ चालत मुचालैं सहगाम और  
हालैं कोऊ धावा कोऊ कावा दै लंगूरी कोऊ छाजेहैं ॥ कोऊ मल्ल युद्ध  
ठानि रुद्धहैं उदंड दंड मुद्गर प्रचंड फेरि कोऊ ताल वाजेहैं ॥ रसिक-  
विहारी कोऊ वाना फेकि पट्टनते कोऊ भल्ल वानाके निशाना घालि

गजे हैं ॥१३४॥ चीता श्वान जुरा कुही वाज वहिरीलै कोउ चलत  
अहेरी वर वीरता वखानके ॥ चंद्र कुज भागैं विधि सेनप सुभारती  
औ दुर्गा पत्र हेरिछोड़ैं पौरुष पपानके ॥ निराखि कृपान वान वाहन  
सुरेश सती दुरत विहाय बल दशन नखानके ॥ रसिकविहारी अवधे-  
शके कुमार चारु खेलत अहेर वन संयुत सखानके ॥ १३५ ॥

दोहा—कवहुँ चारहू नृप सुवन, संग सखा समुदाय ॥

रचत अनूप सुखेल वर, सरयू तट हुलसाय ॥ १३६ ॥

धनाक्षरी—कवित्त ।

वनत रमेश राम भरत महेश होत लछमन शेष औ सुरेश शत्रु  
शालहैं ॥ सखन वनावैं हैं धनेश औ गणेश काहू रचत दिनेश  
काहू करैं निशिपालहैं ॥ काहू रूप साजैं कपि रीछ औ निपाद काहू  
निश्वर वनावैं काहू काहू मुनि बालहैं ॥ रसिकविहारी इमि ठानिकै  
अनोखो ख्याल सरयूके तीर खेलैं दशरथ लालहैं ॥ १३७ ॥ काहूके  
वनाय मच्छ कच्छ जल वोरतहैं काहूको वराह रूप रचत करालहैं ।  
काहूको वनावैं मृगराज दीह देह धारी काहू लघु रूप कला करत विशाल  
हैं ॥ काहूको वनावैं गौर काहूको वनावैं श्याम काहूको कलंकी करेद  
करवालहैं ॥ ऐसे स्वाँग अमित सखानके वनाय हैंसैं रसिकविहारी  
खेल खेलैं रघुलालहैं ॥ १३८ ॥

दोहा—इहि विधि नित कौशल नगर, विहरत राज कुमार ॥

खेलत खेल अनूप अति, निज इच्छा अनुसार ॥ १३९ ॥

निराखि राम गुण रूप बल, मुदित सकल पुर लोग ॥

चारु चार सुत संग बहु, सखा यथा जिहियोग ॥ १४० ॥

सुर किन्नर आदिक विविध, नरतनु धरि हुलसाय ॥

सखा भये चहुँ बंधुके, अवध आय प्रगटाय ॥ १४१ ॥

ते प्रमुदित रघुकुल विपे, प्रगटे चारु कुमार ॥

सकल सखा नृप सुत चहुँ, वय बल वपु इकसार ॥ १४२ ॥

शिशुतांते इक संगही, सब सुख भोग विनोद ॥

उचित निरंतर परस्पर, रहत सनेह प्रमोद ॥ १४३ ॥

सखा मातु नृप सुत जननि, यौ जानैं सतभाव ॥  
 हैं मेरेही सुवन सब, रंच न कछू दुराव ॥ १४४ ॥  
 चारहु राजकुमारके, मुख्य सखा तिन नाम ॥  
 वर्णतहौं इनते अपर, अमित सकल अभिराम ॥ १४५ ॥

छप्पय छंद ।

सुंदर १ सेपर २ वीरसेन ३ मणिभद्र ४ निहारौ ॥ तेज रूपसर-  
 सिकेश ६ कलाधर ७ हृदय विचारौ ॥ बाणरूप ८ रसरासमनो-  
 हर १० और-गुणांकर ॥ ११ ॥ मानद १२ पुनि पत्रीस १३ बहुरि  
 वनपाल १४ गदाधर १५ ॥ रमनेश १६ पद्मकर १७ शीलनिधि  
 १८ रसिकविहारी जानिये ॥ रघुवीर सखा ये अष्टदश अंतरंग पहि-  
 चानिये ॥ १४६ ॥

दोहा-रसिक रसाल १ सुभद्र २ अरु, कमलाकर ३ श्रुति जात ४ ॥  
 कुशल ५ जटाधर ६ वीरमणि ७, भरतसखा ये सात १४७  
 वज्रशाल १ रसमत्त २ पुनि, वातप ३ मंडन ४ मानि ॥  
 बहुरि विहारी ५ लपनके, पंच सखा ये जानि ॥ १४८ ॥  
 चार शत्रुहनके सखा, संतानक १ सुखदान ॥  
 दमन २ राज रंजन ३ लखौ, चामीकर ४ बलवान ॥ १४९ ॥  
 मुख्य सखा ये जानिये, पुनि इनके स्वाधीन ॥  
 अष्टोत्तर शत प्रति सखा, यूथप सखा प्रवीन ॥ १५० ॥  
 प्रति यूथप आधीनहैं, सखा पंचशत जानि ॥  
 पुनि सेवक सब सखनके, इनते न्यारे मानि ॥ १५१ ॥  
 अरु चारहु वर बंधुके, सेवक दास अपार ॥  
 अंतरंग शुचि सुभगतनु, बली प्रवीन उदार ॥ १५२ ॥  
 सखादास संयुत सकल, तीनहु बंधु ललाम ॥  
 प्रीति सहित रघुचंदकों, सेवतहैं वसु याम ॥ १५३ ॥  
 बंधु सखा सेवक सबहि, रघुवर युत सनमान ॥  
 यथा उचित राखत सदा, प्राणहुते प्रिय जान ॥ १५४ ॥



## अथ श्रीरामचंद्रजीके सखानका निर्णय चक्र ।

सखानकी संख्या.	सखानके नाम	सखाप्रति यूथप	यूथपप्रति सखा	सर्वयूथपन के सखा	प्रतिमुख्य सखाके स्वाधीन ।
१	सुंदर	१०८	५००	५४०००	५४१०८
२	शेपर	१०८	५००	५४०००	५४१०८
३	वीरसेन	१०८	५००	५४०००	५४१०८
४	मणिभद्र	१०८	५००	५४०००	५४१०८
५	तेजस्व	१०८	५००	५४०००	५४१०८
६	रसिकेश	१०८	५००	५४०००	५४१०८
७	कलाधर	१०८	५००	५४०००	५४१०८
८	वाणरूप	१०८	५००	५४०००	५४१०८
९	रसराम	१०८	५००	५४०००	५४१०८
१०	मनोहर	१०८	५००	५४०००	५४१०८
११	गुणाकर	१०८	५००	५४०००	५४१०८
१२	मानद	१०८	५००	५४०००	५४१०८
१३	पत्रीस	१०८	५००	५४०००	५४१०८
१४	वनपाल	१०८	५००	५४०००	५४१०८
१५	गदाधर	१०८	५००	५४०००	५४१०८
१६	रमनेश	१०८	५००	५४०००	५४१०८
१७	पद्मधर	१०८	५००	५४०००	५४१०८
१८	शीलनिधि	१०८	५००	५४०००	५४१०८
सर्व	१८	१९४४	९०००	९७२०००	९७३९४४

## श्रीभरतजीके सखानका निर्णय चक्र ।

सखानकी संख्या	१	२	३	४	५	६	७	सब
सखानके नाम	रसिक रसाल	सुमद्र	कमला कर	श्रुतिजात	कुशल	जटाधर	वीरमणि	७
सखाप्रति दूधप	१०८	१०८	१०८	१०८	१०८	१०८	१०८	७५६
दूधपप्रति सखा	५००	५००	५००	५००	५००	५००	५००	३५००
दूधपनके सखा	५४०००	५४०००	५४०००	५४०००	५४०००	५४०००	५४०००	३७८०००
प्रतिमुख्य सखाके स्वाधीन सखा	५४१०८	५४१०८	५४१०८	५४१०८	५४१०८	५४१०८	५४१०८	३७८७५६

## श्रीलक्ष्मणजीके सखानका निर्णय चक्र ।

सखानकी संख्या	१	२	३	४	५	सब
सखानके नाम	ब्रजसाल	रसमत्त	वात्तप	मंडन	विहारी	५
सखाप्रति दूधप	१०८	१०८	१०८	१०८	१०८	५४०
दूधपप्रति सखा	५००	५००	५००	५००	५००	२५००
दूधपनके सखा	५४०००	५४०००	५४०००	५४०००	५४०००	२७००००
प्रतिमुख्य सखाके स्वाधीन सखा	५४१०८	५४१०८	५४१०८	५४१०८	५४१०८	२७०५४०

## श्रीशत्रुघ्नजीके सखानका निर्णय चक्र ।

सखानकी संख्या	१	२	३	४	सब
सखानके नाम	संतानक	दमन	राजरंजन	चामीकर	४
सखाप्रति दूधप	१०८	१०८	१०८	१०८	४३२
दूधपप्रति सखा	५००	५००	५००	५००	२०००
दूधपनके सखा	५४०००	५४०००	५४०००	५४०००	२१६०००
प्रतिमुख्य सखाके स्वाधीन सखा	५४१०८	५४१०८	५४१०८	५४१०८	२१६४३२

दोहा-नीति प्रीति मर्याद मय, रामधर्म धुर जान ॥

यथा योग चहुँ वंधुवर, करत काज सुखदान ॥ १५५ ॥

इहि विधि चारहु नृप सुवन, भये समर्थ सुहृप ॥

पितु द्विग सकुचे रहत अति, सो लाखि प्रमुदितभूष ॥ १५६ ॥

निराखि चतुर्दश वर्षके, सुत चारहु अनूप ॥

सकल साज मय भवन वर, चहुँन दये तव भूष ॥ १५७ ॥

रंग भवन रघुचंदको, खचित रचित मणि जाल ॥

रूप भवन शुचि भरतको, सुंदर विमल विशाल ॥ १५८ ॥

क्रांति भवन वर लखनको, विशद प्रकाशित धाम ॥

चित्र भवन रिपुदमनको, अमल अधिक अभिराम ॥ १५९ ॥

निज निज भवन सखान युत, रीति सहित नृप नंद ॥

हास विलास निशंक उर, करत सदा सानंद ॥ १६० ॥

पगे परसपर प्रेममें, यदपि चारहुँ भाय ॥

राम लपण रिपुहन भरत, तदपि मिले अधिकाय ॥ १६१ ॥

तिहुँ वंधू निज सखन मिलि, संयुत प्रीति प्रतीति ॥

सेवाहि श्रीरघुवीरको, सहित धर्म नृप नीति ॥ १६२ ॥

इहि विधि दशरथ राजके, चारहुँ कुँवर सुजान ॥

सवाहि देत आनंद अति, दान ज्ञान मनमान ॥ १६३ ॥

मातु पिता पुर लोग अरु, सकल लोक नरनारि ॥

सुदित होत चहुँ वंधुको, बल गुण रूपनिहारि ॥ १६४ ॥

कवि कोविद नट नर्तकी, जे जग गुणी अपार ॥

राम निकट सब आवहीं, पावहीं बहु सतकार ॥ १६५ ॥

द्विज मुनि संत गुणीनकी, सभा करत नित राम ॥

इहि विधि कैशाल नगरमें, रहत मोद वसु याम ॥ १६६ ॥

सुर ब्रह्मादि प्रशंसहीं, अवय जननको भाग ॥

धन्य धन्य जे गमके, पगे परम अनुगम ॥ १६७ ॥

। श्री० गनर० द्वि० वि० भोगानजन्म वर्णनो नाम चतुर्थो वि० ॥ २ ॥



सों अनखाय रिसायकै, बोलो महा उदार ॥  
 याही छिन इहि ठौर मुहि, स्वर्ण देहु शतभार ॥ १५ ॥  
 चकित भये नृप सुनतही, कीनो हृदय विचार ॥  
 अब याही छिन विन दिये, धर्म सुयश हो छार ॥ १६ ॥  
 करि विचार भूपति तुरत, लै अनामिका रक्त ॥  
 तृणते पत्र सुपत्रपै, लिखो हाल कछु व्यक्त ॥ १७ ॥  
 बाण बाँधि तिहि धनुष धरि, छोडो वेगि नृपाल ॥  
 सो शर जाय कुबेर ढिग, पहुँचो अतिहि उताल ॥ १८ ॥  
 लखि धनेश वह पत्र द्रुत, लै सुवर्ण बहु भार ॥  
 नभ मंडलहूँ भूप ढिग, बरसो आय अपार ॥ १९ ॥  
 चारि दंड नभते भई, बरपा हेम अखंड ॥  
 वनप गिरो नृप चरण पै, देखि प्रताप उदंड ॥ २० ॥  
 समाधान करि भूप अति, सकल कनक तिहि दीन ॥  
 चढ़ि तुरंग मग बूझिके, वेगि पयान सु कीन ॥ २१ ॥  
 ऐसे रघु गुण अमितहैं, एक एक अधिकाय ॥  
 पुनि प्रताप कछु औरहूँ, कहाँ सुनौ रघुराय ॥ २२ ॥

चाँ०-एक समय लंकापति रावन ॐ धरि द्विज रूप अनूप सुहावन ॥  
 आय अवध लखि अतिहरपायो ॐ पुनि रघुके रनिवास सिधायो २३  
 रघुरानी बहु तियन समेता ॐ सुखयुत वैठी मुदित निकेता ॥  
 तहँ लंकेश विप्र तनु धारी ॐ गयो विलोकि उठी सब नारी २४  
 द्विज वर जानि सकल शिर नायो ॐ हेम सिंहासन वेगि धरायो ॥  
 सो प्रतापमय रघु नृप केरा ॐ जटित अमोल रत्न चहुँ फेरा २५  
 तेजमंत सिंहासन भारी ॐ तापर दियो द्विजहि वैठारी ॥  
 वैठतही सब छल प्रगटाने ॐ दश शिर वीस भुजा दशाने २६  
 सो देखत भारी सब बाला ॐ धाय धसी गृह अतिहि विदाला  
 सोडरि उठि द्विज तनु पुनि कीनो ॐ रावण चलो कोऊ नहि चानो २७  
 इत सब तीय हीय भय पैठी ॐ दे कपाट शक्तिन चुप वैठी ॥  
 उत दशमुख कछु डगपि लजायो ॐ पुनि धरि धार भूप ढिग आयो २८

ताछिन सरयू तट रघुराजा ❀ करत हुते संध्या शुचि साजा ॥  
 द्विज लखिकै सादर बैठारो ❀ करन लगे पुनि कृत्य सुखारो ॥ २९ ॥  
 औचक संध्या करत नृपाला ❀ कियो आचमन अतिहिं उताला ॥  
 पुनि करलै जल दर्भ सक्रोधा ❀ दक्षिण दिशि घालो नृपयोधा ॥ ३० ॥  
 पुनि आचमन कीन रघुराई ❀ करन लगे संध्या चित लाई ॥  
 सो न भेद रावण कछु जानो ❀ चकित चित्त अति जिय अकुलानो ॥ ३१ ॥  
 करै कल्पना अमित सुरारी ❀ बैठो चकित मौन मनमारी ॥  
 जब नृप सुचित भये करिनेमा ❀ तब बूझी विप्रहि सब क्षेमा ॥ ३२ ॥  
 दै अशीश कहि कुशल बहोरी ❀ दशमुख बोलो नृपहि निहोरी ॥  
 महाराज जो दर्भ चलायो ❀ सो गुण श्रवण हेतु हुलसायो ॥ ३३ ॥  
 तब नृप कही बात कछु नाहीं ❀ लंका ढिग इक धेनु चराहीं ॥  
 तिहि भक्षण धायो वनराई ❀ सो सुरभी मो दई दुहाई ॥ ३४ ॥  
 हतो केहरी गाय बचाई ❀ या हित कुश घालो अतुराई ॥  
 सुनि विस्मितहै शोक दुरायो ❀ पुनि अशीशदै भवन सिधायो ॥ ३५ ॥  
 बेगि जाय सोई गति पेखी ❀ मृतक सिंह सुरभी सुद देखी ॥  
 ह्वै सशंक अति आतुर धाई ❀ सकल कथा निज तियहि सुनाई ॥ ३६ ॥  
 मंदोदरी सुनत अकुलानी ❀ कही कंत सब लंक नशानी ॥  
 रघु प्रताप तुम रंच न जानो ❀ तिहि गृह माँहि जाय छल ठानो ॥ ३७ ॥  
 तब दुशकंठ कही बिलखाई ❀ प्रिया कहा अव करौं उपाई ॥  
 जाते बचै प्राण परिवारा ❀ नृपति चक्रवर्त प्रबल अपारा ॥ ३८ ॥  
 तब मयसुता उपाय विचारी ❀ पतिहि संगलै भवन सिधारी ॥  
 तहाँ जाय इक पीठ धरायो ❀ ताहि हेठ रावणहिं दुरायो ॥ ३९ ॥  
 निपट नग्रह वसन विहाई ❀ बैठी ताहि पीठपर आई ॥  
 करन लगी मंजन मिसवारी ❀ अतिहि समीत दुहूँ पति नारी ॥ ४० ॥  
 इत रघु भूपति मदल बुलाई ❀ तियन दशा निज सकल सुनाई ॥  
 जानो दशमुख छल महिपाला ❀ भये क्रोवश लोचन लाला ॥ ४१ ॥  
 तुरत भूप शुचि नीर मँगायो ❀ लै मंत्रित करि भूमि गिरायो ॥  
 तहँ महिने इक शर तनुधारी ❀ प्रगट भयो नृप आज्ञाकारी ॥ ४२ ॥

अति सकोप नृप दई रजाई ❀ लंकहि जाय वेग बल छाई ॥  
 वीसहुकर दशकंधर केरे ❀ बाँधि अवहिं आनौ मम नेरे ॥४३॥  
 पायरजाय बाण करि कोहा ❀ गयो लंक रावण चहुँ जोहा ॥  
 तिया भवन पत्री दृढ़ जानो ❀ नग्न नारि लखि हिय सकुचानो ॥४४॥  
 रोको द्वार शोर करि भारी ❀ कहाँ आव इत दुष्ट सुरारी ॥  
 लखि कराल शर कंपहि लंका ❀ भये निशाचर सकल सशंका ॥४५॥  
 करत विचार बाण अकुलाई ❀ नग्न नारि देखौं किमिजाई ॥  
 पट धारे तिय जवहिं अन्हाई ❀ तव हौं गहाँ रावणाहिं धाई ॥४६॥  
 इहि विधि गुणत भई बहु वारा ❀ उठत नहीं रजनीचर दारा ॥  
 इत विलंब लखि भूप रिसाये ❀ तीन बाण पुनि कोप पठाये ॥४७॥  
 तेऊ जाय नग्न लखि नारी ❀ रुके द्वार चहुँ क्रोधित भारी ॥  
 तिनहुँ गये अति भयो विलंबा ❀ तव रघु कीनो कोप कदंबा ॥४८॥  
 सप्त बाण पुनि बोलि नृपाला ❀ दीनी तिनहिं रजाय कराला ॥  
 बाण सहित रावण गहि आवो ❀ कैलंकहि उखारि इत लावो ॥४९॥  
 सुनि रजाय सो बाण कराला ❀ गये लंक सब अतिहिं उताला ॥  
 पुर पहुँचत त्रिकूट चहुँ फेरा ❀ उठी ज्वाल अति भयो उजैरा ॥५०॥  
 भयो सिंधु खलभल महि कंपी ❀ धूरि पूरि लंका सब झंपी ॥  
 तव मयसुता हीय दृढ़ जानी ❀ अब सब भांति प्राणकी हानी ॥५१॥  
 यह विचारि आतुर पटधारी ❀ आय द्वार कहि त्राहि पुकारी ॥  
 तृण दवाय द्विज दुहुँ कर जोरी ❀ विहवल बोली वचन निहोरी ॥५२॥  
 हाँ रघुराज शरण युत ईशा ❀ क्यों मोहि आगे यह शीशा ॥  
 मुनत वैन सब शर अनुमानी ❀ हे अवध्य अवला दृढ़ जानी ॥५३॥  
 पुनि रघुराज शरण कहि टेरी ❀ अब कीजे कह जतन निवारी ॥  
 यों विचारि शर एक उताला ❀ नृप दिग आय कहाँ सब हाला ॥५४॥  
 सुनि शरमुख तिय वैन मुदीना ❀ पुनि अवध्य अवला दृढ़ कोना ॥  
 ताहू पे सो शरण पुकारी ❀ सकल बात इमि हीय विचारी ॥५५॥  
 तव बोले रघुराज कृपाला ❀ धर्म शरण रक्षण हम पाला ॥  
 याते नृकक्षमा सब कीनी ❀ अवला जानि अभयतिहि दीनी ॥५६॥

जाहु सकल शर निज निज ठामा ❀ इपु सुनि पुनि आयो तिहिं धामा ॥  
 कहो मानि रघु वचन प्रमाना ❀ लंका त्यागि गये सब वाना ५७  
 जब सब बाण गये तजि लंका ❀ तब रजनीचर भये निशंका ॥  
 तुव कुल ऐसे बली नृपाला ❀ प्रगटेविपुल सुनौरघुलाला ५८ ॥  
 सो रावण अब सवहिं सतावै ❀ हिये भीति रंचहु नहिं लावै ॥  
 महि निछत्र यों दशमुख जानै ❀ मनमानै अधर्म सो ठानै ५९ ॥  
 महावीर लंकापति रावण ❀ अस्र शस्त्र विद अमर सतावन ॥  
 यहिविधिअमितव्यंग्यमुनि भापी ❀ नारद गिरा राम उर रापी ॥ ६० ॥  
 इति श्रीरामर० ज० वि० रघुचरित्रवर्णनो नाम पंचमोविभागः ॥ ५ ॥

दोहा—पुनि बोले मुनिराजसुत, रावण यदपि प्रचंड ॥  
 तदपि भानुवंशी अधिक, ताहूते वरवंड ॥ १ ॥  
 जिहि दशमुखको तेज बल, विदित लोक तिहुँ माहिं ॥  
 अति उदंड रघुराज सो, तृणहुँ गिनोँ तिहि नाहिं ॥ २ ॥  
 चौ०—सुनि मुनि मुख लंकेश प्रशंसा ❀ हंसि बोले रविकुलअवंतसा ॥  
 कहिय कछू रावण कर गाथा ❀ तब भाखी नारद ऋषिनाथा ॥  
 दोहा—सुनौ राम रावण प्रगटि, प्रथम महातप कीन ॥  
 ह्वै प्रसन्न करतार तिहि, परम प्रबल वर दीन ॥ ४ ॥  
 नर वानर तजि सवहिते, भयो अवध्य सुरारि ॥  
 परम प्रचंड उदंड चहुँ, कीनी विजय प्रचारि ॥ ५ ॥  
 लंका वंक कुचेर ते, वरवस लई छुड़ाय ॥  
 सैन कुटुंब समेत तहँ, दशमुख रहै सदाय ॥ ६ ॥  
 अति उत्तंकहै लंक वर, वंक निशंक अखंड ॥  
 यातुयानरक्षित सदा, चंड मंड वरिवंड ॥ ७ ॥

घनाक्षरी कवित्त ।

खाई सिंधु वितत त्रिकूट शतयोजनको तापे मणि हेममई नगर  
 वसै निशंक ॥ बीस दश योजनको आयत वितार जाके चार दृढ  
 द्वार सबै रक्षित सुवीरवंक ॥ अयुत सुलक्ष दश लक्ष कोटि कोटि



शत पूरवादि मध्य जोधा पाहू विचारौ अंक ॥ रसिकविहारी साज  
अपर अपार भूरि चमू चतुरंगहै अभंग यौ उत्तंक लंक ॥ ८ ॥

दोहा-पुनि दशमुखके त्रासते, बहु सुर मुनि गंधर्व ॥

जाय जाय लंका सदा, सेवतहैं तिहि सर्व ॥ ९ ॥

घनाक्षरी-कवित ।

वेद धुनि छावैं विधि ग्रहन बतावैं गुरु शारदा वजावैं वीन गंधरव  
गावैंहैं ॥ सदन समीर झारैं वरुन सुनीर ढारैं चंद्र छत्र धारैं भानु चँवर  
चलावैंहैं ॥ अनल मुपाककारी द्वारपाल दंडधारी देव त्रिपुरारी आय  
प्रातहि पुजावैंहैं ॥ रसिकविहारी तेज भारी यौ दशाननको अमरसं  
शक्याते लंक नित जावैंहैं ॥ १० ॥

दोहा-परम प्रतापी अति बली, ऐसो निश्चरराय ॥

जाय जाय तिहुँ लोक चहुँ, विजय करी हरषाय ॥ ११ ॥

चौ०-अति वरिवंड उदंड सुरारी ॐ सुर नर नाग सवाहिं दुखकारी ॥  
धाय धाय तिहुँलोक मैझारी ॐ हरी अमित वरवस वर नारी १२  
पुनि कुबेरको धर्षित कीनो ॐ पुष्पकवर विमान हरि लीनो ॥  
मेघनाद तिहि सुत बलवाना ॐ सो सुरपतिहि जीति हरपाना १३

दोहा-याही विधि दशकंठ बहु, करै सदा उतपात ॥

पै तिहि बलं गुण तेजते, सुर नर नाग डरात ॥ १४ ॥

एक समय कानन विषे, होत रहे वर जाग ॥

सकल अमर बैठे तहां, लीने निज निज भाग ॥ १५ ॥

ताही छिन तहैं लंकपति, आयो अति बलवंत ॥

दूरहिते तिहि देखि सुर, जहैं तहैं भगे तुरंत ॥ १६ ॥

निज निज तनु सुर गुप्त करि, धरे औरही रूप ॥

देव चरित सो रंचहु, लखो न निश्चर भूप ॥ १७ ॥

धरो सुरेश मयूर वपु, धर्मराजभे काग ॥

सरठ कुबेर सुहंसहै, वरुन दुरे इमि भाग ॥ १८ ॥

चौ०-इहि विधि सव रावण भयभारी ॐ दुरे रहे सुर निपट दुखारी ॥  
जब दशकंठ गयो ध्रुव जाने ॐ सकल देव तव अति हरपाने १९

है निशंक निज निज तनु धारे ❀ परम प्रसन्न सुवैन उचारे ॥  
 जो सुर जाहि सुरूप दुराना ❀ ताहि दियो सो वरवरदाना ॥२०॥  
 मोरहि कही इंद्र हुलसाई ❀ रहौ व्याल ते अभय सदाई ॥  
 सहस नैन जिमि मो तनु मारी ❀ तिमि तुव पक्ष चिह्न दरशाहीं २१॥  
 नील वर्ण तनु प्रथम तुमारा ❀ पै अब वर प्रभाव विस्तारा ॥  
 चित्रित पंख वर्ष प्रति पावो ❀ सुंदर रूप अनूप लखावो ॥२२॥

दोहा—धर्मराज तव वायसहिं, वर दीनो हुलसाय ॥

विन बध मृत्यु न होय तुव, रहौ निरोग संदाय ॥ २३ ॥

पुनि जो तुमहिं करायहैं, भोजन विशद बनाय ॥

तिनके सकल कुटुंबि जन, मम पुर तृप्त रहाय ॥ २४ ॥

सो०—तव कुवेर वर दीन, हर्ष सहित कृकलासको ॥

द्रव्य सहित शिर पीन, रहै अंग कंचन सरिस ॥ २५ ॥

पद्मरीछंद ।

वर वरुण दीन हंसहि अनूप । तुव श्याम श्वेत मिश्रित सुरूप ॥

तनु सकल आजते शुभ्र होय । अतिक्रान्तिमंत वर विमल सोय २६

चौ०—सुर वरदै निज निज थल आये ❀ दुखी रहत दशमुख भय छाये ॥

इमि लंकेश तेज बल भारी ❀ मुनि पुनि मुनिहि कही धनुधारी २७

कहिय मुनीश आजलग रावण ❀ कीने कर्म अनेक अपावन ॥

कहा हेत कितहुँ नहिं हारो ❀ वीर विहीन लोक भो सारो २८ ॥

तव नारद मुनि कही सुवानी ❀ सुनौ राम धनुसायकपानी ॥

बहुते ठार पराजय पाई ❀ कहूं बँधो कहूं गयो पराई ॥२९॥

एक बार सो निश्चर राई ❀ लियो जाय कैलास उठाई ॥

तव शिव लखि दशमुख कर दापा ❀ पद अंगुष्ठ वाम गिरि चापा ३० ॥

दये वींशहु भुज भूधरतर ❀ रोय कीन बहु वर्ष विनय वर ॥

तव दयालुह छोड़िं दये कर ❀ रावण नाम धरो ताको हर ॥३१॥

कियो समर पुनि हरिसे जाई ❀ तहँते दशमुख गयो पराई ॥

सदसबाहुने सब विधि हारो ❀ वाली कपि तिहि को मद गारो ३२ ॥

पुनि इन अवध मारि बहु वाग ❀ भिरो आय दशकंधर हार ॥

इहि विधि अमित वार रघुराई ❀ सो बहु ठौर पराजय पाई ॥३३॥  
पै वह निज भुजबल अधिकारै ❀ करत अनीति देव दुखदाई ॥  
धर्म कर्म शुभ सकल निवारै ❀ द्विज सुर मुनि गोवृंद संहारै ॥३४॥

दोहा—सुनि नारदमुनिके वचन; गर्भित अर्थ प्रमान ॥

बोले दुहुँ कर जोरि कै, दशरथसुत मतिमान ॥ ३५ ॥

चौ०—इमि अपराध रजनिचर कीना ❀ शापहु कोउ कबहुँ तिहि दीना ॥  
सुनि बोले नारद हुलसाई ❀ भई शाप सो कहाँ बुझाई ॥३६॥  
एक समे अभिमान बढाई ❀ मुनिन दई लंकेश रजाई ॥  
हैं भूपति ऋषि प्रजा अपारा ❀ दंड भैं सव वित अनुसारा ॥३७॥  
सुनि सुनि सकल कही हम पाहीं ❀ कुश वल्कल मृगचर्म रहाहीं ॥  
कंद मूल दल फल नित खाहीं ❀ यह तजि और पदारथ नाहीं ॥३८॥  
सुनि लंकापति कोपि सुनाई ❀ दंड न भैं दंड सो पाई ॥  
तब सव ऋषिन क्रोध उर छाये ❀ एक कुंभ अति वेगि मँगाये ॥३९॥  
तामहँ निजनिज रुधिरनिकारो ❀ शोणित भरो सवनि घट सारो ॥  
घोर शाप करि शोर सुनाई ❀ यहि घटतें रावण विनशाई ॥४०॥  
याँ कहि घट भेजो तिहि पासा ❀ हम मुनि करें विपिनमें वासा ॥  
हे नाहि कछु भैं कह दंडा ❀ नृप आज्ञा अति भई उदंडा ॥४१॥  
यातें भरो दंड हम येहू ❀ हे मुनि गणको शोणित लेहू ॥  
याँ सुनि शाप डरपि लंकेशा ❀ वेगहि दीनो जनन निदेशा ॥४२॥  
यह घटल अति दूर सिधावो ❀ तिरहुत देश माहँ तुम जावो ॥  
तहां भूमि खानि खात सुभारी ❀ ताविच घरी कुंभ दृढ़कारी ॥४३॥  
जातें फेरि न घट प्रगटवि ❀ बहुरि काह यह विघ्न जनवि ॥  
सुनिजन जाययुक्तितिमिकीनी ❀ जिमि लंकेश रजायसु दीनी ॥४४॥

दोहा—एक शाप यह मुनिनकी, सो जाना रघुनाथ ॥

पुनि दूजो गंधर्वकी, भई कहाँ सो गाथ ॥ ४५ ॥

एक समय मग जानहो, रावण संयुत स्तन ॥

बोन लखो अनि रुचिर गिरि, उर आयो तिहि चन ॥४६॥

ताभूधर पर लंकपति, कियो सुदित विश्राम ॥  
 तिहि मगहै एक तिय कढी, सजे अंग अभिराम ॥ ४७ ॥  
 नारिहि लखि लंकेश तव, भापे मंजुल वैन ॥  
 को सुंदरी अकेलि तुम, कहाँ चली अधरैन ॥ ४८ ॥  
 तिय बोली हौं अप्सरा, इत गंधर्व रहात ॥  
 नल कूबर जिहि नामहै, तिन ढिग मैं नित जात ॥ ४९ ॥  
 सुनि बोलो है कामिनी, हौं लंकेश निहार ॥  
 काह लहौ गंधर्व ढिग, मो मिलि करौ विहार ॥ ५० ॥  
 सो सुनि तिय सब भांति ते, समुझायो लंकेश ॥  
 सो नहिं मानो रंचहु, ता हिय भयो कलेश ॥ ५१ ॥  
 ताछिन मदन विहालहै, गही तिया भुजवीस ॥  
 बरबस कियो विहार तहँ, अति निशंक दशशीश ॥ ५२ ॥  
 सो अप्सरा विहाल बहु, नल कूबर ढिग जाय ॥  
 रुदन कियो कहि निज दशा, गिरी चरण पर धाय ॥ ५३ ॥  
 तव गंधर्व सु ध्यान धरि, देखो सत्य सुहाल ॥  
 जैसो निपट अधर्म हठि, सकल कियो दशभाल ॥ ५४ ॥  
 है क्रोधित गंधर्व तव, दई रावणहिं शाप ॥  
 जाते फेरि न भूलि इमि, करै निशाचर पाप ॥ ५५ ॥  
 आजहिते परतीय गहि, जो हठि करै विलास ॥  
 तौ मम शाप प्रभावते, होय लंकपति नास ॥ ५६ ॥  
 रावण सुनि यह शाप दृढ़, तवहीतें भय मान ॥  
 गहै नारि पै शंक्ते, रहै ताहि रुचि जान ॥ ५७ ॥  
 द्वितिय शाप रावणहिं यह, चोर दई गंधर्व ॥  
 वेदवतीकी बात पुनि, कहाँ सुनो वह सर्व ॥ ५८ ॥

चौ०—एक समय सजि पुष्प विमाना लैवेठि कियो लंकेश पयाना ॥  
 कन्या विमल विपिन इक देखी ॥ वर सुंदरि तप रूप विशेखी ॥ ५९ ॥  
 निधरपति आयो तिहि पामा ॥ कहे वैन भरि होय दुलासा ॥  
 क्यों सुंदरी विपिन विच डोली ॥ कोही कहा नाम तुव बोली ॥ ६० ॥

शुद्ध हृदय निश्शंक सुवाला ❀ बोली विमल सुवैन विशाला ॥  
 कुशध्वजनाम ब्रह्मरूपि ख्याता ❀ सो मम पिता वेद वर ज्ञाता ॥ १ ॥  
 वेद पढतहै मम पितु ज्ञानी ❀ तवहैं तिहि मुखें प्रगटानी ॥  
 वेदवती याते मो नामा ❀ अर्थ सहित राखो अभिरामा ॥ २ ॥  
 सो मम तात सत्य प्रण धारा ❀ विष्णु संग मो व्याह विचारा ॥  
 यहसुनिशंभु दैत्यपति कोप्यो ❀ खल मलीन सब धर्महि लोप्यो ॥ ३ ॥  
 अर्थ रैन सो शंभु सिधारो ❀ सोवत मम पिताहि हति डारो ॥  
 तव मो मात पतिहि लै अंका ❀ जरी अनल अति दुखित निशंका ॥ ४ ॥  
 तवते मैं नित हरि आराधौं ❀ पितु प्रण सत्य हेतु तप साधौं ॥  
 सुनि दशकंठ मुदितहै भाखी ❀ यह अभिलाष वृथा हिय राखी ॥ ५ ॥  
 मम भामिनी होहु अब वाला ❀ त्यागौ तपहि कलेश कगला ॥  
 हौं कलेश तिहूँ पुर स्वामी ❀ मो सन्मुख कहैं खगपति गामी ॥ ६ ॥  
 सुनि बोली रे अधम सुरारी ❀ कह अधर्म यह वात उचारी ॥  
 मोहग ओट वेग खल होई ❀ पातक लगो वदन तुवजोई ॥ ७ ॥  
 सो सुनिरावण अधिक रिसाई ❀ खल तिहि केश गहे वरियाई ॥  
 ताछिन वेदवती कर हाथा ❀ भयो कृपान सरिस रघुनाथा ॥ ८ ॥  
 सो कन्या निज कर निजकेशा ❀ छिन्न किये द्रुत पाय कलेशा ॥  
 पुनि रावण प्रति बहु तप धारी ❀ बोलत भई क्रोध करि भारी ॥ ९ ॥  
 रेखल हतौं तोहि छिन माहीं ❀ पै यह वात उचित मुहिं नाहीं ॥  
 करौं शाप दे जो अब छारा ❀ तौ नशाय मम तप फल सारा ॥ १० ॥

दोहा—याते हौं पुनि जन्मलै, करौं वेगि तुवनास ॥

रौं कहि वेदवती तव, कियो अग्निमें वास ॥ ११ ॥

वेदवती जवहौं रुधित, अनल दाह तनु कीन ॥

तवहिं भये दशवदनके, दशहू वदन मलीन ॥ १२ ॥

येही विधि लंकेशको, भई अनेकन शाप ॥

तऊ रजनिचर मंदमति, करै अमित नित पाप ॥ १३ ॥

पै अब रावण शीश पै, फिर काल मडरात ॥

जानि पर ध्रुव वेग सो, सहित कुटुंब नशात ॥ १४ ॥

याही विधि बहु बार लग, नारद मुनि बहु गाथ ॥  
 कहे अनेक प्रसंगके, मुदित सुने रघुनाथ ॥ ७५ ॥  
 राम मुदित कर जोरि दुहुँ, ऋषि पद शीश नवाय ॥  
 बोले बंधु सखान युत, धन्य धन्य मुनि राय ॥ ७६ ॥  
 अहो भाग्य मम आज प्रभु, दश कृपा करि दीन ॥  
 भयो कृतार्थ अतिहि मैं, नाथ सुपावन कीन ॥ ७७ ॥  
 तव प्रसन्नहै मुनि कही, राम सकल गुण धाम ॥  
 जानत हौ सब हीयकी, हौ परिपूरण काम ॥ ७८ ॥  
 सुनि नारदके वचन वर, गर्भित अर्थ सहेत ॥  
 विहँसि राम मुनि पद गहे, बंधु सखान समेत ॥ ७९ ॥  
 जैति राम कहि मुनि गये, प्रमुदित सबहि सुनाय ॥  
 रघुवर ऋषिहि प्रशंसहीं, कहि कहि अमित प्रभाय ॥ ८० ॥  
 येही विधि रघुवंश मणि, नित सज्जन सतसंग ॥  
 करत रहत विचरत अवध, लखि सब हिये उमंग ॥ ८१ ॥

इति श्रीरामर० ज० वि० रावणवृत्तांत वर्णनोनाम षष्ठोविभागः ॥ ६ ॥

दोहा-अवध निवासी नारि नर, संयुत नृप रनिवास ॥  
 चरित चारहु बंधुके, लखि हिय होत हुलास ॥ १ ॥  
 व्याह योग नृप सुत चहुँ, लखि सब करत विचार ॥  
 बधुन सहित कब देखिये, सुंदर राज कुमार ॥ २ ॥  
 सो इत अवध नरेशके, जब जनमे सुत चार ॥  
 तिहि पाछे मिथिलेश गृह, कन्या भई सुदार ॥ ३ ॥  
 सौरध्वज मिथिलेशकी, कन्या युगल अनूप ॥  
 अरु कुशध्वज नृप बंधुकी, दोय सुता सुख रूप ॥ ४ ॥  
 भूमिसुता मिथिलेश गृह, प्रगट भई जिहि भांति ॥  
 जन्म कथा तिनकी कहों, सहित रूप गुण पांति ॥ ५ ॥

चौ०-मिथिला नाम मुमंडल भारी ॥ विदित जनकपुर आनंद कारी ॥  
 विशद विशाल नगर शुचि सोई ॥ तिहि विलोकि मुरलोक विमोद द ॥

तहँ महीप सीरध्वज नामा ❀ तिनके कुशध्वज बंधु ललामा ॥  
 सो नृप परम धर्म नयनागर ❀ जिहिको यश तिहुँ लोक उजागर ॥ ७ ॥  
 ज्ञानीवर विरक्त भूपाला ❀ परमसंत गुणवंत विशाला ॥  
 सत्य विदेह देह धर राजा ❀ विमल विवेकी सकल समाजा ॥ ८ ॥  
 सीरध्वज अरु जनक विदेह ❀ एकहि रूप नाम तिहु येहू ॥  
 पटरानी नृपकी मति ऐना ❀ धर्म रूप जिहि कहत सुनैना ॥ ९ ॥

दोहा—जनक राजके पुत्र वर, वीर विशद गुण रूप ॥

लक्ष्मीनिधि यह नाम जिहि, यश विख्यात अनूप ॥ १० ॥

प्रोहित नृप मिथिलेशके, शतानंद मतिमान ॥

वेद नीति ज्ञाता कुशल, त्रिकालज्ञ शुभदान ॥ ११ ॥

सुतं संपति तिय धर्म सुख, सज्जन सहित समाज ॥

जनक नगरमें जनक नृप, करत अकंटक राज ॥ १२ ॥

चौ०—एक समय मिथिलामधि भारी ❀ परो अवर्षण काल दुखारी ॥

कालहु पर दुकाल पुनि देखी ❀ चहुँ दिशि पीडित प्रजा विशेषी १३

सो कलेश लखिकै नर नाहा ❀ हृदय भयो अतिदारुण दाहा ॥

पूजन दान अनेक प्रकारा ❀ किये अमित मिथिलेश उदारा १४ ॥

तदपि न कहूँ रंच जल वरपे ❀ प्रति दिन प्रजा नीरहित तरसै ॥

तब भूपति सब मुनि द्विज ज्ञानी ❀ गुणी बुलाय सभावर ठानी १५ ॥

यथा योग सनमानि नृपाला ❀ सविनय बोले वचन रसाला ॥

सबही सुजन कृपा करि हाला ❀ कहिए जतन मिटै जिहि काला १६

वरपे वेगि वारिधर वारी ❀ होय सकल मम प्रजा सुखारी ॥

नृपति वचन मुनि सकल दृढ़ाई ❀ यज्ञ भये विन काल नजाई ॥ १७ ॥

यह मुनि दई रजायसु राजा ❀ वेगहि सजौ यज्ञ कर साजा ॥

होय शीघ्र मख सहित विधाना ❀ यथावेद क्रतु कर्म बखाना १८ ॥

वेद विहित सब साज सजाई ❀ नृप कर महि शोधन विधि आई ॥

कंचन हल वर विशद बनावा ❀ यथा उचित द्विज मुनिन बनावा १९

सतानंद आयसु लै राजा ❀ चले मुदित महि शोधन काजा ॥

भूपति चलत सगुण वर भारी ❀ भये निरखि सब भये सुखारी २० ॥

द्विजन सहित तहँ जाय नरेशा ॥ सविधि कृत्य करि सकल सुदेशा ॥  
 पुनि हल गहिकर जनक मुजाना ॥ महि शोधन अरंभ वर ठाना ॥ २१ ॥  
 सप्तावृत्त होत हलरेपा ॥ महिगत कुशभो अचल विशेषा ॥  
 सो हल रंच न चलै चलावा ॥ रुको सीत नृप लखि दुख पावा ॥ २२ ॥

दोहा-औचकहीं तहँ भूमिमें, भयो प्रकाश अपार ॥

लखि चौंके चित चकितहै, सकल लोग इकवार ॥ २३ ॥

पुनि नृप हेरे सीत दिग, हल रेखा विस्तार ॥

भूमि विवर मगहै कढी, प्रवल अनल सम झार ॥ २४ ॥

चौ०-बहुरि सीत संयुत इक कन्या ॥ भूदलते प्रगटी अति धन्या ॥  
 नृप विलोकि तिहि धाय उठाई ॥ दीपति दिव्य देह बहु छाई ॥ २५ ॥  
 अमित वेज तनु भयो प्रकासा ॥ छायो भ्रम दशहू दिग आसा ॥  
 सो विलोकि जहँ तहँ तिहुँ लोका ॥ दौरे विपुल सु होय विशोका ॥ २६ ॥

धनाक्षरी कवित्त ।

पद नख पानि अरु अघर कपोल नैन ॥ भुकुटी सुकंठ नाभि ॥  
 एडी औ चरण रेख ॥ कंज भानु पल्लव सुबिंब औ मुकर बाण चाप ॥  
 कंबु कुंड फल सरिता अनूप लेख ॥ भौर कोक कोकिल सुकीर्ण ॥  
 कमला अनंग इंद्र हरि देव वृंद कीस शफरी विशेष ॥ रसिक ॥  
 विहारी सिया प्रगटत येते सब भ्रमवश धाये भये चकित सुरूप देप ॥ २७ ॥  
 चौ०-कन्या अमल अनूपनिहारी ॥ भयेजनक हिय अतिहि सुखारी ॥  
 आवतही नृप अंक मझारी ॥ रुदन करन लागी सुकुमारी ॥ २८ ॥  
 रुदन शब्द सुनि सब जन धाये ॥ भूपति निकट वेगि ते आये ॥  
 जे मुनि त्रिकालज्ञ वर ज्ञानी ॥ तेउर माहिँ सकल गति जानी ॥ २९ ॥  
 कन्या निरखि भूप कर माहिँ ॥ द्विज मुनि सब बोले नृप पाहिँ ॥  
 महाराज यह सुता अनूपा ॥ प्रगटी रमा मनौ धरि रूपा ॥ ३० ॥  
 आप भूमिपति भू तुव नारी ॥ महाराज यह सुतातिहारी ॥  
 सीत द्वार महिने प्रगटानी ॥ सीता नाम सुमंगल दानी ॥ ३१ ॥  
 सुनि वर वचन सुदितहै राजा ॥ वंदेसव द्विज संत समाजा ॥  
 नभते सुमन विबुध गन वरपे ॥ चहुँदिशि सकल चराचर हरपे ॥ ३२ ॥



त्रिविध समीर चलो सुखकारी ❀ गिरे मेघ मंडल-चहुँ भारी ॥  
गगन हेरि सवही हुलसाये ❀ शतानंद तव नृपहि सुनाये ३३ ॥

दोहा—जनकराज तुव सिद्धि भो, सकल काज अब आज ॥

आय गये सुरराज बहु, लीने मेघ समाज ॥ ३४ ॥

वेगाहिभवन पधारिये, साज समाज समेत ॥

भूपसुता पग धारिये, आतुर राज निकेत ॥ ३५ ॥

सुनि वरवचन महीप माणि, बहु माणि गण धन वारि ॥

सुता गोदलै हरप युत, आये भवन पधारि ॥ ३६ ॥

सुभग सुनैना सदनमें, गये भूप हुलसाय ॥

सुता दर्दितिय गोद मधि, परम प्रमोद अघाय ॥ ३७ ॥

महरानी मन मुदितहै, सुतालई जव गोद ॥

तव तनुते पय सवित भो, वाढो परम प्रमोद ॥ ३८ ॥

ताही छिन चहुँ ओरते, माचि उठे घन घोर ॥

राचि उठे सब रंगमें, नाचि उठे वन मोर ॥ ३९ ॥

वरसन लागे मेघ जल, महि मंडल चहुँ छाय ॥

धारा धर धारा अमित, धारन धरनि समाय ॥ ४० ॥

भई पंचदश जामलों, वरपा अमित अखंड ॥

नौर भूरते पूर महि, चहुँ ओर नखंड ॥ ४१ ॥

मिथिला मंडल सकलमें, छायो परमानंद ॥

दुख छूटो सवही भये, जड चेतननिर्द्वन्द्व ॥ ४२ ॥

प्रमुदित प्रजा विलोकि बहु, सुखपायो मिथिलेश ॥

शोर होत चहुँ ओरते, जे जे जनक नरेश ॥ ४३ ॥

मिथिलापुरवासी सकल, सहित भूप रनिवास ॥

सिया जन्म उत्साह हित, छिन छिन कियो हुलास ॥ ४४ ॥

पे अपार जल वृष्टि, उत्सव नौकी भौंति ॥

होत घनो वर तदपिहु, जिय उमंग रहिजात ॥ ४५ ॥

इहि विधि बीते पंच दिन, भूमि त्वच्छ नभ देखि ॥

उमड़ो आनंद जनकपुर, सुर नर मुद चहुँ पोषि ॥ ४६ ॥



घनाक्षरी कवित्त ।

आनंद अथाह सिया जनम उछाह माँह गति नरनाहकी न परत  
पिछानीहै ॥ औरै दान औरै मान औरै ज्ञान औरै ध्यान औरै प्रीति  
नीति रीति औरै प्रगटानी है ॥ रसिकविहारी न्यारी उमँग विलोकि  
भारी सब नर नारी सत्य येही उर ठानी है ॥ केतो अधिकानी या  
विदेहकी विदेहताई आजकै विदेहकी विदेहता भुलानी है ॥ ५३ ॥

सोरठा-इत नृप जनक उदार, ज्यों उमँगै आनंदमें ॥

त्यो सिध मातु अपार, दान निछावरि करहिं बहु ॥ ५४ ॥

येही विधि दिन रैन, जनकनगर उत्साह नित ॥

लखि पाँचें सब चैन छाके, परम प्रमोदमें ॥ ५५ ॥

अमित देव मुनि वृंद, सुरी किन्नरी आदि बहु ॥

दरश हेत सानंद, जनक द्वार नित आवहाँ ॥ ५६ ॥

घनाक्षरी कवित्त ।

शतानंद होवैं विधि कौशिक महेश वनै जनक स्वरूप त्यों  
सुरेश निज ठानैं हैं ॥ अंग ज्यों कुशध्वजको धारत कुबेर त्योंही  
ब्रह्मण सुगालवको गात निरमानैं हैं ॥ रसिकविहारी नर नारी देव  
देवी और वपु विरचैं बहु जैसे मन मानैं हैं ॥ मिस करि आवैं सब  
सीयके दरशहेत भीरमें न कोऊ भेद जानै ना पिछानैं हैं ॥ ५७ ॥  
धाय हूँ सुधात्री धाय धाय पय प्यावैं सदा पद्मा प्रोहितानी है सुनेग  
निखारती ॥ किन्नरी नरी है पुरवासिनी सुगीत गावैं शारदा सुवा-  
सिनी है आरती उतारती ॥ रसिकविहारी रूप रचिके रिझावैं रती  
जननी सखी है शची सीताहि शृंगारती ॥ अंग उपटावैं नागक-  
न्या नव नायन हूँ गिरिजा गुसायन हूँ आय नित झारती ॥ ५८ ॥

दोहा-जनकललीके शिशु चरित, रूप अनूप ललाम ॥

पुर परिजन पितु मातु नव, मुदित लखत वसुयाम ॥ ५९ ॥

घनाक्षरी कवित्त ।

झँगुली सुपीत जरतागे ते जटिन मंजु रंग रंग मणिन मट्टीनो  
अंग खूँलै ॥ कागी चिकनारी शीरा लटुंगै लखान लोनी शोभिन  
डिठोना भाल सुखमा अनूँलै ॥ रसिकविहारी सुनगरी पुनवारी

सब लेति बलिहारी हेर हेर हिय फूलैहै ॥ कहति अलीसों अली  
जनक ललीको देख कमल कलीसी भली पालने सुझलैहै ॥ ६० ॥

दोहा—निरखि सुता मुख मात नित, करै निछावर दान ॥

पुनि पसार अंचल मुदित, माँगै रुचि वरदान ॥ ६१ ॥

धनाक्षरी कवित्त ।

शंभु अभिपेक शुचि सविधि करैहों सदा गिरिजा पुजैहों बाल  
मुदित मुखी रहै ॥ मोदक चढैहों गणराजको घनेरे नित्य रसिकविहारी  
कबौं रंचन दुखी रहै ॥ द्विजन जिमैहों दान देहों व्रत लेहों बहु देवी  
देव ग्रहन मनैहों सो पुखीरहै ॥ अंचल पसार प्रात उठिकै निहारे  
मात मेरी प्राण प्यारी सिया संतत मुखी रहै ॥ ६२ ॥

चौ०—यही भाँति पितु मातु अपारा ॐ करत सुकर्म अनेक प्रकारा ॥  
बीते कछुक दिवस तब सीता ॐ खेलैं सखिगण संग पुनीता ॥ ६३ ॥

धनाक्षरी—कवित्त ।

छोटे छोटे पाँयनमें पैजनी सु छोटी छोटी नूपुर जु छोटे छोटे  
रुनझुन बाजैहैं ॥ छोटे छोटे कंकन चुरीहु कर छोटी छोटी छोटे श्रौन  
छोटे झूमकाहु छवि छाजैहैं ॥ रसिकविहारी छोटी छोटीही सहेली  
संग छोटे छोटे भूपन वसन सब साजे हैं ॥ धाय जाय आय माय  
अंक लपटाय सीय खेलैं हुलसाय मिथिलेश भौन भाजैहैं ॥ ६४ ॥  
मंजन कराय माय सकल सजाय अंग भालपै डिठौना दियो  
रुचिर सुधारिकै ॥ जनकदुलारी किलकारी दै सखीन संग खेलैं  
धाय धाय मन मुदित निहारिकै ॥ श्रम जल पाय श्याम बिंदुसो  
वितारभयो हिय हुलसायो मंजु उपमा विचारिकै ॥ रसिकविहारी  
चंद्र मंडलमें एक ओर बैठो अलिछोना मनो पंखन पसारिकै ॥ ६५ ॥

दोहा—इहिविधि बाल विनोद बहु, करत सीय सुखदानि ॥

सो विलोकि सुर परस्पर, वचन कहत अनुमानि ॥ ६६ ॥

धनाक्षरी—कवित्त ।

फूलो हिय कंज मंजु रानी कौशिलाको उत महिपी सुनना ईत नलि-  
॥ ६७ ॥ रसिकविहारी धर्मकोकभो विशोक उत इतहि चकोरी  
अमित दुलसीहै ॥ अमर अनीत शीत भीति उत दूर भई

सकल त्रिताप दाप ताप इत नासीहै ॥ अवध चहुँघा उत छायोहै  
दिनेश तेज इत मिथिलामें चंद्र चंद्रिका प्रकाशीहै ॥ ६७ ॥

दोहा—यहि विधि सब सुर मुदित मन, वर्णत सिय गुण रूप ॥

जवते प्रगटी भूमिजा, तवते सुगति अनूप ॥ ६८ ॥

चनाक्षरी कवित्त ।

हरप विपाद सुख शोक औ उमंग ब्रीडा कंप तेज जड़ता सुधीर  
परसावैहै ॥ देवासुर जनक पिनाक राम सिंधु लंक कीश औ हरीश  
संत क्रम सरसावैहै ॥ रसिकविहारी या अनूप गति सारी हेरि छिन  
छिन भारी मोद उर वरसावैहैं ॥ जनकदुलारी प्रगटीहैं तवही ते  
नित्य शुभाशुभ दोऊ दिन दूने दरसावै हैं ॥ ६९ ॥

दोहा—इहिप्रकार सिय जन्मते, चहुँदिशि होत चरित्र ॥

मनहीं मनते मुदित जे, ज्ञानी परमपवित्र ॥ ७० ॥

जवते प्रगटीहैं सिया, जनकनगरमें आय ॥

तवते सुर मुनि गुप्तहै, नित दरशन करिजाय ॥ ७१ ॥

एक दिवस नारद प्रगट, आये जनक समीप ॥

ऋषिहि नाथ शिर उचित विधि, पूजे मुदित महीप ॥ ७२ ॥

पुनि बोले नृप जोरि कर, भवन पधारिय नाथ ॥

कृपा सुता पर कीजिये, हाथ धरिय तिहि माथ ॥ ७३ ॥

मुनि प्रमुदित मुनि वर तुरत, मिथिलाधिपके संग ॥

आये अंतःपुर हिये, वादी परमउमंग ॥ ७४ ॥

निरखि मुनैना ऋषिहि उठि, सविधि पूजि शिरनाथ ॥

लै सीतहि निज अंकते, मुनि पग धरी सुभाय ॥ ७५ ॥

तव नारद अतिहर्ष युत, सियहि लई निज अंक ॥

ताछिन मुनिमन मोद ज्यों, पारस पायो रंक ॥ ७६ ॥

लखि मुनिवरहि प्रसन्न चित, सविनय कही नरेश ॥

नाथ सुताके चित्र लखि, दीजे मोहि निदेश ॥ ७७ ॥

सुनत वचन मुनि मुदित है, नखशिख सियहि निहारि ॥

बोले नृपति विदेह साँ, ज्ञानी विमल विचारि ॥ ७८ ॥

भूप सुताके अमित गुण, कहौं कहा मति मोरि ॥  
 शेषहु भापि सकैं न जो, वरणैं वर्ष करोरि ॥ ७९ ॥  
 तुव पुत्रीके चिह्न जो, परे चरण कर भूप ॥  
 अवधनाथ सुतके सकल, येही लखे अनूप ॥ ८० ॥  
 सुनि त्रिकाल ज्ञाता नृपति, मुनिहि कहो कर जोरि ॥  
 श्रवण करनको चिह्न सो, चाहतिहै मति मोरि ॥ ८१ ॥  
 तव मुनि बोले रामके, लक्षण सकल अपार ॥  
 पैपद करके कछु कहौं, निजमतिके अनुसार ॥ ८२ ॥

घनाक्षरी कवित ।

स्वस्तिक १ त्रिकोण २ बाण ३ कल्पतरु ४ कंज ५ चक्र ६  
 वज्र ७ छत्र ८ चौर ९ रथ १० अष्टदल ११ ऊर्ध्वरेप १२ ॥  
 सिंहासन १३ अंकुश १४ मुकुट १५ हल १६ मूशाल १७ श्री  
 १८ वसु १९ अहि २० दंड २१ ध्वजा २२ नर २३ जवमाला  
 २४ लेप ॥ रसिकविहारी रेप ऊरधके वाम सोहैं, एक बीस २१ ताके  
 दिशि दक्षिणसुद्वै २ विशेष ॥ येहैं बीस चारि चिह्न दक्षिणचरण चारु  
 राजें रामचंद्रके मैं मुदित भयो हौं दोष ॥ ८३ ॥ गोपद १ पताका २ शंख ३  
 भू ४ घट ५ त्रिकोण ६ गदा ७ जंबू ८ जीव ९ सरयू १० छकोन ११  
 तिल १२ चंद १३ जान ॥ शक्ति १४ बीन १५ त्रिवली १६ पियू-  
 पसर १७ मीन १८ हंस १९ तूण २० धनु २१ बंसी २२ नैनविंव  
 २३ शशिबिंव २४ मान ॥ द्वादश १२ अनूप सरयूके दिशि दक्षिणहैं  
 एकादश १ ताके वाम ओर वर कीनो थान ॥ रसिकविहारी चिह्न  
 चौबिस विशाल येहैं रामपद वाम मैं विलोके मनमोद मान ॥ ८४ ॥  
 चिंतामणि १ कामधेनु २ ऊरध ३ तुरंग ४ गजकुंभ ५ पटकोण ७  
 लता ८ चक्र ९ ध्वज १० भ्राजें हैं ॥ वज्र ११ पंचकोण १२ कंज  
 १३ मंदिर १४ त्रिकोण १५ वान १६ पङ्कग १७ त्रिशूल १८  
 मीन १९ चंद्र २० रवि २१ राजें हैं ॥ अष्टकोण २२ कुंडल २३ प्रमून २४  
 तिल २५ रंभा २६ क्रीट २७ माल २८ फल २९ चंद्रिका ३० गिरी-  
 श ३१ ग्राम ३२ साजें हैं ॥ रसिकविहारी रघुचंदकर दाहिनमें विशद

वतीस वर चिह्न छवि छाजैहैं ॥ ८५ ॥ कंकण १ कदंब २ चाप ३  
अंकुश ४ मल्लिद ५ तुला ६ योनि ७ नरमुंड ८ रथ ९ कुंभ १०  
मणिमाल ११ है ॥ मास १२ शक्ति १३ तोमर १४ पयोध १५ म-  
हि १६ कीर १७ केतु १८ नलिनी १९ सरोज २० शंख २१ भातु  
विंघ २२ लालहे ॥ पारिजात २३ मंजरी २४ अशोक २५ मृग २६  
मीन २७ सिंह २८ तारा २९ सरिता ३० पियूषकुंड ३१ शशिवा-  
ल ३२ है ॥ रसिकविहारी ये वतीस वर चिह्ननेते रामको सुवामकर  
चिह्नित विशाल है ॥ ८६ ॥

दोहा—दोऊ पद कर दुहुँनके, येकहि चिह्न ललाम ॥

दक्षिण वाम जु वाम सो, दक्षिण सीताराम ॥ ८७ ॥

पुनि मुनि बोले नृपति मणि, मुनौ कहाँ दृढ़ वैन ॥

राम भामिनी तुव सुता, हँहै संशय हैन ॥ ८८ ॥

इनकी प्रभुता जगत्में, हँहै वर विख्यात ॥

रूप तेज बल गुण सहित, चिरुजीवै कुशलात ॥ ८९ ॥

पनासरी कावित ।

सुंदरी सुरी औ नरी किन्नरी अनूप सदा इनकी सुतीय सँव रँहें  
अनुगामिनी ॥ देव द्विज वृंद संत सुखसर सँहें भक्ति भुक्ति मुक्ति  
पँहें गुण गँहें दिन यामिनी ॥ रसिकविहारी हीय मोद उमगँहें यश  
प्रभुता वँहें औ कहँहें राम भामिनी ॥ धर्म निरवँहें पतिव्रतहि दिँहें-  
हँ सत्य कंत प्रिय हँहें तिहुँ लोकनकी स्वामिनी ॥ ९० ॥

दोहा—मुनि भूपति नारद वचन, बोले हिय हुलसाय ॥

सुखोरहें संतत सुता, मुनि तव कृपा प्रभाय ॥ ९१ ॥

इहि विधि मुनिवर दर्शाले, सियाहि दई नय गोद ॥

कहि जँज कीनो गमन, पुलकित परम प्रमोद ॥ ९२ ॥

मुनिहि चलत नृपतियसुता, संयुत उठि शिरनाय ॥

कहो दर्श फिरि दीजिये, गेह रावरो आय ॥ ९३ ॥

दे अशीश नारद गये, इत रानी नरनाथ ॥

कहत परस्पर मुनि कृपा, भो यह गेह सुनाथ ॥ ९४ ॥

पुनि बोले नृप मुनि जिती, कही सत्य सब सोय ॥  
 विधि हरि हर नारद वचन, कबहुँ मृपा नहिं होय ॥ ९५ ॥  
 वैन सुनत पितु मातके, सिय दिय भयो प्रमोद ॥  
 सो दुराय लागीं करन, इत उत बालविनोद ॥ ९६ ॥  
 सिय लघु भगिनी तीन जे, बहु गुण रूप ललाम ॥  
 कहत मांडवी उर्मिला, श्रुतिकीरति ये नाम ॥ ९७ ॥  
 ते मिलि सखिगण संगमें, खेलैं खेल अनूप ॥  
 चहुँ नृपकन्या सकल अलि, परममनोहर रूप ॥ ९८ ॥  
 यद्यपि चारहु नृपसुता, हैं गुण रूप प्रधान ॥  
 तदपि सबहिमें जानकी, सुभग शिरोमणि मान ॥ ९९ ॥  
 मात पिता पुर नारि नर, लखि सिय बालविनोद ॥  
 छिन छिन पुलकित होत हिय, पावत परम प्रमोद ॥ १०० ॥  
 जबते सिय प्रगटीं अवनि, तबते नृप मतिमान ॥  
 सहस धेनु तिहि हाथते, नितहि करावत दान ॥ १०१ ॥  
 अपर दान उत्सव अमित, समय समय अनुसार ॥  
 सकल यथाविधि होत नित, जिनको कथन अपार ॥ १०२ ॥  
 सिया जन्म दिनते जनक, करत सदा जो दान ॥  
 ता प्रभावते रंक बहु, भये कुबेर समान ॥ १०३ ॥  
 धर्म तेज पितु मातको, भाग्यवंत पुनि आप ॥  
 याते नित प्रति सीयको, छिन छिन बढै प्रताप ॥ १०४ ॥  
 थोरी वय स्यानी लखत, बल गुण रूप अपार ॥  
 सकल कला विद्या निपुण, संतत विशद विचार ॥ १०५ ॥  
 शिशुताई ते सीय हिय, रुचै अधिक वसु ८ रीत ॥  
 दान १ दयार २ शुचि ३ धर्म ४ बल ५, प्रीति ६ नीति ७ संगीत ८ ॥ १०६ ॥  
 इहि विधि जन्म अनूप भो, जनकसुताको जान ॥  
 शुक्लपक्ष नवमी लखौ, माधव मास प्रमान ॥ १०७ ॥  
 नपत उत्तरा फाल्गुनि, मध्य दिवस गुरुवार ॥  
 सिंह लग्नमें अवनि ते, सिय प्रगटीं सुखसार ॥ १०८ ॥



प्र० महासुंदरतित्रे-श्लोक ।

नवम्यां शुक्लवैशाखे ह्युत्पन्ना सावनीमुता ॥ सीतामुखात्सा  
संजाता पालिता जनकेन च ॥ १ ॥ रामपत्नी महाभागा सीता  
नामेति विश्रुता ॥ तस्मिन्दिने रामभक्ताः श्रद्धाभक्तिसमन्विताः ॥  
॥ २ ॥ महोत्सवपराः सर्वे वित्तशाठ्यविवर्जिताः ॥ गीतवादित्र  
नृत्याद्यैः रामभक्तिपरायणाः ॥ ३ ॥ नवम्यां सितवैशाखे पुराण-  
पठनं तथा ॥ लक्ष्मीसूक्तं पठस्तत्र याति रामं सनातनम् ॥ ४ ॥  
सौभाग्यं धनधान्यं च पुत्रसंततिविस्तृतम् ॥ रामप्रसादाल्लभते  
मुच्यते सर्वपातकात् ॥ इत्यादि ॥

इति श्रीरामरसायन श्रीसीताजन्मवर्णनो

नाम सप्तमो विभागः ॥ ७ ॥

सोरठा-सिय गुण रूप निधान, सखी वृंद संयुत सदा ॥

सकलहीय सुखदान, जनक भवन मधि राजहीं ॥ १ ॥

चा०-एकसमैसियसखिन समेता ॥ विचरतहीं आराम निकेता ॥  
वाग विलोकिं चहुँ रुचिराई ॥ जहाँ सदा ऋतुराज रहाई ॥ २ ॥  
अलि न सहित तिहि वाग मैझारी ॥ प्रमुदित फिरत विदेह दुलारी ॥  
इक रसाल तरु लखि हरपानी ॥ कटुक वार तिहि तर विलमानी ॥  
ताछिन इक शुक शुकुी अनूपा ॥ आये तहँ विचरत वर रूपा ॥  
बैठे सो रसालपर दोऊ ॥ परम प्रसन्न शंक नहिं कोऊ ॥ ४ ॥  
करत परस्पर केलि कलोलें ॥ प्रमुदित दुहँ मनोहर बोलें ॥  
रुचै जोइ सोई बरवानी ॥ कहँ सुनँ निज निज मनमानी ॥ ५ ॥  
कवहुँ शुद्ध सुर गिरा उचारँ ॥ कवहुँक नरवाणी विस्तारँ ॥  
कवहुँ शुक भाषा निज बोलें ॥ दुहँ परस्पर जिय गति खोलें ॥ ६ ॥  
मधुर शुद्ध वर सुनि शुक वानी ॥ सखिन सहित सिय हिय दुलसानी ॥  
सीता कद्यो जतन सो कीजै ॥ सुंदर शुक जोरी गहि लीजै ॥ ७ ॥  
बचन सुनत आली इक जाई ॥ फंद डारि गहिबेको चाई ॥  
शुक उड़ि गयो हाथ नहिं आयो ॥ शुकुी गहीतनु फॉन फँनायो ॥ ८ ॥

तिहि गहि कनक पिंजरा डारी ॐ शुकी देखि सिय भई सुखारी ॥  
 भूषण वसन अमोल नवीने ॐ प्रमुदित है सो आलिहि दीने १॥  
 पारि पिंजरा शुकी अकुलानी ॐ रोवन लगी दीन कहि बानी ॥  
 हा सुखदान हाय शुक प्यारे ॐ हा मम जीवन प्राण अधारे १०॥  
 यों कहि तलफत पिंजर नाही ॐ छिन छिन ताहिकल्प सम जाहीं  
 सिय विलोकि तिहि व्याकुल भारी ॐ लै पिंजर चुचुकारि दुलारी ॥ ११ ॥  
 फल मेवा पकवान अनेका ॐ मीठे सरस एकते एका ॥  
 कनक कटोरिन सकल सजाये ॐ नौर सहित तिहि निकट धराये १२  
 शीश धुनै सो पंख पत्तारे ॐ रोवै शुक विहीन शुक नारी ॥  
 कलू न खाय पियै नहि नौरा ॐ करै विलाप सुनिपट अंधारा १३  
 बोली शुकी दीन है बानी ॐ हे सोता तुम परम सयानी ॥  
 इस पक्षी फल फूल अहार्ये ॐ तैं त्वज्ज तदा वनचारी ॥ १४ ॥  
 जाहू मैं सुनि ली रहिकल ॐ लखी तगर्भ अतिहि बेहाला ॥  
 गले मोहिं दखी मोहिं ॐ निली जाय शुक परम सनेही १५  
 लने जानकी करी सुखनो ॐ शुकी अतिहि तुम मोहिं सुहानी ॥  
 मने तल करी है मने ॐ तहें जगन ते करौ न न्यारी १६ ॥  
 मने तल करी है मने ॐ लखी अब सिया तजैना ॥  
 मने तल करी है मने ॐ रो रो दुनि रोवन लगी १७ ॥  
 मने तल करी है मने ॐ लखी तल गले लखी चुपाई ॥  
 मने तल करी है मने ॐ लखी निकट दूर हलैली १८  
 मने तल करी है मने ॐ लखी लखी नहि तहें तहें ॥  
 मने तल करी है मने ॐ बोली निरख सखी नारा १९ ॥  
 मने तल करी है मने ॐ माछेन तलने वेहु मननारी ॥  
 मने तल करी है मने ॐ लखी लखी करे तिहि मनेचालार ०  
 मने तल करी है मने ॐ लखी लखी तहें तहें हलैली ॥  
 मने तल करी है मने ॐ लखी लखी तहें तहें हलैली ॥  
 मने तल करी है मने ॐ लखी लखी तहें तहें हलैली ॥

वचो फंदते तू उडि भागो ❀ अब बहु वात बनावन लागो ॥  
 सुनि बोलो शुक सियहि बहोरी ❀ तुव हिय होय प्रतीति न मोरी २३  
 सुनौ सिया शुक मोहि न जानौ ❀ हौं गंधर्व सत्य करि मानौ ॥  
 पक्षी देह हेतु जिहि पाई ❀ सकल कहौ वह कथा बुझाई २४ ॥  
 पदरीछंद ।

गंधर्वलोक मेरो सुधाम । हौं नृत्य गानकारी ललाम ॥  
 गंधर्विनो सु यह तीय मोरि । संगीत कला यामें करोरि ॥ २५ ॥  
 तिय सहित सदा सुरलोक जाउँ । सुरराज सभा सब निशि रहाउँ ॥  
 तहैं नित्य होत वर नृत्य गान । गंधर्व अप्सरा जुरहि आन ॥ २६ ॥  
 सुरपति रजाय जब जाहि होय । तब नृत्य गान तहैं करहि सोय ॥  
 इहि हेतु सबै हाजिर रहात । अमरेश सभा नित सकल जात ॥ २७ ॥  
 इक दिवस तीय संयुत तहाँय । हम गये नित्य जिहि समय जाँय ॥  
 तिहि दिन सभा न आये सुरेश । मो जिय विचार आयो सुदेश २८ ॥  
 हे अमरराजको अति विलंब । पुनि नृत्यगानकारी कदंब ॥  
 चलि लखिय आजं अमरावतीहि । वर विशद वाटिका भावतीहि २९ ॥  
 तिहि मध्य विना वासव रजाय । सुर किन्नरादि कोऊ न जाय ॥  
 याते दुराय गंधर्व देह । शुक रूप धारि हम दुहुँ सनेह ॥ ३० ॥  
 नभ पंथ होय तहैं जाय दौय । मन सुदित भये आराम जोय ॥  
 तरुबेलि फूल फल अति अनूप । मणि हेम धाम शुचि विविध रूप ३१  
 तिहि देखि अमित आनंद फूलि । दुहुँ गये सभाकी सुरति भूलि ॥  
 लहि विमल धाम पुनि तीय संग । विचरे अपार वाढी उमंग ॥ ३२ ॥  
 उत सभा आय राजे सुरेश । दीनी रजाय मोहित सुदेश ॥  
 दरवार माहि पायो न मोहि । थाके समस्त जन जोहि जोहि ॥ ३३ ॥  
 तब कियो अमित सुरराज कोप । तिहि समय हीय राखो सुगोप ॥  
 किन्नर सु किन्नरी अमित और । ते नृत्य गान ठाने सुठोर ॥ ३४ ॥  
 इत अर्धरेनि लग करि विहार । तिय सहित फेर निज देहधार ॥  
 हौं सभा मध्य गवनो सशंक । लखि भई इन्द्र भुक्त्यो नु वंका ३५ ॥  
 तिहि देखि भयो मैं अति विहाल । जान्यो सतीय आयो नु काल ॥

कहि त्राहि त्राहि अकुलाय धाय । शिर धरो जाय सुरराज पाय ॥ ३६ ॥  
 सहरोप कही तव इन्द्र मोहि ॥ गुण पाय बढ़ो अभिमान तोहि ॥  
 रेदुष्ट भंगकी नीरजाय । तिय सहित मूढ़ वध योग आय ॥ ३७ ॥  
 कहु सत्य रहो किहि ठौर आज । क्यों करि विलंब आयो समाज ॥  
 मिथ्या न बोल तो बचिहि प्रान । नत बध्य होय या छिन निदान ३८  
 हौ सुनत लई दृढ़ हीय ठान । अब दुहुँ भौति है प्राणहान ॥  
 याते असत्य भापों नरंच । सो होय होय जो पूर्व संच ॥ ३९ ॥  
 यों ठानि कही सब सत्य हाल । सुनि भये इन्द्र दुहुँ नैन लाल ॥  
 बोले सुरेश पुनि अतिसरोप । दुरि कियो दुष्ट तू अमित दोष ॥ ४० ॥  
 आज्ञा सुभंग द्वै कीन मोरि । तिय सहित मृत्यु आई सु तोरि ॥  
 कह करों चरण गहि लीन धाय । अब हतों तोहि तौ धर्म जाय ॥ ४१ ॥  
 इहि हेतु देउँ तुहि शापदंड । या समय सोप मो अति प्रचण्ड ॥  
 हो खल उलूक तिय सहित जाय । नरलोक विपिन निर्जन वसाय ४२ ॥  
 सुनि घोर शाप तिय विकल होय । द्रुत गिरी धाय तिन चरणरोय ॥  
 हौं शरण पाहि बोली पुकार । यह दुसह शाप कीजे उधार ॥ ४३ ॥  
 अवला विलोकि अतिहीं विहाल । पुनि कृपाकीन बहु है दयाल ॥  
 देवेश तब बोले सुन । मो शाप अन्यथा होय हैन ॥ ४४ ॥  
 पैकहौं लाय दाया सु दीय । हैहो उलूक भुव पुरुष तीय ॥  
 सत वर्ष रहौ सो देह दोउ । तिहि अंत फेरि शुक रूप होउ ॥ ४५ ॥  
 इमि जन्म मरण भोगौ अपार । शुकयोनि वर्ष पैहौ हजार ॥  
 पुनि रजक भवन दुहुँ प्रगट होया दश सहस वर्ष सुख अवध जोय ४६ ॥  
 सो देह त्यागि नर नारि दोउ । पुनि स्वर्ग लोक तुव वास होउ ॥  
 इमि इन्द्र शापवश है सदाय । शुकशुकी पुरुष तिय जगरहाय ॥ ४७ ॥  
 मुहि पूर्वजन्मको सकल ज्ञान । तुझ निकट सत्य कीनो बखान ॥  
 याते प्रतीति मन मानि मोरि । सिय देहु वेगि मम शुकिहि छोरि ४८ ॥  
 दोहा—सुनत कही सिय सखिन ते, शुक अति मोहि सुहाय ॥  
 याहुको गहिलेहु तौ, दोउ रहै एक ठाय ॥ ४९ ॥

सुनि सीता वाणी शुकी, सब विधि होय हिरास ॥  
 पति वियोग दृढ़ जानिकै, तजी प्राणकी आस ॥ ५० ॥  
 शिर धुनि धुनि पिंजर विपे, दोऊ पंख पसारि ॥  
 प्राण त्यागि दीनों शुकी, सबही रहीं निहारि ॥ ५१ ॥  
 शुक विलोकि निज तिय मरन, रोयो विकल पुकारि ॥  
 निपट दीनहै रोपयुत, बोलो सियहि प्रचारि ॥ ५२ ॥  
 जनकलली कीनी भली, लये दुहुँनके प्राण ॥  
 याको फल भल पायहौ, कहाँ कहा अब आन ॥ ५३ ॥  
 अवध लेहुँगो जन्ममें, जाय रजकके भौन ॥  
 तब याको फल देहुँगो, जाविधि वनिहै जौन ॥ ५४ ॥  
 यों कहिकै शुक विकलहै, गिरो धरणिपै आय ॥  
 हाय हाय प्यारी शुकी, मोहिं गई तजि हाय ॥ ५५ ॥  
 बहु विलापकरि छिनकमें, शुकहु तजो निज प्राण ॥  
 सो लखिकै सिय सखिन युत, कीनी अमित गलान ॥ ५६ ॥  
 सोच विवश पछिताय चित, भई जानकी भौन ॥  
 तिहि कमला पर बाँहदै, चली मंद निजभौन ॥ ५७ ॥  
 पुनि दृगजल भरिकै सिया, सखिन कही बिलखाय ॥  
 सत्यप्रीति की रीति वर, लखौ अली यह आय ॥ ५८ ॥

सवैया कवित ।

चित चाहको चाहक पाय सदा धिग है तिहि फेरि जु चाह विय ॥  
 करि नीके अमीरस पान बनो धिगहै पुनि जो कटुवारि पिय ॥  
 जिय चाहै चलो विन प्रीतमके धिग वाहि जु धीर भरावै हिय ॥  
 रसिकेशः कहायकै नेही तब धिग ताहि जु मोत बिछोहै जिय ॥ ५९ ॥  
 दोहा—यों कहि सिय बोलों बहुरि, सखि हों अति पछिताउँ ॥  
 मोपै बनी न बात कछु, आपहि आप लजाउँ ॥ ६० ॥  
 सुनि बोलों आली सर्व, स्वामिनि ही मतिमन ॥  
 होनी होय सु नहिं हर, यों भापै सब संत ॥ ६१ ॥

कहि त्राहि त्राहि अकुलाय धाय । शिर धरो जाय सुरराज पाय ॥३६॥  
 सहरोप कही तब इन्द्र मोहि ॥ गुण पाय बढो अभिमान तोहि ॥  
 रेदुष्ट भंगकी नीरजाय । तिय सहित मूढ़ वध योग आय ॥ ३७ ॥  
 कहु सत्य रहो किहि ठौर आज । क्यों करि विलंब आयो समाज ॥  
 मिथ्या न बोल तौ वचिहि प्रान । नत वध्य होय या छिन निदान ३८  
 हौ सुनत लई दृढ़ हीय ठान । अब दुहुँ भाँति है प्राणहान ॥  
 याते असत्य भापों नरंच । सो होय होय जो पूर्व संच ॥ ३९ ॥  
 यौं ठानि कही सब सत्य हाल । सुनि भये इन्द्र दुहुँ नैन लाल ॥  
 बोले सुरेश पुनि अतिसरोप । दुरि कियो दुष्ट तू अमित दोष ॥४०॥  
 आज्ञा सुभंग द्वै कीन मोरि । तिय सहित मृत्यु आई सु तोरि ॥  
 कह करौं चरण गहि लीन धाय । अब हतौं तोहि तौ धर्म जाय ॥४१॥  
 इहि हेतु देउँ तुहि शापदंड । या समय सोप मो अति प्रचण्ड ॥  
 हो खल उलूक तिय सहित जाय । नरलोक विपिन निर्जन बसाय ४२ ॥  
 सुनि चोर शाप तिय विकल होय । द्रुत गिरी धाय तिन चरणरोय ॥  
 हौं शरण पाहि बोली पुकार । यह दुसह शाप कीजे उधार ॥४३॥  
 अवला विलोकि अतिहीं विहाल । पुनि कृपाकीन बहुहै दयाल ॥  
 देवेश तवै बोले सुवैन । मो शाप अन्यथा होय हैन ॥ ४४ ॥  
 पैकहों लाय दाया सु दीय । हैहो उलूक ध्रुव पुरुष तीय ॥  
 सत वर्ष रहौ सो देह दोउ । तिहि अंत फेरि शुक रूप होउ ॥४५॥  
 इमि जन्म मरण भोगौ अपार । शुकयोनि वर्ष पैहौ हजार ॥  
 पुनि रजक भवन दुहुँ प्रगट होया दश सहस वर्ष सुख अवध जोय ४६ ॥  
 सो देह त्यागि नर नारि दोउ । पुनि स्वर्ग लोक तुव वास होउ ॥  
 इमि इन्द्र शापवश है सदाय । शुकशुकी पुरुष तिय जगरहाय ॥४७॥  
 मुहि पूर्वजन्मको सकल ज्ञान । तुझ निकट सत्य कीनो बखान  
 याते प्रतीति मन मानि मोरि । सिय देहु वेगि मम शुकिहि छोरि  
 दोहा—सुनत कही मिय मखिन ते, शुक अति मोहि सुहा  
 बाहको गहिलेहु तौ, दोउद्वयक टाय ॥

दोहा—श्रीसीतापति पद कमल, वंदों मन वच काय ॥

जाकी कृपाकटाक्षते, सकल चरित दरशाय ॥ १ ॥

जवते प्रगटीं जनकजा, जनकनगरमें आय ॥

तवते अति आनंद चहुँ, अधिक अधिक अधिकाय ॥ २ ॥

सिय गुणरूप अनूप लखि, कहत यहै सब लोग ॥

अब सुख तब जब सुभग वर, मिलै जानकी योग ॥ ३ ॥

जनकसुता गुणरूप बल, प्रतिदिन बढ़त अपार ॥

सो विलोकि पितु मात उर, आवैं व्याह विचार ॥ ४ ॥

पै नारदके वचन उर, धरे सिया पितु मात ॥

याते धीरज राखि अति, उर प्रति दिन उमगात ॥ ५ ॥

होम दान पूजन विविध, सिय मंगल हित निज ॥

करत रहत नृपगानि दुहुँ, श्रद्धा सहित सुचित ॥ ६ ॥

येही विधि निशि दिवस सब, प्रेम मगन नर नारि ॥

सिय विवाह अभिलाष हिय, रहे सकल जन धारि ॥ ७ ॥

चौ० एक दिवस नृप रानि समेता ॥ प्रमुदित बैठे रहसि निकेता ॥

ता छिन सिया मात सुखदानी ॥ बोली पतिहि जोरि युगपानी ॥ ८ ॥

कंत मोहि यह परम उमाहा ॥ हग भरि कवै लखौं सिय व्याहा ॥

याते जतन कीजिये सोई ॥ सम सम्बंध वेगि जिहि होई ॥ ९ ॥

रानी वचन सुनत मिथिलेशा ॥ हर्षित बोले वचन सुदेशा ॥

प्रिया धीर धारि मन माहीं ॥ ईश कृपा कछु दुर्लभ नाहीं ॥ १० ॥

यां कहि भूप सभा मधि आये ॥ मान सहित जन सकल गुलाये ॥

पुनि बोले नृप सवहि सुनाई ॥ धर्म नीति मय गिरासुहाई ॥ ११ ॥

हे सीता अयोनिजा कन्या ॥ प्रगट भई अवनितल धन्या ॥

ताको गुण बल तेज अपारा ॥ सवहि विदित का करौ उचारा ॥ १२ ॥

सो गुरु सुहृद सचिव पुरवासी ॥ सब मतिवंत ज्ञान गुण रासी ॥

सज्जन सकल सुमति अनुसारा ॥ सीय व्याह कर करौ विचारा ॥ १३ ॥

जनक वचन सुनि सब हरपाने ॥ धन्य धन्य कहि नृपहि बखाने ॥

ता छिन शतानंद वरजानी ॥ बोले नीत धर्ममय बानी ॥ १४ ॥

चौ०-यौं कहि धाय विदेहदुलारी ❀ मंजूपा सह  
 जवलन मातु गहै सिय जाई ❀ तबलग धनु त  
 निरखि मातमन विस्मय भारी ❀ चकित भई ल  
 रानी तुरतहि नृपहिं बुलाई ❀ कही सकलगति  
 भूपति भूमिसुता बल देखी ❀ प्रगटो उर  
 ईश चरित्र विचित्र विचारी ❀ नृपरानी  
 पुनि पुत्रिहि गहि जनक सुनैना ❀ करचूमै  
 करी सिया यह कह लरिकारि ❀ मुरकी हो  
 यौं कहि वार वार नरनाथा ❀ लखत  
 हरपितह्वै बोले अवनीशा ❀ की  
 है यह बात अमित भी ताकी ❀ क  
 यौं कहि भूपति विप्र बुलाई ❀ ल  
 मणि भूषण पट वित्त अपारा ❀  
 आये जनक नगर नर नारी ❀  
 जो जो सुनै सुविस्मित होवैं ❀  
 इहि विधि युगलयाम दिन आयो  
 तब सिय मात सियहि लै संग  
 करि मंजन शृंगार शुचि सार्ज  
 इष्टदेव कुलदेव सप्रीती  
 गीत वाद्य भोजन युत द  
 इहि विधि कुलपति पूज  
 प्रसुदित हृदय सकल नर  
 दोहा-यौंही नृपति  
 होत रहत प्रा  
 इति श्री०



दोहा-दै पत्री इहि भाँति चहुँ, भेजे दूत अपार ॥  
 सिय गुण रूप विदेह प्रण, विदित भयो संसार ॥ २८ ॥  
 सुनि मानी महिपाल बहु, विपुल बली हुलसाय ॥  
 आये मिथिला नगरमें, निज निज साज सजाय ॥ २९ ॥  
 सन्माने सबही जनक, यथा उचित शुचि भाय ॥  
 पुनि दरशायो चाप नृप, निज प्रण सकल सुनाय ॥ ३० ॥  
 लखि कोदंड अखंड अति, परम प्रचंड उदंड ॥  
 भूप महावर वंडते, हृदय भये शत खंड ॥ ३१ ॥  
 कोऊ नृप लखि दूरही, रहे न लायो हाथ ॥  
 कोऊ भूपति हेरि कै, चापहि नायो माथ ॥ ३२ ॥  
 कोऊ अतिमानी सुते, गहि बल कियो अपार ॥  
 रंचहु डगो न शंभु धनु, रहे मानि हिय हार ॥ ३३ ॥  
 कोऊ धनु गरुता सुनत, गवने नहीं सुठाम ॥  
 कोऊ आवत बीचते, लौट गये निजधाम ॥ ३४ ॥  
 कोऊ हठि सिय लेन हित, ठानो कुटिल विचार ॥  
 युद्धकियो मिथिलेश ते, तऊ न पायो पार ॥ ३५ ॥  
 तन मन धन जन मान गुन, ज्ञान सान बनकान ॥  
 खोय गये निज निज सर्व, रावणसे बलवान ॥ ३६ ॥  
 याही विधि आवि सदा, जनकनगर बहु भूप ॥  
 चाप डगत नहि काहुते, खोय जात सब रूप ॥ ३७ ॥  
 जनक नगर नित रनि दिन, भारी भीर रहात ॥  
 चहुँ ओरके भूप वर, इक आवत इक जात ॥ ३८ ॥  
 पुनि भेजे नृप पत्र वर, सकल मुनिनके धाम ॥  
 आये कौतुक लखनकी, धनुष यज्ञ अभिराम ॥ ३९ ॥  
 येही विधि बहु दिवसलों, आये बली अपार ॥  
 डगो चाप नहि जनक तव, दुखिन भये हिय हार ॥ ४० ॥  
 निशि दिन नृपगनी सकल, पुरजन देव मनाय ॥  
 कहे सिंघाको व्याह वर, निखैं देश नहाय ॥ ४१ ॥

श्री भोगनरनाथन वरा० वि० धनुषयज्ञारं

दर्शनो नाम दधनोविनागः ॥ ५ ॥

दोहा-धेनु सुता तिहुँलोक में, हैं दोऊ अति दीन ॥  
 इनको दुख सुख रहतैहै, संत स्वामि आधीन ॥ १५ ॥  
 कन्या धेनु दुहुँनको, देय सुठौर कुठौर ॥  
 याते अधिक न है कहूँ, पुण्य पाप कछु ओर ॥ १६ ॥  
 पुनि वर कन्या रूप बल, कुल गुण तेज निहारि ॥  
 यथायोग जहँ होय तहँ, कीजे व्याह विचारि ॥ १७ ॥  
 शतानंदके वचन सुनि, बोले जनक नरेश ॥  
 परम कृपाकरि आप यह, दीनो वर उपदेश ॥ १८ ॥  
 सो शिर धरि उपदेश यह, कहौं यथा रुचि मोरि ॥  
 सुनि सुनि उचित विचारि हिय, करिय रजाय बहोरि ॥ १९ ॥  
 सहज उठायो सीय जो, चाप विदित सो बात ॥  
 याते मेरे हीयमें, यह विचार ठहरात ॥ २० ॥  
 सुर नर वर कोऊ जु यह, चाप चढ़ावै आय ॥

सो सुयशी सुकृती मुदित, सियहि व्याहि लैजाय ॥ २१ ॥

चौ०-जनकराजकी सुनि वर वानी \* सभा वृंद बोले शुभजानी ॥  
 भूप वात यह भली बिचारी \* धर्म नीति दुहुँ रीति सुधारी ॥ २२ ॥  
 सुनि पुनि वचन जनक हरपाई \* बोलि सचिवगण कही बुझाई ॥  
 सिया व्याह हित हम प्रण ठाना \* आजहि ते यह सत्य प्रमाना ॥ २३ ॥  
 जो वरबीर पिनाक उठावै १ \* भंजै २ तौलै ३ तनै ४ चढ़ावै ५ ॥  
 पंचकर्म मधि एकहु करई \* मुदित देहुँ सीता सो वरई ॥ २४ ॥  
 यह प्रण सत्य सकल संसारा \* वेगि यथोचित करौ प्रचारा ॥  
 अरु सब धनुष यज्ञ कर साजा \* साजहु अमित कह्यो महाराजा ॥ २५ ॥  
 नृप रजाय सुनि सचिव प्रवीना \* बहुजन बोलि निदेश सुदीना ॥  
 सजौ वेगि सब साज सचेता \* लिखे पत्र पुनि रीति समेता ॥ २६ ॥

धनाक्षरी-कवित्त ।

प्रगट भईहै एक कन्या अवनीते चारु सोई मिथिलाधिराज पुत्री  
 प्रिय प्रानकी ॥ गुण बल तेज रूप अमित अनूप याते भूपति  
 दिढाई वात परम प्रमानकी ॥ रसिकविहारी शंभु चाप अति भारी  
 ताहि तौलन समर्थ होय काहु बलवानकी ॥ आवि वरवीर तौ चढ़ावै  
 धनु छावै यश मोद उपजावै व्याहि जावै देई जानकी ॥ २७ ॥

दोहा—दै पत्री इहि भाँति चहुँ, भेजे दूत अपार ॥  
 सिय गुण रूप विदेह प्रण, विदित भयो संसार ॥ २८ ॥  
 सुनि मानी महिपाल बहु, विपुल बली हुलसाय ॥  
 आये मिथिला नगरमें, निज निज साज सजाय ॥ २९ ॥  
 सन्माने सबही जनक, यथा उचित शुचि भाय ॥  
 पुनि दरशायो चाप नृप, निज प्रण सकल सुनाय ॥ ३० ॥  
 लखि कोदंड अखंड अति, परम प्रचंड उदंड ॥  
 भूप महावर वंडते, हृदय भये शत खंड ॥ ३१ ॥  
 कोऊ नृप लखि दूरही, रहे न लायो हाथ ॥  
 कोऊ भूपति हेरि कै, चापहि नायो माथ ॥ ३२ ॥  
 कोऊ अतिमानी सुते, गहि बल कियो अपार ॥  
 रंचहु डगो न शंभु धनु, रहे मानि हिय हार ॥ ३३ ॥  
 कोऊ धनु गरुता सुनत, गवने नहीं सुठाम ॥  
 कोऊ आवत बीचते, लौट गये निजधाम ॥ ३४ ॥  
 कोऊ हठि सिय लेन हित, ठानो कुटिल विचार ॥  
 युद्धकियो मिथिलेश ते, तऊ न पायो पार ॥ ३५ ॥  
 तन मन धन जन मान गुन, ज्ञान सान बनकान ॥  
 खोय गये निज निज सर्व, रावणसे बलवान ॥ ३६ ॥  
 याही विधि आविं सदा, जनकनगर बहु भूप ॥  
 चाप डगत नहिं काहुते, खोय जान सब रूप ॥ ३७ ॥  
 जनक नगर नित रनि दिन, भारी भीर रहात ॥  
 चहुँ ओरके भूप वर, इक आवत इक जात ॥ ३८ ॥  
 पुनि भेजे नृप पत्र वर, सकल मुनिनके धाम ॥  
 आये कौतुक लखनको, धनुष यज्ञ अभिगम ॥ ३९ ॥  
 येही विधि बहु दिवसलों, आये बली अपार ॥  
 डगो चाप नहिं जनक तब, दुखिन भये हिय हार ॥ ४० ॥  
 निशि दिन नृपगनी सकल, पुरजन देव मनाय ॥  
 कहं सियाको व्याह वर, निखैं ईश नहाय ॥ ४१ ॥

श्री भगिनरसायन द्वा० वि० अनुसूत्रांत

वर्णनो नान दधनोविनायः ॥ १ ॥

चौ०-दिशि दिशि ते बहु ऋषिगण आये \* मिथिला चहुँ ओर सब छाये  
 विश्वामित्र महामुनि ज्ञानी \* धनुषयज्ञ दर्शन मति ठानी ॥ १ ॥  
 पै मुनि मन अति खेद रहावै \* पूरण होम होन नहिं पावै ॥  
 अनल धूम लखि निश्चर भारी \* करें विघ्न ऋषि रहैं दुखारी ॥ २ ॥  
 कौशिक मुनि मन सोच अपारा \* किमि पूरण मख होय हमारा ॥  
 पुनि ऋषिराज सुहीय विचारी \* जाते बनै यज्ञ रखवारी ॥ ३ ॥  
 ह्वै प्रसन्न मुनि अवध सिधाये \* दशरथ राजद्वार पहुँ आये ॥  
 मुनि नरेश उठि आगे आने \* करि प्रणाम पूजे सनमाने ॥ ४ ॥  
 सिंहासन पर मुनि पधराये \* वेगि चारहु कुँवर बुलाये ॥  
 ऋषि चरणन मेले तिन भूषा \* कौशिक भये मगनलखिरूपा ॥ ५ ॥

सो०-पुनि करजोरि बहोरि, भूप सभाशिर नायकै ॥  
 कियो प्रणाम निहोरि, मुनि अशीश सबहीदयो ॥ ६ ॥  
 पुनि वसिष्ठ द्विजवृंद, मिले यथोचित कौशिकहि ॥  
 बृद्धि कुशल सानंद, निज निज थल बैठे सकल ॥ ७ ॥  
 तब कर जोरि बहोरि, भूप कही ऋषि राजसों ॥  
 कीनी कृपा करोरि, नाथ मोहिं दर्शन दियो ॥ ८ ॥  
 जो कुछ होय रजाय, सो शिर धरि बैगै करौं ॥  
 मुनि कौशिक हुलसाय, बोले दशरथ रायसों ॥ ९ ॥  
 यज्ञ न पूरण होत, याते हम अति दुखित हैं ॥  
 सदा निशाचर गोत, विघ्न करत हैं आय बहु ॥ १० ॥  
 याते तुव सुत राम, लपण देहु खल दलन हित ॥  
 हो परिपूरणकाम, सुयशरहे तिहुँ लोकमें ॥ ११ ॥  
 मुनि मुनि वचन नृपाल, विकल भये बहु शोचवश ॥  
 पुनि धरि धीर उताल, कद्यो कौशिकहि जोरि कर ॥ १२ ॥  
 नाथ बाल रघुनाथ, युद्ध कहा जानैं अब ॥  
 सजि अनीक प्रभु साथ, हाँ चलि मख रक्षा करौं ॥ १३ ॥  
 मुनि बोले मुनि बन, हम कानन वासी तपी ॥  
 नंग लेंय नहिं मन, गम लपण याचत तुम ॥ १४ ॥

मुनि चुपरहे नरेश, तव वसिष्ठ बहु भाँतिते ॥  
 नृपहि दियो उपदेश, ज्ञान धर्म कर नीति कहि ॥ १५ ॥  
 तव ह्वै मुदित भुवाल, कहो कौशिकहि जोरि कर ॥  
 दुहुँ राखे वाल, लै निज संग सिधारिये ॥ १६ ॥  
 पेजो होहि रजाय, राम सखा संग रहहि तौ ॥  
 मुनि बोले मुनिराय, नृपशंका निवारिकै ॥ १७ ॥

चौ० मुनिय अवध पति वचन हमारे ॥ तुव सुत सकल प्राणते प्यारे ॥  
 याते राम लपण हम याचे ॥ निरखे सब प्रेम पन साँचे ॥ १८ ॥  
 लपण रहें रघुवरके संग ॥ संयुत प्रीति प्रतीति उमंगा ॥  
 और समाज साज नहिं कोऊ ॥ केवल चाहिय भूप सुत दोऊ ॥ १९ ॥  
 रंचहु कछु कलेश नहिं पैहें ॥ गृहते सरस सुखी नित रेहें ॥  
 ज्यों सुत हैं तुव प्राण अघारे ॥ तिहिते अधिक मोहिं दुहुँ प्यारे ॥ २० ॥  
 मुनि भूपति दुहुँ सुतन बुलाई ॥ धर्मनीति रणरीति शिखाई ॥  
 कहाँ जाहु संग दोऊ भाई ॥ निज पितु गुरु जानौ ऋषिराई ॥ २१ ॥  
 मुनि प्रमुदित पितु पद शिरनाई ॥ लै धनु बाण सुअंग सजाई ॥  
 चरण बंदि सब मातन केरे ॥ दई धीर कहि वचन घनेरे ॥ २२ ॥  
 बंधु सखन मिलि मिलि बहुवारा ॥ नृपहि कियो पुनि आय जुहारा ॥  
 पुनि प्रोहित द्विज वृंद समेता ॥ बंदन किये सुबुद्धि निकेता ॥ २३ ॥  
 तव भूपति दुहुँ सुत उर लाये ॥ गद्गद कंठ नैन जल छाये ॥  
 बोले मुनिहि दीन करजोरी ॥ सुनिय नाथ यह विनती मोरी ॥ २४ ॥  
 सो उपाय कीजे मुनिनाथा ॥ निरखी वेगि लपण रघुनाथा ॥  
 यों कहि दुहुँ सुत कर गहि राई ॥ साँपे मुनिहिं प्रतीति दिदाई ॥ २५ ॥  
 सदित समाज ऋषिहि नृप वेदे ॥ पुनि मिलि द्विज गुरु सकल अनंदे ॥  
 दे अशीश नृपहि मुनिनाथा ॥ चले राम लछमन लै नाथा ॥ २६ ॥  
 तानगुंद ।

लै राम लछमन संग ॥ मुनि चले पुलकिन अंग ॥  
 भग जातही अचरीच ॥ लखि नाइका तिय नीच ॥ २७ ॥  
 आई सुप्रसन्नकाल ॥ थाई नकोष कंगल ॥

लखि कही कौशिक राम ॥ इहि हतौ यह खल वाम ॥ २८ ॥  
 रघुवीर आयसु मान ॥ मारो जु इक शर तान ॥  
 तनु भयो प्राणविहीन ॥ लखि दीन तिहि गतिदीन ॥ २९ ॥  
 तिहि वध विलोकि मुनीश ॥ रघुवरहि दीन अशीश ॥  
 दुहुँ वंधु हिय हुलसाय ॥ लीने सुहृदय लगाय ॥ ३० ॥  
 पुनि दुहुँनको ऋषि भूप ॥ दीने सु अस्त्र अनूप ॥  
 विद्या सु और अनेक ॥ इकते विशद वर एक ॥ ३१ ॥  
 मुनि राम लपणहि दीन ॥ भे दुहुँ वंधु प्रवीन ॥  
 तनु तेज बल सरसान ॥ उर अमित सुख दरशान ॥ ३२ ॥  
 पुनि आश्रमहिं निज आय ॥ मुनि कही अब रघुराय ॥  
 हम करहिं यज्ञरचाय ॥ दुहुँ वंधु रहहु सहाय ॥ ३३ ॥  
 है सजग नृपति किशोर ॥ दुहुँ वीर वर वर जोर ॥  
 मखपाल भये उत्तंक ॥ मुनि कियो यज्ञ निशंक ॥ ३४ ॥  
 दिन पंच मख मुनि कीन ॥ जव पूर्ण आहुति दीन ॥  
 तव उठो धूम अपार ॥ भो गगन लों विस्तार ॥ ३५ ॥  
 अवलोकि नभ मख धूम ॥ धाये असुर करि धूम ॥  
 मार्गेन दल युत नीच ॥ आयो सुबाहु समीच ॥ ३६ ॥  
 कीने अमित उत्पात ॥ तम छयो कछु न दिखात ॥  
 नरप उपल मल धूरि ॥ दशहुँदिशा भारि पूरि ॥ ३७ ॥  
 नभ भूमिमं चहुँ ओर ॥ बहु घोर छावत शोर ॥  
 हिनहुँ न कोउ जनात ॥ दुहुँ वंधु अति अकुलान ॥ ३८ ॥  
 तव मख शर रघुवीर ॥ छोड़ो सकोप मुनीर ॥  
 न नृप नव नम नाग ॥ भो दशहुँदिशाहि प्रकाश ॥ ३९ ॥  
 नृप नाग निज घर जाव ॥ मार्गेन त्यागमुभाव ॥  
 नो कर्म नो विहंग ॥ उटि पगे जलनिधि पार ॥ ४० ॥  
 नृप नाग नम नम ॥ भाये दया दिनि गोप ॥  
 नृप नाग नम नम ॥ निरुद्ध जलमन नम ॥ ४१ ॥  
 नृप नाग नम नम ॥ छोड़ि निजिनाम नम ॥  
 नृप नाग नम नम ॥ नम नम नम नम ॥ ४२ ॥

लागि अनलशर कर दाहु ॥ भो भस्म वीरं सुवाहु ॥  
 पुनि अपर दलहि सँहार ॥ कीनो सु पलक मझार ॥ ४३ ॥  
 इहि भाँति मारि सुरारि ॥ दुहुँ बंधु अंग सम्हारि ॥  
 आनंद हिय हुलसाय ॥ आये गहे गुरु पाय ॥ ४४ ॥  
 हिय लाय मुदित मुनीश ॥ दुहुँ दीन अमित अशीश ॥  
 आकाश अवनि मझार ॥ चहुँ भयो जैजैकार ॥ ४५ ॥  
 इहि भाँति ऋषि मखपाल ॥ बोले दुहुँ रघुलाल ॥  
 अब और काह रजाय ॥ सो भापिये मुनिराय ॥ ४६ ॥  
 दोहा-मुनि बोले कौशिक हरपि, सुवल तिहारे राम ॥

निरखि यज्ञपूरण भये, हम परिपूरण काम ॥ ४७ ॥

मुनि दुहुँ बंधु सुजोरि कर, कही सकुचि शिरनाय ॥

बन वाल ते काह यह, सब रावरो प्रभाय ॥ ४८ ॥

तब दोऊ नृप सुतनसों, बोले पुनि सरबज्ञ ॥

चला जनकपुर देखिये, रचो जनक धनुयज्ञ ॥ ४९ ॥

मुनि आज्ञा मन मुदित है, गुरु पद नायो माथ ॥

चले जनकपुर बंधु दुहुँ, कौशिक मुनिके साथ ॥ ५० ॥

चले गाधिसुत मुदित मग, वर्णत बहु इतिहास ॥

रामलपण मुनिजन सकल, मुनि हिय होत हुलास ५१

इहि विधि आये विपिन इक, लखी उपलमय वाम ॥

पूछो भेद सु मुनिहिसे, चकित चित्त है राम ॥ ५२ ॥

विश्वामित्र प्रसन्न है, कही मुनी रघुनाथ ॥

यह तिय पादन जिमि भई, वर्णत हों सब गाथ ॥ ५३ ॥

चौ०-गौतम ऋषि सर्वज्ञ सुजाना ॥ जिनकी कीरनि विदिन जहाना ॥

है तिनदी मुनिकी यह वामा ॥ अति सुंदरी अहल्या नामा ५४ ॥

चा मिलि कियो अमरपति पापा ॥ उपल भई निज पतिक शापा ॥

ताको फल सुरेश भल पायो ॥ जो सहस्रभग नाम कहायो ५५ ॥

एक सम सुगज सिधाये ॥ गौतम भवन मुदित है आये ॥

लखि मुनिनारि निपट मन लोभे ॥ मननिज विकशचित्त अतिछोने ५६ ॥

तहँते गये विकल निज धामा ❀ सुरपति हिये वसी मुनि वामा ॥  
 पुनि वासव दृढ़ युक्ति विचारी ❀ जाते मिलै अहल्यानारी ॥५७॥  
 ऋषि आश्रम आये सुरराया ❀ अर्धरौनि कीनी यह माया ॥  
 कछु उजासभो प्रात समाना ❀ बोलन लगे पक्षिगण नाना ॥५८॥  
 मंजन समय जानि मुनिराई ❀ गये वेगि तिय सदन विहाई ॥  
 ताही दिन ऋतुते मुनि नारी ❀ भई पुनीत रीत युत सारी ॥५९॥  
 सून भवन जब सुरपति देखा ❀ तब आये करि गौतम भेषा ॥  
 सो मुनि तिया इन्द्र पहिचानो ❀ पै चुपरही मदन उमगानो ॥६०॥  
 लखि बोली हँसि वचन सुहाये ❀ आज वेगि मंजन करि आये ॥  
 मुनि मुनि कपट वेप सुरराई ❀ कहे वचन बहु प्रीति बढाई ॥६१॥  
 तब दोऊ अनंग उमगाई ❀ कियो विहार वेगि भय छाई ॥  
 तहँते बहुरि रूप सोधारे ❀ सुरपति शंकित चलन विचारे ॥६२॥  
 तब तिय कही सुनिय सुरराई ❀ निज मम रक्षा करहु सदाई ॥  
 जो मुनि भेद रंचहु पैहँ ❀ हम तुम दुहुँके प्राण नशै हँ ॥६३॥  
 तब सुरेश बोले तिहि पाहीं ❀ रहौ निशंक शंक कछु नाहीं ॥  
 यों कहि इन्द्र तियहि उरलाई ❀ कोढ़ वेगि गृहते सजुपाई ॥६४॥  
 इत यह इन्द्र कियो छल भूरी ❀ उत ऋषि गये जबहि कछु दूरी ॥  
 तब नभ दिशि हेरे मुनि ज्ञानी ❀ हेवहु निशा अवहि यह जानी ॥६५॥  
 द्वे विस्मित धरि ध्यान मुनीशा ❀ देखो सो जु कियो सुरईशा ॥  
 कुधित वेगि निज भवन सिधारे ❀ वासव कढत लखो वपु धारे ॥६६॥  
 तब मुनीश कटु वचन उचारी ❀ इन्द्रहि दर्द शाप अति भारी ॥  
 रखल वृषण नष्ट होजाई ❀ भग सहस्र तो तनु प्रगटाई ॥६७॥  
 तुरताई वृषण गिरे तब ताके ❀ सुरप विकल भो विवश विथाके ॥  
 तत्क्षण भग सहस्र सब अंगा ❀ प्रगटे स्त्रावित रुधिर अभंगा ॥६८॥  
 दुखित होय सुरपति गृह गयउ ❀ गौतम तियाहि शाप तब दयउ ॥  
 दो अयमा तुव उपल शरीरा ❀ वन वसि सदै पवन तप नीरा ॥६९॥  
 दोदा-मुनन शाप नित्य विकल है, गिरी चरण पे धाय ॥  
 गेई दोन अयोन बहु, विनय करी मनभाय ॥ ७० ॥



तव दयालु है मुनि कही, होय न मिथ्या शाप ॥  
 पुनि कछु दुख भोगे विना, मिटै नहीं तुव पाप ॥ ७१ ॥  
 याते पाहन रूप है, वन कछु काल रहाय ॥  
 पुनि राघव पद परसते, होय शुद्ध हरपाय ॥ ७२ ॥  
 इत तिय मुनिवर शापते, भई सुपाहन रूप ॥  
 वृषणहीन तनु भगनते, उते विकल सुरभूप ॥ ७३ ॥  
 लज्जा विवश न धामते, कवहूँ कढ़त सुरेश ॥  
 भग सहस्र तनुमें भये, लागत निपट भेदश ॥ ७४ ॥  
 वासव व्याकुल देखिके, सकल देव समुदाय ॥  
 करि विचार ले भेषके, दीने वृषण लगाय ॥ ७५ ॥  
 पुनि सब सुर गंधर्व मुनि, देवराज लेसाथ ॥  
 आये गौतम निकट बहु, विनय करी सुरनाथ ॥ ७६ ॥  
 तव मुनि बोले इन्द्रसों, घोर पाप तुव आय ॥  
 या कारणते चिह्नतौ, रहें अंग सदाय ॥ ७७ ॥  
 पे सहस्रभगते सकल, दृग होवैं अभिराम ॥  
 रहै एक भग अंगमें, तीन होय तुव नाम ॥ ७८ ॥  
 भेष वृषण इक दूसरो, हो सहस्र भग जान ॥  
 सहस्रनैन पुनि तीसरो, सुरपति नाम प्रमान ॥ ७९ ॥  
 वर प्रभाव भग दृगभये, सुरहो पूरण काम ॥  
 मुनिहिवांदि वासव सहित, सकल गये निज धाम ॥ ८० ॥  
 मो सुरेश शुचिहै सुखी, अब यह पाहननारि ॥  
 तुव पद रजके परशकी, रही आश उरधारि ॥ ८१ ॥  
 याते अब रघुवीर इहि, वेगि सुपद परशाय ॥  
 कर्ग अदल्या शुद्धता, पुनि पनि सँव जाय ॥ ८२ ॥  
 गुरु आज्ञा मुनि सकुचिक, राम सकल गुणयाम ॥  
 निज पद परसायो तुरत, भई शुद्ध वर वाम ॥ ८३ ॥  
 मुनिगण जेजकार किय, तिय दिय अनि हरपानि ॥  
 कर्ग अदल्या विनय बहु, दीन जोरि मुगपानि ॥ ८४ ॥



दोहा—यौंकहि पुनि कौशिक सकल, कथा सहित विस्तार ॥

वरणी जनक नेरशासों, प्रमुदित वारंवार ॥ ७ ॥

चौ०—सुनिमुनिवचन भूपहुलसाये ❀ उठि दुहुँ बंधु सु अंक लगाये  
 अवधनाथकी सब कुशलाई ❀ पूछी राम सु सकल सुनाई ॥ ८ ॥  
 शतानंद सुनि मात उधारा ❀ पायो उर आनंद अपारा ॥  
 उमंगि हीय दुहुँ नृपसुत भेटे ❀ दुसह शोक संभव दुख भेटे ॥ ९ ॥  
 पुनि मुनि मुनिहि प्रशंसन लागे ❀ सरस सनेह परस्पर पागे ॥  
 शतानंद अति हिय हुलसाई ❀ सवहि गाधिसुत कथा सुनाई १०  
 प्रथम रहे कौशिक वर भूपा ❀ शोभित राज समाज अनूपा ॥  
 सबल सेन चतुरंग अपारा ❀ सकल साज वरणे को पारा ११ ॥  
 एक समय वर विपिन मँझारी ❀ करि अहेर अति भये सुखारी ॥  
 कछुक दूर चलि लखि शुचि ठामा ❀ दल समेत कीनो विश्रामा १२  
 सो आश्रम वशिष्ठ ऋषि रहहीं ❀ जो विधिपुत्र विदित जग अहहीं ॥  
 सुनि महीप प्रमुदित तहँ जाई ❀ दरशालये सादर शिरनाई ॥ १३ ॥  
 नृपहि यथोचित ऋषि सनमाने ❀ भय बहोरि पाहुने जाने ॥  
 याहित वर विचार मुनि कीना ❀ राजहिसदल निमंत्रण दीना १४  
 मुनि आज्ञा शिर धरि नृप आये ❀ मनही मन विस्मित सचुपाये ॥  
 इत वशिष्ठ दिग ऋषि सिधि धामा ❀ कामधेनु सबला जिहि नामा १५  
 सो वशिष्ठकी आयसु पाई ❀ सौंज यथोचित बहु प्रगटाई ॥  
 असन बसन भूषण धन धामा ❀ दासी दास अमित अभिरामा १६  
 सुर दुर्लभते सकल पदारथ ❀ अगणित उचित अनूपयथारथ ॥  
 इहिविधि सबला साज सजाई ❀ करी सदल कौशिक पहुनाई १७  
 नृत्य गान भोजन बहु भोगा ❀ सवनिशि पगे भूप सब लोगा ॥  
 प्रातहोत सो कछु न दिखाना ❀ विश्वामित्र आचरजमाना ॥ १८ ॥  
 निरखी भूप अमित प्रभुताई ❀ मनहीं मन विस्मय अधिकाई ॥  
 वेगि वशिष्ठ निकट तव जाई ❀ करि प्रणाम भेटे सचुपाई ॥ १९ ॥  
 चपल चित्त चहुँ इत इत देखा ❀ संपति वस्तु न कछ कहूँ पेखा ॥  
 परन कुटी बल्कल इक गाई ❀ दंड कमंडलु यही लगाई २० ॥

अमित अन्न कौशिक प्रगटायै \* नवल लोक नव धाम वसायै ॥  
 दूजो : स्वर्ग विरचि नृपकाजा \* राखो तहँ त्रिशंकु ऋषि राजा ७७  
 दोहा—एकवार कौशिक सु यह, महा आचरज कीन ॥

चौ०—पुनि ऋषि पुष्कर तीरथ जाई \* महा घोर तप प्रबल दिडाई ॥  
 तब हूँ एक विघ्न यह आयो \* अंबरीष नृप अवध सुहायो ७९ ॥  
 करनलगे वर यज्ञ सुदेशा \* तिनको मख पशु हरो सुरेशा ॥  
 सो नृप पशु हेरत चहुँ घाई \* भृगु आश्रम पहुँचे अकुलाई ८०  
 तहँ ऋचीक मुनि युत सुत दारा \* करत रहे तप प्रबल उदारा ॥  
 तिनके तीन पुत्र लखि राजा \* माँगो एक यज्ञ बलि काजा ८१ ॥  
 लघु पुत्रहि माता नाहिं दीनो \* जेठहि निज ऋचीक करि लीनो ॥  
 रहो मध्य शुनशेफ जु नामा \* सो जानौं हौं एक निकामा ८२ ॥  
 तब शुनशेफ दीन है भापो \* मोहिं लेहु नृप कोउ न रापो ॥  
 सुनि महीप गोलक्ष सुदीनी \* गहि शुनशेफहि मारग लीनी ८३  
 भूपति पुष्कर किय विश्रामा \* सुनि ऋचीक सुत कौशिक नामा ॥  
 ऋषि ढिग जाय कहे सब हाला \* गाधिसुवनहै अतिहि दयाला ८४ ॥  
 तप बलदै द्वे मंत्र सिखाये \* कियो अभै शिर कर परशायै ॥  
 सो नशुशेफ हीय हुलसायो \* अंबरीष सँग अवध सिधायो ८५ ॥  
 दोहा—लै शुनशेफहि सविधि जब, बाँधो जूपहि आन ॥

तब मुनि सुत सो मंत्र दुहुँ, पढ़े समय अनुमान ॥ ८६ ॥

मंत्र पढ़त सब देवगण, तुष्ट भये सुख पाय ॥

यज्ञ समापत मुनि तनय, बचो सदेह सुहाय ॥ ८७ ॥

दूजो विघ्न जु कौशिकहि, भयो तबै ऋषिराज ॥

पुनि तप ठान्यो प्रबल अति, त्यागि सकल जगकाज ८८ ॥

एक सैम वर अप्सरा, लखि लोभे ऋषिनाथ ॥

बहुत वर्ष तप त्यागिकै, रमन कियो तिहि साथ ॥ ८९ ॥

पद्मी विधि बहु वार ऋषि, कियो अमित तप जाय ॥

श्रीराम महि दसह दख, भये विघ्न वह आय ॥ ९० ॥

चौ०-तप मँहँ भये विघ्न बहु वारा ॥ जाते रहो निफल श्रमसारा ॥  
 तऊ न कौशिक तपहि विहाई ॥ करीअमित विधि चहुँ दिशिजाई ११  
 पुनि बहु तप कीना ऋषि कानन ॥ तव अतिमुदित भये चतुरानन ॥  
 आय दियो जिय रुचि वरदाना ॥ कहे ब्रह्म ऋषि युत सनमाना १२  
 तव कौशिक बोले करजोरी ॥ जक्तपिता इक विनती मोरी  
 आय वशिष्ठ ब्रह्म ऋषि भापे ॥ सो कीजे हम यह अभिलापे १३  
 है दयालु विधि वेगहि जाई ॥ कही वशिष्ठहि बहु समुझाई ॥  
 पितु आज्ञावश मुनि तहँ आये ॥ बोलि ब्रह्मऋषि भवन सिधाये १४  
 दोहा-जव कौशिकहि वशिष्ठ मुनि, कहे ब्रह्मऋषि आय ॥

तवते गाधिकुमार द्विज, भये सु तपवल पाय ॥ १५ ॥

यदापि ब्रह्मऋषि है गयो, तपवलेते महिपाल ॥

तदापि सुमिरि पूरवदशा, होय कवौ उरशाल ॥ १६ ॥

पुनि वसिष्ठ तप तेज लखि, कौशिक कीन विचार ॥

जौ लग रहैं वशिष्ठ जग, तौ लग मोर नसार ॥ १७ ॥

यौ दृढ़ ठानि विचार हिय, महि विचरत इक वार ॥

मुनि वशिष्ठ आश्रम गये, आधरैनि मँझारि ॥ १८ ॥

कुटी निकट तरु ओट गहि, ठाढे करत विचार ॥

जो वशिष्ठ बाहर कटै, तो अब डारौ मार ॥ १९ ॥

सो निशि पूरण शरद शशि, छायो विशद प्रकाश ॥

लखि वशिष्ठ सो शिष्य प्रति, बोले सहित हुलास ॥ १०० ॥

आज शरद शशि चंद्रिका, यौ अनूप दरशाय ॥

ज्यौ कौशिक तप तेज जग, रहो विमल यश छाया ॥ १०१ ॥

चौ०-मुनिवशिष्ठकेवचन सुहाये ॥ कौशिकमुनिअति हिय पछित्ताये  
 विधिसुतकी विलोकि सरलाई ॥ गहे धाय पद पंकज जाई १०२  
 लखि कौशिक वसिष्ठ हियलाये ॥ मिले परस्पर दुहुँ हुलसाये ॥  
 मुनि मुनि कियो परम दृढ़ प्रेमा ॥ हृदय शुद्ध दोऊ युत क्षेमा १०३  
 तवते दुहुँ मुनीशनमार्हौ ॥ काहूविधि कछु अंतरनाही ॥  
 इहिविधि गाधिपुत्र अवनैशा ॥ तपवल भये सु ब्रह्मऋषीशा १०४

विश्वामित्र देखि दृढठानी ❀ हे यह कामधेनु सुखदानी ॥  
 यार्हीके प्रभाव मुनिराई ❀ अनुपम कीनी मम पहुनाई ॥ २१ ॥  
 यह विचारि नृप अधिक लुभाने ❀ कहे वैन बहु स्वारथ साने ॥  
 दास जानि मुनि कृपा करीजे ❀ एक वस्तु मुहि माँगे दीजे ॥ २२ ॥  
 भूपन वसन धेनु धन धामा ❀ मणि मुक्ता गज वाजि सुग्रामा ॥  
 जो भावै सो सब कछु लेहू ❀ मुनि यह कामधेनु मुहि देहू ॥ २३ ॥  
 मुनि वशिष्ठ बोले वर वैना ❀ कछू वस्तु हम रंच चहैना ॥  
 है सबला यह धेनु अनूपा ❀ सो न देहिं गवनो गृहभूपा ॥ २४ ॥

दोहा—मुनि बहोरि बोले नृपति, सकल राज्य मम लेहु ॥

पै मुनिवर करिकै कृपा, यह सुरभी मुहि देहु ॥ २५ ॥

तब पुनि कही वशिष्ठ हम, देहिं न सबला काहु ॥

तुम नृप उचित न याचिवो, यह विचारि घरजाहु ॥ २६ ॥

मुनि कौशिक करि कोप तब, दीनी तुरत रजाय ॥

वरवस धेनु छुराय लै, चले हिये हरपाय ॥ २७ ॥

सोरठा—जब नृप सदल वलिष्ठ, कामधेनु वरवस लई ॥

व्याकुल भये वशिष्ठ, तब निज धर्म विचारिकै ॥ २८ ॥

उत सबला अकुलाय, दृढ बंधन तिहि भंजिकै ॥

धाय परी मुनि पाय, बोली दीन विलाप करि ॥ २९ ॥

अनुचित कीनो काह, जाते त्यागी नाथ मुहि ॥

मुनि बोले मुनिनाह, लिये जात हठकै नृपति ॥ ३० ॥

कहो तबहिं वरगाय, जो प्रभु आज्ञा होय तौ ॥

अमित वीर प्रगटाय, कौशिक दल नाशों सबै ॥ ३१ ॥

मुनि सबलाके वैन, प्रमुदित मुनि आज्ञा दई ॥

भयो धेनु चित चैन, प्रगटे वीर सुअंगते ॥ ३२ ॥

यमन अनेक प्रकार, पहवादि हुंकारते ॥

प्रगटे वीर अपार, विदित जक्त वरवर सकल ॥ ३३ ॥

बहुरि शृंगते वीर, विविध किये उत्पन्न पुनि ॥

रोम कूपते भीर, कद्वी मलेशनकी अमित ॥ ३४ ॥

योनि अंगते भूरि, यवन भये वलवान बहु ॥

रहे विविध भट पूरि, सबला तनु प्रगटायके ॥ ३५ ॥

दोहा-पहव सक वर्वर यवन, अरु कंवोज अपार ॥

पुनि हारीत किरात ये, म्लेश सकल 'निरधार ॥ ३६ ॥

चौ०-धेनु अंगते वीर अपारा \* प्रगटि सकल नृप दल संहारा ॥

नीति जानि भूपतिहि वचायो \* सबला आय मुनिहि शिरनायो ॥ ३७ ॥

पुनि कौशिकके शत सुत धाये \* सबल शस्त्र गहि मुनि पहुँ आये ॥

निरखि वसिष्ठ कियो हुंकारा \* ते सब भये तुरत जरि छारा ॥ ३८ ॥

लखि कौशिक द्वै अमित दुखारी \* गे हिमि निकट सुदुर्ग मँझारी ॥

तहाँ भूप तप कीन अपारा \* भये प्रसन्न महेश उदारा ॥ ३९ ॥

आय कौशिकहि अस्त्र सिखाये \* अमित उदंड प्रत्यक्ष दिखाये ॥

लहि बहु अस्त्र भूप हरपाये \* सहित प्रहार निवारण पाये ॥ ४० ॥

अग्नि अस्त्र १ ब्रह्मास्त्र २ प्रचंडा \* विष्णुचक्र ३ गन्धर्व ४ उदंडा ॥

कालपाश ५ द्रै शक्ति ६-७ सुघोरा \* वज्र अस्त्र ८ कापाल ९ सजोरा १० ॥

वरुण अस्त्र १० अस्ति ११ शूल १२ विलापन १३ प्रश्नापन १४ मादन १५ संतापन १६

गदा १७ शक्ति १८ अस्ति १९ बाण २० वज्र २१ वरुणहि आदि बहु अस्त्र दिखे हर ॥

पाय अस्त्र बल बहु दल साजा \* आये पुनि वशिष्ठ ढिग राजा ॥

त्रिकालज्ञ मुनिवर विज्ञानी \* दये अस्त्र शंकर यह जानी ॥ ४३ ॥

तंव वशिष्ठ करि कोप प्रचंडा \* लेकर ब्रह्मदंड वरिचंडा ॥

वेद मात सुमिरन युत गाढे \* बाहर कुटीद्वार भे ठाढे ॥ ४४ ॥

विश्वामित्र मंत्र बलभारी \* पुनि बहु संग अनीक जुझारी ॥

आये मुनि सन्मुख अति रुद्धा \* कियो अपार अस्त्रमय युद्धा ॥ ४५ ॥

दोहा-जिते अस्त्र शिवदत्तते, सब घाले नृपचंड ॥

ब्रह्मदंडते मुनि सकल, विन श्रम कीने खंड ॥ ४६ ॥

अग्नि अस्त्र ब्रह्मास्त्रजे, घाले नृपति कराल ॥

ब्रह्मदंडमें सब मिले, बड़ी अनल सम ज्वाल ॥ ४७ ॥

ताप भई तिहुँ लोकमें, सुर मुनि सब अकुलाय ॥

मुनि सन्निध द्रुत आय बहु, विनय करी समुझाय ॥ ४८ ॥





चौ०—करि त्रिशंकु इहि भौति विचारा ॥ विश्वामित्र निकट पगधारा ॥  
 आतुर जाय गहे ऋषि चरना ॥ कहि प्रभु पाहि दीन दुख हरना ॥ ६३ ॥  
 नृपहि सकल वृद्धी ऋषिराई ॥ सो निजगति वरणी अकुलाई ॥  
 भूप वैन मुनि कौशिक बोले ॥ वृथा चहुँ इत उत बहु डोले ॥ ६४ ॥  
 अब उर धीर धरौ भूपाला ॥ जेहौ स्वर्ग सदेह उताला ॥  
 यों कहि यज्ञ साज सजवाये ॥ चहुँदिशि ते मुनि सकल बुलाये ॥ ६५ ॥  
 ऋषि रजाय मुनि सब मुनि धाये ॥ शत सुत युत वासिष्ठ नहिं आये ॥  
 सोलखिको धकौशिकहि छावा ॥ जानत हिये मुनीश प्रभावा ॥ ६६ ॥  
 याते नहिं वसिष्ठ हित भापे ॥ दीनी सुतन शाप मन मापे ॥  
 शत सुत मुनिके अवाहिं नशाविं ॥ सप्तजन्म लघुयोनि सुपाविं ॥ ६७ ॥  
 कौशिक शाप देत ततकाला ॥ जेरे वसिष्ठ पुत्र शत ज्वाला ॥  
 सोई सब निपाद कुल जाई ॥ जनमें नीच कर्म नित पाई ॥ ६८ ॥  
 तिन महँ जेष्ठपुत्र अभिरामा ॥ रहो अनूप महोदयनामा ॥  
 सोई राम सखा गुह भयऊ ॥ जन्म निपाद भवन जव लयऊ ॥ ६९ ॥  
 पुनि कौशिक इत यज्ञ सुठाना ॥ कीने सकल प्रमान विधाना ॥  
 पे कोऊ सुर तहाँ न आये ॥ तव कौशिक बहु क्रोध समाये ॥ ७० ॥  
 ले जल दर्भ संकल्प कीना ॥ निज तप फल बहु भूपहि दीना ॥  
 सो प्रभावते नृपति सदेहा ॥ चले अमित प्रसुदित सुर गेहा ॥ ७१ ॥  
 देवन लखो मनुज तनुधारी ॥ नरपति आवत स्वर्ग मँझारी ॥  
 तव सुरगण बोले अकुलाई ॥ भूमि पतन हो वेगि पराई ॥ ७२ ॥  
 दोहा—हुत सुर वचन प्रभावते, पद उरध अधशीश ॥

स्वर्ग पंधते पलटिके, गिरन चहो अवनशीश ॥ ७३ ॥

तव त्रिशंकु अति दीनह, ऋषिहि कही कर शोर ॥

त्राहि त्राहि कौशिक जवहि, सुन्यो महा ख बोर ॥ ७४ ॥

निगखि नृपहि आवत अवनि, बोले ऋषी बलिष्ठ ॥

गच्छ गच्छ भो भूपवर, निष्ठ निष्ठ नभनिष्ठ ॥ ७५ ॥

चौ०—यों कहि मुनि अमर करि भागि ॥ रचना करी अहम न्यागी ॥  
 भूपदेतु नरगीति चलाई ॥ निज प्रभाव दीनो दगरी ॥ ७६ ॥

तव वशिष्ठ द्विज दंडको, तेज शांत सब कीनं ॥

ब्रह्मदंडबल हेरिके, नृप मुख भयो मलीन ॥ ४९ ॥

चौ०-ब्रह्मदंडकर देखि प्रतापा ❀ भूपति कही सहित संतापा ॥

धिगधिग धिग क्षत्रिय बल तोही ❀ राज साज धिग धिग धिगमोही ५०

यों गलानि उर आनि नृपाला ❀ गये बहुरि तपहेतु उताला ॥

तप बल हूजे ब्रह्म ऋषीशा ❀ यह दृढ़ प्रण कीनो अवनोशा ५१

यों विचारि बहु काल न रेशा ❀ तप कीनो सहि अमित कलेशा ॥

तव विरंचि नृप संनिध आई ❀ भये राजऋषि कही बुझाई ५२ ॥

भूपति मन अभिलाप न पूरी ❀ बहुरि करन लागे तप भूरी ॥

होउँ ब्रह्मऋषि मन हठ एही ❀ सहै अपार कष्ट निज देही ५३ ॥

तव यह भयो विघ्न इक भारी ❀ जाते निफल गई तप सारी ॥

रविकुल नृपति नाम पृथिपाला ❀ तिनके सुत त्रिशंकु भूपाला ५४

सो त्रिशंकु नरपति मतिमाना ❀ भावीवश विचार यह ठाना ॥

काहु विधि इमि बात बनाई ❀ वसों सदेह देवपुर जाई ॥ ५५ ॥

तव वसिष्ठ ढिग भूपति जाई ❀ करि विनती अभिलाप सुनाई ॥

सुनि सुनि कही सुनी दृढ़ राजा ❀ हमन करें यह अनुचित काजा ५६

दोहा-तहँते भूपति वेगि उठि, करि क्रोधित दगलाल ॥

जहँ वसिष्ठ शत सुत करत, तप तहँ आये हाल ॥ ५७ ॥

तिन प्रति निज इच्छा कही, अरु वसिष्ठ संवाद ॥

कहि बोले नृप करहुसो, हो जिहि हिय अहलाद ५८ ॥

सुनि वसिष्ठ शत सुत कही, पितु न कियो जो कामा ॥

सो अनुचित हम क्यों करें, जाहु भूप निजधाम ॥ ५९ ॥

सुनि त्रिशंकु बोले रहौ, पिता पुत्र निज ठौर ॥

तव करनी जानी अबै, हम करिहें गुरु और ॥ ६० ॥

अनुचित इच्छा भूपकी, पुनि कृत पितु अपमान ॥

सुनि सुनि सुत नृपको दर्ई, शाप क्रोध उर आन ॥ ६१ ॥

शापित ह्वै चंडाल भो, नृप तव कियो विचार ॥

कौशिक ढिग जो जाउँ तो, यह दुख मिटै अपारा ॥ ६२ ॥

चौ०-करि त्रिशंकु इहि भौति विचारा ॥ विश्वामित्र निकट पगधारा ॥  
 आतुर जाय गहे ऋषि चरना ॥ कहि प्रभु पाहि दीन दुख हरना ॥ ६३ ॥  
 नृपहि सकल वृद्धी ऋषिराई ॥ सो निजगति वरणी अकुलाई ॥  
 भूप वैन सुनि कौशिक बोले ॥ वृथा चहुँ इत उत बहु डोले ॥ ६४ ॥  
 अब उर धीर धरौ भूपाला ॥ जैहौ स्वर्ग सदेह उताला ॥  
 यों कहि यज्ञ साज सजवाये ॥ चहुँदिशि ते मुनि सकल बुलाये ॥ ६५ ॥  
 ऋषि रजाय सुनि सब मुनि धाये ॥ शत सुत युत वामिष्ट नहि आये ॥  
 सोलखि क्रोध कौशिक हिछावा ॥ जानत हिये मुनीश प्रभावा ॥ ६६ ॥  
 याते नहि वसिष्ठ हित भापे ॥ दीनी सुतन शाप मन मापे ॥  
 शत सुत मुनिके अवाहि नशावि ॥ सप्तजन्म लघुयोनि सुपावि ॥ ६७ ॥  
 कौशिक शाप देत ततकाला ॥ जरे वसिष्ठ पुत्र शत ज्वाला ॥  
 सोई सब निपाद कुल जाई ॥ जनमें नीच कर्म नित पाई ॥ ६८ ॥  
 तिन महँ जेष्ठपुत्र अभिरामा ॥ रहो अनूप महोदयनामा ॥  
 सोई राम सखा गुह भयऊ ॥ जन्म निपाद भवन जव लयऊ ॥ ६९ ॥  
 पुनि कौशिक इत यज्ञ सुठाना ॥ कीने सकल प्रमान विधाना ॥  
 पे कोऊ सुर तहाँ न आये ॥ तव कौशिक बहु क्रोध ममाये ॥ ७० ॥  
 ले जल दर्भ संकल्प कीना ॥ निज तप फल बहु भूपाहि दीना ॥  
 सो प्रभावते नृपति सदेहा ॥ चले अमित प्रसुदिन सुर गेहा ॥ ७१ ॥  
 देवन लखो मनुज तनुधारी ॥ नरपति आवत स्वर्ग मँझारी ॥  
 तव सुरगण बोले अकुलाई ॥ भूमि पतन हो वेगि पराई ॥ ७२ ॥  
 दोहा-दुत सुर वचन प्रभावते, पद ऊरध अवशीश ॥

स्वर्ग पंथते पलटिके, गिरन चहो अवनीश ॥ ७३ ॥

तव त्रिशंकु अति दीनहूँ, ऋषिहि कही कर शोर ॥

ब्राहि ब्राहि कौशिक जवाहि, सुन्यो महा ख बोर ॥ ७४ ॥

निरखि नृपहि आवत अवनि, बोले ऋषी बलिष्ठ ॥

गच्छ गच्छ भो भूपवर, तिष्ठ तिष्ठ नभतिष्ठ ॥ ७५ ॥

चौ०-योंसदि मुनि अमर्ष करि भागे ॥ रचना करो अनुपम न्यागे ॥

भूपदेतु नरगति चलाई ॥ निज प्रभाव दीनो दगलाई ॥ ७६ ॥

अमित अन्न कौशिक प्रगटाये \* नवल लोक नव धाम वसाये ॥  
 दूजो, स्वर्ग विरचि नृपकाजा \* राखो तहँ त्रिशंकु ऋषि राजा ७७  
 दोहा—एकवार कौशिक सु यह, महा आचरज कीन ॥

जाते गाधिकुमार को, भो सब तप बल छीन ॥ ७८ ॥

चौ०—पुनि ऋषि पुष्कर तीरथ जाई \* महा घोर तप प्रबल दिदाई ॥  
 तब हूँ एक विघ्न यह आयो \* अंबरीष नृप अवध सुहायो ७९ ॥  
 करन लगे वर यज्ञ सुदेशा \* तिनको मख पशु हरो सुरेशा ॥  
 सो नृप पशु हेरत चहुँ घाई \* भृगु आश्रम पहुँचे अकुलाई ८०  
 तहँ ऋचीक मुनि युत सुत दारा \* करत रहे तप प्रबल उदारा ॥  
 तिनके तीन पुत्र लखि राजा \* माँगो एक यज्ञ बलि काजा ८१ ॥  
 लघु पुत्रहि माता नहि दीनो \* जेठहि निज ऋचीक करि लीनो ॥  
 रहो मध्य शुनशेफ जु नामा \* सो जानौं हौं एक निकामा ८२ ॥  
 तब शुनशेफ दीन है भापो \* मोहिं लेहु नृप कोउ न रापो ॥  
 सुनि महीप गोलक्ष सुदीनी \* गहि शुनशेफहि मारग लीनी ८३  
 भूपति पुष्कर किय विश्रामा \* सुनि ऋचीक सुत कौशिक नामा ॥  
 ऋषि ढिग जाय कहे सब हाला \* गाधिसुवनहै अतिहि दयाला ८४ ॥  
 तप बलदै द्वै मंत्र सिखाये \* कियो अभै शिर कर परशाये ॥  
 सो नशुशेफ हीय हुलसायो \* अंबरीष संग अवध सिधायो ८५ ॥

दोहा—लै शुनशेफहि सविधि जब, बाँधो जूपहि आन ॥

तब मुनि सुत सो मंत्र दुहुँ, पढ़े समय अनुमान ॥ ८६ ॥

मंत्र पढ़त सब देवगण, तुष्ट भये सुख पाय ॥

यज्ञ समापत मुनि तनय, वचो सदेह सुहाय ॥ ८७ ॥

दूजो विघ्न जु कौशिकहि, भयो तवै ऋषिराज ॥

पुनि तप ठान्यो प्रबल अति, त्यागि सकल जगकाज ८८ ॥

एक सँम वर अप्सरा, लखि लोभे ऋषिनाथ ॥

बहुत वर्ष तप त्यागिकै, रमन कियो तिहि साथ ॥ ८९ ॥

एही विधि बहु वार ऋषि, कियो अमित तप जाय ॥

चहुँ ओर सहि दुसह दुख, भये विघ्न बहु आय ॥ ९० ॥

चौ०-तप महँ भये विघ्न बहु वारा ❀ जाते रहो निफल श्रमसारा ॥  
तऊ न कौशिक तपहि विहाई ❀ करीअमित विधि चहुँ दिशिजाई ९१  
पुनि बहु तप कीना ऋषि कानन ❀ तव अतिमुदित भये चतुरानन ॥  
आय दियो जिय रुचि वरदाना ❀ कहे ब्रह्म ऋषि युत सनमाना ९२  
तव कौशिक बोले करजोरी ❀ जक्तपिता इक विनती मोरी  
आय वशिष्ठ ब्रह्म ऋषि भापैं ❀ सो कीजे हम यह अभिलापैं ९३  
हैं दयालु विधि बेगहि जाई ❀ कही वशिष्ठहि बहु समझाई ॥  
पितु आज्ञावश मुनि तहँ आये ❀ बोली ब्रह्मऋषि भवन सिधायै ९४  
दोहा-जब कौशिकहि वशिष्ठ मुनि, कहे ब्रह्मऋषि आय ॥

तवते गाधिकुमार द्विज, भये सु तपवल पाय ॥ ९५ ॥

यदपि ब्रह्मऋषि हैं गयो, तपवलते महिपाल ॥

तदपि सुमिरि पूरवदशा, होय कबौ उरशाल ॥ ९६ ॥

पुनि वसिष्ठ तप तेज लखि, कौशिक कीन विचार ॥

जौ लग रहैं वशिष्ठ जग, तौ लग मोर नसार ॥ ९७ ॥

यों दृढ़ ठानि विचार हिय, महि विचरत इक वार ॥

मुनि वशिष्ठ आश्रम गये, आधरैनि मैझारि ॥ ९८ ॥

कुटी निकट तरु ओट गहि, ठाढ़े करत विचार ॥

जो वशिष्ठ बाहर कटें, तो अब डारों मार ॥ ९९ ॥

सो निशि पूरण शरद शशि, छायो विशद प्रकाश ॥

लखि वशिष्ठ सो शिष्य प्रति, बोले सहित हुलास ॥ १०० ॥

आज शरद शशि चंद्रिका, यों अनूप दरशाय ॥

ज्यों कौशिक तप तेज जग, रहो विमल यश छाया ॥ १०१ ॥

चौ०-मुनिवशिष्ठकेवचन सुहाये ❀ कौशिकमुनिअति हिय पछिताये  
विधिसुतकी विलोकि सरलाई ❀ गहे धाय पद पंकज जाई १०२  
लखि कौशिक वसिष्ठ हियलाये ❀ मिले परस्पर दुहुँ हुलसाये ॥  
मुनि मुनि कियो परम दृढ़ प्रेमा ❀ हृदय शुद्ध दोऊ युत क्षेमा १०३  
तवते दुहुँ मुनीशनमार्ही ❀ काहूविधि कछु अंतरनार्ही ॥  
इहिविधि गाधिपुत्र अवनीशा ❀ तपवल भये सु ब्रह्मऋषीशा १०४



दोहा-इमि शोभा लखि वागकी, मुदित भये दुहुँ भाय ॥  
 लखत फिरत चहुँ ओर पुर, सानंद इत उत जाय २५ ॥  
 निरखत निरखत नगरविच, आये राजकुमार ॥  
 धाये पुर नर नारि बहु, शोभा लखत अपार ॥ २६ ॥  
 जब ते लखि आये नृपति, तब ही ते बहु शोर ॥  
 रूप तेज बल गुण सुयश, फैलि रहो चहुँ ओर ॥ २७ ॥  
 बाल युवा अरु वृद्ध सब, पुरवासी नर नारि ॥  
 राम लपणके लखनकी, रहे आश उर धारि ॥ २८ ॥  
 आये पुर अवलोकिये, सुनि सबही हुलसाय ॥  
 धाम पंथ इत उत चहुँ, चितवत हैं चित लाय ॥ २९ ॥

पनाक्षरी-कवित्त ।

कोऊ धायहैं कोऊ काहूकहैं टेरें कोऊ जाय लखें नैं कोऊ दूरिते  
 सिधारें हैं । कोऊ काहु वृद्धें कोऊकाहुते अरुद्धें कोऊ काहु हठिझुझें  
 कोऊ काहु को निवारें हैं ॥ कोऊद्वार कोऊ हैं दिवार कोऊ छन्ननपै कोऊ  
 तौ अटारी नर नारी यों निहारें हैं ॥ रासिकविहारी सुखकारी धनु धारी  
 दोउ पुर अवलोकें मंद मंदही पधारें हैं ॥ ३० ॥ नृपति किशोर श्याम  
 गौर द्वे अनूपरूप पुर अविलोकियेको आये हैं वजागमें ॥ छायो शोभ  
 भारी चहुँ ओर नर नारी भीर सुरति नकाहू देह गेहकी सम्हागमें ॥  
 रासिकविहारी वरवामजे सुधाम सर्वे आई धाय आँगन अटारी  
 कोऊद्वारमें ॥ फिरें फिरकीसी भौन धिरकी रहें ना नेक कोऊ खिरकीमें  
 कोऊ हिरकी किवारमें ॥ ३१ ॥ कोऊ मिलकी सों कछू भापे दिलकी  
 ना नेक हिलकी जुलैल हिय राखें हियकी हिलोरा ॥ कोऊ मसकैं हैं ल  
 उसौंस मसकैं हैं उर रसकैं करेजे कमकैं हैं मेनकी मर्गर ॥  
 कोऊ मुख अंचल छिपायकें दुगय दीठ करि करि हाय गेह जाय  
 नेहकी दकोर ॥ रासिकविहारी लखि रासिकविहारी रूप नारी  
 हैं दुखारी भारी विरह व्यधाके जोर ॥ ३२ ॥ झुमि झुमि हूमें कोऊ  
 हूमि हूमि हूम कोऊ हूमि हूमि पमैं कोऊ धूमि निरैं भू भैं हैं ॥ दहि  
 फेरि हें कोऊ देरि देरि टेरें कोऊ टेरि टेरि दैं कोऊ दैं गेह

जो वरणै शोभा अस कवि को भा लघुमति छोभा रहत थकी ॥  
 सर सरस विभागा अनुपम बागा अगम सुलागा बुद्धिजकी ॥  
 द्रुम वेलि अतूला नव फल फूला सब सुख मूला छविछाजै ॥  
 बहु वरण विहंगा अगणित रंगा निज निज संगा मिलिराजै ॥१३॥

भुजंगप्रयातछंद ।

कहूँ कहूँ कदंबा कहूँ रसाला ॥ कहूँ दाड़िमो शिशुपा औ तमाला ॥  
 कहूँ पीपरो पाकरीहैं अशोका ॥ लवंगी लतासो कहूँ लेति झोका ॥१४॥  
 कहूँ चिचिनी श्रीफलों हैं वदामा ॥ कहूँ नागवल्ली सुएला ललामा ॥  
 कहूँ वृक्ष फूले कहूँ सो फरे हैं ॥ कहूँ पत्र पीरे झरे औ हरे हैं ॥ १५ ॥  
 कहूँ तौ गुलाबौ चमेली जुसोहै ॥ निवारी जुही सेवती चित्त मोहै ॥  
 कहूँ मालती और बेला विराजै ॥ कहूँ केवरो केतकी गंध छाजै १६॥  
 कहूँ कुंद केसरगन्धैं झकोरैं । कहूँ सांवनी और गेंदा हिलोरैं ॥  
 सुबुंदारका बृंद सोहैं अनूपा । जुदौना कहूँ पानडी है सुरूपा ॥ १७ ॥  
 कहूँ भूमि चंपा जु गुल्चाँदनी हैं । कहूँ इक्षपेचा किं बेलैं घनी हैं ॥  
 कहूँ विष्णुकांती छटा दै रहीहैं । सुचंपा सुगंधैं कहूँ छैरही हैं १८ ॥  
 गुलच्चास गुल्दाउदीहै जुखासी । कहूँ रौसपै राजहीनातरासी ॥  
 कहूँ फूल फूले कहूँ तौ कली हैं ॥ छहूँ वृक्ष वेली दुर्वाचे गली हैं १९॥  
 कहूँ तौ भली भाँति छूटैं फुहारे ॥ भरेनीर राजैं कहूँ हौज भारे ॥  
 कहूँ दूबसे है हरी भूमि नीकी ॥ छटा वागकी मोहनी है सुजीकी २०॥  
 कहूँ कोकिला कूकदैकै पुकारैं । पपीहा कहूँ शब्द ऊंचे उचारैं ॥  
 कहूँ शारिकावैन मीठे सुनावैं । कहूँ कोरनीकी गिरा चित्त भावैं २१ ॥  
 कहूँ मोर नाचे महामोद मानैं । कहूँ भौर गुजें घने प्रीति सानैं ॥  
 कहूँ तीतरो लाल सोहैं कपोती ॥ कहूँ बुलबुलों की घनी जुट् होती २२॥  
 कहूँ नीलकंठा सुश्यामा सुहावैं ॥ कहूँ तौ हरे वालवा चित्त भावैं ॥  
 कहूँ हंसराजा वटेरें घनेरी । कहूँ बाज जुरा कुही देत फेरी ॥ २३ ॥  
 कहूँ तौ पेवा सु चंद्रल सोहैं । कहूँ तौ चकोरी कहूँ खंजनो हैं ॥  
 भरे मोद पक्षी सब मत्त डोलैं । कलोलैं करं भावते वैन बोलैं ॥२४॥



दोहा-इमि शोभा लखि वागकी, मुदित भये दुहुँ भाय ॥  
 लखत फिरत चहुँ ओर पुर, सानंद इत उत जाय २५ ॥  
 निरखत निरखत नगर विच, आये राजकुमार ॥  
 धाये पुर नर नारि बहु, शोभा लखत अपार ॥ २६ ॥  
 जब ते लखि आये नृपति, तब ही ते बहु शोर ॥  
 रूप तेज बल गुण सुयश, फैलि रहो चहुँ ओर ॥ २७ ॥  
 बाल युवा अरु वृद्ध सब, पुरवासी नर नारि ॥  
 राम लपणके लखनकी, रहे आश उर धारि ॥ २८ ॥  
 आये पुर अवलोकिये, सुनि सबही हुलसाय ॥  
 धाम पंथ इत उत चहुँ, चितवत हैं चित लाय ॥ २९ ॥

घनाक्षरी-कवित्त ।

कोऊ धायेहरैं कोऊ काहुकहैं टेरैं कोऊ जाय लखैं नेरैं कोऊ दूरिते  
 सिधारैं हैं । कोऊ काहु बूझैं कोऊ काहुते अरुझैं कोऊ काहु हठि झूझैं  
 कोऊ काहु को निवारैं हैं ॥ कोऊ द्वार कोऊ हैं दिवार कोऊ छजनपै कोऊ  
 तौ अटारी नर नारी यों निहारैं हैं ॥ रसिकविहारी सुखकारी धनु धारी  
 दोउ पुर अवलोकैं मंद मंदही पधारैं हैं ॥ ३० ॥ नृपति किशोर श्याम  
 गौर द्वे अनूपरूप पुर अविलोकियेको आये हैं बजारमें ॥ छायो शोभ  
 भारी चहुँ ओर नर नारी भीर सुरति नकाहू देह गेहकी सम्हारमें ॥  
 रसिकविहारी वरवामजे सुधाम सर्वे आई धाय आँगन अटारी  
 कोऊ द्वारमें ॥ फिरें फिरकीसी भौन थिरकी रहें ना नेक कोऊ खिरकीमें  
 कोऊ हिरकी किवारमें ॥ ३१ ॥ कोऊ मिलकी सों कछू भापे दिलकी  
 ना नेक हिलकी जुलैलै हिय राखैं हियकी हिलोरा ॥ कोऊ ससकैं हैं ले  
 उसाँस मसकैं हैं उर रसकैं करेजे कसकैं हैं मेनकी मरीर ॥  
 कोऊ मुख अंचल छिपायके दुराय दीठ करि करि हाय रहि जायें  
 नेहकी झकोर ॥ रसिकविहारी लखि रसिकविहारी रूप सारी  
 हैं दुखारी भारी विरह व्यथाके जोर ॥ ३२ ॥ झुमि झुमि हूमें कोऊ  
 हूमि हूमि हूमें कोऊ हूमि हूमि हूमें कोऊ धूमि निरैं भू भैं हैं ॥ फेरि  
 फेरि हरैं कोऊ हेरि हेरि टेरैं कोऊ डेरि डेरि डेरैं कोऊ घेरि गेहि

जो वरणै शोभा अस कवि को भा लघुमति छोभा रहत थीकी ॥  
 सर सरस विभागा अनुपम वागा अगम सुलागा बुद्धिजकी ॥  
 द्रुम वेलिं अतूला नव फल फूला सब सुख मूला छविछाजै ॥  
 बहु वरण विहंगा अगणित रंगा निज निज संगी मिलिराजै ॥१३॥

भुजंगप्रयातछंद ।

कहूँ कहूँ कदंबा कहूँ रसाला ॥ कहूँ दाढ़िमो शिंशुपा औ तमाला ॥  
 कहूँ पीपरो पाकरीहैं अशोका ॥ लवंगी लतासो कहूँ लेति झोका ॥१४॥  
 कहूँ चिंचिनी श्रीफली हैं वदामा ॥ कहूँ नागवल्ली सुएला ललामा ॥  
 कहूँ वृक्ष फूले कहूँ सो फरे हैं ॥ कहूँ पत्र पीरे झरे औ हरे हैं ॥ १५ ॥  
 कहूँ तौ गुलाबौ चमेली जुसोहै ॥ निवारी जुही सेवती चित्त मोहै ॥  
 कहूँ मालती औरवेली विराजै ॥ कहूँ केवरो केतकी गंध छाजै १६॥  
 कहूँ कुंद केससुगंधैं झकोरैं । कहूँ सांवनी और गेंदा हिलोरैं ॥  
 सुवंदारका वृंद सोहैं अनूपा । जुदौना कहूँ पानडी है सुखपा ॥ १७ ॥  
 कहूँ भूमि चंपा जु गुरुचांदनी हैं । कहूँ इश्कपेचा किं बेलैं घनी हैं ॥  
 कहूँ विष्णुक्रांती छटा दे रहीहैं । सुचंपा सुगंधै कहूँ छैरही हैं १८  
 गुलव्वास गुरुदाउदीहैं जुखासी । कहूँ रौसपै राजहीनातरा  
 कहूँ फूल फूले कहूँ तौ कली हैं ॥ कहूँ वृक्ष वेली दुर्वीचे गली  
 कहूँ तौ भली भाँति छूटै फुहारे ॥ भरेनीर राजैं कहूँ  
 कहूँ दृवसे है हरी भूमि नीकी ॥ छटा वागकी मोहनी है  
 कहूँ कोकिला कूकदेकै पुकारैं । पपीहा कहूँ श  
 कहूँ शारिकावन मीठे सुनावैं । कहूँ कीरनीकी गि  
 कहूँ मोर नाचै महामोद मानैं । क  
 कहूँ तीतरो लाल सोहैं कपोती ॥ कहूँ  
 कहूँ नीलकंठा सुश्यामा सुहावैं ॥ व

चहुँ डोलैं हैं ॥ कोऊ इतरायँ अनखाँयँ औ रिसाँयँ कोऊ कोऊ बतराँयँ  
 कोऊ करत कलोलैं हैं ॥ रसिकविहारी नेहवश रघुलाल तिनैं करत  
 निहाल प्रीति रीति अनमोलैं हैं ॥ कोऊ देत गारी कोऊ देत-  
 करतारी कोऊ करैं मनुहारि कोऊ बालहँसि बोलैं हैं ॥ ३९ ॥  
 कोऊ कहैं श्याम तुव ग्राम है कहां सो कहो कोहै पितु मात औ  
 बतावो कित धामहै ॥ कोऊ कहैं लाल किहि देशते पधारे फेरि जैहो  
 किहि देश इस आये कौन कामहै ॥ कोऊ कहैं मीत हम आज यों  
 सुनीहै मुनि दोय बाल लाये एक गौर एक श्यामहै ॥ रसिकविहारी  
 पुर बालक अनंद छके वार वार वृद्ध रावरोई नामरामहै ॥ ४० ॥  
 कोऊ बाल बालसों कहैं हैं हम ऐसी सुनी वीरता बढाय चाप तोरिवे  
 सिधाये हैं ॥ कोऊ कहैं कौतुक विलोकिवे पधारे दोउ कोऊ कहैं  
 कौशिक भुराय इन लाये हैं ॥ कोऊ कहैं हेरत बटोही पुर कोऊ कहैं  
 रसिकविहारी आज भूपति बुलाये हैं ॥ कोऊ कहैं जानैं हम सत्य सो  
 बखानैं सुनौ जनकललीके व्याहिवेको इत आये हैं ॥ ४१ ॥ कोऊ बाल  
 बोले लाल अब ना तजेंगे तुम्हें कोऊ कहैं यार संग तेतीनाहिंदारैगे ॥  
 कोऊ कहैं मीत प्रीत करि मिलि रहैं सदा कोऊ कहैं श्याम कबौ रोप  
 तो न धारैगे ॥ रसिकविहारी कहैं कोऊ तौ वनेगी बात जो पे कहूं  
 काहु कुछ दोष ना निहारैगे ॥ कोऊ कहैं प्यारे हम सकल सुखारे संग  
 चलिहैं तिहारे जब सदन सिधारैगे ॥ ४२ ॥ कोऊ बाल बोले धनु-  
 शालको उताल चलैं ह्वे है अतिकाल तौ नृपाल बहु माखेंगे ॥ कोऊ  
 कहैं श्याम इत आवहु हमारे धाम देहै मातु मेवा औ मिठाई मिलि  
 चारखेंगे ॥ कोऊ कहैं रसिकविहारी हितकारी बात सुनहु हमारी तौ  
 तिहारे कान भाँपेंगे ॥ कोऊ कहैं कितहुं न जाहु अब ह्याई रहौ  
 जनकदुलारीकी सवारी संग राखेंगे ॥ ४३ ॥ कोऊ जे प्रवीण प्रौढ  
 सरस सनेही शुद्ध ते लखि अनूपरूप अधिक लुभाने हैं ॥ तिनकी  
 सुप्रीति श्याम सुंदर विलोकि साँची रसिकविहारी अतिहीय दुलसाने  
 हैं ॥ कहिरस वन चैन दीनोह कमलनयन लाय निज ऐनते अपार  
 सनमाने हैं ॥ सुख सरसाने मनमाने पहिचाने जाने सत्य प्रण ठाने

लूमैं हैं ॥ रसिकविहारी मिथिला की नौल नारी सारी रूप मद छाकी  
 मतवारी करैं धूमैं हैं ॥ धाय धाय आवैं आय आय रहि जावैं जाय  
 जाय गुण गावैं गाय गाय झुकि झुमैं हैं ॥ ३३ ॥ कोऊ कहैं कारो  
 मणिवारो है बिसारो भारो कोऊ कहैं फंदी फंदवारो बटपारोरी ॥  
 कोऊ कहैं निपट धुतारो ठगहारो महा कोऊ कहैं सूधौ है विचारो  
 संगवारोरी ॥ को कहैं गोरोहै न भरो विसवोरो सोउ जानो जनि  
 थोरो ताहि नकिहौं निहारोरी ॥ रसिकविहारी कहैं कोऊ नौल  
 नारी अली कैसहु तुमैं है पै हमैं है प्राणप्यारोरी ॥ ३४ ॥ कोई कहैं  
 दोई ननदोई तुव आली देखे कोई कहैं दोई वहनोई तो सिधारे हैं ॥  
 कोई कहैं दोई जेठ तेरे तून हेरे भट्ट कोई कहैं गोरे तोरे देवर निहारे  
 हैं ॥ रसिकविहारी पुरनारी संगवारी सब मोदते विनोद बैन विविध  
 उचारे हैं ॥ तौलौ एक बोली कंत साँवरे हमारे सब बोली यों  
 हमारे हैं हमारे हैं हमारे हैं ॥ ३५ ॥ कोऊ दूरहीते दृग जोरती निहोरती  
 हैं कोऊ चित्त चोरती बहोरि मुखमोरती ॥ कोऊ मुसक्यावती  
 सुनावती हैं व्यंग्य कोऊ सैनन बुलावती हैं नैनन मरोरती ॥ कोऊ  
 नीरवारती उतारती हैं आरती लै आनन निहारती हैं कोऊ तृण  
 तोरती ॥ रसिकविहारी गुण वारी रूपवारी नारी अवधविहारीको  
 सनेह सिंधु वोरती ॥ ३६ ॥ कुंतल कृपाणनते काटत करेजो आन  
 भुकुटी कमान तान तानकै चढ़ाये हैं ॥ तापै नैनबाणको संधान  
 हठिलेवैं प्राण जनकपुरी में घमसानयों मचाये हैं ॥ रसिकविहारी  
 एक नारी धाय वावरी सी धावरी है द्वार द्वार वचन सुनाये हैं ॥  
 कोऊ मृगननी वाम धामते जुकाहू काम कितहू नजैयो दो सिकारी  
 आज आये हैं ॥ ३७ ॥ धाये पुर वालक विलोकि जुरि बृंद बृंद आये  
 ढिम सकल विनोद मोद भीने हैं ॥ जानैं नहिं सब रंक निपट  
 निशंक बंक चंचल उत्तक चपलाई चित्त दीने हैं ॥ कोऊ पदपानि पट  
 पोत धनु बाण कोऊ कोऊ लंक कोऊ जंव जानु गहि लीने हैं ॥ रसिक-  
 विहारी है अनंद खनंद तिन कहि मृदुवैन मन भाये तोप कीने  
 हैं ॥ ३८ ॥ अंग अंग परशं सुदंग रंगरंगरचं सहित उमंग संग संग



चहुँ डोलैं हैं ॥ कोऊ इतरायँ अनखाँयँ औरि साँयँ कोऊ कोऊ बतरायँ  
 कोऊ करत कलोलैं हैं ॥ रसिकविहारी नेहवश रघुलाल तिनिं करत  
 निहाल प्रीति रीति अनमोलैं हैं ॥ कोऊ देत गारी कोऊ देत-  
 करतारी कोऊ करैं मनुहारी कोऊ बालहँसि बोलैं हैं ॥ ३९ ॥  
 कोऊ कहैं श्याम तुव ग्राम है कहां सो कहो कोहै पितु मात औ  
 बतावो कित धामहै ॥ कोऊ कहैं लाल किहि देशते पधारे फेरि जैहो  
 किहि देश इस आये कौन कामहै ॥ कोऊ कहैं मीत हम आज यों  
 सुनीहै मुनि दोय बाल लाये एक गौर एक श्यामहै ॥ रसिकविहारी  
 पुर बालक अनंद छके वार वार बूझैं रावरोई नामरामहै ॥ ४० ॥  
 कोऊ बाल बालसों कहैं हैं हम ऐसी सुनी वीरता बढाय चाप तोरिबे  
 सिधायें हैं ॥ कोऊ कहैं कौतुक विलोकिवे पधारे दोउ कोऊ कहैं  
 कौशिक भुराय इन लाये हैं ॥ कोऊ कहैं हेरत बटोही पुर कोऊ कहैं  
 रसिकविहारी आज भूपति बुलाये हैं ॥ कोऊ कहैं जानैं हम सत्य सो  
 बखानैं सुनौ जनकललीके व्याहिवेको इत आये हैं ॥ ४१ ॥ कोऊ बाल  
 बोले लाल अब ना तजेंगे तुम्हें कोऊ कहैं यार संग तेतीनाहिं दारौंगे ॥  
 कोऊ कहैं मीत प्रीत करि मिलि रहैं सदा कोऊ कहैं श्याम कबौ रोप  
 तो न धारौंगे ॥ रसिकविहारी कहैं कोऊ तौ बनेगी बात जो पैं कहूं  
 काहु कुछ दोष ना निहारौंगे ॥ कोऊ कहैं प्यारे हम सकल सुखारे संग  
 चलिहैं तिहारे जब सदन सिधारौंगे ॥ ४२ ॥ कोऊ बाल बोले धनु-  
 शालको उताल चलौं हे हे अतिकाल तौ नृपाल बहु माखेंगे ॥ कोऊ  
 कहैं श्याम इत आवहु हमारे धाम देह मातु मेवा औ मिटाई मिलि  
 चाखेंगे ॥ कोऊ कहैं रसिकविहारी हितकारी बात सुनहु हमारी तौ  
 तिहारे कान भापेंगे ॥ कोऊ कहैं कितहूं न जाहु अब ह्याई रहौ  
 जनकदुलारीकी सवारी संग राखेंगे ॥ ४३ ॥ कोऊ जे प्रवीण प्रौढ़  
 सरस सनेही शुद्ध ते लखि अनृपा रूप अधिक लुभाने हैं ॥ तिनकी  
 सुप्रीति श्याम सुंदर विलोकि साँची रसिकविहारी अतिहीन दुलमाने  
 हैं ॥ कहिरस धन चैन दीनोह कमलनयन लाय निज ऐनते अपार  
 सनमाने हैं ॥ सुख सरसाने मनमाने पहिचाने जाने सत्य प्रण टाने

लूमैं हैं ॥ रसिकविहारी मिथिला की नौल नारी सारी रूप मद ह  
 मतवारी करें धूमैं हैं ॥ धाय धाय आवैं आय आय रहि जावैं  
 जाय गुण गावैं गाय गाय झुकि झुमैं हैं ॥ ३३ ॥ कोऊ कहैं  
 मणिवारो है बिसारो भारो कोऊ कहैं फंदी फंदवारो वटप  
 कोऊ कहैं निपट धुतारो ठगहारो महा कोऊ कहैं सूधौ है  
 संगवारोरी ॥ को कहैं गोरोहै न भोरो विसवारो सोउ ज  
 थोरो ताहि नकिहौं निहारोरी ॥ रसिकविहारी कहैं  
 नारी अली कैसहु तुमैं है पै हमैं है प्राणप्यारोरी ॥ ३४  
 दोई ननदोई तुव आली देखे कोई कहैं दोई बहनोई ते  
 कोई कहैं दोई जेठ तेरे तून हेरे भट्ट कोई कहैं गोरे ते  
 हैं ॥ रसिकविहारी पुरनारी संगवारी सबै मोदते ि  
 उचारे हैं ॥ तौलौं एक बोली कंत साँवरे ह  
 हमारे हैं हमारे हैं हमारे हैं ॥ ३५ ॥ कोऊ दूरहीते  
 हैं कोऊ चित्त चोरतीं बहोरि मुखमोरतीं  
 सुनावती हैं व्यंग्य कोऊ सैनन बुलावतीं  
 नीरवारतीं उतारती हैं आरती लै आ  
 तोरतीं ॥ रसिकविहारी गुण वारी ह  
 सनेह सिंधु वोरतीं ॥ ३६ ॥ कुंतल  
 झुकुटी कमान तान तानकै च

दोहा-ताही औसर जनकजा, जननी आयसु पाय ॥

आई गिरिजा दरशहित, संग सखी समुदाय ॥ ५ ॥

करि मजन शृंगार सजि, सकल अलीन समेत ॥

पूजन सौंज अपार युत, गवनी गौरि निकेत ॥ ६ ॥

राजसुता अरु सखिनकी, शोभा अमित अनूप ॥

ध्यान किये सुख होय हिय, किमि वरणों वह रूप ॥ ७ ॥

तोमरछंद ।

पदकंज अधिक ललाम । सुखसीम वर छविधाम ॥

जिनकी परत महि ज्योति । सो लाल मणिमय होति ॥ ८ ॥

पुनि चरणअंगुलि मंज । मानहु मृदुल दल कंज ॥

उपमा सु और लखाय । जनु चंप कलिक सहाय ॥ ९ ॥

नख गणनकी नव क्रांति । लखि कोटि शशि धुति भ्रांति ॥

जनु रसिक जन सुख हेत । चिंता सुमणि छविदेत ॥ १० ॥

विछिया ललित मुखधाम । नृपु अधिक अभिराम ॥

ख मधुर सरस सुहात । मुनि राजहंस लजात ॥ ११ ॥

युग जानु सुंदर गोल । लखि मन विकत विनमोल ॥

जनु उभय कंचन खंभ । मिटिजात मनसिज दंभ ॥ १२ ॥

जंचा युगल अभिराम । जनु कदलि खंभ ललाम ॥

अतिसुभग उभय नितंब । मति कहत गहत विलंब ॥ १३ ॥

कटि अधिक मृक्षम जान । उपमा न जगमहँ आन ॥

देखी न सुनियत लंक । ज्यों ब्रह्म निर्गुण शंक ॥ १४ ॥

लहँगा ललित लहरात । बहुचेर छवि छहरात ॥

जरतार जटित जराय । निज कर मनोज वनाय ॥ १५ ॥

जगमगत मणि गणजोत । धुतिमंद रवि शशि होत ॥

सोहत अनूपम कोर । जनु दामिनी चहुँ ओर ॥ १६ ॥

बूटे सुललित ललाम । फैली प्रभा अभिगम ॥

सुंदर सरस मुखधाम । लखि लजत शत रतिकाम ॥ १७ ॥

मृदु उदर अधिक सुहात । जनु लस सुगतरूपान ॥

ज्यों सिंधु सब गुणकेर । हे कृपासदन निवेर ॥ १८ ॥



नेहजाल उरझानेहें ॥ ४४ ॥ लूटीहें लुनाहें लोनी मिथिला निवासि-  
ननं रसिकविहारी दुहुँ भाई प्रीति जूटीहें ॥ जूटी चहुँवाहें छाई नेहकी  
सचाई तब छेल रघुराई निटुराई सब छूटी हें ॥ छूटी धीगताई वीगताई  
ओ गंभीरताई अंग अतुराई चतुराई चित्तछूटी हें ॥ छूटी नूर भूके  
गहूर की गहूरताई नेहमें निकाई प्रभुताई गई लूटीहें ॥ ४५ ॥ सुंदर  
अनूप रूप साँवरो किशोर लोनो देखि देखि मिथिलानिवासी हुलसा  
वहीं ॥ सब नर नारी एक एकते कहें हैं रुचि तोरे धनु येही तौ  
अपार सुख छावहीं ॥ जनककिशोरी मिलि जोरी श्याम गोरी भली  
विधिहि निहोरी करजोरी यों मनावहीं ॥ रसिकविहारी हितकारी बात  
होवै वेगि सकल विचारी सत्य येही यश पावहीं ॥ ४६ ॥

चौ०-इहिविधि जनक नगर नर नारी ❀ राम लपण लखि भये सुखारी  
प्रमुदित पुर विलोकि दुहुँ भाई ❀ गुरुढिग चले हीय हुलसाई ४७॥  
संध्या समय आय दुहुँ भ्राता ❀ गहे मुदित मुनि पद जलजाता॥  
करि संध्यावंदन शुचि रीती ❀ अमित सराहत पुरजन प्रीती ४८  
पुनिमुनि मुनि लछमन अरु रामा ❀ करि भोजन रजनी इक यामा॥  
कहत सुनत पुरछविं अभिरामा ❀ अर्ध रैनि कीनो विश्रामा॥ ४९॥

इति श्री० रा० र० वि० वि० पुर दर्शन वर्णनो

नाम चतुर्थोविभागः ॥ ४ ॥

चौ०-प्रात समै दुहुँ राजकुमारा ❀ नित्यकृत्य कीनो शुचि सारा ॥  
वेगि आय गुरुपद शिरनाई ❀ मुदित भये शुभ आशिष पाई १॥  
गुरु पूजनको समय निहारी ❀ चले प्रसून लेन फुलवारी ॥  
दुहुँ बंधु नख शिख वर अंगा ❀ कर धनु शर कटि कसे निखंगार ॥  
करि प्रणाम गुरु आयसु पाई ❀ गये दुहुँ नृप सुत हरपाई ॥  
गिरिजा वाग विचित्र अनूपा ❀ रहत जहाँ पट ऋतु धारिरूपा ३॥  
जाय दुहुँ नृपसुत तिहिद्वारे ❀ द्वारपाल रुचि लखि पग धारे ॥  
लेत प्रसून फिरत चहुँ ओरा ❀ प्रमुदित हेरत राज किशोरा ॥ ४॥

दोहा-ताही औसर जनकजा, जननी आयसु पाय ॥

आई गिरिजा दरशहित, संग सखी समुदाय ॥ ५ ॥

करि मञ्जन शृंगार सजि, सकल अलीन समेत ॥

पूजन सौंज अपार युत, गवनी गौरि निकेत ॥ ६ ॥

राजसुता अरु सखिनकी, शोभा अमित अनूप ॥

ध्यान किये सुख होय हिय, किमि वरणौ वह रूप ॥ ७ ॥

तोमरछंद ।

पदकंज अधिक ललाम । सुखसीम वर छविधाम ॥

जिनकी परत महि ज्योति । सो लाल मणिमय होति ॥ ८ ॥

पुनि चरण अंगुलि मंज । मानहु मृदुल दल कंज ॥

उपमा सु और लखाय । जनु चंप कलिक सहाय ॥ ९ ॥

नख गणनकी नव क्रांति । लखि कोटि शशि द्युति भ्रांति ॥

जनु रसिक जन सुख हेत । चिंता सुमणि छविदेत ॥ १० ॥

विछिया ललित सुखधाम । नृपुर अधिक अभिराम ॥

ख मधुर सरस सुहात । सुनि राजहंस लजात ॥ ११ ॥

युग जानु सुंदर गोल । लखि मन विकत विनमोल ॥

जनु उभय कंचन खंभ । मिटिजात मनसिज दंभ ॥ १२ ॥

जंचा युगल अभिराम । जनु कदलि खंभ ललाम ॥

अतिसुभग उभय नितंब । मति कहत गहत विलंब ॥ १३ ॥

कटि अधिक सूक्ष्म जान । उपमा न जगमहँ आन ॥

देखी न सुनियत लंक । ज्यों ब्रह्म निर्गुण शंक ॥ १४ ॥

लहँगा ललित लहरात । बहुघेर छवि छहगत ॥

जरतार जटित जराय । निज कर मनोज वनाय ॥ १५ ॥

जगमगत मणि गणजोत । द्युतिमंद रवि शशि होत ॥

सोहत अनूपम कोर । जनु दामिनी चहुँ ओर ॥ १६ ॥

बूटे मुललित ललाम । फेली प्रभा अभिराम ॥

सुंदर सरस सुखधाम । लखि लजत शत रतिकाम ॥ १७ ॥

मृदु उदर अधिक सुहात । जनु लस सुरतरुपान ॥

ज्यों सिंधु सब गुणकेर । हे कृपासदन निवेर ॥ १८ ॥

नाभी सुललित गँभीर । जनुसिंधु भँवर सुधीर ॥  
 है सुभगता कर खानि । उपमा जु यह पुनि जानि ॥ १९ ॥  
 माणि जटित पदिक सुहाय । नवग्रह रहे जनु आय ॥  
 कंठी सुकंठ विराज । भूषण अधिक छबिछाज ॥ २० ॥  
 भुज मूल बाहु विशाल । मनु मृदुल पंकजनाल ॥  
 युग सुभग वर भुजबंद । मणि जटित क्रांति अमंद ॥ २१ ॥  
 कर युगल कोमल मंजु । मानौ मृदुल दलकंज ॥  
 कंकन सुदेश अनूप । मिलि अंग एकहि रूप ॥ २२ ॥  
 नव बलय की झनकार । मृदुमंद अति सुखसार ॥  
 मुँदरी हरित नग क्रांति । नृग साव कहि कर भ्रांति ॥ २३ ॥  
 पुनि कलित कंठ सहाय । जहँ पान पीक लखाय ॥  
 लखि लजत कंबु कपोत । भूषण सरस छविहोत ॥ २४ ॥  
 सोहै चिबुक छविधाम । तिहि मध्य तिल अभिराम ॥  
 जनु हेम संपुट माहि । मणि नील जटित सुहाहि ॥ २५ ॥  
 युग अधर सुंदर लाल । जनु लसत विंब प्रवाल ॥  
 दंतावली छविधाम । जनु कुंदकली ललाम ॥ २६ ॥  
 नासा अनूप सुढार । शुक तुंड सम सुखसार ॥  
 नथझमका लहरात । मुक्ता बुलाक सुहात ॥ २७ ॥  
 हैं सुभग युगल कपोल । आदर्श मनहुँ अमोल ॥  
 आसन किधौं अभिराम । रसराजको सुखधाम ॥ २८ ॥  
 युग श्रवण हैं अभिराम । अति मृदुल अमल ललाम ॥  
 कुंडल सुझमक झल । भूषण विराज अवतल ॥ २९ ॥  
 लोचन युगल अभिराम । जनु कंज मीन ललाम ॥  
 खंजन मृगी सम जान । शरमै नके अनुमान ॥ ३० ॥  
 भुकुटी कुटिल सुखरूप । युग धनुष मनहुँ अनूप ॥  
 ठी तिहिबीच कुंकुम बिंदु । इकठोर शनि कुज इंदु ॥ ३१ ॥

नवगौर सरस सुरूप । सुंदर ललाट अनूप ॥  
 वेदा विशाल विराज । जनु नवग्रहन समाज ॥ ३२ ॥  
 वेदी लसै कमनीय । मणिजटित द्युति रमनीय ॥  
 मुक्ता अमोल सुहाय । सुंदर अधिक छविछाय ॥ ३३ ॥  
 शिरचंद्रिका लहराति । झुकि झुमि छवि छहराति ॥  
 मणि जटित क्रांति विराज । कोटिन प्रभा करलाज ॥ ३४ ॥  
 चिक्कन कुटिल मृदुकेश । वेणीगुही वर वेश ॥  
 छूटत सुगंध झकोर । है मत्त डोलत भौर ॥ ३५ ॥  
 सारी सुनील सुहाय । जनु मेघमंडल छाये ॥  
 जरतार की नवकोर । सौदामिनी चहुँ ओर ॥ ३६ ॥  
 वरसै सुछवि मय नीर । सोपरत सीय शरीर ॥  
 दरशात आनंद रूप । शोभा अभंग अनूप ॥ ३७ ॥  
 नख शिख सवै सुठि सीय । शृंगार पुनि रमणीय ॥  
 गजगामिनी मृदुगात । गिरिजाहि पूजन जात ॥ ३८ ॥  
 जैसी सिया अभिराम । तैसी सखी छवि धाम ॥  
 शिख नख स्वरूप सुढंग । शृंगार शोभित अंग ॥ ३९ ॥  
 तिनके अमित गुणरूप । तनु तेज अमल अनूप ॥  
 सिय सहचरी जु अनेक । हैं सरस एकहि एक ॥ ४० ॥

दीवह-छंद ।

रूपरंगीली गुणगरवाली सुघर सलोनी बाला ॥  
 नवल नागरी अति उजागरी छाकी प्रेमपियाला ॥  
 नखशिख भूषण अमल अदृषण ज्यों शशि पूखन सोहैं ॥  
 वसन सुरंगा शोभित अंगा निरखि शची रतिमोहैं ॥ ४१ ॥  
 पंकजनेनी हैं पिकर्वनी गजगामिनी ललामा ॥  
 वैसकिशोरी श्यामल गोरी मनहरनी सुखधामा ॥  
 रज रतंगा नवल अनंगा परम प्रवीन पियारी ॥  
 रंगरंगीली नेह पंगोली सुंदररूप रज्यारी ॥ ४२ ॥  
 गानकलामें छंद छलामें परम ललामें राजें ॥

बहु सुखदानो अधिक नयानी अंग अनूपम सजि ॥  
 रनिकविहारी मति अति दारी कदन पारको पवि ॥  
 निनकी दाया माँ बल आया निहि भरोस कछु गाँधि ४३  
 काहकी बेगी फूलन माँ गुही विशजननीही ॥  
 काहकी गंधी मोतिनमाँ मरस मोहनी जीही ॥  
 काहके बखेस पाँठ पे छूटे केश सुहाँ ॥  
 माना नरुग नागिनी कागी मदमानी लहराँ ॥ ४४ ॥  
 अरुग नरुग मिदर सुहाँ मोतिन माँग भगी है ॥  
 अरुग फनी पे शोगिनमनी सुमानाँ अमी भगी है ॥  
 काहकी पोशाक बनी है गुंदर रंग सुगंभी ॥  
 काहकी कामनी बनी है काह अंग नरंगी ॥ ४५ ॥

दे प्रदक्षिणा पदपंकजगहि बहुविधि विनती कीनी ।  
 मन भायो माँगो वर सुंदर परम प्रेम रस भीनी ॥  
 ताही समय अली इकलोनी गईविलोकनवागा ।  
 डोलत फिरत लखत द्रुम वेली हिय उमंगेअनुरागा ॥५०॥  
 ताहि छिन गुरु आयसु लैकै राजकुँवर दुहुँ आये ।  
 निरखत वाग उतारत फूल न दोना करन सुहाये ॥  
 औचक दृष्टि परे सो ताके लखत विहाल भईहै ।  
 भूषण वसन अपान चातुरी भोरी सवै गई है ॥५१॥  
 इकटकरही निहारि चकितहै नैन निमेष नलावै ।  
 रघुनंदन छवि छकी छबीली मनमें मोद नमावै ॥  
 लोक लाज कुलकानित्यागि कै दौरि मिलनको चाहि ।  
 ह्वै सकोच मनमारि रहै जिय अंतर मनसि जहा है ॥५२॥  
 हिय विचारि कुलकानि जानितिय धर्मधीर कछु धारी ।  
 चलीझैक डग परै न पग मग भई नेह मतवारी ॥  
 तहँ ते चले फेरि फिरि लोटै इहि विधि करि वरि आई ।  
 झूमत झुकत चकित सी चितवत अली अलिन विचआई ५३॥

बरवा छंद ।

तिहि विलोकि सिय सखियां बूझति बैन ॥ कहा भयो तुहि  
 डेली नू मतिऐन ॥ ५४ ॥ सोहे रति नहिं काहुहि उत्तर देत ॥ लै  
 उसास युग आँखियां भरि भरि लेत ॥ ५५ ॥ पुनि कर गहि सिय  
 बूझति बैन रसाल ॥ निजगति कहति न काहे नवल वाल ॥ ५६ ॥  
 सुमिरि श्याम उर अंतर हिय धरिधीर । सियसों बोली सुंदरि बैन  
 गँभीर ॥ ५७ ॥ अवधनूपति दशरथ के सुत अभिराम ॥ कौशिक  
 सँग सो आये सुखमाधाम ॥ ५८ ॥ राम लपण दुहुँ भैया  
 श्यामल गौर ॥ सुंदर ताके सोहैं जो शिरमोर ॥ ५९ ॥  
 धनुषयज्ञ सुनि आये हैं अतिवीर ॥ इनहि ताडकामारी  
 एकहि तीर ॥ ६० ॥ हति सुवाहु मारीचाहिं विनफलवान ॥  
 सिंधुपार तिहि पठयो राखे प्रान ॥ ६१ ॥ गये जनकपुर देखन

रौ ॥ सरसमाधुरी पियौ भली विधि पलक न टारौ ॥ अलीआज सु-  
खसाज सबै निज निज हिय खोली ॥ निरखिलेहु भरिनैन वैन यौं  
सिय जू बोली ॥ १०२ ॥

दोहा—औचकराज किशोरकी, परी दृष्टि इत आय ॥

जनकनंदिनी रूपलखि, प्यारे रहे लुभाय ॥ १०३ ॥

सिय मुख पंकज रसरसिक, रघुनंदन मनभौर ॥

रम्यो सुछवि मकरंदमें, कछू सुहात न और ॥ १०४ ॥

राजकुँवर वर बंधुसे, बोले वचनरसाल ॥

धनुष यज्ञ इन हेतु ये, जनकलली नवबाल ॥ १०५ ॥

सिय सुंदरता नेहमय, कहत लपण रघुचंद ॥

भये लतनकी ओटमें, ज्यों घनबिच युगचंद ॥ १०६ ॥

अकुलानी सिय सखिन युत, लखे न श्यामसुजान ॥

बढी अगिन तनु विरहकी, भूलो सबहि अपान ॥ १०७ ॥

भई सबै अतिवावरी, बोलति अटपटबैन ॥

राजकुँवर विछुरे अबै, रंचहु परै नचैन ॥ १०८ ॥

घनाक्षरी कवित्त ।

क्यों न जर जायरी पतंग आय दीपकमें क्यों न मणिहीन जो भुंजग  
प्राणत्यागैरी ॥ रजनीमलीन बिन चंद क्यों नहोय भट्ट स्वातिबिन  
चातक अधार क्यों न वागैरी ॥ रसिकविहारी बिन सुवर सनेही मि-  
ले कोटिहु उपायते न हीय अनुरागैरी ॥ विछुरे सुनार क्यों न मीन  
मरिजाय हेली जानै सो वियोग पीर जाके जिय लागैरी ॥ १०९ ॥  
विरही वियोगिनीन देखिकै अधीन दीन अधिक सतावैं भट्ट मिलिकै  
अनेकसे ॥ कसकत छाती सुनिकारीकोकिलाकी कूक गरजतकारे घ-  
नमान तन नेकसे ॥ रसिकविहारी कारी जुलफेंचुभीहैं हिय विरह  
मनोज अंग दाह अविवेकसे ॥ कारे कजरारे नैन कीनी कतलाम घनी  
हेली हम जानी कारे कारे सब एकसे ॥ ११० ॥ वृद्धं दुम वेली सब विकल  
सहेली घनी रसिक रसाल खुलालको बतावो ॥ कलित कदंब कैसे  
बहत विलंब ऐसो नवल अशोक तुम शोक तो नशावो ॥ तरुन

तमाल इतलाल अविलोके कहूँ रसिकविहारी मोहिं बेगि दरशावोजू॥  
 एहो मृग छोना जाय करहु सहाय येती पीरं यह मेरी दौरि श्यामको  
 सुनावोजू ॥ १११ ॥ कोऊ नवपल्लव गहति कर जानि कोऊ जानि  
 पद पंकजको कंज शीश नावहीं ॥ कलित कपोल जानि चूमत गुलाब  
 फूल कोऊ गहिकै तमाल बिरह सुनावहीं ॥ रसिकविहारी कोउ हेरतीं  
 चरण चिह्न पावैं कहूँ ताकी रेणु दृगन लगावहीं ॥ नेह रसमाती सिया  
 आली बिलखातीं सबै पातीदै पतौवनकी पक्षिन पठावहीं ॥ ११२ ॥  
 नृपति कुमार सुनि लीजिये पुकार येजू हमतौ तिहारे श्याम रूप रस  
 प्यासीहैं ॥ प्यावो छवि नीर तनु तपनि सिरावो लाल बिरह बिहाल  
 हाल करि मति नासीहै ॥ येहो रघुराय अवै जानोना वियोग पीर  
 रसिकविहारी तुमैं लागत जुहाँसीहै ॥ नैननकी सैन दरशाय दुरे  
 कुंजनमें हाय वह भई सो हमारे गर फाँसी है ॥ ११३ ॥ कोऊ कहैं  
 आली इमि होतीही अधीर काहे येई धनुतोरि तिहुँ लोक यश छायहैं  
 जोरी गौर श्यामकी संयोग रचि राखोविधि कंठइनहींके जयमाला  
 सरसायहैं ॥ रसिकविहारी मन भाई सब ह्वैह भट्ट राम घनश्याम  
 सिया दामिनी सुहाय हैं ॥ उमंगि चलैगो उर आनंद घनेरो सखी  
 नागरी सहेली सबै मंगल जुगायहैं ॥ ११४ ॥ कोऊ सखी बोलीं  
 राजकुँवर सलोने मृदु शंभु चाप निपट कठोर क्यों चढ़ावंगे ॥ कोऊ  
 कहैं वैम अति थोरी पै अपार बल तोरि धनु पंकजकी नाल ज्यों  
 बहावंगे ॥ रसिकविहारी सुनि सकल सुखारी भई हम सब धन्य ऐसो  
 नैन फल पावंगे ॥ परशि सलोनो गात मुख जलजात देखि कोमल  
 रसीलैयन विहसि सुनावंगे ॥ ११५ ॥ मन अकुलानी सिया नमिरि  
 पिताको प्रण अति सुकुमार घनश्याम राम जाने हैं ॥ निपट कठोर  
 शंभु चाप लखि भारी घनो केते भूप थाके वीर परम सयाने हैं ॥  
 अधिक अधीर भई हीयना धरैह धीर दर्शन हेत युगनैन अकुलाने  
 हैं ॥ रसिकविहारी दृग चंचल अचंचलभे माना जालवीच नवमान  
 उरदाने हैं ॥ ११६ ॥ येरे विधि परम सयानो नृ बनायो जग मेरे  
 दिन देन ऐनो भयो मनिहीनो क्यों ॥ जो पै श्याममुंदर सो मिलिकै



बिछोह भयो तोपै मुखमाँगो मोहिं मरनन दीनो क्यों ॥ रसिक  
 रघुनंदन अनूपरूप तिनके हियेते मोह सब हरि लीनों  
 जबै मिथिलामें धनुयज्ञ सुनि आये तबै शंभुको  
 सुकोमल न कीनों क्यों ॥ ११७ ॥ येहो शंभु परम  
 हौं निहोरौं तुमैं माँगौं मनभायो वरदान यह पा  
 दीजे है प्रसन्न अति दाता फल चारके हौ  
 गौरि संयुत तिहारो गुण गाऊमें ॥ कैतौ तात  
 प्रण कैतौ मृदु होवैं चाप तबै साँवरेको जयमाला  
 राऊमें ॥ रसिकविहारी व्याहि आनंद उमंग रंग  
 घनश्याम संग अवध सिधाऊमें ॥ ११८ ॥ कीजिये उपाय  
 न कोटिन कछूना चलै सोई अब है जो विधाता लिखि  
 भाल ॥ शंभुचाप तात प्रणरेखा या ललाटकीसो टारेनाटरे  
 तीनों ये अचल चाल ॥ रसिकविहारी सुखदानी मनमानी यही  
 ये न काहूंसो कछूक निजहीको हाल ॥ जोपै रघुराय सों हम  
 साँचो लगे तोपै हम जानी हमैं साँचहु मिलेंगे लाल ॥ ११९

हरिगीतिका छन्द ।

इहि भौंति सिय जू सखिन युत रस नेहके छाकीं घनी  
 प्रगटे लतनकी ओटते ताहीं समैं रघुकुल मनी  
 आनंद हिय उमँगो रहीं जकि चित्रसी सब जहैं तहीं  
 मानो शरद निशि चन्द्रको यकटक चकोरी लखिरहीं १२०  
 कोऊ कहैं सखि दौरि मिलिये त्यागिये जग लाजको  
 इनते बिहीनो जो भयो मुरराज तौ किहि काजको  
 कोऊ कहैं हम धन्य सजनी लखे श्याम सुजानको  
 ते मृदु कैसे श्याम राम विहाय ध्यावैं आनको ॥ १२१ ॥  
 जरि जाय सो जप योग ज्ञान सनेहसो जरि जायरी  
 जरि जाय जननी जनक सुत हित जिनाहिं येन सुहायरी  
 जरि जाय सो गुरु वंधु तन मन प्राण धन जरि जायरी  
 जो भजत रघुकुल चन्दको नहिं करत अधिक सहायरी १२२

यह प्रीत साने बैन आली जनकनंदिनि युतकहैं ॥  
 सब श्याम छवि छाकी सखी कोऊ न गृह जैवोचहैं ॥  
 मन मानिकै भय मातकी तव सीय द्विय धीरज धरी ॥  
 उर राखिकै रघुराय गमनी गेहको आनंद भरी ॥ १२३ ॥  
 लाखि जात जनककुमारिको नृप नंद अति व्याकुल भये ॥  
 हा भामिनी गजगामिनी मृदु बैन यौ बोलत नये ॥  
 हा लाडिली नवला किशोरी प्राणप्यारी नागरी ॥  
 हा जानकी सुखदायिनी गुण रूप शील उजागरी ॥ १२४ ॥  
 क्यों नैन वान चलाय प्यारी करिचली घायल हियो ॥  
 सुसक्यान मंद कृपानसी लागी सुतन व्याकुलकियो ॥  
 हे सुंदरी नवला सलोनी फेरि रूप दिखाइयो ॥ १२५ ॥  
 दृगनीर तुव छवि नीर विन तलफत तिनै रसप्याइयो ॥  
 तुव रूप उर अंतर लिखो विलगाय क्यों पल एकदू ॥  
 मन तो तिहारे संग गमनो धरत धीर न नेकदू ॥  
 इहि भांति कहि मृदुवैन राजिवनैन गुरु ढिगको चले ॥  
 इत लाल उतप्यारी चितव फिरि चितव आनंद भले ॥ १२६ ॥  
 इत आय दोऊ भाय गुरु पद पूजि अति आनंदलहे ॥  
 नृपवागके संवाद सरल सुभाय मुनिते सब कहे ॥  
 हे अधिक हृदय प्रसन्न कौशिक सुभग शुभ आशिष दये ॥  
 चिरजियहु मन अभिलाष पूर राम मुनि प्रमुदित भये ॥ १२७ ॥  
 उत गई मुखगण संग सिय जू गौरिसदन बहोरिके ॥  
 पदकंजगहि मृदुवैनते विनती करी करजोरिके ॥  
 जैजैति जैशिव प्राणप्यारी जैति अभिमत दायनी ॥  
 जै दीनगन भय भंजनी जैभक्त जनमन भायनी ॥ १२८ ॥  
 जै शंभु तन अरधंग वासिनि जैति सुगगन मंडनी ॥  
 उत्पत्ति धितिलयकारिणी जै जैति खल दल नंदनी ॥  
 जगजननि जै गिरिजा भवानी जैति इच्छानाशिनी ॥  
 जै जैति जै गजवदन अंबा जैति मंगलकाशिनी ॥ १२९ ॥

विश्वास करि अति प्रीतिसे पदकमल जो तुव ध्यावहीं ।  
 तिनको अगम सब सुगम होत अभीष्ट फल सो पावहीं ॥  
 किहि भौंति में विनती करों तुम सकल अंतर्यामिनी ।  
 मन भावतो वर दीजिये अब मोहि शंकर भामिनी ॥ १३० ॥  
 बहु दिवस बीते तुमहि सेवत सफल सेवा कीजिये ।  
 जा भौंति रघुवर वर मिलैं करि कृपा आशिष दीजिये ॥  
 धनु होय कोमल के तजै प्रण तात रामहि देखिके ।  
 जिहि विधि मिले मुहिं साँवरो सो जतन बन हि विशेषिके ॥ १३१ ॥  
 सुनि सीयकी वर विनय गिरिजा परमआनंद पायकै ।  
 दीनी सुखद आशीश सीतहि सकल सखिन सुनायकै ॥  
 मन भावतो वर पाय हौ संशय तजौ सब जानकी ॥  
 दिन कछू बीते होहु दुलही रामरूप निधानकी ॥ १३२ ॥  
 सुनि गौरि वचन प्रमोद बाढो सीय हिय न समायसो ॥  
 आनंद जो सखियानके किहि भौंति कहि जायसो ॥  
 गिरिजाहि शीश नवाय आलिन संग सिय मंदिरगई ॥  
 रघुचंद दशरथ नंदमें उर प्रीति बाढी अतिनई ॥ १३३ ॥  
 दोहा—हे सिय जिय रघुवीर बिच, सिय बिच रघुवर जीय ॥  
 प्रीति सनातन परस्पर, दुहूँ बसैं दुहूँ हीय ॥ १३४ ॥  
 वर्णत शोभा छिनहि छिन, उत सिय इत रघुलाल ॥  
 दोऊ दुहूँ निहारिकै, फँसे प्रेमके जाल ॥ १३५ ॥

इति श्री० रा० २० वि० वि० वाटिका प्रसंग वर्णनो

नाम पंचमोविभागः ॥ ५ ॥

दोहा—रामसिया सियरामको, सुमिरत निज निज ठाम ॥  
 मनसंकल्प विकल्प मधि, बीती सकल त्रिजाम ॥ १ ॥  
 उठे प्रात लखि बंधु दुहूँ, नित्य कृत्य सब कीन ॥  
 गुरुपद पूजे मुदित हँ, सुनि अशीश वर दीन ॥ २ ॥

ताही छिन भेजै जनक, शतानंद मतिधाम ॥  
 सादर चले लिवाय मुनि, सहित लपण अरु राम ॥ ३ ॥  
 सुंदर विशद विशाल वर, वनी धनुष मखशाल ॥  
 मध्य चाप चहुँ ओर बहु, बैठे बली नृपाल ॥ ४ ॥  
 शतानंद कौशिक सहित, दोऊ राजकुमार ॥  
 गये तहां लखि सब उठे, कियो जनक सतकार ॥ ५ ॥  
 परम उच्च आसन सुभग, तहँ करगहि नृप आय ॥  
 राम लपण संयुत मुनिहि, बैठारे हुलसाय ॥ ६ ॥  
 राज कुँवर कौशिक सहित, आयै धनु मखशाल ॥  
 मुनि धाये सब दरशाहित, तरुण वृद्ध अरु बाल ॥ ७ ॥  
 रुचिर यज्ञशाला निकट, उचित बने बहु धाम ॥  
 यथायोग मर्याद जहँ, बैठि लखैं सब वाम ॥ ८ ॥  
 ताछिन रघुवर रूप सब, निरखो निज निज भाव ॥  
 परम विचित्र चरित्र सो, नेक न परो लखाव ॥ ९ ॥  
 तव वंदीजन आयकै, कहो जनक प्रण देरि ॥  
 सो मुनिकै भूपति बली, उठे धनुष दिशि हेरि ॥ १० ॥  
 जाय जाय सब लाय बल, धाके चाप उठाय ॥  
 रंच डगो नहिं करहुते, बैठे भूप लजाय ॥ ११ ॥  
 तव कौशिक लखि रामदिशि, बोले हिय हुलसाय ॥  
 तात विलोकौ धनुष तौ, लीजे जनक रजाय ॥ १२ ॥  
 मुनि रघुवर कर जोरिकै, कही जु आयसु होय ॥  
 तौ देखौ धनु जाय में, नृपराचि लीजे जोय ॥ १३ ॥

चौ० तव मुनीश औसर अनुमानी ॥ जनकहि कही मनोहर बानी ॥  
 राजराम धनु देखन चाहि ॥ वडीवारते हृदय उमाहि ॥ १४ ॥  
 मुनि कर जोरि कही अवनीशा ॥ परम उचित यह बात मुनीशा ॥  
 तव आज्ञा दीनी मुनिनाथा ॥ उठे राम गुरूपद धरि माथा ॥ १५ ॥  
 नख शिख सुभग श्याम मृदुगाता ॥ वय किशोर लोचन सुखदाता ॥  
 रघुवर रूप निरखि नरनारी ॥ भये नेहवश गिरा रचारी ॥ १६ ॥

सवैया-कवित्त ।

कोउ कहैं हित हैं इहि औसर भूपहि कोउ नहीं समुझावैं ॥  
 काह करैं नरनाह वृथा जिहिते सबके उर दाहं बढावैं ॥  
 हैं कर कोमल राघवके यह शंकर चाप कठोर लखावैं ॥  
 क्यों रसिकेश गहैं मिथिलेशके हीय दयाहु को लेश न आवैं ॥१७॥  
 कोउ कहैं इत होत अनीत लखौ न अवैं चलिये निज गेहू ॥  
 कोउ कहैं नृप बावरोहै तब तो सब भापत नाम विदेहू ॥  
 कोउ कहैं सब कोउ कठोर सुराज समाज दया नहिं केहू ॥  
 कोउ कहैं रसिकेश अवौं नृप लालहि वाल चलौ गहिलेहू ॥१८॥  
 दोहा-कोउ कहैं आली सुनौ, मोहिय इमि दरशात ॥

तृण समान धनु तोरिहैं, दृढ मानौ मम बात ॥ १९ ॥

इहि विधि पुर नर नारि सब, कहत परस्पर बैन ॥

हेरि हेरि रघुचन्द मुख, रंचहु धीर धरै न ॥ २० ॥

विकल सुनैना अति भई, कहैं सखिनसों बात ॥

कैसे धनुष उठाय हैं, राम श्याम मृदु गात ॥ २१ ॥

करति सोच सिय मनहिमन, शंकर गौरि मनाय ॥

कहति सखिन धीरे सकुचि, अलि अब ईश सहाय ॥२२॥

सुमिरि राम बल जनक नृप, छिनक हिये उमगात ॥

पुनि पिनाक गुरुता समुझि, मनहीमन अकुलात ॥ २३ ॥

सो गति सब हियकी लखी, रघुवर उर उमगाय ॥

आये वेगि पिनाक ढिग, हेरे सहज सुभाय ॥ २४ ॥

धनाक्षरी-कवित्त ।

आयो चाप भंग सर्म सवाहि जनायो ढंग मानी नृप हिय तव  
 थगकि थगकि उठे ॥ रसिकविहारी नेहवागि पुर नारिके कंचुकी सुखंद  
 आप तरकि तरकि उठे ॥ उर उमगे हैं भूप काशिक लपण आदि राम  
 दोउ थगकि थगकि उठे ॥ जनककिशोरी नृके सखिन समेत  
 दोउ नकल चारु फगकि फगकि उठे ॥ २५ ॥

दंडक छन्द ।

राम धनु निरखि वर नृपन बल धरपि बहु परखि सब हीय गति  
हरपि रुख पायकै ॥ धर्मधुर धीर रघुवीर रणधीर तिहि सहज करधारि  
गुरु शिवहि शिर नायकै ॥ सपदि संधानि ध्रुव भंग अनुमानि कसि-  
कान लगतानि निरखो न कोऊ वियो ॥ वेगि वरिबंड जस मंड भुज-  
दंड ते चंडको दंड द्वैखंड खंडित कियो ॥ २६ ॥ घोर धनु भंगको  
शोरचहुँ ओरभो सुनत तिहुँ लोक चर अचर औचक चके ॥ विष्णु  
विधि शंभु सुरपाल दिगपाल अहिपाल महिपाल तिहिकाल झझके-  
जके ॥ होत धर धर धरा कुधर थर हलत सिंधु खलभलत उछलत  
रवि शशि थके ॥ चिक्करत मत्तगज सिंह मृग आदि बहु फिक्करत  
विकल मणि विपिन कंदरतके ॥ २७ ॥

दोहा—धनुष भंग इहि विधि भयो, औचक काहु न देख ॥  
गिरो खंड है भूमि तव, चकित रहे सब पेख ॥ २८ ॥  
जै रघुवर जै राम जै, जैजै अवध किशोर ॥  
जै रघुवीर सुधीर जै, चहुँ मचो यह शोर ॥ २९ ॥  
निरखि शंभु धनु भंग सब, जनक नगर नर नारि ॥  
करहिं निछावर आरती, बहु मणिगण धनवारि ॥ ३० ॥  
जनक सुनैना सीय हिय, जो कछु भयो अनंद ॥  
भापिसकै नाहिं शेष सो, मैं वरणीं कहमंद ॥ ३१ ॥

सोरठ—कौशिक लपण अपार, मुदित भये धनु भंग लखि ॥  
मानी नृपति निहार, सकुचाने श्रीहत सकल ॥ ३२ ॥  
समय निरखि सानंद, शतानंद आज्ञादई ॥  
जयमाला निगढ़ंद, सियमेल रघुचन्द सर ॥ ३३ ॥  
तव नृप दई रजाय, सुनि सिय मन आनंद भो ॥  
सखिन संग हुलसाय, चली विशद जमाल लै ॥ ३४ ॥

घनाक्षरी कवित्त ।

आई रघुचन्द ढिग जनक किशोरी गोरी देखो खंड खंड तहँ शंभु  
धनु बंकको ॥ रसिकविहारी ऐसो आनंद सियाके चित्त जैसे वरवित्त पाय  
होवै सुख रंकको ॥ दोऊ कर उमँगि उठाये जयमाल लीने कवि  
हुलसाये हेरि उपमा उत्तंकको ॥ क्षीरसिंधु गहिकै सनाल युग कंजनते  
मुक्तमाल देत मानो पूरन मयंकको ॥ ३५ ॥ सोहैं सिय सहित उमंग  
सखिसाजे अंग भूपण सुरंग रंग वसन विशाल सों ॥ करि कर ऊँचे  
दोउ ठाढ़ी हैं विदेहसुता कैसे कंठ डारैं माल छोटी रघुलालसों ॥  
रसिकविहारी तिहि औसर निहारी छबि उपमा विचारी सो उचारी  
है उतालसों ॥ कनक लताकी नववल्ली द्वै अनूप कटि ऊरध उठी हैं  
मनो मिलन तमाल सों ॥ ३६ ॥

सोरठा—एक सखी मुसकाय, तव बोली रघुचन्दसों ॥

सादर शीश नवाय, जयमाला उर धारिये ॥ ३७ ॥

सुनि रघुवर सकुचाय, शीश नवायो सियाहि लखि ॥

जनकसुता हुलसाय, पहिराई जयमालउर ॥ ३८ ॥

घनाक्षरी कवित्त ।

अतिहि उताल है निहाल रघुलाल कंठ मेली जयमाल भयो  
आनंद अपारो है ॥ रसिकविहारी श्याम गोरी नवजोरी हेरी सब  
नरनारि निज प्राण धनवारो है ॥ माल पहिराई दुहुँछाई सो अपार  
शोभा ताछिन अनूप रूप रुचिर निहारो है ॥ धरि तिय भेष मंडु  
मुदित वसंत मानौ आज ऋतुराज पै प्रसून जाल डारो है ॥ ३९ ॥

सोरठा—सखिन सिखाई सीय, गहे राम पद कंज तव ॥

आई प्रमुदित हीय, मातु निकट बैठी सकुचि ॥ ४० ॥

उत रघुवर हुलसाय, कौशिक पद शिरनायकै ॥

बैठे आशिख पाय, सहित लपण शोभित भये ॥ ४१ ॥

पुखासी नर नार, निरखि शंभु धनुभंगको ॥

निज निज मति अनुसार, कहत परसपर मुदितमन ॥ ४२ ॥

दोहा—कौड कहैं सब भाँति विधि, आज सुधारी बात ॥

दशरथ राजकुमारको, सुयशरहो कुशलात ॥ ४३ ॥

पनाक्षरी कवित्त ।

ताडका जु मारी करी यज्ञरखवारी फेरि तारी सुनिनारी येतो  
बल जस खूट तो ॥ पुनि सुरनारी नरनारी औ सुरारिनारी हँसती  
जुन्यारी वीर नाम वह छूटतो ॥ रसिकविहारी ईश सबहि सुधारी यह  
कीरति अपारी धौ न जानौ कौन लूटतो ॥ जनकदुलारी होतीं निपट  
दुखारी भारी अवधविहारी ते न जो पै धनु टूटतो ॥ ४४ ॥

दोहा-कोऊ कहति दिठायजिय, सबहि अधिक समुझाय ॥

चाप आपही भंग भो, बात सत्य यह आय ॥ ४५ ॥

पनाक्षरी कवित्त ।

सुनिकै उदंड बल प्रथमैकोदंड दुरि जाय कै लजाय सो मँजूपा  
माहिँ सोगयो ॥ रसिकविहारी तऊ अवधविहारी ताहि हठकै उठायो  
मान ताको सबखोगयो ॥ शंभु धनु हीय हो गरूर गरुताको भूर  
चूर धूर है सो सुरताको नूर धोगयो ॥ सोई हूक लूक की भभूक  
फूक फाटो हीय याही ते पिनाक आप टूक टूक होगयो ॥ ४६ ॥

दोहा-कोऊ कहति विचारिजिय, भयो जु भंगपिनाक ॥

सो कारण हम लखिलयो, सुनौ कहैं दे हाँक ॥ ४७ ॥

पनाक्षरी कवित्त ।

राम करकोमल कठोर शंभुचाप हेरी मिथिलानिवासिनके सोच  
हिय भरिगो ॥ निपट हिरासलै उसाँस सब भापी यह रसिकविहारी  
कान भूप मान धरिगो ॥ जीरन भयो पै तऊ आज लों कराल  
भारी येते द्यास माहीं धनु गरिगो न सरिगो ॥ एकै वार ऐसी परी आय  
सबहीकी धाय लाय लगी हायकी पिनाक याते जरिगो ॥ ४८ ॥

दोहा-कोऊ कहैं हम एकहु, नहिँ माने ये बात ॥

निज भुजबलते रामधनु, भंजो प्रगट जनान ॥ ४९ ॥

सो सुनि बोली कोट तिय, आली मेरी जान ॥

जिहि प्रभाव टूटो धनुष, सो मैं करी वद्वान ॥ ५० ॥

पनाक्षरी कवित्त ।

परि परि पाय जाय गिरिजा निहोर्ग नित्य शंकर मनाये पूजे गण-  
पति भावने ॥ दीने दान विविध विधान जपकीने बहु नेम वन लीने



सिय सहित उछावसे ॥ रसिकविहारी मिथिलेशकी दुलारी दृढ प्री-  
ति उरधारी अवधेश सुत चावसे ॥ जनक किशोरीके प्रतापते पिना-  
क दूटो दूटो है न जानौ राम बलके प्रभावसे ॥ ५१ ॥

दोहा—इहि विधि उत पुर नारि नर, कहं परस्पर वैन ॥

मनभाई सबकी भई, उर आयौ अतिचैन ॥ ५२ ॥

इत सिय मात प्रमोद युत, कही नीरभरि नैन ॥

भंजौ राजकुमार धनु, क्यों भापौ यह वैन ॥ ५३ ॥

घनाक्षरी कवित ।

कहति सखीसों सियमाय दुलसाय हीय हेली हों भई हों अति  
चकित निहारिकै ॥ रसिकविहारी भूरि भारी हो पिनाक जाहि निर-  
खि अपार वीर बैठे बलहारिकै ॥ भंजो ताहिवाल रबुलालहों न मानौं  
यह बात इक आई उर भापौसो विचारिकै ॥ मेरीजान काम राम रू-  
प धरि आयो आज शंभु धनु तोरो वैर पाछिलो सम्हारिकै ॥ ५४ ॥

दोहा—यौं कहि रानी बहुरि लखि, सीतहि दई रजाय ॥

सखिनसंगलैसाजसजि, गिरिजहि पूजौ जाय ॥ ५५ ॥

मात वचन सुनि मैथिली, सकल सौज लै साथ ॥

जाय अलिन युत पूजिकै, गिरिजहि नायो माथ ॥ ५६ ॥

ताछिन इक आली कही, सुन हेली मम वैन ॥

गौरि सरिस कितहूँ कहूँ, कोऊ सुर तिय हैन ॥ ५७ ॥

जाके पदपूजत सदा, पूजत सब अभिलाख ॥

सकल सुरासुर नारि नर, पूजत हिय दृढ राख ॥ ५८ ॥

सुनि बोलीं सबही सखी, आली कही प्रणाम ॥

पै फल मिथिला वासको, है यह मेरी जान ॥ ५९ ॥

घनाक्षरी कवित ।

शंभुगिरि वासी विंध्यवासी या गिरीशवासी रहतीं उमा क्यों तहाँ  
जानकी सिधावती ॥ काशीकी सुवासी तथा कांचीपुर वासी तऊ  
तितहूँ न जाय सीता सुमन चढ़ावती ॥ रसिकविहारी पूजी जनकदु-  
रारी यातें नारी त्रिपुरारीकी त्रिलोकमें पुंजावती ॥ मिथिला निवा-  
री यातें नारी त्रिपुरारीकी त्रिलोकमें पुंजावती ॥ ६० ॥

दोहा-इहि विधि सबही परस्पर, कहत सुनत हुलसाय ॥  
 सिया सहित आई भवन, वेगहि गौरि पुजाय ॥ ६१ ॥  
 छायो अति आनंद चहुँ, करैं नारि कलगान ॥  
 वजत वाजने विविध विधि, होत निछावर दान ॥ ६२ ॥  
 राम लपण मुनि जनक सिय, हिय बहु बढीं उमंग ॥  
 पुर नर नारि अनंद युत, कहत भयो धनुभंग ॥ ६३ ॥  
 इति श्री० रा० र० वि० वि० धनुषभंग वर्णनो

नाम षष्ठोविभागः ॥ ६ ॥

दोहा-धनुषभंग लखि जनक नृप, अति अनंद उमगाय ॥  
 करत दान बकसीस बहु, भूषण वसन लुटाय ॥ १ ॥  
 ताही छिन चहुँ ओरते, भयो कुलाहल सोर ॥  
 औचक आये परशुधर, कंध कुठार कठोर ॥ २ ॥  
 जटाजूट शिर भस्म तनु, भाल त्रिपुंड्र विशाल ॥  
 करधनु शरवर तेज बहु, चपल चाल दृग लाल ॥ ३ ॥  
 परशुरामको सकल नृप, उठि उठि कियो प्रणाम ॥  
 शतानंद कौशिक तिनै, उचित मिले लखि वाम ॥ ४ ॥  
 मुनिहि मिलत लखि बंधु दुहुँ, सादर नायो शीश ॥  
 निरखि परशुधर रूप सब, विकल भये अवनीश ॥ ५ ॥  
 ताछिन औचक धनुष दिशि, हेरि कुठार उठाय ॥  
 अतिसकोप बोले तमकि, मिथिलापतिहि बुलाय ॥ ६ ॥  
 बोल मृदु नृपवेगि यह, किन भंजो भव चाप ॥  
 देव असुर नर कान जो, भयो कालवश आप ॥ ७ ॥  
 सुनि कराल भृगुपति वचन, नृप चुप रहे शशंक ॥  
 तब रघुवीर सुवेगहीं, बोले निपट निशंक ॥ ८ ॥  
 परशु नाम ते डरापि कै, कहै न कोऊ नाम ॥  
 पै धनुषभंजन हेतु सब, लेत रावरो नाम ॥ ९ ॥  
 सुनि भृगुनाथ रिसाय अति, परशु उठायो हाथ ॥  
 कहाँ अवहि सब खलनके, गात करौं विन माथ ॥ १० ॥

गदि मंडल सब छिनकमें, अवनी होन निक्षत्र ॥  
 माला क्षत्रिन शिरनकी, फोटिन वनें इक्षत्र ॥ ११ ॥  
 परशुगमके वचन मुनि, लपण कहे अनन्नाय ॥  
 अवनी कर निक्षत्र अम, फोटन हमें लग्नाय ॥ १२ ॥  
 लपण ओर तब परशुभर, लगे विलोकनिबंक ॥  
 गम वंधु पुनि रोप मुन, बोले वचन निशंक ॥ १३ ॥

धनाक्षरी कवित्त ।

अनुचित भाषी तुम जैसी यद सखी सब गखी मनहीमें हमनिज  
 गिस मारिके । एको ना दिलाय ऐसो वीर सामुहे जो आय फेरि घर  
 जाय रघुवंशिन प्रचारिके ॥ वृद्ध जानि छोरीं कर जोगीं ओ निहोरीं  
 वेगि भवन सिधारो रोप सकल निवारिके ॥ रसिकविहारी छत्रधारी  
 युद्ध कारी कोउ सकेना निहारी या कुठारीको निहारिके ॥ १४ ॥

पदरी छंद ।

सुनि लपण लाल बाणी निशंक ॥ डिज नैन लाल करि भौंहवंक ॥  
 बोले रिसाय रे मंदवाल । क्यों होन कालवश अतिउताल ॥ १५ ॥  
 तू अवहिरंच जानि न मोहि । चुप जाय बैठ का कहहुँ तोहि ॥  
 सुनि फेरि कही लछमन हँसाय । भाषो चरित्र निज मुखहि गाय ॥ १६ ॥  
 देखो विचारि यह जक्त रीति । जाने विना न हो प्रीति भीति ॥  
 याते जु हाल पूछें प्रशस्त । सो सत्य सत्य भाषो समस्त ॥ १७ ॥  
 तुव रूप देखि मम हीय माहिं । एको प्रतीति कछु होत नाहिं ॥  
 सुर हौ तथापि हौ नाग कोउ । नरहौ सुभाषू जोइ होउ ॥ १८ ॥

धनाक्षरी कवित्त ।

विप्र कहिये क्यों कर लीने हो हथियार याते क्षत्री कहिये क्यों  
 वीरताई ना जनात है । संत कहिये क्यों क्रोध मंत हो अनंत अरु  
 भूप कहिये क्यों रूप तौर ना लखात है ॥ रसिकविहारीहै तिहारी  
 न्यारी कछु सब दरशात शुद्ध एको ना मिलात है ॥ आपनों  
 नाम ठाम तब जानै हम भाषो को गुरू है कौन तात  
 भ्रात है ॥ १९ ॥

पदरी छंद ।

सुनि कही कुपित रे बाल वाम । मो नाम ख्यात जग परशुराम ॥  
बहु बार भूमि कीनी निक्षत्र । बैठे महीप बहु वृद्ध अत्र ॥ २० ॥  
दोहा—सुनि लछमन हँसिकै कही, धन्य भाग्य मम आज ॥  
दीन जानि कीनी दया, दरश दियो द्विजराज ॥ २१ ॥

पनाक्षरी कवित्त ।

पाऊं अनुशासन तौ आसन विछाऊं वेगि वासन भराऊं वेगि  
धीर उर राखिये ॥ द्विज गुणमान ज्ञान त्याँ विचार मान कीजे  
छोहकोहतेँ इतो न मनमाहँ माखिये ॥ देखि धनु वान क्षत्री जान  
पुनि वीर मान कीनो हम रोपसो कृपते दोष नाखिये ॥ रसिकवि-  
हारी सदा पूज्य हौ हमारे याते मीठो दधि मोदक मैगाऊं  
बैठि चाखिये ॥ २२ ॥

पदरीछंद ।

तब कही कोपि भृगुवर जु छिप्र ॥ जनि जान मोहिं केवल सुविप्र ॥  
मोसम न और जग कोउ वीर ॥ बहु शूर मोहिं लखत तजत धीर ॥ २३ ॥  
सोमित्र कही तब विहँसि धीर ॥ नव सुनी आज हम विप्र वीर ॥  
पैजिय प्रतीति नहिं रंच होय ॥ द्विजराज सत्य गुण सुनहु सोय ॥ २४ ॥

पनाक्षरी कवित्त ।

वेद पढ़ि जानें जप यज्ञ बढ़ि जानें पाप पुण्य मढ़ि जानें बहु  
बातेँ गढ़ि जानेंहें ॥ शापवेमें जानें वर थापवे में जानें दोष  
दापवेमें जाने तप तापवेमें जानें हैं ॥ खाय जानें खूब औ  
अजूबजा चिलाय जानें रसिकविहारी बालहू पढ़ाय जानें हैं ॥  
येती पुनि औरहू अनेक रीति जानें एक दुद्धवर वीरताई विप्र  
नहिं जानें हैं ॥ २५ ॥

पदरी छंद ।

भृगुनाथपौर बोलि सकोच । अज्ञान तोहि रंचहु न बोच ॥  
कर वीर मालिनाणि शूल पानि । सो शंभुदास ले मोहिं जानि ॥ २६ ॥  
दोहा—लपण कहो गुरु शिष्यको, बल अरु सुयश अपार ॥  
फो अम जो जान नहीं, बिदिन नरकल संसार ॥ २७ ॥

घनाक्षरी कवित्त ।

मदन निहारो सो प्रसून वान वारो मारो दुर्वल विचारो यह  
 शंभुवल भूरता ॥ अवला अपारी वृद्धनारी महतारी ताहि तमाके  
 संहारी या तिहारी तेज पूरता ॥ रसिकविहारी दुहुँकाज दुराचारी  
 तिनै भारी करि भापैं या कवीनकी हे क्रूरता ॥ हम तौ धनैयाहीं  
 विलोकि अनुमानी जानी सकल पिछानी स्वामी सेवककी शूरता २८  
 दोहा—यौं कहि बोले लपण पुनि, मोहिं रुची इक बात ॥

स्वामी सेवक दुहुँनके, गुण समान दरशात ॥ २९ ॥

घनाक्षरी कवित्त ।

उन द्विज मारो तुम क्षत्रिन संहारो उन लाज सब छोरी मरजाद  
 तुम तोरीहै ॥ मुंड उनधारे तुम अक्षि गलधारे उन खप्पर लयो है  
 हाथ लीनी तुम झोरीहै ॥ उनै विष वारे तमैं क्रोध तनुजारैं उनै  
 भाई मति भोरी तुम वाद बुद्धि चोरी है ॥ रसिकविहारी त्रिपुरारी  
 औ तिहारी भली एकसी अनूप स्वामी सेवककी जोरीहै ॥ ३० ॥

पद्मरी छंद ।

सुनि बैन लपणके परशुराम । बोले रिसाय रे वालवाम ॥  
 अब बेगि भाग ह्याँते दुराय । तन छनक माँह जम लोक जाय ॥ ३१ ॥  
 सुनि स्वामि निंद जे चुप रहायँ । ते अधम मूढ़ बेग नशाय ॥  
 हो रहौं दोष लखि रोष मार । भो आज काह कुंठित कुठार ॥ ३२ ॥

दोहा—सुनि बोले हँसि कै लपण, करौ न सोच अपार ॥

लाय देहुँ इक उपल तिहि, लेहु सुधारि कुठार ॥ ३३ ॥

कुंठित भयों कुठार जिहि, सो कारण यह आय ॥

लखि लीजे निज हीयते, में सब कहौं बुझाय ॥ ३४ ॥

घनाक्षरी कवित्त ।

कैतो कर कंपत गिरो हे कहुँ पाहन पै परशु तिहारो तबही ते छीन  
 धार भो ॥ कैतो कहुँ कानन कठोर तरु कीने छिंद जाते वाढ़ मंद है  
 हथ्यार विन कार भो ॥ कैतो लोहकाचको बनायो है अजान कोऊ  
 कैतो यह आजलों न काहू पै प्रहार भो ॥ रसिकविहारी सत्य

येही दरशात याते कंध पै धरेही धरे कुंठित कुठार भो ॥ ३५ ॥  
 चौ०-सुनि भृगुनाथ लपण की वानी ॥ जनकहि कही महारिस सानी ॥  
 रे नृप गहो मौन नहिं बोले ॥ लखौं काल द्रुव शिरपर डोलै ॥ ३६ ॥  
 बेगि बताव चाप किन तोरो ॥ लखौं ताहि कैसो रिपु मोरो ॥  
 महावीर जेत जगलोगा ॥ कोउ न धनुष भंजिवे योगा ॥ ३७ ॥  
 भारी भारि कठिन कोदंडा ॥ परम उदंड प्रचंड अखंडा ॥  
 मम गुरु कर पिनाक जिन भंगा ॥ करौं खंड तिहिको द्रुत अंगा ॥ ३८ ॥  
 सुनि भृगुपतिके वचन कठोरा ॥ कहो बहुरि लछमन बरजोरा ॥  
 बारवार बूझौ भृगुनाथा ॥ धनुषभंग भो परशत हाथा ॥ ३९ ॥  
 सहज राम चापहि कर परसो ॥ तुरत टूटि अवनी पर दरसो ॥  
 धनु गरुता कहुनाहिं दिखानी ॥ भई वात सो सकल पिछानी ॥ ४० ॥

पनाक्षरी कवित्त ।

तेज ते न भारी गुणरूप ते न भारी शंभु संयुत तिहारे दीह दोपनते  
 भारी भो । सुनो भृगुनाथ रघुनाथ हाथ लागतहीं चापके सुपापन-  
 को भार जरि छारी भो ॥ रसिकविहारी राव दुरित दुरानो तव धनुष  
 पुरानो वृद्ध विशद विचारी भो ॥ फेरि अनुमानो तुव आगम पिनाक  
 याते पातकडरन तन त्यागिकै सुखारी भो ॥ ४१ ॥

दोहा-यों कहि बोले लपण पुनि, नेक न आवै लाज ॥

धनुही को बहु बार तुम, कहौ धनुष विनकाज ॥ ४२ ॥

पनाक्षरी कवित्त ।

छोटे छोटे छोहरा छबीले रघुवंशिनके करत कलोलें यूथ निज  
 निज जोरि जोरि ॥ बेहो भृगुनाथ चलो अवध हमारे साथ  
 देखौ तहँ कैसे चहुँ खेलत हैं कोरि कोरि ॥ रसिकविहारी ऐसी  
 अमित अमाने सदा आनैं गहि तानैं एक एकनते छोरि २ ॥ कोऊ  
 झकजोरैं कोऊ पकौर मरोरैं योंहीं खोरि खोरि नितहि चहावैं  
 बाल तोरि तोरि ॥ ४३ ॥

दोहा-रही तिनहुँ ते अति हरू, निपट निजोर निकाम ॥

यह धनुही कैसी हुंती, मोहिं बतावो राम ॥ ४४ ॥

घनाक्षरी कवित्त ।

तूलकी रही कै काहू फूलकी रही कै मृदु मूलकी रही कै  
 धूलसान कै सजाईती ॥ सांटीकी रही कै कहाँ साँची स्वच्छ  
 माटी लाय काँची काहू कुशल कुलाल ते कराईती ॥ रसिकबिहारी  
 भृगुनाथ भापिये तौ नेक शंकर समीप या कहाँ ते किमि आईती ॥  
 हाँतौ यह जानौ अनुमान ते जु कोऊ बाल ख्यालहेतु धनुही  
 मृणालकी बनाईती ॥ ४५ ॥

चौ०—यों कहि लपण बहुरि मुसकाई ❀ बोले रोप तजौ भृगुराई ॥  
 भूले इक धनुहीं जो टूटी ❀ और अमित जगमें कह खूटी ॥ ४६ ॥

घनाक्षरी-कवित्त ।

ऐसीही कमान बालकेलिकी रुचै तौ बहु होवैंगी विदेह गेह  
 अवहिं कढ़ाऊँ मैं ॥ रसिकबिहारी जो तिहारी प्रीति याही माहिं  
 तोपै दुहुँ खंड खँचि वेगही बढाऊँ मैं ॥ नीकी जिय भावै भृगुनाथ तौ  
 निदेश दीजे हेमकी रचाय मणि माणिक मढाऊँ मैं ॥ जोपै तुमैं चाहिये  
 कहौ तौ द्विजराज अवै याहू ते अनोखी चोखी अमित गढाऊँ मैं ४७ ॥

दोहा—लपण वचन सुनि परशुधर, परशु उठायो घोर ॥

कहो हतहुँ इहि बालकहि, मोहिं न दीजो खोर ॥ ४८ ॥

कटुवादी निंदक कुटिल, याहि वधे नहिं दोष ॥

करों क्षमा हठिके तऊ, मोहिं बढावै रोप ॥ ४९ ॥

सुनि भृगुपतिके वचन तव, रघुवर मृदु मुसकाय ॥

जोरि दुहुँ कर सामुहे, विनय करी शिरनाय ॥ ५० ॥

महावीर वर धीर प्रभु, क्षमिये शिशु अपराध ॥

कृपा करत हें बाल पे, सबही साध असाध ॥ ५१ ॥

लपण छुवो नहिं चापको, सत्य कहाँ भृगुनाथ ॥

हां अपराधी रावरो, यह तुव कर मग माथ ॥ ५२ ॥

सुनि रघुवर बागी मरल, विशद विनय गंभीर ॥

शमिन भयो उर कोप कटु, भृगुपति बागी धीर ॥ ५३ ॥

चौ०-पुनि भृगुवर विचार उर कीना ॥ निजकर धनु रघुनाथहि दीना ॥  
नृप सुत छुअत सगुन भो चापा ॥ लखो राम तव राम प्रतापा ॥ ५४ ॥  
तव भृगुनाथ प्रेम उर भारी ॥ वारवार रघुवराहि निहारी ॥  
नख शिख रूप अनूप अपारा ॥ चकित चित्त हिय करत विचारा ॥ ५५ ॥

धनाक्षरी-कवित्त ।

कैधों जटा जूट कैधों कंचन मुकुट सोहे चंदनकी खीरि कैधों  
चंद अभिरामहै ॥ कैधों मुण्डमाल कैधों नाग मुक्ताकी माल  
कैधों अंगराग कै विभूति छवि धामहै ॥ कैधों है त्रिशूल कैधों  
शर सुख मूलकर कैधों पटपीत कै वधवर ललामहै ॥ रसिकविहारी  
छवि न्यारी या अनूप भारी राम रूप शंभु कैधों शंभु रूप रामहै ॥ ५६ ॥  
चौ०-यों विचारि पुनि दृढ़ अनुमाने ॥ सकल ईश धनुवर पहिचाने ॥  
तव जानो रघुवीर प्रभावा ॥ परमानन्द ज्ञान उर आवा ॥ ५७ ॥  
परशुराम हिय अति सकुचाई ॥ दुहुँ वंधुन वर विनय सुनाई ॥  
निज अनुचित सब क्षमा कराई ॥ प्रमुदित गये वेगि भृगु ॥ ५८ ॥  
देहा-अतिसंशक जिय विकलहै, परे रहे दुखकूप ॥

लखि पयान भृगुनाथको, सुखीभये सब भूष ॥ ५९ ॥

पुनि मानी महिपाल सब, करि करि विविध विचार ॥

गमन कियो निज निज भवन, अमित मानि मनहारा ॥ ६० ॥

चौ० जनकनगर चहुँ आनंद भारी ॥ कहत परस्पर पुर नर नारी ॥  
अब दुख शोक सकल विनशाये ॥ खल मलीन सब भवन सिधाये ॥ ६१ ॥  
जनकराज उठि अधिक अनंदे ॥ सादर मुनि कौशिक पद वंदे ॥  
पुनि कर जोरि कही मृदुवानी ॥ अब सनाथ सीता में जानी ॥ ६२ ॥  
मुनिवर करिय रजायसु सोई ॥ उचित होय इहि औसर जोई ॥  
मुनि कौशिक बोले हुलसाई ॥ लोकरीति अब चाहिय सुहाई ॥ ६३ ॥  
सजि वरात दशरथ नृप आवैं ॥ राम व्याह लखि हिय हुलसावैं ॥  
यह दृढ़ करि मुनि लछमन रामा ॥ परमानंद गये निज ठामा ॥ ६४ ॥

इति श्री० रामरसायनवि० वि० परशुरामसंवाद

वर्णनोनाम सप्तमोविभागः ॥ ७ ॥



दोहा-आये जे महिपाल ते, किते गये निज गेह ॥

किते सुजन मिथिला रहे, राखे नृपति विदेह ॥ १ ॥

पुनि मिथिलाधिप पत्र चहुँ, भेजे उचित लिखाय ॥

सकल ठौर मग साजते, निज दिशि दिये सजाय ॥ २ ॥

चौ०-पुनि प्रवीन वर दूत बुलाये ॥ दै पत्री तिन अवध पठाये ॥  
 शुचि सेवकन कही महिपाला ॥ व्याह साज सब सजौ उताला ॥  
 समै जानि नर तनु धरि देवा ॥ करत काज सियकी लखि सेवा ॥  
 मंडप सजो अनूप विशाला ॥ रचित खचित कंचन मणिजाला ॥  
 असन वसन भूपन बहु नाना ॥ विविध वास वाहन वर जाना ॥  
 जनक भवन अरु नगर मँझारा ॥ सुर निर्मित सब साज अपारा ॥  
 उत वर दूत अवध पुर जाई ॥ युत मर्याद नृपहि शिर नाई ॥  
 करि बहु विनय पत्रिका दीनी ॥ ह्वै प्रमुदित सुमंत करलीनी ॥  
 जनक पत्रिका बाँचि सुनाई ॥ पुनि मुनि पत्र पढो हरपाई ॥  
 नृप मुनि समाचार हुलसाने ॥ सकल लोग आनंद अघाने ॥  
 बूझी कथा दूत वर वरनी ॥ राम लपण नृप कौशिक करनी ॥  
 कदो बहोरि सु व्याह विचारा ॥ साज समाज सहित विस्तारा ॥  
 मुनि सब चरित भूप हुलसाये ॥ भूपन वसन अनूप मँगाये ॥  
 प्रमुदित देनलगे वकशीशा ॥ ले सुदूत बोले धरि शीशा ॥  
 कौशलपाल कृपा करि दीनी ॥ हम सानंद शीश धरि लीनी ॥  
 धर्मपाल महाराजहि जानी ॥ विनती करें जोरि दुहुँपानी ॥  
 जिमि ममईश विदेह नृपाला ॥ तिमि स्वामी अवधेश कृपाला ॥  
 पे हम हँ मिथिलापुरवासी ॥ जनकसुताके रहत उपासी ॥  
 सो जानकी रामसो व्याह ॥ वह नातो जिहि भौति निवाह ॥  
 याति धर्मनाति जिमि होई ॥ भूपति करिय रजायसु सोई ॥  
 दूतवचन मुनि सकल मगहे ॥ कहे वचन नरपति जिय चाहे ॥  
 नृप मुख लग्य सो शीश चढ़ाई ॥ पुनि वकशीशवरी निहि टाई ॥  
 बहोरि जोरि कर विनती कोनी ॥ गजराज आज्ञा मुहि दीनी ॥  
 उताळ कौशलपुर जाई ॥ आबोवेगदि नृपदि लिखाई ॥

याते राज रजायसु दीजे ॐ वेगि जनकपुर पावन कीजे ॥  
 सुनि सुमंत दिशि भूप निहारी ॐ आज्ञा दई यथोचित सारी १५॥  
 सुनि सुमंत दूतन सँग लाये ॐ सहित सुपास निवास दिवाये ॥  
 पुनि बहु सेवक सुमति बुलाई ॐ साज सजन हित दई रजाई १६॥  
 पुनि बहु निवत पत्र लिखवाये ॐ दै सुदूत चहुँ ओर पठाये ॥  
 इहि विधि गुरु मंत्री मतिमाना ॐ किये काज सब सहित प्रमाना १७  
 जवते राम व्याह सुधि पाई ॐ सकल मातु तवते हुलसाई ॥  
 गानतान बकशीश सुदाना ॐ छिन छिन करें अनेक विधाना १८  
 भरत शत्रुहन अति हुलसाये ॐ सकल सखा सेवक हरपाये ॥  
 निज निज साज सजें सब भारी ॐ करें जनकपुर चलन तयारी १९॥  
 पुरवासी अनंदमें फूले ॐ देह गेह सुधि बुधि सब भूले ॥  
 करें सकल मंगल मय काजा ॐ साजें वर वरात कर साजा २० ॥  
 साजे सकल सदन बहु भाँती ॐ जटित हेम मुक्तामणि पाँती ॥  
 कंचन कलश सुवंदनवारे ॐ ध्वज वितान नव रंग अपारे २१॥

सोरठा-बीथी भवन वजार, राज महल बहु साज सजि ॥

छाई छटा अपार, राम व्याह मंगल अवध ॥ २२ ॥

मातु सकल हुलसाय, लोक वेद कुल रीति युत ॥

अति आनंद अघाय, नेग योग कीने विविध ॥ २३ ॥

पुरवनिता वर वृंद, मंगल साज सिंगार सजि ॥

गावत भरी उमंग, आवत राज अगारमें ॥ २४ ॥

इहि विधि सहित उमंग, भये सकल मंगल सुखद ॥

सजी वरात सुढंग, जुरो लोग चहुँ ओरते ॥ २५ ॥

समय विलोकि वसिष्ठ, बोले दशरथ राजसों ॥

हे यह योग बलिष्ठ, वेगि वरात पयानको ॥ २६ ॥

सुनि गुरु वचन नरेश, दोऊ राजकुमार युत ॥

पूजे गौरि गणेश, कियो पयान मुहूर्त शुभ ॥ २७ ॥

दोहा-गज तुरंग रथ पालकी, सकल अनूप अपार ॥

पदचर संग समाज बहु, चले महीप उदार ॥ २८ ॥

गुरु नृप स्यंदन पै रुचिर, कुँवर तुरंगन पाहिं ॥  
 यथा उचित वाहन अपर, सजे जनकपुर जाहिं ॥ २९ ॥  
 बजत बाजने विविध विधि, गान तानको शोर ॥  
 जै जै अवधेश नृप, शब्द होत चहुँ ओर ॥ ३० ॥  
 जनक नगर ते अवध लग, जनक सजे सब साज ॥  
 मग सुपास गृहतें अधिक, लखि मन मुदित समाज ॥ ३१ ॥  
 अति उताल यौं जनकपुर, आये अवधनरेश ॥  
 इक योजन अगवान तिन, लाये सजि मिथिलेश ॥ ३२ ॥  
 दियो विशद जनवास नृप, करि बहु सकल सुपास ॥  
 दोऊ दिशि अति प्रीति भरि, छिन छिन बढत हुलास ॥ ३३ ॥  
 भयो शोर चहुँ जनकपुर, धाये सब नर नारि ॥  
 मुदित भये अवधेशको, साज समाज निहारि ॥ ३४ ॥  
 भरत शत्रुहन रूप लखि, चकित चितव सब कोउ ॥  
 कहत परस्पर कुँवर ये, राम लपण सम दोउ ॥ ३५ ॥  
 ताही छिन नृप सुतन युत, कौशिक हिय हुलसाय ॥  
 आय मिले अवधेशसों, परमानंद बढ़ाय ॥ ३६ ॥  
 राम लपण सौं पै नृपहि, प्रमुदित सकल निहारि ॥  
 देत अशीश उमंग सब, चिरुजीवो सुतचारि ॥ ३७ ॥  
 पुर परिजन सेवक सखा, चारहु सुतन समेत ॥  
 जनकनगरमें अवधपति, राजे सहित जनेत ॥ ३८ ॥  
 पुनि कौशिक मिथिलेशसों, कहि ठाने चहुँ व्याह ॥  
 हरपाने दुहुँ ओर सब, बाढो अमित उछाह ॥ ३९ ॥  
 लोक वेद कुल रीति बहु, यथा उचित सतकार ॥  
 दान मान दुहुँ ओरते, नित प्रति होत अपार ॥ ४० ॥  
 तितहि भरत मातुल मुदित, नाम जुधाजित सोय ॥  
 आये सादर अवध द्वै, लखि प्रसन्न सब कोय ॥ ४१ ॥  
 लखि मिथिलावासी मुदित, कौशल नाथ समाज ॥  
 सुखी अवधवासी निरखि, जनकराज वर साज ॥ ४२ ॥

इहि विधि बीते कछु दिवस, भई सकल जगरीत ॥

आयो समय विवाहको, शुभ दिन परम पुनीत ॥ ४३ ॥

अगहनकी सित पंचमी, वृषभलग्न भृगुवार ॥

सुखद समय गोधूलिका, रामविवाह विचार ॥ ४४ ॥

प्रमाण उत्सवसिंधी-श्लोक ।

विधि:-पंचम्यां मार्गशीर्षे तु शुक्लपक्षे शुभे दिने ॥

संध्याकाले च रामस्य विवाहो भवति ध्रुवम् ॥ १ ॥

दोहा-सजिवरात जनवासतें, चले जनकके धाम ॥

चहूँ बंधु दूलह बने, शोभित रूपललाम ॥ ४५ ॥

चनाक्षरी कवित्त ।

बागो पीत फेटा पीत पटका पिछौरा पीत सोहै खौर पीत मन  
मोहै मौर पीत है ॥ अंगराग पीत वर भूषण अमाल पीत तून धनु

वान औ कृपान म्यान पीत है ॥ सजित तुरंग पीत सँग निज संगी  
पीत विपुल बराती पीत साज मय पीत है ॥ रसिकविहारी चारु दूलह  
विलोकि चारौ श्याम श्वेत हरित सुरंग भयो पीत है ॥ ४६ ॥

दोहा-ताछिन छटा अनूप लखि, जनक नगर नर नारि ॥

कहै परस्पर वचन वर, परम प्रेम दर धारि ॥ ४७ ॥

चनाक्षरी कवित्त ।

कैयों माणि मौर कैयों रुचिर रसाल मौर कैयों फूल जाल कैयों  
मेदरो दगज है ॥ कैयों मुख मंजु कैयों विक्रमो विशाल कंज कुंतल  
कि धौ है किधौ मधुप समाज है ॥ कैयों है तुरंग कैयों मारुत चले  
है मंद कैयों कल गान कैयों कोकिल अवाज है ॥ कैयों रघुगज सा-  
ज दूलह सुहाव आज रसिकविहारी किधौ आवै ऋतुगज है ॥ ४८ ॥  
निरखि वगत हुलसात वतरात वाम देखो रघुवंशी सुवै सुखमानिया-  
न है ॥ सोहन अदा तें नेक जोहन हौ मोहन है रसिकविहारी वीर  
धारे धनुवान है ॥ सकल सजिले औ छवीले रमगोले अंग नग्न  
रमीले त्यों रंगीले रूपमानहें ॥ याने यौ जनान वान कांशल पुर्गमें  
वीर नागों ओर नल नल छैनकी न्वान है ॥ ४९ ॥ चारों बंधु सु-

खमानिधान सुखसिंधु हेली रसिकविहारी नेक नैन भर हेरिले ॥ हि-  
यरो डराय हाय डीठना लगाय कहूं याते तू लंजायना छवीली टुक  
घेरिले ॥ हाहा खाय विनय सुनाय तुव पाय परौं धाय चहुं वदन दुरा-  
य पट गेरिले ॥ वनरा विशाल वर वानिकवने हैं वीर वेगि ढिग जाय  
लाय राई नोन फेरिले ॥ ५० ॥

दोहा-याँ प्रमुदित सब रूप लखि, कहैं परस्पर बैन ॥

सजि वरात चहुं बंधु सुठि, जात जनकके ऐन ॥ ५१ ॥

नृत्य गान बहु वाद्यको, छयो शोर चहुं ओर ॥

सुर नर नभ महि कहत सब, जैं अवधकिशोर ॥ ५२ ॥

चौ०-इहि विधि चारो कुँवर सुहाये ॥ सहित समाज राज हुलसाये ॥

आये जनकद्वार भये ठाढे ॥ सवही मन प्रमोद बहु बाढे ॥ ५३ ॥

सियामात सब सखिगणसंगा ॥ परिछन कीने सहित उमंगा ॥

लखि शोभा हरपीं महारानी ॥ सकल नारि आनंद अघानी ॥ ५४ ॥

मोद भरीं मंजुल मृगनारी ॥ करैं गान कल कोकिल बानी ॥

राज कुँवर मंडपतर आये ॥ लखि दुहुँ राज हिये हुलसाये ५५ ॥

भई अमित लौकिक कुलरीती ॥ पूजन दान नेग युत प्रीती ॥

प्राहित समय विलोकि बुलाई ॥ सीतहि साजि सखीले आई ॥ ५६ ॥

पनासर्ग-रचित ।

कंचन नमान गान महज मुहात फेरि दीपति दिखात कुनी

मंजन निपर पे ॥ रसिकविहारी सज सकल सिंगार चारु शोभा

ह अपार ॥ रसायनक विष्णु पे ॥ मंजुमणि मोगी लस जनक किशोरी

श्रीगणेश मुहात आई उपमा निपर पे ॥ मानो रमराज रंगराज

मन जीति बानी विजय पनाकल मुमंक गिरार पे ॥ ५७ ॥

चांदनी चंदनी लाल बंद कंचुकी ह लाल कुनरी पिछोरी लाल

रंगी मंडरात है ॥ सुख अख लाल शोभित शोभा लाल रंग ह

निरागि नमरागि गद लाल है ॥ मंजु विजय लाल महल गिरार

लाल चंदनी चंदनी लाल मंगल मंग लाल है ॥ कुलदी उमंग रिप

कुलदी कुलदी है ॥ अपार नैन नैन लाल मोत मोत लाल है ॥ ५८ ॥

चौ०—जनकलली रघुलाल निहारी ॥ भये अनंद सकल नर नारी ॥  
 तब सब उचित विधान अपारा ॥ किये दुहूँ नृप रानि उदारा ॥ ५९ ॥  
 ते पुनि पद सरोज नृपधोये ॥ जे नित निजमानस भधि गोये ॥  
 पुनि विदेह गुरु आयसुपाई ॥ कन्यादान कियो हुलसाई ॥ ६० ॥  
 दोहा—जनकराज सिय कर हरपि, राम पाणिमैं दीन ॥

छई छटा तब राजसुत, प्राणियहन जब कीन ॥ ६१ ॥

धनाक्षरी—कवित्त ।

जनक किशोरी अरु अवध किशोर दोऊ होत पाणियहण अनंद  
 रसभीने हैं ॥ राम कर मध्य मंजु शोभित भयो है कर शोभा सो  
 अपारमें सुजान चित्त देने हैं ॥ अति छविवारी सिय आँगुरी अनूप  
 हेरि बात निरधारी मति धारी जे प्रवीन हैं ॥ रसिकविहारी विश्व विजय  
 विचारी आज यातें पंचवान पंचवान संग लीने हैं ॥ ६२ ॥

चौ०—सीता पानि गहो रघुनाथा ॥ पुनिकरि सुविधि होम मुनिनाथा ॥  
 सिया राम पट गौठ सुजोरी ॥ होन लगी भाँवर सुठिजोरी ॥ ६३ ॥

धनाक्षरी कवित्त ।

साजे व्याह साज ज्यों अनूप अवधेश लाल कीनेहें सिंगार  
 त्यों विदेहनृपकी लली ॥ दोऊ होत भाँवरी अपार ता समैकी छवि  
 रसिकविहारी सो अभूत डरमें रली ॥ ग्रथित सुरंग चूनरी सो पटपीत  
 संग निराखि सुढंग यों उमंग उमगी भली ॥ वृंदवृंद जुरिकै अनंद  
 भरि इंद्र बधू कर गहि मानों दामिनीको घर लै चली ॥ ६४ ॥  
 देखि वनरी की छवि रति सकुचाति हीय हेरि वनराको त्यों मनोज  
 होत झावरो ॥ सिय रघुचंदकी छटा निहारि व्याह समै रसिक  
 विहारी सब लोग भयो वावरो ॥ चूनरी ग्रथित पटपीत मणि  
 मार माथे लखि जन भापें मिथिलेश पुण्य रावरो ॥ नवलकिशोरी  
 गोरी दुलहिनि जसी वनी तसो नव दूलह किशोर वर साँवरो ॥ ६५ ॥  
 जनक किशोरी गोरी राम अभिराम श्याम जोरी या करोरी रति  
 काम सुपमा भली ॥ रसिकविहारी व्याह आसर अनूप रूप शोभित  
 अपार शोभा हेरि हरपौ अली ॥ सिय छवि छाके पीय पीय छवि

खमानिधान सुखसिंधु हेली रसिकविहारी नेक नैन भर हेरिले ॥ हि-  
यरो डराय हाय डीठना लगाय कहूं याते तू लंजायना छवीली टुक  
घेरिले ॥ हाहा खाय विनय सुनाय तुव पाय परौ धाय चहुं वदन दुरा-  
य पट गेरिले ॥ वनरा विशाल वर वानिकवने हैं वीर वेगि ढिग जाय  
लाय राई नोन फेरिले ॥ ५० ॥

दोहा-यौ प्रमुदित सब रूप लखि, कहैं परस्पर बैन ॥

सजि वरात चहुं बंधु सुठि, जात जनकके ऐन ॥ ५१ ॥

नृत्य गान बहु वाद्यको, छयो शोर चहुं ओर ॥

सुर नर नभ महि कहत सब, जैजै अवधकिशोर ॥ ५२ ॥

चौ०-इहि विधि चारौ कुँवर सुहाये \* सहित समाज राज हुलसाये ॥

आये जनकद्वार भये ठाढे \* सबही मन प्रमोद बहु बाढे ॥ ५३ ॥

सियामात सब सखिगणसंगा \* परिछन कीनो सहित उमंगा ॥

लखि शोभा हरपी महरानी \* सकल नारि आनंद अघानी ॥ ५४ ॥

मोद भरीं मंजुल मृगनैनी \* करैं गान कल कोकिल बैनी ॥

राज कुँवर मंडपतरं आये \* लखि दुहुँ राज हिये हुलसाये ५५ ॥

भई अमित लौकिक कुलरीती \* पूजन दान नेग युत प्रीती ॥

प्रोहित समय विलोकि बुलाई \* सीतहि साजि सखी लै आई ॥ ५६ ॥

घनाक्षरी-कवित्त ।

कंचन समान गात सहज सुहात फेरि दीपति दिखात दूनी

मंजन निपर पे ॥ रसिकविहारी सजे सकल सिंगार चारु शोभा

हे अपार हेमविंदुक विखर पे ॥ मंजुमणि मौरी लसै जनक किशोरी

शीश लगत सुहाई आई उपमा तिपर पे ॥ मानौ रसराज रघुराज

मन जीति बांधो विजय पताक लै सुमेरुक शिखर पे ॥ ५७ ॥

बांधरो वनरो लाल वंद कंचुकी हू लाल चूनरी पिछोरी लाल

मौरी मंजुलाल हैं ॥ भूषण अनूप लाल शोभित शृंगार लाल रसिक-

विहारी नरनारी बहु लाल हैं ॥ मंडफ विचित्र लाल महल विशाल

लाल चांदनी चंदोवा लाल साज सब लाल हैं ॥ उलही उमंग हिय

लाल पीत पीत लाल हैं ॥ ५८ ॥

चौ०—जनकलली रघुलाल निहारी ❀ भये अनंद सकल नर नारी ॥  
तब सब उचित विधान अपारा ❀ किये दुहूँ नृप रानि उदारा ॥ ५९ ॥  
ते पुनि पद सरोज नृपधोये ❀ जे नित निजमानस मधि गोये ॥  
पुनि विदेह गुरु आयसुपाई ❀ कन्यादान कियो दुलसाई ॥ ६० ॥  
दोहा—जनकराज सिय कर हरपि, राम पाणिमैंहँ दीन ॥

छई छटा तब राजसुत, प्राणिग्रहण जब कीन ॥ ६१ ॥

पनाक्षरी—कवित्त ।

जनक किशोरी अरु अवध किशोर दोऊ होत पाणिग्रहण अनंद  
रसभाने हैं ॥ राम कर मध्य मंजु शोभित भयो है कर शोभा सो  
अपारमें सुजान चित्त दीने हैं ॥ अति छविवारी सिय आँगुरी अनूप  
हेरि बात निरधारी मति धारी जे प्रवीन हैं ॥ रसिकविहारी विश्व विजय  
विचारी आज यातें पंचवान पंचवान संग लीने हैं ॥ ६२ ॥

चौ०—सीता पानि गहो रघुनाथा ❀ पुनिकरि सुविधि होम मुनिनाथा ॥  
सिया राम पट गौठ सुजोरी ❀ होन लगी भाँवर सुठिजोरी ॥ ६३ ॥

पनाक्षरी कवित्त ।

साजे व्याह साज ज्यों अनूप अवधेश लाल कीनेहँ सिंगार  
त्यों विदेहनृपकी लली ॥ दोऊ होत भाँवरी अपार ता सँमकी छवि  
रसिकविहारी सो अभूत उरमें रली ॥ ग्रंथित सुरंग चूनरीसोपटपीत  
संग निराखि सुदंग यों उमंग उमगी भली ॥ वृंदवृंद जुरिकै अनंद  
भरि इंद्र बधू कर गहि मानों दामिनीको वर ले चली ॥ ६४ ॥  
देखि वनरी की छवि राति सकुचाति हीय हेरि वनराको त्यों मनोज  
होत झावरो ॥ सिय रघुचंदकी छटा निहारि व्याह सँम रसिक  
विहारी सब लोग भयो बावरो ॥ चूनरी ग्रंथित पटपीत मणि  
मार माथे लखि जन भाषे मिथिलेश पुण्य रावरो ॥ नवलकिशोरी  
गोरी दुलहनि जसी वनी तसो नव दूल्हा किशोर वर साँवरो ॥ ६५ ॥  
जनक किशोरी गोरी राम अभिराम श्याम जोगी या कजोरी रनि  
काम सुपमा भली ॥ रसिकविहारी व्याह आँसर अनूप रूप शोभिन  
अपार शोभा हेरि हरषी अली ॥ सिय छवि छाके पीय पीय छवि



छाकी सीय जीकी गति दोऊ निजहीकी हियमें रली ॥ कंज  
हग देखे उत श्याम भृंग लोभे इत हेरि मुखचंद फूली बालन-  
लिनी कली ॥ ६६ ॥

चौ०-बजहिं बाजने विविध विधाना \* कराहिं नारि मंगल कलगाना ॥  
भाँवर फेरि नेग बहु कीने \* धन मणि गण अगनित नृप दीने ॥ ६७ ॥  
ताछिन जनकनगरकी शोभा \* वरणिसकै अस कवि जग को भा ॥  
वरसै चहुँ अनंदकी धारा \* सुखी सकल नर नारि अपारा ॥ ६८ ॥

घनाक्षरी कवित्त ।

जलद धिरे हैं जन उमडो विदेह मेह वरसै अनंद नीर धारन  
अनंतसैं ॥ दुंदुभी अवाजैं घन गाजैं जोरशोर छाजैं दुति दरशावैं  
तिय दामिनी दुरंतसैं ॥ भूरि पूरि दान मान सरिता अपार बाढि  
पवन झकोर प्रीति पूरव दिगंतसैं ॥ रसिकविहारी सिय व्याहके  
उछाह माँह भूलि कै भई है मनो पावस हिमंतसैं ॥ ६९ ॥ वैठी  
जे जठरी निमिवंशकी घनेरी तिन नेगरीति उचित निवेरी सब भूरी है ॥  
फेरि फेरि दम्पती विराजे मंजु शोभा वह रसिकविहारी प्राणजीवनकी  
मूरी है ॥ राम अभिराम श्याम करते सिंदूर जब दिनो सिय माँग सो  
अभूत छबिरूरी है ॥ महत मतंग मत्त मुदित निशंक मानो गुंडमें  
गुलाल लै कलिंदी धार पूरी है ॥ ७० ॥

चौ०-पुनि मुनि सकल नेग निरवारे \* दंपति एक ठौर बैठारे ॥  
बहुरि वशिष्ठ रजायसु पाई \* सिय भगिनी तिहुँ जनक बुलाई ॥ ७१ ॥

दोहा-सुता औरसी जनककी, एक उर्मिला नाम ॥

द्वैकुशध्वजकी मांडवी, श्रुतिकीरति अभिराम ॥ ७२ ॥

चौ०-सुंदरि सुता मांडवी नामा \* सो भरतहि व्याही सुखधामा ॥  
पुनि कन्या उर्मिला अनूपा \* व्याहि दई लछमनहि सुभूपा ॥ ७३ ॥  
जो श्रुतिकीर्तिनाम वर कन्या \* सो व्याही रिपुइनकहँ धन्या ॥  
व्याहे गम सरिस तिहुँ भाई \* मुदित जनक दशरथ दुहुँगई ॥ ७४ ॥

सो०-इहि विधि भयोविवाह, राम सहित तिहुँ बंधुको ॥  
वाढो परम उछाह, महासुखी चर अचर सब ॥ ७५ ॥  
तव नृप जनक उदार, हृदय हुलास सकोच युत ॥  
दायज दियो अपार, सकल अलौकिक वस्तुते ॥ ७६ ॥

घनाक्षरी कवित्त ।

वच्छ युत धेनु कामधेनु सम पंचलच्छ दंती श्याम श्वेत दश  
लच्छ मद् भीने हैं ॥ हरित सुरंग रंग रंगके तुरंग कोटि स्यंदन सपाद  
कोटि हेमके नवीने हैं ॥ शिविका अमोल रत्नजडित सुसप्त कोटि  
दासी दास अमित अनूप जे प्रवीने हैं ॥ वासन वसन  
भरि भूषण अपार साज रसिकविहारी ये विदेह नृप दीने हैं ॥ ७७ ॥

सो०-जिते जनक नृप दीन, तिते सकल पुनि और बहु ॥  
दासी दास विहीन, किये दान अवधेश बहु ॥ ७८ ॥  
जितीकरी वकसीस, अवध नृपति हुलसायके ॥  
ताहुते गुण वास, साज सकल पूरित भयो ॥ ७९ ॥  
याही विधि दुहुँ राज, पागे परम प्रमोदमें ॥  
अमितवार बहु साज, देत सकल पूरित तऊ ॥ ८० ॥  
दुहुँ भूप कर दान, देखि सकल सुर नर चकित ॥  
भेद न कोऊ जान, सिय प्रभाव प्रगटो कहा ॥ ८१ ॥  
छायौ अमित अनंद, सीताराम विवाह को ॥  
सुदित नारि नर वृंद, जैजै मव करत हैं ॥ ८२ ॥  
पुनि सुवासिनी नारि, दूल्हा दुल्हनि चागहू ॥  
सुंदर समय निहारि, कर गहि कुद्वर लगई ॥ ८३ ॥  
ले गनिवासमझार, कियो नेग लहकोरिको ॥  
गविंगीत सुदाग, गेति मिगवाँ दंपनिहि ॥ ८४ ॥

घनाक्षरी कवित्त ।

कलित कटोंग स्वच्छ हीमक अमोल गोल नामें क्षीर ओदन सु-  
धारो सुखेहनेह ॥ होत लहकोरि नेग आनंद अपार छायो लगन सुदायो

अति सकल निकेतहै ॥ राम सिय शोभा अविलोकितिहि औसरकी  
भापिवेको हरपि हिलोर हिय लेतहै ॥ रसिकविहारी जनु चंदते पियूप  
लैलै रतिसुख मै नरति मै न मुख देतहैं ॥ ८५ ॥

सो०—इमि बहु सहित उमंग, व्याहरीति सबही भई ॥

जनक सदन रसरंग, छायो नेह अपार लखि ॥ ८६ ॥

पुनि चारहु वर बंधु, पितु ढिग आये सकुच युत ॥

दशरथ नृप सुखसिंधु, निरखि हीय प्रमुदित भये ॥ ८७ ॥

बहुरि भई जिवनार, पटरस व्यंजन चतुरं विधि ॥

वरणि लहै को पार, सो सब अमित अनूप सुख ॥ ८८ ॥

गारी विविध प्रकार, गावैं तिय आनंद भरी ॥

हास विलास अपार, भये भई जिवनारवर ॥ ८९ ॥

करि भोजन सानंद, एक सरिस सब छोट बड़ ॥

संयुत सुत सुखकंद, आये नृप जनवासमें ॥ ९० ॥

नृत्य गान चहुँ ओर, होत कुतूहल विविध बहु ॥

मचो नगरमें शोर, घर घर होत अनंद अति ॥ ९१ ॥

इहि विधि राम विवाह, भयो भये प्रमुदित सबै ॥

प्रतिदिन होत उछाह, दोऊ दिशि आनंदमय ॥ ९२ ॥

भोजन दान विनोद, गीतवाद्य कौतुक विविध ॥

हास विलास प्रमोद, होत रहत नित रैनि दिन ॥ ९३ ॥

दोहा—कौसल पुरवासी सबै, भूलि गये निजधाम ॥

मिथिला अवध लखात यक, मुदित रहैं वसुयाम ॥ ९४ ॥

होत जनकदिशिते सदा, नित नूतन सतकार ॥

रामविवाह अपार सुख, वरणिलहै को पार ॥ ९५ ॥

इति श्री० रा० र० वि० वि० विवाह वर्णनो नाम

अष्टमोविभागः ॥ ८ ॥

सोरठा—प्रातसमै सियमात, वोलि पठावत बंधु चहुँ ॥

सखन सहित नित जात, करत कलेऊ मुदित मन ॥ १ ॥

लक्ष्मीनिधि अभिराम, जनक राजके सुत विदित ॥

तिनकी तिय मति धाम, सिद्धा नाम ललाम अति ॥ २ ॥

देहा-सो चारहु नृपनंद को, सिद्धा सहित सनेह ॥

संग सखिन युत लगई, कर गहिकै निजगेह ॥ ३ ॥

वर आसन सनमान करि, वैठारे नृपलाल ॥

हास विलास विनोद बहु, करन लगीं सब बाल ॥ ४ ॥

धनाक्षरी कवि ।

बोली एक वाम श्यामनाम राव रौहै राम याको अर्थ सकल  
समर्थ इमिलायो है ॥ सबमें रमै जो वही रसिकविहारी राम सो  
सुनि हमारे हिय अति भ्रम छाये है ॥ सकुच न राखौ नेक सत्य  
वात भापौ बेगि आपने सवै हैं इतै कोऊ ना परायो है ॥ सबमें  
रमौ त्यों रमौ भगिनी सुमातनमें नाम गुण है कै वंशहीमें होत  
आयो है ॥ ५ ॥ बोले रघुलाल निमि कुलकी निहारौ चाल जानै  
हम हाल सब जैसे मिथिलोक हैं ॥ रसिकविहारी रीति भारी  
है तिहारी यह एक नामहीते काम राखत सदाके हैं ॥ अंवके  
जनक वेई जनक कुटुंबहूके जनकपुरीके वेई जनक सभाके हैं ॥  
जातके जनक वेई भ्रातके जनक वेई तातके जनक वेई  
जनकसुताके हैं ॥ ६ ॥ कहत बधूटी एक हम यों सुनी है लाल  
सुनि प्रगटाय चार सुत अवधेशके ॥ दूजी हैंसि बोली भानुवंशी  
बल हीन होत आली इनके तो यही दंग हैं हमेशके ॥ बोले सुनि  
श्याम तुम याही भ्रमते सुधाम देखो बल नृपति गुलाय देश देश  
के ॥ रसिकविहारी नारि मिथिलाप्रवीन सारी जैसी सुनी तैसी  
भोन देखी मिथिलेशके ॥ ७ ॥ बोले हैंसि भरत सुनौ जू सिद्धिप्यारी  
नेक बात हम वृद्धें सो बतावो बहरावोना ॥ नारीको विवाह नारी  
संग या तिहारी रीति कौन सुख भारी बेगि भापौ सो सकावोना ॥  
लक्ष्मीनिधि सिद्धि तिय नाम हैं प्रसिद्ध यह सिद्धिकाज सिद्धि  
विधि हमते दुरावोना ॥ रसिकविहारी गुण मंत संत पुत्र बधू इत  
है इकंत तंत कहत लजावोना ॥ ८ ॥ सिद्धि पुनि बोली वन

सुनिये कमल नेन सीखे रघुवंशी गुण सकल प्रवीन तें ॥ सबसें  
 अनोखी चोखी चातुरी चलावें यह भगिनी सुता दे काम लेत हैं  
 ऋषीन तें ॥ रसिकविहारी कही लखन न कोऊ काज साधक उदंड  
 निमि वंशके वलीन तें ॥ बलते बनेना कल छलते बनेना तब  
 हलते सलोनी सुता काढत जमीन तें ॥ ९ ॥ कोऊ सखी बोली  
 अली सुंदर सबै हैं तऊ कौशला दुलारे क्यों सुरूप सरसाये हैं ॥  
 कही तब कौऊ कीन जानै महरानी भौन कीनो रतिनाथ गोन  
 सोई छवि छाये हैं ॥ रसिकविहारी बाल कोऊ हुलसाय भापी मधुर  
 सुबैन कैसे बोलत सुहाये हैं ॥ कोऊ हँसि बोली याते बोल  
 अति मीठे भये इनकी सुमाय इनें खीर खाय जाये हैं ॥ १० ॥

सवेया-कवित्त ।

बोले तबै रिपुसूदन यों जिय भाये तुमैं यह क्यों पहिचानैं ॥  
 संग चलो सबही जुरिकै हम सत्य सनेह तबै तुव जानैं ॥  
 जो न चलौ तौ कछू घरहीं सतकार करौ अतिही मन मानैं ॥  
 हैं अनव्याहे किशोर घने रसिकेश सखावे कहो इत आनैं ॥ ११ ॥  
 वेगहि सिद्धि कही हँसिके निमिवंशीकहा गुण रावरे गावैं ॥  
 सो रसिकेशकरौ जिहिते मिथिला पुर वासी सबै समझावैं ॥  
 चारन नंद अनंद समेत दई हमतौ तिहिते हुलसावैं ॥  
 होय तिहारी जिती भगिनी तिन देहु विवाहि इहाँ सुख छावैं ॥ १२ ॥  
 राम कही सिधिसों मुसक्यायकै नारि घनी रघुवंशिहिचाहैं ॥  
 हौं निमिवंशी महा तपसी तिय एकहीको वरियाई निवाहैं ॥  
 याते न राखौ विचार कछू रसिकेश बुलावहु वेगि कहाहैं ॥  
 होय जिती मिथिलेश सुता हम चारहु बंधु तिती सबव्याहैं ॥ १३ ॥  
 सिद्धि कही तब श्याम सुनो बहु तीव्र भये जिय चैन लहैना ॥  
 याते जुहो रसिकेश भली इक तौ पुनि दूजिहि पाणि गहैना ॥  
 नारि घनी जिहिके तिहिके मन और कछू वर चाह चहैना ॥  
 ताहु पै सोरस भंग महा सब माहि समान सनेह रहैना ॥ १४ ॥  
 सो सुनिकै रघुराय कही है सही यह पै सब एकसेनाहैं ॥

कोउ लखैं सुख स्वारथको अरु कोउ बनो शुचि प्रेमहिंथाहैं ॥  
 सुंदरि सिद्धि सुबैन सुनौ कछु नीकोबुरो जियरंच न चाहैं ॥  
 ऐसो सुभाव परो है सदा हमतौ हिय सत्य सनेह निबाहैं १२ ॥  
 राजकुमारके वैन सनेह भरे सुनिकै सबही उमगानी ॥  
 प्रेम प्रवाह बढ़ो हियमें तब सिद्धि कही गहिके मृदुपानी ॥  
 लाल निहोरति हों तुमको मम चूकक्षमौ अति नारि अयानी ॥  
 मोहिंनभूलियो श्याम सुजान कवौरसिकेशसदा निजजानी १६  
 तिय एक हिये उमगाय सुधायकै आय दुहुं पदकंजगहे ॥  
 सकुचाय कछु अकुलाय सकाय सुनेह बढ़ाय सुबैन कहे ॥  
 हम रावरे संग चलैं अवतौ जु वियोग कलेश न जै है सहे ॥  
 रसिकेशजुपै तजिजैहो लला छिनमें सुनिहौ नहिं प्राण रहे १७ ॥  
 करजोर निहोरकही इक लाल विहाल करी सिगरी तियको ॥  
 मृदुबैन सुनाय छटा दरशाय सनेह लगाय हरो हियको ॥  
 रसिकेश कियो जिमि छोह बनो तिमि मोह सदा रखियो जियको ॥  
 न सुहाय विहायतुमें रघुराय धरावहि धीरकहौ बियको ॥ १८ ॥  
 दोहा—सुनि सिद्धा बोली विलाखि, जिय सनेह सरसाय ॥  
 हेली इनके हीयमें, निदुराई दरशाय ॥ १९ ॥

कुण्डलियाछंद ।

जाके नामहिं लेतहों, मोह सकल मिटि जात ॥  
 सुत वित गृह तिय मीतसे, फेरि न प्रीति रहात ॥  
 फेरि न प्रीति रहात दुखसुख सम दुहुं सोवैं ॥  
 लोक और परलोक, चाह आशा सब खोवैं ॥  
 रसिकविहारी गम जपत, ममता नहिं ताके ॥  
 नेह ताहि क्यों होय, नाममें यह गुण जाके ॥ २० ॥  
 लगै जाके हीयमें, प्रिय वियोगको तीर ॥  
 आप सरिस सोई तब, लखै पगाई पीर ॥  
 लखै पगाई पीर हिये दाया कछु लावै ॥  
 ये ये पीर सुबीन जिये, भंका कद आवै ॥

रसिकविहारी सहज चाप भंजो-अनुरागैं ॥

इनै विरहको भार कहो, भारी किमि लागै ॥ २१ ॥

दोहा-यों कहि सिधि पुनि श्याम दिशि, हेरि नीर भरि नैन ॥

लै उसाँस बहु नेह युत, बोली मंजुल बेन ॥ २२ ॥

घनाक्षरी-कवित्त ।

सरससनेहसने मधुर सुधासे बैन मंद मुसक्याय फेरि कवधौं  
सुनावोगे ॥ रसिकविहारी बलिहारी या तिहारी छवि मंजुमनहारी

फेरि कव दरशावोगे ॥ रूपकी उपासी हमें दासी जानि खासी लाल

याँही फेरि कवधौं अनंद उर छावोगे ॥ येहो श्याम सुंदर सुजान

प्राणप्यारे छल साँचि कहो फेरि मिथिलामें कव आवोगे ॥ २३ ॥

दोहा-ताछिन बोली एक तिय, सुनौ छबीले लाल ॥

यह अधार है प्राणकी, प्रिया जानकी बाल ॥ २४ ॥

सवैया कवित्त ।

है सबको अति नेह सिया महँ सो रसिकेश विलंब न लैयो ॥

बारहिं बार बुलावहिंगे इहिते मिथिलेश ललीही पँठयो ॥

फेरि हिये हुलसाय लला मिथिला पुरवासिनको सुख दैयो

राजकिशोर सदा तुमहीं इत सीतहि आप लिवावन ऐयो २५ ॥

सत्य सनेह सने सुनि बैन कहै अनुराग भरी वर नारी ॥

देखि दशा तिनकी रघुनंद पगे दुहुँनैन भरे सुख वारी ॥

धीरज दै तिन श्याम कही रसिकेशरहो सब भौंति सुखारी ॥

ज्यों तुम मोहिं धरो उरमें तिमि हौं सबही अपने हिय धारी २६ ॥

आवहिंगे हम बार घनी मिथिला रसिकेश लहैं सुख भारी ॥

ऐसो सनेह को ठार न और कहूँ जगमाहँ रुचे जहंगारी ॥

सत्य विचार करौ अपने अपने उर जानतिहौ गति सारी ॥

होय कोऊ नरनारी सदा तिहि लागत है ससुरार पियारी ॥ २७ ॥

दोहा-इहि विधि सुख सरसाय बहु, कहें परस्पर बेन ॥

डीठ वचाय सखीन दिशि, सिद्धि करी दृगसेन ॥ २८ ॥

पाय सिद्धि रुख तीयगन, गहे बंधु चहुँधाय ॥  
बहु विनोद भरि मोद सब, करन लगौं हुलसाय ॥ २९ ॥

धनाक्षरी-कवित्त ।

कोऊ नारि सहित उमंग रंग डोरि अंग कोऊ भाल बेदी दै तियाके  
साज साजै हैं ॥ कोऊ गुलचायके कपोल मुख चूमै धाय कोऊ  
आय औचक गुलाल मलि भाजै हैं ॥ कोऊ गाय गारी करतारीदे  
विलोकैं रूप कोऊ दूरहीतें फूल घालैं फेरि लाजैं हैं । रसिकविहारी  
कोऊ दुलही बखानि भेट करहिं अनंद रघुनंद मुखकाजै हैं ॥ ३० ॥  
सिद्धि हुलसाय आय गरी मुखदीनी फेरि अतर लगायो अंग  
वसन सुरंगमें । गजरा प्रसूननके चारु पहिराये लखि लाल हरपाये  
बोल आनंद उमंग में ॥ तुम अलबेली चारहूके जयमाल मेली  
काह यह कीनो छकिनेह रसरंगमें । रसिकविहारी सुकुमारी अब  
साँची कहौ चारौ बीचैहौ कै रहोगी एकसंगमें ॥ ३१ ॥ सुनि  
सकुचाय सिद्धि बोली हँसिये हो लाल चारौ नृप लाल बहु  
ख्यालनमें तीखेहौ । नीके श्याम गोरे हीन कोरे रस बोरे छैल कोऊ  
नाहिं थोरे भेष भोरे शुद्ध दीखे हौ ॥ रसिकविहारी ओध नारी  
हैं प्रवीन सारी तिन ढिगजाय जाय सब रस चीखे हौ । नैननके  
नैननके नैननके नैननके पूरे रघुचंद छलछंद बंद सीखे हो ३२ ॥  
श्याम हँसि बोले हम सीखे वह सीखे जो न सीखे तिन सीखेकी  
चाह उगलाये हैं ॥ रसिकविहारी गुणकोरति तिहारी सुनि सीखेको  
चारौ बंधु आज इत आये हैं ॥ जो पै कृपा करिकैं सिखावो  
अधिकावो मोद जग यश छावो बहु दूरि ते सिधाये हैं । कहो  
हियराखें कहौ भापें अभिलाषें सब पूजें राखेसे गुण मंत संत पायेहैं ३३ ॥

दोहा-इहि विधि दास विलासमें, मध्य दिवसभो आय ॥

समय निरखि पितु निकटको, हरपि उठे रघुराय ॥ ३४ ॥

पुनि सिद्धा रुखपायके, सब धाई सखि चंद ॥

द्वार आय वर सखनकों, गहि लीने सानंद ॥ ३५ ॥

भरि भरि रंग गुलाल सों, करि करि नारि सिंगार ॥

अनर पानंद मान युत, पहिराये रर हार ॥ ३६ ॥



अमित अली चहुँ बंधुकों, सखन सहित ले संग ॥  
 यथा रूप जनवासमें, लाई सहित उमंग ॥ ३७ ॥  
 अपर सखन को टेरि कै, सोप राजकुमार ॥  
 कही लेहु वर वीर ये, सकुचे सकल निहार ॥ ३८ ॥  
 इत सत्रही मंजन कियो, सजे अनूपम अंग ॥  
 सिद्धि निकट सब उत गई, आली भरी उमंग ॥ ३९ ॥  
 सब रघुवर गुण रूप मद, छर्की तीय हुलसाय ॥  
 कहति परस्पर रुचिसरिस, उर अभिलाप दृढाय ॥ ४० ॥  
 कोउ कहैं सखि होउँ जो, अवध महलकी धूरि ॥  
 तौ परसों नित श्यामके, चरण सजीवन मूरि ॥ ४१ ॥  
 कोउ कहैं सखि होउँ जो, अवधनगर तरु पात ॥  
 तौ परसों तन लालको, कुंजन आवत जात ॥ ४२ ॥  
 कोउ कहैं सखि होउँ जो, अवधनगर मधि मोर ॥  
 उड़ि महलन पै बैठितो, निरखों नवल किशोर ॥ ४३ ॥  
 कोउ कहैं सखि होउँ जो, अवधवाग विच फूल ॥  
 तौ सुमाल मिलि लाल हिय, लगौं मिटै सब शूल ॥ ४४ ॥  
 कोउ कहैं अलि होउँ जो, अवध मध्य मृग रूप ॥  
 तौ खेलौं संग लाडिले, शोभा लखौं अनूप ॥ ४५ ॥  
 कोउ कहैं अलि होउँ जो, श्रिसरयूमाधि मीन ॥  
 तौ मज्जत परसों लखौं, रघुवर अंग नवीन ॥ ४६ ॥  
 सिद्धि कही तब सखि सुनौ, मैं यह चहौं सदाहि ॥  
 बसै श्याम मो हीय नित, छिनहु नहीं बिलगाहि ॥ ४७ ॥  
 इक सखि बोली प्रेम भरि, बडभागिनि है सीय ॥  
 जाहि अनूपम वर मिलो, रघुवर सों कमनीय ॥ ४८ ॥  
 येही विधि सब सिद्धि युत, छर्की नेहरसरंग ॥  
 निशिदिन रघुवर रूप गुण, ध्यावैं सहित उमंग ॥ ४९ ॥  
 जनक भवन यौ रौनि दिन, नित प्रति होत उछाह ॥  
 सब हरपे जबते भयो, सिया रामको व्याह ॥ ५० ॥

इति श्री० रा० १० वि० वि० हासबिलासवर्णनो-

नाम नवमोविभागः ॥ ९ ॥

तोटक छंद ।

इहि भाँति घने दिन बीत गये ॥ सबही जन प्रीति अधीन भये ॥  
 नहिं काहु कछु सुधि धामहुकी ॥ तनकी धनकी सुत वामहुकी ॥१॥  
 बहुवार कही अवधेश जऊ ॥ न विदेह बिदा तिन कीन तऊ ॥  
 तव कौशिक भूपहि आय कही ॥ अव राज बिदा दृढ लेन चही ॥२॥  
 सुनिके मिथिलेश कहो वर है ॥ मिथिला अवधेशहिको घर है ॥  
 पुनि जो कछु राज रजाय करी ॥ सबही विधिसे हम शीशवरी ॥३॥  
 कहि यौ पुनि साज सजाय सवै ॥ पठये चहुँ बंधु बुलाय तवै ॥  
 यह बात सुनी पुर लोग जहीं ॥ अकुलाय उठे अतिहीं सुतहीं ॥४॥  
 नर नारि सवै यह जीय चहैं ॥ रघुचंद इहाँ अव नित्य रहैं ॥  
 पुरवाम परस्पर बोलति हैं ॥ अभिलाष हिये वह खोलतिहैं ॥५॥

घनाक्षरी कवित्त ।

कोऊ कहैं हेली निज दोऊमें श्रवण कुंड वचन सुधाते हैं भरौंगी-  
 जोरि बूंद बूंद ॥ कोऊ कहैं हों तौ सखी गुण गण साँवरेको उरविच धा-  
 रें कंठ माल मधि गूंद गूंद ॥ कोऊ कहैं रसिकबिहारी छवि नीलमणि  
 धरि हों हिये सो दृग तारनमें फूंद फूंद ॥ कोऊ कहैं वेतौ अली अवध  
 सिधाँवें याते हम गहिराखें मन मंदिरमें मूंद मूंद ॥ ६ ॥

तो० छंद ।

इहि भाँति सवै तियवैन कहैं ॥ रघुनंदनको न वियोग चहैं ॥  
 जुरिके वनिता रनिवास चली ॥ लखिये छवि औरहु आज अली ॥७॥  
 इहि भाँति चहुँ बहु शोरविछयो ॥ अव आज विदाकर साज भयो ॥  
 सब नैनन नीर विमोचत हैं ॥ किहि भाँति रहैं इमि सोचत हैं ॥८॥  
 कह वालक वृद्ध कहा तरुणा ॥ मिथिला सब छाय गई करुणा ॥  
 पशु पक्षिहुते अतिहीं विलपें ॥ मनही मन सोच भरे कलपें ॥ ९ ॥  
 सिय मातु इतै सिय गोद लई ॥ करि हाय विलोकि उमास लई ॥  
 बहु नैनन ते जलधार चली ॥ तिहि ओसर धीर अपार चली ॥१०॥  
 तव रानिहि धीर धराय अली ॥ बहु बात कही समुझाय भली ॥  
 सिय मात महा मनमोह मली ॥ उरलाय लई करि छोद लली ११ ॥

अमित अली चहुँ बंधुकों, सखन सहित ले संग ॥  
 यथा रूप जनवासमें, लाई सहित उमंग ॥ ३७ ॥  
 अपर सखन को टेरि कै, सौंपे राजकुमार ॥  
 कही लेहु वर वीर ये, सकुचे सकल निहार ॥ ३८ ॥  
 इत सबही मंजन कियो, सजे अनूपम अंग ॥  
 सिद्धि निकट सब उत गई, आली भरी उमंग ॥ ३९ ॥  
 सब रघुवर गुण रूप मद, छर्की तीय हुलसाय ॥  
 कहति परस्पर रुचिसारिस, उर अभिलाष दृढाय ॥ ४० ॥  
 कोउ कहैं सखि होउँ जो, अवध महलकी धूरि ॥  
 तौ परसों नित श्यामके, चरण सजीवन मूरि ॥ ४१ ॥  
 कोउ कहैं सखि होउँ जो, अवधनगर तरु पात ॥  
 तौ परसों तन लालको, कुंजन आवत जात ॥ ४२ ॥  
 कोउ कहैं सखि होउँ जो, अवधनगर मधि मोर ॥  
 उड़ि महलन पै बैठितो, निरखौ नवल किशोर ॥ ४३ ॥  
 कोउ कहैं सखि होउँ जो, अवधबाग विच फूल ॥  
 तौ सुमाल मिलि लाल हिय, लगौं मिटै सब झूल ॥ ४४ ॥  
 कोउ कहैं अलि होउँ जो, अवध मध्य मृग रूप ॥  
 तौ खेलौं सँग लाडिले, शोभा लखौं अनूप ॥ ४५ ॥  
 कोउ कहैं अलि होउँ जो, श्रीसरयूमधि मीन ॥  
 तौ मज्जत परसों लखौं, रघुवर अंग नवीन ॥ ४६ ॥  
 सिद्धि कही तब सखि सुनौ, मैं यह चहौं सदाहि ॥  
 वसै श्याम मो हीय नित, छिनहु नहीं विलगाहि ॥ ४७ ॥  
 इक सखि बोली प्रेम भरि, बडभागिनि है सीय ॥  
 जाहि अनूपम वर मिलो, रघुवर सों कमनीय ॥ ४८ ॥  
 येही विधि सब सिद्धि युत, छर्की नेहरसरंग ॥  
 निशिदिन रघुवर रूप गुण, ध्यावैं सहित उमंग ॥ ४९ ॥  
 जनक भवन यौं रौनि दिन, नित प्रति होत उछाह ॥  
 सब हरपे जवते भयो, सिया रामको व्याह ॥ ५० ॥

इति श्री० रा० र० वि० वि० हासविलासवर्णनो-

नाम नवमोविभागः ॥ ९ ॥

तोटक छंद ।

इहि भाँति बने दिन बीत गये ॥ सबही जन प्रीति अधीन भये ॥  
 नहिं काहु कछु सुधि धामहुकी ॥ तनकी धनकी सुत वामहुकी ॥१॥  
 बहुवार कही अवधेश जऊ ॥ न विदेह विदा तिन कीन तऊ ॥  
 तब कौशिक भूपहि आय कही ॥ अव राज विदा दृढ लेन चही ॥२॥  
 सुनिके मिथिलेश कही वर है ॥ मिथिला अवधेशहिको घर है ॥  
 पुनि जो कछु राज रजाय करी ॥ सबही विधिसो हम शीशधरी ॥३॥  
 कहि यों पुनि साज सजाय सबै ॥ पठये चहुँ बंधु बुलाय तबै ॥  
 यह बात सुनी पुर लोग जहाँ ॥ अकुलाय उठे अतिहीं सुतहीं ॥४॥  
 नर नारि सबै यह जीय चहैं ॥ रघुचंद इहाँ अव नित्य रहैं ॥  
 पुरवाम परस्पर बोलति हैं ॥ अभिलाष हिये वह खोलतिहैं ॥५॥

पनाक्षरी कवित्त ।

कोऊ कहैं हेली निज दोऊमें श्रवण कुंड वचन सुवाते हैं भरींगी-  
 जोरि बूंद बूंद ॥ कोऊ कहैं हीं तौ सखी गुण गण साँवरेको उरविच धा-  
 रीं कंठ माल मधि गूंद गूंद ॥ कोऊ कहैं रसिकविहारी छवि नीलमणि  
 धरि हीं हिये सो दृग तारनमें फूंद फूंद ॥ कोऊ कहैं वेतौ अली अवध  
 सिधाँव याते हम गहिराखें मन मंदिरमें मूंद मूंद ॥ ६ ॥

ती० छंद ।

इहि भाँति सबै तिय वैन कहैं ॥ रघुनंदनको न वियोग चहैं ॥  
 जुरिकें वनिता रनिवास चली ॥ लखिये छवि औरहु आज अली ॥७॥  
 इहि भाँति चहुँ बहु शोरविछयो ॥ अव आज विदाकर साज भयो ॥  
 सब नैनन नीर विमोचत हैं ॥ किहि भाँति रहैं इमि सोचत हैं ॥८॥  
 कह वालक वृद्ध कहा तरुणा ॥ मिथिला सब छाय गई करुणा ॥  
 पशु पक्षिहुते अतिहीं विलपे ॥ मनही मन सोच भरे कलपे ॥ ९ ॥  
 सिय मातु इत सिय गोद लई ॥ करि दाय विलोकि उमास लई ॥  
 बहु नैनन ते जलधार चली ॥ निहि आसुर धीर अपार चली ॥१०॥  
 तब रानिहि धीर धराय अली ॥ बहु वान कही मुमुक्षाय भली ॥  
 सिय मात महा मनमोह भली ॥ अलख लई करि

नि हीय लखी जगरीति यही ॥ इमि सोचि कछू जिय धीर रही ॥  
 ननी मुख चूमि कपोल गहे ॥ तिय धर्म सिखाय सुबैन कहे ॥ १२ ॥  
 हि औसर आय विदेह तहाँ ॥ लखि सीतहि कीन विलाप महाँ ॥  
 नही छिन अंक लगावत हैं ॥ बहु नैनन नीर बहावत हैं ॥ १३ ॥  
 पनीति सुरीति सिखावत हैं ॥ उमगावत हैं अकुलावत हैं ॥  
 विदेह विदेह विदेह चहै ॥ तब कौन विदेह विदेह कहै ॥ १४ ॥  
 हि औसर तीन हूँ बालतहाँ ॥ द्रुत आय मिलीं करि शोर महाँ ॥  
 नेवास जुरी तिय वृंद घनी ॥ दृग नीर ढरैं सब शोक सनी ॥ १५ ॥  
 हूँ राजसुता सब नारिनके ॥ उर लागि रहैं सुकुमारिनके ॥  
 न धाय मिलैं गहि मातन को ॥ विलपाय मिलैं छिन भ्रातनको ॥ १६ ॥  
 हूँ बंधु नरेश समाज सबै ॥ लखि सो गति होय अधीर तबै ॥  
 नि लाय हिये समुझाय घनी ॥ अपने अपने उर धीर ठनी ॥ १७ ॥

पद्वरी छंद ।

हि समय चहुँ नृप सुत ललाम । आये अनंद युत जनक धाम ॥  
 मिथिलेशरानि सन्मान कीन । भोजन कराय बहु साज दीन ॥ १८ ॥  
 हु भौंति कीन विनती अपार । सौंपी सुतान करि अमित प्यार ॥  
 मलि चहुँ बंधु सबसों सप्रीति । परितोष यथोचित रीति नीति ॥ १९ ॥  
 माये उताल जनवास माह । भेजो दहेज पुनि जनकनाह ॥  
 हु साज वित्तदासी सुदास । दीने अपार नृप युत हुलास ॥ २० ॥  
 रनारि नगरवासी अनेक । जिन उचित सरस इकतें इकेक ॥  
 तेन अमित वस्तु सिय रामहेत । दीनी सप्रेम लीनी सहेत ॥ २१ ॥  
 माये समाज युत अवधनाथ ॥ मिथिलेश मिले गुण वरणिगाथ ॥  
 हु दान मान दुहुँ दिशि अपार । कीने नरेश दोऊ उदार ॥ २२ ॥  
 सासी सुदा सधन अमित साज । दीने बहोरि मिथिलाधिराज ॥  
 गुभ समय जानि पुत्रिन बुलाय ॥ दीनी चढाय रथ अंक लाय ॥ २३ ॥  
 हि भौंति विदा कीनी नरेश । वर वसन विभूषन शुचि सुदेश ॥  
 रूप मकल जान कहैं उचित दीन ॥ युन प्रीति सचहि परितोषकीन ॥ २४ ॥  
 मि अवधनाथ गमने सुधाम । युन पुत्रवधू चहुँ सुन ललाम ॥  
 सुहाय किरे मिथिलानरेश । बहु कदत अवध पति गुण सुदेश ॥ २५ ॥

करि राम सीय सुधि बार बार ॥ सब होय नेह उमगै अपार ॥  
पुनि जनक राज सुत दान मान ॥ तोपे समस्त याचक महान ॥ २६ ॥  
पुनि विदा किये सब लोग भूप ॥ वर उचित रीति संयुत अनूप ॥  
चहुँ सुयश शोर भो देश देश । जैजैति जैति मिथिला नरेश ॥ २७ ॥

इति श्री० रा० र० वि० वि० श्रीजनकनंदिनी-

विदावर्णनो नाम दशमोविभागः ॥ १० ॥

चौ० अवधनाथ उत अवध पधारे ॥ कहत जनक गुण मुदित अपारे ॥  
पहुँचे आय अयोध्या माहीं ॥ रचना भई अमित चहुँ घाहीं ॥ १ ॥  
मंगल साज साजि वर वामा ॥ करत गान आई नृप धामा ॥  
वजत वाजने परम सुहाये ॥ सुत सुतवधुन सहित नृप आये ॥ २ ॥  
मोद भरी सब मात सिधारों ॥ परिछन करि चहुँ बधू उतारों ॥  
हारि पावड़े मंदिर लाई ॥ जुरीं नारि बहु हिय उमगाई ॥ ३ ॥  
देहिं अमोलनेग वर नारी ॥ मुख देखैं पट घूँघट टारी ॥  
चारहु बधू निरखि सब रानी ॥ हिय अपार आनंद हुलसानी ॥ ४ ॥  
नेग देन हित हिय सकुचाहीं ॥ तिहुँलोक संपति कछु नाहीं ॥  
हिय लजाय औसर अनुसारा ॥ भूषण दिये अमोल अपारा ॥ ५ ॥

दोहा-पुनि रानी चहुँ सुत वधुन, प्रीति अनंद समेत ।

सुंदर मुख दिखरावनी, दीने सुभगनिकेत ॥ ६ ॥

पुत्रवधू जहँ चारहु, प्रमुदित सहित उमंग ।

विलसे रहसि निकेत सो, निज निज प्रीतमसंग ॥ ७ ॥

फनक भवन वर कैकयी, सियहि दियो हुलसाय ।

दियो सुमित्रा मांडविहि, मुकर भवन उमगाय ॥ ८ ॥

हरपि रमिलहि कौशला, फटिक भवन सुचिदीन ।

चंद्र भवन श्रुतिकीर्तिको, दियो मुदित मुख भौन ॥ ९ ॥

चौ० पुनि करि निवछावर बहु वारा ॥ दर्ई सासु वकसीस अपारा ॥

लोक वेद कुलरीति अनेका ॥ कीनी सरस एकते एका ॥ १० ॥

निशि जागरन करें सब नारी ॥ दोत गान कानूहल भारी ॥

पूजन दान मान जिवनाग ॥ करें अनेक रचिन व्यवहार ॥ ११ ॥

इहि विधि सब अनंद महँ फूले ❀ रैन दिवस कब होय सुभूले ॥  
 राज भवन अरु नगर मँझारा ❀ चहुँ बहु होत मंगलाचारा ॥ १२ ॥  
 शुभ ग्रह योग वार दिन जानी ❀ तब कंकन छोरन विधिठानी ॥  
 सकल हास सन बंधिनि नारी ❀ कहैं वचन परिहास सुखारी ॥ १३ ॥

घनाक्षरी-कवित्त ।

बोली एक नारी सुनौ अवधविहारी यह शंभु धनु है न  
 जाहि वेगै गहि तोरौगे ॥ रसिकविहारी हौं तिहारी चतुराई तब  
 जानौंगी सुकंकनकी गांठ जब छोरौंगे ॥ ताछिन छबीली एक  
 दूजी हँसि बोली श्याम आज धीरताई वीरताई सब भोरौगे ॥  
 तुम पै न तौ लों कबौ छूटि है छबीलेछैल जौलौंनहि जनकसु  
 ताकों कर जोरौंगे ॥ १४ ॥ फेरि इक बोली हम जानी मिथिलामें  
 जाय नीकी नौलनारिनके चित्त चोरि लायेहौ ॥ याते बारम्बार  
 कर कंपत तिहारो लाल करत ढिठाई पैहियेमें भय  
 छाये हौ ॥ कछु जनि मानौं नेक भीति जो भई  
 सो भई हेरौ टुकप्यारे क्यों लजाय शिर नाये हौ ॥ मति मुखमोरौ वेगि  
 कंकनको छोरौ संक छोरौ सब कौशलपुरीमें अब आये हौ ॥ १५ ॥  
 पुनि इक वाम यौं कहीहो अभिराम श्याम कौशिक कृपाते यश भारी  
 बहु लूटो है ॥ नृपति कुमार हौ सदा ते सुकुमार फेरि खूबों तिय  
 जूठो तब और बल खूटो है ॥ हम अबला पै राखे ते सर्वलाहैं तऊ  
 जानो पुरुषार्थ तिहारो सब झूठो है ॥ रसिकविहारी शंभुचाप किमि  
 टूटो कहौ तुम पै अवैलों नेक कंकन न छूटो है ॥ १६ ॥

देहा-इहि विधि हास विलास बहु, करै मुदित मन वाम ॥

सुनि सकुचाय सुवेगहीं, कंकन छोरौ राम ॥ १७ ॥

याहीं प्रति दिन होत बहु, आनंद अमित उछाह ॥

भोजन दान विनोद नित, निशिदिन रहत उमाह ॥ १८ ॥

पुनि दशरथ महिपाल मणि, यथा उचित सानंद ॥

सकल अयाची करिदये, जिते सुयाचक वृंद ॥ १९ ॥

अरु जे जन चहुँ देशके, आये राम विवाह ॥

बहु दिनते प्रिय पाहुने, हठि राखे नरनाह ॥ २० ॥

पुनि सव रुचि लखि अवधपति, संयुत प्रीति सुनीति ॥  
 किये बिदा सन्मान करि, बहु विधान नृपरीति ॥ २१ ॥  
 कौशिक मुनिहि निहोरि पुनि, राखे राम नृपाल ॥  
 प्रीति प्रतीति अपार वश, रहे अवध कछु काल ॥ २२ ॥  
 पुनि मुनि मुनिन समाज युत, नृप रामहि समुदाय ॥  
 भये बिदा सानंद अति, यथा उचित सतभाय ॥ २३ ॥  
 नृपरानी सुत सुत वधू, सकल परे मुनि पाँय ॥  
 दई अशीश प्रमोद भरि, ऋपिन सहित ऋपि राय ॥ २४ ॥  
 पुनि वशिष्ठ आदिक सकल, मुनिहि मिले युत प्रेम ॥  
 अपर समाज प्रणाम करि, आशिष लहो सुश्रेम ॥ २५ ॥  
 पुनि वशिष्ठ सुत सचिव नृप, कछुक दूर मुनि संग ॥  
 गये फिर पहुँचाय गृह, आये सहित उमंग ॥ २६ ॥  
 रहत सदा सानंद सव, पुर परिजन समुदाय ॥  
 सुत सुत वधू निहारि नित, नृप रानी हुलसाय ॥ २७ ॥  
 जे तिय मिथिला वासिनी, नृप सुतानके संग ॥  
 आई ते सखि गणरहें, प्रमुदित भरी उमंग ॥ २८ ॥  
 जनक लली प्रगटी जवे, जनक नगरमें आय ॥  
 जनम लियो मिथिला तवै, सकल सखी समुदाय ॥ २९ ॥  
 यथा योग निमिकुल सदन, लखि निजरुचि अनुसार ॥  
 सुरी किन्नरी आदि बहु, भई नरी सुविचार ॥ ३० ॥  
 ते सिय संग विनोदिनी, वय गुण रूप समान ॥  
 बाल सखी हैं आठ वर, प्यारी परम प्रधान ॥ ३१ ॥

दोषदंड ।

चंद्रकला १ उर्वशी २ सहोद्रा ३ कमला ४ विमला ५ मानी ॥  
 चंद्रमुखी ६ मेनका ७ सु रंभा ८ आठ मुख्य ये जानी ॥  
 प्यारी सखी विदेहसुताकी बाल संगिनी मोहैं ॥  
 इनहिं आदि सहचरी घनी जिहि देखि शची रति मोहैं ॥ ३२ ॥  
 दोहा—सत सत यूथेश्वरी, इक इक सखि स्वाधीन ॥  
 हैं सहस्र यूथेश्वरी, प्रति अनुचरी प्रवीन ॥ ३३ ॥



सानुचरी यूथेश्वरी, संयुत सखी सुढंग ॥

दीनी जनक दहेजते, आई सियके संग ॥ ३४ ॥

पुनि इत कौशल्या सियहि, दई सखी दश और ॥

ते मिलि अष्टादश भई, सब सखीन शिर मौर ॥ ३५ ॥

दोई छंद ।

प्रथम-चारुसौला १ पुनि-राधा २ अरु-सुभगा ३ लप-क्षेमा ४ ॥

मृगलोचना ५ मालिनी ६ हरीणी ७ कहि-सुलोचना ८ प्रेमा ९ ॥

सुधामुखी १० ये विशद सखी दश दई कौशला रानी ॥

सरिस रूप वय गुण संप्रीति सब जनकसुता सुखदानी ॥ ३६ ॥

दोहा-दशहू प्रति यूथेश्वरी, आठ आठ हैं और ॥

तिन सबही प्रति किंकरी, द्वै द्वै सहस सुतौर ॥ ३७ ॥

सो०-सखीं अष्टदश सोय, सहस यूथ यूथेश्वरी ॥

सबें मुदित मन होय, बढी परस्पर प्रीति बहु ॥ ३८ ॥

मिथिला वासिनि जोय, अरु कौशल पुर वासिनी ॥

एक प्राण तनु दोय, यों सम सबहि सनेह भो ॥ ३९ ॥

दोहा-सखी अष्टदश सीयकी, प्यारी परम सुजान ॥

पुनि पौडश ये और हू, सिय पियकी सुखदान ॥ ४० ॥

य पौडश वे अष्टदश, सकल सखी सुखदाम ॥

दंपति सेवाकिनी सदा, अंतरंगिनी जान ॥ ४१ ॥

कनक भवन वर विशद है, जासम सदन न आन ॥

सीता राम विहार थल, परमानन्द प्रधान ॥ ४२ ॥

महल रहस्य रहस्य सखि, अंतरंगिनी जोय ॥

समय रहस्य रहस्यमें, रहें तहाँ अलि सोय ॥ ४३ ॥

यदापि सकल दंपति सखी, तदापि विनोद प्रकार ॥

पिय पौडश सिय अष्टदश, करि राखी निरवार ॥ ४४ ॥

यकाशगी कविता ।

हेमा १ पद्मगंधा २ वनगंधा ३ चंद्रभागा ४ चारु-चंद्रवती ५

हंमिनी ६ मनोमया ७ उचाग्ये ॥ चंद्रावली ८ अलसा ९ सु-पद्मा

१० मोहनी ११ सिद्धि मायनी १२ सुभद्रा १३ गुणवल्ली १४

निशान्ये ॥ नीला भंगी १५ मोदनी १६ गोकविदागी मंगु

पोडश अनूप अंतरंगिनी विचारिये ॥ दंपति रहस्य अधिकारी सुखकारी  
सदा कौशल किशोरकी सखी ये निरधारिये ॥ ४५ ॥

दोहा—पुनि पोडश पोडश लखौ, यूथेश्वरी प्रवीन ॥

एक एक सखिके निकट, रहैं सदा स्वाधीन ॥ ४६ ॥

सोहैं प्रति यूथेश्वरी, वर अनुचरी अनूप ॥

पंच पंच शत रहत हैं, परम प्रवीन सुरूप ॥ ४७ ॥

यूथेश्वरी सुकिंकरी, सहित सखी सुखदानि ॥

सैवैं दंपति रुचि निरखि, समै समै अनुमानि ॥ ४८ ॥

अपर तिहूँ भगिनीनकी, सखी अनेक प्रवीन ॥

आई मिथिलाते बहुरि, इतहुँ रानि अलिदीन ॥ ४९ ॥

चौ०—भामा १ रुक्मवती २ शुभकारी ❀ सुमती ३ बहुरि चन्द्रिका ४ नारी ॥

ये चारों सुंदर गुणखानी ❀ सखी मांडवीकी प्रियजानी ॥ ५० ॥

चंपावती १ नंदिनी २ वामा ❀ मुदिता ३ कुण्डली ४ सुगुण धामा ॥

चारों चारु अंग शुचिनारी ❀ सखी उर्मिलाकी अतिप्यारी ॥ ५१ ॥

सुभग संयमी १ उत्तम श्यामा ❀ २ बहुरि मादिनी ३ छविमय कामा ॥ ५२ ॥

चारहु प्रीय विशद गुणरूपा ❀ श्रुतिकीरतिकी सखी अनूपा ५२ ॥

द्वे द्वे शत किंकरी सुनारी ❀ प्रति सखीनकी सेवाकारी ॥

या विधि द्वादश सखी सदाई ❀ सिय तिहूँ भगिनी पास रहाई ॥ ५३ ॥

दोहा—ये सब जनक दहेजमें, दीनी पुत्रिन संग ॥

आई अवध समाज युत, प्रमुदित भरी उमंग ॥ ६४ ॥

निज निज पुत्र बधून पुनि, दुहूँ सासु हुलसाय ॥

चार चार ओरहु सखी, तिनहुँ दई सुखदाय ॥ ५५ ॥

सूर सुंदरी १ सारिका, २ नेह मंजरी ३ जानि ॥

बाला ४ ये चारहु सखी, दई मांडविहिमानि ॥ ५६ ॥

सखी गोकुला १ जोवना, २ दीपावली ३ अनूप ॥

वृन्दा ४ दीनी उर्मिलहि, ये चारहु सुरूप ॥ ५७ ॥

साखा १ ज्वाला २ गर्विता ३ विशद कंदवा ४ देवि ॥

ये चारों श्रुतिकीर्तिकी, दई सखी शुभ लेखि ॥ ५८ ॥

ये द्वादश सखियान प्रति, रुचिर अनुचरी और ॥  
 पंच पंच शत सकल हैं, विशद रूप गुण तौर ॥ ५९ ॥  
 अवधवासिनी और सब, मिथिला वासिनि तीय ॥  
 रहैं परस्पर प्रेमयुत, परम प्रमोदित हीय ॥ ६० ॥  
 चारहुनृपति सुतानकी, मुख्यसखी ये जान ॥  
 दासी दासी दासिका, ते न्यारी बहुमान ॥ ६१ ॥  
 आई मिथिलाते तिया, ते सब सहितकुटुंब ॥  
 सो न्यारे पुनि इतर हैं, दासी दास कदंब ॥ ६२ ॥  
 निज निज स्वामिनिको सबै, सेवैं सहित सुरीति ॥  
 रहैं सकल सानंद नित, भीति प्रीति युत नीति ॥ ६३ ॥  
 चहुँवधू निज निज भवन, संयुत सखी समाज ॥  
 विलसैं परमानंदहिय, सुर दुर्लभ सुखसाज ॥ ६४ ॥  
 तिहुँ भगिनी निज सखिनयुत, सादर प्रीति बढाय ॥  
 रीतिनीति मय सीय की, सेवा करैं सदाय ॥ ६५ ॥  
 राखैं सिय भगिनीन पै, सादर सत्य सनेह ॥  
 रहै परस्पर प्रेम जनु, एक प्राण द्वैदेह ॥ ६६ ॥  
 वेद४बाण५अरु—चंद१रस६, भूमि१नैन अनुमान ॥  
 जनकसुताकी सहचरी, येती मुख्य प्रमान ॥ ६७ ॥  
 वेद४वान५द्वग२नाग८भुज२, गणपतिरदन १विचार ॥  
 अंतरंग रघुचंदकी, मुख्य सखी निरधार ॥ ६८ ॥  
 वसु८आकाश०अहि८नैन२रकहि, भापी परम प्रमान ॥  
 तिहुँ सीय भगिनीन प्रति, मुख्य अली ये जान ॥ ६९ ॥  
 नभ०सर५वसु८द्वग२पंच५गुण३, ये सब सखी प्रधान ॥  
 अपर सुदासी वेद४रस६, मुनि७ग्रह९शशि१द्वग२वान५७०  
 पुनि जे सखि दासीनके, सकल कुटुंबी और ॥  
 तेऊ सेवक सिवकिनी, वर्णनको नहिँ तौर ॥ ७१ ॥

## श्रीजानकीजीकी सखीनका निर्णय चक्र ।

जुदीजुदी गिनती	सखीनके नाम	सखीनकी दूधेश्वरी	दूधेश्वरीनकी अनुचरी	सखीप्रति दूधेश्वरीनकी अनुचरी सब	सब सखी
१	चंद्रकला	७	१०००	७०००	१
२	उर्वशी	७	१०००	७०००	२
३	सरोद्रा	७	१०००	७०००	३
४	कमला	७	१०००	७०००	४
५	विमला	७	१०००	७०००	५
६	चंद्रमुखी	७	१०००	७०००	६
७	मनका	७	१०००	७०००	७
८	रंभा	७	१०००	७०००	८

ये सब मिथिलासे आईं सो सखी हैं ५६०६४ ।

१	पारंगीला	८	२०००	१६०००	५
२	गया	८	२०००	१६०००	१०
३	सुभगा	८	२०००	१६०००	११
४	क्षेमा	८	२०००	१६०००	१२
५	गुणप्रोषणा	८	२०००	१६०००	१३
६	गारिनी	८	२०००	१६०००	१४
७	हरिणी	८	२०००	१६०००	१५
८	गुणोषणा	८	२०००	१६०००	१६
९	देवा	८	२०००	१६०००	१७
१०	गुणगुणी	८	२०००	१६०००	१८

ये सब अक्षकी सखी हैं, जो सामुने दीनाईं ५६००९० ॥

श्रीजानकीजीकी सब सखी मिथिला अक्षकी २५६१५४ ॥  
मिलायके इनकी हैं ॥

## श्रीरघुनन्दनजीकी सखीनका निर्णय चक्र ।

सखीनकी गिनती	सखीनके नाम	सखीनकी यूथेश्वरी	यूथेश्वरीनकी अनुचरी	सखीप्रति यूथेश्वरीनकी सब अनुचरी
१	हेमा	१६	५००	८०००
२	पद्मगंधा	१६	५००	८०००
३	वरारोहा	१६	५००	८०००
४	चंद्रभागा	१६	५००	८०००
५	चंद्रवती	१६	५००	८०००
६	हंमिनी	१६	५००	८०००
७	मनोरमा	१६	५००	८०००
८	चंद्रावली	१६	५००	८०००
९	अलसा	१६	५००	८०००
१०	पद्मा	१६	५००	८०००
११	मोहनी	१६	५००	८०००
१२	माधरी	१६	५००	८०००
१३	सुभद्रा	१६	५००	८०००
१४	सुगंधरी	१६	५००	८०००
१५	नंदी	१६	५००	८०००
१६	सोमेश्वरी	१६	५००	८०००

श्रीगुणाधरीकी सब मन्त्री इतनीहिं १२८२५४ ॥

## श्रीमांडवीजीकी सखीनका निर्णय चक्र ।

जुदी जुदी गिनती	सखीनके नाम	सखीनकी अनुचरी	एकत्र गिनती सब
१	भामा	२००	१
२	रुक्मवती	२००	२
३	मुमती	२००	३
४	चट्टिका	२००	४
०	ये सब सखी ८०४ मिथिला की हैं		०
१	सुरसुंदरी	५००	५
२	सारिका	५००	६
३	नेहमजरी	५००	७
४	बाला	५००	८

ये सब अवधकी सखी हैं जो  
सामुने दीनी हैं २००४

श्रीमांडवीजीकी सब सखी दोनो  
जगहकी इगनी हैं २८०८

## श्रीउर्मिलाजीकी सखीनका निर्णय चक्र ।

जुदी जुदी गिनती	सखीनके नाम	सखीनकी अनुचरी	एकत्र गिनती सब
१	चंपावती	२००	१
२	नंदीनी	२००	२
३	मुदिता	२००	३
४	कुंडली	२००	४
०	ये सब सखी मिथि- लाकी हैं ८०४		०
१	गोबुला	५००	५
२	जोबना	५००	६
३	दांपावली	५००	७
४	धुदा	५००	८

ये सब अवधकी सखी हैं जो  
सामुने दीनी हैं २००४

श्रीउर्मिलाजीकी सब सखी दोनो  
जगहकी इगनी हैं २८०८

## श्रीश्रुतकीर्तिजीकी सखीनका निर्णय चक्र ।

जुदी जुदी गिनती	सखीनके नाम	सखीनकी अनुचरी	एकत्र गिनती सब
१	संयमी	२००	१
२	ज्यामा	२००	२
३	मादिनी	२००	३
४	फामा	२००	४
०	ये सब सखी भिधिलाकी हैं		०
१	मापा	५००	५
२	जाला	५००	६
३	गार्धना	५००	७
४	फदपा	५००	८

ये सब अखरी सखी हैं जो

मागुने दीनी हैं २००५

संयमी २००० २००० २००० २०००

ज्यामा २००० २००० २००० २०००

दोहा—इहि विधि चारहु नृप सुता, नि-  
ज निज महलन माहिं ॥ सखिन  
सहित सादर सदा, परमानन्द रहाहिं ॥  
॥ ७२ ॥ राज कुँवर वर चारहूँ, समय  
समय युत रीत ॥ सकल काज नित-  
करत हैं, सहित प्रीत नृप नीत ॥ ७३ ॥  
बहु दिन बीते अवधमें, रहत अनंद स-  
मेत ॥ बहुरि भरत मातुल करी, नृप-  
हि विनय लखि हेत ॥ ७४ ॥ तात  
बुलायो भरत को, जो दीजिये रजाय ॥  
तौ हम संग सिधावहीं, सहित शत्रु-  
हनभाय ॥ ७५ ॥ सुनत युधाजितके  
वचन, दशरथ नृप हुलसाय ॥ भरत  
शत्रुहन बंधु दुहुँ, पठये साज सजाय  
॥ ७६ ॥ दुहुँ बंधु मातुल सहित,  
पहुँचे केकय पास ॥ मिले रहे सादर  
तहाँ, सहित सुपास हुलास ॥ ७७ ॥  
राम लपण इत अवधमें, रहत सदा  
हृषाय ॥ भरत शत्रुहनकी सुरति,  
नितहि करत दुहुँभाय ॥ ७८ ॥ रंगभवन  
रघुचंद द्विग, जुरत सखा हित बंधु ॥  
करत विनोद विलास नित, उमगि  
उमगि हिय सिंधु ॥ ७९ ॥ राज काज  
मर्यादमय, पितु अनुशामन पाय ॥  
राम लपण दुहुँ करत हैं, यथा योग  
हुलनाय ॥ ८० ॥ राम रूप गुण भमं  
बल, दान मान वर ज्ञान ॥ श्रीनि गति  
नृप ॥ ८१ ॥ किये ही ध्यान ८१

राम रीति अवलोकिकै, मुदित सवै नर नारि ॥  
 सकल कहैं अवधेशके, चिरजीवो सुत चारि ॥ ८२ ॥  
 सुरपुर नरपुर नागपुर, नर नारिनके वृंद ॥  
 राम सुयश सब गावहीं, नित प्रति परमानंद ॥ ८३ ॥  
 राम दरश हित नित्य प्रति, आवत सुर नर नाग ॥  
 निरखि रूप गुण अतुल अति, कहैं धन्य नृपभाग ॥ ८४ ॥  
 मातु पिता तिय बंधु हित, पुर परिजन समुदाय ॥  
 रहैं सदा सानंद सब, छिन छिन सुख अधिकाय ॥ ८५ ॥  
 इति श्रीरामरसायन वि० वि० विवाहांत वर्णनो

नाम एकादशोविभागः ॥ ११ ॥

इति श्रीमद्रसिकविहारीविरचिते श्रीमद्रामरसायन ग्रन्थे  
 विवाहचारित्र वर्णनो नाम तृतीयोविधानः ॥ ३ ॥

दोहा—कौशल पति दशरथ तनय, राम सकल गुणधाम ॥  
 जाको यश तिहुँलोकमें, छायरहो अभिराम ॥ १ ॥ ॥  
 करत राज मयाँदयुत, रघुवर परम समर्थ ॥  
 समै समै साधत सवै, धर्म काम अरु अर्थ ॥ २ ॥  
 नीति रीति लिखि रामकी, भूपति कियो विचार ॥  
 अब रघुवीराहि कीजिये, राजतिलक सुखसार ॥ ३ ॥  
 तव महीप गुरु सचिव हित, पुर परिजन बहु लोग ॥  
 जोरि सभा निज रुचिकही, कही सवै अति योग ॥ ४ ॥  
 मुदित नृपति आज्ञा दई, वेगि सजौ सब साज ॥  
 आविलोकाँ निजनेन भरि, राम होय युवराज ॥ ५ ॥

चौ० भूप वचन सुनि सब हुलसाये ॥ वेगि सचिव शुभ साज सजाये ॥  
 रचना भई विचित्र अपारा ॥ कौशलपुर नृपसदन मझारा ॥  
 सुनि रघुवर कर तिलक प्रसंगा ॥ सकल मातु हिय बटी डमंगा ॥  
 कौसल्या कैकयी सुमित्रा ॥ कर्गहँ दान मुद विविध विचित्रा ॥  
 अपर मातु बहु वित्त लुटावै ॥ राम निलक लखिये हुलसावै ॥



पुर नर नारि अमित हिय हरपे ॥ देव वृंद मनहीं मन करपे ॥ ८ ॥  
 रघुवीरहि नृप निकट बुलाई ॥ कहि रुचि राजनीति समुझाई ॥  
 पुनि गुरु कनकभवन मधि आये ॥ सिय रामहि संयम करवाये ॥ ९ ॥  
 मुदित सकल साजें सब साजा ॥ प्रात होय रघुवर युवराजा ॥  
 सीता लपण हीय सुख भारी ॥ परमानंद सबै नरनारी ॥ १० ॥  
 कोउ न कछु देव गति जानी ॥ सब निज निज स्वारथ मति ठानी ॥  
 है यक भरत मातकी दासी ॥ नाम मंथरा तिहि मति नासी ॥ ११ ॥  
 सो कैकेयीकी बुधि भोरी ॥ कपट कथा कहि करी ठगोरी ॥  
 दासी वचन मानि कै रानी ॥ कियो मान बहु कुमति सुठानी ॥ १२ ॥  
 लखि तिय मान भूप अकुलाये ॥ भावी वश विचार नहिं लाये ॥  
 राम शपथ करि कही नृपाला ॥ कहौ प्रिया सो करौ उताला ॥ १३ ॥  
 राम शपथ संयुत नृप वानी ॥ सुनि कैकयी अधिक हरपानी ॥  
 जानी अब न तजै प्रण राजा ॥ भयो समस्त सिद्ध निज काजा ॥ १४ ॥  
 बोली मो अभिलाष जु कीजे ॥ द्वै वर देन कहे सो दीजे ॥  
 सुनि नृप कही वेगि किन भापौ ॥ इती वात हित इमि मन मापौ ॥ १५ ॥  
 तब तिय कही एक यह दीजे ॥ भरतहि राजतिलक वर कीजे ॥  
 द्वितिय राम सुनि वेष बनाई ॥ चौदह वर्ष वसें वन जाई ॥ १६ ॥  
 रानी वचन सुनत महिपाला ॥ गिरे भूमिहै निपट विहाला ॥  
 लखि नृपदशा नारि झहरानी ॥ कही बहोरि विविध कटुवानी ॥ १७ ॥  
 सुनि महीप धीरज उर लाई ॥ तियहि अनेक भाँति समुझाई ॥  
 नहिं मानी तब नृप दृढ़ जानी ॥ अब मम मृत्यु आयन गिचानी ॥ १८ ॥  
 पुनि मूर्छित है दशरथ भूषा ॥ धरणी परे सु विहवल रूपा ॥  
 प्राण कंठगत कौशलराई ॥ बिलपतही सब रैन विताई ॥ १९ ॥  
 इत सब पुर परिजन नरनारी ॥ रामतिलक हित करहिं तयारी ॥  
 सो न भेद कछु काहु जनायो ॥ कहैं सकल अब औसर आयो ॥ २० ॥  
 ताछिन कीनो सचिव विचारा ॥ जगे न भूप भई बहु वारा ॥  
 तवै सुमंत द्वारपर जाई ॥ दासी टेरि विनय करवाई ॥ २१ ॥  
 सुनि कैकयी सुमंत बुलाई ॥ बोली इत आनहु रघुराई ॥

चकित सचिव नृपदशा निहारी ❀ भो अनर्थ कछु हीय विचारी २२  
 पाय राय रुख वेगि सिधाये ❀ रथ चढ़ाय रामहि लै आये ॥  
 लाखि पितुगति रघुवर अकुलाने ॥ धाय भूप चरणन लपटाने २३ ॥  
 नृपहि सकल तन मन सुधि भूली ❀ पुत्र वियोग झूल हिय झूली ॥  
 सो विलोकि मातहि अकुलाई ❀ पितु दुखहित बूझो रघुराई २४ ॥  
 निष्ठुर हृदय कैकयी कराला ❀ कही कथा सब अमित उताला ॥  
 पुनि बोली नृप दई रजाई ❀ भयवश कहि न सकत रघुराई २५ ॥

सो—मात वचन सुनि राम, हिय हरपे परपे सकल ॥

कहे वैन सुखधाम, पितु आज्ञा में शिरधरी ॥ २६ ॥

यों कहि गहि पितु पाय, कही तात दुख त्यागिये ॥

भरतहि वेगि बुलाय, राजतिलक तिन कीजिये ॥ २७ ॥

तात इती लघुवात, हेत शोक इहि विधि कियो ॥

हैं अवहीं वन जात, आशिष दीजे मुदित मन ॥ २८ ॥

परी वचन धुनि कान, पहिचानी वाणी कछु ॥

नृपति चेत उर आन, निरखे नैन उचारि तव ॥ २९ ॥

उठि महीप युत प्यार, अंक लगाये रामको ॥

चली दृगन जलधार, मुखते कढ़े न वैन कछु ॥ ३० ॥

दोहा—राम निरखि पितु मोहवश, बहु विधि धीरज दीन ॥

मातहि मिलि आऊँ अबै, यों कहि गमन सुकीन ॥ ३१ ॥

राम गमन लखि अवधपति, विलपत भये अचेत ॥

परे मौन महि छिनहि छिन, दीह उसास न लेत ॥ ३२ ॥

देखिं सुमंत नृपाल गति, भरे नैन दुहुँ नीर ॥

कैकेयी प्रति जोरि कर, बोले वैन सुधीर ॥ ३३ ॥

महरानी हठ त्यागि अब, यतन कीजिये सोय ॥

राम भरत नृप रावरो, जिहि विधि सब भल होय ॥ ३४ ॥

सुनि बोली दृढ कैकयी, हैं सु कही दुहुँ वात ॥

भली बुरी कछु होय पै, सोई मोहिं सुहात ॥ ३५ ॥

पुनि कौशला वधू गति जानी ❀ बोली सुतहि मनोहर बानी॥  
 तात तिहारे संग जानकी ❀ दृढधारी निज हीय जानकी  
 जो अब उचित होय रघुलाला ❀ सो सिप देहुँ सियहि इहिकाला  
 सोरठा-सुनि बोले रघुचंद, कानन अमित कलेशंह ॥

याते इत सानंद, तुव पद सेवें जनकजा ॥ ६१ ॥

चौ०-सुनि सुत वचन वधुहि उर लाई ❀ भवन रहन हित बहु समुझ  
 तव सिय हीय अधिक अकुलाई ❀ बोली विकल सकोच विहाई ६२

दोहा-धर्मचारिनी तियनकी, गति है पति सुत ज्ञात ॥

तीन विहीन चतुर्थ नहिं, अवलंबन यह ख्यात ॥ ६३ ॥

याते हौं प्रण सत्य करि, कहीं शपथ मय बैन ॥

नाथ मोहिं तजि जाहिं जो, तौ मम प्राण रहैं न ॥ ६४ ॥

सत्य प्रेम गुणि सीयको, सकुचि कही रघुनाथ ॥

जननी कहौ विदेहजा, चलैं विपिन मम साथ ॥ ६५ ॥

सुनि पति आयसु जानकी, परमानंद अघाय ॥

गहे चरण पति मातके, सो लीनी उर लाय ॥ ६६ ॥

चौ०-ताही छिनसुनि लछमनधाये ❀ अतिहिय शोकराम ढिगआये॥

नाथ माथ बूझो वन कारन ❀ रघुवर कीनो सकल उचारन॥ ६७ ॥

सुनतहि भयो क्रोध अति भारी ❀ बोले लपण वीर धनुधारी ॥

नाथ सत्य जानी यह बाता ❀ करी अनीति दोउ पितु माता ६८

धनाक्षरी कवित्त ।

आजलों न ऐसी कोऊ कीनी जो नृपाल करें रीति रघुवंशिन  
 की सकल मिटावैं हैं ॥ बुद्धि सब नाशी अति जरठ भये हैं अब  
 काम वश हैकै तियसीख उरलावैं हैं ॥ रसिकविहारी किमि सत्य  
 व्रतधारी भूप राजदेन भापो और वनहिं पठावैं हैं ॥ याते रघुराज  
 राजगादी गहि बैठौ फेरि देखैं तात मात भ्रात कैसे तौ उठावैं ॥ ६९ ॥

सो०-सुनि सुवंधुके बैन, कही धीर रघुवीर तव ॥

लपण धर्म यह है न, पितु आज्ञा किमि त्यागिये ॥ ७० ॥

धनाक्षरी कवित्त ।

गुरु पितु मात वृद्ध स्वामी नृप आयसु जो होय सो अनंद मानि  
माथे धरि लीजिये ॥ काम क्रोध लोभ मोह काहू वश भापैं बैन तोऊ  
तिन दोषनमें चित्त नहिं दीजिये ॥ रसिकविहारी सुनौ सीख या  
हमारी बंधु निज दुख भारी देखि नेकहू न खीजिये ॥ परम  
सुधर्म सत कर्म बत सत्य येही आपतें बडेनकी न आज्ञा भंग  
कीजिये ॥ ७१ ॥

दोहा—राम वचन सुनिकै लपण, कही क्रोधवश बात ॥

ज्ञान रावरो या समै, मोहि न रंच सुहात ॥ ७२ ॥

धनाक्षरी-कवित्त ।

बैठो राजगादी नाथ लीजे धनुवान हाथ दास हौं तिहारे साथ  
देखिये लरतको ॥ तात बाँधि डारौं मात गहिकै निकारौं सेन सकल  
सँहारौं लखौं सामुहे अरतको ॥ रसिकविहारी धनुषारी या विचारी  
काह ऐसो धीर भारी वनचारी यों करतको ॥ आवैं यमराज देवराज  
तो न पावैं राज हेरौं फेरि होवैं को सहायक भरतको ॥ ७३ ॥ धरम  
यही है सत कर्म यही है ज्ञानपरम यही है मुख शत्रुनको मोड़िये ॥  
तात मात भ्रात जात पात हित मीत कोऊ करहि अनीत लाज ताकी  
मन तोड़िये ॥ रसिकविहारी छल बलको न दोष कटू साधिये  
सुकाज औ कलेश अंग ओड़िये । वनिता वसुंधरा बडाई वित्त  
वीरताई वीर रघुवीर येते कैसहू न छोड़िये ॥ ७४ ॥ लखौं राज  
नाजको दिंडवो न्याय काजको सुंदवो दान येही सदा आपनो कर्म  
है ॥ वरिनको घालियो औ पालियो सुदीननको युद्धमें निरुद्ध  
नत्य सतत परम है ॥ रसिकविहारी राजगादी दृष्टि बँटैं वीर यामें  
रघुवीर कदा काहूकी शर्महो ॥ त्यागि धनुषाण औ कृपाण तपस्वी है  
जाय डोल वन ऐसो नहिं क्षत्रीको धरम है ॥ ७५ ॥ धनते सुधर्म  
होवैं धनते सुकर्म होवैं धनते सुयश लोक धन ही को काज है ॥  
नान भान भ्रात हित पुत्र औ कलत्र लखौं रसिकविहारी नव धनको

समाज है ॥ होवै रूपमान गुणमान कुलमान तोऊ धन विन  
ताकी राखत न लाज है ॥ कैस हू निकास धनमान सो प्रधान है  
धन है समस्त मूल धन मूल राज है ॥ ७६ ॥

दोहा—सो लघु राज न कोउ तजै, यह तौ कौशल राज ॥  
हौं नहिं त्यागन देउँगो, तुमैं राज रघुराज ॥ ७७ ॥

धनाक्षरी कवित्त ।

मारि मारि बाणन कृपाणन ते झारि झारि मान बलवाननके प्रा-  
णन नशावैंगे ॥ भूरि भानुवंशी चंद्रवंशी वर वीरनके झुंड झुंड भारी  
रुंड मुंड माहि छावैंगे ॥ क्षत्री छत्रधारी क्षोणिपालनके शोणितसे  
कुंडभरि सकल दिशान क्षिति छावैंगे ॥ रसिकविहारी रघुराज सब  
साधौ काज जियत हमारे राज भरत न पावैंगे ॥ ७८ वाणन विदारि  
सैन सकल संहारौं अवै गहिकै कृपाण तात मात दुहुँ मारौं मै॥ भरत  
समेत शत्रुशाल दलिडारौं वेगि केकय नरेशको सुदेशतें निकारौं मै॥  
सुर नर नाग करैं कोऊ शत्रु पक्ष तिनैं करिकै विपक्ष तिहुँ लोकते  
उजारौं मै॥ रसिकविहारी होय आयसु तिहारी नेक फेरि वर वीरनकी  
वीरता निहारौं मै ॥ ७९ ॥

दोहा—पुनि बोले रघुवर लपण, उर आनौ अब तोप ॥

रोप विवश अनुचित किये, होत अयश अरु दोष ॥

कही लपण सुनि नाथ हौं, सत्य कहौं यह बात ॥ ८० ॥

राज लीजिये कैसहु, कछू न दोष लगात ॥ ८१ ॥

धनाक्षरी कवित्त ।

छलमें न दोष कलबलमें न दोष मंत्रतंत्रमें न दोष विष धंत्रमें न दोष है ॥  
तातके न मारे दोष मातके न मारे दोष भ्रातके न मारे दोष दोषमें न  
दोष है ॥ मित्र पुत्र कुटुम कलत्रके न मारे दोष धर्मकर्म सकल निवार  
हू न दोष है ॥ रसिकविहारी काज साधौ रघुराज राज-राज राज  
लेवै हेत काहुँ न दोष है ॥ ८२ ॥ एक नृप घालें तौं अनेक नृप  
पालें एक भ्रातहि नशावै बहु भ्रातन वसावैंगे ॥ एक मात मारि  
तो अनेक मात ज्यावै एक अयश उठावै तो अनेक यश पावैंगे ॥

रसिकविहारी नेक न्यायते विचारौ नाथ रीति राखेको हम काह स-  
मुझावेंगे ॥ धरम जिते हैं तिते पातक न यामें जो न दोऊ तो समा-  
न पाप पुण्य होय जावेंगे ॥ ८३ ॥

दोहा—यों कहि बोले लपण पुनि, राम चरण शिरनाथ ॥

नाथ दोष जनि कीजिये, दीजेमोहिं रजाय ॥ ८४ ॥

धनाक्षरी कवित्त ।

धर्म नहिं जानौं औ अधर्म नहिं जानौं रंच सत्य नहिं जानौं औ  
असत्य नहिं जानौं हौं ॥ तातको न जानौं मात भ्रातको न जानौं गु-  
रु ज्ञातिको न जानौं जात पातको न जानौं हौं ॥ देवको न जानौं औ  
अदेवको न जानौं लेव देवको न जानौं सेव भेवको न जानौं हौं ॥  
रसिकविहारी करौं शपथ तिहारी नाथ हौं तौ एक रावरी रजाय दृढ़  
जानौं हौं ॥ ८५ ॥

दोहा—योंहिं अमित प्रकार बहु, कही लपण रिसठान ॥

बाल्मीकि आदिक विविध, ग्रंथन माहिं प्रमान ॥ ८६ ॥

प्रमाण ॥ बाल्मीकीये ज्योध्याकांडे ॥ सर्ग ॥ २१ ॥

श्लोक ।

यावदेव न जानाति कश्चिदर्थमिमं नरः ॥ तावदेव मया सार्द्धमा-  
त्मस्थं कुरु शासनम् ॥ १ ॥ मया पार्श्वे सधनुषा तव गुप्तस्य राघवा ॥  
कः समर्थोऽधिकं कर्तुं कृतांतस्येव तिष्ठतः ॥ २ ॥ निर्मनुष्यामिमां  
सर्वांमयोध्यां मनुजर्षभ ॥ करिष्यामि शरैस्तीक्ष्णैर्यदि स्थास्यति  
विप्रिये ॥ ३ ॥ भरतस्याथ पक्ष्योवायो वास्य हितमिच्छति ॥ सर्वास्तां-  
श्च वधिष्यामि मृदुहिं परिभूयते ॥ ४ ॥ प्रोत्साहितोयं कैकेय्या संतु-  
ष्टो यदि नः पिता ॥ अमित्रभूतो निःसंगं वध्यतां वध्यतामपि ॥  
५ ॥ गुरोरप्यवलितस्य कार्याकार्यमजानतः ॥ उत्पथं प्रतिपन्नस्य  
कार्यं भवति शासनम् ॥ ६ ॥ हनिष्ये पितरं वृद्धं कैकेय्यासक्त  
मानसम् ॥ कृपणं च स्थितं बाल्ये वृद्धभावेन गर्हितम् ॥ ७ ॥

पुनः ॥ तत्रैव ॥ सर्ग ॥ २३ ॥

धर्म दोषप्रसंगेन लोकस्यानतिशंकया ॥ कथं द्येतदसंभ्रांतस्त्व-  
द्विषोवक्तुं महीति ॥ ८ ॥ यथा द्येवमशोदीरं शोदीरं क्षत्रियर्षभ ॥

किं नाम कृपणं दैवमशक्तमभिशाससि ॥ ९ ॥ पापयोस्ते  
 नाम तयोः शंका न विद्यते ॥ संति धर्मोपधासक्ता धर्मात्मन् वि  
 बुध्यसे ॥ १० ॥ कथं त्वं कर्मणाशक्तः कैकेयीवशवर्तिन  
 करिष्यति पितुर्वाक्यमधर्मिष्ठं विगर्हितम् ॥ ११ ॥ द्रक्ष्यंति त्व  
 वस्य पौरुषं पुरुषस्य च ॥ दैवमानुषयोरद्यव्यक्ताव्यक्तिर्भविष्यति  
 ॥ १२ ॥ अद्य मे पौरुषं हतं दैवं द्रक्ष्यंति वै जनाः ॥ यैर्देवांदाहतं  
 दृष्टं राज्याभिषेचनम् ॥ १३ ॥ लोकपालाः समस्तास्ते नाद्य रा  
 भिषेचनम् ॥ न च कृष्णास्त्रयो लोकाविहन्तुः किं पुनः पिता ॥ १४ ॥  
 मद्भलेन विरुद्धाय न स्यादैवबलं तथा ॥ प्रभविष्यति दुःखाय य  
 पौरुषं मम ॥ १५ ॥ न शोभार्था विमौ वाहू न धनुर्भूषणाय मे ॥ न वि  
 वंधनार्थाय न शराः स्तंभहेतवः ॥ १६ ॥ अमित्रमथनाथ  
 सर्वमेतच्चतुष्टयम् ॥ न चाहं कामयेत्यर्थं यः स्याच्छत्रुर्मतो मम  
 ॥ १७ ॥ बहुभिश्चैकमत्यस्य नैकेन च बहून् जनान् ॥ विनियोक्ष  
 म्यहं वाणान्तृवाजिगजमर्मसु ॥ १८ ॥ अद्य मेस्त्रप्रभाव  
 प्रभावः प्रभविष्यति ॥ राज्ञश्चाप्रभुतां कर्तुं प्रभुत्वं च तव प्रभो ॥ १९ ॥  
 अद्य चंदनसारस्य केयूरामोक्षणस्य च ॥ वसूनां च विमोक्षस्य सु  
 पालनस्य च ॥ २० ॥ अनुरूपाविमौ वाहू राम कर्म करिष्यत  
 आभिषेचनविघ्नस्य कर्तृणां ते निवारणे ॥ २१ ॥ इत्यादि

दोहा—लपण वचन सुनिक्क कही, धर्मधुरंधर राम ॥

पातक लागे वंधु जिहि, करिय नहीं सो काम ॥ ८७ ॥

निज कीनी कष्ट होत नहीं, देव करी सब होय ॥

याते सोई सत्यह, प्रबल देव रुचि जोय ॥ ८८ ॥

सुनन राम वाणी भये, लपण नैन दुहुँ लाल ॥

भौंदे बंक फटके अथर, बोले वैन उताल ॥ ८९ ॥

पातक देव दुहुँनकी, बड़ी नाथकी भीति ॥

वाग्वा मोट कटन, यद न वीरकी गीति ॥ ९० ॥

बहुरि दैव को है कहाँ, कीजे वेगि बखान ॥ ९१ ॥  
 कै इत दुहुँन बुलाइये, कै बताइये धाम ॥  
 हौं तिनते धनुवाणलै, करौं जाय संग्राम ॥ ९२ ॥  
 बली दैव है अवल पै, करै रुचै तिहि सोय ॥  
 सबल सामुहे दैवको, जात सकल बल खोय ॥ ९३ ॥  
 रामदासकी दासता, दैव दैवता जोय ॥  
 अधिक न्यून सम होय सो, आज लखैसब कोय ॥ ९४ ॥  
 हौं निज बलते नाथको, करौं राज अभिषेक ॥  
 फेरि लखाँ बलवान है, आवैं दैव अनेक ॥ ९५ ॥  
 धनु शर शोभा बाहुबल सफल करौं मैं आज ॥  
 दैव भरत नृपके अछत, नाथ होय युवराज ॥ ९६ ॥  
 तात भ्रात कह दैव कह, कहा धर्म कह पाप ॥  
 तृण सनान जानो इनैं, इक रावरे प्रताप ॥ ९७ ॥  
 यौं कहि धनु शर साजिके, माथ रामपद टेक ॥  
 कही हाथ गहि चलिय हौं, करौं राज अभिषेक ॥ ९८ ॥  
 राम मात सिय हिय रुचे, लपण वचन तिहि काल ॥  
 धर्मधुरंधर राम तब, बोले अतिहि उताल ॥ ९९ ॥  
 लपण कही तुम प्रथम हम, जानैं नाथ रजाय ॥  
 तौ मम आयसु है यही, रोप तजौं सब भाय ॥ १०० ॥  
 लछमन राम रजाय सुनि, मान रहे शिरनाय ॥  
 नवित वारि दुहुँ ननते, पुनि बोले अकुलाय ॥ १०१ ॥  
 लाभ हानि सुख दुख समय, कीजे हृदय विचार ॥  
 बहुरि रजायसु दीजिये, लखि सब सारासार ॥ १०२ ॥  
 चौ०—बंधु विनय सुनि पुनि रघुनाथा ॥ वरणे विविध धर्म यश गाथा ॥  
 कही लपण करगहि बरवानी ॥ तजौं रोप मम आयसु मानी ॥ १०३ ॥  
 सुनि बोले लछमन करजोरी ॥ भलहि नाथ पुनि विनती मोरी ॥  
 दाह वन चलि हौं तुव साथ ॥ न तरु प्राण तजिहौं रघुनाथा ॥ १०४ ॥  
 तब रघुवर बहु विधि समुझाये ॥ लपण हृदय कछु वचन न आवे ॥



किं नाम कृपणं देवमशक्तमभिशासति ॥ १ ॥ पापयोस्ते कथं  
 नाम तयोः शंका न विद्यते ॥ सन्ति धर्मोपधासजा धर्मान्मनः किं न  
 बुध्यसे ॥ १० ॥ कथं त्वं कर्मणाशक्तः केकेयावशवातिनः ॥  
 करिष्यति पितुर्वाक्यमथमिष्टं विगर्हितम् ॥ ११ ॥ द्रक्ष्यति त्वद्यदे-  
 वस्य पौरुषं पुरुषस्य च ॥ देवमानुषयोश्चान्यत्कान्यक्तिर्भविष्यति ॥  
 ॥ १२ ॥ अद्य मे पौरुषं हन्तं देवं द्रक्ष्यति वै जनाः ॥ यदेवं द्राह्मं तद्य-  
 दृष्टं राज्याभिषेचनम् ॥ १३ ॥ लोकपालाः समस्तास्ते नाद्यं गन्त-  
 म्भिषेचनम् ॥ न च कृष्णास्त्रयो लोकाविहन्त्युः किं पुनः पिता ॥ १४ ॥  
 नद्वलेन विरुद्धाय न स्याद्देववलं तथा ॥ प्रभविष्यति दुःखाय दयार्थं  
 पौरुषं ननः ॥ १५ ॥ न शोभायां विमो वाहू न धनुर्नूपगाय मे ॥ न शिर-  
 वंधनार्थाय न शङ्कः स्तम्भहेतवः ॥ १६ ॥ अनिघ्नमयनायाय  
 सर्वमेतच्चतुष्टयम् ॥ न चाहं कानयेत्यर्थं यः स्याच्छत्रुनेतो ननः ॥  
 ॥ १७ ॥ बहुभिश्चैकमत्यस्य नेकेन च बहुन् जनाम् ॥ विनियोज्य-  
 म्यहं बाणान्नुवाजिगजमर्से ॥ १८ ॥ अद्य नेत्रप्रभावस्य  
 प्रभावः प्रभविष्यति ॥ गृह्णन्वाप्रभुतां कर्तुं प्रभुत्वं च तत्र प्रनो ॥ १९ ॥  
 अद्य चंदनसारस्य केयूरानोक्षगत्य च ॥ वसुनां च विनोक्षत्य सुहृ-  
 पालनस्य च ॥ २० ॥ अतुहपाविमो वाहू राम कर्म करिष्यन् ॥  
 आभिषेचनविघ्नस्य कर्तृणां ते निवारणे ॥ २१ ॥ इत्यादि ॥

बोहा-लपण वचन सुनिके कहो, धर्मदुर्गंधर राम ॥

पातक लागै वंधु जिहि, करिय नहो सो कान ॥ ८७ ॥

निज कीनी कष्ट होत नहि, देव करी सब होय ॥

याते सोई सत्यहै, प्रहल देव रुचि जोय ॥ ८८ ॥

सुनत राम वानी नये, लपन नन दुहुँ लाल ॥

मोह वैकु फरके अवर, बोले बैन उताल ॥ ८९ ॥

यानक देव दुहुँनकी, बड़ी नायकी मोति ॥

वारक सोई कहत, यह न वीरकी गति ॥ ९० ॥

बहुरि दैव को है कहाँ, कीजे वेगि बखान ॥ ९१ ॥

कै इत दुहुँन बुलाइये, कै बताइये धाम ॥

हौं तिनते धनुवाणलै, करौं जाय संग्राम ॥ ९२ ॥

बली दैव है अवल पै, करै रुचै तिहि सोय ॥

सबल सामुहे दैवको, जात सकल बल खोय ॥ ९३ ॥

रामदासकी दासता, दैव दैवता जोय ॥

अधिक न्यून सम होय सो, आज लखैसब कोय ॥ ९४ ॥

हौ निज बलते नाथको, करौं राज अभिषेक ॥

फेरि लखौं बलवान है, आवैं दैव अनेक ॥ ९५ ॥

धनु शर शोभा बाहुबल सफल करौं मैं आज ॥

दैव भरत नृपके अछत, नाथ होय युवराज ॥ ९६ ॥

तात भ्रात कह दैव कह, कहा धर्म कह पाप ॥

तृण सनान जानो इन्हें, इक राखे प्रताप ॥ ९७ ॥

यौं कहि धनु शर साजिके, माथ रामपद टेक ॥

कही हाथ गहि चलिय हौ, करौं राज अभिषेक ॥ ९८ ॥

राम मात सिय हिय रुचे, लपण वचन तिहि काल ॥

धर्मधुरंधर राम तव, बोले अतिहि उताल ॥ ९९ ॥

लपण कही तुम प्रथम हम, जानैं नाथ रजाय ॥

तौ मम आयसु है यही, रोप तजौ सब भाय ॥ १०० ॥

लछमन राम रजाय सुनि, मौन रहे शिरनाय ॥

स्रवित वारि दुहुँ नैनते, पुनि बोले अकुलाय ॥ १०१ ॥

लाभ हानि सुख दुख समय, कीजे हृदय विचार ॥

बहुरि रजायसु दीजिये, लखि सब सारासार ॥ १०२ ॥

चौ०—बंधु विनय सुनि पुनि रघुनाथा ॥ वरणे विविध धर्म यश गाथा ॥

कही लपण करगहि बरवानी ॥ तजौ रोप मम आयसु मानी ॥ १०३ ॥

सुनि बोले लछमन करजोरी ॥ भलहि नाथ पुनि विनती मोरी ॥

रोहुँ वन चलि हौं तुव साथी ॥ न तरु प्राण तजिहौं ।

तव रघुवर बटु विधि समुझाये ॥

रामबंधु जियकी गति जानी \* कही चलौ धनुशर गहि पानी १०५  
 सुनि सौमित्र अधिक हुलसाये \* मोदभरे जननी ढिग आये ॥  
 माँगी विदा चरण शिरनाई \* हरपि सुमित्रा दई रजाई ॥ १०६ ॥  
 अंक लगाय कही बलि ताता \* राम सीय तुव दुहुँ पितु माता ॥  
 जाहु संग सेवौ सतभाये \* सुनि शिर नाय लपण उठि धाये १०७  
 देवरचित धनुशर असि धारे \* तूण त्रान वर विशद अपारे ॥  
 विपिन गमन हित हिय हुलसायो \* आय रामपद शीश नवायो १०८  
 ताछिन भयो कुलाहल भारी \* नृपतिय आय जुरी तहँ सारी ॥  
 तव रघुवीर मात पग लागी \* विपिन गमन हित आयसु माँगी १०९  
 धर्म धुरीण सुतहि जिय जानी \* बोली विकल कौशला रानी ॥  
 जाहु तात मुहिं भूलि नजैयो \* वेगि आय फिर वदन दिखैयो ११० ॥  
 यौं कहि मात गोद सुत लीने \* पढि रक्षा अभिमंत्रित कीने ॥  
 करि अग्रानशीश अकुलाई \* आयसु दई सुअंक लगाई ॥ १११ ॥  
 येही विधि सिय लपणहिं रानी \* करि अभिमंत्रित रक्षा ठानी ॥  
 उर लगाय बहु कियो विलापा \* दई रजाय सहित संतापा ११२ ॥  
 दोहा—सिय सासुनके पग परी, दीनी सबहि अशीश ॥

सुखसुत वित अहिवातयुत, जीवो विपुल वरीश ॥ ११३ ॥  
 चौ० सकल सियहि निज अंक लगाई \* विलपीं नैन नीर अन्हवाई ॥  
 सीतहि मिलीं सखी पुरनारी \* रोवैं सब तिय निपट दुखारी ११४  
 दोहा—इहि विधि सिय रघुवर लपण, सहित सकल रनिवास ॥  
 करुणा प्रेम वियोग वश, निज निज होय हिरास ॥ ११५ ॥  
 मातु सुमित्रा कौशला, विकल भई जिहि भांति ॥  
 ताछिन जो गति दुहुँनकी, सो कछु कही न जाति ॥ ११६ ॥  
 तव रघुवीर सुधीर धरि, लछमन सीय समेत ॥  
 सकल मातु पग नाय शिर, आये द्वार निकेत ॥ ११७ ॥  
 चहुँ दिशि कौशल नगरमें, मचो रुदनको शोर ॥  
 दुखी भये सिय सहित सुनि, दोऊ राज किशोर ॥ ११८ ॥  
 सखा वृन्द ताही ममें, विपिन गमनको हाल ॥  
 सुनि विलपन धाये सर्व, आये अनिदि उताल ॥ ११९ ॥

तिनहि निरखि दुहुँ बंधुवर, भारि आये जलनैन ॥  
 सो सबही लपटाय उर, कहे नेहमय वैन ॥ १२० ॥  
 भोजन वसन विनोद मुद, संग भये सब काज ॥  
 जात अकेले विपिनको, यह न उचित रघुराज ॥ १२१ ॥  
 चलैं संग सब रावरे, अवधरहैं किहि काम ॥  
 तुम विन प्राण न मानि हैं, याते तजौ न श्याम ॥ १२२ ॥  
 सुनि सखानके वैन वर, करि सनेह रघुवीर ॥  
 नीति रीति बहु भाँति कहि, तिनहि देत बहु धीर ॥ १२३ ॥  
 ते सब विरह विहाल है, कहन लगे रघुराय ॥  
 भये निठुर इमि मीत किमि, गमनतहाय विहाय ॥ १२४ ॥

पनाहरी फवित्त ।

का करें समाधि साधि का करें विराग याग का करें अनेक योग  
 भोगहूँ करि सुकाह ॥ का करें समस्त वेद शास्त्र औ पुराण देख कोटि  
 जन्मलौ पढ़ि मिले तऊ कछु न थाह ॥ राज्यलै कहा करें सुरेश औ  
 नरेश है न चाहिये कछु सुदुःख होत लोक लांज माह ॥ सात द्वीप  
 खंड नौ तिलोक संपदा अपारलै कहा सुकीजिये मिलौ जु आप  
 सीयनाह ॥ १२५ ॥ हम सब तुव मुख लखि मुदित रहत निशि  
 दिन छिन तजि नहि पलक परत ॥ विन दर्शन तन मन थिर न  
 रहत छवि निरखत हठि दृग अरनि अरत ॥ कवहुँक जब ललन  
 तनक विलगत तव यक धरि बहु युग सरिस भरत ॥ नित हिलत  
 मिलत धरि दुहुँ गल भुज तिहि सनमुख सब जग मुख निदरत  
 ॥ १२६ ॥ लागी उर विषम वियोगकी जु आगी अति जागी ताहि  
 नीर ते सँयोगके सिराइयो ॥ हीय ना धरँगो धीर वादी है अपार  
 पीर लाल रघुवीर नक दाया चित लाइयो ॥ रसिक विहागी दीन  
 छान रावरे विहीन सुरति करी जो श्याम विमरि न जाइयो ॥  
 ये हो रघुनंदन सुजान प्राणप्यारे मीत वेगही दमागी जियजगनि  
 बुझाइयो ॥ १२७ ॥ साँह करि भाँपे कोट प्राण नहि गखैं जोपे  
 लाहिले सलोनै चार तुम विमगयहो ॥ कोइ ना लखाय चा

कलेशको हरैया लाल सकल सखान एक जीवन उपायहौ ॥  
 तनमन प्राणनकी ताप तब दूर हैहै जब निज आनन  
 मयंक दरशाय हौ ॥ ये हो रघुनंदन पियारे मति सांची  
 कहौ कव या हमारी जियजरनि बुझायहौ ॥ १२८ ॥

दोहा—सखा वृन्द इहि विधि विकल, विलपत विरह विहाल ॥  
 कर जोरत पग परत कहि, तजौ नहीं रघुलाल ॥ १२९ ॥  
 बालसखनकी प्रीतवश, विवश भये रघुवीर ॥  
 धाय धाय सब अंक गहि, मिलत चलत दृग नीरा ॥ १३० ॥  
 लखि सखानकी विकलता, रघुवर भये अधीर ॥  
 पुनि कुसमय अनुमानिकै, उर धारी कछु धीर ॥ १३१ ॥  
 उर लगाय समुझाय बहु, सबही धीर धराय ॥  
 पुनि पितु ढिग सिय लपण युत, बेगि चले रघुराय ॥ १३२ ॥  
 पिता निकट सिय लपण युत, जात पयादे राम ॥  
 सो विलोकि विलखात सब, कहैं आज विधि वाम ॥ १३३ ॥  
 पुरवासी नर नारि सब, वृद्ध युवा अरु बाल ॥  
 रुदन करत धाये विकल, आये अतिहि विहाल ॥ १३४ ॥  
 भई भीर भारी तबै, राजसदन चहुँ ओर ॥  
 हाय राम सिय लपण यह, रुदन शोर अति घोर ॥ १३५ ॥  
 ताछिन सीता लपण युत, राम गये पितु पास ॥  
 करि प्रणाम पितु चरण गहि, बोले सहित हुलास ॥ १३६ ॥  
 तात मोहिँ अब गमनकी, दीजे बेगि रजाय ॥  
 वन मनु वर्ष वितायकै, लग्नां चरण पुनि आय ॥ १३७ ॥  
 सुनत गमके वचन नृप, उठे अतिहि अकुलाय ॥  
 पुत्र बहू युत पुत्र दुहुँ, लिये गोद बैठाय ॥ १३८ ॥  
 लपण सीय पुर रुदन हित, कहे भूप बहु वन ॥  
 रुन्य लखि जानी राम बिन, ये दुहुँ भौन रहन ॥ १३९ ॥  
 नो गुनि दशम्य नेह वश, निकल गिरे मुझाय ॥  
 हाय गम नियलपगन शमि, कहैं विपुल विलपाय ॥ १४० ॥

सो गति निरखि कृपालु की, भये सुमंत विहाल ॥

कैकेयी प्राति वचन पुनि, कहै कुपित दृग लाल ॥१४१॥

चरवा छंद ।

केकयसुता विचारौ अवहूँ वात । न तरु छनकमह सबको सवै  
नशात ॥ १४२ ॥ कछू न उत्तर दीनो सो सुनि रानि । सचिव  
कही तब भूपहि हित मय वानि ॥ १४३ ॥ महाराज यह रानी  
अति मतिहीन । तिहि भूले वर दीने नाथ प्रवीन ॥ १४४ ॥ याते  
पुनि प्रभु कीजे हृदय विचार । दूजे वर इहि दीजे राज उदार ॥  
॥ १४५ ॥ साम दाम अरु भेद सुदंड उपाय । उचित नृपहि ये  
चारी नीति कहाय ॥ १४६ ॥

पदरी छंद ।

यौं कहि सुमंत दुहुँ हाथ जोरि । बोले सहेत वाणी बहोरि ॥  
तिहुँ लोक नीति ज्ञाता प्रधान कोऊ न और है प्रभु समान ॥१४७॥  
तजिके कलेश उर धारि धीरा कीजे सुयव जिहि मिटहि पीरा ॥  
कीनी न रानि यह नवल वात । लक्षण परंपरा नहिं मिटात ॥१४८॥  
लक्षण जुहोत हैं तात गात । सो प्रगट पुत्र तनु में जनात ॥  
त्यो मात चिह्न पुत्रिहु मझारा होवैं सुठौर बहु किय विचार ॥१४९॥  
उत रानिमात ज्यों कीन वात । त्योही प्रत्यक्ष इत सब जनात ॥  
वह कहाँ सकल सुनिये सुदेश । जो भयो हाल केकय नरेश ॥१५०॥  
केकय महीप अति मति प्रवीन । मुनि तिनै एक वरदान दीन ॥  
जैते सुजीव जग लघु विशालाभाषा सबकी समझै नृपाल ॥१५१॥  
इक समय भूप रानी समेत । निशि मध्य मुदित शोभित निकेत ॥  
तहँ द्विपीलिका निरखि रात ॥ कीनी प्रसन्न है कछुक वात ॥१५२॥  
सो समुझि भूप है अति अनंद ॥ विहँसे कछुक बहु मंद मंद ॥  
लखि नृपहि हँसत बोली सुरानि ॥ क्यों हँसे योगि दीजे वात्सानि ॥१५३॥  
सुनि कहो भूप यह अकथ भेद ॥ जो कहाँ होय तनु हानि खेद ॥  
बोली सुरानि तब कुपित होय ॥ हौं अत्रहिं देति निज प्राण न्याय ॥१५४॥  
हारे महीप बहु विधि बुझाय ॥ मान न नारि काहू उपाय ॥  
पुनि कही भूप यामें न तंत ॥ आपन सुहोय मम प्राण अंत ॥१५५॥

सुनि बैन रानि बोली रिसाय ॥ तुव प्राण जायँ अथवा रहाय ॥  
 इहि समै मोहिं कछु नहिं सुहात ॥ दीजे बताय वेगे सुवात ॥ १५६ ॥  
 तव विवश भूप है अति अधीर ॥ बोले घरीकद्वे धरहु धीर ॥  
 अवहीं सुद्वार लगजाय आय ॥ पुनि भेद देहुँ वह सब बताय ॥ १५७ ॥  
 यौं कहि नरेश द्रुत द्वार आय ॥ गवने तुरंग वेगाहि सजाय ॥  
 सुनि पास जाय व्याकुल नृपाल ॥ पद बंदि कहो निज सकल हाल ॥ १५८ ॥  
 मुनि सुनि समस्त बोले सुबेन ॥ विन दिये दंड तिय जिय तजैन ॥  
 याते महीप गृह वेगि जाय ॥ ताडो डराय आपहि चुपाय ॥ १५९ ॥  
 मुनि वचन मानिकै मनुजनाथ ॥ आये सुभौन लैकसहि हाथ ॥  
 बोले तियाहि सुनि लेहु भेद ॥ आई उताल तजि सकल खेद ॥ १६० ॥  
 पुनि कसा हेरि कर भीति मानि ॥ बहु विनै कीन तिय जोरि पानि ॥  
 तब भूप मष्ट करि प्रातकाल ॥ दीनी पठाय पितु गृह उताल ॥ १६१ ॥  
 पुनि तिहि न भूप स्वीकार कीन ॥ केकयनरेश तिय त्यागि दीन ॥  
 यौं कहि सुमंत रानिहि बहोरि ॥ बोले सुसीख यह सुनहु मोरि ॥ १६२ ॥  
 हठ सकल छोड़ि वर और लेहु ॥ सब हीय अमित आनंद देहु ॥  
 नातर कछुक जो करहु आन ॥ तौ सुगति होय जननी समान ॥ १६३ ॥

दोहा—सुनि सुमंत के वचन बहु, मनही मन रिस छाय ॥

उत्तर दियो न रंच कछु, हेरी नैन चढाय ॥ १६४ ॥

पुनि सुमंत महिपाल सों, बोले बैन गँभीर ॥

नाथ तिया जानें नहीं, नेक पराई पीर ॥ १६५ ॥

जिहि विधि केकय भूपसों, हठकीनी वह नारि ॥

भरत मात सोई करी, लीजे हीय विचारि ॥ १६६ ॥

सुनि वर वचन सुमंतके, नृपहिय रुचे सुदेश ॥

हाय राम कहि चुपरहे, धर्मपाल अवधेश ॥ १६७ ॥

तव रघुवर कर जोरि पुनि, बोले हिय हुलसाय ॥

हौं उताल वन जाउँ अब, दीजे तात रजाय ॥ १६८ ॥

राम वचन सुनि अवध पति, मौन रहे अकुलाय ॥

सिया सहित दुहुँ बंधुको, लीने हृदय लगाय ॥ १६९ ॥

निरखि भूप गति कैकयी, उठो कुपित झहराय ॥

वेगि लाय मुनि साज सब, धरो राम ढिग आय ॥ १७० ॥

चौ०—तव रघुवीर साज मुनि सारे ❀ तूण कृपाण वाण धनुधारे ॥  
गहि पितु मातु चरण रघुनाथा ❀ चले मुदित सिय लछमन साथा ॥  
झार पधारि सुयज्ञ बुलाये ❀ दिये दान बहु द्विजन सुहाये ॥  
पुनि चोले करगहि रघुवीरा ❀ गुरु वशिष्ठ सुत तुम मतिधीरा ॥  
ये मम सखा प्राण ते प्यारे ❀ हों इन क्रिये अर्धान तिहारे ॥  
मुनि सुयज्ञ बोले दृढ़ जानौं ❀ मैं नित लपण सरिस सब मानौं ॥  
मुनि सुयज्ञ वाणी रघुराई ❀ लिये प्रेम भरि अंक लगाई ॥  
ताछिन भयो शोर चहुं भारी ❀ राम चले सब कहैं पुकारी १७१  
राम गमन लखि नृप अकुलाई ❀ सचिवहि कहे वचन बिलपाई ॥  
स्यंदन साजि तिहूँ बैठारौ ❀ राम संग तुम वेगि सिधारौ १७२  
मुनि नृप वचन सुमंत सिधाये ❀ रथ सजि वेगि राम ढिग लाये ॥  
तब तिहूँ गुरु द्विजपद शिर नाई ❀ स्यंदन चढ़े रजाय सुपाई १७३  
चले राम संग पुर नर नारी ❀ आरत रुदन शोर चहुं भारी ॥  
ताछिन अवध नगर कर शोका ❀ सो जन जनि जिन अवलोका १७४

पनाक्षरी कवित ।

पाय पितु आयसु बनाय वेप तापसको बंधु सिय संग राम वन-  
हि सिधारें हैं ॥ ताछिन भो विरह बिलापको कलाप महा जेते जड़  
चेतन ते जातना निहारें हैं ॥ भये हैं बिहाल सिय रामके वियोग स  
व सगसिज वृन्द मृत मानो हिममोर हैं ॥ रसिकविहारी नृप कांशला  
सुमित्रा आदि बोलत विकल हाय प्यारे हाय प्यारे हैं ॥ १७८ ॥

दोहा—मात सुमित्रा कांशला, सहित सकल रीनवास ॥

विरह विकल बिलपत विपुल, नमुझि राम वनवास ॥ १७९ ॥

गद गद गर जलनैन भनि, कहति सुमित्रा वन ॥

अनि कटोरे मेरो हियो, ऐसहु दुख फटै न ॥ १८० ॥



चित्र लिखे कपि देखिकै, जो सिय भौन डराति ॥  
 पुत्र वधू प्यारी सु क्यौं, वन वसिहैं दिन राति ॥ १८१ ॥  
 पलंग गोद ताजि पालना, डगहू अनत न जात ॥  
 ते मेरे वारे सुक्यौं, सहिहैं आतप वात ॥ १८२ ॥  
 कहति सुमित्रा नैन भरि, विकल वचन ह्वै दीन ॥  
 हाय कुटिल मति कैकयी, अवध अनाथ जुकीन ॥ १८३ ॥  
 रे विधि लेत न प्राण क्यौं, कहा कहाँ अब तोहि ॥  
 राम लपण वन जात सखि, जियत रही धृग मोहि ॥ १८४ ॥  
 खग मृग गो गज बाजि सब, विलपत राम विहीन ॥  
 जे जड चेतन ते भये, विरह विवश बहुछीन ॥ १८५ ॥  
 कनक पिंजरनमें कहैं, शुक सारिका बिहाल ॥  
 करै राम सिय लपण बिन, को हमरो प्रतिपाल ॥ १८६ ॥  
 सो—इहि विधि इत सब मात, दासी दास अनेक युत ॥  
 राम विरह विलपात, अरु नृप दुख को कहि सकै ॥ १८७ ॥  
 उत रघुवर रथ साथ, चले जात नर नारि बहु ॥  
 भो अव अवध अनाथ, कहत रुदत इमि विकल सब ॥ १८८ ॥  
 तब पुरवासिन राम, समुझाये बहु धीर दै ॥  
 काहु सुहाय न धाम, रहैं संग सब दृढ़ ठनी ॥ १८९ ॥  
 तमसातट विश्राम, प्रथम दिवस रघुवर कियो ॥  
 निरखि रैनि युग ग्राम, गे रथ खोज दुराय तब ॥ १९० ॥  
 प्रात उठे नर नारि, रथ न लखो विलपैं विकल ॥  
 आरत वचन पुकारि, आये सकल सशोक पुर ॥ १९१ ॥  
 गंगातीर सुठाम, शृंगवेर पुर विमल थल ॥  
 सचिव लपण सिय राम, द्वितिय वास कीनो तहाँ ॥ १९२ ॥  
 कुल निपाद गुहनाम, राम सुखा आयो निरखि ॥  
 अंकलाय घनश्याम, मिले ताहि सादर मुदित ॥ १९३ ॥  
 लपण सचिव सहलास, उठि निपादपतिसों मिले ॥  
 सो सब कियो सुपास, सकल रहे सो रैनि तहैं ॥ १९४ ॥  
 प्रात कही रघुगय, तात जाहु रथल अवध ॥  
 सुनि सुमंत विलपाय, बोलै वचन विनात अति ॥ १९५ ॥

चौ०-सुहिंइमि नृप सिख दीनघनेरी ❀ वन दिखाय तिहुँ लावहु फेरी॥  
 सो पितु वचन मानि रघुनाथा अवध चलौ सिय लछमन साथा १९६  
 सचिव वचन सुनिकै रघुराई ❀ धर्मरीति बहु नीति दुझाई ॥  
 तब सुमंत है निपट निरासा ❀ बोले वहुरि दीह लै श्वासा १९७॥  
 भूपति यहू कही बहुवारी ❀ जौ न राम आवैं प्रणवारी ॥  
 तौ इत आनौ जनकदुलारी ❀ न तरु तजौ तनु निपट दुखारी १९८॥  
 सुनि सुमंत मुख तात रजाई ❀ राम जानकिहि बहु समझाई ॥  
 तब सिय कह मम दृढ़ प्रण येही ❀ चलौ साथ कै तजौ सुदेही १९९  
 ताछिन लपण पितहि कटुवानी ❀ कही अमित रिसपुनि उर आनी॥  
 बंधुहि वरजि सचिव सन वाता ❀ कही राम कहियो जिन ताता २००  
 फिरहि न कोउ सचिव दृढ़ जानी ❀ भयो विहाल कटु नहि वानी ॥  
 मिलि तिहुँ कहि मृदु वचन घनेरे ❀ धीरज है सुमंत पुर फेरे २०१॥  
 तब निपाद रघुवर रुखपाई ❀ तिहुँ पद धोय नाव बेठाई ॥  
 अति अनंद युत पार उतारी ❀ पुनि गमनो निजभवन सुखारी २०२  
 दोहा—इत रघुवर सिय लपण तिहुँ, सुरसरि मुदित अन्हाय ॥

नित्यकृत्य कीने सकल, समय सरिस विधि भाया ॥ २०३ ॥  
 तब गंगाहि कर जोरि कै, करी विने बहु सीय ॥

कही कुशल युत दीजियो, बेगि दश रमणीय ॥ २०४ ॥  
 गंग देवि हौं पूजिहौं, सविध विपिन ते आय ॥

मद आमिष पय अन्न फल, संयुत सुमन चढाय ॥ २०५ ॥  
 यैहौं सिय सुरसरि विनय, कीनी सहित उमंग ॥  
 गमन कियो शिरनाय तिहुँ, राम लपण सिय संग २०६ ॥

प्र० घात्मीकीय अयोध्याकांडे सर्ग ॥ ५५ ॥ श्लोक ।

सुरावट सहस्रेण मांसभूतोदनेन च ॥

यक्ष्ये त्वां प्रीयतां देवि पुरो पुनरुपागताम् ॥ २२ ॥

दोहा—इहि प्रकार सिय लपण युत, रघुनंदन सुखभौन ॥

तापसवेष वनायकै, कानन कीनो गोन ॥ २०७ ॥

इति श्री० रा० २० वि० वि० श्रीरामवनगमन

वर्णनो नाम प्रथमो विभागः ॥ १ ॥

दोहा—रघुनंदन सिय बंधु युत, कीने तापसवेश ॥

चले मुदित गाहि विपिन मग, रंच न हृद कलेश ॥ १ ॥

मंगवासी रामहि मिलें, ते लखि होहि अधीर ॥

कहैं कहाँके कौन ये, श्याम गौर दुहुँ वीर ॥ २ ॥

सुनैं जवै वन गमन तब, अधिक हिये विल खाय ॥

कहैं चलैं हम रावरे, संग जु होय रजाय ॥ ३ ॥

कोऊ रघुवर संगही, होत प्रेम वश धाय ॥

फेरे फिरैं न कहत हैं, हम मग देहिं वताय ॥ ४ ॥

कोल भील सिय राम, हित, लावत भेट अपार ॥

कंद मूल फल फूल अरु, खग मृग मीन सिकार ॥ ५ ॥

तिन सराहि सनमानहीं, कहि रघुवरवर बैन ॥

सो सुनि सब सुख पावहीं, छवि निरखैं भरिनैन ॥ ६ ॥

कछुक दूर सँग जात हैं, कानन पंथ वताय ॥

फिरत नहीं रघुवंश मणि, तिन फेरत वारियाय ॥ ७ ॥

याही विधि रघुवंश मणि, सीता लपण समेत ॥

प्रमुदित कानन जातहैं, मगवासिन सुख देत ॥ ८ ॥

राजकुँवर फिर फिर चितव, प्रिया वदनकी ओर ॥

हैं अधीन मृदुवचन कहि, विनवैं सबहि निहोर ॥ ९ ॥

वनाक्षरी कवित्त ।

ये हो भूमि तजिकै कठोरता मृदुल होउ ये हो भानु सीत सवै  
तपन विहाय हो ॥ डोलौ हो त्रिविध पौन लघुता गहो हो मग कानन  
गिरीशजाहु वाटते पराय हो ॥ मो सँग सिधारी वन जनकदुलारी  
प्यारी रसिकविहारी हो सुखारी सो उपाय हो ॥ होवै ना दुखारी  
सुकुमारी ये विदेह वारी इन हितकारी तुम सकल सहाय हो ॥ १० ॥

दोहा—रघुनंदन सिय लपणको, मुख निरखत फिर फेर ॥

सीय लपण इत श्यामके, रहैं वदन दिशि हेर ॥ ११ ॥

सेवत हैं सिय रामको, लपण सनेह समेत ॥

दंपति प्राणनते अधिक, करत लपणपर हेत ॥ १२ ॥

इहि विधि सिय रघुवर लपण, कियो विपिन विश्राम ॥  
प्रात होत पुनि उठि चले, दिवस चढो द्वैयाम ॥ १३ ॥  
दोवई छन्द ।

सिय तन चितै श्यामसुंदर वर श्रमिit जानि सुकुमारी ॥  
रघुनंदन मृदु वचन लपण सों कहे समय अनुसारी ॥  
तात लखौ तरुछांह मनोहर तहँ विश्राम करीजे ॥  
थकित भई अति जनककिशोरी अत्र न पंथ चित दीजे ॥ १४ ॥  
लपणलाल इत उत निहारिके इक बट विटप सुहायो ॥  
सीतल सघन छाँह सुंदर शुचि ठाम अधिक मनभायो ॥  
तातर जाय मृदुल पत्रनकी रचि साथरी विछाई ॥  
कियो तहां विश्राम मुदित मन सिया सहित रघुराई ॥ १५ ॥  
कंद मूल फल आनि लपण पुनि शीतल जल भरि लाये ॥  
बंधु सिया संयुत रघुनंदन अतिरुचि भोग लगाये ॥  
तामगहै निकसीं पुर वनिता श्याम गौर लखि जोरी ॥  
प्रमुदितभई चकितसी चितवैं कहो कहाँके कोरी ॥ १६ ॥  
ते सब जाय सहेलिनमें निज यह चरचा जु चलाई ॥  
पथिक दोय आये अति सुंदर में अवहीं लखि आई ॥  
बैठे सखी सुभगवट छहिया जवते में अविलोके ॥  
तब ते जिय अकुलात अलीरी नैन रुकत नहिं रोके ॥ १७ ॥  
कोथीं सखी कहाँ ते आये तापस वेप बनाये ॥  
जाकी छवि अवलोकि सहेली कोटि अनंग लजाये ॥  
कानन सुनी न नैनन देखी रूप छटा अलि ऐसी ॥  
पुनि सजनी तिन संग मनोहर नवल नारि यक तसी ॥ १८ ॥  
तिनके वचन सुनत वनितनके सर अनंद अधिकायो ॥  
दरशालालसा लगी घनेरी तन मन सब दुलसायो ॥  
गुरुजन डीठ बचाय संगकी जुरि मिलके सब वामा ॥  
देखन चलीं श्यामसुंदरकी छटा अनूप ललामा ॥ १९ ॥  
आई जहाँ रहे मनमोहन निगनि प्रीति अनि चाटी ॥

चकित चित्त है रहीं नबेली मनो चित्र लिखि काढी ॥  
 इकटक रहीं निहारि ठगीसी भई निमिष नहिं देहीं ॥  
 लै उसाँस उर ससकि छबीली नैनन जल भरिलेहीं ॥ २० ॥  
 कोऊ रहीं चिबुक गहि अँगुरिन भई थकीसी कोऊ ॥  
 कोऊ कर कपोल धरि ठाढीं रहीं जकीसी कोऊ ॥  
 कोऊ दबाय दंतन ते रसना लखैं कनौखिन दैकैं ॥  
 कोऊ शीश हाथ दे नवला सोचैं कुँवर चितैकैं ॥ २१ ॥  
 काहूके जिय राजकुँवरकी चितवन पैठ गईहैं ॥  
 भूली सकल चातुरी सुधि बुधि विह्वल दशा भईहैं ॥  
 काहूके उर लगी लालके नैन वाणकी गाँसी ॥  
 काहूके गर परी कठिन यह श्याम प्रीतिकी फाँसी ॥ २२ ॥  
 काहूके वेणी वैंद छूटे भूली सो न सुधारै ॥  
 काहूके सारी शिर सरकी सोऊ कछु न सम्हारै ॥  
 काहूकी आँखिनते अतिहीं आंसुन धार बही है ॥  
 काहूकी गति भई वावरी धीर न रंच रही है ॥ २३ ॥  
 कोऊ लाज त्यागि रघुवरको रूप निहारि रहीहै ॥  
 कोऊ कछु सकुचाय प्रगट पै हिय विच जात दही है ॥  
 कोऊ सुरति सम्हारि हेरि छवि पुनि अधीर है जाहीं ॥  
 कहि न सकैं कछु डर सकोच ते मनहीं मन विलखाहीं ॥ २४ ॥  
 कोऊ कहैं सखी ये को हैं आये इतै कहाँ ते ॥  
 जैंहिं किते कियौं अवैहें ऐहें फेरि यहाँते ॥  
 कोऊ कहैं चलो ढिग चलिये भेद सब मिलि जैंहें ॥  
 कोऊ कहैं अलीरी हम तौ नैननको फल लैंहें ॥ २५ ॥  
 ताछिन राजकुँवर सिय ढिग ते सहजाहिं उठे प्रवीने ॥  
 निकटहि कछुक दूरि चलि विरहन लगे विपिन चित दीने ॥  
 रहो कछुक दिवस चहुँवाई लागे सम सुहायो ॥  
 लपगलाल वर ले धनु शर कर वन अंदर जिय लायो ॥ २६ ॥

लखि अकेलि सकुचति टुठकति तिय जुनि सच सिय छिग जाई ॥  
 परि परि पाँय आय मिलि बैठौ बोलि न सकैं सकाई ॥  
 दुहुँ करजोरि धीर धरि इक तिय कहत भई मृदुबानी ॥  
 हे स्वामिनि कछु पूछन चाहैं हम हैं नारि अयानी ॥ २७ ॥  
 बनवासिनी गमारि नारि हम नीति अनीति न जानैं ॥  
 चूक क्षमा कीजो अजानको कोऊ बिलम न मानैं ॥  
 मधुर वचन बोलौ सिय तिनसों तुम मम प्राणपियारी ॥  
 बुझौ कहा कहति हौ नागारि का अभिलाष तिहारी ॥ २८ ॥  
 बोलौ ग्रामवधू प्रमुदित है है तापस ये को हैं ॥  
 जिनकी छाटा निहारि अनूपम कोटिकाम रनिमोहैं ॥  
 जेहें कहाँ कहाँते आये येहें कौन तिहारे ॥  
 कहा नाम कहैं ग्राम धाम कहैं हैं किहिके दुहुँ वारे ॥ २९ ॥  
 कहा तिहारो नाम छबौली कौन हेत बन आई ॥  
 हमहि अयानी जानि सयानी कहिये सकल बुझाई ॥  
 ग्रामवधुनके वचन सुनतहीं जनकसुता सुसकानी ॥  
 करि सकोच शिरनाय तियनते बोलौ मधुर सुबानी ॥ ३० ॥  
 नाम अयोध्यानगर तहाँके दशरथ नृपति सुने हैं ॥  
 श्याम गौर द्वे राजकुंवर वर सखि तिनके सुत येहें ॥  
 इनकी मातु कौशला रानी सो हैं सासु हमारी ॥  
 अरु ये बंधु जु देवर गोरे लछमन नाम पियारी ॥ ३१ ॥  
 सीता नाम हमारी सजनी पिता जनक नृप ख्याता ॥  
 जिनकी पटगानी जु सुनना सोईहें मम माता ॥  
 सकल कथा वरणी वेदही ग्रामवधुन समझाई ॥  
 त्यागि सकल कुल गज काज बहु जिहि कारण बन आई ॥ ३२ ॥  
 सुनि चरचा सब ग्राम वधुनके लोचन जल भरि आये ॥  
 गदगद कंठ परस्पर लगि कहैं वचन बिलखाये ॥  
 कही न जाय कछु सुन सजनी विधि गति वाम घेनेगे ॥  
 अनुचिन लचिन रंच नहिं जानि कन जु नैन टनेगे ॥ ३३ ॥

पुनि सजनी उन मात पिताको निपट कठोर हियो है ॥  
 जिन दोऊ सुकुमार सुवनको हठि वनवास दियो है ॥  
 राजकुमारि मनोहर ऐसी पुत्र वधू वर पाई ॥  
 कानन ताहि पठावत जियमें रंच दया नहि आई ॥ ३४ ॥  
 एकै कहैं सखी नृप भोरे तिय चरित्र नहि जाने ॥  
 बचन वद्ध है गये प्रथम कह होत वहुनि पछिताने ॥  
 एकै कहैं कुटिल कैकेयी अति मतिमंद अभागी ॥  
 राम लपण सिय वनहि पठाये चेरि सिखापन लागी ॥ ३५ ॥  
 एकै कहैं सुनौं री आली भाग आपने जागे ॥  
 ठई बुद्धि नृप रानिहि ऐसी हम सबके हित लागे ॥  
 कितै राम सिय कितै अयोध्या कित हम बिपिन निवासी ॥  
 विधि संयोग पुण्य पूरवले भई चरणकी दासी ॥ ३६ ॥  
 एकै कहैं अवधवासी सखि एकौ जियत न है हैं ।  
 एकै कहैं अली जड चेतन सब इन विन जिय रखै हैं ॥  
 एकै कहैं भट्ट जो इनको विधि काननै पठाये ।  
 तौ सजनी वे सदन मनोहर जगमें वृथा बनाये ॥ ३७ ॥  
 एकै कहैं सखी री जो ये कंद मूल फल खाहीं ॥  
 तौ पटरस व्यंजन बहु आली जगमें रचे वृथाहीं ॥  
 एकै कहैं सहेली ये मगचलैं पयादे जोपै ।  
 शिविकादिक गज वाजि यान बहु वादि बनाये तोपै ॥ ३८ ॥  
 एकै कहैं सखी जो इनको विधि वन अटन दियोरी ।  
 मृदुल प्रसून विछाय सकल मग कोमल कसन कियोरी ॥  
 एकै कहैं उसासन लै कै जो आपनो बसाहीं ।  
 दुहुँ वर बंधु सिया संयुत तो राखिय आँखन माहीं ॥ ३९ ॥  
 एकै कहैं सुनो सिय स्वामिनि बचन कहत हम डरहीं ॥  
 निरखिरावरी कृपाघनेरी तवाहिं ढिठाई करहीं ॥  
 राजसुता यह ग्रामवधुनकी विनती सुनि चित दीजे ।  
 जानि गँवारि न बिलग मानिये चूक क्षमां सब कीजे ॥ ४० ॥

कानन कठिन कलेश छत्रीलीं तुमतौ अति सुकुमारी ॥  
 सकल महादुख कैसे सहिहो ह्वैहो निपट दुखारी ॥  
 कोल भील गज सिंह रीछ कपि विकट सदा वनचारी ॥  
 डरिहो तिनहिं निहारि सुंदरी ते लागत भयकारी ॥ ४१ ॥  
 ताते इतहिं रहौ वैदेही सबही विधि सुख पेहौ ।  
 करिहें सकल रावरी सेवा जो कछु आयसुंदहौ ॥  
 हम निज करते नव पवन की रचिहें कुटी सुहाई ।  
 सखी सदा तुम संयुत वसिहें राम लपण दुहुँभाई ॥ ४२ ॥  
 अवाधि विताय अवध पुनि चालियो हम सब संग सिधैं हैं ।  
 जौलौ इत रहिहो तौलौ नित लखि निज नैन सिरैं हैं ॥  
 जबते सुनो श्रवण ते स्वामिनि हम वन गमन तिहारो ।  
 तवहीते उर कल न परत है कसकत हृदय हमारो ॥ ४३ ॥  
 ग्रामवधुनके वचन सुनत सिय कही मनोहर बानी ॥  
 जानति हौ तिय धर्म सखीरी तुम सब परम सयानी ॥  
 राजकुँवर वर श्याम सलोने धर्म धुरंधर आली ॥  
 चौदह वर्ष प्रमाण राजतजि पितु आयसु जिन पाली ॥ ४४ ॥  
 तिनकी रुचि जो होय सखीरी सोई मोहिं मुहाही ॥  
 पतिसेवा मन वचन कर्म तिय धर्म परम यह आही ॥  
 सब दुखदानि सुखद उनके सँग रंच भीति कछु नाहीं ॥  
 निराखि श्याम मुखचंद्र सहेली हम दिन रैन अवाहीं ॥ ४५ ॥  
 इत वनगत गहीं तिय सियसों जत मन रघुवर पाँहीं ।  
 दरशत कवहुँ दुरत कवहुँ चलि वन तरु लतिकन माहीं ॥  
 विचरत फिरत विपिनमें लालन निराखि नवेली वामा ॥  
 सकुचति सी चितवैं तिहि ओरि जित डोलत घनश्यामा ॥ ४६ ॥  
 मिसते उठि सिय ढिगते सब तिय राजकुँवर ढिग आई ।  
 निराखि लालकी छटा अनूपम नैनन जल भरिलाई ॥  
 लतन ओट ठठि रघुनंदन लखि बोली इक वामा ।  
 हम रावरे दरशाहित आई हे सुंदर घनश्यामा ॥ ४७ ॥



तुम हौ राजकुमार छबीले हमहैं नारि गमारी ।  
 कहा करें लखि रूप तिहारो लागी प्रीति हमारी ॥  
 निरखि रावरी छटा लाडिले हम कुलकानि विसारी ॥  
 रुकत नहीं तन प्राण राखिये अब कहैं लौ मन मारी ॥ ४८ ॥  
 हम सब तिय तुव पास छबीले विनय करन कछु आई ॥  
 सो सुनि मानिलेउ हे प्यारे करियो जनि वरियाई ॥  
 सुनो लाल बन गमन तिहारो तवते अति विलपाती ।  
 तुमहिं विलोकि विपिन दुख सुमिरत फटत हमारी छाती ॥ ४९ ॥  
 येती विनय सुनौ हो प्यारे सब ह्वे दीन निहोरैं ॥  
 प्राण अधार मानलीजो यह शीशनाय कर जोरैं ॥  
 सिया बंधु संयुत मनमोहन इतही अवधि बतावो ।  
 सबकतु इहाँ सुखारी रहैं कितहूँ अनत न जावो ॥ ५० ॥  
 कै पुनि संग लेहु हम सबहीं चलि हैं साथ तिहारे ।  
 तुमहिं विहाय सुहाय और नहिं घर पुर सकल विसारे ॥  
 करिहैं सदा रावरी सेवा विनादामकी दासी ।  
 और कछु न चहैं हे प्यारे हम सब रूप उपासी ॥ ५१ ॥  
 और न कौऊ सुहात साँवरे तुम कछु दोना कीनो ।  
 नेक छटा दरशाय छबीली तन मन सब हरिलीनो ॥  
 कै अब इतही रहै लाडिले कै सबही संग लेहु ।  
 अबला अबल जानि हे प्रीतम जनि विछुरन दुख देहु ॥ ५२ ॥  
 साँची प्रीत हमारी प्यारे हम छलछंद न जानै ।  
 तुमैं दियो तन प्राण आपनो करा सु जो मन मानै ॥  
 हैं सब ग्राम निवासिनि भोरी लखि तुव रूप लुभानी ।  
 तिन पर कृपा करे हे रघुवर दान दीन मानि जानी ॥ ५३ ॥  
 तिनकी प्रीतिगानि साँची लखि रघुनंदन हरपाने ।  
 बोले वचन धीर दे सब सो नीति नेहरस साने ॥  
 याँ अर्थान जनि होउ छबीली तुमहो परम सयानी ।  
 लोक लाज कृत धर्म पिनाग केनो भटै अयानी ॥ ५४ ॥

पितु आयसु तजि राज साज हम है तापस इत आयै ।  
 चौदह वर्ष न जाहिं ग्राम बन रहैं परण गृह छाये ॥  
 एक जटिल दूजे परदेशी तुम हौ नारि ललामा ।  
 हमरो तुमरो संग सयानी बनै नहीं अभिरामा ॥ ५५ ॥  
 सबही वसौ सदा मेरे हिय सुधि राखियो हमारी ।  
 फिरि हैं अवाधि विताय फेरि हम मिलिहैं वेगि पियारी ॥  
 तुमरो धर्म यही है सुंदरि पति सुतमें चित दीजो ॥  
 हृदय हमारो ध्यान राखियो नीतिकाज सब कीजो ॥ ५६ ॥  
 राजकुँवरके वचन सुनत सब वाम विकल बिल्लानी ।  
 है अधीर मोहनसों बोलीं विरह प्रीति नय बानी ॥  
 तुम हौ नृपति किशोर लाडिले नीति धर्म सब जानौ ।  
 लोक लाज मर्याद वेदकी सकल रीति पहिचानौ ॥ ५७ ॥  
 हम हैं नारि गँवारि साँवरे धर्म कर्म नहिं जानैं ।  
 मन लग जाय छल जाही सों ताहीके हित साँनैं ॥  
 राखें साँचीं प्रीत लाडिले येही धर्म हमारे ।  
 प्यार एक रस सदा निवाहैं सुन ले वचन पियारे ॥ ५८ ॥  
 सुनौ बिन हे यार बटोही अवला अवल सदाहीं ।  
 ताहूँ पै पुनि ग्राम निवासिनि कछु चातुरी नाहीं ।  
 छलबल एकौ रंच न जानैं केवल प्रीत पियासी ।  
 साँचोनेह लग जाही सों ताहीकी हम दासी ॥ ५९ ॥  
 जयते रूप तिहारो हेरो तबते सकल लुभानी ।  
 पति सुत धाम त्यागिके प्यार हम तुव हाथ बिकानी ॥  
 जिय भावै सो करौ लाडिले मारो चहौ जिवावो ।  
 पै यह विनय मान मनमोहन अव न रंच बिलगावो ॥ ६० ॥  
 परम प्रेममय वचन तियनके सुनि बोले रघुराई ॥  
 तुम जु कही वाणी रससानी सब मेरे मन भाई ॥  
 मानो साख हमारी एतौ सकल वाम गृह जाहूँ ॥  
 कबहुँ न कोऊ मोह विनारियो मैं भूली नहिं काहूँ ॥ ६१ ॥

लगे श्यामके बैन बाणसे बोलीं सब विलखाई ॥  
 हाय हमारी पीर साँवरे रंचहु तोहिं न आई ॥  
 प्याय सुधा फिर विपदै मारै ऐसे गुण नहिं जानें ॥  
 कोरे कपटी होत सांचहु अब नीके पहिचानें ॥ ६२ ॥  
 कोऊ बोलि उठीं सुन सजनी और उपाय नकीजै ।  
 सब विरहिनी वाम जुरि मिलिके प्राण इनहिं ढिग दीजे  
 कोऊ कहैं अरी आली यह जतन करौ सब कोऊ ।  
 अंगविभूति रमाय त्यागि घर सकल फकीरिन होऊ ॥  
 कोऊ कहैं हाय हे छेला मैं तुमरी बलि जाऊँ ।  
 अब जनि मोहिं सताव पियारे पद गहि हाहा खाऊँ ॥  
 कोऊ कहैं साँवरे तुम तौ राजकुमार कहावौ ॥  
 ऐसी निदुराई नहिं चाहिये हिये दया कछु लावो ॥ ६४ ॥  
 कोऊ कहैं हाय हे प्रीतम डार प्रीतकी फाँसी ।  
 करी मोहिं अधमरी छोडि जनि जाओ मीत विशासी ॥  
 कोऊ कहैं श्याम यह तुमरी नेक चितौन तिरीछी  
 रोम रोम विधि गई हमारे छुवत चढ़ी जनु वीछी ॥ ६५ ॥  
 कोऊ कहैं सखी रघुवंशी इनाहिं दया नहिं आवै ॥  
 करत अहेरं हेर मृगछौनन रंचहु कसक न लावै ।  
 कोऊ कहैं सखी ये तापस प्रीत रीत कह जानैं ॥  
 कोऊ कहैं भट्ट निरमोही मोह न रंचहु मानैं ॥ ६६ ॥  
 कोऊ कहैं सखी कहुँ इनको विरह पीर नहिं व्यापी ।  
 कोऊ कहैं भट्ट सब कोरे लखियत पर संतापी ॥  
 कोऊ कहैं अलीरी इनको निपट कठोर हियो है ।  
 कोऊ कहैं ऐसही गुणतें पितु वनवास दियो है ॥ ६७ ॥  
 कोऊ कहैं श्याम निरमोही अब तू जनि दुख देरे ।  
 कै इतहीं रह प्राणपियारे के सबहीं सँग लेरे ॥  
 कोऊ कहैं अरे निर्दया इतनी कृपा किये जा ।

कोऊ कहैं लाल तुम लाखनके जिय लीने है ही ॥  
 कोऊ कहैं प्राण अवहीं कह कोटिनहूँके लै ही ।  
 कोऊ कहैं अली इनके हिय रूप गुमान घनेरो ॥  
 कोऊ कहैं लरकपन आली छुटो नहीं बहु तेरो ॥ ६९ ॥  
 कोउ कहैं भट्ट मनमोहन पाई नारि सयानी ।  
 याते हीय न रंचहु भावि हम सब निपट अयानी ॥  
 कोऊ कहैं चरण गहि रहिये कैसे फेर तजेंगे ।  
 कोऊ कहैं निरदई छली ये नेक न लाज लजेंगे ॥ ७० ॥  
 कोउ कहैं वरजोरी राखें हमतौ जान न दै हें ॥  
 कोउ कहैं जित चहैं जाँय तित अब तौ संग सिधैं हें ॥  
 कोउ कहैं सबही चलि हूजे योगिनि इनके पाछे ॥  
 लाज कहा तस नाच नाचिये वीर काछ जस काछे ॥ ७१ ॥  
 कोऊ कहैं सुखीरी इन विन धृगजीवन सबहीको ॥  
 सुत पति हित धन धाम भोग सुख एको लगत न नीको ॥  
 कोऊ कहैं भली अति कीनी श्याम जु इत ह्व आये ॥  
 कोऊ कहैं हमहि मारनके कारन बनहि सिधाये ॥ ७२ ॥  
 कोऊ कहैं लाल कहु साँची कितनी नवला मारी ॥  
 कीनी कहाँ धायलै केती किती तर्जी अधमारी ॥  
 कोऊ कहैं सुखीरी इनके जहाँ जहाँ पग परि हें ॥  
 तहाँ तहाँ सबही वनितनकी ऐसीही गति करिहें ॥ ७३ ॥  
 कोऊ कहैं जहाँ ये सजनी हैं रहत सदाई ।  
 ता पुर में क्यों बसत होइंगे हेली लोग लुगाई ॥  
 कोऊ कहैं सुनो री सजनी राजकुमार नहीं हें ।  
 ये रति काम देह द्वै धरिके आये वने सहो हें ॥ ७४ ॥  
 कोऊ कहैं कहा अब कीज अमित जनन करि हारी ।  
 रंचहु कसक न आवत इनको अधिक कठोर हियारी ॥  
 कोउ कहैं हम ओर हाय बलि नेक निहाय छोले ।  
 जीव दया कछु लाव लाडिले हो न निदुर नवलि ॥ ७५ ॥

कोऊ कहैं सुनो हो प्यारे जो हमको कलपैहो ॥  
 सब बिराहिनि की हाय परैगी तो कबहुँ न कलपैहो ॥  
 कोऊ कहैं पाय छवि नीकी प्यारे गरब न कीजे ।  
 धन जोवन नहि रहत सदाही यश जगमें करि लीजे ॥ ७६ ॥  
 कोऊ कहैं अरे साँवलिया क्यों इतरात घनेरो ।  
 कछु बोल तौ रहो मौन क्यों हर कलेश यह मेरो ॥  
 कोऊ कहैं सखी या ढिगते चलिय गेह मन मारी ।  
 देखि देखि याकी छवि औरौ पीर उठत उर भारी ॥ ७७ ॥  
 कोऊ कहैं भट्ट विधि इहिकी जो ऐसी छवि कीनी ।  
 तौ सजनी याके उर काहे नेक दया नहि दीनी ॥  
 कोऊ कहैं सखी काहू को काहे दोष लगैये ।  
 जो कछु होनी होय होय सो कर्म लिखे फल पैये ॥ ७८ ॥  
 कोऊ धाय जाय रघुवरके चरण परीं अकुलाई ।  
 कोऊ हाय हाय करि रोवन लगीं सामुहे आई ॥  
 बिरह नेह वश विकल सबै तिय तन मन कीन सम्हारा ।  
 बिह्वल बचन कहैं नैननते चली जात जलधारा ॥ ७९ ॥  
 तिनकी प्रीति निरखि नृप लालन नैन नीर भरि आयो ।  
 गदगद कंठ हृदय उमँगानो सकल अंग पुलकायो ॥  
 उर धरि धीर कही सबहीसों रघुनंदन मृदुबानी ।  
 हे सुंदरी प्रीति सब तुमरी मेरे हाय समानी ॥ ८० ॥  
 तुम सब तौ भव प्राणपियारी मैं हों तुव आधीनो ।  
 मानो नेह सदा रुहि भावे रुचै न प्रीति बिहीनो ॥  
 पाते जिय जैसी अभिलाषा तैसी ताहि पुजैहीं ।  
 ते भावोरी रिज्ज भक्ति मानो मनमानो सुख देहीं ॥ ८१ ॥  
 पाते कहि मधुर वचन रघुवर सर उर धीर धराई ।  
 संध्या सम जानि शिप देवै निज निज गेह पठाई ॥  
 अपने अपने भोन गई जिय जिय रघुनंदन माहीं ।  
 जरी थरी मी ग्नी घटिके मनहीं मन विरग्याहीं ॥ ८२ ॥

उत रघुनन्दनमें मन अटको इते लाज गुरु जनकी ।  
 दशा दुराय रहीं सबही तिय राखि मनहि में मनकी ॥  
 होय प्रात कब चलिय लाल द्विग नींद न रंचहु आवै ।  
 छिन छिन लखैं चंद निशि तारे युग समान पलजावै ॥ ८३ ॥  
 इति श्री० रा० २० व० वि० ग्राम वधू समागम

वर्णनो नाम द्वितीयोविभागः ॥ २ ॥

इते राने बसिके रघुनन्दन प्रातहि विपिन सिधारे ।  
 ग्राम वधुनकी प्रीति सराहत चले जात मग प्यारे ॥  
 दोऊ सिय रघुचंद परस्पर तिनही की सुधि करहीं ।  
 साँचो नेह बखानि तियनको अतिआनंद उर भरहीं ॥ १ ॥  
 निशा विगत लखि उठीं सब तिय करि गृहकाज उताली ।  
 गुरु लोगनकी डीठ दुरे के चलीं तहाँ मिलि आली ॥  
 आई जहाँ रहे नृपलालन तहाँ न श्याम निहारे ॥  
 हिय धकधकी उठी सबहीके लखैं चहुँ कित प्यारे ॥ २ ॥  
 जाय निहारत भई सुबट तर सुनि साथरी पाई ।  
 हेरतही सब वाम हाय करि गिरिं धरणि मुखआई ॥  
 चोर शोर करि रोवन लागीं कहैं गये कित प्यारे ।  
 आँसुनधार वही नैननते तन मन प्राण बिसारे ॥ ३ ॥  
 कोऊ भूमि परी रज लेटिं कोऊ फिरिं बिललाती ।  
 कोऊ शीश धुनैं व्याकुल हूँ कोऊ पीटति छाती ॥  
 कोऊ हाय श्याम ! कहि टेरें कोऊ मान रही हूँ ।  
 कोऊ लेति उसाँस आह भरि कोऊ विरह दही हूँ ॥ ४ ॥  
 काहूकी सारी तनु ते गिरि लतिकनमें उरझानी ।  
 काहूकी कंचुकी फटी सब सुधि बुधि सकल नशानी ॥  
 काहूके अंगन ते केते भूषण टूट पड़े ॥  
 काहूके आनन पे दुदूँइशि कुंतल छूट पड़े ॥ ५ ॥  
 काहूके तनुमें तरु बेलिनते जु खराट पड़े ।

काहूके पायनमें कंटक लागे अभिंत खरेहें ॥  
 काहूके अतिविरह ज्वालतें मुखसे फेन बहोहें ।  
 काहूके सब अंगन माहीं स्वेद जु छाये रहोहें ॥ ६ ॥  
 राज कुँवरके विछुरत सबहीं भई बावरी वाला ।  
 जो जिय आवै कहैं करैं सो बढी विरहकी ज्वाला ॥  
 कोऊ कर कर शोर रोयकै हँसत निशंक बहोरी ।  
 कोऊ हाय मार रहि जावैं पुनि बैठे मुख मोरी ॥ ७ ॥  
 कोऊ मनहीं ते बतरावैं अरु अनखाय रिसावैं ।  
 कोऊ विरह कवित्त छंद कहि फिरि चुप है शिरनावैं ॥  
 कोऊ भानु भूमि नभ पक्षिन तरु गिरि निकट बुलावैं ।  
 कोऊ कहैं लाल बे ठाढे चलौ चलौ री धावैं ॥ ८ ॥  
 कोऊ दौरि चढैं तरु गिरि पै इत उत चहुँ दिशि हेरैं ।  
 आव आव हो श्याम बटोही फिरौ फिरौ कहि टेरैं ॥  
 कोऊ धाय गहैं तरुपल्लव कहैं दौरियो आली ।  
 हम कर गहि राखे मनमोहन दुरे हुते इत ख्याली ॥ ९ ॥  
 कोऊ निज परछाँहीं लिखिकै ताहि गहनको धावैं ।  
 कहैं वेगि आवोरी पकरौ लाल भगे ये जावैं ॥  
 कोऊ लिखि प्रतिविंब वारि विच बोलैं अति विलखाई ।  
 धाव धावरी आव वेगही ये ठाढे रघुराई ॥ १० ॥  
 कोऊ झुकि झुकि भूमि पंथमें चरण चिह्न चहुँ हेरैं ।  
 कोऊ खग मृग तरु लतिकन को जाय जाय मिलि घेरैं ॥  
 कोऊ कहैं सखी हम सबको आवत देखि दुराने ।  
 कोऊ कहैं अलीरी कालिहि बे निशि मांझ पराने ॥ ११ ॥  
 कोऊ कहैं सुनौरी सजनी हैं दुहुँ बंधु अहेरी ।  
 खेलनगये भट्ट काननमें आवत हँहं येरी ॥  
 कोऊ कहैं अली टुक टोरी हैं किहि ओर चलीजे ।  
 कोऊ कहैं संखी चुप साधो इतही आवन दीजे ॥ १२ ॥  
 कोऊ विरह अथीर विकल है टेरन लगौ सुनामा ।

हाय प्राणप्यारे अब आवो कितै गये घनश्यामा ॥  
 कोऊ कहै लेत कह प्रीतम हमरी प्रेम परीक्षा ।  
 हैं सब विकल वियोग तिहारे आय करौ कछु शिक्षा ॥ १३ ॥  
 हे लाडिले सुजान छबीले अब टुक मुख दरशाजा ।  
 विरह ज्वाल ते जरत सबै तन नेह सुधा वरसाजा ॥  
 तो विन हे दिलदार पियारे निकसैं प्राण हमारे ।  
 हिये दया कछु लाय जिवाले हे प्रीतम इत आरे ॥ १४ ॥  
 कहाँ दुरेहो जाय विपिनमें बोलौ मोत बटोही ।  
 कल्प समान पलक बीतत हैं श्याम मोहिं विनतोही ॥  
 पहिले मारि नैन बाणन ते सब घायल करि डारी ।  
 प्रीत लगाय हाय अब प्यारे काहे सुरति विसारी ॥ १५ ॥  
 राजकुमार सुजान जानि कै हम तुमसे हित कीनो ।  
 ऐसे निपट अजानकडे जू मोहिं अधिक दुख दीनो ।  
 या विधि विकल वाम सब विरहिनि विरह भरी विललाहीं ।  
 धाय धाय इत उत जिततिनसों बृझत हैं सब पार्हीं ॥ १६ ॥  
 तरु गिरि महि सरिता खग मृगको जड चेतन नहिं सूझैं ।  
 निज प्रीतमकी खबर दीन है धाय सर्वाहिसों बूझैं ॥  
 कहैं अधीन वचन करजोरें अब जनि कोउ दुरावो ॥  
 प्यारे प्राणअधार सांवरै हैं कित मोहिं बतावो ॥ १७ ॥

कलित छंद ।

हे अशोक तुम शोक हरौ सबहीके । क्यों न मिलावो मोहन  
 जीवन जीके ॥ हे कदंब बलि अब विलंब जनि लावो ॥ राजकुंवर  
 रघुवरको हमहिं बतावो ॥ १८ ॥ हे रसाल कहुलाल कहूँ इत  
 हे रे । पहुँचावो जू वेगि हमें उन नरे ॥ हे पाँपर तुमही पर दया  
 जुलावो ॥ सुंदरश्याम सजनको रूप दिखावो ॥ १९ ॥ हे पाकर  
 अब इती कृपा कर देही । कहाँ बतादे मोकहूँ श्याम सनेही ॥ हे  
 तमाल रघुलाल कहूँ तुम पाये । कहाँ किंत मुहि तजिके रहे  
 दुराये ॥ २० ॥ हे बट तुम तजि कपट वचन टुक बोलौ । भये



चल यों काहे रंच न डोलौ ॥ तुमहूसे कहि गये कछू मम प्यारे ।  
 रैन दिन तो ढिग भीत हमारे ॥ २१ ॥ हे अनार कचनार  
 निरमोही । कहां बतावे छैल निहारौं तोही ॥ हे पलाश तुम  
 पलाश पुजावो मोरी । कहां दिखावो लाल कहों कर जोरी ॥ २२ ॥  
 चंदन रघुनंदन रूप दिखावो । विरह ताप मो उरकी सकल  
 करावो ॥ हे कदली कस बदली बुद्धि तुमारी ॥ कहां बतावो श्याम  
 ति बलिहारी ॥ २३ ॥ हे अवनी दुख दवनी हौं सबही की । कहाँ  
 ल कित हरी व्यथा मोजीकी ॥ हे मग तुम पग चिह्न बतावो  
 ही । गये कहां हैं सुंदर छैल बटोही ॥ २४ ॥ हे समीर बलि वीर  
 हरमेरी । कितै गये रघुवीर धीर सुहिं देरी ॥ धाय लाल ढिग  
 गय मोहिं सुधि लादे । उन हूं को या विरहिनि दशा सुनादे ॥ २५ ॥  
 सरिता तपहरिता तुमहु कहावो । जरत हृदय यह मेरो क्यों नसिरावो ॥  
 सरोज प्रीतमको खोज बतावो । कहा दुरे मनमोहन वेगि दिखावो ॥ २६ ॥  
 हो मीन जलहीन दशा तुव जैसी ॥ श्याम सुघर बिन तलफत हैं  
 म तैसी ॥ हाय न कोउ सहाय आय हो जावै ॥ विरह अग्नि  
 हियकी विषम बुझावै ॥ २७ ॥ अहो भौर बहु ठौर सदा तुम  
 डोलौ । लखे होय कहुँ लाल वेगि तौ बोलो ॥ वेऊ कपटी छैल तुम-  
 से कोरे । प्रीतलाय हरि लेंगे प्राण हमारे ॥ २८ ॥ हे खंजन मन  
 जन नैन तिहारे । हम जानी कहुँ निरखे हैं तुम प्यारे ॥ हे मैना  
 खैना क्यों न सुनावो । गये पथिक किहि ओर जु मोहिं बतावो ॥  
 २९ ॥ हे शुक तुम टुक बोलौ मधुरी बानी । कहुँ निहारे रघुवर  
 प गुमानी ॥ अरे काग बलिभाग तोहिं बलि देहों । मोकहुँ सगुन  
 ताव श्याम कव पेहों ॥ ३० ॥ हे हरिनी मन हरिनी आंख तिहारी ।  
 प लालनकी तुम कहुँ छटा निहारी ॥ हेदिशि किहि दिशि गये साँवरे  
 प्यारे । कहाँ लाल बिन तलफत प्राण हमारे ॥ ३१ ॥ हे गिरिही  
 मति ऊंचे फिरि चहुँ हेरौ । लखा लाल कित जात वेगि किन टेरौ ॥  
 मोर मोर अति ऊंचे शोर मचावो । विरहकल्पना मेरी सकल  
 नावो ॥ ३२ ॥ अरे पर्यादा तू प्रीतम ढिग जारे । दीन वचन कहि

पीउ पीउ रट लारे ॥ हूक उठ सुनि कूक कोकिला तेरी । नेक मान  
 गहु हाय न मुहि दुख देरी ॥ ३३ ॥ अरे चंद मतिमंद अंग क्यों  
 जार । पंचवाण उर वाण हाय क्यों भारी ॥ अरी रेनि दुखदेनि सिरात  
 न काहे । अरे विरह मो सकल अंग कसदाहे ॥ ३४ ॥ अलबल  
 बोलें विकल विरहिनी वामा । तिनहि कछू न सुहाय विना वन-  
 श्यामा ॥ सुधि बुधि भूलगई हैं सब तन मनकी । घर पुरकी नहिं  
 सुरति भई वन वनकी ॥ ३५ ॥ कोऊ कहूँ बिहाल बैठ पछताती ।  
 कोऊ करि करि हाय धुनें शिर छाती ॥ भई वावरी कोऊ इत उत  
 दैरें । कोऊ बिहवल गिरां परी क्षिति छैरें ॥ ३६ ॥ कोऊ तिया  
 तियाको भुज गहि लेही । कहै चले कित तजिकै श्याम सनेही ॥  
 बोलें कोऊ गहि तमाल अकुलाई । आउ आउरी हम पाये रघुराई ॥  
 ॥ ३७ ॥ काहुके शिरकेश खुले न सम्हारें । काहु तनते वसन गिरे नहिं  
 धारें ॥ काहुके पट फटे कंटकन मारैं । काहु परे छगोट कछू सुधि  
 नाहीं ॥ ३८ ॥ हाय हाय कहि कोउ उसासन लेहीं । कोऊ काहुहि  
 कछू न उत्तर देहीं ॥ भई वावरी रघुवर विरह बधूटी । लोक लाज  
 कुलरीति नीति सब छूटी ॥ ३९ ॥ कोउ कहैं सखि हाय कहौ कित  
 जैये । कोउ कहैं यह काको विरह सुनैये ॥ कोऊ कहैं सखी उन  
 विन धृग जीनो । कोऊ कहैं विधाता यह दुख दीनो ॥ ४० ॥ कोऊ  
 कहैं सखी सो निठुर महाहै । कोऊ कहैं अली उहि दोष कहाहै ॥  
 कोऊ कहैं मुहि हाय संग नहिं राखी । कोऊ कहैं कछु चलतहुं मीत  
 न भाखी ॥ ४१ ॥ कोऊ कहैं हूँ योगिनि भस्म रमैये । सब मिलि  
 श्यामहि हेरन जित तित जैये ॥ कोऊ कहैं सखीरी हम तन देंहें ।  
 मनमोहनके ढिगहीं प्राण पडैंहें ॥ ४२ ॥ कोऊ कहैं अली हम अव  
 लखि पावैं । ती छिनहूँ भरि नैननते न दुरावैं ॥ कोउ कहैं सखि  
 होनीहुती भईसो ॥ कोऊ कहैं करी जसि दई दई सो ॥ ४३ ॥  
 कोऊ कहैं अलि कांरो कठिन महाहै । कोऊ कहैं तापसकी प्रीत  
 कहाहै ॥ कोऊ कहैं कपटी जस मुहि दुख दीनो । कोऊ तस  
 फल पैंहें अपनोकीनो ॥ ४४ ॥ कोऊ कहैं सखी सांवलिया भेरो ॥

ताके संग महा छलिया है गोरो॥कोऊ कहें अली सो नारि सयानी ।  
 हम सबको लखि लै निज पियहि पगनी ॥ ४५ ॥ कहें वचन  
 सब जाके जिय जो आवैं । रघुनंदनके विरह विकल विललावैं ।  
 ताही मग है एक पथिक तहँ आयो । तिहि विलोकि सब वनितन  
 अति मुखपायो ॥ ४६ ॥ घेरि लयो तिहि धाय जाय सब  
 नारी । चकित भयो सो तिनकी दशा निहारी ॥ कहे पथिक  
 तुम को हौ कौन कहांकी । कछु न बोलैं वाम श्याम मद  
 छाकी ॥ ४७ ॥ बैठि गयो इक तरु तर आय बटोही । घेरि रहैं  
 चहुँ फेर वाम सब वोही । बृझतिहैं मिलि खबर मीतकी तासों ।  
 कहन चहैं कछु कछु कढै रसनासों ॥ ४८ ॥ कहौ पथिक तुम  
 साँचे बैन सुखारे ॥ कहूं निहारे हमरे प्राण पियारे । श्याम गौर द्वै  
 बंधु सुभग धनुधारी । है तिनके संग एक मनोहरनारी ॥ ४९ ॥ कीने  
 तापस भेष तिहूँ वनचारी ॥ कहौ बटोही तुम कहुँ छटा निहारी ।  
 लछमन नाम सु गौर राम हैं श्यामा । सीता नाम ललाम वाम  
 गुणधामा ॥ ५० ॥ अविलोके तुम होय कहूं तौ बोलौ ।  
 रंच न राखौ हृदय गांठ बलि खोलौ ॥ पथिक तिहारे पायें  
 परैं करजोरी ॥ कहौ श्याम सुधि निरखि दीनता मोरी ॥ ५१ ॥  
 भई वावरी सिगरी विरहिनि बाला । कहें पथिक कित मिले तुमैं  
 रघुलाला॥कहो कछु हम संवसों श्याम सँदेशो । पाई खबर न  
 मोजिय अधिक अँदेशो ॥ ५२ ॥ कहौ कहा कहि भेजो  
 वह निरमोही । कैपाती लिखि दई बतावो मोही ॥ कै हम  
 सबको भेद लेन तुम आये । राजकुँवर छल करिकै सिखै पठाये  
 ॥ ५३ ॥ बारवार तुव पाय पथिक हम परहीं ॥ हाथ जोरि शिरनाय  
 विनय बहु करहीं ॥ वा निरमोहीकी कछु खबर सुनावो ॥  
 तिहि विन तलफत प्राण सुहाय बचावो ॥ ५४ ॥ येकै तिया बटो-  
 हीसों कर जेरैं । एके तिहि निज शीश नवाय निहोरैं ॥ एके कर  
 झझकोरि कहें कछुतेही । वृझ इक गुलचाय कहैं कित नेही ॥ ५५ ॥

एकै वृद्धें वात बलैया लैकै । एकै विनैवें ताहि चिबुक कर  
 दैक ॥ एकै कहैं अली यह बौरो नर है । याको निज तन मनकी  
 कछु न खबर है ॥ ५६ ॥ एकै कहैं भट्ट इन श्याम निहारे ।  
 डोलत वन वन तन मन सुधि सकल विसारे ॥ जौ इन छवि न  
 लखी होती लालनकी । सुर तिन जाती तौ याके तन मनकी ॥ ५७ ॥  
 एकै कहैं अली यह उनढिग जेहैं । विरह दशा या सबकी सकल  
 सुनै हैं ॥ एकै कहैं कछु तौ बोल कसाई । तोहि हमें कछु रंचहु  
 दया न आई ॥ ५८ ॥ एकै कहैं पथिक प्रीतम ढिग जेयो ।  
 हम दिशिते पग परे परे विनय सुनैयो ॥ कहियो तुम  
 विन तलफत हैं सब वामा । तिनहि जाय सुखदेहु बेगि  
 वनश्यामा ॥ ५९ ॥ एक बेर फिरि आय वदन दर  
 शावें । कहियो फिरि जित भावै जिय तित जावें ॥  
 कहियो जब ते नैन वान तुम मारे । तबते निशिदिन तलफत प्राण  
 विचारे ॥ ६० ॥ कहियो लालन जो न बेगि तुम जेहैं । तो मारि हैं  
 सब विरहिनि जियतन पेहौ ॥ कहियो आय सु प्राणदान दे जावें ।  
 नार्हो तौ निज करते जिय ले जावें ॥ ६१ ॥ कहत वचन  
 विरहिनी नेहमदछाकी । सही जात नहि पीर वियोग व्यथाकी ॥  
 अहो पथिक उन पास जाय फिरि आवो । कहा कहो मनमोहन  
 मोहि सुनावो ॥ ६२ ॥ कोऊ लैकर कंकन पथिकहि देहौ । कोऊ  
 निज मुद्रिका देति हैं तेहौ ॥ कोऊ तिय भुजवंद देयँ अतिनीको ।  
 देनलगी हैं चंद्रहार बरहीको ॥ ६३ ॥ कोऊ बेसर कोऊ कुंडल  
 देहौ । शीशपूल मंजरी देय लठिकेहौ ॥ करनफूल नथ झूमक कोउ  
 उतारि । चंपकली वर माल कोउकर धारि ॥ ६४ ॥ पथिकनहीं कछु लेय  
 देयँ वर जोरी । पांय परें तिय विनय करें कर जोरी ॥ कहै पथिक  
 तुम बेगि श्याम सुधि लावो । एक बेर रघुवर सो हमहि मिलावो ॥ ६५ ॥  
 तिनकी प्रीति निहारि पथिक हरपानो । वंदि चरण निज जन्म  
 सफल करिमानो ॥ धन्य वाम ये जिने प्रीति अनिसौची । लाज  
 त्यागि रघुराज रंगमें राची ॥ ६६ ॥ निनाहि धौरे पथिक कहा

मृदुवानी । धीर धरौ निज हियमें परम सयानी ॥ यौं जनिहोहु  
 अधीर विरहिनी वामा । तुमाहिं मिलेंगे वेगि राम अभिरामा ॥ ६७ ॥  
 धर्म धुरंधर राम विषयरसखे । रहत भक्त आधीन प्रीतिके भूखे ॥  
 तुम उनते नहिं दूर नवे तुमसे हैं । दुहूँ निकट हौं दोऊ दुहूँ हिये  
 हैं ॥ ६८ ॥ रैन दिवस ज्यों तुम सब उनहिं रटौहौ । तिय सिगरी  
 त्यों तिनकेहिये बसौहौ ॥ वेसबहीके जीकी जाननवारे । दूर करैगे  
 सकल कलेश तिहारे ॥ ६९ ॥ पथिक धीरदै सबही विधि समुझाई ।  
 विरह अगिनि कछु कहि रस बैन सिराई ॥ कहैं वियोगिनि बाल  
 बटोही प्यारे । और श्यामकी चरचा फेरि चलारे ॥ ७० ॥ फेरि  
 विरहिनी विकल भई अकुलानी । हाय लाल कहि टेरन लगीं  
 सुवानी ॥ विरह विवश तिन सुधि बुधि पुनि विसराई । उठो बटोही  
 ताछिन औसर पाई ॥ ७१ ॥ तिन चरणनकी रज निज नैन लगाई ।  
 चलत भयो कछु मिसतै डीठ बचाई ॥ चलो जात मग पथिक नैन  
 भरिलावै । करि करि तिनकी सुरति हिये हुलसावै ॥ ७२ ॥ इतै  
 विरहिनी वाम अधिक अकुलानी । हाय बटोही गयो कहैं  
 विलखानी ॥ धाय धाय चहुँ ओर जाय तिहि हेरैं । कोऊ कहुँ न  
 दिखाय बैसहीं टेरैं ॥ ७३ ॥ कहैं पथिक कित गयो नेक इत  
 आरे । मेरो कछु संदेशो तो लेजारे ॥ इहि विधि करति विलाप  
 विकल सय नारी । बड़ी पीर उत लागी विरह कटारी ॥ ७४ ॥  
 ताही छिन चहुँ ओर घेर घन आये । बरसन लागो नीर अधिक  
 क्षिति छाये ॥ झोका देत समीर दामिनी कोंधे । जाकी चमक  
 निहारि नैन चकचाये ॥ ७५ ॥ नटत मोर घन पक्षिनि शोर  
 मचायो । सुनि विरहिनि हिय दूनो विरह बढ़ायो ॥ नीर बुंद जो  
 परं नियनके तनमें । रंचक हू न लखाय सुछनकें छिनमें ॥  
 ७६ ॥ देखतहो घनश्याम विगदिनी बाला । राय उठो  
 अनि भई सिद्ध बेदाला ॥ काहु कछो भट्ट जैसे घनफोर ।  
 नैनही मनमोहन अपन प्यारे ॥ ७७ ॥ कोऊ विगदिनि कहैं मेघ  
 इन आगे । तो लगि मीनक होत सुनन हमारे ॥ येउहं घनश्याम

तुमों घनश्यामा । दोउनको है एक रूप गुण नामा ॥ ७८ ॥  
 कोउ कहैं घन इतै नहीं तुम छावो । जितै होय मनमोहन तितै  
 सिधावो ॥ उनही के ढिग जाय घेरि झरि लैयो । यह दुख हमरो  
 श्यामहि सकल सुनैयो ॥ ७९ ॥ नेह विरह वश ग्राम बधू कर-  
 जौरैं । शीश नाय है दीन जु सवहि निहोरैं ॥ कानन योग नहैं  
 सुकुमार पियारे । ते वन वन यौ डोलै पाँय उचारै ॥ ८० ॥ तुम  
 सवही मिलि प्रीतमको सुख दीजो ॥ जड चेतन निज जन्म सफल  
 कर लीजो ॥ अहो मेघ तहँ कीजो छाँह सदाहीं । सुंदर श्याम  
 सलोने जहँ जहँ जाहीं ॥ ८१ ॥ अहो पवन नित त्रिविध लाल  
 हित ढरियो । होन न पावै सकल स्वेद श्रम हरियो ॥ अहो चंद  
 रघुचंद अनंद करीजो । अहो रैन प्रीतमहि चैन बहु दीजो ॥ ८२ ॥  
 अहो भूमि तुम तहाँ मृदुल अति होऊ । जहाँ जाहिं सिय सहित  
 बंधु वर दोऊ ॥ अहो पंथ लघु सुगम स्वच्छ शुचि रहियो ।  
 राजकुँवरको मोद सहित निरवहियो ॥ ८३ ॥ रघुवरके हित हेतु अहो  
 तरु वेली । फूलो फलौ सबे ऋतु समय सकेली ॥ अहो भानु  
 तुम उनके कुलपति होजू । राजकुँवर सुख हेतहि सीत गहौजू ॥ ८४ ॥  
 सब पसारि निज अंचल विधिहि मनावैं ॥ जहाँ रहै रसिकेश  
 तहाँ सुखपावैं ॥ देव पुजेयो वेगहि आश हमारी । बहुरि विलोकैं  
 नयनन भरि धनुभारी ॥ ८५ ॥

इति श्री० रा०र० व० वि०ग्रामवधूविलाप वर्णनो नाम तृतीयो विभागः ॥ ३ ॥

दोषद्वंद्व ।

सब रघुवर छवि छकीं छवीली तन मनकी सुधि भूली ।  
 राजकुँवर घनश्याम सुघर विन विरह शूल हिय हूली ॥  
 सकल दिवस निशि वन विलपतहाँ रहों नवेली वाला ।  
 घर पुरजन अकुलात सोच वश खोजत फिरत विहाला ॥ १ ॥  
 दूजे दिवस विपिनमें पाई तिनकी दशा निहागी ॥  
 भये विकल गुरजन पुर परिजन बड़े सोच उरभारी ॥

मृदुवानी । धीर धरौ निज हियमें परम सयानी ॥ यों जनिहो  
 अधीर विरहिनी वामा । तुमहिं मिलेंगे वेगि राम अभिरामा ॥ ६७  
 धर्म धुरंधर राम विषयरसरुखे । रहत भक्त आधीन प्रीतिके भूखे  
 तुम उनते नहिं दूर नवे तुमसे हैं । दुहूँ निकट हो दोऊ दुहूँ हि  
 हैं ॥ ६८ ॥ रैन दिवस ज्यों तुम सब उनहिं रटौहौ । तिय सिंग  
 त्यों तिनकेहिये बसौहौ ॥ वेसबहीके जीकी जाननवारे । दूर कर  
 सकल कलेश तिहारे ॥ ६९ ॥ पथिक धीरदै सबही विधि समुझा  
 विरह अगिनि कछु कहि रस बैन सिराई ॥ कहैं वियोगिनि वा  
 बटोही प्यारे । और श्यामकी चरचा फेरि चलारे ॥ ७० ॥ फे  
 विरहिनी विकल भई अकुलानी । हाय लाल कहि टेरन ल  
 सुवानी ॥ विरह विवश तिन सुधि बुधि पुनि विसराई । उठो बटो  
 ताछिन औसर पाई ॥ ७१ ॥ तिन चरणनकी रज निज नैन लगाई  
 चलत भयो कछु मिसतै डीठ बचाई ॥ चलो जात मग पथिक न  
 भरिलावै । करि करि तिनकी सुरति हिये हुलसावै ॥ ७२ ॥  
 विरहिनी वाम अधिक अकुलानी । हाय बटोही गयो क  
 बिलखानी ॥ धाय धाय चहुँ ओर जाय तिहि हैरें । कोऊ कहुँ  
 दिखाय वैसहीं टेरें ॥ ७३ ॥ कहैं पथिक कित गयो नेक  
 आरे । मेरो कछु संदेशो तौ लेजारे ॥ इहि विधि करति बिल  
 विकल सब नारी । बट्टी पीर उत लागी विरह कटारी ॥ ७४  
 ताही छिन चहुँ ओर घेर घन आये । बरसन लागो नीर अधि  
 क्षिति छाये ॥ झोका देत समीर दामिनी कोंधै । जाकी चम  
 निहारि नैन चकचोवै ॥ ७५ ॥ नटत मोर वन पक्षि  
 मचायो । सुनि विरहिनि हिय दूनो विरह बढ़ायो ॥ नीर बुंद  
 परें तियनके तनमें । रंचक हू न लखाय सुछनकें छिनमें  
 ॥ ७६ ॥ देखतहीं घनश्याम विरहिनी वाला । रोय  
 अति भई विरह वेहाला ॥ काहु  
 तैसही मनमोहन अपने प्यारे ॥  
 इत आरे । तो लखि सीतल

रहिये करि करि हाय ॥ ११ ॥ वह मधुरी रस बोलनि कसकत  
 हीय ॥ वा तिरछी रस हेरनि पैठी जीय ॥ १२ ॥ कवहुँ फिरि  
 अब ऐहं इहि मग लाल ॥ हमहिं बहुरि दरशैहं वदन विसाल ॥ १३ ॥  
 सो दिन धौं कव होइहि अति अभिराम ॥ जादिन प्रीतम हैरें फिरि  
 सब वाम ॥ १४ ॥ दई देवता कित धौं गये पराय ॥ सबै मनाये  
 कोउ न होत सहाय ॥ १५ ॥ श्याम मिलनकी धरि धरि जियमें  
 आस ॥ करत सदा हम सजनी जप उपवास ॥ १६ ॥ हम उन लागि  
 परनवां अरपन कीन ॥ सो अस निठुर पियरवा सुधिहु न लौन ॥ १७ ॥  
 लिखि न पठाई पतियो एकौ मीत ॥ का राखिहि निरदया साँची  
 प्रीत ॥ १८ ॥ सजनी नेह निवाहव सहज न होय ॥ प्रीत रहै वरु  
 जियरा जावै खोय ॥ १९ ॥ सखी इकंगी नेहवा दुख बहु आय ॥  
 दिवला माहिँ पतंगवाकर जिय जाय ॥ २० ॥ करि करि श्याम सुर-  
 तिया हम दिन रैन ॥ रोय रोय मन मारें छिनहुँ न चैन ॥ २१ ॥  
 कोऊ खवारि सुनाइहि असि फिरि हाय ॥ आये मीत पियरवा देखहु  
 जाय ॥ २२ ॥ सजनी कस सुधि होइहि उनहि हमारि ॥ राजकुँवर वे हमहं  
 नारि गँवारि ॥ २३ ॥ कोऊ कहें सखीरी मुहि दिन रैन ॥ झझक  
 उठै हिय धरकत परे न चैन ॥ २४ ॥ रहे जहाँ मोहन तहँ जाय न  
 जाय ॥ सजनी सो बट छहिँया धरि धरि खाय ॥ २५ ॥ लंगत  
 मशान भवनवाँ परिजन भूत ॥ रिपु समान दरशावैं पितु पति पूत ॥  
 ॥ २६ ॥ जवसे श्याम सजनवाँ विछुरे हाय ॥ तवसे आपनि देहिया  
 मुहि न सुहाय ॥ २७ ॥ विछुरत प्रीतम छतिया फाटि न मोरि ॥  
 अब छिन छिनाहिं करेजवा उठत मरोरि ॥ २८ ॥ बृद्धि मरे वरु हेली  
 समुद मँझार ॥ विरह कलेश न डारे कहुँ करतार ॥ २९ ॥ लाय  
 भसम वरु देहिया वसे पहार ॥ प्रीतम के विछुरनिया होय न पार ॥  
 ॥ ३० ॥ दुख चाहे सो विधिना दे भरपूर ॥ पे अँखियन ते मितवहि  
 करे न दूर ॥ ३१ ॥ प्रीतम साथ सहेली बनहुँ मुदाय ॥  
 उन दिन मून सदनवाँ विपिन लखाय ॥ ३२ ॥ बोली एक  
 सुनारी सपना मोर ॥ लखे आज जनु आये राजकिशोर ॥ ३३ ॥



वोली इक कुवना पर बैठो काग ॥ कहूँ साँची यह दैहौं तुहि बलि-  
भाग ॥ ३४ ॥ काग कनकके पिंजरा राखौं तोहि ॥ जुपै सगुन  
यह साँचो तेरो होहि ॥ ३५ ॥ जस हमारहैं जियरा उन महँ लाग ॥  
तस मित ऊकर हैहै कहुरे काग ॥ ३६ ॥ कोऊ कहैं सखि वृझिय  
गणक बुलाय ॥ किते दिवस महँ ऐहैं अव रघुराय ॥ ३७ ॥ वामनैन द्वै-  
दिनसे फरकत मोर ॥ आय काग शुभ बोलिया बोलत मोर ॥ ३८ ॥  
सखिरी नीक सगुनवाँ अव नित होहि ॥ जानि पुरै अस प्रीतिम मि-  
लिहैं मोहि ॥ ३९ ॥ इहि विधि निशि दिन सब तिय सुमिराहैं श्या-  
म ॥ अवधि आश मग निरखैं सिगरी वाम ॥ ४० ॥

प्र० ॥ तुलसीकृत रामायणे अयोध्याकांडे ।

चौ०—सीता लपण सहित रघुराई ॐ ग्रामनिकट जब निसरीहैं जाई ॥  
सुनि सब बाल वृद्ध नर नारी ॐ चलाहैं तुरत गृह काज बिसारी ॥  
नारि सनेह विकल सब होहीं ॐ चकई सांझ समै जनु छोहीं ॥ १ ॥

इत्यादि ।

इति श्री० रा० र० वि० वि० ग्रामवधूस्नेहकथन-  
वर्णनो नाम चतुर्थोऽविभागः ॥ ४ ॥

दोहा—उत इहि विधि मगवासिनी, हिय सुमिरैं नित श्याम ॥  
छिन छिन तिनको प्रीति इत, सदा सराहत राम ॥ १ ॥  
सिया लपण रघुवर मुदित, पहुँचे जाय प्रयाग ॥  
मजन करि बहु मुनिनते, मिले सहित अनुराग ॥ २ ॥  
भरद्वाज कपि दरशलाहि, भये परम आनंद ॥  
तहँ नैं चलि न्दाये तिहँ, कालिंदी मुखकंद ॥ ३ ॥  
दोऊ बंधु पुनीत भृग, लाये खोलि अहेर ॥  
विधि कृत्य युन अशन करि, चले मुदित निहुँफेर ॥ ४ ॥

प्र०—वाल्मीकीय अयोध्याकांडे मग ॥ ५५ ॥ श्लोक ।

कोशमात्रे ततो गन्वा भानरी गमलधूमणा ॥

नृत्तन्मयान्मृगान्दन्वा नेतुं यमुनापते ॥ १ ॥

दोहा—तात्पर्यार्थक आश्रम निर्गम, लहो परम आनंद ॥

आप भोग नायो मुनिहि, सिया लपण रघुनंद ॥ ५ ॥

वाल्मीकि लखि मुदित हैं, तिहुँ शुभ आशिष दीन ॥  
 यथा उचित सत्कार बहु, प्रीत सहित मुनि कीन ॥ ६ ॥  
 पुनि कर जोरि निहारिकै, मुनिसन वृद्धी राम ॥  
 नाथ रजायसु दीजिये, वास करौं किहि ठाम ॥ ७ ॥  
 वाल्मीकि मुनि मुदित हैं, बोले मंजुल बैन ॥  
 राम तिहारे वासु हित, अमित अनूपम ऐन ॥ ८ ॥

धनाक्षरी कवित्त ।

मनमें मुनीनके कवीनके सुबैनमें नेहिनके नैननमें प्रानमें पुरा  
 रीके । अवधनिवासिनके मिथिलाविलासिनके परम उपासिनके स-  
 त्यव्रत धारीके ॥ ज्ञानी गुणवंतनके सज्जन अनंतनके साँचे शुचि संत  
 नके परउपकारीके । राम अभिराम सीता लपण समेत सदा हृदय  
 निवास करौ रसिकविहारीके ॥ ९ ॥ सकल सुपास पास वास मुनि  
 मंडलीको लायक विलास थलदायक हुलासको । कंद मूल सरस  
 अतूल फल फूल मृग सरिता विशाल गिरि विपिन विकासको ॥  
 रसिकविहारी सो निहारी छवि भारी ताहि भावैना अनूप रूप अमर  
 निवासको । चित्रकूट विशद विचित्र है पवित्र तहां ठाम अभिराम  
 राम रावरे निवासको ॥ १० ॥

चौ० मुनि वरवैन मुनिहि शिरनाई ❀ चले बंधु सिय युत रघुराई ॥  
 आये चित्रकूट छवि हेरी ❀ मुदित फिर गिरिवर चहुँ फेरी ११  
 पुनिद्वे परणकुटी वर भारी ❀ लपण लाल निज हाथ सवारी ॥  
 सो लखि राम कही हुलसाई ❀ शाल प्रतिष्ठा उचित सदाई १२  
 सो मुनि लपण कृष्ण मृगलाई ❀ विधि युत पल साकल्य बनाई ॥  
 तव रघुवर जपि मंत्र प्रमाना ❀ कीनो हवन समेत विधाना १३  
 प्र० । वा० । ज० फा० स० ५६ ॥ श्लो० ।

ऐण्यमांसमाहृत्य शालां यक्ष्यामहे वयम् । कर्तव्यं वास्तुशमनं  
 सामित्रे चिरजीविभिः ॥ २ ॥ भ्रातुर्वचनमाज्ञाय लक्ष्मणः परवीरहा ।  
 चकार च यथोक्तं हि तं रामः पुनर्ब्रवीत् ॥ ३ ॥ अयं सर्वसमस्तांगः  
 श्रितः कृष्णमृगो मया । देवता देवसंकाश यजस्व कुशलो ह्यसि ॥  
 ॥ ४ ॥ वभूव च मनोदादो रामस्यामिततेजसः । वंशदेववालि  
 कृत्वा राट्रं वैष्णवमेव च ॥ ५ ॥ इत्यादि ।

चौ० इमि विधियुत करि शालप्रतिष्ठा ॥ दशरथसुत रघुवरधरमिष्ठा ॥  
 येक कुटी मधि सिय रघुवीरा ॥ इकमहँ रहे लपणरणधीरा १४॥  
 राम आगमन सुनिसव धाये ॥ मुनि मुनितिय लखि हिय दुलसाये  
 इहिविधि चित्रकूट मधिरामा ॥ कियो वास लखि थल अभिरामा १५  
 सेवा करें लपण चित लाई ॥ सुखी परस्पर प्रीति सदाई ॥  
 वसे राम लछमन वन जवते ॥ निर्भय भये देव मुनितवते १६॥

दोहा—चित्रकूटवासी सकल, जेते जड चैतन्य ।

तिन सराहि सुर कहत हैं, धन्य धन्य ये धन्य ॥ १७ ॥

इति श्री० रा० २० व० वि० चित्रकूटनिवास

वर्णनो नाम पंचमो विभागः ॥ ५ ॥

दो०—चित्रकूट उत राम सिय, लखि सब भये निहाल ।

इत कौशलपुर शोक वश, विलपत सकल विहाल ॥ १ ॥

अवधनिवासी नारि नर, निशिदिन करत विलाप ।

राम लपण सियके विरह, सबके उर संताप ॥ २ ॥

कहत परस्पर वैन सब, विरह विवश बहु दीन ।

हाय लपण सिय राम हम, काहे संग न लीन ॥ ३ ॥

घनाक्षरी कवित्त ।

सोचत हिये में सबै रसिकविहारी यहै काननमें येते दिन कैसे वे  
 विताय हैं । संग सुकुमारी तिय देखि मृगराजको अतिही सशंक  
 है कै जिय विलखाय हैं ॥ कंटक समेत बाट चलि हैं उचारे पाँय  
 ताहु पै विरस कंद मूल फल खाय हैं । जो सुमन सेज पै रहत दिन  
 रैनहुते तेई सिय राम अब साथरी विछाय हैं ॥ ४ ॥

दोहा—इहि विधि कौशल नगरमें, छायो चहुँ संताप ॥

जड चैतन सब करत अति, राम विहीन विलाप ॥ ५ ॥

अवधनगर चहुँ ओर महि, लगत भयावन घोर ॥

जित तित विलपत नारि नर, हाय राम करि शोर ॥ ६ ॥

लाज शोक वश सचिव पुर, आये रैन निहारि ॥

धाये चहुँ दिशि ते विकल, रथ विलोकि नर नारि ॥ ७ ॥

लखि स्यंदन सुनो सवै, गिरि धरणि करि हाय ॥  
 सचिव बेगि नृप सदनमें, जाय गहे प्रभु पाँय ॥ ८ ॥  
 दशरथ निरखि सुमंतको अतिही उठे उताल ॥  
 बृझे गदगद कंठ कित, सिया लपण रघुलाल ॥ ९ ॥  
 सुनि सुमंत बहु विकल हे, कहे वैन विलपाय ॥  
 लपण सोय संयुत वनाहि, गये राय रघुराय ॥ १० ॥  
 निज विनती उत्तर तिहुँ, गुह मिलि उतरन गंग ॥  
 सकल यथारथ समय सम, वरणो सचिव प्रसंग ॥ ११ ॥  
 राम लपण सिय वन गमन, जब दृढ सुनो नरेश ॥  
 गिरे भूमि मूर्छित विकल, बाढो विपुल कलेश ॥ १२ ॥

चौ०-हाय राम सिय लपण पुकारी ॥ रुदन करत नृप आरत भारी ॥  
 सुनि कौशलां आदि बहु रानी ॥ धाय आय पति पद लपटानी १३ ॥  
 ताछिन प्रेम विवश महि पाला ॥ कहे कौशलहि वचन विहाला ॥  
 दीनी तापस अंध लु शापा ॥ सोफल मोहिं सत्य अव व्यापा १४ ॥  
 हौं अहेरहित रैनि मझारी ॥ सरयू तीर हुतो पदचारी ॥  
 ताछिन इक तापस सुत आयो ॥ कुंभ नीर पूरण चित लायो १५ ॥  
 जल पूरत घट शब्द सुनो में ॥ करि केहरि ध्रुव हीय गुनो में ॥  
 शब्द बेध करि शर तिहि मारा ॥ गिरो धरणि सो विकल पुकारा १६ ॥  
 मानुष गिरा सुनत' हौं धायो ॥ जाय निकट गहि बेगि उठायो ॥  
 लखि तापस सुत वचन उचारा ॥ विन अपराध मोहिं किमि मारा १७ ॥  
 मो पितु मातु दुहुँ दृगहीना ॥ बसत सदा कानन तप लीना ॥  
 तिन हित नीर भरन में आयो ॥ वृथानृपति मो प्राण नशायो १८ ॥  
 तब हौं कहे वचन अति दीना ॥ विन जाने यह पातक कीना ॥  
 यौं कहि तिहि तनुतेशर काढो ॥ तजो प्राण सो दुख लहि गाढो १९ ॥  
 हौं तिहि निरखि महादुख छायो ॥ ले पूरित घट बेगि सिधायो ॥  
 जाय नीर धारि सब गति वरनी ॥ सुनतहि गिरे रुदित दुहुँ धरनी २० ॥

दोवई छंद ।

पुनि दुहुँ विलपत कही मोहिं दृढ लैचल सुतके पासा ।  
 हौं तिन कंध राखि तहँ लायो अतिहो दुखित हिराशा ॥

दुहुँ पितृमातृ पुत्र कर परसो वरदे शुभ गति कीनी ।  
 पुनि रचि चिता वेठि तिहि ऊपर घोर शाप मुहि दीनी ॥२१॥  
 कही दुहुँ ज्यों हम तनु त्यागें पुत्र दुखित इहि काला ।  
 त्योंहीं सुत वियोग वश तेरो मरन होय महिपाला ॥  
 दै इमि शाप दुहुँ तनु जारो देवलोक सो पायो ।  
 भई सिद्धि सो शाप राम विन मृत्युसमैं अब आयो ॥२२॥

प्र० ॥ वा० ॥ अ० का० ॥ स० ॥ ६४ ॥ श्लोक ।

पुत्रव्यसनजं दुःखं यदेतन्मम साम्प्रतम् ॥

एवं त्वं पुत्रशोकेन राजन्कालं करिष्यसि ॥ १ ॥ इत्यादि ॥

चौ०-यौं कहि भूपति अति अकुलाई \* बोले दीन नेह उरछाई ॥  
 राम मात मम उर कर धारो \* लखि न परत मुहि वदन निहारो ॥२३॥  
 अंतसमैं अब मो मुख देखो \* हाय न मैं टुक तुव मुख पेखो ॥  
 रघुवर दरश हेतु सब रानी \* तनुरखियो मम आयसुमानी ॥२४॥  
 यौं कहि नृपति विकल है भारी \* हाय राम सिय लपण पुकारी ॥  
 रुदन करत आरत रवघोरा \* आये धाय सकल सुनि शोरा ॥२५॥  
 गुरु द्विज सचिव विविध पुरवासी \* सेवक सखा दास अरु दासी ॥  
 सब निजमति अनुसार बुझाई \* कहि सुगाथ बहु धीर धराई ॥२६॥  
 अवध नाथ कछु उतर न देहीं \* हाय राम कहि हिलकिन लेहीं ॥  
 लखि नरेशगति विलपति रानी \* यौंहीं निशि द्वैयाम विहानी ॥२७॥  
 ताछिन दशरथ नृप अकुलाई \* उठे विकल चितवत चहुँधाई ॥  
 नैननते रंचहु कछु सूझै \* विहवल विलपि विलपिवहु वृझै ॥२८॥  
 कहाँ राम लछमन वैदेही \* हाय कहाँ सुत परम सनेही ॥  
 यौं कहि धरणी गिरे विहाला \* प्राण कंठगत भये नृपाला ॥ २९ ॥

दोहा—हाय प्राणप्यारे सुवन, हा मम प्राण अधार ॥

पुत्र वधू हालाडिली, हाय लपण सुकुमार ॥ ३० ॥

कहाँ लपण सीता, कहाँ, कहाँ राम रघुचंद ॥

यौं कहि दशरथ तन तजो, लहो परम आनंद ॥ ३१ ॥

चौ०—भूपति मरन देखि सब रानी ❀ घोर शोर करि अति बिलपानी ॥  
 गारी सकल कैकयिहि देही ❀ कहैं लियो जिय पापिनी येही ३२  
 सकल नारि नर करत पुकारा ❀ रुदन छयो चहुँ नगर मँझारा ॥  
 यौं विलपत सवरेनि सिरानी ❀ समुझायो बहु गुरु वरजानी ॥ ३३ ॥  
 नृप तनु हेत जतन करि भारी ❀ सो धारि राखो तेल मँझारी ॥  
 पुनि वसिष्ठ वर दूत बुलाये ❀ जाहु भरत ढिग वेगि सिखाये ३४ ॥  
 जनि भरतहि कछु हाल सुनैयो ❀ मम आज्ञा कहि वेगहि लैयो ॥  
 यौं सिख दै दूत दूत पठाये ❀ अति उताल सो चरवर धाये ३५  
 उतैं रनिमाधि होत सवारो ❀ स्वप्न अशुभ अति भरत निहारो ॥  
 उठि नृप सुवन सोच बहु कीनो ❀ भूरि दान विधि संयुत दीनो ॥ ३६ ॥  
 ताछिन दूत भरत ढिग आये ❀ दै पत्री गुरु वचन सुनाये ॥  
 सुनि दुहुँ वंधु अधिक अकुलाई ❀ चले वेगि मिलि विदा कराई ३७ ॥  
 आये अवध लगो भयकारी ❀ निराखि वंधु दुहुँ भये दुखारी ॥  
 वेगि जाय जननी पग लागे ❀ बूझे राम पितहि अनुरागे ॥ ३८ ॥  
 कैकेयी सुत अंक लगाई ❀ निज करणी सब मुदित सुनाई ॥  
 सुनत भरत रिपुहन दुहुँ भाई ❀ गिरे भूमि मूर्छित विलपाई ॥ ३९ ॥

दोहा—हा कुमात हा मात वर, हाय भ्रात हा तात ॥

बहु विलाप करि वंधु दुहुँ, सोक विकल विललात ॥ ४० ॥

चा०—यौं विलपत दुहुँ राजकुमारा ❀ कहि कुमात कटु वचन अपारा ॥  
 ताही छिन सो परी दिखाई ❀ किये शृंगार चित्त हरपाई ॥ ४१ ॥

पनाक्षरी—कवित्त ।

दासी कैकयी की मति नासी मंथरा जो ताहि शत्रुहन देखी  
 भई रंचहु नद्वरी । धाय वर जोरी केश धारि झकझोरी गहि रसना  
 मरोरी कहि दीनी सीख खूबरी ॥ फारे त्यो कपोल दंतझारे दलिझारे  
 अंग भाँप रोप धारे मातु मंत्री तु अजूबरी । कूबर सुट्टो शीश  
 फूटो प न प्राण छूटो ऐसी मागिलातन लथोरी डारी कूबरी ॥ ४२ ॥

दोहा—करत हाय विललाय सो, प्राण कंठगन आय ॥

तिय अवध्य लखि भक्त तिहि, दीनी वेगि छुटाय ॥ ४३ ॥

तहँ ते विलपत बंधु दुहुँ, राम मात ढिग जाय ॥  
 धाय गहे पद कौशला, निरखि लिये उर लाय ॥ ४४ ॥  
 जननी सुत दुहुँ परस्पर, प्रेम शोक वश होय ॥  
 करत विलाप विहाल बहु, धीरज धरे न कोय ॥ ४५ ॥  
 सकल मातु तव सुतनको, समुझाये हिय लाय ॥  
 कछुक धीर धरि के भरत, कही सत्य सकुचाय ॥ ४६ ॥

घनाक्षरी-कवित्त ।

गाय द्विजमारे तिय वालक सँहारे गुरु स्वामी अपचारे झूठ वचन  
 उचारेते । माता सुता भगिनी कुट्टपिते निहारे मित्र दोह उर धारे शर-  
 णागत निकारेते ॥ सत्य प्रण टारे निज धरम निवारे निंदा पिशुन  
 प्रचारे परनारी धन हारेते । होवै पाप भारे मोहिं लागै मातु सारे राम  
 बनहि सिधारे जोपै संमत हमारे ते ॥ ४७ ॥

चौ०-सुनत शपथ जननी हिय लाये ❀ कहि मृदु वचन भरत समुझाये  
 पुनि करि सौंह कौशलाबोली ❀ मुहि प्रतीति तुव मति नहिं डोली ४८  
 भरत आगमन सुनि सब धाये ❀ गुरु मंत्री पुर परिजन आये ॥  
 दुहुँ बंधुन बहु विधि समुझाये ❀ भूप क्रिया हित साज सजाये ४९  
 पुर पूरव सरयू तट जाई ❀ मृत्युक्रिया सब करी तहाँई ॥  
 सब कृत हित प्राचीन सुठामा ❀ जहँ शिवधाम विल्व हरि नामा ५०  
 उचित कर्म पुनि सहित विधाना ❀ कीने भरत अमित विधि नाना ॥  
 भये पुनीत वेद कुल माने ❀ तव ज्ञातीन सकल सनमाने ५१ ॥

दोहा-लोक वेद कुल रीतिमय, जिमि गुरु आयसुदीन ॥

भरत उदार सप्रीति तिमि, तात कर्म सब कीन ॥ ५२ ॥

इति श्री० रा० र० व० वि० राजादशरथदेहत्याग-  
 वर्णनो नाम षष्ठो विभागः ॥ ६ ॥

दोहा-नृपति कर्म ते सुचित लखि, सब मिलि कियो विचार ॥

राजतिलक अब भरतको, कीजे समय निहार ॥ १ ॥

चौ० गुणि गुरु सचिव सुजन बहु आये ❀ सभामाहिं दुहुँ बंधु बुलाये ॥  
 सब कथा सकल अभिलाषी ❀ राजतिलक हित भरतहि भापी २

सुनि वर वचन भरत शिर नाई ॥ गुरुहि जोरि कर विनय सुनाई ॥  
 मो रुचि यह प्रभु सहित समाजा ॥ चलों राम दरशनके काजा ॥३॥  
 पद परि निज अपराध क्षमाई ॥ सिया सहित आनों दुहुँ भाई ॥  
 पुनि रघुवरहि तिलक प्रभु कीजे ॥ वेगि नाथ यह आयसुदीजे ॥४॥  
 पुनि इक औरहु मो रुचि नाथा ॥ तिलक साज लीजे सब साथी ॥  
 ह्वै अभिषेक उतहि पुनि आवैं ॥ सहित राज श्री बहु छवि छावैं ॥५॥  
 भरत वचन सुनि सब हुलसाने ॥ धन्य धन्य करि अमितवखाने ॥  
 प्रसुदित ह्वै गुरु आयसुदीनी ॥ तिलकसौजसारी संग लीनी ॥६॥

दोहा-देश कोश गृह धर्मको, उचित प्रबंध सुठान ॥

बहुरि चित्रकूट हि भरत, कीनो वेगि पयान ॥ ७ ॥

पुर परिजन सेवक सखा, गुरु मंत्री सब मात ॥

भरत संग गवने सकल, चित्रकूट कहैं जात ॥ ८ ॥

चौ०-नृपसुत सदल गंग तट आये ॥ सुनि गुहसैन साजि उठिधाये ॥  
 जानो भरत राजमदछाये ॥ समर करन हित वेगि सिधाये ॥९॥  
 आय निषाद भरत गति देखी ॥ हृदय भयो आनंद विशेखी ॥  
 करि सतकार उतारे पारा ॥ चलो संगल सुभट अपारा ॥१०॥  
 पहुँचे भरत प्रयाग नहाये ॥ पुनि मुनि भरद्वाज ढिग आये ॥  
 उचित प्रणाम ऋषिहि सब कीने ॥ मिले परस्पर आदर दीने ॥११॥  
 पुनि मुनि करी सकल पहुनाई ॥ सो अनूप अति वरणि न जाई ॥  
 एक भरत विन सब नगनारी ॥ ऋषिसतकार लहो सुख भारी ॥१२॥  
 प्रात होत मुनिपद गिरनाई ॥ चले भरत रिपुहन दुहुँ भाई ॥  
 अवध विहाय लठे जब हीते ॥ नृप सुत राम रटत तवहीते ॥१३॥  
 मारग विन पदवान सिधाय ॥ सोलखि गुरु जननी समझाय ॥  
 तिन रजाय वश बैठे स्थंदन ॥ चलि कटु पुनि उत्तर नृपनंदन ॥१४॥  
 कवहुँ राम विरह संतापा ॥ बैठि पंथ बहु करत विलापा ॥  
 कवहुँ भूमि परि करहि प्रणामा ॥ टेरत कवहुँ हाथ सियरामा ॥१५॥  
 पंद मूल फल कवहुँ अहार ॥ भगत त्यागि दीनो सुखनाग ॥  
 मलिन वसन तनु छीन दुखारी ॥ सोलखि विचल सकल नगनारी ॥१६॥



भरत प्रीति निरखी सुरराई ❀ बोले गुरुहि हृदय अकुलाई ॥  
 जो रघुवर फिरि अवध सिधारे ❀ बनेकाज पुनि बिगरेँ सारो ॥१७॥  
 सुनि गुरु कही सोच जनि करहू ❀ राम प्रतीत प्रीति उर धरहू ॥  
 जो रघुवर भरोस दृढ राखै ❀ तिनकी सब पूजै अभिलापै ॥१८॥  
 सुनि गुरु वचन अमर हरपाने ❀ देवराज आनंद अघाने ॥  
 इत आतुर अति भरत सिधारे ❀ वेगहि चित्रकूट नियराये ॥१९॥  
 ताही निशि सिय स्वप्ननिहारो ❀ आयो अवधनगर जनु सारो ॥  
 दुहुँ नृपतनय सकल महारानी ❀ देखी मलिन शोक दुखसानी ॥२०॥  
 उठि अकुलाय कहो सब रामै ❀ सुनि दुहुँ बंधु भये करुणामै ॥  
 पुनि रघुवर उताल नितकर्मा ❀ किय सिय बंधु सहित निजधर्मा ॥२१॥  
 ताछिन गगन धूरि बहु छाई ❀ लखि बंधुहि बोले रघुराई ॥  
 तरु चढि लछमन वेगि निहारौ ❀ कहा हेतु सो समुझि उचारौ ॥२२॥  
 देखी लपण शाल चढि जानी ❀ पहिचानी सब अवध निसानी ॥  
 धाये भरत लग्न अनुमाने ❀ आय लपण द्रुत गहिधनुवाने ॥२३॥  
 रामहि कही रोप हिय लाई ❀ आवत भरत साथ कटकाई ॥  
 सुनि रघुनाथ बंधु समुझाये ❀ भरत शील गुण सकल सुनाये ॥२४॥  
 तौ लग बहु वनचर नर आये ❀ रामहि भरत चरित्र सुनाये ॥  
 बंधु आगमन सुनी रघुवीरा ❀ हर्ष शोकवश धरै न धीरा ॥२५॥  
 उत लखि चित्रकूट अभिरामा ❀ भरत भूमि परि कियो प्रणामा ॥  
 परण कुटी दूरहि ते देखी ❀ छाई हृदय गलानि विशेषी ॥२६॥  
 समय निहारि धीर उरधारी ❀ चले वेगि दुहुँ बंधु दुखारी ॥  
 आये परण कुटी ढिग धाये ❀ निरखि रामपद परि विलपाये ॥२७॥  
 उठि रघुवीर बंधु दुहुँ भेटे ❀ कहि वर वचन सोच बहु भेटे ॥  
 पुनि नृपसुतकियसियहि प्रणामा ❀ मिले लपण धनु शरकर वामा ॥२८॥  
 तौ लग सकल लोग तहँ आये ❀ निरखि राम लोचन जलछाये ॥  
 दुहुँ बंधु गुरु सिय पद परसे ❀ सचिवसखा सेवक हित सरसे ॥२९॥  
 दोहा—यथा उचित सन्मानि सब, राम लपण अरु सीय ॥  
 सकल महारानीनके, चरण गहे लागि दीय ॥ ३० ॥

मातु सुमित्रा कौशला, विलपति करि करि प्यार ॥

राम लपण सियको हृदय, लाय लाय बहु वार ॥ ३१ ॥

यौं सिय रघुवर लपण मिलि, हरपो सकल समाज ॥

पिता कुशल बूझी गुरुहि, द्रुत सप्रेम रघुराज ॥ ३२ ॥

सुनि वसिष्ठ जल नैन भरि, बोले हिय विलपाय ॥

तुव वियोग ताजि अवध नृप, वसे देवपुर जाय ॥ ३३ ॥

राम लपण सिय गुरु वचन, सुनत गिरे मुरझाय ॥

हाय तात हा नाथ कहि, रुदन करत अकुलाय ॥ ३४ ॥

सचिव सखा गुरु मात तिहुँ, समुझाये कहि बेन ॥

आये तट मंदाकिनी, न्हाय भरे जल नैन ॥ ३५ ॥

चौ०-अपर क्रिया विधिवत सब कीनी ॥ मौन रहे रघुवर दिन तीनी ॥

चौथे दिवस जुरे सब आई ॥ बोले गुरुहि राम सकुचाई ॥ ३६ ॥

कृपासिंधु वन सकल दुखारी ॥ जिते अवधवासी नर नारी ॥

याते भरत सहित ले साथी ॥ कौशलपुर पधारिये नाथी ॥ ३७ ॥

सुनि गुरु कही श्रमित सब लोगी ॥ पुनि व्याकुल तुव दुसह वियोगी ॥

याते कलु दिन गहि रघुराई ॥ फिरि सुहोय जो देव रजाई ॥ ३८ ॥

इहि विधि चित्रकूट सब रह्यो ॥ रामहि लखि आनंद अति लह्यो ॥

सर सरिता गिरि वन चहुँ पेर्यो ॥ राम चरण अंकित थल हर्यो ॥ ३९ ॥

चित्रकूट मिथिलाधिप आये ॥ मिले परस्पर बहु सुख छाये ॥

सिय लखि हरप शोक अधिकाई ॥ पित जननी गहि हृदय लगाई ॥ ४० ॥

मिथिला अवध प्रजा नर नारी ॥ जुरे भई चहुँ भीर सुभारी ॥

चित्रकूट मंहें बहु दिन वांते ॥ रहत सकल सानंद सप्रीते ॥ ४१ ॥

सचिव सखा गुरु सकल समाजा ॥ पुरपरिजन मिथिला महगजा ॥

युत भयाद दुहैं रनिवासा ॥ वंछी सभा विशद चहुँ पासा ॥ ४२ ॥

तब वसिष्ठ बोले मृदुवाणी ॥ नीति सुधर्म सम अनुमानी ॥

सरनर तुव आज्ञा अभिलाषी ॥ राम चहिय सबकी रुचि गखी ॥ ४३ ॥

तुम पितु वचन मानि वन आये ॥ अब नृप भग्न लिवावन आये ॥

याते करहु मुकाज विचारी ॥ जिहि सुरनर सब होहि सुखानी ॥ ४४ ॥

सुनि वर वचन राम कर जोरे ❀ गुरु पद पंकज वंदि निहोरे ॥  
 रहै मोर जिमि धर्म दयाला ❀ सोई सबहि उचित इहिकाला ४५  
 दोहा—सुनि रघुवर वाणी कही, भरत जोरि दुहुँ हाथ ॥

है अधर्म मम माथ सब, अवध सिधारिय नाथ ॥ ४६ ॥

पुनि कर जोरि निहोरि कै, कहाँ विनै यह मोरि ॥

प्रभु दिशि ते वन जाउँ मैं, चलिये अवध बहोरि ॥ ४७ ॥

यैही विनती विविधविधि, करी भरत दुहुँ भाय ॥

सचिव सखा नृप मातु सब, अमित कही समुझाय ॥ ४८ ॥

राम सकोची धर्म धर, सोच विवश तिहिकाल ॥

दियो न उत्तर काहु कछु, तव गुरु कही कृपाल ॥ ४९ ॥

सुनहु राम नृप भरत सब, रहे जाहि दिधि धर्म ॥

निज हठ स्वारथ लाज ताजि, याछिन उचित सुकर्मा ॥ ५० ॥

सुनि कौशिककै वचन वर, बोले रघुकुल चंद ॥

कहाँ शपथ करिकै वचन, सुनौ सकल सानंद ॥ ५१ ॥

धर्म नीति ज्ञाता इतै, मिथिला अवध समाज ॥

चित्रकूट शुचि पुण्यथल, जुरी सभासद आज ॥ ५२ ॥

गरु द्विज मंत्री मातु नृप, भरत एक मत होय ॥

जो कछु भापैं सकल मिलि, सत्य करौं मैं सोय ॥ ५३ ॥

राम शपथ सुनि देव सब, अकुलाने बहु हीय ॥

सबहि मनाये मनहिमन, प्रेरि शारदा जीय ॥ ५४ ॥

रहे मौन है सकल तव, करि हिय धर्म विचार ॥

बोले भरत प्रवीन पुनि, वचन समै अनुसार ॥ ५५ ॥

अवधराज मुहि पित दियो, मैं निज दिशिते देत ॥

यामैं कछु अवर्म नहिं, सोऊ नाथ न लेत ॥ ५६ ॥

अब हों किमि धीरज धरौं, तुव वियोग रघुराय ॥

होवै जिमि अवलंब मुहिं, सो प्रभु देहु रजाय ॥ ५७ ॥

तव प्रमुदित है राम निज, चरणपादुका दीन ॥

करि प्रणाम सो प्रीति युत, भरत शीश धरि लीन ॥ ५८ ॥

सवहि उचित मिलि प्रेम युत, सिया लपण रघुवीर ॥  
 विदा किये समुझाय पुनि, हिय धराय बहु धीर ॥५९॥  
 भरत कही जो अवधिते, येकहु दिन अधिकान ॥  
 प्रण करि भापौं शपथ युत, तौ न राखि हौं प्रान ॥ ६० ॥  
 मधु सित दशमी पुण्य गुरु, दिन अभिजित मध्यान ॥  
 सिया लपण युत अवधते, कीनो नाथ पयान ॥ ६१ ॥

प्र० वा० अ० का० स० ३ श्लोक ।

चैत्रः श्रीमानयं मासः पुण्यः पुष्पितकाननः ॥  
 यौवराज्याय रामस्य सर्वमेवोपकल्प्यताम् ॥ १ ॥

तत्रैव पुनः स० ॥ ४ ॥

श्वएव पुण्यो भविता सोभिषेच्यस्तु मे सुतः ॥  
 रामो राजीवपत्राक्षो युवराज इति प्रभुः ॥ २ ॥

पुनः सुन्दररामायणे अयोध्याकाण्डे ।

मधुशुक्लदशम्यां च मध्याह्ने गुरुवासरे ॥

मेपांशौ द्वा गते भानौ रामो गच्छति काननम् ॥३॥ इत्यादि.

दोहा—तादिन वीते अंश जे, मेप भानुके जान ॥

हौं गनिलहौं वर्ष मनु, ध्रुव संक्रांति प्रमान ॥ ६२ ॥

राम कहौ तव जिहि दिवस, चौदह वर्ष करार ॥

पूज तिहिदिन देखियो, ध्रुव मुहि अवध मझार ॥ ६३ ॥

भ्रात वचन दृढ सुनि भरत, चले अवध शिरनाय ॥

• दुहुँ समाज संयुत सकल, पुर परिजन समुदाय ॥ ६४ ॥

चित्रकूट महिमा अभिन, भरत संगहन जात ॥

रघुवर पद अंकित सुथल, ध्यावन हिय दुलसात ॥ ॥ ६५ ॥

हर्ष शोक वश नारि नर, छिन सुख छिन दुख पाय ॥

जनक भरत संयुत सकल, पहुँच अवधहि आय ॥ ६६ ॥

कलक दारि पुर बारिरे, नंदिग्राम अभिगम ॥

वगविचार करि भरत तहँ, रहे निगति शुचिठाम ॥ ६७ ॥

गमपादुका शुभ समय, सिंहासन पदगय ॥

भरत कियो मुनि नेपनिज, सब सुख नाज विहाय ॥ ६८ ॥

द्वादश दिन तितही रहो, मिथिला अवधसमाज ॥  
 पुनि बहु गुरुहि अमार दे, गये जनक महाराज ॥ ६९ ॥  
 जो लग रहे विदेह नृप, रानी सहित प्रवीन ॥  
 तो लग कमलानीर तजि, अशन पान नाहि कीन ॥ ७० ॥  
 पुर परिजन इत अवधमें, लियो सत्यव्रत ठान ॥  
 राम दरश विन भोग सुख, सकल तजे दुखमान ॥ ७१ ॥  
 भरत महल रनिवास सब, भेजो रिपुहन संग ॥  
 गुरु सचिवहि सौंपे उचित, काज बखानि प्रसंग ॥ ७२ ॥  
 यथायोग इहिविधि भरत, कीनी सकल सम्हार ॥  
 राम पाँवरी निकट सब, राजसाज अधिकार ॥ ७३ ॥  
 पूजत भरत सुपाडुका, करत निवेदित काम ॥  
 फल अहार मुनि बेपानित, निशिदिन सुमिरत राम ॥ ७४ ॥  
 देश कोश सेवक प्रजा, न्याय धर्म सब काज ॥  
 सुनत गुनत निरखत सदा, भरत सुपालत राज ॥ ७५ ॥  
 महि मंडल चहुँ ओर सब, प्रसुदित प्रजा सुकाल ॥  
 नीत धर्म लखि कहत जन, जै जै अवध भुवाल ॥ ७६ ॥

धनाक्षरी कवित्त ।

दूजो गुरु ज्ञाताना वसिष्ठ वामदेव ऐसो सचिव सुमंत सम  
 स्वामि सुखदाताना ॥ दशरथ राज सो न ताता दृढ प्रीति वारो  
 रामसो सुपुत्र है जहान धर्म ब्राताना ॥ कौशला सुमित्रासी न  
 माता है विवेकी पुनि सीतासी सुतीय कहूँ पति अनुराताना ॥  
 रसिकविहारी नेहकारी नीतिधारी सत्य काहु ठौर भरत समान  
 और ब्राताना ॥ ७७ ॥

इति श्री० रा० २० व० वि० राम भरत संवाद-

वर्णनो नाम सप्तमोविभागः ॥ ७ ॥

दोहा—राम राम नित रटत उत, भरत वराणि गुणग्राम ॥

भरत भरत सुमिरत भरत, छिन छिन दृग इत राम ॥ १ ॥

चौ०-चित्रकूट सिय लपण समेता ॥ वसैं राम मुद परण निकेता ॥  
 गिरि कानन सर सरित निहारी ॥ विहरत सिय युत अवध विहारी ॥  
 कवहुँ सुमन लाय गुराई ॥ भूषण वसन विचित्र बनाई ॥  
 निज करते प्यारिहि पहिरावैं ॥ छविनिहारि आनंद बढावैं ॥ ३ ॥  
 कवहुँ फाटक शिला पर राजैं ॥ अंगराग करि सियतन साजैं ॥  
 विविधरंग मृदुरज शुचि आनी ॥ सारैं तिलक प्रिया रुचि जानी ॥ ४ ॥  
 कवहुँ सिय पंकज मृदु लाई ॥ सेज रचैं वर विशद सुहाई ॥  
 तापर प्राण पतिहि बैठारैं ॥ निज अंचलते पवन सुढारैं ॥ ५ ॥  
 कवहुँ क्रीट कुंडल धनुवाना ॥ विरचैं सिय प्रसूनमय नाना ॥  
 निज करते प्रीतमहि सुधारैं ॥ करि करि प्यार लेहिं बलिहारी ॥ ६ ॥  
 कवहुँ लपण कलिका मृदु लावैं ॥ नूपुर अनुपम रुचिर बनावैं ॥  
 सो स्वामेनि चरणन पहिरावैं ॥ निरखि राम आनंद अघावैं ॥ ७ ॥  
 कवहुँ सुमनदल लछमन लाला ॥ रचैं पादुका विमल विशाला ॥  
 गुरुवर पदसनेह युत धारैं ॥ कवहुँ प्रसून विजन सजि ढारैं ॥ ८ ॥  
 लपणहि दंपति युत अहलादा ॥ देहिं सुभूषण वसन प्रसादा ॥  
 इहि विधि तिहुँ अपार सुख लहहीं ॥ प्रीति परस्पर प्रमुदित रहहीं ॥ ९ ॥  
 कवहुँ राम दिग मुनिगण आवैं ॥ कवहुँ सुतिनके निकट सिधावैं ॥  
 कवहुँ ऋषितियशुरि सियपाहीं ॥ पति रुचि लखिनिजसंग लैजाहीं ॥ १० ॥  
 कवहुँ कवनवासी नर नारी ॥ लै फल मधु मग सौंज सुधारी ॥  
 आवैं राम नीय पग परहीं ॥ दे सुभेट विनती वर करहीं ॥ ११ ॥  
 इहि विधि लपण सौंय गुरुचंदा ॥ चित्रकूट बसि करत अनंदा ॥  
 जिमि २ अवधिबेषचलिजाहीं ॥ तिमि २ देव अधिक अकुलाहीं ॥ १२ ॥  
 एक नाम सुगति सुत आयो ॥ नाम जयंत कागतनु लायो ॥  
 सिय सरहति निज तुंड परानो ॥ गुरुवर कपट भेष पहिचानो ॥ १३ ॥  
 सिय हिय रुधिर देखि गुरुवीरा ॥ तापर तजो कुपित तृणतीरा ॥  
 भोगि तिहुँ पुर सुगयो सब पासा ॥ कहूँ न बचो तब होय निरासा ॥ १४ ॥  
 गम चरण परि शरण एकागे ॥ तब दयालु निदि प्राण निवारो ॥  
 एकदग विन करि वायस त्यागो ॥ भागो पितु गृह विकल अभागो ॥ १५ ॥

एक समै विधि इंद्र विचारी \* रावण वध सुधि राम विसारी ॥  
 याते चलि कछु युक्ति रचाई \* बेगहि चाहिय सुरति कराई १६  
 यों विचारि दुहुँ शिव ढिग जाई \* निज उरकी अभिलाप सुनाई ॥  
 सुनि बोले शंकर वर ज्ञानी \* वृथा दोउ भ्रम वश यह ठानी ॥ १७ ॥  
 राम वेगि दशमुख वध करिहैं \* भूमि भार सुर दुख सब हरिहैं ॥  
 कछु न शंक मानौ मन माहीं \* छल करि जाउ न रघुवर पाहीं १८  
 सो सुरपति विधि मन नाहि भाई \* चले दुहुँ सुनि वेप बनाई ॥  
 वेगहि चित्रकूट ढिग आये \* तहँके चरित विलोकि सकाये १९  
 देखे अमित भालु कपि ठाढे \* गहे युद्ध हित गिरि तरु गाढे ॥  
 पुनि हेरे तहँ विपुल दशानन \* परे भूमि वेधे तनु पानन ॥ २० ॥  
 सो विलोकि दुहुँ लंक सिधारे \* देखो दशमुख बैठ अखारे ॥  
 तहँ ते चकित चित्त पुनि आये \* चित्रकूट सो चरित लखाये २१ ॥  
 तब सशंक ह्वै गये सुधामा \* बहु विधि इंद्र लखे तिहि ठामा ॥  
 दोऊ भवन जान नाहि पाये \* पुनि ह्वै विकल शंभु ढिग आये २२  
 कहीं सकल गति अति अकुलाई \* सुनि पुरारितिन धीर धराई ॥  
 पुनि तिहुँ राघव निकट सिधारे \* सो चरित्र नाहि कछु निहारे २३  
 आये देव देखि रघुनाथा \* उठे मिले प्रमुदित गहि हाथा ॥  
 बैठारे करि बहु सतकारा \* तब कीनी सुर विनय अपारा ॥ २४ ॥  
 सुनि बोले रघुवर हरपाई \* जाहु भवन निर्भय झुलसाई ॥  
 वेगि करों अब निश्चर नासा \* राखो सत्य मोर विश्वासा ॥ २५ ॥  
 राम वचन सुनि सुर हरपाये \* मिले उचित तिहुँ सदन सिधाये ॥  
 विधि वासव लखि चरित अपारा \* पायो भेदन अमित विचारा २६  
 इहि विधि द्वादश वर्ष विताये \* चित्रकूट नित नव सुख छाये ॥  
 पुनि रघुवर वर इच्छाचारी \* तहँ ते गमन हेतु चित्तधारी २७ ॥

प्र० ॥ अभिव्यंग्यरामायण ॥ श्लोक ।

रामः पंचदशे वर्षे पट्टवर्षामपि मैथिलीम् ॥ उपयेमे त्वयोध्यायां  
 द्वादशाब्दान्वाससः ॥ १ ॥ सप्तविंशतिमे वर्षे वनवासमकल्पयन् ॥  
 अष्टादश तु वर्षाणि सीतायान्तु तदा भवन् ॥ २ ॥ विरात्रमुदका

हारश्चतुर्थेहि फलाशनः ॥ पंचमे चित्रकूटे तु रामो वासमकारयत् ॥ ३ ॥ अथ त्रयोदशे वर्षे पंचवत्स्यां महामना । रामो विरूपयामास घोरां शूर्पणखां वने ॥ ४ ॥ इत्यादि ॥

चौ०-राम चलत मुनि मुनि गण आये ॥ मिले यथोचित प्रेम वढाये ॥ ऋषिपत्नी सियनिकट सिधारी ॥ सादर शीशनाय वेठारी ॥ २८ ॥ मुनि तिय कही सियहि दुलसाई ॥ धन्य जानकी पिय सुखदाई ॥ धन्य पतिव्रत धर्म सदाही ॥ जिहि विधि हरि हर सकल डराही ॥ २९ ॥ अनसुइयापतिव्रतवलपाई ॥ कह त्रिदेव गति प्रगट दिखाई ॥ सिय बूझी सो बात लजाई ॥ ऋषि तिय कही कछु मुसक्याई ॥ ३० ॥ दोवई छंद ।

एक समै मिलि उमा रमा अरु धात्री तीनहुँ नारी ।  
लखि रहस्य सुर गंगतीर थल भूषण वसन उतारी ॥  
मञ्जन करत हुताँ तहँ प्रमुदित ताछिन नारद आये ।  
तिनहिँ विलोकि लजाय अधिक तिहुँ तिय निज अंग छिपाये ॥ ३१ ॥  
सो विलोकि मुनि रिस करि बोले क्यों तुम मोहि न जानी ॥  
भई चहतिहो जनु अनसुइया सम पतिव्रता जानी ॥  
याँ कहि गमन कियो ऋषि तहँ ते पुनि याँ तिहुँ ठहराई ।  
पतिव्रत भंग आवि तियको जिमि होय सुं रचिय उपाई ॥ ३२ ॥  
करि विचार निज निज गृह गवनीं तिहुँ मान बहु ठानो ।  
विधि हरिहरहि रोष तियको लखि सकल अनंद भुलानो ॥  
अमित बार बूझी तब बोलीं और कछु नाहँ भापें ।  
अनसुइयाको पतिव्रत खंडे तो हम निज तनु राखें ॥ ३३ ॥  
तिहुँ नारि निज निज पति सों इमि वचन कहे विलम्बाई ।  
रमा उमा ब्रह्मानी बहु विधि हरि हर विधि समुझाई ॥  
नाहिँ मानो तब देव सोच कश इक इक पास सिधारे ।  
काहु गति कोऊ नाहिँ जाने चले जनन निरधारे ॥ ३४ ॥  
भई भेट तिहुँ बीच पंथमें तिहुँ नशोक तिहुँ देखे ।  
चाखिन कछु कहि मुके न काहु वदन पगन्दर पेखे ॥



पुनि धरि धीर तिहूँ तिहूँ बूझी तिहूँ तिहूँ प्रति वरनी ॥  
 तिहूँ हीय भो दुखी और सुनि तिहूँ ठौर इक करनी ॥ ३५ ॥  
 तिहूँ देव है विवश मंत्र करि यही बात ठहराई ।  
 पतिव्रत भंग कीजिये तियको कछु छलछंद बनाई ॥  
 यों विचारि निज निज गृह वेगै जाय सुधीर धराई ।  
 चले उताल बहुरि तिहि मारग मिले बीच पुनि आई ॥ ३६ ॥  
 तहां विष्णु विधि शंभु मनुजहैं अतिथि भेष तिहूँ धारे ॥  
 सिकताकन लैलये कमंडलु गये अत्रिके द्वारे ॥  
 ताछिन मुनि नाहिं रहे भवनमें अनसुइया लखि आई ॥  
 करि प्रणाम लैजाय सबन फल धरे सामुहें लाई ॥ ३७ ॥  
 सो लखि सकल अतिथि यों बोलै और न अशन कराहीं ॥  
 ये हम सिक्ताकन लै आये पक होय तौ खाहीं ॥  
 पैजिहि विधि भापैं ताही विधि करौ सुभोजन करिहैं ॥  
 नतरु क्षुधित तिहूँ अत्रि भवनतें निज निज मारग धरिहैं ॥ ३८ ॥  
 अत्रितिया सुनि वचन मुनिनके भई सोचवश भारी ॥  
 पक होय किहि विधि सिक्ताकन इन नाहिं बात बिचारी ॥  
 अतिथि क्षुधित जो जाँय द्वारते तो गृहधर्म नशावै ।  
 इहि विधि कराहैं अनेक जल्पना हिय न कछु ठहरावै ॥ ३९ ॥  
 पुनि पतिव्रता नारि विचारी जुपै धर्म हौं साँची ।  
 तौपै पक होइगी सिकता रंचरहैं नाहिं काची ।  
 ह्वै प्रमुदित बोली अनसुइया अतिथि कहा कन दीजे ।  
 जिहि विधि कहौ पक करि आनो रुचिमय भोजन कीजे ॥ ४० ॥  
 सुनि तिहूँ कही अनल जलविन कन करमें पक बनावौ ।  
 बहुरि नम्र ह्वै निलज हाथ निज भोजन हमें करावौ ॥  
 तव बोली सो अतिथि न भापौ महा असंभववानी ।  
 तव सुकर्म मम धर्म रहे जिमि देहु रजायसुजानी ॥ ४१ ॥  
 पुनि सो तजि तिन ओर न भापी तव निज हीय विचारी ।  
 अतिथि नहीं ये छली कोटहैं यों गुनिके मुनि नारी ॥

पति पद सुमिरि ध्यान शुचि कीनो सकल चरित दरशाये ।  
जानी विधि हरि शंभु पतिव्रत भंगकरन मम आये ॥ ४२ ॥

तत्र सुधर्मचारी वर नारी सकल शीश कर फेरे ।

भये अयान बालवपु तीनौ लै सुपालने मेरे ॥

पुनि है नग्न लिये कन अंजलि अनसुइया यों बोली ॥

पक्क होय तो यह सिक्का जौ हों पतिधर्म नडोली ॥ ४३ ॥

कहतहिं भये पक्क सिक्काकन मृदु शुचि शुभ्र सुहाये ।

सो निज करते तिहुँ शिशुन मुख दै भोजन करवाये ॥

पुनि पट धारि झुलावन लागी ताछिन मुनि गृह आये ।

लखि बृद्धी बालक ये किहिके तिय सब चरित सुनाये ॥ ४४ ॥

मगन भये ऋषि देवचरित लखि मनहीं मन सुसक्याने ॥

योहीं शंभु विरंचि विष्णुको वासर सात सिराने ।

उमा विधात्री रमा उतै तिहुँ सोच विवश अकुलानी ।

पुनि नारद कैलास पधारे त्रिकालज्ञ वर ज्ञानी ॥ ४५ ॥

बोले हंसि मुनीश गिरिजासँ लखी देवतिहुँ जाई ॥

पतिव्रता अनसुइया निजगृह राखे बाल बनाई ॥

मुनि है विकल शिवा रठिघाई धात्रिहि सुगति सुनाई ॥

दोऊ तिय अकुलाय कही सब सिंधुसुता ढिग आई ॥ ४६ ॥

सोच सकोच विवस तिहुँ वनिता है जिय निपट हिरासा ॥

भूर गह्वर दूरधरि गमनी अत्रितियाके पासा ॥

आय लजाय धाय ऋषितियके पाँय परी अकुलाई ॥

अनसुइया करि प्यार बधू सम गहि निज हृदय लगाई ॥ ४७ ॥

पुनि तिहुँ बालन शीश धरोकर लहे शुद्ध निजरूपा ॥

विदाकिये सबही तिय संयुत कहि वर वचन अनूपा ॥

निज निज धाम गये हरि हर विधि कहै परस्पर माहीं ॥

कोऊ अनसुइयासम तिहुँ पुर वर पतिव्रता नाहीं ॥ ४८ ॥

दोहा—इहिविधि अनसुइया कथा, ऋषितिय सियहि सुनाय ।

मिली परस्पर प्रेमभरि, गई गेह सुखपाय ॥ ४९ ॥

मुनि अनसुइया दरश की, सियहि भई अति चाह ॥  
 प्रातपयान विचारि उर, छिन छिन होत उछाह ॥ ५० ॥  
 इति श्री० रा० र० व० वि० चित्रकूट चरित्र  
 वर्णनो नाम द्वितीयोविभागः ॥ २ ॥

दोहा-प्रात होत सिय लपण युत, चित्रकूटते राम ॥  
 आये परमानंद चलि, अत्रिमुनीके धाम ॥ १ ॥  
 धाय गहे तिहुँ मुनि चरण, ऋपि उठि अंक लगाय ॥  
 यथा उचित सतकार युत, विनयकरी सतभाय ॥ २ ॥  
 बहुरि राम सिय लपण तिहुँ, धरि ऋपितिय पद माथ ॥  
 कही मात तुव दरश लहि, अब हम भये सनाथ ॥ ३ ॥  
 अनसुइया उठि तिहुन को, उर लगाययुत प्रेम ॥  
 आशिपदीनी विशद शुभ, संततरहै सुक्षेम ॥ ४ ॥

चौ०-पुनि बहु प्रीति सहित ऋपि नारी ॥ लैजानकिहि गोद बैठारी ॥  
 पट भूषण अमोल शुचि दीने ॥ निजकर सिय तनु भूषित कीने ॥  
 बहुरि प्यार करि नीति सिखाई ॥ पतिव्रत रीति सकल समुझाई ॥  
 सोसिख सीय हदै धरिलीनी ॥ ऋपितिय मुदित सु आशिपदीनी ॥  
 पुनि तिहुँ अशन अनूप कराई ॥ विदाकरी निज हृदय लगाई ॥  
 मुनि मुनि तियहि मुदित शिरनाई ॥ चले सीय संयुत रघुराई ॥ ७ ॥  
 अपर मुनिनके आश्रम आये ॥ सबलहि राम दरश सुखपाये ॥  
 ऋपिगण अमित भांति सनमाने ॥ विनती करि निज निज थल आने ॥  
 तहँ वसि बहुरि गमन तिहुँ कीनो ॥ मिलो विराध पंथ मदभीनो ॥  
 सो खल धाय सियहि लै अंका ॥ चलो शोर करि घोर निशंका ॥  
 तिहि लखि राम लपण अकुलाने ॥ धाय जाय धनु शर संधाने ॥  
 वाणन मारि विकल करि डारो ॥ तव विराध किय कोप अपारो ॥  
 लैकर शूल राम पर धावा ॥ दुहूँ वंधु तिहि मारिगिरावा ॥  
 सोतनु त्यागि शुद्ध वपु पाई ॥ गयो देवपुर विनय सुनाई ॥ ११ ॥  
 नव दुहूँ वंधु भूमिखनिभारी ॥ गति राखि तिहि देह सुधारी ॥  
 हे सजग लपण सिय साथ ॥ चले विपिन निरखत रघुनाथा ॥ १२ ॥

मुनि शरभंग ज्ञान गुण छाये ❀ रघुवर तिहि आश्रम नगिचोये॥  
 दूरहिते नभपंथ मझारे ❀ स्यंदन हरित तुरंग निहारे १३॥  
 गुणी राम मुनि दरशनकाजा ❀ मुदित आज आये सुरराजा ॥  
 इमि विचारि कछु विलमत रामा ❀ गये गये जव इन्द्र सुधामा १४॥  
 राम लपण अरु मुनि शरभंगा ❀ मिले परस्पर सहित उमंगा ॥  
 ऋषि तिहुँ उचित सबहि सनमाने ❀ करि बहु विनय अनंद अघाने १५,  
 दोहा—मुनि बोले सियनाथ मैं, जातहुतो सुरधाम ॥

तुव आगम मुनि पुनि रहो, अब पूजे सब काम ॥ १६ ॥

यो कहि ऋषिवर विरचि सर, ताविच बैठि विशोक ॥

योगानल तनु दाहकरि, गये विष्णुके लोक ॥ १७ ॥

चो० लखि मुनि अपर विनय बहुकीनी । राम भक्ति निज सब कहैं दीनी  
 तहँते चले हरापि रघुनाथा ❀ ऋषिगण लगे मुदित मन साथी १८  
 कछुक दूरि चलि रघुवर हेरी ❀ लागी चहुँ अस्थिकी ढेरी ॥  
 करुणाकर बृझी तिन पाहीं ❀ किनके सकल अस्थिये आहीं १९  
 मुनि मुनि सबहि नैन भरि नीरा ❀ बोले बिहल वचन अधीरा ॥  
 ये सब अस्थि ऋषिनके नाथा ❀ दले निशाचर जानि अनाथा २०  
 मुनि रघुवर नैनन जल छायो ❀ करि प्रण सत्य मुनीन सुनायो॥  
 अभय होहु धरि मम विश्वासा ❀ करि हीं सकल खलन कर नासा २१  
 राम सत्य प्रण मुनि मुनि हरये ❀ ताछिन सुमन देवगण वरये ॥  
 ऋषिगण निज निज आश्रम आये ❀ विपिन राम सिय लपण सिधाये  
 राम आगमन सुनत सुतीक्ष्ण ❀ चले थाय आनंद मगनमन ॥  
 तनु पुलकत दुलकत हिय भूरी ❀ गावत हँसत नचत सुखपूरी २३  
 इहि विधि आय गहे पदधाई ❀ राम लिये तिन अंक लगाई ॥  
 पुनि बहु विनय सुतीक्ष्ण ठानी ❀ तिहुँ पूजे निज आश्रम आनी २४  
 राम अनन्य उपासक चीना ❀ भक्तितत्त्व निज मुनि कहैं दीना॥  
 परमानंद सुतीक्ष्ण पाई ❀ बहुरि विनय कर जोरि सुनाई २५  
 मम गुरु वर कुंभज मुनि नाथा ❀ हीं निज दश करों चलि नाथा॥  
 मुनि ले राम सुतीक्ष्ण संगी ❀ चले चहुँ मन मुदित अनंगा २६

वेगि अगस्त्य आश्रमहि आये ❀ चारहु मुनि पद शीश नवाये ॥  
 ऋषि विलोकि रघुवर उर लाये ❀ आसन दे सप्रेम वेठाये ॥ २७ ॥  
 तिहुँ आदर करि सहित विधाना ❀ पुनिबहु गुणगण किये बखाना ॥  
 रामदरशाहित बहु मुनि आये ❀ लखि निज सकल सुकृत फल पाये २८  
 दोहा—पुनि अगस्त्य मुनिसे कही, राम दुहुँ कर जोरि ॥

नाथहि विदित समस्त सो, जो कछु रुचि हैं मोरि ॥ २९ ॥

नाथ रजायसुहोय जहँ, वास करौं तिहि ठाम ॥

जाते सुर मुनि सुखलहँ, सिद्धि होय सब काम ॥ ३० ॥

मुनि कुंभज मुनि विहँसि कै, बोले सहित विचार ॥

ऋषि शापित दंडकविपिन, ताकर करौ उधार ॥ ३१ ॥

विमल सरित गोदावरी, पंचवटी शुभठाम ॥

लपण सीय संयुत तहां, वास कीजिये राम ॥ ३२ ॥

यौं कहि मुनि रघुवीर को, दियो विशद सारंग ॥

खड्ग अनूपम द्वै रुचिर, पत्नी सहित निखंग ॥ ३३ ॥

लहि रघुवर प्रमुदित भये, पुनि मुनि पद शिरनाय ॥

चले बंधु सिय सहित वन, मगमें मिले जटाय ॥ ३४ ॥

तिनहि पिता सम पूजि तिहुँ, गोदावारि तट जाय ॥

पंचवटी विच परण गृह, विरचिरहे रघुराय ॥ ३५ ॥

इति श्री० रा० २० व० वि० मुनिसमागमवर्णनो नाम नवमो विभागः ॥ ९ ॥

दोहा—सुभग सरित गोदावरी, विमल नीर गंभीर ॥

परम सुहावन सुखद नित, अतिपावन दुहुँ तीर ॥ १ ॥

मंजु कंज विकसित विविध, गिरि कानन अभिराम ॥

प्रफुलित द्रुमवल्लीं अमित, सुथल सदा सुखधाम ॥ २ ॥

तनु परसत हरसत हियो, सरसत त्रिविध समीर ॥

सुख वरसत दरशत छटा, जहँ निवसत रघुवीर ॥ ३ ॥

मृग विहंग बहु रंगके, कानन करत कलोल ॥

कोकिल कीर मयूर चहुँ, बोलत मधुर बोल ॥ ४ ॥

कहुँ कदली कहुँ सुमन कहुँ, वृंदा कहुँ तरु बलि ॥

लाय रची वर वाटिका, सिय निज कर युत कोलि ॥ ५ ॥  
 पंचवटी थल विमल वर, विहरत सीता राम ॥  
 परम प्रीति संयुत लपण, सेवत हैं वसुयाम ॥ ६ ॥  
 देव सदाशिव हेत नित, राम करत अभिषेक ॥  
 सविधि हवन प्रतिदिन सदा, साधत सहित विवेक ॥ ७ ॥

प्र०—वाल्मीकीये आरण्यकांडे ॥ सर्ग ॥ १६ ॥ श्लोक ॥

कृताभिषेकः सर राजरामः सीताद्वितीयः सह लक्ष्मणेन ॥  
 कृत्वाभिषेकस्त्वगराजपुत्र्या रुद्रः सनंदिर्भगवानिवेशः ॥ इत्यादि-  
 दोहा—लखि पुनोत मृग वंधु दुहुँ, प्रमुदित करत अहेर ॥  
 दै आमिप बालि पितर सुर, लेत प्रसाद सुफेर ॥ ८ ॥  
 कंद मूल फल सरस मधु, मधु मयेयक शुद्ध ॥  
 अशन पानसिय लपण युत, रघुवर करत प्रबुद्ध ॥ ९ ॥  
 पंचवटी कृत वास इमि, सिय सबंधु रघुनंद ॥  
 वन विहरत निर्भय सकल, संतत परमानंद ॥ १० ॥

दांवडंड ॥

एक समय रावणकी भगिनी शूर्पणखा तहँ आई ॥  
 देखि राम वनश्याम रूपकी शोभा सो ललचाई ॥  
 रघुवर सो वृझी तुम को हौ इहां कहां ते आये ॥  
 सुनि सियनाथ सरल चित अपने सबही चरित सुनाये ॥ ११ ॥  
 तब बोली यह तिया तिहारी क्या गो निपट कुरूप ॥  
 मो संग करो विहार विपिन नित हौ तुम योग सुरूप ॥  
 राम कही सुंदर वर गोरों हे मम बंधु कुंवरो ॥  
 सो विनतीय दुखारी तिहि मिलि रहो सुजाय निहारो ॥ १२ ॥  
 तब आई लछमन छवि देखी हे प्रमुदित यों भाखी ।  
 रमा छल भलि हम तुम जोरी प्रथमहि विधि रचिराखी ॥  
 लपण कही सुनि सुनौ कामिनी तुम उनहीं दिग जावो ।  
 दास पास दासो इत वनिहो रानी तहाँ कहावो ॥ १३ ॥  
 तहँते सो रघुवर दिग गमनो तिन तित फेर पटारि ।  
 बहुरि लपण भेजी सोरिसकरि धरि कगल वषु आइ ॥

बोली अधम तिहारी तियको अवहिं लेति हं खाई ।

तिहि विलोकि डरि जीय सीय अति लगी पीयहिय धाई ॥१४॥

तव रघुवीर क्रोध भरि अनुजहि नैन सैन कट्टु कीनी ।

लखि कृपाण लै लपण तासु दुहुँ श्रुति अरु नासा छीनी ॥

कटत नासिका श्रवण निश्चरी भभरि भगी विललाती ।

गिरी आय खर निकट विकल बहु रोय धुनै शिरछाती ॥ १५ ॥

हीरक छंद ।

ताकी गति हेरि सकल निश्चर अकुलायकै ॥ वृद्धो सब कारण सो  
भापौ विलपायकै ॥ बोली खर यातुधान वेगे तहँ जावहू । दोउ नर  
नारी मम सन्निध गहि लावहू ॥ १६ ॥ धाये दश चारि सुभट शूर्पण-  
खा संगमें । आये रघुवीर निकटछाके रणरंगमें ॥ देखे तिन अच्छन लै  
तच्छन धनुवानको । ठाढे युतलच्छन सजिरच्छन तनुवानको ॥ १७ ॥  
दूरहिते निश्चरी दिखाये दुहुँवीरको । धाये करि कोप सकल त्यागि तन  
पीरको ॥ धारे बहु शस्त्र ते प्रहारे इकवारहीं । राघव तिन मारे महिडोरे  
ततकारहीं ॥ १८ ॥ शूर्पणखा हेरि मरन निश्चर बलवानको ।  
लागी भय भूरि भभरि भागी जनथानको ॥ बोली खर पास जाय भेजे  
भट ते मरे । लोटे सब पंचवटी हेरौ चलि भूपरे ॥ १९ ॥ शूर्पणखा बैन  
सुनत क्रोधित खरयाँ कही ॥ साजौ सब साज समर देखौं चलिहों सही ॥  
दूषण त्रिशिरादि सहस चौदह वर वीर ते । लीने कर शस्त्र अमित  
भारी रणधीरते ॥ २० ॥ शूर्पणखा अग्रहै अमंगल मुख सर्वते ।  
पाछे खर दूषणादि धाये भट गर्वते ॥ पूरीनभधूरि भूरि हेरी रघुवीर  
सो । बोले तव लपण लखौ आई खल भीरसो ॥ २१ ॥ सीतहि लै साथ  
बंधु धनु शरकर सजहू । बैठौ दुरि कंदराहि याछिन थल तजहू ॥ बोले  
सुनि लपण नाथ ऐसी जानि भाखिये ॥ ह्वै है बहु युद्ध अवहिं मोकहँ  
ढिग राखियो ॥ २२ ॥ बोले पुनि राम लपण शंका जनि मानहू ॥  
माराँ द्वे दंड माहि खलदल दृढ़ जानहू ॥ आज्ञावश अनुज लैके  
सिय संगमें । बैठे दुरि कंदराहि छायो बल अंगमें ॥ २३ ॥ ताही छिन  
यातुधान आये अति जोरते । धाये दशहू दिशान छाये खघोरते । रा

म रूप देखतही सैन चकित होगई । निश्चर मन मोहि युद्ध बुद्धि सकल खोगई ॥ २४ ॥ भेजे खर दूत दोय आये दिग रामके । बोले खल वैन सो सिखाये शठ वामके ॥ तापस तिय सौंपि खरहि वनते द्रुत भागहू । वीरनके हाथन ते काहे तनु त्यागहू ॥ २५ ॥ भापी सुनि वैन तबहिं रघुवर मुसक्यायकै । सेवै खर शूर्पणखहि नीकी विधि भायकै ॥ वृद्ध औ कुरूप फेरि हीनी श्रुति नासिका । भूलिहू न कोऊ तिहि राखै गृहदासिका ॥ २६ ॥ राघवके वैन सकल दूतन जवहीं कहे । सो सुनि खर दूषणादि क्रोधानलते देहे ॥ बोलो खर वीर न अब दाया कछु धारहू । वेगहि भट जाय पकारि तापसहति डारहू ॥ २७ ॥ धाये सुनि सुभट शक्ति पट्टिश कर चंड लै । भिंडिपाल तोमर आसि मुद्गर वर खंड लै ॥ शूल औ त्रिशूल परिघ धारे दृढ भल्ल हैं । दंडही उदंड मंड मंडित बहु मल्ल हैं ॥ २८ ॥

अर्द्धाधली छंद ।

यों सकल निश्चरन संग खर धायकै । शत्रुवर्षा करी रामपर आयकै ॥ देखि रघुवीर बहु वीर वर बंडको । कीन टंकोर ख घोरे धनु चंडको ॥ २९ ॥ कान लग तान बहु वान वर्पन लगे ॥ विपुल बलवानके प्राण कर्पन लगे ॥ कटत भुज शीश भट अटत अकुलायकै । पटत नहिं नटत पद हटत भय पायकै ॥ ३० ॥ झुंड गजतुंड सह झुंड धरणी पौर । रुंड खलमुंड बहु कुंड शोणित भौर ॥ सुदल बल विचल अविलोकि द्रुत धायकै । शक्ति शर समर खर प्रखर किय आयकै ॥ ३१ ॥ राम लखि सुभट वर चाप मंडित लियो । वान संधान खर ज्ञान खंडित कियो ॥ परत खर ज्ञान महि त्रिशिर शर जालते । शाल रघुलाल तिहि काल नख भालते ॥ ३२ ॥ निगखि रघुवीर वरवीर उर धीगते । कीन सुविदार बहु त्रिशिर तनु तीगते ॥ हेरि दूषण त्रिशिर शक्ति कर चंडलै । युद्ध किय कुद्ध भट उद्ध पुनि खंडलै ॥ ३३ ॥



बोली अधम तिहारी तियको अवहिं लेति हं खाई ।  
 तिहि विलोकि डरि जीय सीय अति लगी पीयहिय धाई ॥१४॥  
 तव रघुवीर क्रोध भरि अनुजहि नैन सैन कहु कीनी ।  
 लखि कृपाण लै लपण तासु दुहुँ श्रुति अरु नासा छीनी ॥  
 कटत नासिका श्रवण निश्वरी भभरि भगी विललाती ।  
 गिरी आय खर निकट विकल बहु रोय धुनै शिरछाती ॥ १५ ॥

हीरक छंद ।

ताकी गति हेरि सकल निश्वर अकुलायकै ॥ वृद्धो सब कारण सो  
 भापौ विलपायकै ॥ बोली खर यातुधान वेगै तहँ जावहू । दोउ नर  
 नारी मम सन्निध गहि लावहू ॥ १६ ॥ धाये दश चारि सुभट शूर्पण-  
 खा संगमें । आये रघुवीर निकटछाके रणरंगमें ॥ देखे तिन अच्छन लै  
 तच्छन धनुवानको । ठाढ़े युतलच्छन सजिरच्छन तनुब्रानको ॥ १७ ॥  
 दूरहिते निश्वरी दिखाये दुहुँवीरको । धाये करि कोप सकल त्यागि तन  
 पीरको ॥ धारे बहु शस्त्र ते प्रहारे इकवारहीं । राघव तिन मारे महिडारे  
 ततकारहीं ॥ १८ ॥ शूर्पणखा हेरि मरन निश्वर बलवानको ।  
 लागी भय भूरि भभरि भागी जनथानको ॥ बोली खर पास जाय भेजे  
 भट ते मरे । लोटे सब पंचवटी हेरौ चलि भूपरे ॥ १९ ॥ शूर्पणखा वैन  
 सुनत क्रोधित खरयाँ कही ॥ साजौ सब साज समर देखौ चलिहों सही ॥  
 दूषण त्रिशिरादि सहस चौदह वर वीर ते । लीने कर शस्त्र अमित  
 भारी रणधीरते ॥ २० ॥ शूर्पणखा अग्रहै अमंगल मुख सर्वते ।  
 पाछे खर दूषणादि धाये भट गर्वते ॥ पूरीनभधूरि भूरि हेरी रघुवीर  
 सो । बोले तव लपण लखौ आई खल भीरसो ॥ २१ ॥ सीताहि लै साथ  
 बंधु धनु शरकर सजहू । बैठौ दुरि कंदराहि याछिन थल तजहू ॥ बोले  
 सुनि लपण नाथ ऐसी जानि भाखिये ॥ है है बहु युद्ध अवहिं मोकहँ  
 ढिग राखिये ॥ २२ ॥ बोले पुनि राम लपण शंका जनि मानहू ॥  
 मारौ द्वै दंड माहिं खलदल दृढ़ जानहू ॥ आज्ञावश अनुज लेके  
 सिय संगमें । बैठे दुरि कंदराहि छायो बल अंगमें ॥ २३ ॥ ताही छिन  
 यातुधान आये अति जोरते । धाये दशहू दिशान छाये रवघोरते । रा

म रूप देखतही सैन चकित होगई । निश्चर मन मोहि युद्ध बुद्धि स-  
कल खोगई ॥ २४ ॥ भेजे खर दूत दोय आये ढिग रामके । बोले  
खल वैन सो सिखाये शठ वामके ॥ तापस तिय सौं पि खरहि वनते  
दुत भागहू । वीरनके हाथन ते काहे तनु त्यागहू ॥ २५ ॥ भापी  
सुनि वैन तवहिं रघुवर मुसक्यायकै । सेवै खर शूर्पणखहि नीकी विधि  
भायकै ॥ वृद्ध औ कुरूप फेरि हीनी श्रुति नासिका ।  
भूलिहू न कोऊ तिहि राखै गृहदासिका ॥ २६ ॥ राघवके वैन  
सकल दूतन जवहीं कहे । सो सुनि खर दूषणादि क्रोधानलते  
देहे ॥ बोलो खर वीर न अब दाया कछु धारहू । वेगहि भट  
जाय पकारे तापसहाते डारहू ॥ २७ ॥ धाये सुनि सुभट  
शक्ति पट्टिश कर चंड लै । भिंडिपाल तोमर आसि मुद्गर वर खंड  
लै ॥ शूल औ त्रिशूल परिघ धारे दृढ भल्ल हैं । दंडही उदंड मंड  
मंडित बहु भल्ल हैं ॥ २८ ॥

अर्द्धवली छंद ।

यों सकल निश्चरन संग खर धायकै । शत्रुवर्षा करी रामपर  
आयकै ॥ देखि रघुवीर बहु वीर वर बंडको । कीन टंकोर ख  
घोर धनु चंडको ॥ २९ ॥ कान लग तान बहु वान वर्षन लगे ॥  
विपुल बलवानके प्राण कर्पन लगे ॥ कटत भुज शीश भट  
अटत अकुलायकै । पटत नहिं नटत पद हटत भय पायकै ॥ ३० ॥  
झुंड गजतुंड सह झुंड धरणी परै । रुंड खलमुंड बहु कुंड शोणित  
भरै ॥ सुदल बल विचल आविलोकि दूत धायकै । शक्ति शर  
समर खर प्रखर किय आवकै ॥ ३१ ॥ राम लखि सुभट वर  
चाप मंडित लियो । वान संधान खर वान खंडित कियो ॥  
परत खर वान मदि विशिर शर जालते । शाल रघुलाल  
निदि काल नख भालते ॥ ३२ ॥ निगखि रघुवीर वरवीर  
उर धीरते । कीन सुविदीर बहु विशिर तनु तीरते ॥ हेरि  
दूषण विशिर शक्ति कर चंडलै । युद्ध किय युद्ध भट उद्ध पुनि  
खंडलै ॥ ३३ ॥

पट्टरी छंद ।

इमि यातुधान अति कोप कीन । पुनि धेरि शोर करि धेरि लैन ॥  
 गहि उपल वृक्ष डारन प्रचार । वर्षत अपार मल अस्थिछार ३१ ॥  
 वारिवंड चंड निश्चर अनेक । निरद्वंद वीर रघुनंद एक ॥  
 खल दल अखंड करि खंड खंड । डारत सुभूमि हति चंड चंड ॥ ३२ ॥  
 खर दूषणादि निश्चर समस्त । वाणन विदारि कीने परस्त ॥  
 भोकटंक खिन्न बहु छिन्न छिन्न । कर चरण शीशतनु भिन्न भिन्न ३३ ॥  
 बहु भिरत आय बहु गिरत झूमि । बहु झूमि प्राण तजि परत भूमि ॥  
 बहु क्रुद्ध युद्ध किय धाय धाय । बहु खल पगंय करि हाय हाय ३४ ॥  
 रघुवीर चंड कोदंड धारि । वाणन विदारि खल झारि मारि ॥  
 खर दूषणादि विशिरादि सर्व । भो यातुधान दल निहत गर्व ३५ ॥  
 निश्चर सहस्र पट दंड मध्य । रघुवीर एक कीने सुवध्य ॥  
 खर यातुधान संहार हेर । कोप्यौ अपार किय समर फेर ३६ ॥  
 निश्चर सहस्र वसु एक वार । वर अस्त्र शस्त्र कीने प्रहार ॥  
 तिन सकल खंडि रघुवीर वीर । हिय भरो क्रोध बहु समर धीर ३७ ॥  
 कोदंड चंड शर मंड मंड । वर वंड वीर किय खंड खंड ॥  
 स्यंदन गयंद वेसर तुरंग । वाहन सुढंग सब कीन भंग ३८ ॥  
 पुनि विशिखवाण गहि गहि अपार । काटे समस्त निश्चर हथ्यार ॥  
 कर चरण शीश कटि कटि अनेक । द्रुत परत एक पर एक एक ॥ ३९ ॥  
 पिक्करत वीर धावत रिसाय । चिक्करत हाय करि करि पराय ॥  
 रघुनाथ हाथ लाघव अभूत । तनु तेज धीर भुजबल अकूत ॥ ४० ॥  
 कर लहत गहत अरु बहत बान । धनु सजत तजत कोऊ न जान ॥  
 दिशि विदिशि दीन शरजाल छाये । नभ भूमि काहु कछु नहिं लखाय ४१ ॥  
 भरि नैन श्रौन मुख विशिख तीर । निश्चर अधीर कीने सुवीर ॥  
 करि हाय हाय भट यातुधान । छोड़त सुप्राण लागि वज्रवान ॥ ४२ ॥  
 बल झुंड रुंड अरु मुंड भूरि । छाये कराल चहुँ धराणि पूरि ॥

वहु श्वान गृध्र वायस शृगालातिन लखत भखत अति जिय निहाल ४६  
 कर चरण शीश लैलै पराय । मढ़राय धाय गहि जाँय खाँय ॥  
 पलभखी जीव आमिष अहार । लहि करै पान शोणित अपार ॥ ४७ ॥  
 बहु समर घोर करि यातुधान । लागि रामबाण सब तजत प्रान ॥  
 चौदह सहस्र निश्चर समस्त । शरग्रस्त त्रस्त भेध्वस्त अस्त ॥ ४८ ॥  
 इहि भाँति प्रबल खलदल उदंड । खर दूषणादि त्रिशिरा प्रचंड ॥  
 वर वीर सकल दशशत पडए । ते यातुधान भे समर नष्ट ॥ ४९ ॥  
 निश्चर विनाश लखि देववृंद । बोले सु जैति जैरामचंद ॥  
 चहुँ सुमन वृष्टि कीनी अपार । नभ छई विपुल दुंदुभि धुकार ॥ ५० ॥  
 लखि विजय मुदित द्वै लपण लाल । सिय सहित धाय आये उताल ॥  
 करि नेह राम उरलाय लीन । कहि विशद बैन आनंद दीन ॥ ५१ ॥  
 सिय देखि राम तनु त्रान खंड । अकुलाय नीर लोचन उमंग ॥  
 विलपाय धाय रघुराय अंक । लीने लगाय जिय अतिसशंक ५२ ॥  
 तिन लखि अधीर रघुवर प्रवीन । तनु त्रान बेगि अति दूर कीन ॥  
 सिय लपण राम नख शिख निहार । पायो सुहीय आनंद अपार ॥ ५३ ॥

दोहा—इमि रघुवीर सुधीर वर, वीर समेत हुलास ॥

जनस्थानवासी सकल, निश्चर किये विनास ॥ ५४ ॥

खर दूषण त्रिशिरादिये, चौदह सहस्र सुधीर ॥

दशमुख आज्ञाते रहे, जनस्थान वरवीर ॥ ५५ ॥

मुनि दुखकारी सकल शठ, रहे भये सो नाश ॥

ऋषिगण अति आनंद लहो, सब झूटी खल त्रास ॥ ५६ ॥

सुर मुनि सब रघुवीरकी, अस्तुति करत अपार ॥

दंडकवन पावन भयो, होत सु जैजकार ॥ ५७ ॥

सिया लपण संयुत सदा, रहत सजग रघुवीर ॥

छिनहुँ न छोड़त बंधु दुहुँ, धनु शर आसि तूणीर ॥ ५८ ॥

पंचवटी इहि विधि रहै, सिया लपण रघुचंद ॥

धीर वीर विहरत विपिन, प्रतिदिन परमानंद ॥ ५९ ॥

कियो राम सिय मंत्र कछु, लपण सुजानों नाहिं ॥

यथारूप गुणनेह युत, संतत तिहूँ रहाहिं ॥ ६० ॥

पंचवटी गोदावरी, सुभग तपोवन ठाम ॥

परम मनोहर सिद्धि थल, जहँ विहरत सिय राम ॥ ६१ ॥

इति श्री० रा० र० व० वि० पंचवटीवास वर्णनो

नाम दशमोऽविभागः ॥ १० ॥

इति श्रीरसिकविहारीकृत श्रीरामरसायनग्रन्थे वनचरित्रवर्णनो

नाम चतुर्थोऽविधानः ॥ ४ ॥

लाला छंद ।

इहि विधि सब यातुधान ॥ नाशे हति राम वान ॥

कानन चहुँ झुंड झुंड ॥ छाये बहु रुंड मुंड ॥ १ ॥

शूर्पणखा देखि डाल ॥ अतिही जिय है विहाल ॥

भागी तहँते सशंक ॥ धाई बहु वेग लंक ॥ २ ॥

आई दशशीशपास ॥ विलपी बहु है निरास ॥

ताको सब हेरिहाल ॥ बूझी अतिही उताल ॥ ३ ॥

क्रोधित करि अरुण नैन ॥ बोली बहु निदरि बैन ॥

बूझे कह निलज वात ॥ मोगति तुहिं नहिं लखात ॥ ४ ॥

झूठो मति अंधकूप ॥ तोसम कहुँ होत भूप ॥

देखे कष्ट देश कोश ॥ तोको नहिं रंच होस ॥ ५ ॥

यनाक्षरी कवित्त ।

भावे मति बंक मद छावे है उत्तंक तिय अंकल निशंक पर्यंक  
माहिं सोविहं ॥ अथवत भान कव होत है विहान सो न जान

सुरापान माहिं रैनदिन खोवे हैं ॥ रसिकविहारी राज काज आ

समाज साज कसो का अकाज काज रंचहु न जोवे है ॥ तो सो

जो नरेश सो कलेश बहु पावे देश जावे पछितावे औ विनाश वेगि होवे हँद

दोहा—शूर्पणखा इमि रावणाहि, कहि अनेक कटुवात ॥

बहुनि कथा सब वर्णिके, बार बार विलपात ॥ ७ ॥

सो०—सुनि खरवध-दशमाथ, विकल भयो बहु सोचवश ।  
 पुनि रिस करि निज हाथ, मलत उसासने लेत बहु ८ ॥  
 निरखि शोक वश भ्रात, पुनि बोली कुलनाशिनी ॥  
 सुन दशमुख मम बात, जिहि कीने तुव होय भल ॥९॥  
 राम तिया छविसिंधु, कैसहु सो हरिलावहू ।  
 तौ तिहि दुख दुहुँ बंधु, करि विलाप निज तनु तजै ॥१०॥  
 शूर्पणखाके चैन, मन भाये दशमुख सुनै ।  
 हिय आयो कछु चैन, चलो वेगि रथसाजि सो ॥ ११ ॥  
 आयो जहँ मारीच, कियो अमित सतकारसो ॥

बहुरि दशानन नीच, ताहि सुनाई सकल गति ॥ १२ ॥

चौ०—पुनि बोली तुम मृग वनि जावो ❀ छल करि दुहुँ बंधुन भरमावो ॥  
 तव इकंत लखि मैं तहँ आऊँ ❀ लै सीतहि निज लंक सिधाऊँ १३ ॥  
 तव मारीच ताहि समझायो ❀ राम तेज बल अमित सुनायो ॥  
 सुनि बोली दशवदन रिसाई ❀ मुहिं लखि परे मृत्यु तुव आई १४ ॥  
 तव मारीच चलो गुणि साथी ❀ मरन भलो रघुवरके हाथा ॥  
 निशिचरपति तहँ आय लुकायो ❀ सो अनूप मृगतनु धारि आयो १५ ॥  
 पंचवटी विच इत उत जाई ❀ वार वार दुरि दई दिखाई ॥  
 औचक लखो सीय तिहि रूपा ❀ अकथ अभूत कुरंग अनूपा १६ ॥

पनाक्षरी-कवित ।

नील मणि नैन औ प्रवालके विशाल शृंग जटित अनेक रत्न  
 कंचनको अंग है । दशन सुहीरनके रजतमई हैं खुर रसिकविहारी  
 रूप सुभग सुदंग है ॥ ताहि आविलोकतही सीय रघुनंदनको टरे  
 हुलसाय छाई अमित उमंग है । धावो देगि धावो लाल आवो इत  
 आवो श्याम देखो याहि देखो कैसे रुचिर कुरंग है ॥ १७ ॥

दोहा—लै धनु शर सिय वचन सुनि, दुहुँ बंधु उठि धाय ।

जनकसुता दिगि आयकै, चहुँ चितये अकुलाय ॥ १८ ॥

वेगि सिया पिय हाथ गाहि, दशावो मृग सोय ।

लखि अनूप दुहुँ गजसुत, चकिरहे छवि जोय ॥ १९ ॥

जनकसुता पुनि श्याम सों, बोली सहित उमंग ।  
 करि अहेर वा जियत गहि, लीजे लाल कुरंग ॥ २० ॥  
 सुनत प्रियाके प्रिय वचन, धनुशर सजि रघुराय ।  
 चले वेगि मृग हेतु सो, बहु लपणाहि समुझाय ॥ २१ ॥  
 रामहि निरखि कुरंगसो, कहूँ दूरि कहुँ दरशाय ।  
 यौ छल करि बन अगम विच, लैगो दूरि भुराय ॥ २२ ॥

चौ०—जब मृग छल रघुवीर विचारा \* तबतकि ताहि चंड शर मारा ॥  
 गिरो कहत हा लछमन सीता \* सुनत भई रघुवर हिय भीता २३  
 सो तजि कपट मरो कहि रामा \* दिव्य देह धरि गो सुरधामा ॥  
 पुनि रघुनाथ रुचिर त्वच लीना \* वेगि फिरे सिय ढिग चित दीना २४  
 जब मारीच शोर करि भारी \* हाय लपण सिय गिरा उचारी ॥  
 सो सुनि जनकसुता अकुलानी \* कही वीर धावो धनुपानी २५ ॥  
 भो कलेश तुव भ्राताहि भारी \* तव इमि आरत गिरा उचारी ॥  
 लपण कही तजि तुमहि न जाहीं \* तिनाहिं देइ दुख को जग माहीं २६  
 वचन सुनत सिय रिस करि भारी \* कही लपण दुरनीति विचारी ॥  
 जानत हौ जिय भ्राताहि मारी \* हम लीजे मिथिलेशकुमारी २७  
 कै तुम भरत मंत्र दुहुँ कीनो \* स्वारथहेत संग बन दीनो ॥  
 सो रुचि नाहि पूजिहै तिहारी \* मोहिं न गुनौ और सम नारी २८  
 दोहा—जाछिन प्यारेको सुनौं, हौं दृढ़ अशुभ प्रसंग ।

ताही छिन विन अनल यह, भस्म करों निज अंग ॥ २९ ॥

यौं कहि पुनि बोली सिया, लपण जात कै नाहिं ।

जौ न जाहु तौ अवाहिं मै, प्राण तजौ छिन माहिं ॥ ३० ॥

चौ०—अनुचित सुनत रोप उर धारे \* लछमनहू कटु वचन उचारे ॥  
 वेगि कृपाण धनुष तूणीरा \* सजिके चलत भये वर वीरा ३१ ॥

प्र० ॥ वाल्मीकीये आरण्यकांडे ॥ सर्ग ॥ ४५ ॥ श्लोक ॥

आर्तस्वरं तु तं भर्तुर्विज्ञाय सदृशं वने ॥ उवाच लक्ष्मणं सीता गच्छ  
 जानीहि रावणम् ॥ १ ॥ रक्षसां वशमापन्नं सिंहानामिव गोवृषम् ॥ न  
 जगाम तथोक्तस्तु भ्रातुराज्ञाय शासनम् ॥ २ ॥ तमुवाच ततस्तत्र

शुभिता जनकात्मजा ॥ सौमित्रे मित्ररूपेण भ्रातृस्त्वमसि शत्रुवत् ॥ ३ ॥ सुदुष्टस्त्वं वने राममेकमेकोऽनुगच्छसि ॥ मम हेतोः प्रतिच्छ-  
न्नः प्रयुक्तो भरतेन वा ॥ ४ ॥ अब्रवीलक्ष्मणः सीतां प्राञ्जलिः स  
जितेन्द्रियः ॥ उत्तरं नोत्सहे वक्तुं दैवतं भवती मम ॥ ५ ॥ स्त्रीत्वाद्दु-  
ष्टस्वभावेन गुरुवाक्ये व्यवस्थितम् । गच्छामि यत्र काकुत्स्थः स्वस्ति  
तेऽस्तु वरानने ॥ ६ ॥ इत्यादि ॥

चौ०—गमनत पर्णशाल चहुँ फेरा ❀ करि महि धनुपरेख कर घेरा ॥  
कही इती विनती चित दीजो ❀ रेख उलंघिकाज जनिकीजो ३२  
योंकहि लपण बेगि पगधारे ❀ रोप सोचवश विकल अपारे ॥  
सूनो थल दशमुख जव पायो ❀ तव सो तापसवेप वनायो ३३ ॥  
रथदुराय शाला ढिग आई ❀ आतिथि भिक्षु सम गिरा सुनाई ॥  
लखि सिय देन लगी फल जाई ❀ तव बोले इमि निश्चरराई ॥ ३४ ॥  
हो न लेहुँ बंधनमय भिक्षा ❀ है इहि भांति मोहिं गुरु शिक्षा ॥  
याते रेख बाहिरे आई ❀ जो कछु देहु लेहुँ हुलसाई ३५ ॥  
भावीवश सिय कछु न विचारी ❀ धनुरेखा उलंघि पग धारी ॥  
देन लगी भिक्षा तिहिजाई ❀ तव दशमुख स्वदेह प्रगटाई ३६ ॥  
अंतर भक्ति सहित शिरनाई ❀ प्रगट निश्चरी मति दरशाई ॥  
गहिलीनी सीतहि वरियाई ❀ बेगि ले चलौ रथ वेठाई ॥ ३७ ॥  
राधण गहत विदेहकुमारी ❀ ताहि अमित कटुवाणि उचारी ॥  
घोर शोर करि रोवन लागीं ❀ ताछिन दुसह शोक दुख पागीं ३८ ॥  
आरत दीन पुकारत सीता ❀ वचन उचारत विकल समीता ॥  
हाय नाथ हा अवध विहारी ❀ हाय वीर यों विलपत भारी ॥ ३९ ॥

पनाक्षरी कवित्त ।

जनकसुताको हरिलीनी दशशीश जव रथ पे चढाय लेचलो है  
निज भौनको । विकल अधीर विललाति कुररीकी भाँति दीन है  
पुकारति है भूमि नभ पौनको ॥ रसिकविहारी हाय प्रीतम धनुषधारी  
आपनी दशाया में सुनाऊँ सर्व कौनको । अवतौ परी है बालमृगी  
चा बधिक हाथ बेगही छुड़ावो धावो दुष्ट दल दीनको ॥ ४० ॥ हाय



रघुचंद हाय दशरथनंद प्यारे हाय रघुवीर धीर पीरके हँरया हाय ।  
 हाय प्राणवल्लभ दयालु रघुलाल हाय संकट हँरया उर आनंद भँरया  
 हाय ॥ हाय सुखकारी हाय रसिकविहारी धाय कीजिये सहाय आय  
 धँनुप धँरया आय । हाय प्राणप्रीतम सुजान बलवान ऐसी सुरति  
 विसारी क्यों हमारी रघुरँया हाय ॥ ४१ ॥ हाय मतिमान धीर  
 लपण सुजान तव कीनो अपमान सो निदान भई घात है । हाय  
 बलवान धाय वेगही छुड़ावो आन निकसत प्राण छिन कल्प विहात  
 है ॥ रसिकविहारी धनुधारी हौ तिहारी वीर मेरो दुखहारी और  
 कोऊ ना दिखात है । हाय रघुनाथ मोहिँ निरखि अनाथ दशमाय  
 गहि हाथ निज साथ लीने जात है ॥ ४२ ॥ मेरी महि माय हाय  
 सोऊ ना छुटावै मोहिँ ठाढ़े कुज भ्रात भूरि तेऊ नगिचायना ॥  
 तातके समान भानु देखै ना बचावै आन भगिनी लता ये लखै तेऊ  
 गहँ धाय ना । संगिनी कुरंगिनी सुहरँ पे नटेरँ काहू ऐसे समयहि  
 और कितहूँ जनायना ॥ रसिकविहारी दुःखहारी धनुधारीविन विपत  
 परै पै कोऊ करत सहायना ॥ ४३ ॥

दोहा०—इहि बिधि अमित विलाप युत, जनकसुता कर जोरि ॥

जड़ चेतन वन बसहिँ तिन, विनवै अधिक निहोरि ॥ ४४ ॥

घनाहरी कवित्त ।

कदली कदंब अंब शिंजुपा अशोक वट निपट अधीन दीन देखि दया  
 कीजियो ॥ सरित समीर दिशि कानन सुपंथ गिरि प्यारे तेवताय  
 वेगि ये तो यश लीजियो ॥ रसिकविहारी कीर सारिका चकोर मोर  
 भृंग पिक कोकिल नमौनही रहीजियो ॥ केहरी कुरंग ब्याल आँ  
 रघुलाल तिनै मेरो हाल सकल उताल कहि दीजियो ॥ ४५ ॥  
 चौ०—करति विलाप अमित इमसीता \* लिये जात दशवदन समीता ॥  
 सुनि सिय रुदन जदायू घावा \* गहि रथनभते भूमि गिरावा ४६ ॥  
 रावणकर धनु शर रथ भंजा \* कियो युद्ध खल बल मद गंजा ।  
 चोंचन नखन सुअंग विदारी \* छीनलई हटि जनकदुलारी ४७  
 तव रावण कर गहि असिधायो \* गृद्ध पंख दुहुँ काटि गिरायो ॥

झटित जाय दूजो रथलायो ॥ सिय जटायुसो भेद न पायो ॥ ४८ ॥  
 पुनि सीतहिलै निश्चर राई ॥ नभमारग ह्वै चलो पराई ॥  
 बहु विधि करति विलाप जानकी ॥ तजो आश तिहि समै प्राणकी ॥ ४९ ॥  
 दोहा-नभमारगह्वै सीय को, लिये जात दशशीश ॥

ताछिन देखे जनकजा, गिरिपर बैठे कीश ॥ ५० ॥

कछु निज भूषण अंगते, सिय दीने तहँ डारि ॥

आय परे विच कपि सकल, चकुरहे निहारि ॥ ५१ ॥

कोउ न जानो भेद कछु, किहिके भूषण आँय ॥

सहजाहि वनचर तिनहि लै, धरे कंदरामाय ॥ ५२ ॥

दशकंठहु जानो न सो, जो कछु कीनो सीय ॥

बेगि लैगयो लंकमाधि, शोक हर्ष वश हीय ॥ ५३ ॥

चौ०-सियहि लंकपति लंकहि लाई ॥ माधि अशोकवाटिका दुराई ॥

विकट निश्चरी विविध जुलाई ॥ ते सब शस्त्र लिये कर आई ॥ ५४ ॥

साम दाम भयभेद सिखाई ॥ तिनहि दशानन दई रजाई ॥

सजगरहौ निशि दिवस सदाई ॥ कछु सिया रखवारी जाई ॥ ५५ ॥

लंकनाथ आज्ञा शिर धारी ॥ सीतानिकट सुवेगि सिधारी ॥

तिनहि निरख मैथिली सकानी ॥ मौन रहौ मुख कटी न वानी ॥ ५६ ॥

इहिविधि सिय निश्चरिन मैझारी ॥ निशि दिन विलपत रहैं दुखारी ॥

ते सब बहु प्रकार समुझावैं ॥ साम दाम भय प्रीति जनावैं ॥ ५७ ॥

सिय रावण गृह दृढ व्रतकीना ॥ निद्रा अशन पान तजिदीना ॥

सो गति लखि सब देव दुखारी ॥ करि सुमंत्र दृढ युक्ति विचारी ॥ ५८ ॥

पंचम निशि सुगपति दुरि आये ॥ निद्रा घोर संग निज लाये ॥

पायस शुचि अनूप करधारे ॥ भक्ति सहित सिय निकट पधारे ॥ ५९ ॥

सब निश्चरी नाद वश सोई ॥ सो न भेद जानो कछु कोई ॥

मियहि दुझाय सुअशन कराई ॥ दे बहु धीर गये सुराई ॥ ६० ॥

दोहा-शुद्ध सिद्धि चरु देवकृत, गुणद पिशूप नमान ॥

कबहुँ न धुषा पिपासहो, पुनि न तेज बलहान ॥ ६१ ॥

यदापि देवपति अमित विधिः नियाहै गये नमुझाय ॥

तदापि निपट व्याकुल कैं, हाय हाय विलपाय ॥ ६२ ॥

चौ०-जवसिय खबर विभीषणपांई \* तब ह्वै दुखित हिये अकुलाई॥  
 कला नाम निज सुता बुलाई \* भक्तियुक्ति शुभरीति सिखाई॥६३॥  
 कहीसहज नित सिय ढिगजावो \* सखिनसहित तिन धीर धरावो॥  
 पैन भेद कोऊ यह जानै \* रावण न तरु क्रोध उर आनै॥६४॥  
 सो सुनि कलासंग सखि चारी \* लखि औसर सियपास सिधारी  
 जाय पाँय परि विनती कीनी \* पितु प्रणाम कहि धीरज दीनी॥६५॥  
 इहि विधि कला नित्य सियपाहीं \* सखिन सहित लखि औसरजाहीं  
 पुनि जो सिय ढिग निश्चरि रहहीं \* तिनमहँ द्वैतिय शुभ मति अहहीं  
 त्रिजटा अरु शरमाशुभ संगिनि \* ये दुहुँ गुप्त रहैं सिय अंगिनि॥  
 सप्तनारि ये जनकदुलारी \* बाढी प्रीति परसपरभारी॥६७॥  
 इहि विधि सिया लंकमाधिरहहीं \* निशिदिन प्रिय वियोग दुखदा  
 राम नाम मुख दृग पति ध्याना \* करि राखैं सीता निज प्राना॥६८॥

दोहा-इहि विधि दशमुख सीय लै, राखी लंक दुराय ॥

नगरद्वार चहुँ विपिन मग, परम प्रबंध दिढाय ॥ ६९ ॥

माघमास तिथि अष्टमी, शुक्ल दिवस मध्याह्न ॥

दशकंधर सीता हरी, ग्रन्थन माहिं प्रमान ॥ ७० ॥

प्र० आश्विनेश्वररामायणे ।

ततो माघे सिताष्टम्यां मुहूर्ते वृंदसंज्ञके ॥

राववाभ्यां विना सीता जहार दशकंधरः ॥ ७ ॥

पुनः हनुमन्नाटकम् ।

अर्द्धरात्रे दिनस्यार्द्धे अर्द्धचंद्रार्द्धभास्करे ॥

रावणेन हता सीता शुक्लपक्षे सिताष्टमी ॥ ८ ॥ इत्यादि

इति श्री ० रा० २० वि० वि० सीताहरण

वर्णनो नाम प्रथमोविभागः ॥ १ ॥

दोहा-इति विधि भये नु मासदश, दुखित रहैं सियलंक ॥

निश्चरपति अरु निश्चरी, दर्शावत बहु शंक ॥ १ ॥

सिया कलादिक सखि प्रनिन, प्रति दिन कराहैं विलाप ॥

प्रिय वियोग दुखने मदा, बढत विरहतनु ताप ॥ २ ॥

घनाक्षरी कवित्त ।

विरह विहाल शीशनाय सियसोचत हैं मोचत दृगनवारि ऊंची  
 श्वास भरि कै ॥ रसिक विहारीको मिलावै धनुधारी अब भूमिहू न मेरे  
 हेत फाटत दरि कै ॥ श्याम रघुराई कहा चूक वनि आई मोतैं ताही  
 सों दुराई चुप ह्व रहे विसरि कै । हाय प्राणप्यारको दरश मोहिं दुर्लभ  
 भो विमुख मरौंगी यावियोग ज्वाल जरि कै ॥ ३ ॥ निपट निलज्ज  
 सदा सहत वियोग परि रटत हमेस हाय रहत सतापीतू ॥ येरे मति-  
 हीन दीन दुखित घनेरो वृथा विलपत रैनिदिन भयो है विलापीतू ॥  
 रसिकविहारी प्राणप्यारे ढिग जारे अब विरह सुनारे कस होत मृखा-  
 लापीतू ॥ ऐसहू कलेश धृग जीवन है तेरो हाय निकसत नार्ही क्यों  
 कठोर प्राण पापीतू ॥ ४ ॥ जाके हिय लागी लखै सोई या  
 वियोग पीर निपट कराल है कृपाण कठिनाईते ॥ दोऊ तन दाहै  
 हेली दुसह व्यथा है अति रचहू न चाहै सुख सुजन मितार्ईते ॥  
 प्रानको पयान दुख एको नशात सवै समुझ सयानी भट्ट निज  
 निपुनाईते ॥ रसिकविहारी सुखकारी यों विचारी वेगि मरन भलो है  
 यह विरह कसाईते ॥ ५ ॥ सुनत सदाही में दयालु दैव मानों किमि  
 प्रगट जनात निठुराईको निकेत है । रसिकविहारी दीन रक्षक बतवै  
 ताहि मिथ्या सो अजान सुधि काहूकी न लेत है ॥ अमित उदार  
 यों ही करत बखान वाको मेरी जान कृपन महान इहि हेतहै । हों  
 तो वह जाँचो कलु दाम कोन काम जामें सोऊ नेक मीच मोहिं  
 मँगैहू देतहै ॥ ६ ॥ मोसी मंदभागिनी न कोऊ है जहान हेली  
 ते हैं वड़ भागिनी जु श्याम सुख पाँगैगी । आनंद अभंग नवने-  
 हकी उमँग माहीं छाकि रस रंग संग सब निशि जाँगैगी ॥ जन्म  
 धिग मेरो हाय प्रीतम वियोग भयो धन्य सोतिया जो अति दीय  
 अनुराँगैगी ॥ रसिकविहारी रघुचंद हैं निशंक अब अमित मयंकमुखी  
 आय अंकलँगैगी ॥ ७ ॥

सर्वसा कवित्त ।

जानतिहों रसिकेश सुभावरहैं दृष्टप्रीतिकी रीतिमें माचे । नेदि-  
 नके यश वेगहि होत अभंगसदा स्वरंगमें राचे ॥ प्रेम लगाय लुभाव

न लेय कोऊ हौं तजौं इहि सोचकी आँचे । और नहीं इमि है  
कितहूँ जिमि है साखि श्याम सनेहके साँचे ॥ ८ ॥

धनाक्षरी कवित्त ।

इत उत जाय वार वार फिरि आय आय रसिक-  
विहारी ढिग मेरेही अरत है । गोदावार तीर धाय जालों  
नीर लाऊँ वार तौलों हेर हेर प्यारी प्यारी ही रत है ॥  
शेनहूँ में नैन खोलि खोलि अविलोकत ते मोहिं विन देखे  
छिन धीर न धरत है ॥ भूलै है न सोई सुख हूलै है हिये  
में हाय मेरे प्राण प्यारे वह प्यार जो करत है ॥ ९ ॥ चौदह  
सहस्र यातुधान बलवान भूरि जिनते संहारते अमोघवान खोगये ।  
दीन दुख दारतते दुष्टनको मारतते एकैवार अमित समस्त गुण  
गोगये ॥ निराखि पराई पीर नीर दृग दारतते धारतते विविध सुकर्म  
धर्म धोगये । रसिक विहारी लाल परमदयालु सोई मेरे हेत निपट  
कठोर अब होगये ॥ १० ॥

सवैया कवित्त ।

हे जु पतिव्रत धर्म महा तिहि में दृढ कै अपने उर ठानों । प्रीतिम  
के पदपंकजते बढि और कछु तिहुँ लोक नमानों ॥ सो फल हीन  
कियो सिंगरो अब काह कहीं पिय नेक न जानों । मोहिय दाहत  
शोक यही उन सत्य सनेह नहीं पहिचानों ॥ ११ ॥

दोहा-जनकनन्दिनी विकल नित, इहि विधि आति विलपाय ॥  
पति वियोग वश दुखित जिय, नेक न धीर धराय ॥ १२ ॥  
निया कला विजटादिते, समझाविं सतभाय ॥  
स्वामिनि धीरज धारिये, मुधिले हैं गुराय ॥ १३ ॥  
मुनि निनके वर वचन बहु, सिय चार छिन धीर ॥  
पुनि चोन्दि अकुलाय उर, उठ विगहकी पीर ॥ १४ ॥

सवैया कवित्त ।

तुन मुन अरु कामों कहीं पुनि माँचिये कोउ न मानन है ।  
व्याधी नहीं या सियोग व्यथा मु कदा दुःखको पहिचानन है ॥  
कहे सिरी जौ मिलि विरही गति सो उर आनन है ॥

नर नारि सयोगी वियोगी कहा मिलिकै विछरो सोई जानतहै ॥ १५ ॥  
 कोउ कहै दुख त्यागी सवे हिय धीर धरौ मिलि है रस भीनों ॥  
 पै मन मेरो न मानत है विछुरे तन छोडिबोई प्रण लीनों ॥  
 मोहि जुपै समुझावति है रसिकेश तुपै अतिही भल कीनों ॥  
 हों करतारसैं पूछौ इतो विरहीके ललाट कहूं सुख दीनों ॥ १६ ॥  
 चित चाहिय जाको सयोग सदा वह ताहिको वेगि वियोग करावे ॥  
 देखि दशा विरहीनकी वाके हिये कछु रंच दया नहि आवै ॥  
 योरसिकेश सदेसो अवैं करतारको कोऊ न जाय सुनावै ॥  
 छीन सुधा सवके करते फिर नाहक क्यों जु हलाहलप्यावे ॥ १७ ॥  
 सो०-पुनि सिय बोली वीर, तन मन ते न बसाय कछु ॥  
 विन सुन्दर रघुवीर, नेक धीर कोउ न धरै ॥ १८ ॥

सवेया कविच ।

प्राण समीरते बोलत है पिय तू परसै किधौं हों परसौं ॥ रसना  
 पपिहाते कहै रट पीड की तू सरसै किधौं हों सरसौं ॥ तनकी अरु  
 जीवकी होड लगी अति तू तरसै किधौं हों तरसौं ॥ रसिकेश बदी  
 दग मेघनसों बनो तू बरसै किधौं हों बरसौं ॥ १९ ॥

दोहा-यौं कहि सिय बोलौ बहुरि, अली धरौं किमि धीर ॥

राजकुँवर विन रैन दिन, देत सकल ऋतु पीर ॥ २० ॥

पनाक्षरी-कवित ।

शिशिर समीर तीर वालिवो न तूको नेक शीत भीत देवेमाह  
 कसर लगाईना ॥ रैनहूँ अचैन अधिकेवेमैं न राखो चैन पाला त्या  
 कसाला मध्य कीनी लघुताईना ॥ रसिक विहारी फेर नीरहू न धारी  
 धीर निराखि दुखारी मोहि काहु दया आईना ॥ येत बलवान मिलि  
 प्राण हठि लेते हाय जो प एक होतो विरहानल सहाईना ॥ २१ ॥ फूल  
 नकी झूलनते झूल झूल शालो हीय कोकिलाकी कूकन ल लूकसी  
 लगाईरी ॥ त्रिविध समीर तीर ताकि तनुवेथो वीर विरह कृपान तान  
 विशिष चलाईरी ॥ रसिकविहारी धीर धांसो वारियारी वीर हाय यावि-  
 चारी तव कीनी मोसहाईरी ॥ निडुर कसाई सो वसंत दुखदाई घात  
 पाई प्राण लेवे माह कसर न लाईरी ॥ २२ ॥ आतप अपार फेर विरह

कृशानु झार लागि तन होतो छार कैसहू न जीतीमैं ॥ लूह की लपेट ताती श्वासकी सपेट जैसी भई जिय जानौं का बखानौं गति बीतीमैं ॥ रसिकविहारी धनुधारीकीकृपाते बचि जैहै प्राण ऐसी सत्य हीय धारि लीतीमैं ॥ ग्रीपम वियोग दोऊ दाहतें मरीती हाय जोपै श्याम नाम सुधा छिनहुँ न पीतीमैं ॥ २३ ॥ मेघन घिराय झरि लाय दामिनी दिपाय घोर बहराय तमछाय डर पायोरी ॥ पौन जोर तोर तरु चा- तक सुमोर शोर करकै करोर कला दुख दरशायोरी ॥ अबला अधीन दुखी विरहिनि दीन देखि रसिकविहारी दया रंचहू न लायोरी ॥ पावस प्रपंची निशि दिवस सताई मोहिं फेरि वह पापीके सुहाथ कह आयोरी ॥ २४ ॥

दोहा—हौं पाहन निज हीय करि, इती सही सब शंक ॥

निपट दुसह दुख देतहै, अब यह शरद मयंक ॥ २५ ॥

यौंकहि सिय शशि ओर लखि, बोलीं वचन रिसाय ॥

सुखी न रहौ चंद तुम, मो अबलाहि सताय ॥ २६ ॥

सवैया कवित ।

दुक जीय विचारौ अहो द्विजराज अजौं दुख दीनको देखि लचौं ॥ रसिकेश सु शीतलता तजिकै मुहिं हेत वृथा जनि तापतचौ ॥ यह बात भली जु न मानहु तौ पछितहौ घने बहु नाच नचौ ॥ प्रथम हिय कारो भयो पै अब मुखकारो भये विन नाहि वचौ ॥ २७ ॥

दोहा—येही विधि सिय तियन प्रति, करति विलाप अपार ॥

दुखित हीय दुहुँ दगनते, चली जात जलधार ॥ २८ ॥

गदगद कंठ सनेह मय, बहुरि कहे सिय वन ॥

सखी सुमिरि पिय हीय गति, हौं सोचीं दिन रैन ॥ २९ ॥

पनासरी कवित ।

दुसह कलेश नित विरह व्यथाको सहौं पन प्राणप्यारे द्विग प्राणहि पठाऊं मैं ॥ रसिकविहारी यो कठोर हिय मेरो तऊ करि करि हायरनि दिवस बिताऊं मैं ॥ प्रीतमको हीय अंग कोमल महाह सखी कैसे दुख झेल्योने ऐसी जिय चाऊं मैं ॥ जालोंह वियोग तालों श्यामको सनेह मोमें अधिक न होव यही दशने मनाऊं मैं ॥ ३० ॥

दोहा—दशरथ राज किशोर नित, सब विधि मुदित रहायँ ॥

तौ तिनके सुखते सखी, हौं अति सुखी सदायँ ॥ ३१ ॥

याते हौं शिरनायकै, विनय करौं कर जोरि ॥

गिरिजापति पूजैं सदा, यह अभिलाषा मोरि ॥ ३२ ॥

धनाक्षरी कवित्त ।

दोऊ बंधु रूप गुणसिंधु दीनबंधु हेली परम सुधर्म सतकर्ममें सने  
रहैं खल दल घालनको भक्त प्रतिपालनको सत्य प्रणयेई सदा हीयमें  
ठने रहैं ॥ अंचल पसार बारवार वर माँगौ येही तन मन प्राणप्यारे  
मुदित बने रहैं ॥ वसुधावड़ाई वित्त वीरता समेत जैसी रसिकबिहारी  
सुखी संतत बने रहैं ॥ ३३ ॥

दोहा—याँ कहि सिय पुनि नेह भरि, विलाखि कहे मृदुवैन ॥

हाय श्यामसुंदर वदन, कव देखौं भरिनैन ॥ ३४ ॥

सुनि कलादि नारी सबै, सियहि दई बहु धीर ॥

राज सुता अब वेगही, मिलन चाहत रघुवीर ॥ ३५ ॥

सुनि बरवानि कलहि सिया, हिये लई लपटाय ॥

पुनि सबही आदरदियो, बहु विधि प्रीत बढ़ाय ॥ ३६ ॥

येही विधि नित जानकी, करि करि विविध विचार ॥

कहत रुचत सो विरह वश, नेक न रहत सम्हार ॥ ३७ ॥

सिय विलाप शमि अमितह, कहैं लग करौ बखान ।

वाल्मीकि नाटक विविध, ग्रन्थ न माहि प्रमान ॥ ३८ ॥

वाल्मीकीय सुंदर वांटे । सर्ग ३८ ॥ श्लोक ।

हा राम हा लक्ष्मण हा सुमित्रे हा राममातः सह मे जनन्यः ॥

एषा विपद्याम्यहमल्पभागा महार्णवे नोस्मि मृदुवाता ॥ १ ॥

हा राम सत्यव्रत दीर्घबाहो हा पूर्णचन्द्रप्रतिमानवक्त्र ॥

हा जीवलोकस्य हितः प्रियश्च वध्यां न मां वेत्सि हि गलसानाम् ॥ २ ॥

अनन्यदेवत्वमियं क्षमा च भूमौ च शय्या नियमश्च धर्म ॥

पातिव्रतात्वं विफलं ममेदं कृतं कृतप्रेष्विव मानुषाणाम् ॥ ३ ॥



मोघं हि धर्मश्चरितो ममायं तथैकपत्नीत्वमिदं निरर्थकम् ॥  
 या त्वां न पश्यामि कृशा विवर्णा हीनात्वया संगमने निराशा ॥ ४ ॥  
 पितुर्निदेशं नियमेन कृत्वा वनात्रिवृत्तश्चरितव्रतश्च ॥  
 स्त्रीभिस्तु मन्ये विपुलेक्षणाभिः संरंस्यसे वीतभयः कृतार्थः ॥ ५ ॥

इति श्री० रा० र० वि० वि० जनकनंदिनीविलाप

वर्णनो नाम द्वितीयोविभागः ॥ २ ॥

दोहा—सीता प्रेम वियोगको, कीनो कछू बखान ॥

नेह विरह रघुचंदको, वरणौ सहित प्रमान ॥ १ ॥

इत मारीचहि मारिकै, बेगि फिर रघुलाल ॥

धनुं शर साजे लपण उत, आये अतिहि उताल ॥ २ ॥

निरखि बंधुको चकित है, बोले अति अकुलाय ॥

कहौ कुशल हैं जानकी, किमि आये इत धाय ॥ ३ ॥

हाय लपण यह काकियों, सियाहि अकेलि विहाय ।

इत आये बिनकाजहीं, असि धनुवाण सजाय ॥ ४ ॥

जानत हौ निशिचरनते, भई शत्रुता भूरि ॥

लखि सुनी हरि लेहिंगे, मेरी जीवनमूरि ॥ ५ ॥

पुनि कर गहि वर बंधुते, बूझी है अतिदीन ॥

सत्य कहौ प्यारी कुशल, क्यों तुव वदन मलीन ॥ ६ ॥

मम आज्ञा करि भंग तुम, इत आये किहि हेत ॥

राम वचन सुनि लपण ते, वनै न उत्तर देत ॥ ७ ॥

पुनि धारि धीरज जोरि कर, बोले दुखित निहोरि ॥

नाथ कही सो सत्य पै, मोरि कछू नहिं खोरि ॥ ८ ॥

कहि अनेक अनुचित वचन, हिए रोप बहु लाय ॥

वरियाई मुहिं जानकी, इत भेजो रघुराय ॥ ९ ॥

यों कहि पुनि वृत्तांत सब, रामहि लपण सुनाय ॥

बोले दुहुं करजोरिकै, कहा दोष मम आय ॥ १० ॥

सुनि बोले रघुवंश मणि, तुम लछमन मतिमान ॥

तिय वाणी मानी हिये, ऐसे भये अयान ॥ ११ ॥  
 मूढ भक्त शिखु तिय दुखी, पांचहु एक समान ॥  
 इनके वचन सरोप सुनि, रोप न करै सुजान ॥ १२ ॥  
 सो०—याँ कहि पुनि रघुराय, लै उसास है सोचवश ॥  
 बोले अति अकुलाय, हाय लपण यह काकियो ॥ १३ ॥  
 मुहि इमि परत जनाय, पंचवटी सीता नहीं ॥  
 लीनीनिश्वर खाय, कै हरिकै हरि लै गयो ॥ १४ ॥  
 यौं करि अमित विलाप, सोचत जल मोचत दगन ॥  
 हृदय बढत संताप, छिन छिन चले उताल अति ॥ १५ ॥  
 बंधुसहित रघुवीर, आये आश्रम दूरिते ॥  
 सूनी निरखि कुटीर, भये अधीर सुवीर दुहुँ ॥ १६ ॥  
 तहँते आतुर धाय, आय परणशाला लखी ॥  
 विकल भये रघुराय, इत उत अविलोकित चहुँ ॥ १७ ॥  
 बोले निपट अधीर, हाय लपण प्यारी कहाँ ॥  
 कहूँ धनुष कहूँ तीर, गिरो गात कंपित भयो ॥ १८ ॥  
 पुनि अतिही अकुलाय, गिरे भूमि विलपन लगे ॥  
 हाय प्रिया रटलाय, देरत अरु हेरत चहुँ ॥ १९ ॥  
 बहुरै उठे रघुराय, धाय धाय हेरत विकल ॥  
 देरत हैं चहुँ जाय, आवो प्यारी कित गई ॥ २० ॥  
 लपण अमित दुखछाय, धाय धाय हेरें चहुँ ॥  
 कितहुँ न पर लखाय, तब पुनि खोजें देरि कै ॥ २१ ॥  
 येही विधि दुहुँ भाय, सर सरिता गिरि विपिन चहुँ ॥  
 धाय धाय अकुलाय, हेरी सियहि न कहूँ लखी ॥ २२ ॥  
 तब अति भये अधीर, रघुवर तन मन सुधि गई ॥  
 बटी विरह दुख पीर, धाय धाय बृद्धत सवहि ॥ २३ ॥  
 ताछिन कछु न जनाय, को हम किहिते का कहत ॥  
 जड़ चेतन इक भाय, सबहीते बृद्धत विकल ॥ २४ ॥  
 दोहा—पंकज सम कर पद मृदुल, पंकजसे दग लाल ॥  
 हेपंकज ! कहु तुम लखी, पंकज बढनी बाल ॥ २५ ॥



मतंग मृगराज मृग मोदिशि निहारौ तो वियोगी दीन बागोंहों ॥  
 गोदावारि पंचवटी विटप विहंग बेलि मेरो दुख हरहु तिहारे पाँय  
 लागोंहों ॥ क्षत्री जाति यदपि न याचिवो उचित मोको रसिक  
 विहारी या विरह भीति भागोंहों । हो तो रघुराज पै विहाय सब  
 लाज आज देहु मोहिं कोऊ में प्रियाको दान माँगों हों ॥ ३५ ॥

चो०—यों बहु सवहि निहोरत धाई ❀ कतहुँ न कछु प्रिया सुधिपाई ॥  
 बैठे इक तरुतर अकुलाई ❀ तब बोले लछमनहिं रिसाई ३६  
 पनाक्षरी कवित्त ।

विकल वियोगी दीन अवल विलोकि मोतें जेते जड़ चेतन ते  
 सवै मुख फेरो है ॥ रोय है अधीन कर जोर में सुनाई विनय दया  
 करियेको नेक मोतन न हेरोहै ॥ छिनमें विदारों इन पापी अभिमानी-  
 नकों जानत नरोप रघुवंशको करेरो है ॥ रसिकविहारी प्राणप्यारी  
 ना बतावै कोउ आन तो लपन धनुवान कित मेरो है ॥ ३७ ॥  
 लोक तिहुँ जारों सातो सागर सुखाय डारों गिरिन ढहाय डारों  
 भूमि उलटाऊँ ॥ रंचमें विदारि डारों दशो दिग पालनको खगन  
 समेत शशि सूरहि गिराऊँ ॥ नभते पताल लैकै कितहुँ कहूँ जो  
 नेक रसिकविहारी प्राणप्यारी सुधि पाऊँ में ॥ जानकी न लाऊँ तो  
 पे क्षत्रीना कहाऊँ राम नाम पलटाऊँ धनुवाणना उठाऊँ में ॥ ३८ ॥

सो०—रघुवर रोप निहारि, लपण कहाँ कर जोरि कै ॥

मिलि है जनक कुमारि, नाथ धीर उर धारिये ॥ ३९ ॥

मिलिहैं यह सुनि श्याम, विकल उठे अकुलायकै ॥

कहैं भामिनी ललाम, इत उत फिरि खोजन लगे ॥ ४० ॥

पनाक्षरी कवित्त ।

हेरत चहुँघा हाय सीते कहि टेगहैं रसिक विहारी प्यारी मिलि  
 क्यों दुरानी है ॥ विरह व्यथाते है विहाल रघुराय जैसे काहुँ भाँति  
 तसी गति जाय ना बखानीहै ॥ रड़ि मग धूरि भूरि पूरि रही श्याम  
 गात अधिक सुहात सो सुरीत दर्शानी है ॥ हेरि निज नाथ तिय  
 विरह दुखारी मनो भूमि अकुलाय धाय उर लपटानीहै ॥ ४१ ॥

दोहा—राजकुँवर इमि दुखित अति, खोजत सिय चहुँ ओर ॥

कहुँ वृक्षत हेरत कहुँ, कहुँ टेग करि शोर ॥ ४२ ॥

धांय परणशाला लखत, धाय लखत वन जाय ॥  
 प्रिया विरह व्याकुल निपट, विलपते करि करि हाय ॥ ४३ ॥  
 कहूँ न मिली प्यारी तबै, परणशाला ढिग धाय ॥  
 आय गिरे मूर्छित विकल, कहत बचन विलपाय ॥ ४४ ॥

वनाक्षरी कवित्त ।

चलत अपार जल धार दुहुँ नैननते नेक हूँ समहार सार हैन तन  
 प्रानकी ॥ झांवरो भयो है मुख बावरो भयो है चित्त बावरो भयो  
 है जीय सुधि न अपानकी ॥ रसिकविहारी धनुधारी सिय प्यारी  
 विन जैसे हैं दुखारी गति तैसी ना बखान की ॥ लाय लाय  
 सुरति प्रियाके गुण गाय गाय बोले विलपाय हाय हाय  
 हाय जानकी ॥ ४५ ॥ हाय मृगनैनी हाय प्यारी सुखदेनी  
 हाय प्रिया वर वैनी विनतोहि कित जाऊँ मैं ॥ हाय हाय  
 जानकी सुहाय प्राण प्राणकी जुहाय गति प्राण की या किहिको  
 सुनाऊँ मैं ॥ रसिकविहारी हाय सुरति विसारी प्यारी छिन छिन भारी  
 कैसे दिवस बिताऊँ मैं ॥ हाय प्राणवल्लभा किशोरी क्यों दुराय रही  
 नेक मिल आय धाय अंकसो लगाऊँ मैं ॥ ४६ ॥ लाय जा सु अंक  
 नेक बचन सुनाय जारी नाय जा हिये में रस मरत बचायजा ॥  
 चाय जा दयाते प्रीति रीति में हिताय जारी ताय जा वियोग प्रिया  
 प्रेमको निभायजा ॥ भायजा घनेरी मनमोद उमगाय जारी गाय जा  
 सुगीत की तनीतिहि विछायजा ॥ छायजा छवीली सुख रसिकवि-  
 हारी प्यारी हाय फेर आय एक बार तौ मिलायजा ॥ ४७ ॥ जीय  
 अकुलावे तब कौन जो धरावे धीर हाय टक लाय चाय काको रूप  
 हेरौ मैं ॥ कोहै उमगाय धाय उर लगिजाय आय हिय हुलसाय काके  
 गल भुज गेरौ मैं ॥ नेह सरसाय को मनाय गहिलेवे अंक कोहै इमि  
 जाते इतराय मुख फेरौ मैं ॥ प्यार करि मोकों अब प्यारेको पुकार  
 हाय रसिकविहारी काहि प्यारी कहि टेरौ मैं ॥ ४८ ॥

दोहा-विरह वीर बाढी अधिक, तन मनकी सुधि हैन ॥

भयो चित्त भ्रम मत्त सम, बोलत अलबल वन ॥ ४९ ॥

संख्या कवित्त ।

दूरहिते मुहिं देखतहीं तहँ जाय दुरी छलतें रस भीनी ॥  
 आज प्रमोद मई रसिकेश विनोद की रीति नई चित दीनी ॥  
 बैठि रहीं पटपूँवट घाल सुमेरी विहाल दशा यह कीनी ॥  
 क्यों तरु ओट गही नवला अब आवो भला हों कला लखिलीनी ॥  
 फेरि भुजा गहि आपने आपहि बोलत नेह भरे रघुराई ॥  
 हाय छवीली रहीं अबलों कित क्यों यह आज लई निठुराई ॥  
 यों कहि चौंकि चहुँ चितवें कहँ प्यारी गई विलपँ अकुलाई ॥  
 टेरें बहोरि प्रिया इत आवोज आवो तुमँ रसिकेश दुहाई ॥ ५१ ॥  
 पुनि बोलिन धाय गहँ भरि अंक निशंक हिये हुलसावत हैं ॥  
 यह वाटिका प्यारी रची करते कहि यों अति नेह बढ़ावत हैं ॥  
 इत प्राणप्रिया नित डोलत ती रजलै रसिकेश लगावत हैं ॥  
 हरपावत हैं उमँगावत हैं अकुलावत हैं विलपावत हैं ॥ ५२ ॥  
 दोहा—यों विलपत दिन वीति गो, अथवन लागो भान ॥

साँझ समे लखि राजसुत, प्राण अधिक अकुलान ॥ ५३ ॥

धनाक्षरी—कवित्त ।

विरह विहाल रघुराई को लखाई परी औचक ललाई मंजु अथवत  
 भानकी । रसिकविहारी उमगाय उठिधाये वेगि बंधुहि बुलाय बोले  
 भूली मुधि प्रानकी ॥ आवो वेगि धावो समुझावो औ मनावो गहि  
 लावो तुम जावो आन मानें हैं न आनकी ॥ आयकै परानी जात  
 बहुरि हिरानी जात देखो देखो लपण दुरानी जात जानकी ॥ ५४ ॥

दोहा—निरखि दशा रघुलालकी, विकल सुमित्रा लाल ॥

गदगद हिय दृग जल बहत, बोले वचन विशाल ॥ ५५ ॥

देखि रावरी विकलता, मोजिय अति अकुलात ॥

जनक सुता मिलि हैं बहुरि, धोर धरौ उर तात ॥ ५६ ॥

सुनि सुबंधुके वचन बर, राम कही विलपाय ।

पंचवटी प्यारी विना, मोपे लखी न जाय ॥ ५७ ॥

यों कहि लै धनुवान असि, कटि किसि वेगि निपंग ।

चले राम व्याकुल अतिहि, गमने लछमन संग ॥ ५८ ॥



सवेया कवित्त ।

विरही समुझायहु धीर हिए न धरै न धरै न धरै न धरै ॥  
जगलो गहि सो रसिकेश कछु न डरै न डरै न डरै न डरै ॥  
निज प्रीतमके विन एक घरी न भरै न भरै न भरै न भरै ॥  
विधि काहुहि प्रीय विछोह कबौ न करै न करै न करै न करै ॥८१॥  
फलहै तिहि के शत कर्मनको जिहिके जिय माहि सदा कल है ॥  
कल है नाहि जाहि कलेशनते न लगै कहूँ ताहि कछु भल है ॥  
भल है रसिकेश सदा अति सो हठिकै दृढ़ प्रेमहि जो न लहै ॥  
नल है निज मीत वियोग कबौ जगजीवनको सुयही फल है ॥८२॥

दोहा—इहि विधि वर्णत लपणतें, प्रीत विरह दुख भीति ॥

जनकसुतहि खोजत चहुँ, गई रैनिसववीति ॥ ८३ ॥

कहूँ न पाई प्रियहि पुनि, भये विकल ग्युराय ॥

बंधु कंध धरिके भुजा, वाले अति विलपाय ॥ ८४ ॥

घनाक्षरी कवित्त ।

अंक छुति चंपा अरु संपा चपलाई लई कंज कोमलाई मंजु गजगति  
लीनी है । लोचन कुरंग दंतदाडिम अधरविंव पल्लव सुपानिहरें श्री  
वा कंबु छीनी है ॥ श्रीफल उरोज केशपत्रग कुमार लीने रसिकविहारी  
यह प्यारी गति कीनी है । लंकहारकानन कलंक औ मयंक मुख  
रंक सब लंक एक शंक मोहि दीनी है ॥ ८५ ॥

दोहा—यों कहि करगाहि लपणको, मग डगमग पग चाल ॥

कहत सियाको रूप गुण, वृझत चले विहाल ॥ ८६ ॥

घनाक्षरी—कवित्त ।

सुजन विहीन सुख हीन तनछीन दीन विकल अर्धीन सोकली-  
न दुख बेरीसी ॥ रसिकविहारी बखेनी है विथोरी शीश विपम वि-  
योगमें लथोरी वसथोरीसी ॥ विरह विलोरी नेह सिंधुमें हिलोरी वा-  
ल निपट न जोरी आ लजोरी अति भोरीसी । वृझो करजोरी प्रिया  
मोरि गई चोरी कोट देखी कहूँ नवलकिओरी एक गोरीसी ॥ ८७ ॥  
दृजी नाहि नारी जग जाकी अनुदारी आर तेज गुण भारी त्यों अ-  
नूप छवि न्यारी है ॥ पीत रंगसारी देम भूषण विचित्र धारी चंपाछुनि



रसिकविहारी चर अचर विलोकौ पै न प्रीत करि कोउ  
सुखपायो काहुँ आज लों ॥ ७३ ॥

सर्वया कवित्त ।

होत नहीं चित रंचहु चैन करै कतलाम वियोग छुरी है ॥  
छूटत है कुलकानि औ लाज फिरै मन ज्यों चहुँ तेजतुरी है ॥  
जाहर होत जहानमें सो नरहैं कहुँ एकहु भांति दुरी है ॥  
हायहहा अब कीजे कहा रसिकेश या इश्क बलाय बुरी हैं ॥ ७४ ॥

धनाक्षरी कवित्त ।

छूटि जात खान पान भूपन वसन भौन छूटि जात वित्त देश  
प्रेमकी पगनमें ॥ तात मात दारा पति पुत्र सखा बंधु छूटै तन मन  
प्राण छूटै नैनकी खगनमें ॥ रसिकविहारी नेम धर्म परलोक लोक  
छूटि जात मोद बहु चित्तकी ठगनमें । येते सब छूटि जात  
रंचहु न लागै बार विरह न छूटै नेक नेहकी लगनमें ॥ ७५ ॥

दोहा—नेह सिंधु यह अगमहै, कोऊ लहै न अंत ।

सत्य नेह तजि जगतमें, और नहीं कछु तंत ॥ ७६ ॥

हौ तौ सांचे नेहके, रहत सदा आधीन ॥

नेह अपूरव वस्तु तिहि, अबलों लपण न चीन ॥ ७७ ॥

हाय लपण यह प्रीतकी, रीत प्रिया मम जान ॥

सो न निकट हौ नेहको, कासों करौ बखान ॥ ७८ ॥

लखौ लपण प्यारी विना, हौं किमि भयो मलीन ॥

ऐसिहि हैं सीयकी, गतिमों संग विहीन ॥ ७९ ॥

धनाक्षरी—कवित्त ।

देह विन प्राण जैसे दिन विन भान जैसे चूना विन पान जैसे  
कूप विन वारी है। रौनि विन चंद्र जैसे तालविन कंज जैसे कुल विन  
पुत्र जैसे फूल विन क्यारी है ॥ भूपविन भूमि जैसे पत्र विन वृक्ष  
जैसे दीप विन भौन जैसे वीर विन रारी है ॥ रसिकविहारी जैसे  
प्यार विन यार मृनो प्यारी विन लाल तैसे लाल विन प्यारी है ॥ ८० ॥

सर्वैया कवित्त ।

विरही समुझायहु धीर हिए न धरै न धरे न धरे न धरे ॥  
जगलो गहि सो रसिकेश कछु न डरै न डरै न डरै न डरै ॥  
निज प्रीतमके विन एक घरी न भरै न भरे न भरे न भरे ॥  
विधि काहुहि प्रीय विछोह कवौ न करै न करै न करै न करै ॥८१॥  
फलहै तिहि के शत कर्मनको जिहिके जिय माहि सदा कल है ॥  
कल है नाहि जाहि कलेशनते न लगै कहूँ ताहि कछु भल है ॥  
भल है रसिकेश सदा अति सो हठिके दृढ़ प्रेमहि जो न लहै ॥  
नल है निज मीत वियोग कवौ जगजीवनको सुयही फल है ॥८२॥

दोहा—इहि विधि वर्णत लपणतें, प्रीत विरह दुख भीति ॥

जनकसुतहि खोजत चहूँ, गई रैनिसववीति ॥ ८३ ॥

कहूँ न पाई प्रियहि पुनि, भये विकल गुराय ॥

बंधु कंध धरिकें भुजा, बोले अति विलपाय ॥ ८४ ॥

पनाक्षरी कवित्त ।

अंक द्युति चंपा अरु संपा चपलाई लई कंज कोमलाई मंजु गजगति  
लीनी है । लोचन कुंग दंतदाडिम अधरविंव पल्लव सुपानिहरें श्री  
वा कंबु छीनी है ॥ श्रीफल उरोज केशपत्रग कुमार लीने रसिकविहारी  
यह प्यारी गति कीनी है । लंकहारिकानन कलंक औ मयंक मुख  
रंक सब लैंक एक शंक मोहि दीनी है ॥ ८५ ॥

दोहा—यों कहि करगहि लपणको, मग डगमग पग चाल ॥

कहत सियाको रूप गुण, वृद्धत चले विहाल ॥ ८६ ॥

पनाक्षरी—कवित्त ।

सुजन विहीन सुख हीन तनछीन दीन विकल अधीन सोकली-  
न दुख बेरीसी ॥ रसिकविहारी वखेनी है विथोरी शीश विषम वि-  
योगमें लथोरी वसथोरीसी ॥ विरह विलोरी नेह सिंधुमें हिलोरी वा-  
ल निपट न जोरी आ लजोरी अति भोगीसी । वृद्धो करजोरी प्रिया  
मोरि गई चोरी कोट देखी कहूँ नवलकिशोरी एक गोरीसी ॥ ८७ ॥  
दूजी नाहि नारी जग जाकी अनुहारी और तेज गुण भारी त्यों अ-  
नूप छवि न्यारी है ॥ पीत रंगसारी हेम भूषण विचित्र थारी

हारी मंजुकेसरकी ब्यारी है ॥ रसिकविहारी सुखकारी सो अपारीनव  
 अति सुकुमारी चारु आनन उज्यारी है ॥ कोऊ वनचारीने निहारी  
 तो बतावो वेगि ऐसी रूपवारी सो हमारी प्राणप्यारी है ॥ ८८ ॥ अ-  
 मल कपोलवारी मंजु मुख गोलवारी कोमल सुबोलवारी लोलहगवा-  
 री है । पानिप अमोलवारी सुमति अडोलवारी कानन कलोलवारी  
 हीय सुखकारी है ॥ सुचित अलोलवारी सरस सुडोलवारी रसिकविहा-  
 री त्यों अतोल चाह धारी है ॥ कोऊ वनचारीने निहारी तो बतावो  
 वेगि ऐसी रूपवारी प्राणप्यारी सो हमारी है ॥ ८९ ॥ दीपति अभंग  
 वारी हृदय उमंगवारी छोटे अंग वारी रंग वारी ढंग वारी है ।  
 झीने जीलवारी अति खीनेडीलवारी चारु बेनी लटवारी सुख-  
 देनी सीलवारी है ॥ रसिकविहारी सटकारे करे केशवारी बस  
 भेस वारी मिथिलेश देशवारी है । कोऊ वनचारीने निहारी तो  
 बतावो वेगि प्यारी सो हमारी है जु ऐसी रूपवारी है ॥ ९० ॥ ध्रुवुटी  
 कमानवारी तीखे नैन बानवारी हँसनि कृपानवारी भारी सानवारी है ॥  
 वदन विशालवारी अघर प्रवाल वारी पानी पदलाल वारी मत्तचाल  
 वारी है ॥ रसिकविहारी नेहवारी दिव्य देहवारी संतत अछेहवारी सत्य  
 नेहवारी है ॥ कोऊ वनचारीने निहारी तो बतावो वेगि प्यारी सो  
 हमारी है जु ऐसी रूपवारी है ॥ ९१ ॥

तोटक छंद ।

इमि दीन सुवन जु बोलत हैं ॥ वनिता विरही वन डोलत हैं ॥  
 जबहीं नव फूलनको निरखें ॥ तवहीं करि हाय हिए करखें ॥ ९२ ॥  
 अविलोकि रसाल न मौरन को ॥ पुनि हेरि लता तरु ओरन को ॥  
 रघुलाल विहाल जु होय रहे ॥ अकुलाय मनोजहि वन कहे ॥ ९३ ॥

धनाक्षरी कवित्त ।

येरे मेंन नृपति अनीति नृ न ऐसी कर तोहि निरमोही नेक दाया  
 ना शर्म है ॥ ताने बाणमोष कहा मंतौ हीं वियोगी दीन जागे मम  
 अंग विहागिनी परम है ॥ रसिकविहारी टुक मो दिशि निहारी  
 थोर धरि दे धनुष यह निदित करम है ॥ बेसही मगेहों प्राणप्यारीके  
 बिछोह हीं तो मृतकहि माखो न वीरको धरम है ॥ ९४ ॥

दोहा-यों कहि कै कछु दूरि चलि, पुनि बोले रघुनाथ ॥

अरे मदन शर पाँचहु, छोड़ि हिये यकसाथ ॥ ९५ ॥

यनाक्षरी-कवित्त ।

येरे पंचबाण पांचौ बाण भले मारे मोहिं वीर तुव रोप यह अति  
उपकारी भो ॥ सब दुख छूटो विरहानलकी ज्वालन ते तो शर समेत  
मम अंग जर छारी भो ॥ अब विन तीरके न है है वरियाई तो पे  
मेन तू निरायुध निपट दुखकारी भो ॥ कोऊ भीति मानिहै कहूँ ना  
रंच तेरी सदा रसिकविहारी लोक सकल सुखागी भो ॥ ९६ ॥

सो-या विधि विरह विहाल, विलपत हेरत फिरत हैं ॥

तिय विछुरनकी ज्वाल, बढी न नेक सिरात है ॥ ९७ ॥

हेरत हेरत श्याम, बैठ गये मग बीचही ॥

निज मनहीं मन राम, सोचतहैं चित चाकितहैं ॥ ९८ ॥

यनाक्षरी कवित्त ।

आजलों सुनीना कहूँ ऐसी रघुवंश माहिं रसिकविहारी भई  
जैसी यह बातहै ॥ ऐसी को जु हों रघुवंशिनकी वाम ओर गति  
भविष्यते न काहुको वसतहै ॥ इत महि सामुके सँकोच सकुचात  
अति कुलपति भातु उतं तिनहिं लजातहैं ॥ नीचा अरु उंचा मुख  
करत न गम याते साहें दग दीने बैठ मन अकुलातहैं ॥ ९९ ॥

सो-येजू राजकुमार, लपण कहो अकुलायक ॥

आतप तपनि अपार, इतते उठि तरुतर चलिय ॥ १०० ॥

भुजंगप्रपात छन्द ।

सुनी बंधुकी बाणि गजीवनना । तब दीन है लाल बोले सुवना ॥  
जब ते सिया प्राणप्यागी विछोही । तब ते नव देतहैं ताप मोही ॥ १०१ ॥  
शरी भीतहैं सो पनो अंग जाग । विधापान मोह हिये बत्र मार ॥  
पगोह नै ध्यानना धीर धान । कटहै न मोको भई गनिभागी ॥ १०२ ॥  
लगा नैनमें शूलसे फूल लगन । करि शोग पत्नी चहै दान दान ॥  
पगै कनह रचना चित पाग । छडीली विना प्राणहै भार लगन ॥ १०३ ॥  
पगै जायें कामो कही का कर्ममें । महा मोचको सिंधु कर्म तगमें ॥  
न पौड कर्म मोहि ऐसी लगवै । पगवै हिये धीर प्यागी निलवै ॥ १०४ ॥

चौ०-सुनि अधीर राघवकी वानी ❀ समुझाये लछमन गहि पानी ॥  
तब कछु धीरे धारि रघुराई ❀ बोले बहु गलानि उर छाई १०५ ॥  
घनाक्षरी कवित्त ।

कनक कुरंग कहूँ आज लों न देखो सुनो ताके हेत विनहिं  
विचार छठि धायो मैं । नारिमत आयो खल छलको न ज्ञान लायो  
निपट दुरायो चेत सकल भुलायो मैं ॥ मोसम न कोऊ बुद्धि-  
हीन है त्रिलोक माहिं रसिकविहारी यह दृढ ठहरायो मैं ॥ ऐसी  
मति मेरी तो नशावतो समस्तकाज याते भई नीकी राजत्यागि  
वन आयो मैं ॥ १०६ ॥

दोहा—यों रघुवर बखंधुसे, कहत अनेकन बात ॥

सोच विवश विलपत विकल, सिय खोजत चहुँ जात १०७

मैं इत रघुवर विरहको, कीनो कछु बखान ॥

रामायण नाटक अधिक, देखो सकल सुजान ॥ १०८ ॥

प्र०। वाल्मीकीये ॥ आरण्यकांडे ॥ सर्ग ५९ ६० ६१ ६२ ६३ ॥ श्लोक ॥

राक्षसं मृगरूपेण चरंतं कामरूपिणम् ॥ निहत्य रामो मारीचं तूर्णं  
पथि न्यवर्तत ॥ १ ॥ त्वरमाणो जगामाथ सीतादर्शनलालसः ॥  
शून्यमावसथं दृष्ट्वा बभूवोद्विग्नमानसः ॥ २ ॥ यत्नान्मृगयमाणस्तु  
नाससाद वने प्रियाम् ॥ शोकरक्तेक्षणः श्रीमानुन्मत्त इव लक्ष्यते ॥ ३ ॥  
वृक्षाद् वृक्षं प्रधावन्स गिरिंश्चापि नदीं नदम् ॥ बभ्राम विलपत्रामः  
शोकपंकार्णवश्रुतः ॥ ४ ॥ ककुभः करभोरुं तां व्यक्तं जानाति मेथिली  
म् ॥ लतापल्लवपुष्पाढ्यो भाति ह्येष वनस्पतिः ॥ ५ ॥ यदि ताल त्व  
या दृष्टा पकृतालोपमस्तनी ॥ कथयस्व वरारोहां कारुण्यं यदि ते  
मयि ॥ ६ ॥ किं धावसि प्रिये नूनं दृष्टासि कमलेक्षणे ॥ वृक्षैरा-  
च्छाद्य चात्मानं किं मां न प्रतिभाषसे ॥ ७ ॥ पीतकौशेयकेनासि  
सूचिता वरवर्णिनि ॥ धावंत्यपि मया दृष्टा तिष्ठ यद्यस्ति सौहृदम् ॥ ८ ॥  
इत्येवं विलपत्रामः परिधावन्वनाद्गमम् ॥ कचिदुद्भ्रमते वेगात्कचि  
द्विभ्रमते वलात् ॥ ९ ॥ अदृष्ट्वा तत्र वेदेह्यं संनिरीक्ष्य च सर्वशः ॥  
उवाच रामः प्राकुक्ष्य प्रगृह्य रुचिरां भुज्जं ॥ १० ॥ सीतया रहितोदं

वे न हि जीवामि लक्ष्मण ॥ वृतं शोकेन महता सीताहरणजेन माम् ॥ ११ ॥ तन्मामुत्सृज्य हि वने गच्छायोध्यापुरीं शुभाम् ॥ न त्वहं तां विना सीतां जीवेयं हि कथंच न ॥ १२ ॥ नमद्विधो दुष्कृतकर्म-  
कारी मन्ये द्वितीयोस्ति वसुंधरायाम् ॥ शोकानुशोको हि परंपराया  
मामेव भिन्दन् हृदयं मनश्च ॥ १३ ॥ पूर्वं मया नूनमभीप्सितानि  
पापानि कर्माण्यसकृत्कृतानि ॥ तत्रायमद्यापतितो विपाको दुःखेन  
दुःखं य दहं वसामि ॥ १४ ॥

पुनः ॥ हनुमन्नाटके ॥ श्लोक ।

आलिङ्गिताऽत्र सरसीरुहकोरकाक्षी पीताधरेति मधुरे विधुमंडलस्य ॥  
रंगावतारमकरंदविमर्दितानि पुष्पाण्यमूनि दधिते कगतेत्यरोदीत ॥  
॥ १५ ॥ हा जानकि प्रचलितोत्पलपद्मनेत्रे हा मे मनः कमलकान-  
नराजहंसि ॥ एष प्रिये तव वियोगजवह्निदग्धो दीनं प्रयामि भवतीं  
प्रविलोकयामि ॥ १६ ॥ इत्यादि ॥

इति श्री० रा० २० व० वि० रघुनंदनविलास

वर्णनो नाम तृतीयोविभागः ॥ ३ ॥

दोहा—कहत परस्पर वचन बहु, सोच विवश अकुलात ॥  
सिय खोजत दुहुँ वंधु चहुँ, विपिन चले मग जात ॥ १ ॥  
कछुकदूर चलिंक लखे, कानन पंथ मझार ॥  
रधिर बिंदु जहँ तहँ पे, अरु विनाशित द्रुमडार ॥ २ ॥  
निहि आगे भूतल परो, रथ खंडित धनुवान ॥  
अरु निश्चर पद चिह्न महि, देखन हिय अकुलान ॥ ३ ॥  
निहि विलोकि विलपायक, कही लपण सोँ गम ॥  
इ निश्चर सिय हेतु जनु, कियो इहां संग्राम ॥ ४ ॥  
याँ सोचत कछु आर चलि, लखे गृद्ध नग दोच ॥  
निहि विलोकि रघुवर कही, सिय लीनो यहि नीच ॥ ५ ॥  
ह निश्चर यह सिय भरो, गृद्ध रूप धरिलीन ॥  
शोष सोच वश वंधु दो, पदुन कन कर क्यन ॥ ६ ॥

चौ०-निकट जाय अविलोको ताही ❀ तव जानो जटायु यह आही ॥  
 धाय राम तिहि अंक लगायो ❀ भये विकल कष्टु वचन न आयो ७॥  
 पुनि वृझी रघुवर तिहि वाता ❀ सो कष्टु कही विकल विलपाता ॥  
 सकल कथा वर्णन नहि पायो ❀ तो लग प्राण कंठमाधि आयो ८ ॥  
 तिहि रघुवीर अंक गहि राखो ❀ सो खग राम राम इमि भापो ॥  
 हेरिवदन दिशि दृग भरि आँसू ❀ गृद्धराज त्याजो तनु आसू ९ ॥  
 गीधमरन लखि सातुज रामा ❀ कियो विलाप अतिहि तिहि ठामा ॥  
 पुनि निजकरते समय समाना ❀ रामकृत्य किय सहित विधाना १०  
 तहँते चले बहुरि दुहुँ भाई ❀ दृग भरि करत जटायु बड़ाई ॥  
 खोजत फिरत सियहि चहुँ ओरा ❀ इकनिश्वरी मिली वन घोरा ११ ॥  
 उंदर दीह कुच जंचन छाये ❀ दंत कराल केशविखराये ॥  
 कलुप अंग लीने मृगव्याला ❀ भक्षण करत निशंक निहाला १२  
 सो निशाचरी लपणहि देखी ❀ भई हृदय आनंद विशेषी ॥  
 धाय आय कर गहि लपटानी ❀ बोली मदन विवश है वानी १३ ॥  
 है अजामुखी नाम अनूपा ❀ मोसम तिय न कहूँ सुठिरूपा ॥  
 चलौ इतै वन विपिन अपारा ❀ तहँ हम तुम मिलि कराहि विहारा १४  
 सुनत वचन लछमन तिहि डाटी ❀ दुहुँ कुच श्रवण नासिका काटी ॥  
 सो कुरूप है अतिहि डरानी ❀ घोर शोर करि विकल परानी १५  
 चले बंधु दुहुँ पुनि निरभीता ❀ विपिन चहुँ दिशि खोजत सीता ॥  
 लखो फेरि इक निश्वर भारी ❀ निपट कराल रूप भयकारी १६ ॥  
 शीश विहीन ग्रीव तनु कारो ❀ आनन उदर थूल वपु भारो ॥  
 विशिख दंत शोणित लपटाना ❀ दुहुँ भुज इक योजन परमाना १७  
 सो कबंध निज भुजा पसारी ❀ गहि लीने दोऊ धनुधारी ॥  
 भये विवश परि निश्वर हाथा ❀ दुख बहु लहो लपण रघुनाथा १८  
 पुनि आँसर लखि राजकुमारा ❀ वेगि कृपानतान खर धारा ॥  
 दक्षिण भुजा राम तिहि काटी ❀ वाम बाहु लछमन दूत छाटी १९ ॥  
 भयो विकल जब तव अकुलाई ❀ वृझी सुनि जाने रघुराई ॥  
 पुनि नृपसुत पूछो तिहि हाला ❀ कहो कबंध समस्त उताला २० ॥

निश्चर हो मैं सुभग अनृपा ❀ मुनिन सताऊं धारि कुरुपा ॥  
 तव अस्थूलशिरा ऋषि कोही ❀ दीनी घोरशाप यह मोही ॥ २१ ॥  
 खल तुव यह वपु रहै सदाई ❀ सुनि हों गिरौ चरण पर धाई ॥  
 तव मुनि कही राम वन ऐहें ❀ दुहुँ भुजकाटि दाह तुहि दैहें ॥ २२ ॥  
 शुद्ध रूप ताही छिन ह्वै ❀ रघुवर कृपा परम सुख पैहै ॥  
 मुनि मुनि वचन हीय हरपाना ❀ पुनि मैं विपिन महा तप ठानार ॥  
 सो लखि विधि प्रसन्न आति भयऊ ❀ दीर्घ आयु हो यह वर दयऊ ॥  
 तव निशंक हों सुरपति धामा ❀ कीनो जाय भूरि संग्रामा ॥ २४ ॥  
 कियो इंद्र तव वज्र प्रहारा ❀ गयो शीश मो उदर मझारा ॥  
 सो गति लखिहीं भये दुखारी ❀ बहु सुरेश प्रति विनय उचारी ॥ २५ ॥

दोहा—नाथ मोहिं अब आजते, जिहि विधि मिलै अहार ॥

कृपा लाय हिय देवपति, कीजे सो उपचार ॥ २६ ॥

तव सुरेश करिके दया, दियो मोहिं वरदान ॥

लंबित हो तुव भुज दुहुँ, योजन येक प्रमाण ॥ २७ ॥

पुनि तुव दुहुँ भुज काटि हें, राम लपण वन माहिं ॥

दिव्य देह धरि अमरपुर, प्रसुदित सुखी रहाहिं ॥ २८ ॥

भयो सिद्धिबर इंद्रको, तवते विपिन रहाउँ ॥

करि केहरि मृग मनुष हों, नित प्रति धरि धरि खाउँ ॥ २९ ॥

मुनि कबंधवच बंधु दुहुँ, सिय सुधि पूछी ताहि ॥

सो भापी मुहिं शाप वश, अवाहि ज्ञान कहु नाहिं ॥ ३० ॥

सररचि मो तनु दाहिये, तव सुदिव्य तनु पाय ॥

यथा शक्ति वर्णन करों, सीता मिलन उपाय ॥ ३१ ॥

सुनत बंधु दुहुँ सर रचो, तामाधि तिहि बैठार ॥

दाह किया प्रगटो सु तव, सुभग शुद्ध वपु धार ॥ ३२ ॥

कही सु तव हे राजसुत, कपि सुकंठ दिन जाय ॥

करो मिताई सो तुमैं, दैह सौय मिलाय ॥ ३३ ॥

पुनि मतंग वन वसति इक, नारी शत्रुगी नाम ॥

शुद्ध भक्त तुव वृद्ध तिहि, दश दीजियो राम ॥ ३४ ॥



नाम ठाम गिरि विपिन मग, रामहि सकल बताय ॥  
गयो कबंध सुदेवपुर, दुहुँ बंधुन शिरनाय ॥ ३५ ॥

हरिगीतिका छंद ।

इमि सुगतिकरि सुकबंधकी दुहुँ बंधु पुनि तहँते चले ॥  
बूझत विलोकत सियहि खोजत कर सजे धनु शर भले ॥  
इत राम शवरी मिलन आतुर जात हिय उमगात है ॥  
अनुरागिनी रघुचंद दरशनहेत उत हरपात है ॥ ३६ ॥  
जब ते सुनी सबरी कि रघुवर चित्रकूटहि छाये हैं ॥  
तहँ वास करि सानंद पुनि युत बंधु इहि दिशि आय हैं ॥  
तबते सदा उठि प्रातही बहु दूर लौं मग झारही ॥  
पुनि धाय छिन छिन जाय उर उमगाय पंथ निहारही ३७॥  
कवहुं सुनिर्तत मगन मन सिय राम गुणगण गायकै ॥  
कवहुं दुहुं दृग मूँदि बैठत श्याम ध्यान लगाय कै ॥  
कवहुं अनेक विचार करि करि हीय होत हिरास है ॥  
कवहुं मुदित मन हँसत शवरी लगी दरशन आश है ॥ ३८॥  
कवहुं विचारत राम मेरे भवन किहि विधि आय हैं ॥  
जो आय हैं तो भीलनी गुणि मुहिं न पद परसाय हैं ॥  
कवहुं कहत मनमाहिं यों रघुवीर परम दयाल हैं ॥  
लाखे दीन दै हैं दरश मो कहैं सत्य जन प्रणपाल हैं ॥ ३९॥  
कवहुं विपिनविच जाय वीनत वेर हिय हुलसायकै ॥  
तिन चीखि मीठे जानि रघुवर हेत धरत सुखायकै ॥  
कवहुं निहोरी मुनीन भापत नाथ नहिं विसराइयो ॥  
तुवचाम आवैं राम तो मुहि दूरतें दरशाइयो ॥ ४० ॥  
इहि भांति शवरी रहति निशिदिन रामपद अनुरागिनी ॥  
तिहि धन्य भक्ति अनन्य पूरन शुद्धतिय वडभागिनी ॥  
जिय जानि प्रीति प्रतीति सांची रामदिय हुलसायकै ॥  
सोमित्र संयुत दरशदीनो ताहि वेगहि आयकै ॥ ४१ ॥  
॥ निगलि गमहि धाय उर उमगायकै चरणनपरी ॥

आनंद जल भरि नैन गदगद वैन वर विनती करी ॥  
 सिय नाथ शवरी हाथ गहि वेगै उठाई धीरते ॥  
 सोगहे लछमन पाँय धोये नेह युत दग नीरते ॥ ४२ ॥  
 पुनि लाय शुचितृणसाथरी सुविछाय बहु सनमानिकै ॥  
 डुलसाय वेगहि धाय जाय सुवर दीने आनिकै ॥  
 रघुराय नेह बढाय लै सुख पाय सो फल खात हैं ॥  
 तिहि वार वार सराहि बहु विधि मुदित हिय बतरात हैं ॥ ४३ ॥

पनाक्षरी कवित्त ।

विविध विधानके अनेक पकवान जेते होत हैं जहान मेरी जानसब  
 सीटे हैं ॥ रसिकविहारी फल सरस रसाल आदि तेऊ यह स्वाद पाय  
 सकल उबीठे हैं ॥ कंद मूल अधिक अतुल रुचिकारी सोऊ एकहून  
 इनकी समान मोहिं दीठे हैं ॥ रंचहून सीठे ना उबीठेयों न दीठे कहूं लपण  
 कहाँ तो सत्य कैसेवर मीठे हैं ॥ ४४ ॥ ब्रह्मके उपासी तपराशी वनवासी  
 वर विपुल मुनीशनेके आश्रम सिधायो में ॥ कीने सनमान तिन  
 सहित विधान तऊ काहु ठौर कबहुँ न पेट भरि खायो में ॥ अमृत  
 समान शवरीके इन वेरनमें रसिकविहारी मन भायो म्वाद पायो  
 में ॥ अवध विहाय वन आयो जब ते हों बंधु तबते विचारि सत्य  
 आजही अवायो में ॥ ४५ ॥

दोहा—शवरी सुनि रघुवर वचन, हिय फूली न समाय ॥

धाय धायकै छिनहि छिन, देत मधुर फल लाय ॥ ४६ ॥

पनाक्षरी कवित्त ।

वेर वेर वेरलें सराहें वेर वेर बहु रसिकविहारी देत बंधु कहैं फेर  
 फेर ॥ चाखि चाखि भापें यह बाहु ते महान मोटो लेहु नौ लपण यां  
 बखानत हैं हेरहे ॥ वेर वेर देव वेर शवरीसु वेर वेर तोऊ ग्युवार वेर  
 वेर तिहि टेर टेर ॥ वेरजनि लावो वेर वेर जनि लावो वेर वेर जनि  
 लावो वेर लावो कहैं वेर वेर ॥ ४७ ॥

सो—दाहि विधि गुरुकुल चंद, अशन कियो फल बंधु मुन ॥

शवरी प्रति सानंद, बोलै सत्य सुनेह भारि ॥ ४८ ॥

घनाक्षरी कवित्त ।

सदन सिधाऊँ पाऊँ व्यंजन अनेक तऊ याके सम एकहू पदारथ  
न तूलैगो ॥ करि करि प्यार मातु अशन करैहैं जव मेरे हीय तवाहिं  
सनेह यह झूलैगो ॥ आजको अपार सुख कहँलो बखानौ सब छिन  
छिन नित प्रति चित्त अति फूलैगो ॥ शवरी तिहारे इन बेरनको स्व  
द मोहिं रसिकविहारी कहँ कवहँ न भूलैगो ॥ ४९ ॥

दोहा—यौंहीं परम प्रमोद भरि, वचन कहे बहु राम ॥

सुनि शवरी मन मुदित है, विनय करी अभिराम ॥ ५० ॥  
चौ०—ताही छिन सब सुनि सुधिपाई ॥ लपण सहित आये रघुराई ॥  
शवरीके आश्रम पग धोर ॥ यह सुनि लजित भये ऋषि सारे ॥  
भक्तिअधीन राम कहँ जानी ॥ आये तहँ मुनिवर विज्ञानी ॥  
मिले यथोचित लछमन रामा ॥ बैठे सब शवरीके धामा ॥ ५२ ॥  
राम लपण अरु सुनि समुदाई ॥ करत परस्पर विनय बडाई ॥  
पुनि ऋषिवर बोले धनुधारी ॥ हम इत जल बिन रहत दुखारी ॥  
हैं सर सुभग भरो गंभीरा ॥ पै नहिं ग्रहण योग तिहि नीरा ॥  
रुधिर वरन वन कीट अपारा ॥ बहु कुंगंध नहिं जाय निहारा ॥ ५४ ॥  
सो रघुवर तुव पद परसावै ॥ तौ वह नीर शुद्ध है जावै ॥  
सुनि वृक्षी सियनाथ प्रवीना ॥ किहि कारण जल भयो मलीना ॥  
तव सुनि कही हेतु यह आई ॥ शवरी न्हातरही निशिजाई ॥  
औचक एक समै लखि लीनी ॥ ताही दिवस वरजि यहि दीनी ॥ ५६ ॥  
पै सुनीर इन बहु दिन परसो ॥ याते मलिन भयो सर सरसो ॥  
अब तुव चरण लागि शुचि होवै ॥ हम सबको अपार दुख खोवै ॥ ५७ ॥  
सुनि रघुनाथ कही मृदुवानी ॥ होसमस्त मुनिवर विज्ञानी ॥  
परम शुद्ध शवरी कहँ जानौ ॥ याते कहु दुरभाव न मानौ ॥ ५८ ॥  
शवरी अवाहिं संग तुव जावै ॥ सर नीरहि निज पद परसावै ॥  
गेय तड़ाग शुद्ध इहिकाला ॥ सकल अमल जल लेहु उताला ॥ ५९ ॥  
कहि पुनि बोले रघुवीरा ॥ सुनहु सकल मुनिगण मतिधारा ॥  
। रंचहु छल छिद्र न राखौ ॥ जो मुहि रूच नत्य सो भाखौ ॥ ६० ॥

दोहा—योग याग जप त्याग तप, नेम धर्म व्रत दान ॥  
 इन सबहीते अधिक मुहि, सत्यसनेह सुहान ॥ ६१ ॥  
 ऊँच नीच कोऊ करै, सत्य प्रीति मो माहि ॥  
 होय अधमते अधमपै, तिहि वश रहौ सदाहि ॥ ६२ ॥  
 सुख दुख संपति विपतिमें, जिहि दृढ़ ममविश्वास ॥  
 हां ताकी दुहुँ लोक मधि, पूजौ सिगरी आस ॥ ६३ ॥  
 जो मेरो जनहोइकै, करै और की आस ॥  
 ताको नामहु सुनतही, मोजिय होत उदास ॥ ६४ ॥  
 सोरठा—इमि अनेक वरखैन, रघुवरके सुनि सुनि सकल ॥  
 भरे प्रेम जल नैन, भयो महा आनंद उर ॥ ६५ ॥  
 ऋषि समस्त मतिमान, विविध भाँति अस्तुतिकरी ॥  
 जै जै कृपानिधान, अधम उधारन धर्म धर ॥ ६६ ॥

चौ०—पुनि सुनि राम रजायसुपाई ॥ शवरीहि सरतट गये लिवाई ॥  
 तहँ बोले समस्त ऋषि ज्ञानी ॥ परसावो पद सुनि सकुचानी ॥ ६७ ॥  
 पुनि शवरी रामहि शिर नायो ॥ सरजल माँहि स्वपद परसायो ॥  
 भयो बुद्ध पगलगत सुनीरा ॥ निरखत रहे चकित सुनिधीरा ॥ ६८ ॥  
 सब ऋषि धन्यवाद तिहि दीना ॥ आये रघुवर निकट प्रवीना ॥  
 तिनहि यथोचित मिलि दुहुँ भाई ॥ विदाकिये आनंद बढ़ाई ॥ ६९ ॥  
 पुनि शवरीहि वृद्धी रघुराई ॥ तुम कह्यु जनकसुता सुधि पाई ॥  
 सुनि बोली सुकंठ दिगजावो ॥ तिहिसहायते सीताहि पावो ॥ ७० ॥  
 तब रघुनाथ कहीतिहि पाहें ॥ तब गुरु थल हम देखन चाहें ॥  
 सुनि शवरी दुहुँ नृप सुत संगी ॥ चलि दरशायो सहित उमंगी ॥ ७१ ॥  
 विपिन विचित्र लता दृम नाना ॥ परमरम्य नहि जाय बखाना ॥  
 विमल प्रकाश रनि दिन रहई ॥ विविध समीर मुखद नित बहई ॥ ७२ ॥  
 सत्यासिंधु जलमय सरसोहि ॥ जिहि लखि मान सरोवर मोहि ॥  
 दल फल फूल सकल सब काला ॥ रहै एक दिग केहि व्याला ॥ ७३ ॥  
 लखि मतंगवन केर प्रभावा ॥ राम लपणहिय बहु सुख पावा ॥  
 पुनि शवरीहि बोले रघुराई ॥ जाहु थाम अवहिय दुलभाई ॥ ७४ ॥

तब शबरी रघुवर पगलागी ❀ करि बहु विनय भक्ति दृढ माँगी ॥  
 शुद्ध प्रीति लखि कृपानिधाना ❀ दियो यथारुचि तिहि वरदाना ॥ ७५ ॥  
 पुनि शबरी सर विरचि उताला ❀ दही देह योगानलज्वाला ॥  
 दिव्यरूप लहि बैठि विमाना ❀ मुदित कियो सुरधाम पयाना ॥ ७६ ॥

दोहा—उत शबरी धरि दिव्य तन, मुदित गई सुरधाम ।

इत सुग्रीवहि मिलनहित, चले बंधु युत राम ॥ ७७ ॥

सीतहि खोजत बंधु दुहुँ, चहुँ गिरि विपिन मझार ॥

आये पंपासर निकट, हेरी छटा अपार ॥ ७८ ॥

इति श्री० रा० र० वि० वि० वनअटन वर्णनो नाम चतुर्थो विभागः ॥ ४ ॥

दोहा—पंपासर शोभित विशद, विमल नीर गंभीर ।

सुभग विपिन दरशत चहुँ, सरसत त्रिविध समीर ॥ १ ॥

दुम बल्ली दल फूल फल, विविध अनूपम रंग ।

छाय रहो ऋतुराज चहुँ, कूजत विपुल विहंग ॥ २ ॥

लखि वसंत ऋतु राम अति, त्रिलपत प्रिया विहीन ।

ह्वे अधीर गहि बंधु कर, कहत वचन अति दीन ॥ ३ ॥

जनकसुतहि खोजत लपण, वीति गये द्वैमास ।

कटु न मिली सुधि अजहुँ लों, अब जिय होत निराश ॥ ४ ॥

हाय प्राणप्यारी विना, अब किमि धारों धीर ।

मिलि ऋतुपति रतिपति हिये, मारत तकि ताकि तीर ॥ ५ ॥

अविलोको किहि भाँति चहुँ, छाय रहो ऋतुराज ।

फिरें मत्त मथुपान करि, प्रमुदित मध्यप समाज ॥ ६ ॥

पनाक्षरी कवित ।

झूमैं चहुँवा गजराजसे रसाल भूमैं घूमैं समीर तेज तरल तुरंगज्यौ ।  
 किंशुक गुलाब कचनार आ अनारनके प्यादे भाँति भाँति लमैं  
 सहित उमंग त्यों ॥ छाई नव बल्ली छटा छहर रही है घनी तई रा  
 राजें मोर भ्रमत अभंग क्यों ॥ रसिकविहारी साज साज ऋतुराज  
 आयो छायो वन वाग मेना लीने चतुरंग यों ॥ ७ ॥ कहें भौर गुंज  
 मंद मग्न सुहाये मुन कोकिल्या अलाप कहें मधुर उचारैं ॥ लह  
 लह पल्लव मृदुल छवि छावें कहें मधक प्रमृननकी कहें सुख साँव हैं ॥

कहूँ चटकाहट गुलाबनकी लोनी प्रात कहूँ शरमैन नर नारिनको  
मारैं हैं । रसिकविहारी साज नागरी सिंगारैं कहूँ अजब अनोखी  
ये वसंतकी बहारैं हैं ॥ ८ ॥ बेलिन वसंत ज्यों नवेलिन वसंत वन  
वागन वसंत रंग रागन वसंत है ॥ कुंजन वसंत दिज पुंजन वसंत  
अलि गुंजन वसंत चहुँ ओरन वसंत है ॥ छैलन वसंत अरु फैलन  
वसंत संग सैलन वसंत बहु गैलन वसंत है ॥ रसिकविहारी नैन  
सैननमें बैननमें जितै अविलोकौ तितै बरसै वसंत है ॥ ९ ॥ निरंत  
मयूर महा मुदित मयूरी मिलि मत्त अलि डोलैं लिये अलिनीलसंत  
सो । रसिकविहारी कीर सारिका सुकोकिलादि करत कलोल कोलि  
कूजत हसंतसो ॥ निज निज नारी संग अपर विहारी चहुँ खेदजड  
चेतनको सकल न संत सो । संत सम सुखद वसंत सबहीको यह  
प्यारी विन मोको भयो दुखद असंतसो ॥ १० ॥

प्र० ॥ वाल्मीकीये ॥ किष्किन्धाकांडे ॥ सर्ग ॥ १ ॥ श्लोक ।

अयं वसंतः सौमित्रे नानाविहगनादितः ॥ सीतया विप्रहीनस्य  
शोकसंदीपनो मम ॥ १ ॥ संतापयति सौमित्रे क्रूरश्चैत्रवनानिलः ॥  
अमी मयूराः शोभन्ते प्रनृत्यन्तस्ततस्ततः ॥ २ ॥ इत्यादि ॥

दोहा—इहिविधि बहु वर्णन करत, लखि वसंत चहुँ ओर ॥

प्राणप्रिया विन विकल आति, विलपत राजकिशोर ॥ ११ ॥

इत उत हेरत लपण युत, ऋष्यमूक गिरि पास ॥

आये फिरत मतंग वन, सिय विन निपट हिरास ॥ १२ ॥

तहँ गिरिपर कपि पंचये, हनुमान सुग्रीव ॥

तार नील नल रहत नित, परम भीम बलसीव ॥ १३ ॥

चा०—जब सुग्रीव लखे दुहुँ वीरा ॥ तब हनुमंतहि कही अधीरा ॥

भेद लेहु वेगै तुम जाई ॥ को किहि हेत फिरँ इहि ठाई ॥ १४ ॥

तब हनुमान विप्र तनु धारी ॥ आय जैति बर गिरा उचारी ॥

पुनि कर जोरि विनय युत रीती ॥ बृद्धो कपि सब कथा सुग्रीती ॥ १५ ॥

सुनि लछमन गुण ज्ञान निधाना ॥ निज चरित्र सब कियो बखाना ॥

तब हनुमंत स्वामि पहिचाने ॥ पुलकि सप्रेम चरण लपटाने ॥ १६ ॥

पुनि लछमन बृद्धो कपि हाल ॥ कहो पवनसुत सकल उताला ॥

राम बंधु सुनि आति हरपाने ॥ बोले बहुरि सत्यहित माने ॥ १७ ॥

धनाक्षरी कवित ।

जाकी इंद्र वरुण कुबेर कृपा चाहैं सदा जाके नारदादि ऋषि सेव  
चरणहैं ॥ परम प्रचंड खल खांडिवे उदंड जाके दोऊ भुजदंड दि  
दुखके हरणहैं ॥ चक्रवै नरेश अवधेशके किशोर वीर संतत त्रिलोकहू  
पालन करणहैं ॥ धीर धनुधारी तिय विरह दुखारी गम रसिकवि  
हारी सो सुकंठके शरणहैं ॥ १८ ॥

प्र० ॥ किष्किन्वाकांडे ॥ सर्ग ४ ॥ श्लोक ॥

यस्य प्रसादे सततं प्रसीदेयुरिमाः प्रजाः ॥ स रामो वानरेंद्रस्य  
प्रसादमभिकांक्षते ॥ ३ ॥ सर्वलोकस्य धर्मात्मा शरण्यः शरणपुरा ॥  
गुरुर्मे राघवः सोयं सुग्रीवं शरणं गतः ॥ ४ ॥ इत्यादि ॥

चौ०—सुनि अंजनि सुत बिनती कीनी \* कहि सुकंठ गति धीरज दीनी ॥  
पुनि कपि रूप धारि हनुमाना \* लै निज कंध दोउ बलवाना ॥ १९ ॥  
ऋष्यमूक गिरि पर द्रुत आये \* प्रमुदित हाल समस्त जनाये ॥  
सुनि सुग्रीव धाय ढिग जाई \* परे चरण आनंद अवाई ॥ २० ॥  
तब रघुवर उठि अंक लगाये \* नीति प्रीति मय वचन सुनाये ॥  
सुनि सुग्रीव परम सुखमाना \* निज निज गति दुहुँ कीन बखाना ॥ २१ ॥  
दोहा—पुनि रघुवर सुग्रीव दुहुँ, शिपि साखी बिच दीन ॥

प्रीति निरंतर परस्पर, शुद्ध सत्य दृढ कीन ॥ २२ ॥

राम कही हति वालि हौं, तूमें करौं कपिराय ॥

मुदित कही सुग्रीव मैं, दैंहौं सियहि मिलाय ॥ २३ ॥

पुनि बैठे इक ठौर मिलि, गहे परस्पर हाथ ॥

वर्णत निज निज शोक गति, दुहुँ सुकंठ रघुनाथ ॥ २४ ॥

चौ०—ताछिन सुग्रीवहि सुधि आई \* बोले अति आतुर उमगाई ॥

शीत काल आतप सुखपाई \* हौं कपि युत बैठी रघुराई ॥ २५ ॥

ताही छिन नभते इहि ठाई \* भूषण गिरे अचानक आई ॥

को जानै किहिके सो आहैं \* लै धरि दये कंदरा माहीं ॥ २६ ॥

वर भूषण अमोल सुठि रूपा \* कंचन मय माणि जटित अनूपा ॥

पे अब हौं सुसत्य अनुमानि \* हें ध्रुव जनकसुताके जानी ॥ २७ ॥

सुनि सुग्रीव वंचन रघुराई ॐ वोले सपदि प्रेम उमगाई ॥  
 हाय सखा कित वेगहि लावो ॐ सो प्रिय भूषण मोहिं दिखावो २८ ॥  
 सुनि सुकंठ अति आतुर जाई ॐ रामहिं दिये सुभूषण लाई ॥  
 उठि रघुवीर हुलसि हिय लीने ॐ हैं निज प्राणप्रियाके चीने ॥ २९ ॥

धनाक्षरी-कवित्त ।

भूषण सु लेतही पिछाने निज लांडिलीके हिय हुलसायो अति  
 रसिकविहारीको ॥ करि करि प्यार फेरि फेरि तिहि हेरैं श्याम कलित  
 केयूर मंजु रूप रजियारीको ॥ चूमि चूमि कुंडल निहारैं नेह ऊमि  
 ऊमि बार बार धारैं कर जानि सुकुमारीको ॥ भरि भरि नैन बैन  
 वोले उर लाय लाय हाय यह नृपुर हमारी प्राणप्यारीको ॥ ३० ॥

दोहा-यों सिय भूषण हेरि के, प्रेम विवश रघुवीर ॥

करत विलाप विहाल अति, तन मन भयो अधीर ॥ ३१ ॥

पुनि वोले वर वंधुसे, राघव अति विलपाय ॥

भूषण प्राण आधारके, लखौ लपण ये आय ॥ ३२ ॥

रामानुज कर ले निरखि, भरे नीर दुहुं नैन ॥

गदगद कंठ सनेह मय, कहे सत्य वर बैन ॥ ३३ ॥

धनाक्षरी कवित्त ।

अमल अमोल गोल कुंडल प्रकाशमान ऐसो दरशात कोऊ  
 राजभामिनीको है ॥ तैसही अमंद भुजवंद चंद ते दुचंद दीपति सु  
 दिव्य दुतिहारी दामिनीको है ॥ परम पुनीत पद भूषण अनूप चारु  
 पूजनीय संतत त्रिलोक नामिनीको है ॥ रसिकविहारी और नाहिं  
 पहिचानैं एक जानैं यह नृपुर हमारी स्वामिनीको है ॥ ३४ ॥

चौ०-सुनि सुबंधुवाणी रघुराई ॐ ले उसाँस वोले विलपाई ॥

हैं तिहुं भूषण प्राणप्रियाके ॐ पाये आज अवार जियाके ॥ ३५ ॥

यों कहि पुनि सुकंठ प्रति भाखे ॐ सो भूषण लगाय उर गाखे ॥

कहो सखाको हरी जानकी ॐ कितलगयो अवार प्राणकी ॥ ३६ ॥

सुनि सुग्रीव कहो मृदुवानी ॐ को कहँको कितना ॥

प हिय धीर धरो रघुराई ॐ हो लहैं सिय



यों कहि पुनि बहु धीर धराई ॥ राम सुकंठ लये दि  
 बोले वचन नेह दुख साने ॥ विरही हम तुम दोउ मिला  
 बहुरि कही रघुवर सो भापो ॥ किहि कारण वाली ई  
 सुनि सुकंठ बोले कर जोरी ॥ राजकुँवर कछु मोरि न खो

सो०-मायावी जिहि नाम, असुर जु आयो इकर  
 वालि कियो संग्राम, भ्रात संग होइ रहो ॥ ४०

पुनि सो असुर पराय, जाय धसो महि विवर म  
 वालि क्रोधवश धाय, तिहि पाछे प्रविशो तहाँ  
 मोहिं राखि विल द्वार, भ्रात कहो यक पक्षलों  
 नहिं आउं, तिहिमार, तौ लखियौ हौं हत भयो ॥

मैं तिहि आयसुधार, तितहि रहो एक मास ल  
शोणित तबै अपार, वही नदी सम विवरतें ॥ ४३ ॥  
भ्रात वचन हों पाय, जानो वाली हत भयो ॥

शिला बिवर मुख लाय, आयो भय दुख शोक वश  
तब पुर लिख पतिहीन, सब मंत्री हित बंधु मिति  
राज तिलक मुहिं कीन, करन लगो नृपकाज सब  
कछु दिन गये कपीश, ताहि मारि आयो सदन ॥  
करी मोहिं लिख रीस, कहि कटु वच ताडन किये  
हरिलीनी ममनारि, एक बसन है मोहिंसो ॥

गृहते दियो निकारि, प्राणघात लाई तऊ ॥ ४७ ॥  
तिहि भयते चहुँ ओर, विकल फिरो बहु वर्षलों ।  
इहां शाप अति घोर, याते रहौं निशंक इत ॥ ४८ ॥

सुनि सुकंठके वैन, दुंखित भये जल नैन भरि ॥  
 बोले करुणाऐन, बेगि वालि हौं मारिहौं ॥ ४९ ॥

चौ०-राम वचन सुनिकै सुग्रीवा ❀ कहीं नाथ वाली बल  
अकथनीय ताको पुरुषारथ ❀ सुनो सकल मैं कहौं यथारथ

दिनकर उदै होन नाहि पावैं ❀ चहुं सिंधु संध्या करि आवैं ॥५१॥  
 कवहुं कीश केलि जिय लावैं ❀ तव गाहि गिरि नभ ओर चलावैं ॥  
 पुनि कंदुक सम सो कर झेले ❀ इहि विधि अमित बार वन खेलै ५२

दोहा-अपर वाली बल सुनिय प्रभु, दैत्य दुंदुभी नाम ॥

जिहि सहस्रगजमत्त बल, गिरि समान वपु राम ॥ ५३ ॥

असुर मत्त सो युद्ध हित, गयो सिंधुके पास ॥

ताहि विलोकि नदीशके, उर छाई बहु त्रास ॥ ५४ ॥

तव पयोधि सविनय कही, हम तुव लायक नाहिं ॥

बली हिमंचल कराहंगे, युद्ध जाहु तिन पाहिं ॥ ५५ ॥

सुनि दुंदुभि हिमगिरि निकट, आयो अतिहि उताल ॥

गौरि पिता तिहि देखिकै, भये निपट वेहाल ॥ ५६ ॥

तव कर जोरि अधीन है, बोले वचन गिरीश ॥

तुमते भिरै सु एकहै, वाली बली कपीश ॥ ५७ ॥

सुनत दुंदुभी महिप वपु, गिरि समान विकराल ॥

किष्किधामधि घोरख, कीनो आय उताल ॥ ५८ ॥

सो सुनि वाली क्रोध युत, धाय कीन बहु युद्ध ॥

अमित काल लग परस्पर, रहे दुहुँ रण रुद्ध ॥ ५९ ॥

पुनि कपीश तिहि बध कियो, गाहि महि पटक पछार ॥

दुंदुभिमुख दग श्रवणते, चली रुधिरकी धार ॥ ६० ॥

पुनि वाली कर तौलि तिहि, वपु फेको रिस ठान ॥

सो मतंग आश्रम परो, योजन एक प्रमान ॥ ६१ ॥

रुधिर बिंदु बहु मुनि निकट, परे भयो अति शोर ॥

धाये चाँकि मतंगवन, लखो महिप मृत चोर ॥ ६२ ॥

गिरि समान तनु गिरतहाँ, भो बहु विपिन विनाश ।

कियो क्रोध सो देखिकै, मुनि मतंग तपराश ॥ ६३ ॥

त्रिकालज्ञ ऋषि ध्यान धारि, लखो वालिकृत हाल ॥ :

तव कपीशहित क्रोधवश, दीनो शाप कराल ॥ ६४ ॥

मम आश्रम वाली कवहुँ, आवि योजन माहिं ॥

सहस खंड तिहि शीशके, तौतत्क्षण है जाहिं ॥ ६५ ॥

ताते वालि न आवही, इत इक योजन माहिं ॥

याते हौं इहि ठौर अति, निर्भय रहो सदाहिं ॥ ६६ ॥

चौ०—यौं सुकंठ वाली बलगाथा \* कहत सुनत लछमन रघुनाथा ॥

सहजहि डोलत विपिन मझारा \* पंचकीश दुहुँ राजकुमारा ॥ ६७ ॥

सो दुंदुभी अस्थि अति भारी \* गिरिसम निरखि लपण धनुधारी ॥

वामचरण ते सहज उठायो \* द्वैशत धनुष प्रमाण बहायो ॥ ६८ ॥

पुनि सुग्रीव कही रघुवीरा \* कपिपति महाबली रणधीरा ॥

याते मुहिं अपनी कदराई \* तिहि वध सहज न परत जनाई ॥ ६९ ॥

दोहा—धनुष प्रमाण कहावही, अर्ध अधिक त्रैहस्त ॥

सो द्वैशत धनु अस्थि यह, फेंको लपण समस्त ॥ ७० ॥

पैविलोकि ये राजसुत, वाली बल है भूरि ॥

द्वैशत धनुते होत है, एक योजन बहु दूरि ॥ ७१ ॥

चौ०—सुनि सुग्रीव वचन रघुराई \* कहिबहु वीर रीति समुझाई ॥

बहुरि सुहिय विचार ठहराई \* तिन प्रतीत हित सहज सिधाई ॥ ७२ ॥

सो दुंदुभि वपु अतुलित भारी \* रघुवर पद अंगुष्ठ निज धारी ॥

सहज पैवारि दियो बलवाना \* परोसुदश योजन परमाना ॥ ७३ ॥

दोहा—सो लखि कही सुकंठ पुनि, बल न कछू विलगान ॥

तव वाली दुहुँ मध्यको, अधिक सु न्यून समान ॥ ७४ ॥

सहित रुधिर त्वच मांस गरु, वाली फेंको ताहि ॥

शुष्कभयो बहु दिवस हरु, अब मेलो प्रभु याहि ॥ ७५ ॥

चौ०—सुनि रघुनाथ कही मुसक्याई \* तुव उर जिमि प्रतीति ठहराई ॥

वरणो वेगि सु हम दरशावैं \* जिहिलखि सब निश्चय उर लावैं ॥ ७६ ॥

तव सुग्रीव कही रघुलाला \* शाल सात ये विटप विशाला ॥

गहि वाली झकझोरत जवहीं \* पत्र हीन होवैं तरु तवहीं ॥ ७७ ॥

सो प्रभु एक शरते तरु एका \* पत्र हीन कीजे धरि टेका ॥

तव तव बल वाली समजानों \* तिहि वधकी प्रतीत उर आनों ॥ ७८ ॥

सुनि सुग्रीव वचन बलवाना \* सातहु तरु वेधे इक वाना ॥

पत्री पत्र हीन करि पत्री \* प्रविशो तूण प्रवेशि धरत्री ॥ ७९ ॥

सो प्रभाव लखिकै सुग्रीवा ❀ जानी दृढ रघुवर बलसीवा ॥  
गहि पद कीनी विनय सप्रीती ❀ नाथ मोहिं अव भै परतीती ८० ॥

दोहा—इहि विधि करि बहु चरित पुनि, आप कियो विश्राम ॥

सह सुकंठ रघुवर लपण, अपर कीश बलधाम ॥ ८१ ॥

इति श्री० रा० र० वि० वि० श्रीरामसुग्रीवमिलन

वर्णनो नाम पंचमोऽध्यायः ॥ ५ ॥

दोहा—पंपासरते सरस गुचि, लाये लपण प्रवीन ॥

कंद मूल फल फूल मधु, स्वादित खग मृग मीन ॥ १ ॥

करि कबंधवाणी सुरति, अशन कियो हरपाय ॥

खग मीनन को स्वाद बहु, वर्णत हैं रघुराय ॥ २ ॥

प्र० ॥ वाल्मीकीये । आरण्यकांडे ॥ सर्ग ७२ ॥ श्लोक ।

घृतपिंडोपमान् स्थूलान्तान्द्विजान् भक्षयिष्यथ ॥ रोहितांश्चक्र-  
तुंडांश्च नलमीनांश्च राघव ॥ १ ॥ पंपायामिषुभिर्मत्स्यांस्तत्र राम  
वरान्हतान् ॥ निस्त्वक्पक्षानयस्तप्तानकृशांश्चैककंदकान् ॥ २ ॥  
तव भक्त्यासमायुक्तो लक्ष्मणः संप्रदास्यति ॥ भृशं तान्त्वादतो  
मत्स्यानंपंपायाः पुष्पसंचये ॥ ३ ॥ इत्यादि ॥

दोषई छन्द ।

यों प्रमुदित कछु दिवस रहे पुनि कही सवहि श्रीरामा ॥

करिहों बेगि वालिवध गमना सजिकिष्किधायामा ॥

दे आजा गहि बाण शरामन चलेसबंधु उताला ॥

संग सुकंठ आदि कपि पाँचहुँ हर्षित बलीविशाला ॥

जाय नगरसन्निध सव वनमधि गहि तरु ओट विराजे ॥ ३ ॥

पाय रजाय सुकंठ आय तुर पुगिद्वार बहु गाजे ॥

सुनि वाली क्रोधित ह्व धायो भिरे सबल सुग्रीवा ॥

दाउ भ्रात उद्विगुह अति दुहूँ अमित बलसीवा ॥ ४ ॥

इत उत लखत सुकंठ सुमुदित तव करि क्रोध हीशा ॥

हुने अमित तलमुष्टि बज्रसम बंधुहि धरि भुज शीशा ॥

ह्व विहाल सुमीव पगने ऋष्यमूक वनलीना ॥

वालि न गयो शापभय तहँते भवन गवन द्रुत कीना ॥ ५ ॥  
 जाय सुकंठ विकल रघुवर सो कही नाथभल कीना ॥  
 दै विश्वास पठाय भिरायो फेर फेर मुख लीना ॥  
 सुनि श्रीराम अंक भरि भापी हौ दोऊ इकसारा ॥  
 हौ ताही भ्रम भीति विवश है बाण न कियो प्रहारा ॥ ६ ॥  
 यौ कहि राम सुकंठ कंठमधि गज पुष्पी पहिराई ॥  
 भापी जाहु चिह्न अब लिखिकै ध्रुव मारौ कपिराई ॥  
 प्रभुरजाय वश चले सुगल पुनि फिरि फिरि हेरत पाछे ॥  
 दृढ़ करि हीय आय पुर द्वारे गर्जत भये सु आछे ॥ ७ ॥  
 सुनि वाली पुनि उठो क्रोध वश तब तारा सब भापी ॥  
 राम सुकंठ मित्रता प्रथमहि जो सुतमुख सुनिरापी ॥  
 सो तिय शीश हरीश नमानी भिरो आय बलवाना ॥  
 दोऊ भ्रात विरुद्ध क्रुद्ध भरि उद्ध युद्ध बहु ठाना ॥ ८ ॥  
 भये थकित सुग्रीव विकल पुनि हेरत बारहिवारा ॥  
 तब रघुवर तरु ओट दूरते बाण वालि उर मारा ॥  
 गिरो कपीश भूमि विह्वल है सजि शर राघव धाये ॥  
 दुहुँ बंधु चहुँ कपि संयुत द्रुत तामु निकट चलि आये ॥ ९ ॥  
 तिनहि निहारि वालि इमि भापी यह न वीरको धर्मा ॥  
 क्षत्री है भूपति दुरि मारो कीनो राम अकर्मा ॥  
 तब रघुवीर कही सुन हरिपति अनुज वधू तू लीनी ॥  
 याते तोहि दंड वध दीनो नाहि अनीति कछु कीनी ॥ १० ॥  
 इहि विधि दुहुँ कटु मृदुल बैन बहु कहे वालि अरु रामा ॥  
 तजो प्राण कपि भयो शोर चहुँ सब धाये तजि धामा ॥  
 तारा अरु अंगद बहु विलपत आस्तागिरा पुकारी ॥  
 कीश ऋच्छ किष्किधावासी रुदन करत नर नारी ॥ ११ ॥  
 तब रघुवीर धीर दै सबही सुग्रीवहि समझाई ॥  
 मृतक क्रिया वर सविधि यथोचित सकल सपदि करवाई ॥  
 पुनि आज्ञादै अनुजहि प्रसूदित द्रुत भेजो रघुनाथा ॥  
 जाय लपण पुर साजि सुकंठहि कियो तिलक कपिनाथा ॥ १२ ॥

इहि विधि वालिहिमारि राम अरु करि सुग्रीवहि राजा ॥  
 हनुमंतहि मंत्री दृढ़ थापो अंगदको युवराजा ॥  
 तारा भ्रात नारि निज नारी रुमासहित कपिनाथा ॥  
 रहत सदा सानंद राज लहि विलसत भये सनाथा ॥ १३ ॥  
 वरपा काल निरखि श्रीरघुवर सानुज गिरि पर छाये ॥  
 परमरम्य कंदरा शिलावर द्रुम फल फूल सुहाये ॥  
 पावसऋतु लखि राम विरह वश प्यारी विन अकुलाहीं ॥  
 नैन नीर भरि दीन वैन बहु बोलत अति विलपाहीं ॥ १४ ॥  
 दोहा—वरपा हिय करपा करत, रंच दया हिय नाहिं ॥  
 विरहीको जिय लेन को, मदन पठायो माहिं ॥ १५ ॥

घनासरी कावित्त ।

कीर्धों विरहीके प्राण दाहे धूम धुंधर ये कीर्धों हैं सपक्ष गिरि उ-  
 डत उतंग हैं ॥ कीर्धों ऋतु पावसके विविध वितान तने कीर्धों नभ  
 मंडलमें तरल तुरंग हैं ॥ रसिकविहारी कीर्धों बालक निशाके श्याम  
 कीर्धों वरपाके दूत डोलत सुदंग हैं ॥ कीर्धों युगमासके विलासके  
 अवास सोहिं छूट किर्धों मदन महीपके मतंग हैं ॥ १६ ॥

आवत चहुँघा वन घेरि नभ मंडलमें करत अँधारी भारी  
 गरजत जोरसे ॥ दुरि दुरि दूरि बिनु छटा छहरात ज्योंही त्योंही  
 तरु तोरि पौन प्रवल झकोरसे ॥ रसिकविहारी मोर मुदित पुकारतहं  
 जित तित झिझी झनकारत हैं जोरसे ॥ वरसत नीर धारा धरणी धरे  
 न धीर होत हैं अधीर सब मदन मरोरसे ॥ १७ ॥

बुमडि घनेरे घहरात वन घेर घेर झूम झूम घूम घूम मंडित घमंड  
 है ॥ रेनि अँधियारी कारी कारी भयकारी भारी जोरते झकोरें पौन  
 प्रवल प्रचंडहं॥दादुर दिमाक दरशावें दिशि चारों भले झिझी झनकारें  
 सुग्दिरव अखंड है॥रसिकविहारी दुति दामिनी दमकें देखि अवला  
 मशकें यह पावस उदंड है ॥ १८ ॥

धावें हैं बालक झुंड झुंड नभमंडलमें नौके कोकिलानके सुग्ग सुर-  
 माचें हैं ॥ गुंजत मधुप पुंज पुंजनमें कुंजनमें बोलत पपीदा पीठ  
 पीठ रंग राचें हैं ॥ रसिकविहारी तर आनंद अपार होत पावसके

साज सबै सांचै सुख सांचै हँ ॥ लरज उठै हँ सुनि मेघकी गरज  
देखौ वागनमें मुदित मथूरगण नार्चै हँ ॥ १९ ॥

सवैया कवित ।

झूमिरहीं द्रूमडोरें चहूँ दिशि भूमि हरीं लखि होत हरो हिय ॥  
लोनी लता लपटीं तरु अंगन मानो नवेली रहीं मिलिके पिय ॥  
इन्द्र वधू छवि छावें चहूँ रसिकेशविलोकतही हुलसे हिय ।  
श्याम मनाये न मानतीं जो सोई आपुहिते तजिमान मिलें तिय २० ॥  
वरसै बहु नीर फुहारनतें अविलोकि घनो विरहासरसै ॥  
सरसै दुख देखत कुंजनको रसिकेश मनोज जहां दरसै ॥  
दरसै चहुँ प्राविट रूप अनूप वियोगिनी हाथ हिये तरसै ॥  
तरसै घनश्याम विना घनश्याम लखे छिन बीतत है वरसै ॥ २१ ॥

घनाक्षरी कवित ।

घन गरजैहै किधौं दुंदुभीरसेशकी है छाये मेघ कीधौं तने पावस  
वितान हैं ॥ संपाकी दमक कीधौं चमक कृपाणनकी कीधौं नीर बुँद  
कीधौं मदनके बान हैं ॥ पवन प्रचंड कीधौं दूती या विरहकी है  
रसिकविहारी ऋतु कीधौं भूपसानहै ॥ उडत बलाक कीधौं आनंद  
वियोगिनके जरत जवासे किधौं विरहीके प्रान हैं ॥ २२ ॥ हीय  
मुददानी रतिरानीके प्रगट भयो पावस सपूत पूत सब सुखदाई है ॥  
सुनि हरपायकै सिधाई चारु इन्द्रवधू मधवा अनंद है अमीकी  
झरि लाई है ॥ निरत कलानि कल कोकिल करैहैं गान दल फल  
फूल सौंज दिशान सजाईहै ॥ रसिकविहारी घन गरज मची है आज  
मदन नरेश द्वार बाजत बंधाई है ॥ २३ ॥

दोहा—यौं बहु विधि वर्णत विलखि, लखि पावस भरि नैन ॥

विरह विवश अति दीन पुनि, रघुवर बोलेबैन ॥ २४ ॥

सवैया कवित ।

अति शीतल मंद सुगंध समीर सदा तिहि को तबु जापरसौ ॥  
कल कोकिल चातक मोर मल्लिद उतै ख मंजु महा सरसौ ।  
वर इंद्र वधू वक दामिनि हो नवभामिनिके ढिग जा दरसौ ॥  
रसिकेश जहाँ मम प्राणप्रिया घन घेरि घनें तहँ जा वरसौ ॥ २५ ॥

दोहा-इमि कहि पुनि वर बंधुसे, बोले निरखि अधीर ॥

सुनौ सुनौ हेरौ लपण, प्यारी गति मति धीर ॥ २६ ॥

धनाक्षरी कवित्त ।

धाय धाय बैठत कदंब जंबु अंबनकै चाय टकलाय लाय मेरी ओर  
हेरैहैं ॥ आय आय बोलै वार वार छाय छाय शोर भाय भाय डोलै  
डार डार चहुँ फेरै है ॥ जाय जाय दुरत घरीक प्रीति पाय पाय  
रासिकविहारी रहै इत उत नेरैहैं ॥ जीव तरसाव पीड पीड रटलावै  
हाय होयकै पपीहा प्राण प्यारी मोहिं टेरै है ॥ २७ ॥

दोहा-इमि पावस लिखि राजसुत, विलपत होत अधीर ॥

अमित भांति समुझायकै, लपण धरावै धीर ॥ २८ ॥

प्र० ॥ चारुमोकाये ॥ किंफकाकोडे ॥ सर्ग ॥ २८ ॥ श्लोक ।

अयं स कालः संप्राप्तः समयोऽद्यजलागमः ॥ संपश्यत्वं नभो मेघैः  
संवृतं गिरिसन्निभैः ॥ ४ ॥ कचिद्वाष्पाभिसंरुद्धान्वर्पागमसमुत्सु-  
कान् ॥ कुटजान्पश्य सौमित्रे पुष्पितान्गिरिसानुषु ॥ मम शोका-  
भिभूतस्य कामसंदीपनान्स्थितान् ॥ ५ ॥ इत्यादि ॥

इति श्री० रा० र० वि० वि० बालिवधवर्णनो नाम पद्यविभागः ॥ ६ ॥

सो०-इहि विधि राजकिशोर, पावस विलपि वितीत किय ॥

शरद निरखि चहुँ ओर, काजसमै गुणि मुदित भे ॥ १ ॥

उत प्रथमै हनुमान, सुरति दिवाय सुकंडको ॥

भेजे बहु बलवान, सुभट बुलावन हेतु चहुँ ॥ २ ॥

चा०-इत रघुवीर लपण प्रति भापी ॥ लखौ सुकंड सुरति नहिं राखी ॥

राज तीयलहि के सुखसारो ॥ भये मत्त ममकाज विसारो ॥ ३ ॥

इहि विधि राम क्रोधकरि भारी ॥ कही लपण जात्रो धनुषारी ॥

कही वेगि वनचरहि बुझाई ॥ अब विलंब तुव नाहिं भलाई ॥ ४ ॥

सुनि लछमन धनु शर कर धारी ॥ आये क्रोधित नगर मझारी ॥

राजद्वार मधि खबर जनाई ॥ अंतर गये रजाय मैगाई ॥ ५ ॥

गृह पठत किय धनुष टंकोरा ॥ प्रगति भयो शोर चहुँ ओरा ॥

लपण क्रोधलखि अंगद धाई ॥ कपिनाथदिगति सकल सुनाई ॥

लपण कोपसुनिकै दरिपाला ॥ भेजी तागहि सिखि उताला ॥



सो सुंदरी आय शिरनाई ❀ करि बहु विनय सुधीर धराई ॥७॥  
 तारा अरु अंगद हनुमाना ❀ करि बहु विनय सहित सनमाना ॥  
 सादर लै सँग महल पधारे ❀ जाय लपण कपिपतिहि निहारे ८॥  
 सदन विचित्र अनूपम साजे ❀ कंचनमय आसन वर भ्राजे ॥  
 रुमा रूप मय गल भुज धारी ❀ अपर अनेक लसैं नवनारी ॥९॥

प्र० ॥ वाल्मीकीये । किष्किन्धाकांडे सर्ग ॥ ३२ ॥ श्लोक ।

दिव्याभरणमालाभिः प्रमदाभिः समंततः ॥ संरब्धतररक्ताक्षो-  
 वभूवांतकसन्निभः ॥ १ ॥ रुमां तु वीरः परिरभ्य गाढं वरासनस्थो  
 वरहेमवर्णः ॥ ददर्श सौमित्रमदनिसत्त्वं विशालनेत्रः स विशाल  
 नेत्रम् ॥ २ ॥ इत्यादि ॥

चौ०-लपण हि देखि उठे कपिपाला ❀ रामबंधु कह वचन कराला ॥  
 तब तारा पुनि बहु समुझाये ❀ कही सुभट हरिनाथ बुलाये ॥१०॥  
 सो सुनि लपण धीर डर धारी ❀ तब सुकंठ वर गिरा उचारी ॥  
 तन धन प्राण राज परिवारा ❀ हौं अर्पण किय प्रभु हित सारा ॥११॥  
 यों कहि पुनि उताल शिप दीनी ❀ पवनपुत्र प्रति आयसु कीनी ॥  
 महि मंडल जेते कपि ऋच्छा ❀ आवैं वेगि सकल ममशिच्छा ॥१२॥  
 सुनि कपि पुनि भेजे भट धाये ❀ नभ मग वेगि विपुल चहुँ जाये ॥  
 मिलि सुकंठ लछमन दुहुँ अंका ❀ बैठे मुदित एक परयंका ॥१३॥  
 पुनि सुग्रीव तियन शिप दीना ❀ निज निज ठाम गमन सब कीना ॥  
 वेगहि शिविका सुभगमँगाई ❀ बैठे लपण सहित कपिराई ॥१४॥  
 छत्र चमर व्यजनादिक साजा ❀ लिये यथोचित कीश समाजा ॥  
 सुभट शस्त्रधारी बहु संगी ❀ आये प्रभु ढिग सहित उमंगी ॥१५॥  
 दूराहि उत्तरि यानते कीशा ❀ लज्जित प्रभुपद नायो शीशा ॥  
 राम सखहि उठि अंक लगावा ❀ सादर गहि समीप बैठवा ॥१६॥  
 तब सुकंठ बहु विनती कीनी ❀ रामनीति मय वर शिप दीनी ॥  
 ताही छिन कपि ऋच्छ अपारा ❀ आये विविध वीर वरियारा ॥१७॥

दोहा-महि मंडल जेते सकल, हँ कपि ऋच्छ विशाल ॥

ते हरीश आज्ञा सुनत, आये मुदित उताल ॥ १८ ॥

कीशपतिहि रामहि सवै, सादर नायो शीश ॥

भये मुदित प्रभु हेरिकै, अगाणित ऋच्छ शुकीश ॥ १९ ॥

तव सुग्रीव बुलाय दिग, मुख्य मुख्य कपि ऋच्छ ॥

करी सवहि भय प्रीत युत, सिया शोध हित शिच्छ ॥ २० ॥

कही वेगि तिहुँ लोकमें, हेरो सीतहि जाय ॥

दिवस पंचदश मध्यहुत, आवो शोध लगाय ॥ २१ ॥

बिनत नाम कपियूथपति, तिनाहिँ मुकंठ बुलाय ॥

कही सुभट तुम सीयको, शोधहु पूरव जाय ॥ २२ ॥

हनुमत ऋच्छप वालिसुत, नीलादिकन नृपाल ॥

भापी दक्षिण दिशि सवै, सीतहि लखौ उताल ॥ २३ ॥

पश्चिम दिशा मुपेणको, सादर कह कपिराय ॥

पुनि शतवलीसुकीशको, उत्तर दई रजाय ॥ २४ ॥

इमि चहुँ दिशि अरु विदिशि पुनि, सातहु स्वर्ग पताल ॥

बहु भूगोल खगोल युत, सब भापे हरि पाल ॥ २५ ॥

सो०—सुनि बृझी रघुवीर, सखा सकल ये किमि लखे ॥

कही सुकंठ सुधीर, भ्रात भीति भागे तवै ॥ २६ ॥

तव रघुवर मुसक्याय, बोले गई सुभीति अव ॥

सुनि सुकंठ शिरनाय, कही सु मम पौरुष कहा ॥ २७ ॥

प्रभु तव कृपा प्रभाय, कन अनु होय सुमेरु सम ॥

नेकरोष ह्वे जाय, सुरगिरिहो लघुरजहुते ॥ २८ ॥

दोहा—याँ कहि पुनि हनुमानको, भापी निकट बुलाय ॥

राम काज सिधि होय जिमि, सो कीजो मनलाय ॥ २९ ॥

चौ०—तव लाखे राम हिये हुलसाई ॥ पवनपुत्र कह दिग बैठाई ॥

दई मुद्रिका अति अभिरामा ॥ जामधि वर अंकित निजनामा ॥ ३० ॥

दई मुद्रिका कही पुनि रामा ॥ हाँ कपि वीर बुद्धि गुण धामा ॥

नीति प्रीति जस बल गुणलोजो ॥ होव सिद्धि काज वह कीजो ॥ ३१ ॥

सुनि हनुमंत आदि सब वीरा ॥ नाय शीश कहि जै रघुवीरा ॥

गमन कियो तिमि ल भट साथा ॥ जिमि रजाय दीनो कपिनाथा ॥ ३२ ॥

चलत समय भापी कपिराई ॥ जो ऐहं सिय शोध लगाई ॥  
 सो अति ही आनंद अये हे ॥ नाम धाम धन ग्राम सुपेहा ॥ ३३ ॥  
 सुनि गमने सब हिय हुलसाई ॥ खोजत फिरत सियहि चहुं वाई ॥  
 तिहूँ लोक कपि ऋच्छ सिधावें ॥ कितहुँ कहूँ सो ध नहिं पावें ॥ ३४ ॥  
 इमि पश्चिम उत्तर अरु प्राची ॥ खोजी सब दिशि रंचन वाची ॥  
 नभ पाताल हेरि चहुँ आये ॥ विवश वचन कपिपतिहि सुनाये ॥ ३५ ॥  
 दक्षिण हनुमंतादिक वीरा ॥ खोजत सीतहि भये अधीरा ॥  
 निर्जल निर्जन वन गिरि भूरी ॥ हेरे नगर देश बहु दूरी ॥ ३६ ॥  
 इमि खोजत इक दिवस सुवीरा ॥ भये तृपातुर निपट अधीरा ॥  
 तिहि थल मध्य नीर कहूँ नाहीं ॥ धाय धाय हेरें चहुँ वाहीं ॥ ३७ ॥  
 तहाँ भूमि इक विवर लखाना ॥ ताढिग आये सब बलवाना ॥  
 आरद पक्ष हेरि खगनाना ॥ है इत जल यह दृढ़ अनुमाना ॥ ३८ ॥  
 तब सबही यह कीन विचारा ॥ अविलोकिय चलि विवर मझारा ॥  
 निरखो बिल द्वारा चहुँ ओरा ॥ अगम पंथ छायो तम घोरा ॥ ३९ ॥  
 भयवश जाय सकत नहिं कोई ॥ तब हनुमंत अग्र हठि होई ॥  
 एक एक कर गहि सब गौने ॥ पैठे विवर सभै धरि मौने ॥ ४० ॥  
 गये सुयोजन एक प्रमाणा ॥ तब तहँ अति प्रकाश दरशाना ॥  
 भवन बाग सर परम अनूपा ॥ लसै एक तिय वृद्ध स्वरूपा ॥ ४१ ॥  
 तिहि विलोकि सब कीन प्रणामा ॥ पुनि वृद्धी किहिको यह धामा ॥  
 कही सु मयदानव कर ठामा ॥ है कपि स्वयंप्रभा मम नामा ॥ ४२ ॥  
 सुनि रजाय लै फल दल खाये ॥ करि जलपान अनंद अधाये ॥  
 तासु निकट पुनि सब मिलि आये ॥ सो वृद्धी को तुम कहँ आय ॥ ४३ ॥  
 तब कपि कही सकल तिहि वाता ॥ सुनि बोली सो तिय हे ताता ॥  
 पैहौ सीतहि संशय नाहीं ॥ वीर धीर धारौ मन माहीं ॥ ४४ ॥  
 पुनि कपि कही ताहि कर जोरी ॥ करु सहाय माता अव मोरी ॥  
 महाअंध मग सूझत नाहीं ॥ किमि हम विवर द्वार फिरि जाहीं ॥ ४५ ॥  
 तब तिहि कही कृपालु सुहोई ॥ ह्यांति निसरि सकै नहिं कोई ॥  
 पै तुम रामदास हो याते ॥ मूढ़हु नैन जाहु इहि ठाँते ॥ ४६ ॥

सुनि सब निज निज कर दृग ढाँके ॥ मूँदे पलक रंच नाहिं झाँके ॥  
स्वयंप्रभा तपवल तिन काँडे ॥ लखैं वीर सागर तट ठाँडे ॥ ४७ ॥

दोहा—सबही चित चकृत लखैं, कहत वचे अव प्राण ॥

गये हुते किहि हेतु तहँ, भयो आनको आन ॥ ४८ ॥

सिंधुतीर गिरि पै सकल, बैठे सोच कराहिं ॥

किमि जैये कपिराज ढिग, काज भयो कछु नाहिं ॥ ४९ ॥

भापी अवधि हरीश सो, बीति गये दिन और ॥

गये हतै नृप याहिते, मरण भलो इहि ठौर ॥ ५० ॥

राम काज हित तनु लगे, दोऊ लोक बनाय ॥

लखौ जटायू गोध किमि, सुखी भयो गति पाय ॥ ५१ ॥

चौ०—इमिलिय जब जटायु कर नामा । तासु भ्रात सो सुनि तिहि ठामा

प्रगटो मंद मंद वषु भारी ॥ पंख विहीन भूरि भयकारी ॥ ५२ ॥

ताहि देखि सब भीत जु मानी ॥ सो भापी सुधीर मृदुवानी ॥

कहाँ अभय प्रथमहि कह बरनी ॥ हे कित किमि जटायु की करनी ॥ ५३ ॥

तब अंगद सब कथा कहाई ॥ सुनि सुगोध भापी विलपाई ॥

मोहि ल चलहु सागर तीरा ॥ देहु जटायु बंधु कहँ नीरा ॥ ५४ ॥

तब सब ताहि सिंधु तट आनो ॥ सो बंधुहि जल द दुखमानो ॥

बोलत भयो कपिन समुझाई ॥ रहौ जटायु मोर लघुभाई ॥ ५५ ॥

एक समय हम दुहुँ अभिमानी ॥ रडि रवि निकट चले दृष्ट टानी ॥

जयहाँ गये प्रकाश मँझारी ॥ तब नाहिं सही गई तप भारी ॥ ५६ ॥

दोऊ प्राण कंठ मधि आयो ॥ पंख झाँपि हौं बंधु बचायो ॥

ताछिन भातु तेज मम पना ॥ जे गिरो भँह निरपना ॥ ५७ ॥

पगे आय इत निपट विहाला ॥ इहाँ निशाकर सुनी दयाला ॥

कन्त रहे तप सो मुहि हेरी ॥ कियो सचेन शीश कर फेरी ॥ ५८ ॥

पुनि मुनि कही अयोध्यावासा ॥ दशरथ सुन हँ हँ श्रीगमा ॥

तासु तीय निश्चर हरि ल हे ॥ तिहि विशोध कपि नाथ लग हे ॥ ५९ ॥

चहँ ओर यह सुभट निधावि ॥ गोजन कीश भातु इन अवि ॥

सिया शोध तुम तिनहि बनेहो ॥ ताही समय पन पुनि पदो ॥ ६० ॥

दोहा—यौं कहि भापी गीध पुनि, संपाती मम नाम ॥

सब वृद्धनको भूप हौं, पै अब भयो निकाम ॥ ६१ ॥

जरठ पक्ष बिन हीनवल, बने इतो अब काम ॥

पुनि गिरि पै मुहि लै चलौ, कहाँ सिया जिहि ठाम ॥ ६२ ॥

सुनि प्रसन्न है सपदि सब, संपातिहि कर धारि ॥

लाय उच्च गिरि शिखर पै, सादर दिय बैठारि ॥ ६३ ॥

संपाती तब देखि कै, दक्षिण शीश उठाय ॥

कही इहाँ ते मोहिँ सब, सम्मुख परत लखाय ॥ ६४ ॥

निरखत कोश सहस्रलों, गीध दृष्टि इमि होय ॥

दूर विलोकन हेत कहूँ, समता करै न कोय ॥ ६५ ॥

सो लखि सत्य बखान हूँ, करौ प्रतीति निशंक ॥

शत योजन इहि ठामते, सिंधुपार पुरलंक ॥ ६६ ॥

तहाँ निशाचर अमितहैं, भूपति रावण नाम ॥

सो सीतहि हरि लै गयो, वैठी दुखी सुठाम ॥ ६७ ॥

यौं वर्णत संपातिके, प्रगट भये वर पक्ष ॥

सब आयो विश्वास दृढ़, निरख प्रभाव प्रतक्ष ॥ ६८ ॥

चौ० संपाती लहि पंख अनूपा \* प्रसुदित भयो विशद वर रूपा ॥

सबहि धीर दै सियाहि बताई \* गमनो खग नभ पंथ उड़ाई ६९ ॥

सुनि कपि भालु परम सुख पागे \* किलाकि कूदि बहु नाचन लागे ॥

ऊर्द्ध रोम है पुच्छ उठाई \* सिंहनाद कीने हरपाई ७० ॥

सो निशि सुख महँ जात न जानी \* प्रात सिंधु लखि मति अकुलानी ॥

वैठि करत सब विविध विचारा \* किमिको लंघै जलधि अपारा ७१ ॥

दोहई छंद ।

ताछिन गज गवाक्ष दोऊ अरु शरभ ऋपभ वरवीरा ॥

कीशगंधमादन मयंद मिलि द्विविद सुपेण सुधीरा ॥

जाम्बवंत ये क्रमते दश दश योजन कहे बढ़ाई ॥

निज निज गमन शक्ति इमि सबही सत्य बखानि सुनाई ॥ ७२ ॥

तब अंगद भापी हम इतते कूदि उतै ध्रुवजावैं ॥  
 फिर उतते इत आगमके हित निश्चय नाहि कहावैं ॥  
 सुनि ऋच्छेश कही तुम नृपसुत दुहुँ दिशि गमन समर्था ॥  
 पैहौ अधिप वनै किमि पठवत प्रभुविन होत अनर्था ॥ ७३ ॥  
 यौ कहि ऋच्छराज हनुमानहिं लखि बोले हे वीरा ॥  
 पवनपुत्र बैठे सुमोन क्यों धरी कहा इमि धीरा ॥  
 गुणि समर्थ प्रभु दई मुद्रिका निजवल रूप विचारौ ॥  
 गोपद सरिस सिंधु यह तुमको है द्रुत सजग सिधारौ ॥ ७४ ॥  
 जाम्बवंतके वचन सुनतहीं कपितन बल उमँगायो ॥  
 ऊरधरोम प्रफुल्ल पुच्छ वपु तेज तरणि सम छायो ॥  
 यौ हनुमंत वीर उद्धत है कियो मेघ सम नादा ॥  
 पुनि अंगद अरु ऋच्छराज प्रति बोले युत अहलादा ॥ ७५ ॥

घनाक्षरी कवित ।

मेरो ना प्रभाव सीतारामकी कृपा ते यह रसिकविहारी सत्य प्र-  
 ण ठहराऊँ मैं ॥ उछलि उतंक तिहुँ लोकहि उलंक आऊँ सिंधुवापु-  
 रेकी काह गिनती गनाऊँ मैं ॥ जोपै रघुराज कपिराज युवराज और  
 ऋच्छराज काहू की रजाय नेक पाऊँ मैं ॥ एकही फलंकामें निशंका  
 उत जाऊँ फेरि हंका दे सुलंकाको उखार इत लाऊँ मैं ॥ ७६ ॥

दोहा—सुनि सुवन हनुमानके, ऋच्छराज युवराज ॥

बोले कपिहि सराहिकै, सादर सहित समाज ॥ ७७ ॥

है समर्थ पुनि या समै, उचित इतोही काम ॥

जनक सुतहि अविलोकिकै, द्रुत आवो इहि ठाम ॥ ७८ ॥

पुनि सब चलि निजनाथको, प्रमुदित सकल सुनाय ॥

करि ह सोई काज जो, देह ईश रजाय ॥ ७९ ॥

सुनि शिष शीशनवायकै, सबही धीर धराय ॥

द्रुत महेंद्र गिरि शिखर प, उछलि गये हुलसाय ॥ ८० ॥

जाम्बवंत अंगद अपर, कीश भालु भट वृन्द ॥

रसिकविहारी काज सब, सिद्धि जानि आनंद ॥ ८१ ॥

इति श्री० रा० र० वि० वि० जनकनादिनो गोध

वर्णनो नाम सप्तमोविभागः ॥ ७ ॥

दोहा—अंजनि सुत हनुमंत कपि, रामचरण हिय ध्याय ॥  
 तिहि सुबेल गिरि शिखर पे, बेठे गात बढाय ॥ १ ॥  
 टेकि कुधरपर दोर कर, पीठ पुच्छ करि गुच्छ ॥  
 श्रवण चपरि रोमांच युत, बढो तेज तनुसुच्छ ॥ २ ॥  
 दक्षिण दिशि लखिकै कियो, प्रलय मेघ सम गाज ।  
 भापी सबहि सुनाय हौं, जाहुँ रामके काज ॥ ३ ॥  
 रामबाण सम वेगते, जाय निहारौं लंक ॥  
 जौ न मिली तहँ तौ लखौं, मुरपुर धाय निशंक ॥ ४ ॥  
 तितै न पाई सियहि तौ, गहिलैहौं लंकेश ॥  
 अथवा लंक उपाटिकै, धरौं आय इहि देश ॥ ५ ॥  
 यौं कहि उछले वीर वर, तहँ तै सबल उताल ॥  
 चपि भूधर धरणी धसो, महा वेग भो हाल ॥ ६ ॥  
 पितु सम वेग प्रचंड अति, बहु तरु भये उपाट ॥  
 हनुमत सिंधु उलंघि वे, उछलि चले नभ वाट ॥ ७ ॥  
 आयत योजन तीस अरु, दशयोजन विस्तार ॥  
 तनु छाया हनुमान की, ताछिन परम सुदार ॥ ८ ॥  
 प्र० ॥ बाल्मीकीये सुंदरकांड सर्ग ॥ १ ॥ श्लोक ॥  
 दशयोजनविस्तीर्णा त्रिशयोजनमायता ॥  
 छाया वानरसिंहस्य जवेचारुतराभवत् ॥ १ ॥  
 दोहा—गर्जत उर आनंद भरि, जात व्योम पथवीर ॥  
 ताछिनको बल तेज वपु, वरणिसकै को घीर ॥ ९ ॥

बनाक्षरी कवित्त ।

देव दहलाने औ अदेव हहलाने सिंधु जीव खहलाने जल  
 नदीशको ॥ भानुतेजमंद पथ वंद व्योमगामिनको आसन  
 डगो शंभु सुरईशको ॥ रसिकविहारी राम दूत हनुमंत वीर  
 गौन मर्दन प्रताप भुजवीसको ॥ जेजैकार करत अपार तिहुँ  
 झार विक्रम पराक्रम निहार वर कीशको ॥ १० ॥ हेम  
 ह सपक्ष नभ कीनी गौन कैयीं स्थत्यागि प्रात

सिधायो है ॥ रत्निकविहारी परमेश्वर प्रत्यक्षकैधों व्योममें विराट  
 रूप प्रकटि दिखायो है ॥ कैधों खगराज हरिकाज हेत चालो  
 आज कैधों रामचंद्र बाण विशिख चलायो है ॥ कैधों हनुमान  
 वीर परमउदंड चंड सागर उलंघि वेप मंडलते धायो है ॥ ११ ॥  
 चो०—यां हनुमंत अकाशमझारा ॐ जात निरखि किय सिंधु विचारा ॥  
 हौं कपिहित कछु करौ सहाई ॐ सो श्रम खोय बहुरि हुतं जाई १२ ॥  
 तव गुणि कह मैनाकहि सागर ॐ हौं गिरि तुम सपक्ष गुण आगर ॥  
 बपु बढ़ाय इतते नभजावो ॐ निज दिशि करि आदर विलमावो १३ ॥  
 सुनि भूधर मैनाक उताला ॐ हेम शिखर युत बाढि विशाला ॥  
 मिष्ट वारि तरु सफल समेता ॐ गगन उच्चगो हनुमतहेता ॥ १४ ॥  
 नभ मारग रुद्धित कपि देखा ॐ कछु विघ्न प्रगटो दृढ़ लेखा ॥  
 तिहि उरते खंडित किय वीरा ॐ चलत भये सुमिग्न रघुवीरा १५ ॥  
 तब शैल मानुष तनुधारी ॐ प्रगटि शिखर, वर गिरा उचारी ॥  
 धन्य पवनसुत दिनय सुनीजे ॐ बहुरि तात हो रुचि सो कीजे १६ ॥  
 वृद्ध राम कुल जात न दीशा ॐ तव सहाय भेजो मुहिं कीशा ॥  
 पुनि मो सँग बहु पवन मिताई ॐ ग्हां अभय जिहि कृपा सदाई १७ ॥  
 सो तुम कपि मो पुत्र समाना ॐ ताही प्रीति करौ सनमाना ॥  
 हे मैनाक सुनाम हमारा ॐ वसें सदा अव सिंधु मझारा ॥ १८ ॥  
 प्रथम सकल गिरिगृहे पक्ष धर ॐ निज इच्छित उडि परें भूमि पर ॥  
 तिनते नगर ग्राम बहु नासैं ॐ कुवर सदा सबही इमि बासैं १९ ॥  
 सोलखि हूँ कोवित सुगनाथा ॐ लग्न वत्र गहिक निज हाथा ॥  
 पक्ष गिरिनके काटि नशाये ॐ मोदिशि देवराज जव धाये ॥ २० ॥  
 तब तव पिता पवन हितकीना ॐ मुहिं उडाय निज बेगहि दीना ॥  
 मैं इत जलनिधि पगे दुगई ॐ तवने जलमाधि र्हां नदाई ॥ २१ ॥  
 सतयुग मध्य भई यह वाता ॐ सो तुव पितुहित मानहुं ताता ॥  
 याते मग श्रम विलमि निवारि ॐ पुनि प्रभुकारज हेत मिथारि ॥ २२ ॥  
 करौ अशन स्वादिन फल बीग ॐ पीजे विमल मिष्टवर नीग ॥  
 सो सुनि सादर कह हनुमाना ॐ तव मनका नकल मैं माना ॥ २३ ॥



दोहा-अंजनि सुत हनुमंत कापि, रामचरण हिय ध्याय ॥  
 तिहि सुबेल गिरि शिखर पै, बेठे गात बढाय ॥ १ ॥  
 टेकि कुधरपर दोर कर, पीठ पुच्छ करि गुच्छ ॥  
 श्रवण चपारि रोमांच युत, बढो तेज तनुसुच्छ ॥ २ ॥  
 दक्षिण दिशि लखिकै कियो, प्रलय मेघ सम गाज ॥  
 भापी सबहि सुनाय हौं, जाहुँ रामके काज ॥ ३ ॥  
 रामबाण सम वेगते, जाय निहारौं लंक ॥  
 जौ न मिली तहँ तौ लखौं, मुरपुर धाय निशंक ॥ ४ ॥  
 तितैं न पाई सियहि तौ, गहिलैहौं लंकेश ॥  
 अथवा लंक उपाटिकै, धरौं आय इहि देश ॥ ५ ॥  
 यौं कहि उछले वीर वर, तहँ तै सबल उताल ॥  
 चपि भूवर धरणी धसो, महा वेग भो हाल ॥ ६ ॥  
 पितु सम वेग प्रचंड अति, बहु तरु भये उपाट ॥  
 हनुमत सिंधु उलंवि वे, उछलि चले नभ वाट ॥ ७ ॥  
 आयत योजन तीस अरु, दशयोजन विस्तार ॥  
 तनु छाया हनुमान की, ताछिन परम सुदार ॥ ८ ॥  
 प्र० ॥ वाल्मीकीये सुंदरकांड सर्ग ॥ १ ॥ श्लोक ॥  
 दशयोजनविस्तीर्णा त्रिंशद्योजनमायता ॥  
 छाया वानरसिंहस्य जवेचारुतराभवत् ॥ १ ॥  
 दोहा-गर्जत उर आनंद भरि, जात व्योम पथवीर ॥  
 ताछिनको बल तेज वपु, वरणिसकै को धीर ॥ ९ ॥

धनाक्षरी कवित्त ।

देव दहलाने औ अदेव हहलाने सिंधु जीव खहलाने जल उछल  
 नदीशको ॥ भानुतेजमंद पथ वंद व्योमगामिनको आसन सुछंद  
 डगो शंभु सुरईशको ॥ रसिकविहारी राम दूत हनुमंत वीर कीनो  
 गौन मदन प्रताप भुजवीसको ॥ जेजेकार करत अपार तिहुँ लोक  
 झार विक्रम पराक्रम निहार वर कीशको ॥ १० ॥ हेम गिरि  
 कैयों ह्वे सपक्ष नभ कीनौ गौन कैयों रथत्यागि प्रात मृज

सिधायो है ॥ रसिकविहारी परमेश्वर प्रत्यक्षकैवों व्योममें विराट  
 रूप प्रकटि दिखायो है ॥ कैधों खगराज हरिकाज हेत चालो  
 आज कैधों रामचंद्र बाण विशिख चलायो है ॥ कैधों हनुमान  
 वीर परमउदंड चंड सागर उलंवि वेप मंडलते धायोहै ॥ ११ ॥  
 चौ०—यों हनुमंत अकाशमझारा ॐ जात निरखि किय सिंधु विचारा ॥  
 हों कपिहित कछु करें सहाई ॐ सो थम खोय बहुरि दुत जाई ॥ १२ ॥  
 तब गुणि कह मैनाकहि सागर ॐ हौ गिरि तुम सपक्ष गुण आगर ॥  
 वपु बढ़ाय इतते नभजावो ॐ निज दिशि करि आदर विलमावो ॥ १३ ॥  
 सुनि भूधर मैनाक उताला ॐ हेम शिखर युत वाढि विशाला ॥  
 मिष्ट वारि तरु सफल समेता ॐ गगन उच्चगो हनुमतहेता ॥ १४ ॥  
 नभ मारग रुद्धित कपि देखा ॐ कछु विघ्न प्रगटो दृढ़ लेखा ॥  
 तिहि उरते खंडित किय वीरा ॐ चलत भये सुमिरत रघुवीरा ॥ १५ ॥  
 तब शैल मानुष तनुधारी ॐ प्रगटि शिखर, वर गिरा उचारी ॥  
 धन्य पवनसुत विनय सुनीजै ॐ बहुरि तात हो रुचि सो कीजै ॥ १६ ॥  
 वृद्ध राम कुल जात न दीक्षा ॐ तब सहाय भेजो सुहि कीक्षा ॥  
 पुनि मो सँग बहु पवन मिताई ॐ रहीं अभय जिहि कृपा सदाई ॥ १७ ॥  
 सो तुम कपि मो पुत्र समाना ॐ ताही प्रीति करें सनमाना ॥  
 हे मैनाक सुनाम हमारा ॐ वसें सदा अव सिंधु मझारा ॥ १८ ॥  
 प्रथम सकल गिरि न्हे पक्ष धर ॐ निज इच्छित उडि परें भूमि पर ॥  
 तिनते नगर ग्राम बहु नासैं ॐ कुवर सदा सबही इमि ब्रासैं ॥ १९ ॥  
 सोलखि ह्वे क्रोधित सुगनाथा ॐ उग्र वज्र गहिके निज हाथा ॥  
 पक्ष गिरिनके काटि नशाये ॐ मोदिशि देवराज जव धाये ॥ २० ॥  
 तब तब पिता पवन हितकीना ॐ सुहि उडाय निज वेगहि दीना ॥  
 मैं इत जलनिधि परो दुगई ॐ तबते जलमाधि रहीं सदाई ॥ २१ ॥  
 सतयुग मध्य भई यह वाता ॐ सो तुव पितुहित मानहुं ताता ॥  
 याते मग थम विलमि निवारि ॐ : : :  
 करें अशन स्वादिन फल  
 सो सुनि सादर

विलमौ बीच न यह प्रण धारा ❀ वेगि जात हों सागर पारा ॥  
 यौकहि गिरिहि परसि कर वीरा ❀ चलत भयोकरि नाद गँभीरा २४॥  
 हनुमत कर आदर गिरिठाना ❀ सोलखि इंद्र परम सुखमाना ॥  
 मैनाकहि प्रसुदित सुरपाला ❀ दीन अमै वरदान कृपाला २५ ॥  
 पुनि कौतुकी सकल सुरवाता ❀ कही नाग मातहि यह वाता ॥  
 लखो चहँ हम कपि बल सबही ❀ करै सुकहतुव सनमुख अवहीर २६  
 सो सुरसा करि कृपा सिधावो ❀ हनुमंतहि बहु भीति दिखावो ॥  
 कै भय मानि पारनहि जावै ❀ कै सुठानि बल बुद्धि सिधावै २७  
 तब सो आय भई मग ठाढी ❀ बिरचि कराल रूप बहु वाढी ॥  
 कही कपिहि करि घोर पुकारा ❀ आव कीशमम सुखहि मझारा २८  
 यों कहिकै कराल मुख फारा ❀ तब बोले तिहि पवनकुमारा ॥  
 सिय लखि प्रभु सुनाय संदेशा ❀ करौं आय पुनि सुखहि प्रवेशा २९  
 सुरसा नहि मानी तब वीरा ❀ कह विस्तृत मम सकल शरीरा ॥  
 किमि तुव सुख प्रवेश बपु होई ❀ तब सो विहँसि कीशदिशि जोई ३०

दोहा—दशयोजन विस्तार मुख, कियो सुलखि हनुमान ॥

भये बीस योजन तुरत, निरखि तीस सो ठान ॥ ३१ ॥

तब कपि योजन तीस भो, तिय मुख किय चालीस ॥

इमि दश दश दुहुँ बढ़त गे, नाग मात अरुकीस ॥ ३२ ॥

जब कपि सुरसा मुख लखौ, शतयोजन परमान ॥

तब अंगुष्ठ समान वपु, किय प्रवीन हनुमान ॥ ३३ ॥

प्रविसि तासु मुख निकसि पुनि, कही व्योममाधि जाय ॥

गो आनन तू नहि भखो, मम कछु दोष न आय ॥ ३४ ॥

लखि सुरसा कपि बुद्धि बल, करि बहु भाँति वखान ॥

गई देवपुर उत इतैं, हरपलहो बलवान ॥ ३५ ॥

सकल देव सो चरित लखि, चकित रहे सकुचाय ॥

कहत तिहुँ पुर वीर सम, और समर्थ न आय ॥ ३६ ॥

पूरवसन विस्तार वपु, करि गमने हनुमान ॥

जान नगन ते छौं तनु, पर सिंधु जल आन ॥ ३७ ॥

सो०—सो छाया जल बीच, अवलोकी खल निश्वरी ॥

नाम सिंहिका नीच, गहि लीनी वरदान गुण ॥ ३८ ॥

गहतछाहँ हनुमंत, तनु कंपो गति रुद्धहै ॥

अकुलाने बलवंत, दशहू दिशि हेरे चकित ॥ ३९ ॥

चौ०—तव देखो कपि सिंधु मझारा ❀ ठाढी एक नारि विकरारा ॥

तीक्ष्ण दशन विकट मुखफारे ❀ छाया गहि ऐंचै बलधारे ॥ ४० ॥

हनूमान तव गात बढ़ाई ❀ किय बहु गिरि सम तनु गरुआई ॥

आय परे तिहि मुखहि मझारा ❀ तासु अंग नख दशन विदारा ॥ ४१ ॥

मृतक भई सिंहिका कराला ❀ पुनि कपि उछलि गये नभ हाला ॥

सो बिलोकि खेचर सबहरपे ❀ जै जै भापि सुमन सुर वरपे ॥ ४२ ॥

तव हनुमत करि पूरवरूपा ❀ उछले द्रुत बल धारि अनूपा ॥

ताछिन वेग अपार बढ़ाई ❀ चले सिंहिकाहति हुलसाई ॥ ४३ ॥

यनाक्षरी कवित्त ।

परम प्रकाशमान प्रभुता प्रधान स्वच्छ खल दल शाल जनपाल

मुखदान है ॥ रसिकविहारी उर अधिक अनंदकारी विपति विदारी

दिव्य दीपति महान है ॥ शुद्ध पक्षधारी भीतिहारी नभचारी वर

सुवन विहारी वेग भारी बलवान है ॥ काज आज कैयों खगराज

द्रिज राज धायो कैयों रामवाण कैयों वीर हनुमान है ॥ ४४ ॥

चौ०—इमि उताल केशरी किशोरा ❀ पहुँचे जाय वीर वरजोरा ॥

निरखि सुभूधर सागर तगि ❀ परे पार है तहँ कपिधीरा ॥ ४५ ॥

चंपो कुधर सुवरणि समाना ❀ पुनि लघु वपु कीनो हनुमाना ॥

तहँते लखो लंकपुर कीसा ❀ चहँ ओर कंचनमयदीसा ॥ ४६ ॥

दोहा—परिखासिंधु गँभीर चहुँ, योजन एक प्रमान ॥

उच्चहेम प्राकारपुर, चारिद्वार दृढठान ॥ ४७ ॥

निरखि लंक कपि हीयमें, सोचत करत विचार ॥

कहा करें कपिरुच्छ इत, दुहुँ अरु राजकुमार ॥ ४८ ॥

जय पावे इत युद्धमें, काहू की न समर्थ ॥

सामादिक चहुँ जतन बल, सकल होय छां व्यर्थ ॥ ४९ ॥

यों गुणि परम प्रबंध चहुँ, निरखि चकित हनुमान ॥  
 रैनि समै पुर पैठियो, उचित किया अनुमान ॥ ५० ॥  
 निफल न हो मम आगमन, सोई वात महान ॥  
 उक्ति युक्ति सोचत गुनत, योंहीं अथयो भान ॥ ५१ ॥  
 निशि लखि कपि कति रूपही, करि मंजार प्रमान ॥  
 राम सुमिरि लंका निकट, दुरि आयो बलवान ॥ ५२ ॥

प्र०—वाल्मीकीये सुंदरकांडे ॥ सर्ग ॥ २ ॥ श्लोक ॥

सूर्ये चास्तं गते रात्रौ देहं संक्षिप्य मारुतिः ॥  
 वृषदंशकमात्राथ बभूवादुतदर्शनः ॥ २ ॥  
 दोहा—तहँ लंका निज रूपते, रक्षहि पुरी सदाय ॥  
 नाम लंकिनी जाहि दुरि, कोऊ जान न पाय ॥ ५३ ॥  
 सोरठा—कपिहि देखि सो धाय, कही सकोप करालवपु ॥  
 अरे कीश कहँ जाय, दुरिमोतें है चोर सम ॥ ५४ ॥  
 ताहि निरखि हनुमंत, बूझी दुष्टा कौन तू ॥  
 सो भापी बलवंत, हाँ लंका रक्षों सदा ॥ ५५ ॥  
 तब बोले कपिताहि, हाँ पुर अवलोकन चहाँ ॥  
 कही सुदुत फिरि जाहि, न तर हरौ तुव प्राण अब ॥ ५६ ॥  
 सुनि कपि है विकराल, तिय लखि तलताड़ो सहज ॥  
 गिरी भूमि बेहाल, महानाद करि निश्चरी ॥ ५७ ॥  
 पुनि लंका लहि चेत, उठि बोली कर जोरि कै ॥  
 कपि आये जिहि हेत, करौकाज सो सिद्धि तुव ॥ ५८ ॥  
 मोहिँ कही विधिवात, तोहिँ करै कपि त्रास जब ॥  
 तब निश्चर कुल घात, लखिये भई सुसत्य अब ॥ ५९ ॥  
 सुनि कपि लघु वपुंधार, पुर प्राकार उलंघिकै ॥  
 पैठ लंक मझार, प्रथमवामपद अग्रकरि ॥ ६० ॥

प्र० ॥ वाल्मीकीये सुंदरकांडे । सर्ग २ ॥ श्लोक ।

प्रविश्य नगरं लंकां कपिराजो हितंकरः ॥  
 चक्रेथ पादं सव्यं च शत्रूणां स तु मूर्धनि ॥ ३ ॥

पुनः ॥ अन्यत्रापि ।

प्रयाणकाले स्वगृहप्रवेशे विवाहकालेऽपि च दक्षिणांघ्रिम् ॥  
कृत्वाग्रतः शत्रुपुरप्रवेशे वामं निदध्याच्चरणं नृपालये ॥४॥ इत्यादि ॥

दोवई छंद ।

देखो लंकनगर वर शोभित कंचनमय सब धामा ॥  
विविधवेप निश्चर निशाचरी सकल साज अभिरामा ॥  
बाल युवा अरु जरठ पुरुष तिय विपुल सुरूप कुरूप ॥  
धर्म अधर्म सुकर्म कुकर्महि निस्त अनेक अनूपा ॥ ६१ ॥  
शस्त्र शैल तरुधरे खरे भट ठौर ठौर रखवारे ॥  
कहुँ सहस्रदश कहुँ लक्ष कहुँ कोटिन कहुँ अपारे ॥  
हाट वाट गृह नगर मध्य चहुँ अध ऊरध सबठावा ॥  
बाहर अरु अंतर लंकापति परम प्रबंध दृढावा ॥ ६२ ॥  
वाग वाटिका कुंज पुंज वरवीथी पंथ बजारा ॥  
वापी कूप तड़ाग सरित गृह वन गृह गुहा अपारा ॥  
जाय जाय सब ठौर वीर कपि दुरिहारे चहुँ घाई ॥  
रामभामिनी जनकनंदिनी कतहुँ न परी लखाई ॥ ६३ ॥  
दशमुख भवन माहि तव पैठ तहँ सब ठौर निहारा ॥  
अशन पान स्नान हवनथल अविलोको कपिसारा ॥  
शन भवन मधिगयो वीरवर निरखि चकितभो कीशा ॥  
जा सम सुभग साज शोभा सुख अपर त्रिलोक नदीसा ॥ ६४ ॥  
सुर किन्नर गंधर्व यक्ष नर नाग नारि अभिरामा ॥  
सजे सुभग शृंगार मनोहर वरनिश्चरी ललामा ॥  
सकल वारुणी पान मदन मदमत्त अंगसुधि नाहीं ॥  
जहँ तहँ निद्रावश अचेत हूँ सोयरहीं चहुँ घाहीं ॥ ६५ ॥  
काहु शिर पर पद काहुको काहुपग किहुँ माथा ॥  
काहु उदर उर भुजा शीश कटि काहु किहुँ मुख हाथा ॥  
कोऊ शस्त्र वस्त्र भूषण युत इमि अचेत सब साई ॥  
सुभग सुंदरी स्वरमधिराची प्राण लुकाय विगोई ॥ ६६ ॥  
कोऊ वसन विहीन वामवर कोऊ सुभग शृंगारी ॥  
कोऊ विललित साज सकल तनु कोऊ अर्थ नैवारी ॥

कोऊ सुरतिहीन रति संयुत कोऊ विलग कोऊ संगी ॥  
 कोऊ अशन पान भाजन लै शैन किये इहिङ्गा ॥ ६७ ॥  
 तिनके मध्य रूपवर रावण सोवत मुदित निशंका ॥  
 मंदोदरी गौर सुठि नारी आलिंगित निज अंका ॥  
 लखि मयसुता रूप शोभा दृढ हीय कीश अनुमाना ॥  
 येही जनकनंदिनी इमि छवि तिन बिन तिया न आना ॥ ६८ ॥

प्र० ॥ वा० ॥ सुं० का० ॥ स० ॥ १० ॥ श्लो० ॥

गौरां कनकवर्णाभामिष्टामन्तःपुरेश्वरीम् ॥  
 कपिमैदोदरीं तत्र शयानां चारुरूपिणीम् ॥ ६९ ॥  
 स तां दृष्ट्वा महाबाहुर्भूषितां मारुतात्मजः ॥  
 तर्कयामास सीतेति रूपयौवनसंपदा ॥  
 हर्षेण महता युक्तो ननंद हरियूथपः ॥ ६॥ इत्यादि ॥

दोवई छंद ।

हेरि हिये हनुमंत हर्ष भरि रोम प्रफुल्लित कीना ॥  
 लै ऊरध लंगूर चुंबिकै कीश केलिचित दीना ॥  
 आयो बहुरि विचार वीर उर मो कस बुद्धि नशानी ॥  
 शैन किये दशमाथ जो तिया तिहि सीता मैं जानी ॥ ६९ ॥  
 रामभामिनी दृढ पतिव्रता सत्यधर्म धुरधारी ॥  
 परपति संग ताहि अनुमानी कियो जु पातक भारी ॥  
 पुनि कपि सोच पाप यह दूजो एक और हैं कीना ॥  
 पर नारी नरशैन संग ही नग्न अंग लखि लीना ॥ ७० ॥  
 यो गुणिकै पुनि हँदै धीरदै दृढ विचार यह थापा ॥  
 मोमन निर्विकार तो निरखे भयो नहीं कछु पापा ॥  
 इहि विधि सोचि वीर तहँ ते चाले फिरि चहुँ हेरन लागे ॥  
 जब कहँ लखी नहीं सीता तब महा शोकमें पागे ॥ ७१ ॥  
 कर विचार कपि सिया न जीवै के रावण तिन मारी ॥  
 के लावतहि व्योम मंडल तें गिरी पयोधि मझारी ॥  
 हाय कहाँ अब मिलै जानकी बिन पाये नहि जाऊं ॥  
 हे यह भली प्राण निज त्यागी काहु न मुख दर्शाऊं ॥ ७२ ॥

इमि गुणत कपि बहु सोच वश पुनि किय विचार सुहीयमैं ॥  
 उत जो लखाय अशोक वन हेरो न वह रमणीय मैं ॥  
 देखैं तहांचलि सीय जो दरशाय तौ भलिवातहै ॥  
 दृढ़ मिलहि स्वामिनि तितहिं या छिन जीय मम उमगात है ७३ ॥  
 यों ठान दृढ़ हनुमानकीन पयान अतिहि उताल जो ॥  
 दरशान इक स्थान शोभामान परम विशालसो ॥  
 जिहि धाम द्वार ललाम अंकित राम नाम सुवर्णते ॥  
 वृंदा सुमन वर वृंद वृंद विराज तरु बहु वर्णते ॥ ७४ ॥  
 लखि हीय गुण हनुमंत कोऊ संतको यह धामहै ॥  
 अति आचरज इत लंकमें हरि भक्त को अभिराम है ॥  
 तौ लग सु निद्रागत विभीषण नाम लीनो रामको ॥  
 सुनि कीशद्विजतनु धारि कीनो गान प्रभु गुण ग्रामको ॥ ७५ ॥  
 सो सुनि विभीषण द्वार आये दोउ दुहुंदिशि हेरिकैं ॥  
 वृद्धी दुहुं दुहुं कही निज गति मिले गल भुज गोरि कै ॥  
 नृपबंधु तव हनुमंत सों भापी सवै समुझाय कै ॥  
 वर वाटिकामधि मैथिली कह लखहु जाय दुरायकै ॥ ७६ ॥

चौ०-सुनि सिय कथा हीय हरपाना ॥ चले वेगि तिन मिलि हनुमाना ॥  
 वर अशोकवाटिका निहारी ॥ परमरम्य शोभा मनहारी ॥ ७७ ॥  
 कंचन महि माणि जटित अनूपा ॥ वापी कूप तडाग सुरूपा ॥  
 बेलि विटप लघु दीर्घवनाना ॥ फल प्रमून वर विविध विधाना ७८ ॥  
 खग मृग विपुल जीव बहु जाती ॥ हेमरजत तरु अगणित भाती ॥  
 चहुंमुक्ता प्रवाल मय सिक्ता ॥ महि दरशाय न तिहि अनिरिक्ता ७९ ॥  
 धवल धाम वर उच्च अनेका ॥ सुंदर सुखद एकने एका ॥  
 रसत विविध भूरि भट भारे ॥ निज निज काज शस्त्र सब धारे ८० ॥  
 इमि अशोकवाटिका सुहाहीं ॥ जिहि पटकर अमगंवाति नाहीं ॥  
 तहैं कंचन मय सुभन निगला ॥ एक शिंशपा वृक्ष विशाला ॥ ८१ ॥  
 तिहि तरुतर वेदिका मनोहर ॥ दाटक गचिन नचिन मणिगणवरा ॥



तहँ सशोक श्रीजनकदुलारी ❀ वेठी राम ध्यान उर धारी ॥ ८२॥  
 चहँ ओर निश्वरी कराला ❀ रक्षाहिं लीने शस्त्र विशाला ॥  
 सियहि दूरते लखि हनुमाना ❀ मम स्वामिनि ये दृढ़ अनुमाना ८३॥  
 करि प्रणाम दूरहिते सादर ❀ हर्ष शोक दोऊ सुहीय भर ॥  
 सिया रामकी दशा विचारी ❀ हनुमान कह मनहि मझारी ॥ ८३ ॥

सवेया कवित्त ।

उत का कहिहौं सियकी गति हौं वरणौं इत काह कथा प्रियकी ॥  
 नाहिं भाषे वनै निरखेही वनै अति दुःख सनेह दशा वियकी ॥  
 इहिते रसिकेस भली है यही गहि मौन धरौं हिय मैं हियकी ॥  
 ममस्वामिनि स्वामि परस्पर दोऊ सुजानत हैं दुहुँके जियकी ॥ ८५॥  
 चौ०—पुनि कपि गुणी भयो दुख दूरी ❀ सियाराम मिलि हैं सुख पूरी ॥  
 प्रभु सँदेश सुनिकै हरपाही ❀ पै मुहिं प्रगट मिलव भल नही ८६॥  
 यौ गुणि कीश रैनिलखि थोरी ❀ द्रुमचढ़ि दुरो निरखि चहुँ ओरी ॥  
 ताछिन तहँ दशवदन सिधारा ❀ संग नारि बहु किये भूंगारा ॥ ८७॥  
 आय सियहि सो बहु समुझाई ❀ कटु वचकह सीता विलपाई ॥  
 तब दशमुखलै कठिन कृपाना ❀ जनक सुता दिशि हेरि रिसाना ८८॥  
 तब गहि मंदोदरी सुनीता ❀ समुझायो कहि वचन विनीता ॥  
 पुनि रावण निश्वरिन सिखाई ❀ करौ नारि मम सियहि बुझाई ८९॥

दोहा—यों कहि भाषी सीय दिशि, और तजो द्वै मास ॥

इहि ऊपर तुव मरन कै, हठिराखौं रनिवास ॥ ९०॥

प्र० ॥ वा० ॥ सु० ॥ का० ॥ स० ॥ २२ ॥ श्लो० ॥

द्वौ मासौ रक्षितव्यौ मे योज्वाधिस्ते मया कृतः ॥ ततः शयनमारोह  
 मम त्वं वरवर्णिनि ॥ ७ ॥ द्वाभ्यामूर्ध्वं तु मासाभ्यां भर्तारं मामनि-  
 च्छतीम् ॥ मम त्वां प्रातराशार्थं सूदाश्छेत्यंति खंडशः ॥ ८ ॥ इत्यादि ॥  
 चौ०—ताछिन धान्य मालिनी नामा ❀ वर निशाचरी परम ललामा ॥  
 दै गल भुज दशमुखहि सप्रेमा ❀ शैन सदन लै गई सुझेमा ॥ ९१॥  
 इत निश्वरी कुरूप कराला ❀ लेकर मुशल झूल असि भाला ॥  
 हुं विधि सीतहि त्रास दिखावै ❀ साम दाम भय भेद दिढावै ॥ ९२ ॥

दोवई छंद ।

इकनेनी कोऊ इक कर्णी कोऊ बहु दृगवारी ॥  
कोऊ गजकर्णी खरकर्णी कोऊ नाग दंतारी ॥  
कोऊ व्याल मुखी लंबोदरि लंबकुची कुचहीना ॥  
कोऊ हस्त चरण इक एकै कोऊ अगणित कीना ॥ ९३ ॥  
कोऊ शीश विहीन बहुत शिर कोऊ अगणित नासा ॥  
कोऊ अर्ध कोऊ अनासिका कोऊ बहु मुख भासा ॥  
कोऊ शूकर श्वान सिंह मुख कोऊ गिरि वपुधारा ॥  
कोऊ अति लघु इमि निशाचरी विविध कराल अपारा ॥ ९४ ॥  
कोऊ बाँधि सुष्टिका धाँवें सियहि प्रहारण काजा ॥  
कोऊ दशन काटि मुख फारें भक्षणहेत करि गाजा ॥  
कोऊ लै कृपाण कर दौरें कोऊ शूल भमावें ॥  
याँही विकट निश्वरी सीतहि बहु विधि त्रास दिखावें ॥ ९५ ॥  
कहैं सकल हे जनकनंदिनी जो निज जीवन चावो ॥  
तो सिख मानि बेगही हटतजि दशमुख महल सिधावो ॥  
सुनि सिय बोलीं भले सबहि मिलि मुहिं भक्षण करि लेहू ॥  
निज पतिबिन नहिं लखीं आन दिशि मार सत्य प्रण चेहू ॥ ९६ ॥  
याँकहि सिया हाय श्वासा भरि करति अपार विलापा ॥  
सो गति लखि हनुमंत हीय बहु बढो क्रोध संतापा ॥  
कुसमय जानि मौन दुरि हें कपि निश्वरी कठोरा ॥  
जनकनंदिनिहि भीति दिखावें बोलि वचन अतिघोरा ॥ ९७ ॥  
दोहा—ताछिन त्रिजटा निश्वरी, बोली सबहि रिसाय ॥  
सियहि न खावो आप तनु, आपहिलेवो खाय ॥ ९८ ॥  
स्वप्न लखो हीं अवशिहो, तिहि फल यह विश्वास ॥  
राम विजय पावें सपदि, अरु निश्वर कुलनास ॥ ९९ ॥  
सुनि सशंक सब निश्वरी, त्रिजटहि कह अकुलाय ॥  
कहा लखो भापो सब, सो बोली समझाय ॥ १०० ॥

ह० गी० छंद ।

गजदंत शिविका सहस्र हरि युत अंतरिच्छ सुहावहीं ।  
 तिहि मध्य रामसबंधु राजे शुभ्र साज सु आवहीं ॥  
 पुनि लखी श्वेत शृंगार धारे सिंधुह आवृत किये ।  
 सीता विराजी धवलगिरिपे पीयपद निज दृग दिये ॥ १०१ ॥  
 हेरो सुदंती चारदंत शृंगार युत भूधर चढो ।  
 तिहि पै लसे सिय बंधु संयुत राम अति आनंद मढो ॥  
 पुनि लखी सीता चंद्र भानुहि छिनाहि छिन कर परसही ।  
 रथ श्वेत वृषभ सुयुक्तता मधि तिहूँ बहु छवि सरसही ॥ १०२ ॥  
 दोहा—पुनि हेरे सीता सहित, राम लपण दुहुँ भ्रात ॥  
 शोभित पुष्पविमान मधि, उत्तर दिशि नभ जात ॥ १०३ ॥

दांड छंद ।

पुनि देखो दशमाथहि मुंडित लाल वसन तनु धारे ॥  
 कंठ माल करवीर पानमद अरुण साजहैं सारे ॥  
 सो पुष्पकविमानते गिरिकै परो महीतल आई ॥  
 श्याम शृंगार श्यामतिय मुंडित तिहि खैंचै गहि धाई ॥ १०४ ॥  
 खर युत रथ बैठो पुनि हेरो हंसै नचै अरु गावै ॥  
 करै तैल को पान सुव्याकुल दक्षिण दिशा सिधावै ॥  
 बहुरि लखो गर्दभ मय रावण बिन शिर गिरो जु भूमै ॥  
 फिर उठि मत्त नग्न है विलपत दुर्वच बोलत घूमै ॥ १०५ ॥  
 पंक घोर मलकुंड प्रविशिके दशमुख दक्षिण जाही ॥  
 रतवासिनी श्याम तिया गल बाँधि सुखैंचै ताही ॥  
 यौहीं कुंभकरणको देखो अरु रावण सुत सिगरे ॥  
 मुंडित तैल लिप्त अविलोके त्यों निश्चर सब बिगरे ॥ १०६ ॥  
 शूकर श्वान उंट खर जल कपि चढे नग्न हैं कोऊ ॥  
 कोऊ माहिप मनुष निश्चर पै गमने दक्षिण सोऊ ॥  
 एक विभीषण लखो शुद्ध वर श्वेत छत्र शुभकारी ॥  
 अविलोके अति अशुभ रीतिसैं अपर सकल नर नारी ॥ १०७ ॥

खंडित सदन सकल अविलोके भस्म निहारी लंका ॥  
 सब निश्चरी रुदन करभारी विह्वल भई सशंका ॥  
 पुरचर अचर सिंधु माधि डूबे अरु जे वीर वडरे ॥  
 ते समस्त गोमय हृद प्रविशे इमि कुस्वप्न मैं हेरे ॥ १०८ ॥  
 दोहा—सुनि विजटा मुख स्वप्न गति, भई सकल अति दीन ॥  
 परीं निश्चरी सीय पग, दिनय जोरि कर कीन ॥ १०९ ॥  
 इमि यामिनि द्वे दंड ही, रहीं निरखि सब वाम ॥  
 कछु सचेत अचेत है, सोई इत उत ठाम ॥ ११० ॥  
 ताछिन राघवभामिनी, कीनो महा विलाप ॥  
 सो विलोकि हनुमंत हिय, भयो अधिक संताप ॥ १११ ॥  
 ताही समय सुऔचके, शकुन भये सिय अंग ॥  
 वामबाहु उर नैन भ्रुव, फरकन लगे सुदंग ॥ ११२ ॥  
 तब कपि सुरवाणी विषे, प्रभु गुण कीन वखान ॥  
 सुनि चितई सिय चकित चहुँ, सोच हर्ष अधिकान ११३ ॥  
 हे माया कछु आसुरी, यां करि सीय विचार ॥  
 ह्वे सशंक शिरनायक, रही मान दुखधार ॥ ११४ ॥  
 हनुमान तब आयक, निकट नवायो शीश ॥  
 कही दुहुँ कर जोरि, राम दूत हों कीश ॥ ११५ ॥  
 तऊ न सिय सन्मुख लखी, बोली महि दिशि जोय ॥  
 नाथ दूतह सत्य कपि, मुहिं प्रतीत किमि होय ॥ ११६ ॥  
 तब कपि रघुवर अंगके, नखशिख चिह्न समस्त ॥  
 कहे यथार्थ सीय प्रति, बंधु समेत प्रशस्त ॥ ११७ ॥  
 अपर कथा वरणी बहुरि, आसर जानि उताल ॥  
 मुखते काटि सुमुद्रिका, दीनी अंजनिलाल ॥ ११८ ॥  
 लई सिया आतुर दुलसि, पिय सुदरी पहिचानि ॥  
 ताछिन उमडा नह मुख, सो किमि जाय वखानि ॥ ११९ ॥

पनासरी पवित्र ।

हगन छुवावै गहि शीश पे चटावै ताहि हृदय लगावै दारुधार  
 दुलरावैहो ॥ फेरि फेरि हेर हेरि हेरि के कपोल भेरे भेनि कंठ में फेरि

पुनि हनुमान कही कर जोरी \* खाउँ सरसफल है रुचि मेरी १३६  
 सुनि बोली सिय हे हनुमंता \* इत रहैं वर सुभट अनंता ॥  
 यह अशोकवाटिका विशाला \* गुणै प्राणप्रिय निश्चर पाला १३७  
 याते जाय दुराय उताला \* खाय सरसफल गमनौ हाला ॥  
 पुनि हौ तेज बुद्धि बल धामा \* औसर लखि कीजो सब कामा १३८  
 यौ कहि दीनो बहुरि अशीशा \* शीशनाय गमनो मुदकीशा ॥  
 सियदिशि बार बार सो हेरैं \* सीता कपिहि लखैं फिर फेरैं १३९  
 इमि जानकिहि निरखि हनुमाना \* चले हृदय आनंद अधिकाना ॥  
 अंग प्रफुल्ल रोम बलवंता \* उमगो गुण बल तेज अनंता १४०

इति श्री० रा० २० वि० वि० जनकनंदिनीदर्शन-

वर्णनो नाम अष्टमोविभागः ॥ ८ ॥

दोहा—श्रीहनुमत वरवीर कपि, सिय ढिगते चलि आय ॥

कियो विचार सुहीय अब, गमनों बल दरशाय ॥ १ ॥

यौ दृढ ठानि सुवीर वपु, कीनो मेरु समान ॥

प्रगटो वेग प्रचंड अति, पवनतनय बलवान ॥ २ ॥

पुनि अशोकवन मध्य चहुँ, धाय धाय फलखात ॥

भंजत हुमवल्ली सदन, करत महा उतपात ॥ ३ ॥

भयो शोर चहुँ ओर अति, खग मृग भगे विहाल ॥

उठाँ भभरि सब निश्चरी, बूझी सीय उताल ॥ ४ ॥

कोहै कपि तुमते कहा, कही निकट यह आय ॥

सुनि दीनो उत्तर सिया, होहू भेद न पाय ॥ ५ ॥

चौ०—सवहि निश्चरी जाय उताला \* रावण प्रति वरणो कपिहाला ॥

तव दशवदन क्रोध किय भारी \* सुनि अशोकवाटिका उजारी ६॥

प्रात समै सेवा हित ठाढे \* असीसहस किंकर बलगाढे ॥

सवहि दई आज्ञा दशभाला \* मारी कीशहि जाय उताला ॥ ७ ॥

ते सवही सकोप द्रुत धाये \* विपुलशस्त्र कपि पर बरसाये ॥

तव हनुमत लै परिब विशाला \* करि पुनि रूप भीम विकराल ८

धाय धाय किंकर सब मारे ॐ परे मृतक ते धरणि मझार ॥  
 पुनि कपि गर्जि कियो रव भारी ॐ बैठ जाय गृह शिखर मझारी १॥  
 जैति राम लछमन वरवीरा ॐ जै कपीश सुग्रीव सुधीरा ॥  
 राम दास हैं हनुमतकीशा ॐ मदीं बहु सहस्र दशशीशा ॥१०॥  
 यों पुकारि पुनि धाम सुभंजा ॐ सकल साज खंडित करिगंजा ॥  
 सो विलोकि शतरक्षक धाये ॐ लै लै शस्त्र क्रोध भरि आये ११॥  
 खंभ उपाटि वीर गहि धावा ॐ ताहि भमाय अपार तपावा ॥  
 सबकी सहि बहु शस्त्र प्रहारे ॐ हनुमत ते समस्त हति डारे १२॥  
 पदरी छंद ।

हनुमान वीर रक्षकन मारि । पुनि अति प्रचंड हिय रोप धारि ॥  
 द्रुम लता धाम सर द्वंद सुकूप । मदीं अनेक ध्रुव लखि अनूप १३  
 दशमाथ जंबु मालीहिटेरि । दीनी रजाय तिहि ओर हेरि ॥  
 सो भट प्रहस्त सुत धनुष धारा धायो उताल गर्जत अपार ॥१४॥  
 लखि ताहि वीर किय अट्टहास । लंगूर लंब चुंबो हुलाम ॥  
 सो आय विशिखवाण न प्रहार । मुख शीश बाहु कपि तनु विदार १५  
 तब कोपि वीर हनुमत उतालागरु शिला धारि तिहि शीश बाल ॥  
 भट यातुधान वाणन विदारि । करि खंड ताहि दिय भूमिडारि १६॥  
 तब भीम शाल तरु गहि उपाटी कपि हनो सोउ सो शरन काट ॥  
 पुनि पंच बाहु उर मध्य एकादश वक्ष बाल अरु तनु अनेक १७  
 इमि वाण जंबुमाली उताल । हनुमंत अंग मधि दीन शाल ॥  
 तब कीश धाय सो परिवधारि । डारो जु भूमि निश्चरहि मारि १८॥  
 पुनि गर्जि वीर चटि उच्च धाम । बैठो निशंक कह जैति राम ॥  
 बध जंबुमालि सुनि लंकराय । द्रुत सचिव सुतन दीनी रजाय १९  
 ते सप्त वीर लै सुभट संग । धाये उताल सजि शस्त्र अंग ॥  
 चहुँ ओर घेरि कै सकल कोपि । वाण न प्रहारि दिय कपि हिनोपि २०  
 हनुमान वीर तब क्रोध लाय । निज गात चंड गिरि सम बढ़ाय ॥  
 जैति राम कहि सोरछाय । कूदे उताल दल मध्य आय ॥२१॥

दोवई छंद ।

काहू शीश मुष्ट हनि फोरा काहू दंतन काटा ॥  
 काहू जानु चापि हत काहू चरण भुजा उत पाटा ॥  
 काहू पुच्छ लपेटि पछारा काहू नखन विदारा ॥  
 काहू घालि चपेट प्राण लिय भयो सु हाहाकारा ॥२२॥  
 यौं हनुमंत सातहू मंत्री सुतन मारि महिडारे ॥  
 सो विलोकिकै भभरि पराने अपर निशाचर सारे ॥  
 वीर वीर सानंद धाय पुनि गर्जत निपट निशंका ॥  
 करि विध्वंस बहोरि धाम बन बैठो शिखर उत्तंका ॥ २३ ॥  
 सुनि मंत्री सुत निधन दशानन चकित दुखित यौं बरनी ॥  
 है कोऊ बलवंत सुरासुर यह न कीशकी करनी ॥  
 इमि कहि लंकनाथ क्रोधितहै आज्ञा दई उताला ॥  
 सेना अग्र गमन अधिकारी जाय गहौ कपि हाला ॥ २४ ॥  
 विरूपाक्ष यूपाक्ष प्रवस अरु भास करण वर वीरा ॥  
 रश्मिमालि ये पंच निशाचर दल नायक रणधीरा ॥  
 संग सैन चतुरंग अंग सजि घोर शोर कर धाये ।  
 कपि उदंड भुजदंड चंड दुहुँ ठोकि हिण्डुलसाये ॥ २५ ॥  
 यातुधान हनुमान अंगपर अगणित शस्त्र प्रहारे ॥  
 रश्मिमालि तकि पंचवाण वर विशिख वीर तनु मारे ॥  
 तव केसरी किशोर गात निज करि भूधर सम भारा ॥  
 गिरे उछलि तिहि शीश निश्चरहि रथ हारि युत दलि डारा ॥२६॥  
 विरूपाक्ष यूपाक्ष वीर दुहुँ तासु निधन लखि धाये ॥  
 कीश बाहु उर कोपि निशाचर मुद्गर अमित चलाये ॥  
 तव हनुमंत शाल द्रुम लैंकै दोऊ भट हति डारे ॥  
 भासकर्ण अरु प्रवस हेरि सो क्रोधित आय प्रचारे ॥ २७ ॥  
 पट्टिश प्रवस वाल हनुमंतहि भासकरण हन झूला ।  
 अपर अनेक शस्त्रधर निश्चर निकर कीशवपु हूला ॥  
 तवहि प्रभंजनपुत्र प्रबल भट गहि गिरि शृंग विशाला ॥  
 वालो यातुधान सो दोऊ मृतक भये ततकाला ॥ २८ ॥

पुनि रथ स्थानि तुरंग तुरंगानि दंती दंनिन मारे ॥  
वीरन वीर विपुल गिरि वृक्षन दंतन नखन विदारे ॥  
याँ संहारि सैन पुनि हनुमत जै कपीश कहि धाई ॥  
बैठे धाय उताल शिखरपर रोमावली फुलाई ॥ २९ ॥  
दोहा-पंचसैन नायक मरन, सुनि दशवदन रिमाय ॥

निज सुत अच्छकुमारका, दीनीवेगि रजाय ॥ ३० ॥

सो०-रावण सुत बलवंत, अच्छसाज वर स्वच्छ मजि ॥

लै भट भीर तुरंग, धायो रत आरूढ़ है ॥ ३१ ॥

हरिगीतिका छंद ।

लखि अच्छ वपु छत्रितेज हनुमत वीर चित चकृत भये ॥

सो सपदि चापहि तान वान संधान त्रेकपि शिरहए ॥

जौलग पुवंगम उठन चाहो तौ लगे शर जालने ॥

दिय झंपि अंग उताल दीनों शाल नख लग भालते ॥ ३२ ॥

कपि तकत इत उत जकत पुनि अवकाश रंच न पावही ॥

इमि अच्छवीर निहार वान अपार विशिख चलावही ॥

हनुमान किय अनुमान निश्चर बाल प बल भूरह ॥

कह कीजिये इहि काल मोतनु शालनख शिख पूर है ॥ ३३ ॥

याँकारि विचार सुवीर उछले व्योमदिशि मोऊ तहाँ ॥

चलि बाण वेधे लच्छ करि करिअच्छ कपि व्याकुल महाँ ॥

हनुमत तब अनिरोप करि निज गात विपुल बढायकै ॥

तल मारि स्यंदन बाजि युत तिहि दीन भूमि गिरायकै ॥ ३४ ॥

पुनि उछालि निश्चर अंतरिच्छहि भिगे दुहुँ दोउन देने ॥

तितहू प्रहारे शस्त्र अंग निनवीर भे व्याकुल घने ॥

तब क्रोध भगि हनुमत अच्छहि वेगि पड़ गहि धायकै ॥

आकाशने धरि धगणि मागे सबल भूरि भमायकै ॥ ३५ ॥

दश कंठसुत शिर कंठ भुज कटि जंघ पद मंदिन गने ॥

दुहुँ अच्छ वच्छ ॥



लखि तासु वधं निश्चर पराने कीश आय उतालही ॥  
 तिहि उच्च शिखर विराजकी नगराज दै भुज तालही ॥ ३६ ॥  
 दोहा—सुनौ दशानन अच्छ वध, भयो शोक दुख भूरि ॥  
 तब भापी घननादसों, महाक्रोध उर पूरि ॥ ३७ ॥  
 जाहु पुत्र वर वीरं तुम, गहि लावौ इतकीश ॥  
 को आयो कपि ह्वै लखौ, कै यम कै सुरईश ॥ ३८ ॥  
 सुनत इंद्रजित साज सजि, आयो अतिहि उताल ॥  
 लखि हनुमत घननादको, किय घननाद कराल ॥ ३९ ॥  
 करो युद्ध बहु वीर दुहुँ, काहुहि कोउ न जीत ॥  
 उत नृपसुत इत पवनसुत, दोऊ सबल अभीत ॥ ४० ॥  
 इंद्रजीत हिय हारिकै, किय ब्रह्मास्त्र प्रहार ॥  
 निज इच्छातें कपि गिरो, तासु प्रभाव विचार ॥ ४१ ॥  
 भूमि परतही वीरको, यातुधान बहु धाय ॥  
 सन दुम बल्कल रज्जुते, बंधन कीन दिढाय ॥ ४२ ॥  
 रज्जु निबंधन होतहीं, अस्र बंधभो मोच ॥  
 सोगुणिकै घननादके, हृदैं भयो अतिसोच ॥ ४३ ॥  
 अस्र बंध जो होय तिहि, बंधन अपर न योग ॥  
 दूजो बंधन होतही, रहै न मंत्रनियोग ॥ ४४ ॥  
 इंद्रजीत इमि मनहि मन, सोचत करत विचार ॥  
 ताडत खंचन कपिहि भट, लाये सभामझार ॥ ४५ ॥

प्र० वा० ॥ सु० का० ॥ स० ४८ ॥ श्लोक ॥

ततः स्वायंभुवर्मत्रैर्ब्रह्मास्त्रं चाभिमांत्रितम् ॥  
 हनृमांश्चितयामास वरदानं पितामहात् ॥ १ ॥  
 न मेस्य बंधस्य च शक्तिरस्ति विमोक्षणे लोकगुरोः प्रभावान्  
 इत्येवमेवं विदितोस्त्रबंधो मयात्मयोनैरनुवर्तितव्यः ॥ २ ॥  
 सर्वार्थमन्त्रस्य कपिर्विचार्य पितामहानुग्रहमात्मनश्च ॥  
 विमोक्षशक्तिं परिचिनयित्वा पितामहानामनुवर्ततेस्म ॥ ३ ॥

अस्त्रेणापि हि बद्धस्य भयं मम न जायते ॥  
 पितामहमहेंद्राभ्यां रक्षितस्यानिलेन च ॥ ४ ॥  
 ग्रहणे चापि रक्षोभिर्महन्मे गुणदर्शनम् ॥  
 राक्षसेन्द्रेण संवादस्तस्माद्ब्रह्मं तु मां परे ॥ ५ ॥  
 स निश्चितार्थः परवीरहंता समीक्ष्यकारी विनिवृत्तचेष्टः ॥  
 परैः प्रसह्याभिगतैर्निगृह्य ननाद तेस्तैः परिभर्त्स्यमानः ॥ ६ ॥  
 ततस्ते राक्षसा दृष्ट्वा विनिश्चेष्टमरिंदमम् ॥  
 बंधुः शणवल्केश्व द्रुमचीरैश्च संहतैः ॥ ७ ॥  
 स बद्धस्तेन वल्केन विमुक्तोस्त्रेण वीर्यवान् ॥  
 अस्त्रबंधः स चान्यं हि न बंधमनुवर्तते ॥ ८ ॥  
 अथेंद्रजित्तं द्रुमचीरवद्धं विचार्य वीरः कपिसत्तमं तम् ॥  
 विमुक्तमस्त्रेण जगाम त्रितामन्येन बद्धोप्यनुवर्तते ह्यम् ॥ ९ ॥  
 अहो महाकर्म कृतं निरर्थं न राक्षसेर्मत्रगतिर्विमृष्टा ॥  
 पुनश्च नास्त्रे विहितेस्त्रमन्यत्प्रवर्तते संशयिताः स्म सर्वे ॥ १० ॥  
 अस्त्रेण हनुमान्मुक्तो नात्मानमवबुध्यते ॥  
 कृप्यमाणस्तु रक्षोभिस्तंश्च बंधैर्निपीडितः ॥ ११ ॥  
 हन्यमानस्ततः क्रूरं राक्षसैः कालमुष्टिभिः ॥  
 समीपं राक्षसेन्द्रस्य प्राकृप्यत स वानरः ॥ १२ ॥  
 अथेंद्रजित्तं प्रसमीक्ष्य मुक्तमस्त्रेण वद्धं द्रुमचीन्मूर्ध्नः ॥  
 व्यदर्शयत्तत्र महाबलं तं हरिं प्रवीरं मृगणाय राज्ञे १३ ॥ इत्यादि  
 दोहा—नावणसभा विलोकिर्क, चकित चित्त हनुमंत ॥  
 करजोरे टाटे उचित, सुर अरु असुर अनंत ॥ १४ ॥

प्र० ॥ हनुमत्वाटके ॥ श्लोकः ।

ब्रह्मत्रध्ययनस्य नैप समयस्तृष्णां बहिः स्थायतां स्वल्पं जल्प  
 वृहस्पते जडमते नैपा सभा वज्रिणः ॥ वीणां वास्य नारद श्रुति-  
 कथालापलं तुम्बुगे सीनारदकमलभग्नद्वयः स्वस्थो न लंकेश्वरः ॥  
 ॥ १४ ॥ इंद्रं माल्यकरं सहस्रकिरणं द्वाग्धनीहाकं चंद्रं छत्रधरं समी-  
 ख्यन्तुः समाजयन्तौ गृहान् ॥ पाचक्ये पणिनिष्टिनं द्रुतवदं किं नाम  
 नेहोत्तमं रक्षोभेद्यमनुप्यमात्रवपुषं रे राघवं स्तोपि किम् ॥ १५ ॥ इत्यादि

दोहा—दशमुख साज समाज वर, तेज प्रताप मरूप ॥

निगखि सगाहत मनहिं कपि, गुणत समस्त अनूप ॥ ४७ ॥

लंकनाथ हनुमानको, बल वषु तेज निहारि ॥

सोचत विधि हरि शंभुको, आयो कपितनु धारि ॥ ४८ ॥

यौं गुणि रावण छिनहि छिन, हेरत करि दृगवंक ॥

त्यां उतंक तिहि लखत कपि, लोचन लाल निशंक ॥ ४९ ॥

तब प्रहस्त प्रति दशवदन, कही सुवृझौ याहि ॥

वन भंजन किहि काज किय, क्यों आयो को आहि ॥ ५० ॥

चौ०—सुनि प्रहस्त वृझी सब कीशै ❀ कह हनुमंत सुमिरि निजईशै ॥

कपि हौं पवनपुत्र हनुमाना ❀ रामदास लघु करत बखाना ५१ ॥

राज दरश हित विपिन उजारा ❀ निज तनु रक्षाहित दलमारा ॥

जनकसुताहि लखन हित आयो ❀ पुनि कपीश शिख देन पठायो ५२ ॥

यौं प्रहस्त प्रति कहि कपि वंका ❀ पुनि बोले रावणहि निशंका ॥

निश्चरनाथ परमहित मानी ❀ अंगीकार करिये ममवानी ५३ ॥

संव्या कवित्त ।

लुकि कीजत है कहूँ नेकी वदी वह देखत है सबही गति साफै ॥

यह भूलि न जानियो जीमें कवौं जुकरैं हम काम सु कोउ न भाफै ॥

रसिकेश इहाँ कछु जैसी करी तिहिमें तिलहू न घटै न इजाफै ॥

उत वैसिहि हेत तिहारे तयारै ह्वं हरिके घर होत निसाफै ॥ ५४ ॥

दोहा—हौं निश्चरपति वेद विद, सकल ज्ञान गुणधाम ॥

तब हौं अति हितमानिकै, कहाँ भजौ श्रीराम ॥ ५५ ॥

चौ०—शिविकामध्य सियहि बैठारी ❀ दासी भाव सकल तुवनारी

पुत्र वंधु युत निश्चरनाथा ❀ राम शरण गमनौ मम साथा ५६ ॥

यार्हामें सब भाँति भलाई ❀ न तरु वृथा तुव सकल नशाई ॥

सुनि हनुमंत वचन दशशीशा ❀ कही सम्हरि बोलत नहिं कीशा ५७ ॥

राम लपण द्वै मनुज दुखारे ❀ त्यां दुर्बल कपि भालु विचारे ॥

जिनहिं सदा मम निश्चर खाहीं ❀ तिनके शरण वीर है जाहीं ५८ ॥

तव हनुमंत कहीं करि कोथा ❀ तू वेदज्ञ रंच नहिं बोधा ॥  
हैं जानों आयो तुव काला ❀ सुनि रिसाय बोलो दशभाला ५९

दोहा—हे कटुवादी कीश अति, वेगि करौ वध याहि ॥

सुनि आज्ञा निश्चर उठे, लै लै शस्त्र उछाहि ॥ ६० ॥

तवहि विभीषण जोरि कर, भ्रातहि कही बुझाय ॥

नाथ नीति जान सकल, दूत अवध्य सदाय ॥ ६१ ॥

वध कारागृह द्वै न अरु, इते दूत हित दंड ॥

अंग विरूप सुताइना, मुंडनादि सब चंड ॥ ६२ ॥

प्र० ॥ वा० ॥ सु० का० स० ५२ ॥ श्लोक ।

वरुण्य मंगेषु कशाभिघातो मौड्यं तथा लक्षण सन्निपातः ॥  
एताहि दूते प्रवदंति दंडान्वधस्तु दूतस्य न नः श्रुतोस्ति ॥ १६ ॥  
चौ० सुनि रावण तव नीति प्रमाना ❀ कही बोलि निश्चर बलवाना ॥  
कीशहि पुच्छ परम प्रिय होई ❀ याते भस्म करौ दूत सोई ६३ ॥  
सुनत अनेक निशाचर धाये ❀ जीरन वसन तैल बहु लाये ॥  
कपि विचार युत पुच्छ बढाई ❀ यातुधान सो लखि रिसलाई ६४ ॥  
पुच्छ लपेटे वसन घनेरे ❀ सिंचि तैल बहु घट चहुँ फेरे ॥  
तामधि पावक दई लगाई ❀ चले कपिहि लै ढोल बजाई ६५ ॥  
नगर माहि फेरो चहुँ ओरा ❀ कोतुक लखै सकल करि शोरा ॥  
ताछिन इक तिय सिय ढिग धाई ❀ हनुमत दशा समस्त सुनाई ६६ ॥  
सो सुनि सीता भई दुखारी ❀ अति उताल उठि लै करवारी ॥  
अनल दिपाय प्रदक्षिण दीना ❀ कहि वरवैन सत्य प्रण कीना ६७ ॥  
दोहा—मेरे मन वच कर्मते, सत्य पतिव्रत जोय ॥

तौ हनुमंतहि वेगही, अनल तोय सम होय ॥ ६८ ॥

याँ कहि मुख कपि ओर करि, सींचो अनल सुचारि ॥

शीत पुच्छ तच्छनलगो, वार सुलयो विचारि ॥ ६९ ॥

चौ०—तव हनुमंत हीय ठहराई ❀ इमि ओसर कन फेरि मिलाई ॥

सो गुणि लबुतनु करि बलवंता ❀ बंधन ते कठि निमुकि तुरंता ७० ॥

प्रबल मेघ सम गर्जि कराला ❀ भये पर्वताकार विशाला ॥

बंध मोच लखि निश्चर भागे ॥ हनुमान अति आनंद पागे ॥ ७१ ॥  
 उछलि उताल उच्च गृह जाई ॥ प्रवल अनल चहुँ ओर लगाई ॥  
 तहँ ते धाय अपर थल जाग ॥ कूदि सुधाम और पुनि वारा ॥ ७२ ॥  
 एक विभीषण मदन बचाई ॥ लंका अपर समस्त जराई ॥  
 ताछितु प्रवल पवन किय जोग ॥ माचो नगर शोर अति घोरा ॥ ७३ ॥  
 धाय धाय चहुँ पवनकुमाग ॥ पैठि पंथ गढ़ सदन बजारा ॥  
 लाई अनल उठी बहु ज्वाला ॥ छायो हाहाकार कराला ॥ ७४ ॥

दोहा—अमित निशाचर निश्चरी, जान साज आगार ॥

अग्नि उत्तंक सुलंक चहुँ, लगी होत जरिछार ॥ ७५ ॥

रावण अति व्याकुल भयो, जन धावत चहुँ ओर ॥

जगत मरत भागत पगत, करत सुआरत शोर ॥ ७६ ॥

एक विभीषण भौन अरु, सिया रहँ जिहि ठोर ॥

बचे दुहुँथल गम बल, लंक जरी सब ओर ॥ ७७ ॥

इमि हनुमंत सुवीर वर, लंक नगर सब जार ॥

अनल सिराई पुच्छकी, कूदि पयोधिमझार ॥ ७८ ॥

मंजन किय तनु स्वेदजो, परो सिंधु महँ भूरि ॥

सो सफरी भर्षिक जनो, मकरध्वज बल पूरि ॥ ७९ ॥

करत सुमंजन कीश उर, बाढो सोच अपार ॥

भो अनर्थ जागे सकल, राखो कछु न विचार ॥ ८० ॥

नगर वाटिका बाग वन, गढ़ गृह पुर प्राकार ॥

सब जारो हौं क्रोध वश, कियो सकल क्षैकार ॥ ८१ ॥

सुरति न राखी सीयकी, हाय कहाँ कोन ॥

भयो अयश पातक मरन, अरु त्रिलोकपातिहीन ॥ ८२ ॥

शेवई छंद ।

सीय मरन सुनि राम न जीवैं तिन बिन लपण न रहैं ॥

सोलखिकें सुकंठ तनु त्यागैं तब सब कपि जियदै हैं ॥

सुनि उत भरत सबंधु मातगण युत समाज मृत होवैं ॥

कीशवंश रघुवंश दुहुँ ये मो करणी वश खोवैं ॥ ८३ ॥

दोहा—धिग मम जीवन जन्म बुधि, धिग धिग बल धिग क्रोध॥  
 धिग विद्या गुण रूप धिग, जो नहिं राखो बोध ॥ ८४ ॥  
 मोहि उचित सब भाँति अब, प्राण त्याग इहि काल ॥  
 यों सोचत विलपत अतिहि, व्याकुल अंजानिलाल ॥ ८५ ॥  
 तौ लग सुने सुबैन कपि, इत उत होत पुकार ॥  
 जरी वाटिका सिय बची, यह आचरज अपार ॥ ८६ ॥  
 उत सीता सब विधि कुशल, इत विभीषण भौन ॥  
 बचे सु द्वै थल अरु सकल, जगे सु कारण कौन ॥ ८७ ॥  
 सो०—सुनी गिरा हनुमंत, यों तब कछु उर धीर धरि ॥  
 आये धाय तुरंत, निराखि सियहि प्रफुलित भये ॥ ८८ ॥  
 स्वामिनि पद धरि शीश, करी विनय बहु धीरदै ॥  
 तब सिय सहित अशीश, कहे वचन अति प्रीति युत ८९॥  
 सुनि हनुमत शिरनाय, पाय रजाय अनंद युत ॥  
 रामचरण हिय ध्याय, चलि आये पुनि सिंधुतट ॥ ९० ॥  
 इति श्री० रा० २० वि० वि० लंकादहन .

वर्णनो नाम नवमोविभागः ॥ ९ ॥

दोहा—सागर तट हनुमंत कपि, गिरि अरूढ ह्व वीर ॥  
 पार गमन हित हर्ष युत, कीनो भीम शरीर ॥ १ ॥  
 अंग फुल्ल रोमांच भो, पुच्छ गुच्छ शिरधार ॥  
 कुयर चापि उछले सबल, गमने व्योम मझार ॥ २ ॥  
 सिंहनाद करि वीर कपि, नभ मंडल ह्वे जात ॥  
 सिद्धि भयो प्रभुकाज गुनि, छिन छिन हिय हरपात ॥ ३ ॥  
 सुर किन्नर गंधर्व मुनि, खड़े व्योम चहुँ ओर ॥  
 ताछिन कपिहि सुनाय के, विनय करत कर जोर ॥ ४ ॥

घनाक्षरी कवित्त ।

ऐसो ओज सुवश विराजै महि मंडलमें परम प्रचण्ड तनु तेज  
 भूरि भानको ॥ जाकी केलकीगति बचानि राम आप मुख शेष हून  
 गाय सकैं ताके गुण गानको ॥ गमिकविहागी मुखदायक सदाही

दूजो जनपाल दानी करुणा निधानको॥ दीननको त्राता मोद मंगल  
 विधाता बहु क्रुद्धि सिद्धि दाता वंदों नाम हनुमानको॥५॥ संकट हरन  
 दुष्ट दानव दहन छल छिद्रके छरन शोक सिंधुके तरन हैं॥ अंजु वरन  
 बहु वित्तके भरन वेगि औठर ढरन दीन पालन करन हैं॥ अशरन  
 शरन सुभक्त उद्धरन जोम जंगके लरन पूरी पैजके परन हैं॥  
 रसिकविहारी हेतु सुफल फरन सदा ऐसे कपि केशरीकिशोर के  
 चरन हैं॥ ६॥ दाता हैं अतुल जन त्राता वरवंड बहु दुष्टनके वाता हैं  
 प्रचंड सो वनेरे हैं॥ रसिकविहारीके कलेशके निपाता सदा भक्त भय  
 हाता चहुँ येही निखेरे हैं॥ केशरी किशोर रणरोर वर जोर वीर  
 पकर पछारें विघ्न जेते सब नेरे हैं॥ वैरीबल भंजा उद्धखल दल  
 गंजा धीर दीन मन रंजा ऐसे पंजा युग तेरे हैं॥ ७॥ गिरि साँ  
 गंभीर प्राण हरत सुवीरनके वैरिन विदीरनको वज्र साँ करेरोहै॥  
 पवै सो पै है खल झुंडनके मुंडनपै परम प्रचंडित उदंड सो  
 वनेरे है॥ उद्धत अपार जाके बलको न वारापार रसिकविहारी  
 दीन रक्षक निवेरोहै॥ केशरीकुमार निज वीरता विचार वीर दुष्ट  
 हर जुष्ट रूप पुष्ट मुष्ट तेरोहै॥ ८॥ भंजत अरिष्ट कोटि अति  
 उतकृष्ट रहै दुष्टन तलिष्टन पै क्रुद्धित करेरी है॥ दीनके अभिष्टनको  
 पूरत वरिष्ट वेगि अमित गरिष्ट इष्टवान हित हेरी है॥ दृष्टको  
 अदृष्ट औ अदृष्टहूकों दृष्ट करै उतपति पालक सैहार सृष्टिके  
 रीहै॥ अधिक कुदृष्ट सदा रहत मलिष्टनपै रसिकविहारी पै सुदृष्ट  
 दृष्ट तेरी है॥ ९॥ तूतो वीर सुखद सदाही दीन दासनको  
 रसिकविहारी हेत संपत्तिकी सैकरै॥ मुष्टनसे मारिकै विदारत अतुष्टनको  
 जोमजुष्ट रूप पुष्ट दुष्टनकी सैकरै॥ चर्व चर्व डारत अखर्व गर्व गर्विनको  
 विघ्नकै कृतघ्ननको मारि विघ्नतै करै॥ येरे हनुमान बलमान गुणके  
 निधान वेगि हो सहाय मेरी तूही नित्य जैकरै॥ १०॥ बंध जीभनिंदक  
 प्रमादी औ चवाइनकी बंधढीठ मूठ भूत प्रेत रोग बंध बंध॥ बंध  
 दोष परकृत यंत्र मंत्र तंत्र बंध भानु भौम मंद आदि कुग्रह सुबंध  
 बंध॥ बंध बुद्धि दुष्टनकी वाक्य बंध गति बंध दल खल झुंडनके

कर पद बंध बंध ॥ बंध विष डाढ नख शृंग शस्त्र अस्त्र सवै  
वेगि वजरंग कुरु चराचर बंध बंध ॥ ११ ॥ बन्ध बंध अनल  
अकाश जल थल बंध योगिनी मशान यक्ष गन्धर्व बन्ध बंध ॥  
बंध बंध शाकिनी औ डाकिनी पिशाचिनीको बंध वीरदानव सु  
ब्रह्मदेव बंध बंध ॥ बंध बंध काल औ कराल वैरी बंध बंध दीह दुख  
दारिद्र्य जु दुर्दिनको बंध बंध ॥ बंध बंध सकल समर्थ खल झुंडनकी  
वेगि हनुमंत कुरु दुष्ट बल बंध बंध ॥ १२

मणिप्रवालरति ।

देहि वरदानं वीर सम्प्रति यथेच्छितं हि कुरु चानुकंपां तव चरणां  
भजाम्यहम् ॥ दुर्जनान् भंजय विभंजय सुदुर्दिनानि शृणु चांजनेय  
दीनवचसा वदाम्यहम् ॥ झटिति गृहाण हे निलात्मज तवाशनाय  
कल्प दरिद्रारातिग्रथं प्रददाम्यहम् ॥ पूरय सुवित्तं रसिकेशस्यानुमोदं  
दातुं पवनात्मजो मां पातु शिरसा नमाम्यहम् ॥ १३ ॥ माकुरु  
विलंबं वीर संकटादुद्धारयाशु दासोहं तवास्मीत्यभियाचमानो  
दीनोहम् ॥ दिक्षु वितनोतु कीर्तिं विपुलां तनोतु लक्ष्मीं  
देहि रसिकेशस्याभिलाषं त्वदधीनोहम् ॥ निर्भयो हि भूमा  
विचरामि भवदाश्रयेण सकलसुकर्ममनोवचनान्मलिनोहम् ॥  
करुणाकटाक्षेनावलोकयाशु मां भो कपे नान्यम् ॥ भावयामि  
पवनात्मजा विहीनोहम् ॥ १४ ॥

दोहा—इमि अपार अस्तुति विविध, होत व्योम चहुँ ओर ।

सिय सुधिले आनंद युत, जात वीर वर जोरं ॥ १५ ॥

प्रवल पवन सम वेग बहु, मेघ सरिस कर नाद ।

सिद्धि काज भो राजको, यों टेरत अहलाद ॥ १६ ॥

चा०—जाम्बवंत अंगद बहुवीरा ॐ जे मव सागर उत्तर तीरा ॥  
ते लखि वेग गर्जनों भारी ॐ उठि उठि दक्षिण दिशा निहारी १७॥  
कीनो सकल सत्य अनुमाना ॐ नहिं घन पान सुहं हनुमाना ॥  
काज सिद्धि करिके कपि आये ॐ यह आनंद शोर सरसाया ॥ १८ ॥  
इमि भाषत तो लग हनुमंता ॐ आये व्योम निकट १९



राहिते कह कीश पुकारी \* हौ देखी श्रीजनकदुलारी ॥१९॥  
 यौ भापत नभ ते गुणमाना \* गिरि पर कूदि परे हनुमाना ॥  
 हेरि अंगदादिक सब धाये \* यथायोग मिलि हिय दुलसाये २०॥  
 हनुमान तब लघु वपु कीना \* कहि समस्त सबही सुख दीना ॥  
 वीर पराक्रम सुनि हरपार्हीं \* पुनि पुनि मिलन पवन सुतकाहीं २१॥  
 सिद्धि काज गुणि कपिगण नाना \* किलकैं नवैं करें बहु गाना ॥  
 धाय धाय सुंदर फल लावैं \* हनुमंतहि करि प्रेम खवावैं ॥२२॥  
 छिन छिन सब हनुमतहि सराहैं \* हेरि हेरि मुख हीय उमाहैं ॥  
 जाम्बवंत प्रसुदित यौ भापे \* सकल प्राण तुमहीं कपि राखे २३॥

दोहा—कीश भालु गावत नचत, कहत सुनत वर बैन ॥

यौ हौं अति आनंदमें, तहँ बीती सब रैन ॥ २४ ॥

प्रात होत सब भालु कपि, जुरि बैठे इक ठाम ॥

करन लगे वर मंत्र तब, कह अंगद बलधाम ॥ २५ ॥

जिते भालु कपि हैं इतै, ते सबही बलवंत ॥

पै रावण वध हेत बहु, कै हम कै हनुमंत ॥ २६ ॥

सो हम लंकहि जाय द्रुत, सदल रावणहि मारि ।

जनकसुतहि लै आवहीं, इते पृष्ठ निज धारि ॥ २७ ॥

पुनि चलि सब सानंद अति, रामहिं सौंपैं सीय ।

कपिपति रघुपति काज लखि, सिद्धि सुदित हो हीय ॥२८॥

चौ०—ऋच्छराज सुनि अंगद वानी \* कही सुरीत नीत हित सानी ॥

कीशपाल रघुलाल सुदोऊ \* दीनी यह रजाय नहिं कोऊ ॥ २९ ॥

सिय दर्शन आज्ञा जो दीनी \* सो प्रतिपाल पवनसुत कीनी ॥

याते मम संमत यह आई \* चलि दीजे सब प्रभुहि सुनाई ॥३०॥

पुनि जिमि ईशरजायसु होई \* शिर धारि मुदित करें सब कोई ॥

जाम्बवंत मत सकल सराहा \* उठे वीर भरि हृदय उछाहा ॥ ३१ ॥

द्रुत महेन्द्र गिरिते सब वीर \* उछले व्योम पंथ ग्णवीर ॥

किट्किटा टिग वेगहि आये \* नकल भालु कपि आनंद छाये ३२ ॥

जो मधुवन कपिपति प्रियकारी ॐ जिहि दधिमुख वानर बलभारी ॥  
कीशपाल मातुल सो धीरा ॐ रक्षै सदा सहित भट भीरा ॥ ३३ ॥

दोहा—आये मधुवन मध्य सब, लखे सरसफल भूर ।

विविध पत्र मधु बेलि तरु, विमल नीर सुखपूर ॥ ३४ ॥

हनुमानादिक वीर सब, लै युवराज रजाय ।

पैठे मधुवन मध्य द्रुत, कहि जेजै कपिराय ॥ ३५ ॥

दावई छंद ।

धाय धाय चहुँ ओर सुवानर जाति महा उतपाती ।

अशन करैं अरु तोरि बहवैं शाख फूल फल पाती ॥

भंजैं तरु गंजैं वर बेलिन मधु पीवैं किलकारैं ।

भरैं द्रोण कर धरैं मत्तह्व डोरि महीतल डारैं ॥ ३६ ॥

कोऊ चढ़ि हुम धरि झकझोरैं कोउ शाखगहि झमैं ।

कोऊ इक तरुते दूजेपर उछलि बैठि तिहि दूमैं ॥

कोऊ पुच्छ उठाय सुनाचै कोऊ मुखहि बजावैं ।

कोऊ छंद प्रबंध उचारैं कोऊ हँसै जुगावैं ॥ ३७ ॥

कोऊ मल्लयुद्ध हठि ठानैं बैठैं कोऊ चुपाई ।

कोऊ रुदनकरैं शिरकर धर सोवैं कोऊ जाई ॥

गजैं कोउ शोरतैं कोऊ पौढैं मृतक समाना ॥

इहिविधि कपि उनमत्त मोद युत विरचैं कौतुक नाना ॥ ३८ ॥

बोर शोर मधुवन मधि छायो सो सुनि दधिमुख धाये ॥

लखि विश्वंस दंडगहि क्रोधित कीशनमारि भगाये ॥

पुनि अंगद रुखपाय प्रवंगम हनुमदादि बलवाना ॥

सन्मुख ह्वै सुकंठ मातुलके भये युद्ध अगवाना ॥ ३९ ॥

रहे जिते वनपाल कीश तिन हनुमदादि बरवीरा ॥

दंतन नखन तलन पद मुष्टन हनि हनि किये अवीरा ॥

कहे विविध दुर्वचन सकल पुनि देव मार्ग दर्शाये ॥

अति अपमान जान सो दधिमुख रक्षक सकल बुलाये ॥ ४० ॥

सुनि सुग्रीव सहानुज रामा ॐ मुदित भये गुणि पूरण कामा ॥  
 गदगद कंठ अंग पुलकाने ॐ प्रिया प्रीति रघुवर उमगाने ५८  
 रही न धीर वीर दिशि हेरी ॐ निज समीप अतिआतुर टेरी ॥  
 सादर अंकलाय बैठारे ॐ राजकुँवर मृदु वचन उचारे ५९

दोहा—कहाँ प्राण प्यारी सिया, भापौ पवनकुमार ॥

हौं धाऊं अति वेगि तहँ, जहँ जीवन आधार ॥ ६० ॥

घनाक्षरी कवित ।

मेरी प्राणप्यारी तुम निज दृग देखी सत्य भापौ वेगि नेकहून  
 शंक हिय राखौ वीर ॥ कितहँ कहाँहिं किहि देश किहि भेष माहिं प्रा-  
 म नाम ठाम धाम वरणि धरावो धीर ॥ रसिकविहारी कही जनकदुला-  
 री काह जीवै किमि बाला कैसे सहत वियोग पीर ॥ मेरो दिन रात  
 विरहानल जरावै गात सपदि सिरावो वरसायकै सुबैन नीर ॥ ६१ ॥

दोहा—तब हनुमान सुवीर वर, बोले दुहुँ कर जोर ॥

सिंधु पार लंका नगर, अनुपम दक्षिणओर ॥ ६२ ॥

तहाँ अमित निश्चर प्रबल, भूपति रावण नाम ॥

लै राखी सो जानकिहि, वन अशोक वर धाम ॥ ६३ ॥

परम प्रबंध अपार चहुँ, दशमुख राखत आप ॥

बिकट निश्चरिनमध्य सिय, बैठी करहिं विलाप ॥ ६४ ॥

सत्य पतिव्रत धर्म युत, प्रभुपद सुमिरहिं सीय ॥

दरश आश करि छिनहि छिन, वरवस राखहिं जीय ॥ ६५ ॥

मोहिं रावरो दास दृढ, जानि महा सुखपाय ॥

मम स्वामिनि प्रभु हेत यह, विनय करी शिरनाय ॥ ६६ ॥

हौं दासी प्रभु चरणकी, दीन आपनी जानि ॥

मोहिं दरश दीजे सपदि, हौं सुभक्त सुखदानि ॥ ६७ ॥

भयो होय भारी जेप, माते कष्टु अपराध ॥

तौं सबही कीजे क्षमा, प्रभु उर दया अगाध ॥ ६८ ॥

मेरे मन वच कर्म नित, प्रभु विन और न कोय ॥

पराधीन अवला दुखी, देखि कृपा द्रुत होय ॥ ६९ ॥

दश आश द्वे मास लग, औरहु राखौ प्राण ॥  
 अवधि गये तनु त्यागिहौं, दुसह कलेश निदान ॥ ७० ॥  
 यौ कहिकै हनुमंत पुनि, बोले दृग जल द्वार ॥  
 जनकसुता दुख कहत प्रभु, मो हिय होत दरार ॥ ७१ ॥  
 सो सुनि रघुवर श्वास लै, हिलकि उसासि अकुलाय ॥  
 कही हाय ममवल्लभा, अब किहि भौंति मिलाय ॥ ७२ ॥  
 यौ कहिकै कपि ओर लगि, दृग भरि है सुख दीन ॥  
 बिरह प्रेम दुख सुख उमँगि, बोले निपट अर्धीन ॥ ७३ ॥  
 मम हित निज भूषण वसन, प्रिया न दीनो वीर ॥  
 विनपाये तिहि चिह्न कछु, मो उर धरै न धीर ॥ ७४ ॥  
 तब हनुमंत उताल अति, सिय भूषण सो दीन ॥  
 हेरतही उमँगाय कै, राजकुँवर करलीन ॥ ७५ ॥  
 निज प्यारीके शीशको, भूषण दृढ पहिचान ॥  
 लीनो हृदय लगाय तिहि, अति अनंद उमगान ॥ ७६ ॥  
 है प्रसन्न बहु कपिहि पुनि, लायो अंक मझार ॥  
 बहु बखान हनुमानको, कौनो राजकुमार ॥ ७७ ॥

चौ०-पुनि रघुवीर धीर उर धारी ॐ जीवत सिय दृढ हृदय विचारी ॥  
 तब वृद्धी कीशहि रघुवीरा ॐ लंक कथा वरणो सब वीरा ७८ ॥  
 सुनि हनुमंत प्रभुहि शिरनाई ॐ सकल कथा विस्तृत निज गाई ॥  
 सुनि बोले कर जोरि सुकीशा ॐ यह तब कृपा सकल जगदीशा ७९ ॥  
 सुनि हनुमंत कर्म रघुवीरा ॐ अपर भालु कपि सब वरवीरा ॥  
 बुद्धि नीति बल भूरि सराहे ॐ सिद्धि काज गुणि हृदय उछाहे ८० ॥  
 इति श्री० रा० र० वि० वि० सीतासंदेशानिर्वर्णनो नाम दशमो विभागः ॥ १० ॥

दोहइछंद ।

सुनि हनुमत मुखलंक कथा सब रघुनंदन धनुधारी ॥  
 सिया ध्यान करिकै सुकंठ सौ मंजुल गिरा उचारी ॥  
 हे कपिराज आज अगहनकी असित अप्रमीनीकी ॥  
 पुनि नक्षत्र उत्तरा फालगुनि आश पुजविं जीकी ॥ १ ॥

तदुपरि हस्त समस्त योगवर है प्रशस्त शुभदाई ॥  
 पुनि मुहूर्त अभिजित यहि औसर अरु बहु सगुन जना  
 ऐसे समय पयान अनी युत होय विजय चालिकीजे ॥  
 याते सखा वेगि कपि ऋच्छन गमन रजायसु दीजे ॥ २ ॥

प्र० ॥ वाल्मी० ॥ युद्धकांडे ॥ सर्ग ४ ॥ श्लोक ।

आस्मिन्मुहूर्ते सुग्रीवः प्रयाणमभिरोचते ॥ युक्तो मुहूर्ते  
 प्राप्तो मध्यं दिवाकरः ॥ १ ॥ उत्तराफाल्गुनी ह्यद्य श्वस्तु हस्तेन यो  
 अभिप्रायाम सुग्रीवः सर्वानीकैः समावृतः ॥ २ ॥ उपरिष्ठादि  
 स्फुरमाणमिमं मम ॥ विजयं स मनुप्राप्तं शंसतीव मनोरथम्  
 इत्यादि ॥

देवई छंद ।

सुनि सुग्रीव बुलाय वेगि भट यथा योग समुझाई ॥  
 दई रजाय चले प्रमुदित सब कीश भालु समुदाई ॥  
 पवनसुवनके कंध राम लछमन अंगदके कांधे ॥  
 शोभित भये भ्रात दुहुँ गमने वरणि खंग कटिवांधे ॥ ३ ॥  
 पंथ सुधारत जात नील कपि भालु लक्षलै आगे ॥  
 कुमुद सदल शोधत मग चहुँ दिशि चलै सजग सँग लागे  
 तिन पाछे गज गवय गवाक्षहु गवनै अनी समेता ॥  
 ऋषभ वाहिनी सहित दाहिनी ओर सिधार सचेता ॥ ४ ॥  
 गंध हस्ति दुर्धर्पतरस्वी गंधमादनहि आदी ॥  
 चलै वामदिशि बहु वीरन युत गर्जे कीश प्रमादी ॥  
 बली सुपेण वेगदरशी अरु जाम्बवंत भट आछे ॥  
 विकट भालु कपि विपुल सहित वे गमन करत हैं पाछे ॥  
 लै शतबली कोटि दश वानर अनी चहुँ दिशि चाले ॥  
 कपि शतकोटि पनस केसरि लै ते तिनहुं प्रतिपाले ॥  
 हे विधि विकट कटकचहुँ गमनै यथा उचित सह चेता ॥  
 ॥ ५ ॥ सर्वधु राम तहँ कपिपति कीश अपार समेता ॥ ६ ॥

कीशभालुदल अमित भूमि नभ मारगं मुदित सिधौं ॥  
 नगर ग्राम आराम कृपी बहु गमनत सकल वचावैं ॥  
 होत शकुन शुभ निरखि राम युत हर्ष सवै मनमार्ही ।  
 गर्जहि कपि तरु गिरि गहि धावैं करि कलोल किलकाहीं ॥ ७ ॥  
 कंद मूल फल फूल पत्र मधु अशन करै हरपाई ।  
 सब तरु बेलि सफल छाये चहुँ निज निज समय विहाई ॥  
 इहि विधि अमित भालु कपि संयुत राम सप्तदिन मार्ही ।  
 पहुँचे आय उताल सिंधु ढिग दल छायो चहुँ घाई ॥ ८ ॥  
 चाँद महेंद्र गिरिपर रघुनंदन लखि सबंधु वारीशा ॥  
 सादर दुहुँ कर जोर विनय युत ताहि नवायो शीशा ॥  
 पुनि तहँते वेगहि तट आये सब कह दई रजाई ॥  
 कियो वास कपि भालु त्रिमंडल उचित सु आयसुपाई ॥ ९ ॥  
 द्विविद मयंद नील नल आदिक ले कपि भालु अपारा ।  
 लखत फिरत महि व्योम सजग बहु चहुँ सुभट रखवारा ॥  
 अपर अनेक प्रबंध यथोचित दृढ कीने सुग्रीवा ॥  
 नीति रीति भय प्रीति सहित सब रहे वीर बलसीवा ॥ १० ॥  
 योथपि सैन त्रिदिन सागर तट रघुवर कियो निवासा ॥  
 बटे लपण सुकंठ पवनसुत आदि रामके पासा ॥  
 ताछिन राजकुँवर दक्षिण दिशि निगखि नैन भरि नीरा ॥  
 ले उमाँस कहि हाय लाडिली बोले निपट अधीरा ॥ ११ ॥  
 दोहा-अहो बंधु याही दिशा, हैं सिय प्राण अधार ॥

मिलन होय किमि बीच यह, पगेनदीश अपार ॥ १२ ॥

हाय धरौं किमि धीर रर, काह करौं कित जाट ॥

हौं किहि सौं विनलाडिली, यह निज दुख बतलावैं ॥ १३ ॥

पनासरी कवित्त ।

नैनजलगेरनि वा हेरनि अथान ताकी बोलनि सुदीन  
 ताकी नेक नहि भूलै ह ॥ प्यारे कहि हेरनि मनहभुज भे-  
 गनि सो नखल छबोलीकी भुगई दिवहलै ह ॥ गहि गहि

बार बार छिन छिन धाय धाय आय आय विरहा सुरतिशूल शूलै  
है ॥ रसिकविहारी सुखकारी प्राणप्यारी सदा रौनि दिन मेरे दग  
दोउनमें शूलै है ॥ १४ ॥

दो०—पुनि मोहिय नित रौनि दिन, यह कलेश अधिकाय ॥

प्यारी वैस विलासकी, किमि वियोग सहिजाय ॥ १५ ॥

घनाक्षरी—कवित्त ।

नवल छबीली बाल गुण सरसीली मंजु मोद उमगीली और गीली  
रूप वारी है ॥ रसिकविहारी तरुणाई अंग अंग छाई वैस वर आई  
चारुशोभा मनहारी है ॥ प्यारीको विधाता सुख औसर दियैहै दुख  
किहि विधि रहै प्राण अति सुकुमारी है ॥ यदपि अनेक सोच सोचों  
पै सदाही एक सवतें कलेश यह मेरे उर भारीहै ॥ १६ ॥

प्र० ॥ वा० ॥ यु० का० क० ॥ स० पू० श्लो० ॥

न मे दुःखं प्रिया दूरे न मे दुःखं हतेति चं ॥

एतदेवानुशोचामि वयोस्या ह्यतिवर्तते ॥ ४ ॥

दोहा—यौं कहि निराखि सुकंठ दिशि, बोले जलभरिनैन ॥

प्यारीबिन मोको सबै, भये रहत दुखदैन ॥ १७ ॥

घनाक्षरी—कवित्त ।

विरह भभूकैं तनुलूकैंसी लगी हैं अति मनसिजहूकैं अंग अंगनछई  
रहैं ॥ नीर औ समीर छाहैं चन्द्रनिशि चांद्रिकादि शीतल सकल वस्तु  
तपानि तईरहैं ॥ रसिकविहारी कितजाउँ हाय कासों कहाँ दशो दिशि  
देखों तितैं अनल मईरहैं ॥ पावस शरद हिम शिशिर वसंत मोहि प्यारी  
चिन सब ऋतु ग्रीष्म भई रहैं ॥ १८ ॥ उरकी उमाह सवजानतहि  
मेरीप्रिया नीकी भाँति जानों हो जुप्यारीके जिये रही ॥ रसिक  
विहारी उरधारी जो विचारिवाल सोऊ रुचिकारी बात चित्तमें दिये  
नै ॥ हाय का उपाय कीजे अब नवसाय कट्ट भयो यह काह अ-  
नय का कियेगही ॥ कगे कहेगी ऐसी कर्तिन कुचाल जाते निज

निज चाह दोउ हियकी हिये रही ॥१९॥ लाज मर्याद पितु मातके  
सकोच वश जौलों रहों सदन न तौलोंचित्त दीनोंमें ॥ बहुरि सिधारो  
वन तवते दुखारी अति सहित सुबंधु वेष तापसको लीनोंमें ॥  
रसिकविहारी सुख समय निरायो जब तव प्रथमें ते भयो लाडिली  
विहीनोंमें ॥ झूलैगी सदाही यह झूल उर मेरे हाय प्यारीको न प्यार  
क्यों जिय भारि किनोंमें ॥ २० ॥

दो०—इमि बिलखतहीं औचके, लखौ द्वितीया चंद ॥

तिहि वन्दन करि उमंगि उर, पुनि बोलै रघुनंद ॥ २१ ॥

पनाक्षरी—कवित्त ।

निपट निशंक आज द्वितीया मयंक बंक उदित उतंक सुखहेत नर  
नारिके ॥ संध्यासमै शोभित सुछंद जगवन्दनीय रहत अमंद यौहीं  
भाल त्रिपुरारिके ॥ निरखति हैं उतै जनककिशोरी इतै होंहूँ अथै  
दरश करौहीं नभ चारिके ॥ रसिकविहारी इहि औसर भयेहूँ आय  
दोऊ इकठोर दृग मेरे अरु प्यारीके ॥ २२ ॥

दोहा—यौ रघुवर अति सीयकी, विरह कल्पना कीन ॥

सो लाखि लपण सुकंठ दुहुँ, बहु विधि धीरजदीन ॥ २३ ॥

परम विवेकी बुद्धि निधि, रावव हृदय विचारि ॥

युद्ध समै लाखि शोक ताजि, रहे धीर उर धारि ॥ २४ ॥

इति श्री० रा० २० वि० वि० लंकययाण-

वर्णनो नाम एकादशोविभागः ॥ ११ ॥

इति श्रीरामरसायनसुत श्रीरामरसायन ग्रंथे विषय

चरित्रवर्णनो नाम पंचमोविभागः ॥ ५ ॥

सो०—इत इहि विधि रघुवीर, सदल प्रवल वारीशानट ॥

कियो निवास सुधीर, सदसुकंठ दनुमन लपण ॥ १ ॥

उन दशमुख बलवंत, सहित सुभट निश्वर विविध ॥

करे सुमंत्र अनंत, सुमिरि सुमिरि दनुमन बल ॥ २ ॥



चौ०—सभा मध्य बैठो दशभाला ❀ युत सुत सेवक बंधु विशाला ॥  
 ताछिन धाय चारि चर आई ❀ शीशनाय बोले अकुलाई ॥ ३ ॥  
 नाथ राम वारिधि तट आये ❀ संग भालु कपि दल युत छाये ॥  
 सुनि हँसि कही मूढ़ अभिमानी ❀ कहा करें तापस धनुपानी ॥ ४ ॥  
 यौं कहि बहुरि निशाचर राजा ❀ बोलो करहु मंत्र दृढ़ आज्ञा ॥  
 सुनि वच यातुधान बहु यूथा ❀ भाषिउठे भट मुख्य बरूथा ॥ ५ ॥  
 महाराज तव अमित प्रतापा ❀ तिहूँ लोक भुजबल यश व्यापा ॥  
 देव नाग कोउ सकै न हेरी ❀ कहा भीति नर वानर केरी ॥ ६ ॥  
 सुनि प्रहस्त दुर्मुख बलवाना ❀ कुंभ निकुंभ आदि भट नाना ॥  
 लै कर शस्त्र अनेक कराला ❀ उठि बोले रावणहिं उताला ॥ ७ ॥  
 अबहिं जाय हम आवहिं मारी ❀ सह नृप सुवन भालु कपि झारी ॥  
 सुनि तिन दिशि लखि भौंह चढ़ाई ❀ कहे विभीषण वचन रिसाई ॥ ८ ॥  
 बैठहु मूढ़ जाहु कित धाये ❀ विन निज ईश रजायसुपाये ॥  
 यौं कहि पुनि भ्रातहि कर जोरी ❀ बोले वचन विनीत निहोरी ॥ ९ ॥

दोहा—नाथ सकल ये मंदमति, हैं अयान वश पान ॥

इनके वचन न मानिये, प्रभु बल बुद्धि निधान ॥ १० ॥

मो. संमत उर आनिये, जिहि ते बहु हित होय ॥

रहै राज तनु कुटुम यश, नीक कहै सबकोय ॥ ११ ॥

सो गुनि गुण गनि दीजिये, सिय रामाहि हरपाय ।

समर किये कह जानिये, धौंकिहिविजय मिलाय ॥ १२ ॥

बंधु वचन सुनि दशवदन, कष्ट न उत्तर दीन ।

सबहि श्रीप दे आप उठि, भवन गवन द्रुत कीन ॥ १३ ॥

तहाँ सदन एकांत मधि, बहुरि विभीषण जाय ॥

समझायो भ्रातहि विविध प्रीत भीत दर्शाय ॥ १४ ॥

कही जोरि कर तात इत, जयते आनी सीय ॥

तयते अशकुन होत बहु, सकल विचारिय जीय ॥ १५ ॥

हवन अग्नि नाहिं दिपति पुनि, उडत धूम बहु श्याम ॥  
 झरें अनल कन अरु शिखा, आहुति मंत्र निकाम ॥ १६ ॥  
 हवन पठन पूजन थलहि, दरशत व्याल कराल ॥  
 अशन पान साकल्य चहुँ, हो पिपीलिका लाल ॥ १७ ॥  
 सुरभी पयमद गजनको, सूखि गयो सब ठौर ॥  
 पुनि वसुदीन पुकारहीं, अश्वादिक बहु तौर ॥ १८ ॥  
 खच्चर उंट तुरंग नित, ऊरध रोम रहात ॥  
 पुनि रोवत दिन रैनिये, अतिहि विकल दरशात ॥ १९ ॥  
 बोलत काक उलूक बहु, रैन दिवस खघोर ॥  
 गृध्र देत मंडल सदा, पुर ऊपर चहुँ ओर ॥ २० ॥  
 पुनि दुहुँ संध्या समय नित, बोलत अशुभ शृगाल ॥  
 नगर-द्वार सो झूर स्वर, करत आप मृग माल ॥ २१ ॥  
 ये लक्षण सूचक अशुभ, होत लंकके माहिं ॥  
 याते सीतहि दीजिये, राम सदल फिरि जाहिं ॥ २२ ॥  
 सुनि सुगारि क्रोधित कही, रामहिं देखै न सीय ॥  
 कहा करैं नर कीश मिलि, कष्ट न भीति मम हीय ॥ २३ ॥  
 यों कह बहुरि विभीषणै, विदा कियो दशभाल ॥  
 प्रात होत आयो सभा, चढि रथ अतिहि उताल ॥ २४ ॥  
 बंधु सजिव सेवक सखा, सुत हित अपर अपार ॥  
 दशमुख आज्ञा पाय सब, आये सभा मझार ॥ २५ ॥  
 बैठे सब सादर उचित, तत्र गवण वरिवंड ॥  
 सभहि सुनाय ग्रहस्त प्रति, भाष वचन उदंड ॥ २६ ॥  
 सीता दिखे विहीन जिमि, बेगि विजय निज होय ॥  
 इमि मतिवंत विचारि दृढ़, मंत्र करौ सब कोय ॥ २७ ॥  
 सुनि निश्चरपतिके वचन, कुंभकण रिस लाय ॥  
 बोलत भयो उताल अति, दुहुँ दग भाँह चदाय ॥ २८ ॥

तोमर छंद ।

जब हरी सीय स्वतंत्र । किहिते कियो तब मंत्र ॥  
 अब काल शीश चढाय ॥ बूझौ उपाय बुलाय ॥ २९ ॥  
 सुन भ्रात हो कछु कार । जो करत विनहिं विचार ॥  
 सो अंत अति पछितात ॥ दुहुँ लोक तासु नशात ॥ ३० ॥  
 पै जो भई अब वात । सो भई क्यों अकुलात ॥  
 हिय धीर धारहु नाथ । हौं मारिहौं रघुनाथ ॥ ३१ ॥  
 तब महापार्थ उदंड । बोलो वचन खल चंड ॥  
 हे नाथ निश्चर राज । क्यों करिय दुख बिनकाज ॥ ३२ ॥  
 प्रभु जाय कै निश्शंक । बरवस सियहि गहि अंक ॥  
 सजि राखिये रनिवास । रहिये मुदित सविलास ॥ ३३ ॥  
 तब कही दशमुखताहि । मुहि घोर शाप जुआहि ॥  
 परतिय रमौ बलठान । हो नाश द्रुत तनु प्राण ॥ ३४ ॥  
 सुनि अपर निश्चर भूर । बोले यथारुचि क्रूर ॥  
 ताछिन समै लखि ऐन । भापे विभीषण बैन ॥ ३५ ॥  
 विनवौं दुहुँ कर जोरि । हित वात मानिय मोरि ॥  
 प्रभु वेगि सीतहि देउ । निज हाथ मीच न लेउ ॥ ३६ ॥  
 सो सुनि प्रहस्त उमाहि । भापी विभीषण पाहि ॥  
 नर भालु कपि कह वात । हम सुरन नाहि डरात ॥ ३७ ॥  
 तब रोप करि हिय माहि । भापी विभीषण ताहि ॥  
 क्यों करहु सब मिलि नास । नहिं शुभ चहौ रहि पास ॥ ३८ ॥

यनाक्षरी कवित्त ।

तब कछु वीरता न काहू ते वनैगी नेक जब कपि भालु वीर धाय  
 आय जूटंगे ॥ ताछिन वचैना कोउ भागेहू त्रिलोक माहिं जाही  
 छिन राम वाण पन्नगसे छूटंगे ॥ रावव विरोधी यातुधानके रहै ना  
 पाण सहित समाज राजसाज सब खूटंगे ॥ रसिकविहारी सिय  
 की भली है वात नत बहु मुंड दधि कुंड सम फूटंगे ॥ ३९ ॥

तोमर छंद ।

योंकहि दशानन बंधु ॥ भापी बहुरि मति सिंधु ॥

मंत्री जु तव सम होय ॥ तौ रहै भूप न कोय ॥ ४० ॥

दोहा—अज्ञानी लोभी निठुर, निकट न राखै कोय ॥

जो नृप सेवक होय इमि, तौ जावै सब खोय ॥ ४१ ॥

सवैया कवित्त ।

भिक्षुक मान चाहै तौ वृथा औ वृथा गति उत्तम चाहै जुकामी ॥

जो यश लोभी चाहै तौ वृथा सुख चाहै वृथाहि कुमारगामी ॥

यों रसिकेश विचारौ हिये है वृथा जु पै मुक्ति चाहै नरवामी ॥

त्यों तिहिके सब काज वृथा जिहिके ढिग सेवक होय हरामी ॥ ४२ ॥

दोहा—सेवक होवै दुष्ट पुनि, भूप मिलै मतिहीन ॥

तहाँ लाभ सुखराजकी, आशा तजै प्रवीन ॥ ४३ ॥

पै ऐसेही कुमति बहु, कूर मंडली माहि ॥

बुद्धिमंत ज्ञानी गुणी, बडे सुवीर कहाहि ॥ ४४ ॥

प्रथम बखानत फूलि जे, बड़ी बड़ी बहु बात ॥

ऐसे ते औसर परे, दरशत हैं कदरात ॥ ४५ ॥

इमि प्रहस्त प्रति वचन बहु, भापे सबहि सुनाय ॥

बहुरि विभीषण वंक लखि, बोलै रोप बढ़ाय ॥ ४६ ॥

राम दूत कपि एकही, आयोहो हनुमान ॥

वीर मारि पुर जारिकै, गयो सर्व बलभान ॥ ४७ ॥

कछु न बनी तब काहुते, अय बोलत बहु फूल ॥

राम कोपकी अग्रिमै, वृथा होत क्यों तूल ॥ ४८ ॥

एक बेर जो केसहु, जाते लहै कलेश ॥

फेरि काज सो शंक युत, करि विचारि हमेश ॥ ४९ ॥

सवैया कवित्त ।

फेरि नहीं वह काम करि जिहिने इक बेर कलेश लहे ॥

भीति हिये अनि पाटे गई पुनि भूलि न लागहि काह कहे ॥

होरसिकेश सुदेश वनो तऊ चौंके रहैं चित चेत गहे ॥  
छाँछहु फूंकिकै पीवाहिं ज्यों डारिकै बहु जे जन दूध दहे ॥५०॥  
दोहा—पै सबही सिख सुमतिको, दीजे तौ भल होय ॥

क्रूर व्यर्थ मानी हठी, तापर वश नहिं कोय ॥ ५१ ॥

यौं कहि रावण बंधु पुनि, बोले सवाहिं सुनाय ॥

हौं जानौ सब शीश पै, कालचक्र मडराय ॥ ५२ ॥

मम भापित कटु बैनये, अंतर हैं अति मिष्ट ॥

सवाहि व्याधि मद ग्रसित हैं, याते लगैं अनिष्ट ॥ ५३ ॥

पै भापों मैं हाँकदै, सभा बीच प्रणठान ॥

राम विजय निश्चर अजै, है है यह ध्रुव जान ॥ ५४ ॥

याते अजहूँ है भली, सकल मंत्र करि आज ॥

चलि रामहिं सिय दीजिये, रहै प्राण कुल राज ॥ ५५ ॥

इहि विधि बहु कटु बैन वर, अंतरप्रीति समेत ॥

कहे विभीषण सचिव प्रति, भ्रात बुझावन हेत ॥ ५६ ॥

चौ० सुनत विभीषण वचन कठोरा ❀ चितवत दशमुख दृग करि घोरा ॥

तवाहिं इन्द्रजित क्रोधित भापी ❀ तात भ्रात लघु लघु मति राखी ५७

कही विभीषण तब करि क्रोधा ❀ मूढ अयान तोहि कह बोधा ॥

जो तुहि मंत्र मध्य इत लायो ❀ सो खल वध लायक ठहरायो ५८

दोहा—मत्त बाल तिय मंदमति, हठी पिशुन खलवाम ॥

येते सभा अयोग पुनि, मंत्र मध्य कह काम ॥ ५९ ॥

तू खल पितु युत कालवश, हित अनहित नाहें जान ॥

यातुधान ये मंदमति, करें अन्यथा मान ॥ ६० ॥

चारिछंद ।

सुनिकै विभीषण वेन निश्चरपतिहि छायो कोप ॥

भापी अरे मतिमंद तू कुलधर्म कीनो लोप ॥

पुनि शत्रु पक्ष बढ़ाय निंदहि मोहिं तोहिं न शंक ॥

लखि बंधु शमहुँ अनीति नत वध योगहं खलरंक ॥ ६१ ॥

दश कंठ कहि कटु वैन बहु किय बंधुको अपमान ॥  
 तवहीं विभीषण उठे निश्चर चार सँग बलवान ॥  
 लीने गदा कर उछलि बोले कुपित नभ पथ जाय ॥  
 हित वचन मानत अहित घेरो काल निश्चर राय ॥ ६२ ॥  
 कष्टु दिवस बीते होय गति सो देखिहौ दशमाथ ॥  
 तजिकै सकल खल दलहिहौ अव जात ढिग रघुनाथ ॥  
 यौं कहि विभीषण चहुँ निश्चर सहित कीन पयान ॥  
 सिय राम पद पंकजहि ध्याये हीय सुख उमगान ॥ ६३ ॥  
 दोहा—इत रावण दरबार ते, उठो गयो निज धाम ॥

उतै विभीषण राम ढिग, चले सुमिरि गुणग्राम ॥ ६४ ॥

इति श्रीरसिकविहारीकृत रामरसायन ग्रंथ युद्धविधाने

रावणसभाभञ्जवर्णनो नाम प्रथमोविभागः ॥ १ ॥

दोहा—राम चरण उर ध्यायकै, ठानि सुदृढ विश्वास ॥

चले विभीषण प्रभु शरण, छिन छिन होत हुलास ॥ १ ॥

मन प्रसन्न तनु पुलक अति, प्रीति न हृदय समात ॥

नैन नीर पग डगमगत, करत मनोरथ जात ॥ २ ॥

धनासरी कवित्त ।

\* सुंदर ललाम सुखधाम अभिराम अति सेय वसुधाम उर आनंद  
 वगारि हौं ॥ उरध कमल वज्र अंकुशादि चिह्न सब परसि प्रमोद पा  
 य शोक श्रमटारिहौं ॥ रसिकविहारी रजनैनन लगाय नित लोचन  
 सिराय निज जनम सुधारि हौं ॥ नाथहैं अनाथनके ऐसे रघुनाथ न  
 के दृग भरि आज पदपंकज निहारि हौं ॥ ३ ॥ भेटत सकल  
 दुखद्वंद्व भ्रमपद वने रहत अमंद सुखकंद छवि पैलि हौं ॥ जाहि  
 लखि कोटि चंद होतहैं दुचंद मंद ताहि में विलोकी धन्य सुकृति  
 विशेषि हौं ॥ दशरथ भूलें छलछंदके प्रवंद सब रसिकविहारी युग  
 पल सम लेखिहौं ॥ दशरथ नंद हैं अनंदके अनंददानि आज  
 रघुचंदनको मुख चंद देखिहौं ॥ ४ ॥ आय हैं लपण कपिराय हैं  
 सुभाय भले पायक रजाय धाय वेगही बुलाय हैं ॥ देखि रघुराय

मुसकायकै बढाय प्रीति सुख सरसाय मीठे बचन सुनाय हैं ॥ रसि  
 कविहारी कृपा लाय हैं दिवाय अभै मोद उमगाय तनु तपन सिराय हैं ॥  
 मुख दरशाय करकंज परसाय शीश कौशलकिशोर आज मोहि अपना-  
 य हैं ॥ ५॥ पाऊँगो हमेश अंग वसन उतारे सबै दीन जानि अधिक  
 कृपालु मन भाऊँगो ॥ भाऊँगो अहेर संग धाऊँगो बताऊँ पंथ दुर्लभ  
 पुनीत नित्य जूँठनको खाऊँगो ॥ खाऊँगो प्रसाद दास रामको कहाँ  
 ऊँ भलो रसिकविहारी तजि अनत न जाऊँगो ॥ जाऊँगो अवध निज  
 जनम गमाऊँ तहाँ गाऊँगो सु कीरति परमपद पाऊँगो ॥ ६॥ धरम न  
 जानौ सतकरम न जानौ कछु मरम न जानौ क्यों सुढार मोपै ढरिहैं ॥  
 रावणको भैया हौं कुपंथको चलेया पुनि लंकको वसैया चित्त औगुण  
 जुधरि हैं ॥ जाति हौं निशाचर अरातिनकी पाँतिको हौं रसिकविहा-  
 री कौन भाँति मोद भरि हैं ॥ लोक विधि वेद विधि एकहु न जानौ  
 राम किहि विधि मोको विधि अंगीकार करिहैं ॥ ७॥ जनम गमायो  
 राम नामको न गायो कछु कीनो ना उपाय भवसिंधुके तरनको ॥  
 शरन मैं जैहाँ कौन वदन दिखैं हौं हाय औगुण भरो हौं गुण एकीना  
 शरनको ॥ रसिकविहारी है न आपनो भरोसो रंच को सहाय शोक  
 नद पारके करनको ॥ परौ मझधारबीच हौं तौ निराधार अब एकही  
 अधार रघुरायके चरनको ॥ ८ ॥ एकही भरोसो दृढ़ आवत खरोसो  
 यह उपल निपाद गीध अधम विचारे हैं ॥ शवरी औ शाखामृग रीछ  
 कौन वेदपाठी जाते इन ओर कृपा कोरतें निहारे हैं ॥ दीन हैं पियारे  
 दीनबंधुको सुभाव मृदु रसिकविहारी सोई रक्षक हमारे हैं ॥ काहूते  
 न घाट पातकी हौं क्यों तजैगे मोहि बेगि अपनैहं जो पे इतने उ-  
 धारे हैं ॥ ९ ॥

सो०—इहि विधि करत विचार, तनु पुलकत हुलसत हियो ।

वादी प्रीति अपार, सियपति पदपंकज सुमिरि ॥ १० ॥

पहुँचे आनुर आय, दूतनमे मृदु यों कह्यो ।

अरज मुनावो जाय, कौशलगज किशोरको ॥ ११ ॥

तुरताहिं चरवर जाय, रामानुज कपिराज ढिग ।  
 सादर शीशनवाय, वियन सुनाई तिनाहिं सव ॥ १२ ॥  
 सुनत लपण कपिराज, चकित चित्त सोचत हिये ॥  
 कहा विभीषण काज, आयो हे छल बल कछू ॥ १३ ॥  
 समाधान करि हीय, जात भये रघुराज ढिग ।  
 करि प्रणाम कमनीय, रुख विलोकि बोले वचन ॥ १४ ॥  
 नाथ दशानन बंधु, नाम विभीषण ताहिको ।  
 आयो करुणासिंधु, शरणागत सो रावरे ॥ १५ ॥  
 विहँसि कही रघुवीर, यह विचार कीजे कहा ।  
 तुमहो निपुण गँभीर, कहो उचित मत होय जो ॥ १६ ॥  
 बोले दुहुँ कर जोरि, प्रभु सन्मुख कहियो न भल ।  
 पुनि मम मति अतिथोरि, तदपि कहत बुधि बल यथा १७  
 एक निशाचर रूप, दूजे रिपुको बंधु हे ।  
 सुनिये कौशल भूप, माया मय सब काज हे ॥ १८ ॥  
 तिहि राखियो न योग, बहुरि रजायसु रावरी ।  
 कहत सयाने लोग, रिपु प्रतीति नहिं कीजिये ॥ १९ ॥  
 हँसि बोले श्रीराम, नीति उचित सो तुम कही ।  
 दीनबंधु मम नाम, कहत वादित सो होय क्यों ॥ २० ॥  
 सबैया कवित्त ।

एकहु बेर पुकारत आरत दीनगिरा जनकी सुनि पाऊं ॥  
 तो तिहि उंच न नीच लखों गहिकें भुज कंठाहे बेगि लगाऊं ॥  
 देखँ अभैपद लोक तिहुं विच ताहि कवीं छिन हूं न भुलाऊं ॥  
 सो रसिकेश सुकंठ कहा शरणागतको किहि भाँति भगाऊं २१ ॥  
 गो द्विज वातक होय जुँप तजिकें छल जो शरणागत आवै ॥  
 छोडि सबै जग प्रीति प्रतीति सु एकही मेरो भरोस दिवावै ॥  
 ज्यों धन रंकहि भावत हे तिहिते अधिको मुहि सो हिय भाँव ॥  
 जो गति याचतहं सुनि वृंद प्रयास विना रसिकेश सुपावै ॥ २२ ॥  
 वेद पुराणनमै सबही शरणागतको नख रीति बखानि ॥



नेम सदा अनुकूलहि को अरु वर्जन त्यों प्रतिकूल को ठानैं ॥  
 राखै प्रतीति जु रक्षणकी अरु भापै सुगुप्तकथाहि विधानैं ॥  
 त्यों रसिकेश जु अर्पहि प्राण सुदीन बनोरसहै यह जानैं ॥२३॥  
 जो इतनी शरणागतमें विधि एकहु होय सुहै मुहि प्यारो ॥  
 सो विछुरै छिनहुं न कबौं तिहिते पलहु भरि मैं नहिं न्यारो ॥  
 है पटरीति विभीषणमें अब सादर वेगि बुलाउ सवारो ॥  
 आवतही रसिकेश अभै करि लंकपती कहि ताहि पुकारो ॥२४॥  
 हे कपिराय सुनो मन लाय सुवाणि सदाकी कहों निज हीकी ॥  
 जीव चराचर होय कोऊ दृढ़ प्रीति बनी मुहि लागत नीकी ॥  
 रावरोहों इक वेर कहै तिहिकी न मलीनता देखहुं जीकी ॥  
 नीति अनीति न मानौ कछु रसिकेश करौंसम नाकपतीकी ॥२५॥  
 जो विचरै छलछंदनमें नर भूलिहु सो मम भक्ति न पावे ॥  
 जो कुटिलाई विभीषणमें शरणागत क्यों ताजिकै सब आवै ॥  
 यद्यपि हैं रिपु बंधु सही रसिकेश बनो मुहि सो हियभावे ॥  
 कौगुण औगुणको निरखै हित जानि हिये जिहि जो अपनावै ॥  
 त्याग करै शरणागतको तिहिकी सम पातक और नहीं है ॥  
 रौरवनर्क परै भरि जन्म चहुं युग चारहु वेद कही है ॥  
 आपनी होय कछु हितहानि बनो प्रतिपालन ताको सही है ॥  
 आवै विभीषण वेगि मिलौं प्रण मेरो मुएकहि आँक यहीहै ॥२७॥  
 दान पुकारहिगो जवही सुनि कानन क्यों हिय धीर धरंगो ॥  
 देखि दुखी शरणागतको तब आतुर धायके बाँहगहाँगो ॥  
 मेढां कलेश सब तिहिको निरसंक द्वे आपनी हानि सहोगे ॥  
 मेरोहि एक भरोसो जिनें निनके वश में फिर काह कहंगो ॥२८॥  
 योगी जपी द्विज दानी तपी नर नागि चगचर होय जु कोऊ ॥  
 सौंची सुप्रीति प्रतीति बिना मुहि रंचहु हीय न भापत सोऊ ॥  
 पावन है जग दुःख बने भ्रम भूल परे सुख नेक न होऊ ॥  
 । रसिकेश अनन्य भजे मुहिं सो शरणागत हैं प्रियदोऊ ॥२९॥  
 यदि वेर कदा मुकदा कदिक पुनि आरको और न भापों ॥  
 नो कृपा जिहि प तिहिय अपगव निहार न रंचहु माखों ॥

जाहि लियो गहिकै अपनाय तिनै रसिकेशन भूलिहुनापौं ॥  
 लावो कपीश विभीषणको करि देउँ अभै शरणागत राखौं ॥ ३० ॥  
 कोतिहिने अधिको प्रिय है तजिकै सब जो शरणागत आयो ॥  
 राजकुटुंब घने हित बंधु तिनै तृणकी सम देखि भुलायो ॥  
 मेरोहि एक लयो अवलंब कहौ किहि भाँति सो जात भुलायो ॥  
 लंकको राज सु आजहि धौं रसिकेशजहाँ अवधेशको जायो ३१  
 दोहा—दीनबंधुके वचन सुनि, मंजुल मृदुल अनूप ॥

चले विभीषण पासको, रामानुज कपि भय ॥ ३२ ॥

रामानुज कपिराज सौं, बोले वचन उताल ॥

कहो कहा करिये अबै, भई रजायसु हाल ॥ ३३ ॥

नगस्वरूपिणी छंद ।

सुकंठ शुद्ध यों कही । सही जुनाथ है कही ॥  
 विचार काह कीजिये । बुलाय ताहि लीजिये ॥ ३४ ॥  
 कही सुराम बंधुयों । विभीषणै बुलाउँ क्यों ॥  
 अराति भ्रात आयहै । कछु भली न लायहै ॥ ३५ ॥  
 कठोर बोरहै महा । नजानिये हिये कहा ॥  
 करे अकाज काजसो । डरे न रंच लाजसो ॥ ३६ ॥  
 कछु न फंद लावतो । इतै न भूलि आवतो ॥  
 सुबंधु बीसबाहुको । हितु न जान काहुको ॥ ३७ ॥

तोड़फ छंद ।

हँसिकै कपिराय सुवात । प्रभुसौं अपना कछु जोरनहीं ॥  
 शरणागतको न तर्जै कबहूँ । अपराध अनेक करै जवहूँ ॥ ३८ ॥  
 पुनि या सु उपाय भली करिये । सुनिये गुनिताहि हिये धरिये ॥  
 अब एक विभीषण आवतहै । गुराज तिन अपनावतहै ॥ ३९ ॥  
 अब नेक विलंब नहीं करने । हम आँ तुम दोऊ चले शरने ॥  
 गहिकै पदपंकज मोद भेरी । कहिकै प्रभु पाहि प्रणाम करै ॥ ४० ॥  
 शरणागत राखहिगे जवहीं । करजोरि करै विनती तवहीं ॥  
 यद भंज हिये दृढ़ दान भले । बहुरे ग्युनायक पास चले ॥ ४१ ॥

रघुराज प्रसन्न विराजतहैं । लखि कोटि दिवाकर लाजतहैं ॥  
 चहुँ पंथ विभीषणको परपैं । लखि प्रीति प्रतीति हिये हरपैं ४२  
 तोमर छंद ।

तहैं जाय लपण कपीश । कहि पाहि प्रभु जगदीश ॥  
 आये शरण हम नाथ । अपनाइये गहि हाथ ॥ ४३ ॥  
 सुनि वचन रघुकुलचंद । हँसि कही प्रभु सुखकंद ।  
 आवो शरण निरशंक ॥ लाये सुकर गहि अंक ॥ ४४ ॥  
 कपिराज लपण बहोरि । बोले दुहुँ कर जोरि ॥  
 महाराज सब गुणसिंधु । जनपाल आरत बंधु ॥ २५ ॥  
 आवत विभीषण एक । तिहि नाथ राखत टेक ॥  
 आये सु द्वै हम शर्ण ॥ अवलंबलै प्रभुचर्ण ॥ ४६ ॥  
 अब एकको कहकाज । सुनि हँसि कहो रघुराज ॥  
 वह शरण प्रथमहि आय । सोकहो क्यों तजि जाय ॥ ४७ ॥  
 तुम औ विभीषण दोउ । मेरे सरिस प्रिय होउ ॥  
 लावो बुलाय तुरंत । इमि कही श्रीसियकंत ॥ ४८ ॥  
 तब चले लपण कपीश । कहि जैति कौशलधीश ॥  
 आये विभीषण पास । मिलि भेटि हृदय हुलास ॥ ४९ ॥  
 गहि लपणके पदकंज । अति सुखद कोमलमंजु ॥  
 दुहुँ कर विभीषण जोरि । कीनो प्रणाम बहोरि ॥ ५० ॥  
 दीनो जु सुभगअशीश । हियहर्ष लपण कपीश ॥  
 रिपुबंधुको अनुराग । लखि कहत दुहुँ बड़भाग ॥ ५१ ॥  
 सादरसुलै तिन संग । बहुप्रीति उमंगत अंग ॥  
 आतुर चले कुलदीप । कौशल किशोर समीप ॥ ५२ ॥  
 पहुँचे तहां सुखकंद ॥ राजत जहां रघुचंद ॥  
 आनंद विभीषण धारि ॥ कीनो प्रणाम पुकारि ॥ ५३ ॥

चनाक्षरी कवित्त ।

• राजनके राजा महाराजा कौशिला किशोर रावरो प्रताप हे सदाही  
 दिन पंद्रमा ॥ हौं तौ हौं अभागीभोशरण आय बड़भागी नजरनकी

जिये कृपालु मम रंद्रमा ॥ रसिकविहारी अवलंब पद पंकजको  
लोक परलोककी न चाह जिय अंद्रमा ॥ कीजिये सनाथ हैं  
अनाथ रघुनाथ मोहिं पाहि पाहि पाहि रघुवंश वंश चंद्रमा ॥ ५४ ॥  
अधम अभागी अनुरागी हौं कुसंगतको जाति हौं निशाचरकुबंधु  
दशशीशको ॥ नाम है विभीषण विहाय सुत दारा गेह आयो हौं शरण  
अवलंब एक ईशको ॥ रसिकविहारी दीनबंधु अपनाय मोहिं कीजे  
खास दास अव लपण कपीशको ॥ नाथ गुण गैहौं निज लोचन  
सिरैहौं भेद देहौं सब मरम बतेहौं भुजवीशको ॥ ५५ ॥ श्रवण सुनी है  
गिरा दीन यों विभीषणकी भरे जल नैन अंग पुलक जनायो है ॥  
धीरज रहोना अति आतुर उठे कृपालु कृपा करि शीश करकंज  
परसायो है ॥ रसिकविहारी मृदु वचन सुनाय भलेजरत विभीषणको  
हृदय सिरायो है ॥ ताप अव कीने द्वार आनंद दियो है भूरि राम  
घनश्याम गहि अंकसे लगायो है ॥ ५६ ॥

दोहा—यों लगाय सादर हिये, बैठारे निज पास ॥

बूझो सब वृत्तांत सो, वरणो सहित डुलास ॥ ५७ ॥

सुनि ताही छिन सिंधु जल, अति उताल मैगवाय ॥

करि अभिपेक विभीषणै, थपो लंकको राय ॥ ५८ ॥

सोलखि भूमि अकाश चहुँ, छायो जेजेकार ॥

कहत सब को राम सौं, वीर दयालु उदार ॥ ५९ ॥

चौ०—ताछिन अति प्रमुदित कर जोरी ॥ बूझी कपिपति प्रभुहि निहेरी

लंकप किये विभीषण नाथा ॥ आवं जुपेशरण दशमाथा ६० ॥

तो प्रभु काहि लंकमधि राखें ॥ अरु लंकापति किहि को भापें ॥

सुनि बोले रघुवीर कृपाला ॥ सत्य उदार धर्म प्रणपाला ६१ ॥

निश्चरपति विभीषण कीना ॥ सकल राज्य लंका करदीना ॥

अव जो शरण दशानन आवे ॥ दीजे अवध राज सो पावे ६२ ॥

तव हरीश बोले पुनि नाथा ॥ हे नृप भरत कहा प्रभु हाथा ॥

सुनि रघुवीर कही सतवाता ॥ पे सुवर्म गत हे मम भ्राता ॥ ६३ ॥

भरत प्रतीत मोहिं दृढ़ जोई ॥ भाषों वंधु कर दृढ़ सोई ॥

सुनि प्रभु वचन सवाहि सुख माना ॥ कह जेजे कृपानिधाना ॥ ६४ ॥

इति श्री० रा० २० वि० यु० विभीषण शरणागत

वर्णनो नाम दितायोदिभागः ॥ २ ॥

चारीछंद ।

इमि करि विभीषणको तुरत अभिषेक श्रीरघुवीर ॥  
 पुनि कही उत्तरिय सिंधु किमि सो करहु मंत्र सुधीर ॥  
 तब ठनो सत्य विचार कीजे विनय सागर पाहिं ॥  
 सोई विचार बतावहीं जिमि सहज सब उतराहिं ॥ १ ॥  
 दृढ ठानि यह सरिनाथ तट रघुवीर दर्भ डसाय ॥  
 शिरनाय विनय सुनाय प्रण ठहराय बैठे आय ॥  
 सो लपण हिय न सुहाय पै कछु कहत भय वश नाहिं ॥

जिय चहत प्रभु रुचिपाय सोखों सिंधु छिन इक माहिं ॥ २ ॥

चौ०—इम सर्वज्ञ राम बलवाना ❀ सिंधु नीर बैठे प्रण ठाना ॥  
 ताछिन यातुधानपति दूता ❀ शारदूल लखि चमू अकूता ॥३॥  
 जाय विकल रावणाहि सुनायो ❀ प्रभुकपिकटक सिंधु तट छायो ॥  
 दशयोजन प्रमाण चहुँ फेरा ❀ परो राम दल करि बहु घेरा ॥४॥  
 साम दान भेदादि उपाई ❀ करियवेगि वर दूत पठाई ॥  
 न तरु समरहोइहि दृढ भारी ❀ प्रथम जतन याते सुखकारी ॥५॥  
 सुनि रावण शुक दूत बुलायो ❀ सिखै सुकंठ पास पठवायो ॥  
 कीशपाल मम बंधु समाना ❀ सो किमि वृथा समर प्रण ठाना ॥  
 हम हरि लई राजसुत दारा ❀ पै कछु नाहिं तुमार विगारा ॥  
 याते जिय विचारि कपिनाथा ❀ जाहु भवन लै निज दल साथ ॥  
 सो नभ मग कपिपति ढिग गयऊ ❀ अंतरिक्ष रहि बोलत भयऊ ॥  
 हे कपीश हौं तुव ढिग आयो ❀ लंकनाथ मो कहँ पठवायो ॥८॥  
 तब सुग्रीव कही कह बाता ❀ काह कहो दशमुख दुखदाता ॥  
 सुनि शुक सकल सँदेश सुनायो ❀ जो रावण तिहि सिखै पठायो ॥९॥  
 सुनि तिहि वचन अपर कपि धाये ❀ उछल पकरि नभते महि लाये ॥  
 ताडन करन लगे रिस धारी ❀ हनि तल मुष्टि सुपंख उखारी ॥१०॥  
 तब शुकदीनी राम दुहाई ❀ सुनि कृपालु तिहि दयो छुड़ाई ॥  
 भय वागे पुनि नभ पथ जाई ❀ वृद्धी कहौ प्रभुहि कह जाई ॥११॥  
 सुकंठ तिहि उत्तर दीना ❀ कहो जाय खल बुद्धि मलीना ॥

राम विरोध कुशल तव नाहीं ❀ लंकनशाय फेर हम जाहीं ॥१२॥  
 ताछिन वालितनय तिहि हेरी ❀ बोले वेगि गहो खल फेरी ॥  
 यह सँदेश मिपते इत आयो ❀ भेद लेन दशकंठ पठायो ॥१३॥  
 सुनतहि कीश कूदि गहि लाये ❀ पुनि तिहि ताडि पंखविनशायो ॥  
 तव शुक आस्त विकल पुकारो । सुनि मुख मूँदि बहुरितिहि मारो ॥१४॥  
 पुनि जिमि तिमि चर वचन उचारा । प्रभुहि सुनाय सुकीन पुकारा ॥  
 हे निश्चर अघ औगुणखानी ❀ सदा अनीति रीति बहु ठानी ॥१५॥  
 जनम मरन मधि पाप जुमेरे ❀ भये होय ते सकल घनेरे ॥  
 कृत राम आप द्रुत पावो ❀ जुपै वेगि नहि मोहि वचावो ॥१६॥  
 नि प्रभुवेगि कपिनको वरजो ❀ दूत अवध्य होत जनितरजो ॥  
 य रजाय न ताड़न कीना ❀ पै तिहि लंक जान नहि दीना ॥१७॥

हरिगीतिका छंद ।

इहि भांति श्रीरघुवीर सागर तीर दृढ़ प्रणधारिकै ॥  
 त्रेदिन विताये अशन पान विहीन धर्म विचारिकै ॥  
 जड़ सिंधु कछु नहि दीन उत्तर राम तव क्रोधित भये ॥  
 सोखौ समुद्रहि अवाहि यौकहि वेगि कर धनु शर लये ॥ १८ ॥  
 सजिवाण चापहि तान करि संधान जब बालन चयो ॥  
 भय पाय माणिगण लाय जलनिधि आय तव चरणन नयो ॥  
 कीनी विनय सुनि राम बोले कहौ इपु कित डारहूँ ॥  
 तव हेत धारो हे अमोच सुअव न याहि उतारहूँ ॥ १९ ॥  
 सुनि सिंधु भापी नाथ मोजल अमितह मरु देशमें  
 तहँके निवासी पातकी युहिं छुवत लहत कलेशमें ॥  
 याते अतुल यह वाणते वह नीर शोखन कीजिये ॥  
 प्रभुको रहै यश मोर दूरित नशाय सो चित दीजिये ॥ २० ॥  
 तव तीर सो रघुवीर ताजि मरु नीर सागर शोषिकै ॥  
 तिहि देश हित कलंगानियान जु दयो वर परितोषिकै ॥  
 पशु अल्परोग विशाल होवै शीर गम बहु छावही ॥  
 फल फट मूल अरु आपाधि नय अनि उपजावही ॥ २१ ॥

प्र० ॥ वा० ॥ यु० ॥ का० ॥ स० २२ ॥ श्लोक० ॥

उग्रदर्शनकर्माणो बहवस्तस्य दस्यवः ॥ आभीर प्रमुखः पापाः पिबन्ति  
सलिलं मम ॥ १ ॥ तैर्न तत्स्पर्शनं पापं सहेयं पापकर्मभिः ॥ अमो-  
घः क्रियतां राम अयं तत्र शरोत्तमः ॥ २ ॥ इत्यादि ॥

हरिगीतिका छंद

तव सिंधु प्रभुतापेपि बोलो नाथ करहुँ सहायहों ॥

नल कीश विरचहिं सेतु ईश प्रताप उपल तरायहों ॥

इमि भापि सविनय जलधि गमनो राम अति आनंद लहो ॥

अब वेग वारिधि बाँधि चलहु बुलाय नल नीलहि कहो ॥ २२ ॥

सुनि ईश आयसु वेगहीं कपि भालु चहुँदिशि धायकै ॥

बहु उपल तरु गिरि जाय भारी देन लागे लायकै ॥

सो लेहिं नल कर वाम डारत नीर दक्षिणते सजै ॥

सुत बुद्धि बल अरु चातुरी लखि विश्वकर्मा हिय लजै ॥ २३ ॥

दिन प्रथम योजन चार दश पुनि द्वितिय बीस सुधारिकै ॥

साजो त्रितिय इकबीस चौथे दोय विंश सँवारिकै ॥

पंचम रचो त्रयविंश सो दश वितत आयत सतवनो ॥

लखि सेतु अनुपम शोर भो तिहुँ लोक जैजैघनो ॥ २४ ॥

चौ०—सेतबंधु पूरणको शोरा ❀ जैजैकार मचो चहुँ ओरा ॥

सुनि कपि ऋच्छ जुतरु गिरिधारे ❀ जहाँ तहाँ अवचीचहि डारे २५

त्यौं इक गिरि हनुमंतहु डारा ❀ मधु दानवके देश मँझारा ॥

तिहि तजि चलन लगे बलवाना ❀ तबसो शैल निपट दुखमाना २६

कपिहि कही भूधर कर जोरी ❀ सब गिरि तें करणी लघु मारी

श्रीरघुवर पद रजनहिं परशौं ❀ ऐसे समे फेर छव दरशौं ॥ २७ ॥

यातें वीर कृपा उर लाई ❀ मोहिं देहु प्रभु निकट पठाई ॥

तव हनुमंत धीर तिहि दीनी ❀ वेगि आय गति विदित सुकीनी २८

सुनि रघुवर गिरि विनय सप्रेमा ❀ बोले होय तासु सब शेमा ॥

॥ उर धारे ❀ कुवर मनोरथ पूजहिं सारे ॥ २९ ॥

दोहा-झापर युग चटुवंश मधि, हो अष्टम अवतार ॥

नव अभिलाषा पूजिहै, तव सो गिरि करधार ॥ ३० ॥

सुनि प्रभु आज्ञा पवनसुत, वेगि शैल ढिग जाय ॥

कही लहो मुख सौ बहुरि, कपि आये हुलसाय ॥ ३१ ॥

भयो शोर चहुँ ओर अति, सागर बाँधो राम ॥

सुनि अविलोकन मुर असुर, धाये ताजि ताजि धाम ॥ ३२ ॥

हरिगीतिका छंद ।

सुनि उदधि बंधन कीशकृत दशशीश चित चकृत भयो ॥

तवहुँ न खल कछु भीति लायो रंचहू नहिं शिरनयो ॥

लखि सेतु रघुकुल केतु आनंद पाय वर वाणी कही ॥

इक रंचहु सदन विशाल इत हैं सविधिशिव थापौ सही ॥ ३३ ॥

सुनि राम आयसु कपिन वेगि विशाल शिव आलय करो ॥

पूजन प्रतिष्ठा हित यथोचित साज सजि सबही धरो ॥

पुनि ज्ञान गुणनिधि सुनिन राघव बोलि यों सविनय कही ॥

को वेद वर ज्ञाता प्रतिष्ठा सविधि सो ठानै सही ॥ ३४ ॥

पदरी छंद ।

सुनि कही ऋपिन हे जक्तर्दश ॥ हैं अखिल निगम ज्ञाता मुनीश ॥

पै तिहूलोक रावण समान । वर बुद्धि वेदविद है न आन ॥ ३५ ॥

तव कही राम निर्भय उताल । दशवदन पास चर जाय हाल ॥

सो है निशंक इत मुदित आय । वरसविधि शंभु थापन कराय ३६ ॥

सुनि राम वैन कह कपि प्रधान । नहिं उचित तासु आगम सुजान ॥

माया निधान खल यातुधान । पुनि भूप वीर अरु रिपु महान ३७ ॥

जो करहि आय मिलि नीच वात । तौ फेरि नहिं कछु वनहि वात ॥

पुनि एक और काजे विचार । सो मूढ़ मत्त मानी अपार ॥ ३८ ॥

प्रभु इत गये आवे न जोय । तौ वृथहि भान निज हानि होय ॥

चाते प्रधान ये ऋषय वृंद ॥ शिव थपहि सविधि प्रभु युत अनंद ३९ ॥

सुनि विहंसि कहे रघुवीर वैन । सब कही नीति पै शंक हैन ॥

हो कोउ सत्य वेदज्ञ जीन । विश्वासवात सो कर कर्मान ॥ ४० ॥





सुनि प्रभु आयसु मुदित है, गवनो कटक अपार ॥  
 दिवस तीनमें सकल दल, भयो सिंधुके पार ॥ २ ॥  
 छाये चहुँ दिशि भालु कपि, गहि तरु कुधर सचेत ।  
 रहे व्यूह रचि राम मधि, बंधु सुकंठ समेत ॥ ३ ॥  
 कहि तव रघुपति कपिपतिहि, दीनो शुकहि छुटाय ॥  
 अति उताल सो रावणहि, वरणी सब गति जाय ॥ ४ ॥  
 पुनि शुकभापी जोरि कर, समर किये भल नाहि ॥  
 सियहि दीजिये बंधु दुहुँ, सकल धाम फिरि जाहि ॥ ५ ॥  
 सुनि शुकवच दशमुख कुपित, कह तुहि कपि दुख दीन ॥  
 तिहि भय तव मति विकल अति, रिपु बल बहु गनि लीन ॥  
 ताहि निदरि इमि दशवदन, पुनि शुक सारन ओर ॥  
 तिनाहि बोलि आज्ञा दई, जाहु वेगि तिहि ठौर ॥ ७ ॥  
 बल विचार आचरन बुधि, अपर प्रबंध अनंत ॥  
 सकल भेद रिपुसैन दुरि, आवो निरखि तुरंत ॥ ८ ॥

चौ० सुनि शिरनाय चले शुकसारन ॥ दोऊ किये कीशवपु धारन ॥  
 आय राम दल मधि मिलि डोलें ॥ लखें सकल मिलि काहु न बोलें ॥  
 तिनाहि विभीषण लखि पहिचाने ॥ गहि रघुवीर पास दुहुँ आने ॥  
 सो सशंक नमि वचन सुनाये ॥ लंकनाथ प्रेरित हम आये ॥ १० ॥  
 किमि दल बल किहि विधिको कीशा ॥ लखहु रजाय दई दशशीशा ॥  
 सुनि रघुवर लंकेशहि भापी ॥ लावो सब दिखाय संग राखी ॥ ११ ॥  
 तब दुहुँ साथ विभीषण जाई ॥ लाये दल समस्त दर्शाई ॥  
 पुनि तिनके कर लपण प्रवीना ॥ रावण हेत पत्र लिखि दीना ॥ १२ ॥  
 छोटि दये चर समय सिधारे ॥ आय वेगि रावणाहि बुझारे ॥  
 कहि निज गति पत्री दूत दीनी ॥ बाम हाथ लंकापति लीनी ॥ १३ ॥  
 सो पत्री मंत्री कर दीनी ॥ वेगि सुनावो आयसु कीनी ॥  
 सचिव प्रवीन रजायसु पाई ॥ बौचन लागो प्रभुहि सुनाई ॥ १४ ॥

पनासर्ग कावित ।

स्वस्ति श्रीचतुर् दशवदन मुगारि योग पहुँचे लपण लंग जेथी  
 काशेलेशमी ॥ इत है कुशल दन मंगल चहो नो आय

देखे लख देहु सुता मिथिलेशकी ॥ रसिकविहारी अपराध सब  
 देखे लख देहि दीनी सीख पत्री या सुदेशकी ॥ न तरु कदंब-  
 सहित कुटुंब राजनाश तुव होत वात जात है हमेशकी ॥ १५ ॥  
 दोहा-सो सुनि रावण हंसि तुरत, लेखक निपुण बुलाय ॥  
 पत्र लिखावत लपण हित, उत्तर सुमति दिवाय ॥ १६ ॥  
 घनाक्षरी कवित्त ।

स्वस्ति वृज श्रीयुक्त तापस लपण योग लिपिकृत लंकनाथ जै  
 श्रीत्रिपुरारीकी ॥ मंगल सदाहै इत कुशल उतै है यही सदन सिधारो  
 निज आशा त्यागि नारीकी ॥ ताडका सुवाहु शंभुचाप औ जयंत  
 तरु वाली है न जानियो समान सिंधु वारीकी ॥ रसिकविहारी साम  
 दानको न काम कछू हिम्मत जुहो तो लखौ शूरता सुरारीकी ॥ १७ ॥  
 दोहा-लिखि उत्तर चरकर दयो, दयो सुलपणहि जाय ॥  
 पुनि आयो दशवदन ढिग, गमनो शीश नवाय ॥ १८ ॥  
 पुनि शुकसारन जोरि कर, कही नाथ कपिभूरि ॥  
 महाबली छिन एकमें, लंक मिलावैं धूरि ॥ १९ ॥  
 याते प्रभु दीजे सियहि, राम सदल गृह जाहि ॥  
 यातुधान कुल रहनकी, और उपाय जु नाहि ॥ २० ॥  
 सुनि रिसाय दशमुख तिनै, कहे विविध कटुवैन ॥  
 पुनि दुहुँलै प्रासाद मधि, गयो उच्च अति ऐन ॥ २१ ॥  
 तहँ ते लखि कपि भालु दल, शुकसारनहि बहोरि ॥  
 कही बतावो वेगि अव, सत्य शंक सब छोरि ॥ २२ ॥  
 तव उठाय सारन भुजा, करि अंगुलि निरदेश ॥  
 सकल बतावे रावणहि, कहि बुधि बल दल वेस ॥ २३ ॥  
 ताही विधि कपि भालुको, कुल थल बल गुण रूप ॥  
 कहो यथार्थ शुक सकल, सुनो निशाचर भूप ॥ २४ ॥  
 पुनि शुक भापी नाथहों, कहँ लग करों बखान ॥  
 अमित राम दल मुख्य पै, कटु संख्या इमि जान ॥ २५ ॥

शत सहस्रके शतकको, कोटि कहै सबकोय ॥  
 कोटि सहस्रके शतकको, शंकुनाम है सोय ॥ २६ ॥  
 सहस्र शंकुके शतकको, महा शंकुहै जान ॥  
 महाशंकुके सहस्रको, शतक वृंद पहिचान ॥ २७ ॥  
 वृंद सहस्रके शतकको, महावृंद कहिजात ॥  
 महावृंदके सहस्रको, शतक पद्म ठहरात ॥ २८ ॥  
 पद्मसहस्रके शतकको, महापद्म कह जात ॥  
 महापद्मके सहस्रको, शतक खर्व है ख्यात ॥ २९ ॥  
 सहस्र खर्वके शतकको, कह समुद्र मतिधाम ॥  
 शतक समुद्र सहस्रजो, है महोव तिहि नाम ॥ ३० ॥  
 इमि संख्या मय भालु कपि, रहै यूथपन पाहिं ॥  
 ते यूथप दल मध्य वर, पद्मअष्टदशआहिं ॥ ३१ ॥  
 ते सब वली समर्थ इमि, एकहि जीति लंक ॥  
 इनते अपर अपार सो, ममर उतंक निशंक ॥ ३२ ॥

श्री० सुनत कोयकारि दशमुख भापी । दुहुँ खल नेक शंक नहिं गखी ॥  
 मो सन्मुख किय शत्रुवडाई ॥ हो दग ओट वदन मसिलाई ३३ ॥  
 सुनत दुहुँ गवने शिरनाई ॥ भापी बहुरि निशाचर गई ॥  
 वेगि महोदर भेजहुदना ॥ गिपुदल बल करि आवहिं कना ३४ ॥  
 अशन मन किमि कये कगंही ॥ गम निकटको सुभट गहांही ॥  
 ते दलमधि किहिके सुत नाती ॥ पुनिकह होत मंत्र दिनगती ३५ ॥  
 सुनत महोदर दूत बुलाये ॥ शारदूल आदिक दूत आये ॥  
 पठये तिन दशवदन गुहाई ॥ चले वेगि सो रूप दुगई ॥ ३६ ॥  
 दलमधि आय भेद सब लीना ॥ ताछिन तिनाहिं विभीषन चीना ॥  
 गहिताछे सो बहु बिलपाये ॥ सुनि गुरुनायक वेगि बुझाये ॥ ३७ ॥  
 ते चर दूत रावण दिग आई ॥ गति नमस्न निज नभय सुनाई ॥  
 शारदूल पुनि कह कर जोगी ॥ नाथ गम सेना नहिं धोगी ॥ ३८ ॥  
 गरुडव्यूह गंच भट नमुदाई ॥ नदे सुबेलकुश दिग छाई ॥  
 श्री फलिशारदूल मति माना ॥ इन्द्र कथित नमस्न दनाना ३९ ॥

पुनिदशमुखहिदूत नभिभापी ❀ सियदै लीजिय लंकहि राख  
 रावण सुनत क्रोध बहुकीना ❀ शारदूल लखि मारगलीना ॥ ४१ ॥  
 तबदशमुखकछु करिदुचिताई ❀ कियो मंत्र मंत्रीन बुला  
 ठनिविचार पुनिभवन सिधायो ❀ विज्जु जीभ निश्वर तहँ आयो

दोहा—ताहि कही दशमुख झटितं, सीतहि भीति दिखाव ॥

मायामय रघुनाथको, शिर धनु शर रचिलाव ॥ ४२ ॥

वेगि यथारथ विरचि सो, लायो लखि दशशीश ॥

भयो मुदित भूषण विशद, ताहि दियो बकसीस ॥ ४३ ॥

बहुरि दशानन जायकै, मृषा सियहि भय दीन ॥

कही प्रहस्त सुराम को, रैनसैन वध कीन ॥ ४४ ॥

यौं दशमुख कहि वेगही, विद्युर्जीभ बुलवाय ॥

धनु शर शिर माया रचित, सिय ढिग दियो धराय ॥ ४५ ॥

सो लखि सीता विकल है, भूमि गिरी सुरझाय ॥

रुदन करन लागी महा, लै शिर करि करि हाय ॥ ४६ ॥

तब बोलो दशमाथ अव, वृथा करौ जनि सोच ॥

होहुनारि मम जानकी, मुदित रहौ दुख मोच ॥ ४७ ॥

यौं सीतहि दिखराय भय, भवन गयो भुजवीस ॥

भयो गुप्त ताही समै, सो धनु शर अरु शीश ॥ ४८ ॥

चकित भई सिय सुगति लखि, हिय नहिं धीर धरात ॥

सरमा कही बुझाय बहु, यह खल माया वात ॥ ४९ ॥

यौं कहि सरमा गुप्त है, लंकहि जाय उताल ॥

लखि आई पुनि सीय प्रति, मुदित कही सत्र हाल ॥ ५० ॥

सुनि हिय हरषी मैथिली, सखिहि मिली भरि अंक ॥

सदल कुशल दुहुँ राजसुत, जानि भई निश्चंक ॥ ५१ ॥

इति श्री० ग० र० वि० पु० गवण्डन

नैपगो नाम चतुर्थोविभागः ॥ ४ ॥

दोहा-सीताहि भय दिखराय जब, दशमुख आयो धाम ॥  
 सुनो शोर चहुँ ओर तब, कहत कीश जै राम ॥ १ ॥  
 गुणि रिपु दल बल प्रबलता, सबही बेगि बुलाय ॥  
 सभासदन जोरी सभा, कही कहौ ठहराय ॥ २ ॥

काव्यछंद ।

माल्यवान वर वैन तवै रावणाहि सुनाये  
 अशकुन तबते होत नाथ जबते सिय लाये ॥  
 खर बोलत बहु क्रूर मेघ शोणित वरसावै ।  
 बाहन दृग जल ढरत व्योम मंडल रज छावै ॥ ३ ॥  
 मांस अहारी जीव मृत्यु दुखकारि घनेरे ।  
 झुरि घर पुर वन बाग घोर बोलैं चहुँ फेरे ॥  
 श्याम रूप तिय हँसहिं स्वप्न मधि कराहिं अहारा ।  
 पुनि दरशावैं भीति कहै कटु वचन अपारा ॥ ४ ॥  
 परसत नाहिं बलिभाग कागतिहि श्वान भखावैं ।  
 मृग पक्षी नित रोय अशुभ रव घोर मचावैं ॥  
 भवनन माहिं कपोत लवा सारिखा जुधावैं ॥  
 पुनि ये बहु तृण लाय तहाँ निज सदन बनावैं ॥ ५ ॥  
 तेइ परस्पर ग्रथित होय महि गिरैं सुबुद्धत ।  
 दिन उलूक निशि काग विपम बोलैं रव उद्धत ॥  
 रुदन करें मंजार श्वान दिन रौने सदाहीं ॥  
 स्वप्नमाहिं नर नारिहँसैं अरु नृत्य कराहीं ॥ ६ ॥  
 मैथुन कर खर धेनु नकुल संग मृपक ठानै ।  
 श्वान साथ मंजार श्वान शूकर राति आनै ॥  
 किन्नर निश्चर संग फेरि नर नरन बिहारैं ॥  
 नर नारि न इमि जीव विपम संभोगहि कारैं ॥ ७ ॥  
 सदन सदन प्राति सौझ समै इक पुरुष कराला ॥  
 मुंडित श्याम कुरूप लखै सबही नित हाला ॥  
 इते अपर बहु अशुभ चिह्न लंकामधि भासैं ॥  
 याते सीताहि देहु नतरु निश्चर सब नासैं ॥ ८ ॥

सुनि रावण करि क्रोध निदरि तिहि कछु कटु भापी ॥

तव मंत्री कहि जैति गयो निज गृह मन मापी ॥

सभहि विदादै वेगि मुख्य सचिवन लै राजा ॥

दीनी रहसि रजाय जाय चहुँ सुभट समाजा ॥ ९ ॥

दोहा—करि विचार तव लंकपाति, सचिवहि कही बुझाय ॥

यथा योग इमि द्वार मधि, चमू युद्ध हित जाय ॥ १० ॥

महापार्श्व बहु सैन लै, सहित महोदरवीर ॥

गहँ सुदक्षिण द्वार दृढ़, युद्ध करै रणवीर ॥ ११ ॥

पश्चिम द्वार अनीकलै, मेघनाद बलवान ॥

होय समर अवरुद्ध सो, साजि शस्त्र तनु त्रान ॥ १२ ॥

सेनापती प्रहस्तवर, पूरव द्वारहि जाय ॥

युत अभंग चतुरंग दल, करै युद्ध हरपाय ॥ १३ ॥

शुक सारन बलवन्त वर, संयुत सुभट अपार ॥

ठानै दृढ़ संग्राम द्रुत, जाय सु उत्तर द्वार ॥ १४ ॥

वही द्वार उत्तर गहँ, अपर सुभट समुदाय ॥

होतितही रघुवीर सों, संयुग करिहों जाय ॥ १५ ॥

विरूपाक्ष बहु वीर युत, मध्यरहै मति श्रेय ॥

द्वार द्वार प्रति सुरति लै, सबहि सहाय सुदेय ॥ १६ ॥

इहि विधि लंकापति उतै, थपे वीर चहुँ द्वार ।

इतै विभीषण राम सों, बोले वचन विचार ॥ १७ ॥

नाथ आज मम सचिव बहु, लाये लंक हवाल ॥

चहुँ द्वार मधि सुभट दल, थपो विकट दशभाल ॥ १८ ॥

सुनि रघुवीर सुमंत्र करि, दई रजाय सुहाल ॥

यथा योग कपि ऋच्छ चहुँ, घेरौ लंक उताल ॥ १९ ॥

रहँ चमूपति नील नल, सदल सु पूरव द्वार ॥

दक्षिण द्वार अनीक युत, रुद्धै वालिकुमार ॥ २० ॥

हनूमान कपि सैन लै, घेरै पच्छिम द्वार ॥

ऋच्छराज बहु सुभट युत, रहँ मध्य रखवार ॥ २१ ॥

हम संबंधु सुग्रीव अरु, लंकापति बलधाम ॥  
 उत्तर द्वार अनीकलै, करि हैं दृढ़ संग्राम ॥ २२ ॥  
 इहि विधि दोऊ दल रूपे, यथा कथित चहुँ ओर ॥  
 जै रावण जैराम रव, छाव रहो बहु शोर ॥ २३ ॥  
 सुनि दशमुख निकशं अति, उच्च धाम चढि जाय ॥  
 लखो राम दल अमित पै, कछु न तिहिके भाय ॥ २४ ॥  
 तहैं बैठो दरवार करि, नृत्यगान बहु होय ॥  
 रावण युत मंदोदरी, मुदित पानवश जोय ॥ २५ ॥  
 इत सुबेल गिरि राम चढि, लखो लंक अभिराम ॥  
 चहुँ दिवाकरसे दिपत, कंचन मय बहु धाम ॥ २६ ॥  
 पुनि विलोकि दक्षिण दिशा, घन दामिनि अभिराम ॥  
 चकित विभीषण प्रति कहै, मधुर वचन श्रीराम ॥ २७ ॥  
 इत हेरो लंकेश किमि, दामिनि दमकत आज ॥  
 उठे अनूपम जलद अरु, गरजत मधुर गराज ॥ २८ ॥  
 सुनत विभीषण जोरि कर, बोले वचन विशाल ॥  
 मेव न चपला नाथ वह, तिय युत है दशभाल ॥ २९ ॥  
 छत्र मेघ सम लखि पर, दामिनि तिय ताटक ॥  
 गरज मृदंग अवाज सो, रावण सभा उतंक ॥ ३० ॥  
 सुनि रघुवीर संधानि शर, छाँडो सहज सुभाय ॥  
 भूपण छत्र किरीट सो, इपुडारे महि जाय ॥ ३१ ॥  
 भूपणादिके भंगको, भेद न जानो कोइ ॥  
 सकल सभा रावण सतिय, चकित रहे चहुँ जोइ ॥ ३२ ॥  
 सोचत सय अशकुन भयो, ताहि निदरि दशमाय ॥  
 गयो सन मंदिर विहंसि, ल मंदोदरिसाथ ३३ ॥  
 रहसिपाय मंदोदरी, समुझायो बहु भाँति ॥  
 कही सपदि सिय देहु पिय, नातर लंक नशाति ॥ ३४ ॥  
 सुनि दशमुख वर नारिको, निजबल तेजसुनाय ॥  
 कही प्रिया जानि भीति करु, नर वानर कह आय ॥ ३५ ॥  
 इमि वृद्धाय बहु मुदित मन, रहो सकल निशि धाम ॥  
 अशन पान मुख नन करि, लहो सनियविश्राम ३६ ॥

इति श्री० रा० १० वि० ३० दशपावनर्णने नाम चत्वारिंशोऽध्यायः ॥ ५ ॥



दोहा—पुनि प्रभात नितकृत्य करि, दशमुख बैठोजाय ॥  
 विशद उच्च प्रासाद वर, जुरे सभासद आय ॥ १ ॥  
 इत सुबेलगिरिते लखो, कपिपति निश्चरराय ॥  
 ह्वै सकोप तहँते उछलि, परे सभाविव आय ॥ २ ॥  
 गिरि समान सुग्रीव वपु, औचक लखि सब कोय ॥  
 यातुधान रावण झझकि, उठे चकित चितहोय ॥ ३ ॥  
 पुनि विलोकि कपि जानिकै, बैठे सवै सशंक ॥  
 ह्वै सकोप दशवदन तव, बोले निपट निशंक ॥ ४ ॥

तोमर छंद ।

रेकीश तू कहु कौन । कीनो इहाँ किमि गौन ॥  
 ठाढो कहा चुप होय । कहु विनय वेगि जुहोय ॥ ५ ॥  
 सुनिकै सकोप सुकंठ । भापी सपदि सुनशंठ ॥  
 तूअजहुँ मोहिं न जान । कस जानि होत अजान ॥ ६ ॥  
 लीनो सखा प्रभुमान । हौंदास निज दिशि जान ॥  
 सुग्रीव नाम कपीश । तुवकालमँ भुजवीस ॥ ७ ॥  
 श्रीराम त्रिभुवन ईश । तिन सामुहे दशशीश ॥  
 बैठो सिंहासन आनि । राखी न तू कछुकानि ॥ ८ ॥  
 यौं कहि सुकंठ उताल । करि कीशकेलिसुहाल ॥  
 दशवदन मुकुट उतारि । दीने महीतलडारि ॥ ९ ॥  
 पुनि उछलि वेगि कपीश । गहि दशहु दशमुख शीश ॥  
 करकेश धरि झकझोरि । हुतकूदि खडे बहोरि ॥ १० ॥  
 दश वदन लखि रिसलाय । कपिपतिहि पकरिभ्रमाय ॥  
 पटको महीतलमार्हि । तिनभयो कछु श्रम नार्हि ॥ ११ ॥  
 भूपरतही बलवान । कपि उछलि कंदुक मान ॥  
 भरि वेगि दशमुख अंग । महिडारि दीन निशंक ॥ १२ ॥  
 पुनि उठि भिरो दशशीश । भरि क्रोध निश्चर कीश ॥  
 भे मल्लयुद्ध निरुद्ध । दोऊ सरिसबल उद्ध ॥ १३ ॥  
 दुहुँ करत दाँव अनेक । जीतन चहत इक एक ॥  
 कोऊ न मानत हार । बहु लरत भिरत प्रचार ॥ १४ ॥

दुहुँ भिरहिं भुज भुज मेलि । दुहुँलेत दुहुँन सकेलि ॥  
 दुहुँ दपटि रपटत धाय । दुहुँ छपटि पुनि छुटकाय ॥ १५ ॥  
 दुहुँ देत झपक सुझांकि । खाली करत दुहुँताकि ॥  
 दुहुँ वगलहै कटिजात । दुहुँ भिरत पुनि विलगात ॥ १६ ॥  
 दुहुँ कढत दक्षिण वारें । पुनि करत निज निज दाउँ ॥  
 तल चरण मुष्टि प्रहार । दुहुँ करत दुहुँन प्रचार ॥ १७ ॥  
 दुहुँ जानु बीच दवाय । मर्दत भुजान रिसाय ॥  
 माहे लगत काहु न पीठ । दुहुँ मल्ल शिक्षित ढीठ ॥ १८ ॥  
 दुहुँ गिरत उठत बहोरि । गहि भिरत अंगन मोरि ॥  
 दुहुँ चलत वक्र सुचाल । पुनि देत झपट उताल ॥ १९ ॥  
 दुहुँ भरत मंडल मंडि । इक एक पदगति बाँडि ॥  
 धरि चक्र सरिस भ्रमात । रंचहु न कोउ श्रमात ॥ २० ॥  
 गहि एक एकहि रेलि । शिर शिरहि भरत पेलि ॥  
 कटि गहत धरत सुकंद । भुजकंठ करत निबंध ॥ २१ ॥  
 दुहुँचरण दुहुँ उरझाय । चाहत सुदेहुँ गिराय ॥  
 पुनि वचत काटत दाव । लखिघात देत भुलाव ॥ २२ ॥  
 इक एक डारत भूमि । चढि पीठ मर्दहिंहुमि ॥  
 पुनि उछलि बलकरि झूमि । दै चक्र ठेलत धूमि ॥ २३ ॥  
 नभ ओर उछलत कीश । गहि पद पटक दशशीश ॥  
 लंगूर माहि लपेटि । कपि तिहि पछार समेटि ॥ २४ ॥  
 जे मल्ल युद्ध वखान । वत्तीस दाँव प्रमान ॥  
 गत प्रत्यगत वह सर्व । दुहुँ वीर करत सगर्व ॥ २५ ॥  
 दुहुँ अंग स्वेद प्रवाह । तनु धूसरित रज माह ॥  
 दुहुँ गात रुधिर वहात । नहिं श्वास उदर समात ॥ २६ ॥  
 प थकत जकत न कोय । सब चकित दुहुँ बल जोय ॥  
 कपिराज निश्वरराज । दुहुँ तेज गुण सम साज ॥ २७ ॥  
 दुहुँ भिरे जात अकाश । मदि परत पुनि दुहुँ आस ॥  
 दुहुँ गिरत परिवर्द्धि माहि । तितहुँ नकोप लगहि ॥ २८ ॥  
 पुनि दोउ उछलत आय । गोपुर सुयुद्ध कगाय ॥

इमि दंड द्वै दुहुँ वीर । किय मल्ल युद्ध सुधीर ॥ २९ ॥

कीने अनेकन दाव । जे चारि करन कहाव ॥

पै कोउ नाहिँ हरात । छिन छिन दुहुँ अधिकात ॥ ३० ॥

प्र० ॥ वा० ॥ यु० ॥ का० ॥ स० ४० ॥ श्लो० ।

मंडलानि विचित्राणि स्थानानि विविधानि च ॥ गोमूत्रिकाणि  
चित्राणि गतप्रत्यागतानि च ॥ १ ॥ तिरश्चीनगतान्येव तथा वक्र-  
गतानि च ॥ परिमोक्षं प्रहाराणां वर्जनं परिधावनम् ॥ २ ॥ अभिद्रवण  
माप्लावमवस्थानं सविग्रहम् ॥ परावृत्तमपावृत्तमपद्रुतमवप्लुतम् ॥ ३ ॥  
उपन्यस्तमपन्यस्तं युद्धमार्गविशारदौ ॥ तौ प्रचेरतुरन्योन्यं वान-  
रेन्द्रश्च रावणः ॥ ४ ॥

पुनः ॥ अन्यत्रापि ॥ भरतोक्तानि ॥

एकपादप्रचारेण चारिसंज्ञं तु मंडलम् ॥ द्विपादक्रमणं यत्र करणा-  
ख्यं तु मंडलम् ॥ ५ ॥ करणानां समायोगात्खंडमंडलमीरितम् ॥ खंडं  
स्त्रिभिश्चतुर्भिर्वा महामंडलमीरितम् ॥ ६ ॥ वैष्णवं समपादं च  
वैशाखं मंडलं तथा ॥ प्रत्यालीढमनालीढं स्थानान्येतानि पण-  
नृणाम् ॥ ७ ॥ इत्यादि ॥

तौमर छंद ।

दश वदन तव हिय ठान । माया करन अनुमान ॥

जानी सुगनि सुग्रीव । गो उछलिं नभ बलसीव ॥ ३१ ॥

रघुवीर ढिग द्रुत आय । भेटे अनंद अचाय ॥

वरणो समस्त सुहाल ॥ सुनि चकितभे कपि भाल ॥ ३२ ॥

दोहा—हिये लगाय सुकंठसो, कही नेहयुत राम ॥

याँ अकेल कोऊ सखा, जात शत्रुके धाम ॥ ३३ ॥

सुनि सुकंठ बोले कृपा, तुव जिहि पै दृढ होय ॥

ताको तीनहुँ लोकमें, करि न सकै कछु कोय ॥ ३४ ॥

सुनि सबही जैजै कही, छायो परमानंद ॥

उत दशमुख सुग्रीव बल, वर्णत मुदित सुछंद ॥ ३५ ॥

इति श्री० रा० २० वि० यु० रावण सुग्रीव

महयुद्धवर्णनो नाम पष्ठोविभागः ॥ ६ ॥

सो०—लखि कपीश बल भूरि, सकल सराहत अमित विधि ॥

सब हिय आनंद पूरि, रामविजय सूचित भई ॥ १ ॥

चौ०—ताछिन कही लपणप्रति रामा ॥ होइहि बंधु विकट संग्रामा ॥

विग्रह लक्षण बहु दरशावैं ॥ इनके फल अति शीघ्र जनावैं ॥ २ ॥

घोर पवन चलि रज चहुँ छावैं ॥ सहजहि नग तरु महि थहरावैं ॥

गिरि घहरात लाखिय दिन तारा ॥ विन घन गर्जन होत अपारा ॥ ३ ॥

धूसर मेव घोष कर भारी ॥ चंद्र चंद्रिका बहु तपकारी ॥

सांझ प्रभात अधिक अरुणाई ॥ नभ संध्या दारुण दरशाई ॥ ४ ॥

रविते अनल झरे दुहुँ वेरा ॥ श्याम रक्त शशि मंडल घेरा ॥

उदै होत नित केतु अनेका ॥ कूर विशाल एक ते एका ॥ ५ ॥

चहुँ याम दिन दुर्दिन होई ॥ निशि मलीन शशि उडगण सोई ॥

रवि परिवेष लखिय लघुलाला ॥ पुनि तिहि मंडल श्याम कराला ॥ ६ ॥

तप्त नीर वरपा कटु होई ॥ शोणितबुंद सहित पुनि सोई ॥

भरे अयोग प्रसव बहु ठामा ॥ अपर अकर्म अमित वसु यामा ॥ ७ ॥

वज्रपात वर्षा विन होई ॥ काक गृध्र युद्धत महि दोई ॥

इते अपर बहु अशुभ जनावैं ॥ रुंड मुंड धरणी चहुँ छावैं ॥ ८ ॥

दोहा—याँकहि उत्तरि सुबेल ते, दल युत रघुकुलदीप ॥

गिरि गहि उत्तर द्वारको, छाये लंक समीप ॥ ९ ॥

यूथप छत्तिस कोटि युत, पूरव कथित प्रमाण ॥

बेरी लंक सुभालु कपि, अपर अमित बलवान ॥ १० ॥

काहू तनु दशनाग बल, काहू शत गज मान ॥

काहू सहस मतंग सम, काहू लक्ष प्रमाण ॥ ११ ॥

हनुमत कपिपति वालिसुत, नीलादिक रिछराय ॥

अपर मुख्य बहु भालु कपि, तिनवल अतुल सदाय ॥ १२ ॥

यथा बली कपि भालु तिमि, यातुधान बलवान ॥

अगणित भट दुहुँ कटक मधि, कोकारिसकै बखान ॥ १३ ॥

दुहुँ ओर भट दल रूपे, घोर शोर चहुँ होय ॥

निज निज प्रभु आज्ञा चहत, घोर घोर सब कोय ॥ १४ ॥

तव रघुवर दृढ मंत्र करि, अंगदको समुझाय ॥  
 पठ्यो रावण पास द्रुत, राजनीति ठहराय ॥ १५ ॥  
 अंगद प्रभुपद नाय शिर, आये लंक मझार ॥  
 प्रविशतही भेटो तिनै, इक दशवदन कुमार ॥ १६ ॥  
 दुहुँ वृझी दुहुँ बंक दुहुँ, बोले दुहुँ उत्तंक ॥  
 तिहि अंगद पद गहि पटक, वध कीनो निशंक ॥ १७ ॥  
 बालितनय रावण निकट, पहुँचे जाय उताल ॥  
 निर्भय निपट विलोकि हँसि, वृझत भो दशभाल ॥ १८ ॥  
 यनाक्षरी कवित्त ।

कोहै कपि दूत काको रामको सुराम कौन सोई तव भगिनीकी  
 नासिका जु काटीहै ॥ आयो कहाँ तेरेपास काहे शिपदेन काह होस  
 कर क्यों तू दुरबुद्धि उदघाटीहै ॥ कीनोका सियाको हरी होका नाश  
 कोकरें जुचौदहसहस्र चमू छिंद छिंद छाटीहै ॥ रसिकविहारी यौनिशंक  
 बैन अंगदके सुनि यातुधान मति सकल उचाटी है ॥ १९ ॥ सभासद  
 बोले सुनि बोलैना विचारि कपि आयो किहि काज ह्यां फिरैया  
 मंदरनको ॥ तू है पशुकीश कहा जानै नृप नीति रीति तापै वनवासी  
 औ निवासी कंदरनको ॥ रसिकविहारी यश जाहर त्रिलोक जाको  
 जाकी भीति भागै देव भौन अंदरनको ॥ निश्चराधिराज महाराजको  
 समाज देख यह दरबार है न ऋच्छ वंदरनको ॥ २० ॥ सुनिकै उत्तंक  
 बैन अंगद निशंक बोले सब मति बंक रंक मोहिं दरशावै है ॥ लोलुप  
 लबार चोर निपट कठोर घोर कायर कलंकी सदा कुयशी कहावै है ॥  
 बीस बीस पाये श्रौन नैन पै वधिर अंध ऐसो महापातकी जो प्रगट  
 लखावै है ॥ रसिकविहारी ताहि भापौ महाराज वृथा सकल निलन  
 काहू लाज नहिं आवै है ॥ २१ ॥ धिग वह वीरता बड़ाई चतुराई धिग  
 धिग प्रभुताई जहँ लेश है न लाजको ॥ रसिकविहारी जो न भापै सत्य  
 ताको धिग होत है अनीति तहां धिग सब काजको ॥ धिग बल रूप  
 कुल विभव सुविद्या धिग सुयश दराज धिग राज धिग साजको ॥  
 परतिय चोरी सदा करहि ठगोरी जोरी धिगहै समाज धिग  
 ऐसे महाराजको ॥ २२ ॥

दोहा-सुनि अंगदके वचन तब, दशमुख बहु, रिस आन ॥  
 कही प्रवंगम मूढ़ तू, मो प्रताप नहि जान ॥ २३ ॥  
 मो सन्मुख रवि तेजहू, होत सदा अतिमंद ॥  
 चंद्रहास असि भीति वश, स्वत सुधा नित चंद ॥ २४ ॥  
 लोकपाल दिगपाल अरु, देवपाल नरपाल ॥  
 नाम सुनत दशभालको, सबही होत विहाल ॥ २५ ॥  
 यातुधान पतिके वचन, भरे भूरि अभिमान ॥  
 सुनि बोले तिहि निदरिके, वालितनय बलवान ॥ २६ ॥

धनाक्षरी-कवित्त ।

जौलौं दशशीश भुजवीश ना नशाय तौलौं चार दिन औरहू  
 अनंद उर धरिले ॥ येरे मतिमंद निज वीरता बढ़ाय झूठी सकल  
 वृथाहीं अभिमान हीय धरिले ॥ रसिकविहारी तोहि जानत जहान  
 जैसो होवै जो लवारी तिने फेरिहू उचरिले ॥ और तौ न कोऊ तोकों  
 नेकहू सराहै याते आपनी बड़ाई तू घनेरी आप करिले ॥ २७ ॥ बोले  
 पुनि अंगद अरे मलीन मंदमति भयो मतवारो तोहि रंचहू न चेतहू ॥  
 कायर कलंकी निशिचारी अनाचरी चोर देव दुखकारी दुष्ट पातक  
 निकेत है ॥ सीख या हमारी तू सुरारी शुभकारी मान रसिकविहारी  
 होय भारी तुव हेतहू ॥ त्यागि अभिमान सिय लैकै अगवान गहु  
 रामपदवान क्यों वृथाही प्राण देत है ॥ २८ ॥

सो०-सुनि अंगदके वैन, कही दशानन क्रोध युत ॥

रे खल मोन रहै न, मोहि सिखावत मंदमति ॥ २९ ॥

राज काज बहु युद्ध, किये करें पुनि करहुँगो ॥

बुधि विद्या बल उद्ध, मोसमान को और कहु ॥ ३० ॥

तब युवराज प्रवीन, हँसि भापी निश्शंक तिहि ॥

रे निश्चर मतिदीन, तोते हो शुभकाज कह ॥ ३१ ॥

सर्वया कवित्त ।

दोहा कियो सब वेद प तू हौं सुनी तु सब बद्धात अलीका ॥  
 लीका नहीं बुधिमननमें तुव द्रोही भयो निहूँ लोकपनीका ॥



तोटकछंद ।

सुनिकै दशकंधर क्रोध कियो । कपि बैन सिखी करि दग्ध हियो ॥  
 द्रुत अंगद सां झहराय कही । शठ तू निज प्राण चहै कि नहीं ॥४१॥  
 कहु कीश कहा तुव नामकहै । किहिको सुत तू किहि ठौर रहै ॥  
 चतरात निशंक उत्तंक यहाँ ॥ खल रंक भयो मतिबंक महाँ ॥ ४२ ॥  
 तब वालितनयहँसि बैन कहे ॥ तुव बीसहु लोचन जातरहे ॥  
 गृहि रंचकहू नहिं मृझहिरे ॥ तिहि ते सुन मोहिं जु बूझहिरे ॥४३॥

धनाक्षरी कवित्त ।

अंगद है नाम मेरो धाम किंपकिंधामाहीं नीकी भांति जानै  
 यातुधान तू कपीशको ॥ वाली बलसीम भीम ताहीको सुवन जान  
 आयो हौं मथन तेरे बल भुजबीसको ॥ तोहिं विनशैया तुव सेनको  
 नशैया इहि लंक दजैया उखैया दशशीशको ॥ देव दुखद्वारी  
 दुष्ट दलके सँहारी वीर रसिकविहारी हौं सुदास जगदीशको ॥ ४४ ॥

मो०—सुनि भापी दशशीश, रे कपि तुहि जानो अबै ॥

तू अजान शिशु कीश, मुहि जानत हो तव पिता ॥ ४५ ॥

धनाक्षरी—कवित्त ।

देव आँ अदेव शीश मेरीही रजाय एक देखि भुजबीश यमराजहू  
 जकत है । बापुगे सुकंठ कपि रीछलै लखन आयो देखी कालि बन्दर  
 सो कंदर तकत है ॥ ये कीश कोहै और मोविन त्रिलोक ईश जाको  
 तेज निगखि सुरेशहू सकत है ॥ रसिकविहारी कहा मानुष विचारे  
 दीन मानहो लवार बार बार क्यों वकत है ॥ ४६ ॥

मो०—इमि कहि पुनि दशशीश, कह कपीश सुन तोहिं थिग ॥

अब न बोल कछुकीश, गति जानो तुव ईशयुत ॥ ४७ ॥

धनाक्षरी कवित्त ।

येरे कपि मूढ क्यों बखानत बडाई बहु जाहिर जहान माँहिं जे नो  
 हाल सागे है ॥ रसिकविहारी तू बही है जो पिताको नेक बदलो न  
 लोनो आँ सुकंठ साथ धारो है ॥ है सुकंठ सो जो वालि डगने भगो  
 है वालि मोई जाहि गम एक बाणहो ने मागे है ॥ मोई गम जाको  
 देखि निपट निकाम बंधु धामके समेत बाप धामने निकाने है ४८॥



तीकारहै मद पी नित लोलुप है यह धर्म न वीर गुनीका ॥  
नीका करै कह काम निलज्ज तू भ्रात कहावत है नकटीका ॥ ३२ ॥

तोटक छंद ।

सुनिकै दशकंठ रिसाय कही । शठ हौं बहुती कटु बात सही ॥  
खल तो शिर पै ध्रुव बीच नचै । भगुकीश न तौ अब प्राण बचै ॥ ३३ ॥  
इत बैठ घनी बकवादकरी । रजनीचर कोउ न हीय धरी ॥  
यह तो रसना जुउतंक चलै । गहिभंजहि आय निशंकमलै ॥ ३४ ॥  
सुनिकै तब अंगद रोपदेह । भुकुटी करि बंक निशंककहे ॥  
जुपहो बहु बात बकै खलयौ । तन हो प्रगटै सुनहीं बल क्यों ॥ ३५ ॥  
जुभिरै मुहिते प्रण सत्य धरौ । द्रुतही दशकंठ विकंठ करौ ॥  
तव पुत्र कलत्र जुभ्रातसबै । सहसैन लखात सँहात अबै ॥ ३६ ॥  
इमि वालितनय कहि रावनसों । वरणी पुनि बात सिखावनसों ॥  
सुन निश्चरनाथ कहौ हितसों । ध्रुवमान हिये गुनिकै चितसों ॥ ३७ ॥

धनाक्षरी कवित ।

बुद्धि ते विचार निरधार दोऊ सारासार स्वबल निहार कै सम्हार  
फेर रार करु ॥ येरे दशशीश बेगि जोरकर वीश लै सियाको संग  
शीशनाय ईशहीके पाय परु ॥ रसिकविहारी प्रभुदूत हौं सिखाऊँ  
तोहिं एकौ तू न जानै राम बाणको प्रभाव गरु ॥ चौदह सहस्र भाल  
भेदे ताल छेदेहाल सोई तीर सिंधु शोखि नीर बिन कीनो मरु ॥ ३८ ॥  
द्रोही क्यों भयो है मतिमंद रामचंद जूको येरे भुजवीश शीश नाहक  
लयो है अघु ॥ अजहूँ भली है सियसौंप हठ छोड़ बेग राम रांप  
ज्वालमें न सहित कुटुंब दगु ॥ इन्द्र विधि वरुण कुंवर यम सूर चंद  
जाके डर डरत त्रिलोक तू कहाहे लघु ॥ रसिकविहारी वंश प्रभुता  
प्रसिद्ध जाने है गये प्रतापी कैसे चक्रव नरेश रघु ॥ ३९ ॥ नूर ना  
रहेर यो गरूर ना रहेर लंक धूर ना रहेर खल जोपै तुव ऐसी चालु ॥  
धीर ना रहेर एको वीर ना रहेर तीर है हे पलमाहिं तोहि देखत  
सुयेही हालु ॥ येरे दशकन्ध वीस लोचन तऊ भो अंध हटते वृथाही  
जनि सकल कुटुंब बालु ॥ रसिकविहारी हितकारी धनुधारी आज  
आये संग सवल अभंग दल कीश भालु ॥ ४० ॥

तोटकछंद ।

सुनिकै दशकंधर क्रोध कियो । कपि बैन सिखी करि दग्ध हियो ॥  
 दूत अंगद सो झहराय कही । शठ तू निज प्राण चहै कि नहीं ॥४१॥  
 कहु कीश कहा तुव नाम कहै । किहिको सुत तू किहि ठौर रहै ॥  
 वतरात निशंक उतंक यहाँ ॥ खल रंक भयो मतिबंक महाँ ॥ ४२ ॥  
 तव वालितनयहँसि बैन कहे ॥ तुव वीसहु लोचन जातरहे ॥  
 तुहि रंचकहू नहि मूझहिरे ॥ निहि ते सुन मोहिं जु बूझहिरे ॥४३॥

धनाक्षरी कवित्त ।

अंगद है नाम मेरो धाम किंपकिंधामाहीं नीकी भांति जानै  
 यातुधान तू कपीशको ॥ वाली बलसीम भीम ताहीको सुवन जान  
 आयो हौं मथन तेरे बल भुजवीसको ॥ तोहिं विनशैया तुव सैनको  
 नशैया इहि लंक उजैया उखैया दशशीशको ॥ देव दुखहारी  
 दुष्ट दलके सँहारी वीर रसिकविहारी हौं सुदास जगदीशको ॥ ४४ ॥

सो०—सुनि भापी दशशीश, रे कपि तुहि जानो अबै ॥

तू अजान शिशु कीश, मुहि जानत हो तव पिता ॥ ४५ ॥

धनाक्षरी—कवित्त ।

देव आ अदेव शीश मेरीही रजाय एक देखि भुजवीश यमराजहू  
 जकत है । बापुगे सुकंठ कपि रीछलै लरन आयो देखी कालि बन्दर  
 सो कंदर तकत है ॥ येरे कीश कोहिं और मोविन त्रिलोक ईश जाको  
 तेज निगखि सुरेशहू सकत है ॥ रसिकविहारी कहा मानुष विचारे  
 दीन मोनहो ल्यार बार बार क्यों वकत है ॥ ४६ ॥

सो०—शमि कहि पुनि दशशीश, कह कपीश सुन तोहिं धिग ॥

अब न बोल कछुकीश, गति जानो तुव ईशयुन ॥ ४७ ॥

धनाक्षरी कवित्त ।

येरे कपि मूट क्यों बखानत बडाई बहु जाहिर जहान माँहि जे तो  
 राल लागे है ॥ रसिकविहारी तू वही है जो पिताको नेक बदलो न  
 लीनो आ सुकंठ साथ धारो है ॥ है सुकंठ सो जो वालि डगने भगो  
 है वालि मोई जाहि गम एक बाणहीं ते मागे है ॥ मोई गम जाको  
 देखि निपट निकाम बंधु बामके नमेन बाप धामने निकारो है ॥ ४८ ॥

दोहा—स्वामिनिंद सुनि क्रोध करि, वालितनय बलरास  
 चार मुकुट दशवदनके, गहि फेंके प्रभु पास ॥ ४८ ॥  
 तब निश्चर लखि अंगदहि, ताडन धाये कोपि ।  
 कपि निशंक रघुवर सुमिरि, ठाढ भये पदरोपि ॥  
 वीर निशाचर भूरि बहु, बलकरि बैठे हारि ॥  
 रामदूतको चरणते, कोऊ सकै न टारि ॥ ५१ ॥  
 तब सकोप कपि कूदि गहि, शिखर धाम प्रासाद  
 वेगि विभंजिबहाय चहुँ, कियो सिंहसम नाद ॥ ५२ ॥  
 पुनि अंगद जैराम कहि, तहँते उछलि अकाश ॥  
 रिपुबल मंथन करि तुरत, आये प्रभुके पास ॥ ५३ ॥  
 शीशनाय कहि सकल गति, पुनि बोले युवराज  
 दशमुख हठ त्यागै न प्रभु, तिहि शिरकाल विराज  
 इति श्री० रा० र० वि० यु० अंगदरावण  
 वर्णनो नाम सप्तमोविभागः ॥ ७ ॥

चौपैयाछंद ।

अंगदकी वानी सुनि धनुपानी बोलि कपीशहि भापी ।  
 जो किय दशशीशा सो वहे रीसा हौं बहु दिन हिय राखी  
 अब देहु रजाई बहु भट धाई करैं समर निशंका ॥  
 कपि भालु उत्तंका हितिखलरंका वेगि नशावैं लंका ॥ १ ॥  
 तबहीं सुगीवाबहु बलसीवाँ आयसु करी उताला ॥  
 सुनतहि भटभारी तरु गिरिधारी धाये कुपित कराला ॥  
 जैजै जगदीशा जैति कपीशा कहि कपि भालु अपारा ॥  
 चहुँ दिशिते जाई करि वरियाई कीनो पंथ सुदारा ॥ २ ॥  
 तरु गिरिते भूरी परिखा पूरी पुर प्राकार ढहायो ॥  
 सो सुनि दशभाला करि दृग लाला मारो कपि न कहा ॥  
 तब निश्चर यूथा विविध बरूथा चहुँ हथ्यार लै धाये ।  
 दुहुँ दिशि वर योधा भिरे सक्रोधा रण उमंग उर छाये ॥

नख दशन विशाला इत विकराला गहि गिरि तरु गिरिखंडा ॥  
 निश्वर कपि ऋच्छन करि करि शिच्छन हनत भूमिहति पारैं ॥  
 तेखल दल झुंडन रुंड सु मुंडन मंदिं गर्द करि डारैं ॥ ४ ॥  
 काटैं कपि दाँतन हनि तल लातन मुंड मुष्टिकन फेरैं ॥  
 बहु उपल चलावैं प्राण नशावैं पकरि गात झकझोरैं ॥  
 रजनीचर लक्षन करैं सु भक्षन शस्त्रन मारि गिरावैं ॥  
 इहि भाँति परस्पर दुहुँ दल बल भर लरत न मनहिं फिरावैं ॥ ५ ॥

चारी छन्द ।

इमि यातुधान सुभालु कपिको होत समर मझार ॥  
 ताही समै पुनि औरहू धाई निशाचर धार ॥  
 तिन भिरतहींभो आय औचक द्वंद्व युद्ध अपार ॥  
 दुहुँ ओर सम बल वीर एकाहि एक लरत प्रचार ॥ ६ ॥  
 वननाद अंगद जंबुमाली पवनसुत बलसाँव ॥  
 पुनि वज्रमुष्टि मयंद युद्धत प्रघस अरु सुग्रीव ॥  
 भट विज्जुमाली संग सुखेन प्रजंघते संपाति ॥  
 प्रतपनहि नलसनि प्रभहि द्विविद निकुंभ नील भिरात ॥ ७ ॥  
 वरवीर लछमन संग युद्धत विरूपाक्ष प्रचंड ॥  
 रघुनाथ साथहि अग्रिकेतु सु रश्मिकेतु उदंड ॥  
 अरु यज्ञकोप कराल पुनि मित्रघ्न ये भट चारि ॥  
 इक एक ह्वे बहु समर कीनो हते तिनहि खरारि ॥ ८ ॥  
 अरु तपन गजसौं भिरि विभीषण शत्रुहन बलवान ॥  
 इमि अपर निश्वर भालु कपि मिलि द्वंद्व युद्धहि ठान ॥  
 घननाद कर गहि गदा अंगद अंगकीन प्रहार ॥  
 सो छीन लै कपि सारथी रथ वाजि दीन विदार ॥ ९ ॥  
 हनुमंत उरमधि जंबुमाली हनी शक्ति प्रचंड ॥  
 तब कोपि कपि तिहि तल प्रहारो कीन शिर शतखंड ॥  
 भट वज्रमुष्टिहि मुष्टिकाते हनो वेगि मयंद ॥  
 महि सारथी रथ वाजि संयुत गिगे खल मतिमंद ॥ १० ॥

बाणन विदारो गात कपिपति को प्रवस करि खीस ॥  
 पत्नी उखारि विशाल सो तिहि हनो वेगि हरीश ॥  
 तजिवान विद्युनमालि वीर सुखेन विहवल कीन ॥  
 गिरि शृंगलै कपि तिहि प्रहारो भो विकल स्थहीन ॥ ११ ॥  
 संपाति अंग प्रजंघ हनि शर तीन कीन विहाल ॥  
 तरुलै पृथंगम यातुधानहि दलो अतिहि कराल ॥  
 प्रतपन कियो बल धाय नलपहँ त्यों सुकपि बल ऐन ।  
 हनि मुष्टि लातन वेगि नखन विदारि डारे नेन ॥ १२ ॥  
 पत्नीनते तनुछिदि द्विविदहि विकल सनिप्रभकीन ।  
 तिहि कीश तरु हनि सारथी रथ वाजि युत हति दीन ॥  
 नीलहि विदारो शरनते जु निकुंभ तव कपिधाय ।  
 रथचक्र तिहिलै सारथी तिहि शीश दीन नशाय ॥ १३ ॥  
 करि कोप निश्चर जवाहि धायो लपण पै धनुतान ।  
 तबहीं विरूपाक्षहि हतो तिन वेगि एकहिवान ॥  
 तल गजहि ताडो तपन कपि तिहि नखन डारो फारि ॥  
 लंकेश लेकर खड्ग रिपुहन अंग दीन विदारि ॥ १४ ॥  
 इमि द्वंद्वयुद्ध अपार एकहि एक करत प्रहार ।  
 कपि भालु निश्चर हनतते तिन दलत विविध प्रकार ॥  
 बहु समर होतहि दिवस बीतो जबहिं अथयोभान ।  
 तव पाय निशि खल धाय भालु कपीन लागे खान ॥ १५ ॥  
 तमछाय कुछ न जनाय निज पर नेक परहि न दीस ।  
 कपि बृझहीं तू रैनचर बूझैं सु तूहै कीस ॥  
 कपि कपिन निश्चर निश्चरन अरु ऋच्छ ऋच्छन मार ।  
 हत यातुधानन भालु कपिते तिनहि करहिं प्रहार ॥ १६ ॥  
 इत भालु कपि उत रैनचरके रुंड मुंड अपार ।  
 छाये महीतल वाजि गज रथ शस्त्र समर मझार ॥  
 कटकटहिं मर्कट ऋच्छ गर्जाहिं यातुधान कराल ।  
 दुहुँ ओर छायो शोर जै ग्गुलाल जै दशभाल ॥ १७ ॥

बहु शंख झांझ मृदंग दुंदुभि तूर ढोल जुझाव ।  
 बाजत चहुँ वर बाजने सुनि बद्ध वीरन चाव ॥  
 भटलरत आछे पगन पाछे धरत भरत उमंग ।  
 महि गिरत पुनि उठि भिरत दुहुँ दल समर होत अभंग ॥ १८ ॥  
 चहुँ ओर शोणित धार धरणी धीर नाहिँ धरात ।  
 वरवीर निश्वर भालु कपि तजि प्राण आश लगात ॥  
 भट इंद्रजीत उदंड लै सँग यातुधान अपार ।  
 शर शक्ति शूल कृपाणते कर भालु कपि संहार ॥ १९ ॥  
 शुक और सारन वज्रदंष्ट्र जु यज्ञशत्रु सुधीर ।  
 उद्धत महोदर महापार्श्व प्रचंड ये पटवीर ॥  
 रघुवीर सन्मुख युद्धहोँ भरि क्रुद्ध हिय भरि मान ।  
 तिन सवहिँ शरन विदारि नृप सुत कंठगत कियप्राण ॥ २० ॥  
 पुनि अपर निश्वर वीर बहु मारे समर रघुवीर ।  
 रणधीर लछमन यातुधानन हते सजि धनु तीर ॥  
 तिहि समय खल दल प्रवल रण थल विचल खलभल हेरि ।  
 कपि भालु भिरे प्रचारि प्रमुदित एक एकन देरि ॥ २१ ॥  
 वननाद लखि निज सेन गति नभ मध्य जाय दुराय ।  
 छाँडन लगो शर विशिखते ह्वै व्याल लपटाहिँ आय ॥  
 रघुवीर लपण समेत नखशिख नाग फाँस मझार ।  
 द्रुतवाँधिडारे भूमि तल पुनि तजे तीर अपार ॥ २२ ॥  
 नल नील द्विविद मयंदको शर तीन तीन चलाय ॥  
 रिछराज अरु हनुमंत प्रति दश दश हने रिसलाय ॥  
 पुनि शरभ और गवाक्ष आदि कपीन डेढ़े वान ॥  
 सुग्रीव अंगद अंग अगणित शरदने बलवान ॥ २३ ॥  
 अरु अपर बहु कपि भालु भट तिन यथा योग निहार ॥  
 वरवान मारे इंद्रजीत सुगिरे भूमि मझार ॥  
 रामि नान फौज प्रचंड नवहिँ निबंय करि दृषाय ॥  
 निज सेन नयुन जाय कहि गनि गेटे पितृके पाय ॥ २४ ॥

सुनि मुदित दशमुख विजय निज लाख मुतहि लियहि लय लाय  
चहुँ शोर छायो लंकमें जैजति निश्चराय ॥

आनंद युत लंकेश वेगहि प्रात सियाद्विग जाय ॥

भापो सदल सह बंधु मारे इंद्रजित रघुराय ॥ २५ ॥

चौ०यां कहि पुनि निश्चारि बुझाई ॥ पुष्पकयान मध्य बैठाई ॥  
नभ मग ह्व सीतहि लैजाई ॥ लावो द्रुत दिखाई दुहुँ भाई ॥ २६ ॥  
याँकहि गया भवन दशभाला ॥ विजय लाय विमान उताला ॥  
तामधि सियहि वेगि बैठाई ॥ दशशाये रामहि नभजाई ॥ २७ ॥  
पतिगति देखि रुदन कर सीता ॥ विजयहि बोली वचन विनीता ॥  
हाय सखी अब मैं का करहुँ ॥ मरों गिरों कै पावक जरहुँ २८ ॥  
अलि विधिना मोही पर रुटे ॥ भये शास्त्र द्विज वचनहु झुटे ॥  
तिय वैधव्य चित्त जे आहीं ॥ ते मम अंग एकहु नहि ॥ २९ ॥  
केश न भरे कुटिल कठोरा ॥ मुख न रोमवाणी नहि घोरा ॥  
जुरी भौंह नहि विरल न दंता ॥ अशुभ चित्त ये तिय पातिहंता ३० ॥  
जंवन रोम नैन लघु नहि ॥ कर पद गुल्फ न विषम लखाही ॥  
नखनदीह सितश्याम जनावे ॥ कुचनहि विरल न गुल्फदिखावे ३१ ॥  
पदतलसंधि न परत दिखाई ॥ कर पद अंगुलि विषमन आई ॥  
सब सौभाग्यचित्त मम गाता ॥ ते निष्फल किमि किये विधाता ३२ ॥  
याँकहि जनकसुता विलपानी ॥ तव विजय बोली मृदुवानी ॥  
राजकुमारि सोच जनि करहु ॥ भुवपति जियत धीर उर धरहु ३३ ॥  
मुख न मलीन तेज नहि हीना ॥ पुनि कपि भालु न देखिय दीना ॥  
गाते धीर धरौ वैदेही ॥ जियत बंधुयुत तव पतिनेही ३४ ॥  
पुष्पक भूमि उतारी ॥ लै सिय पूरव थल बैठारी ॥

सीता अकुलाहीं ॥ छिनछिन तिनहि कल्पसम जाहीं ३५ ॥

—इत सिय सोचति विकल अति, करि दुहुँ नृप सुत शोच ॥

उत दशकंठ समेत सब, मुदित निशाचर पोच ॥ ३६ ॥

छायो लंक अनंद अति, दुखित भालु कपि वृंद ॥  
 इंद्रजीत शरबंध परि, विकल भये रघुचंद ॥ ३७ ॥  
 अपर भालु कपि विवशबहु, ता छिन चहुँ दिशि धाय ॥  
 कियो विभीषण वेग ही, उचित प्रबंध दिढाय ॥ ३८ ॥  
 पुनि लंकेश कपीश ढिग, आय लखो वेहाल ।  
 लै जल मंत्रित करि तुरत, साँचे नैन उताल ॥ ३९ ॥  
 परसत नीर सुकंठके, नैन खुले भो चेत ।  
 लिय लंकेशहि लाय उर, कहे वचन वर हेत ॥ ४० ॥  
 पुनि रामहि सुग्रीव लखि, कियो विलाप अपार ।  
 धीर दई लंकेश तिन, कहिकारि विविध विचार ॥ ४१ ॥  
 यों कहि पुनि लंकेश चहुँ, जाय सवाहि दै धीर ॥  
 थापे सैन प्रबंध हित, कीश भालु बहुवीर ॥ ४२ ॥  
 तो लग दिनकर उदय भो, मिटो सकल तम घोर ।  
 लखि निज दल गति भालु कपि, विलापि कियो बहु शोर ४३ ॥  
 ताछिन कछु मुरछा मिटी, रघुवर खोले नैन ।  
 करि विलाप लखि बंधु गति, कहे सुकंठहि बैन ॥ ४४ ॥  
 हाय सखा हौं बंधु विन, नहिं राखौं निज प्राण ।  
 भयो न है नहिं होइ गो, भ्राता लपण समान ॥ ४५ ॥  
 यों कहि भापी राम मुहिं, सोच आपनो हैन ।  
 सोच विभीषणको जुहौ, कहो राज्य वर दैन ॥ ४६ ॥  
 पै कह कीजे हे सखा, भावीते न वसाय ।  
 जाहु सदन अव संगलै, कीश भालु समुदाय ॥ ४७ ॥  
 यों कहि विलपत विकल है, रघुवर दग जल द्वार ।  
 ताछिन आये लंकपति, करि चहुँ सैन सम्हार ॥ ४८ ॥  
 निराखि रामको विकल अति, ऋच्छ कीश विलापात ॥  
 धरौ धीर कपिपति कही, युद्धसम अकुलात ॥ ४९ ॥  
 ताछिन बोले वालिसुत, मोहिं न कट्ट लखाय ।  
 दग न लगे शर तात कहै, लपण सहित रघुराय ॥ ५० ॥



सुनि सुकंठ कह धीर सुत, धरी धीर हिय माहि ॥  
 लखि लंकापति राम दिशि, चोले कपिपति पाहि ॥ ५१ ॥  
 हाय कहा अव कीजिये, दुहुँ नृप सुवन विहाल ॥  
 हम सब भये अनाथ अरु, प्रसुदित भो दशभाल ॥ ५२ ॥  
 अंक लगाय विभीषणै, तव बोले कपिराज ।  
 धीर धरौ हिय लंकपति, हौं करि हौं सब काज ॥ ५३ ॥  
 हति दशकंठहि कुलसदल, तव अभिषेक कराय ।  
 सियहि अवधलै जाहुँगो, राम लपण दुहुँ भाय ॥ ५४ ॥  
 तौ लग कछु मुरछा जगी, लहो सुचेत सुखेन ॥  
 लखि कपीश तव ससुर प्रति, कहे वचन भरिनैन ॥ ५५ ॥  
 व्याथित भालु कपि ते सबै, अरु दुहुँ राजकुमार ॥  
 किंकिधा लै जाहु तहँ, कीजो सकल सम्हार ॥ ५६ ॥  
 हौं इत रावण सदल हति, दै विभीषणै राज ॥  
 जनक सुतहि लै वेगहीं, ऐहीं सहित समाज ॥ ५७ ॥  
 सुनि सुखेन कह बात भल, पै औपधि इक जोय ॥  
 आवै तौ दुहुँ बंधु युत, विरुज सकल दल होय ॥ ५८ ॥  
 क्षिरसिंधु तट द्रोणगिरि, तामाधि औपधि आय ॥  
 मथन भयो सागर तबै, प्रगटी अमित प्रभाय ॥ ५९ ॥  
 स्वर्ण करी संजीवनी, अरु विशल्य कर जान ॥  
 ते औपधि द्रुत लावहीं, पवनतनय बलवान ॥ ६० ॥  
 इमि सुखेन जामात प्रति, कही सुतौलग भूर ।  
 पवन वेग छायो चहुँ, उड़ी धूर नभ पूर ॥ ६१ ॥  
 ता छिन चितये चौंकि सब, आय गये खगराज ॥  
 परसत पौन सुपंखकी, दुरे व्याल सब भाज ॥ ६२ ॥  
 आय गरुड दुहुँ बंधु तन, परसो भये अनंद ।  
 लखि सब दल रुंजहीन कह, जै जै जै रघुचंद ॥ ६३ ॥  
 मिलि सप्रेम दुहुँ बंधुको, कहि बहु वेन सुदेश ।  
 सबहि विरुज करि वेगही, जात भये विहंगेश ॥ ६४ ॥

रसिकविहारी विरुज है, राम लपण सब वीर ।  
 ले धनु शर तरु गिरि समर, उद्धत भये सुधीर ॥ ६५ ॥  
 रसिकविहारी मुदित है, वानर भालु अपार ।  
 किलकै कूदि कलोल करि, कह जैराम पुकार ॥ ६६ ॥  
 इति श्रीरा० र० वि० यु० नागफाँसबंधमोचन  
 वर्णनो नाम अष्टमोविभागः ॥ ८ ॥

भीम छंद ।

दशवदन सुनि कपि भालु कृत बहु शोर । भेजे तमीचर भेद हित  
 चहुँ ओर ॥ तिन कही तिहि अकुलाय वेगहि आय । अहिफाँसते  
 छूटे सदल दुहुँ भाय ॥ १ ॥ चित चकित भो युत इंद्रजित  
 दशभाल । वाढो सुनिश्चर निश्चरी उरशाल । सरमा उताल सिधाय  
 वरणो हाल । सुनि मिली सीय सखीहि भई निहाल ॥ २ ॥ लंकेश  
 वीर सुधीर धरि करि हंक ॥ धूम्राक्ष प्रति भापे सुवैन निशंक ॥  
 द्रुतजाहु ले बहु सुभट सुभट प्रवीन । नृप सुतन मारौ सहित भालु  
 कपीन ॥ ३ ॥ धूम्राक्ष ले भट विपुल साज सजाय । रथ बैठि गमने  
 भये अशकुन आय ॥ सो वीर कपि दल मध्य जाय तुरंत । मर्दन  
 लगो बहु भालु कीश अनंत ॥ ४ ॥ तिहि देखि लै गिरि शृंग  
 पवनकुमार । वालो सुताजि रथ आय भूमि मँझार ॥ गहिगदा निश्चर  
 कपिहि कौन प्रहार । पुनि वीर बहु गिरि तरुन धरि धरि मार ॥ ५ ॥  
 अरु अपर निश्चर कीश ऋच्छ अपार । भिरि लरत मारत मरत  
 करत पुकार ॥ हनुमंत तव करि क्रोध गहि गिरि खंड । बलयुत हनो  
 तिहि शीश भो शत खंड ॥ ६ ॥ पुनि वीर तिहि हति ताल तरु गहि  
 धाय । मारे निशाचर गये लंक पराय ॥ तिन कही सुनि धूम्राक्ष वध  
 दशमाय । करि क्रोध लेत उसीस मौजत हाथ ॥ ७ ॥ तव वज्रदंतहि  
 चोलि कह दश शीश । भट्सनल द्रुत जाय मारहु कीश ॥ सो प्राय  
 आयसुवेगि कटक सजाय । रथ बैठि संयुग करन लागो आय ॥ ८ ॥  
 कपि वृंद युद्धत धाय गहि गिरि वृच्छ । तिमि चालुधानन दलत करि  
 बल ऋच्छ ॥ गहि भिन्दिपाल कृपाण अमित हथ्यार ॥ निश्चर

करै भरि कोप कपिन सँहार ॥ ९ ॥ बाणन विदारत वज्रदंत  
 कपीन । लखिधाय अंगद शाल तरु इकलीन ॥ सो वीर भूरभमाय  
 मारो ताहि । भो विकल निश्चर भीजि शोणित माहि ॥ १० ॥ पुनि  
 वज्रदंत सुवीर सुरति सम्हार । हनि शरन विहवल कीन वालिकुमार ॥  
 अंगदहनो तिहिधाय तरु गहि चंड ॥ लाघव सुकीनो इपुनते बहु  
 खंड ॥ ११ ॥ पुनि वालिसुत लै कुधर भारी भूर ॥ मारो सुरथ युत  
 सारथी भो चूर ॥ पुनि और गहि गिरि खंड कीन प्रहार ॥ लगि वही  
 निश्चर शीश शोणित धार ॥ १२ ॥ तब लै गदा करचंड कपि उर  
 मार ॥ पुनि भिरे दुहुँ दुहुँ सुष्टिकीन प्रहार ॥ तब कोपि लै करवाल  
 वालिकुमार ॥ करि शीश खंडित दीन भूतलडार ॥ १३ ॥ लखि  
 तासुवध भागे निशाचर झार ॥ किय, वज्रदंतहि घात वालिकुमार ॥  
 यौ विकल दशमुख पाहिं भापी जाय ॥ सुनि क्रोध शोक कलेश करि  
 अकुलाय ॥ १४ ॥ वोलो अकंपन पाहिं रावण वैन ॥ नृप सुतन  
 मारहु वेगि संयुत सैन ॥ सोसाजि दल रथ वैठि आतुर जाय ॥ कपि  
 भालु मर्दन लाग चहुँ दिशि धाय ॥ १५ ॥ शाखामृगहु बहु कुधर  
 तरु पापान ॥ गहि हनत लागत ताहि सुमन समान ॥ सो शक्ति  
 झूल कृपाण बाणन मार ॥ करि कोप भालु कपीन करत सँहार १६  
 पुनि अपर निश्चर वीर युद्धत भूरि ॥ छाये धरामधि रुंड मुंड सपूरि ॥  
 दल घात निरखि मयंद गहि तरुधाय ॥ हनि यातुधानन दीन भूमि  
 गिराय ॥ १७ ॥ सोलखि अकंपन वेगि बाणन मारि ॥ कीने विदाल  
 मयंद सह कपि धारि ॥ अविलोकि निज दल विचल हनुमत धाय ॥  
 मारो खलहि इक करहि कुधर भमाय ॥ १८ ॥ सोगिरि अकंपन बा-  
 णन दिव्य काटि ॥ लखि कीश पुनि गहि वृक्ष धायो डाटि ॥ किय  
 यातुधानहि विकल कटकसँहारि ॥ भागे निशाचर यूथहाय पुकारि ॥  
 ॥ १९ ॥ त्याही अकंपन वालि धनु शर चार ॥ कीनो विदीरण अंग  
 पसनहुमार ॥ तब कोव भरि हनुमंत गहि तरु धाय ॥ निदि शीश  
 हनि हनि दीन भूमि गिराय ॥ २० ॥ पुनि अपर मल दल मरु

कीश सँहार ॥ निश्वरपराने विकल लंक मझार ॥ भापो अकंपन  
चात सुनि दशशीश ॥ कछु दीन मुख भो कीन फिरि बहु रोस ॥ २१ ॥  
करि हीय विविध विचार दृढ़ ठहराय ॥ वर सेनपति प्रति कही  
निश्वरराय ॥ भट भूरि भारी यातुधान प्रवीन ॥ ते कपिनमारे काहु विजय  
न कीन ॥ २२ ॥ हौ कुंभकरण बलिष्ठ तुम घननाद ॥ अथवा नि-  
कुंभसुवीर कर अहलाद ॥ याते अवै सजि साहनी लेजाय ॥ मारौ  
सदल दुहुँ भाय विजय वढाय ॥ २३ ॥ सुनिकै प्रहस्त उताल निज  
गृह जाय ॥ करि हवन दीने दान विप्र बुलाय ॥ पुनि साजि तन  
रथ बैठि कीन पयान ॥ भे अमित अशकुन पै न निश्वर मान ॥ २४ ॥

प्र० ॥ वा० ॥ यु० का० ॥ स० ५७ ॥ श्लोक ।

लंका राक्षसवीरैस्तैर्गजैरिव समाकुला ॥ हुताशनं तर्पयतां ब्रा-  
ह्मणांश्चनमस्यताम् ॥ १ ॥ आज्यगंधप्रतिबहः सुरभिर्मारुतो बवौ ॥  
सजश्च विविधाकारा जगृहुस्त्वभिमांत्रिताः ॥ २ ॥

भीमछंद ।

वर मुख्य तीन प्रहस्त संग प्रधान ॥ उद्धत नरांतककुंभ हनु  
बलवान ॥ पुनि महानाद प्रचंड अपर अपार ॥ भट यातुधान  
उदंड समर मँझार ॥ २५ ॥ बहु भीर भारी विकट भट बलवान ॥  
तिहि मध्य सेनापति प्रहस्त प्रधान ॥ किय चोर शोर सकोप निश्वर  
वीर ॥ मुद्गर मुशल असि चक्र गहि धनु तीर ॥ २६ ॥ लखि रैनचर  
विकराल वनचर गृह ॥ धाये छल तरु कुहर लै कर हूह ॥ दुहुँ आगे  
भट भिरे भरि भरि रोष ॥ जे राम जे रावण छयो बहु घोष ॥ २७ ॥  
करि क्रोध निश्वर कपिन धरि धरि खात ॥ कपि यातुधानन करत  
मर्दि निपात ॥ इमि ऋच्छ कीश अपार निश्वर झुण्ड ॥ छाये  
चहुँ रण भूमि रुण्डहि मुंड ॥ २८ ॥ सह भट प्रहस्त प्रचंडकोप वढा-  
य ॥ हति शरन दीनो राम दल विचलाय ॥ निज सेन विहवल  
देखि द्विविद उताल ॥ मारो नरांतक शीश कुहर कराल ॥ २९ ॥  
भोविकल प बल भरि उठो करि खीस ॥ त्यौ बहुरे पत्री हनि हनो  
तिहि कीश ॥ ऋच्छेप गहि गिरि खंड भारी भूरा ॥ उर महानादहिमा  
रिगीनो चूर ॥ ३० ॥ इकनाल वृक्ष विशालगहि कपि नार ॥ हुन

करें भरि कोप कपिन सँहार ॥ ९ ॥ बाणन विदारत वज्रदंत  
 कपीन । लखि धाय अंगद शाल तरु इकलीन ॥ सो वीर भूरभमाय  
 मारो ताहि । भो विकल निश्चर भीजि शोणित माहि ॥ १० ॥ पुनि  
 वज्रदंत सुवीर सुरति सम्हार । हनि शरन विहवल कीन वालिकुमार ॥  
 अंगदहनो तिहि धाय तरु गहि चंड ॥ लाघव सुकीनो इपुनते वृ  
 खंड ॥ ११ ॥ पुनि वालिसुत लै कुधर भारी भूर ॥ मारो सुरथ यु  
 सारथी भो चूर ॥ पुनि और गहि गिरि खंड कीन प्रहार ॥ लगि व  
 निश्चर शीश शोणित धार ॥ १२ ॥ तब लै गदा करचंड कपि  
 मार ॥ पुनि भिरे दुहुँ दुहुँ मुष्टिकीन प्रहार ॥ तब कोपि लै क  
 वालिकुमार ॥ करि शीश खंडित दीन भूतलडार ॥ १३ ॥  
 तासुवध भागे निशाचर झार ॥ किय वज्रदंतहि घात वालि  
 यौ विकल दशमुख पाहिं भाषी जाय ॥ सुनि क्रोध शोक क  
 अकुलाय ॥ १४ ॥ बोलो अकंपन पाहिं रावण वैन ॥  
 मारहु वेगि संयुत सैन ॥ सोसाजि दल रथ बैठि आतुर  
 भालु मर्दन लाग चहुँ दिशि धाय ॥ १५ ॥ शाखामृग  
 तरु पाषाण ॥ गहि हनत लागत ताहि सुमन समा  
 शूल कृपाण बाणन मार ॥ करि कोप भालु क  
 पुनि अपर निश्चर वीर युद्धत भूरि ॥ छाये धराम  
 दल घात निरखि मयंद गहि तरुधाय ॥ हनि  
 गिराय ॥ १७ ॥ सोलखि अकंपन वेगि बाणन  
 मयंद सह कपि धारि ॥ अविलोकि निज दल  
 मारो खलहि इक करहि कुधर भमाय ॥ १८  
 णते दिय काटि ॥ लखि कीश पुनि गहि  
 यातुधानहि विकल कटकसँहारि ॥ भागे  
 ॥ १९ ॥ त्यौही अकंपन घालि धनु श  
 पवनकुमार ॥ तब क्रोध भरि हनुमंत  
 हनि हति दीन भूमि गिराय ॥ २०

विकट वीर अपार ॥ दृढ़ कवच धारे अंग विविध हथ्यार ॥ गज  
वाजि रथ पेदर चमू चतुरंग ॥ सार्जी सवै लंकाधिराज अभंग ॥ ३॥

त्रिभंगी छंद ।

नखशिखतनु साजे निश्चर भ्राजे वाजन वाजे छवि छाजे ॥  
दीने चहुँ डंका शोर उतंका करि करि हंका भट गाजे ॥  
फहरात निशाना रंग सुनाना दल अगवाना बहु चालैं ॥  
घहरैं घर नालैं अरु करनालैं पुनि हथनालैं जंजालैं ॥ ४ ॥  
तोपै गरुमंता रिपुदल हन्ती चल वरदन्ती शत लागे ॥  
जिन अतुलित गोला साज अतोला हो भुवडोला तिन दागे ॥  
तैसे अति रूरे सब विधि पूरे भूरि जमूरे बहु भाँती ॥  
इमि अपर अपारा प्रबल हथ्यारा समर जुझारा मिलि पाँती ॥ ५ ॥  
पनि पट्टिश बाना अरु धनुवाना शक्ति कृपाना खरसाना ॥  
दृढ़ मुद्गर शूला खड्ग त्रिशूला फरस अतूला गहि नाना ॥  
लै परिघ प्रचंडा चक्र उदंडा गदा अखंडा वरभारे ॥  
लंबित बहु भाला सुलघु विशाला शस्त्र कराला करधारे ॥ ६ ॥  
इमि निश्चर यूथा विविध बहूथा निज निज गूथा लख भूपा ॥  
कोऊ विकरारा कोउ कुठारा कोउ सुठारा वररूपा ॥  
शूकर मुख कोऊ गजमुख कोऊ खरमुख कोऊ मुखश्वाना ॥  
केहरिमुख कोऊ मृगमुख कोऊ विन मुख कोऊ मुखनाना ॥ ७ ॥  
यीं अगणित भाँती देव अराती निज निज पाँती मिलि साजे ॥  
बैठे सुठि वाहन णैठि सुवाहन भरे उछाहन बहु गाजे ॥  
तबही दशभाला उठो उताला वर मखशाला गमन कियो ॥  
लखिके चहुँ घाही कह मन माही मोसम नाही कोउ वियो ॥ ८ ॥  
दोहा-जाय देवगृह सविधि शुचि, हवन कियो दशभाल ॥  
द्विजन शीश नमि दान दे, कीने तुष्ट निहाल ॥ ९ ॥  
यंत्र मंत्र करि विविध कर, अभिमंत्रित फल फूल ॥  
अपर वस्तु बहु सिद्धि लिय, पत्र औपची मूल ॥ १० ॥  
पुनितनु कवच हथ्यारसजि, निज इशहि शिन्नाय ॥



सुनि एक मुष्टि तुरंत । कपि उर हनी बलवंत ॥  
 सो होत अनुल प्रहार । भो विकल पवनकुमार ॥ ४३ ॥  
 तिन विकल लखि दशभाल । तहँते सिधारि उताल ॥  
 द्विग आय चापहि तान । नीलहि हने बहु बान ॥ ४४ ॥  
 तब कीश गहि तुर धाय । घालो जुशैल उठाय ॥  
 तिहि सप्तशरन विदारि । दशमुख दियो महिडारि ॥ ४५ ॥  
 ताछिन हनूमत वीर । गत मूरछा उठि धीर ॥  
 देखो चमूपति साथ । वर युद्ध कर दशमाथ ॥ ४६ ॥  
 तब वीर वर हनुमान । हठ कीन उर अनुमान ॥  
 सह और युद्ध कराय । अब हनी उचित न आय ॥ ४७ ॥  
 इहि भांति हीय विचारि । पुनि शैल तरु कर धारि ॥  
 जे अपर निश्वर भूर । तिन मर्दही कर चूर ॥ ४८ ॥  
 उत नील निश्वर राय । दुहुँ क्रुद्ध युद्ध कराय ।  
 हुम शैल जो कपि मार । सो छिदि भूतलडार ॥ ४९ ॥  
 तब कीश लखु वपु धार । चढि तासु ध्वजहि विदार ॥  
 तहँ ते उछलि पुनि आय । दिय दशहु क्रीट गिराय ॥ ५० ॥  
 पुनि धनुष गहि झकझोर । भजि कूदि शिरनन छोर ॥  
 इमि बार बार उताल । तिहि दस्त भरत उछाल ॥ ५१ ॥  
 छिन दशहु शीशन आय । गहि सबल देत हलाय ॥  
 छिन एक ते इक पाहि । सब शिरन मध्य फिराहि ॥ ५२ ॥  
 छिन श्रवण दंतन काट । नासा नखन छिन छोट ॥  
 छिन बाजि सारथि शीश । गहि दलत लखु वपु कीश ॥ ५३ ॥  
 बहु बात करदशमाथ । पै लगत कपि नाहि हाथ ॥  
 सो निरखि गुरुकुल केत । हँस सकल मन समेत ॥ ५४ ॥  
 दशमालि तब रिस लाय । वर आग्रि अम्र चलाय ॥  
 नीलहि दयो महिडार । लखि पुत्र अनल न जाय ॥ ५५ ॥  
 जब बाण लग दलपाल । भो प्राण निपट विहाल ॥  
 तब अपर वीरनचाल । दानि शक्ति शर दशभाल ॥ ५६ ॥



सो निरखि लछमन वीर । बोले वचन सजि तीर ॥  
 हे हे निशाचर ईश । मारत कहा लघु कीश ॥ ५७ ॥  
 मुहि देख हों तुव काल । इत आव धाय उताल ॥  
 सुनि लंकपति रथ लाय । ढिग आय कह रिस छाय ॥ ५८ ॥  
 रिपु बंधु है मति वंक । किमि कथित बैन निशंक ॥  
 हौं अवाहिं वानर मारि । द्रुत देत भूतलडारि ॥ ५९ ॥  
 तब कहे लपण सुवैन । जे वीर ते गरजैन ॥  
 बल अस्त्र शस्त्र जुहोय । दरशाव अब सब सोय ॥ ६० ॥  
 सुनि वचन निश्वरपाल । शर सप्त घाल उताल ॥  
 द्रुत राम बंधु सुवीर । खंडित किये सब तीर ॥ ६१ ॥  
 पुनि क्रोध करि बलवान । छाँडे विशिख बहु बान ।  
 तेऊ लपण सब खंड । फिरि तजे निज शरचंड ॥ ६२ ॥  
 ते बाण बाणन भिंद । रावण किये सब छिंद ।  
 पुनि विशिख शर दशभाल । वेधे सुलपणाहि भाल ॥ ६३ ॥  
 ते लगत शर विकराल । कछु विकल भे नृपलाल ॥  
 पुनि घालि बाण प्रचंड । कीनो सु रिपुधनु खंड ॥ ६४ ॥  
 अरु तीन शर विकराल । मारे निशाचर भाल ॥  
 हिहि घात वंश दश कंट । गुंठित भयो कछु कंट ॥ ६५ ॥  
 पुनि सजग ह्व बहु तीर । छोडे निशाचर वीर ॥  
 वर लपणहू धनुतान । बाले अनेकन बान ॥ ६६ ॥  
 दुहुँ गात सायक छिंद । तनुवान भे दुहुँ भिंद ॥  
 दुहुँ अंग शोणित धार । नख शीश चलत अपार ॥ ६७ ॥  
 तब क्रोध करि दशभाल । विविदत्त शक्ति कगल ॥  
 सो लपणके बलवान । मार्ग जु,र मधि तान ॥ ६८ ॥  
 निहि लगन भूमि मैदार । द्रुत गिरे राजकुमार ॥  
 तिन भाव निश्वनाद । भुज भारि उठावन चाद ॥ ६९ ॥  
 निहि कोटिमेरु नमान । भारी लग्यो तनु जान ॥

बहु बल कियो भुजवीश । नहिं चले रंच फनीश ॥ ७० ॥  
 सो शक्ति उरहि विभेदि । पुनि धसी भूतल छोदि ॥  
 गरु भूरि भार अनंत । बल करि थको बलवंत ॥ ७१ ॥  
 लखि धाय पवनकुमार । उर मुष्टि कीन प्रहार ॥  
 तिहि लगत निश्चरपाल । भो विकल निपट विहाल ॥ ७२ ॥  
 दुहुं जानु देखि सुकंपि । आतुर गिरो महि झंपि ॥  
 मुख श्रवण नैन मझार । वहि चली शोणित धार ॥ ७३ ॥  
 तव वायुसुत बलवंत । लपणहि उठाय तुरंत ॥  
 रघुवीर ढिग तिन धार । लीनी सु शक्ति निकार ॥ ७४ ॥  
 पुनि धाय पवनकुमार । आये जु समर मझार ।  
 लागेकरन बहु युद्ध । हनि निश्चरन करि क्रुद्ध ॥ ७५ ॥  
 लखि बंधुको रघुवीर । लाये हिये धरि धीर ॥  
 प्रभु अंग परसतवीर । भे तुलत विरुज शरीर ॥ ७६ ॥  
 उत चेत आय सुगारि । रथ घेठि धनु शर धारि ॥  
 बहु दलत ऋच्छ कपीन । हति सैन विह्वल कीन ॥ ७७ ॥  
 लखि सैन विचल विहाल । उठि राम अतिहि उताल ॥  
 धाये सुधनुशर धार । सँग कीश भालु अपार ॥ ७८ ॥  
 आये सुसमर मझार । अवलोकि पवनकुमार ॥  
 लीने सुकंध चढाय । दशवदन मन्मुख जाय ॥ ७९ ॥  
 पौले सपादि रघुनाथ । हे लंकपति दशमाथ ॥  
 कह करत कीश प्रहार । इत आव मोहि निहार ॥ ८० ॥  
 सुनि राम वचन सुगारि । धायो महारिस धारि ॥  
 धनु तान अगणित वान । छाडि प्रचंड सैधान ॥ ८१ ॥  
 नाराच रघुवर अंग । वेधे कवच करि भंग ॥  
 तव राम अतिहि उताल । शरदने विपम कनाल ॥ ८२ ॥  
 हति सारथी अरु पत्र । वर कीट सहध्वज छत्र ॥  
 एत कवच भूषण वर । बहु नाजमय नव वर ॥ ८३ ॥  
 दशवदनको यह नाज । संहिन कियो रघुनाज ॥

हुने चलिहु खुज मूल । दीने शरनते शूल ॥ ८४ ॥  
 ललितल दाग अखंड । भो विकल निश्चर चंड ॥  
 लिख नख शिथिल सब गात । नहि नैन पलहु चलात ८५ ॥  
 दी निरखि निपट अधीर । बोले विहँसि रघुवीर ॥  
 हे वरे निश्चरराज । तव वध करौ नहि आज ॥ ८६ ॥  
 रग मध्य हो असमर्थ । तिहि वधत नहि समर्थ ॥  
 सहि हेतु है निरसंक ॥ अब वेगि गमनहु लंक ॥ ८७ ॥  
 सुनि राम वैन उताल । कीनो गमन दशभाल ॥  
 युत सैन लंकहि जाय । बैठो सुधाम लजाय ॥ ८८ ॥  
 रावण महा वरिवंड । सो सुमिरि ते शर चंड ॥  
 बहु सोच हीय मझार । गुणि करत भूरि विचार ॥ ८९ ॥

घनाक्षरी-कवित्त ।

भारी भूधरेशते दिनेशहूते तापकारी शेषते विपारी वेग यौ  
 महानहैं ॥ रसिकविहारी तेजवारी जे हुताशनते प्राणतनहारी  
 फाँसते निदानहैं । चंड जम दंड ते उदंड ब्रह्मदंडहूते वज्रते क  
 घोर जोर वे प्रमान हैं ॥ अमित हथियार नव खंडमें अखंड पे  
 ऐसे कहुँ जैसे वरिवंड गम वान हैं ॥ ९० ॥

दोहा-सुमिर सुमिर यौ राम शर, चाँकि चितव चहुँ ओर ।

दिय पछिताय सुलंकपति, करत विचार बहोर ॥ ९१ ॥

घनाक्षरी-कवित्त ।

विधि वर थाप जानौ बहु निज शाप जानौ रघुको प्रताप जानै  
 मो न चित दीनो में । वेदके विधान जानौ शास्त्र औ पुरान जानौ  
 ज्ञान ध्यान जानौ भो विचार नहि लीनों में ॥ रसिकविहारी भली  
 भौन नियगम जानौ जानके ममस्त फेर भयो मनिहीनो में ॥ रघु  
 लायो बोध निपट अवोध रघो कोधने निगेध है विरोध हठि  
 नी में ॥ ९२ ॥

दोहा-यौ निचारि पछिताय पुनि, दशमुख गुनी सुदीय ।

तेनी हुनो हू मो भई, अब नहि त्यागी मीय ॥ ९३ ॥

घनाक्षरी कवित्त ।

कैतौ ना लगावै नेह कोऊ नर नारी साथ जोपै प्रीति जेरै तौ  
 हो फेरि तोरैना । रसिकविहारी काहू वचन न हरै कबौ जोपै वैन  
 तौ बहोरि दृग चोरैना ॥ कै तौ प्रन कैसहू न ठानै रंच वात-  
 जोपै धारिलेवै वानि पुनि हठ छोरैना । सोई है त्रिशुद्ध औ  
 र रण रुद्ध उद्ध रिपुतें विरुद्ध रुद्ध युद्ध मुख मोरैना ॥ ९४ ॥  
 दोहा—यातुधानपति यौ अमित, गुणत विचारत वात ।

जात भयो रनिवास मधि, यौ बीती सवरात ॥ ९५ ॥

इति श्रीरा० २० वि० यु० रावणयुद्ध

वर्णनो नाम दशमोविभागः ॥ १० ॥

दोहई छंद ।

रावण कीन विचार हीय दृढ कुंभकरण बलभारी ।  
 भक्षण करै भालु कपि सिंगरे सो सह लपण खरारी ।  
 यौ गुनि बहुरि सभा मधि आये आयसु दुई उताला ॥  
 काहू विधि मम बंधुहि निश्चर जाय जगावै हाला ॥ १ ॥  
 सुनि राक्षस बहु साजि सिंगरे आये बेगि तहांई ।  
 कुंभकरण जहँ मास अनेकन सोवत रहत सदाई ॥  
 सदन विशाल शैलकंदर मधि इक योजन चहुँ ओरा ।  
 निपट अचेत शैन कीने सो चलत श्वास अतिघोरा ॥ २ ॥

म० वा० ॥ भ० का० स० ६० ॥ श्लो० ॥

नवसप्तदशाष्टौ च मामान्स्वपिति राक्षसः । मंत्रं कृत्वा प्रसुप्तो  
 मृतस्तु नवमेहानि ॥ २ ॥ तां प्रविश्य महाद्वारां सर्वतो योजनायताम् ।  
 भकर्णगुहां रम्यां पुष्पगंधप्रवाहिनीम् ॥ २ ॥ इत्यादि ॥

दोहई छंद ।

प्रविशि न सकत श्वासलागि निश्चर तव कर गहि बरियाग ॥  
 बहुबल करि मिलि धाय एक मँग बैठे सदन मँझाग ॥  
 जाय प्रथम तिहि पास चहुँ दिशि अशन पान बहुयाग ॥  
 आमिष अत्र गाशि भूधर सम शोणित कलश दजाग ॥ ३ ॥  
 अरु सहस्र घट सुरा अमिन फल पुनि मजीव पशु भूग ॥

विविध सुगंध वसन भूषण वर अपर वस्तु प्रति हरी ॥  
 यों सज पंचसहस्र निशाचर गरजे मेघ समाना ॥  
 पुनि सब शंख मृदंग आदि बहु बाद्य शोर किय नाना ॥ ४ ॥  
 नहिं जागो तव मुद्गर मूसल गदा उपल तरु धार ॥  
 उर शिर बाहु चरण कटि जंवन वीरन अमित प्रहारे ॥  
 तऊ न ताहि बोध तव निश्चर दशसहस्र मिलि गाजे ॥  
 कियो घोर रव तूरदुंदुभी आदि वज्रें बहु वाजे ॥ ५ ॥  
 जगो न तव तिहि तनपर गज रथ ऊंट तुरंग चढाये ॥  
 ते बहु दलत मलत धावत वपु क्यू न तिहि के भाये ॥  
 पुनि निश्चर सकोप श्रुति नासा केशलुंच मिलि कीने ॥  
 अरु शत कुंभ नीर ते दोऊ श्रवण तासु भरिदीने ॥ ६ ॥  
 कैसहु नहिं जागौ तव द्रेशत तोप जँजीरन बाँधो ॥  
 भरि छोडी बहु बार जगो वह जब सुयतन यह साथो ॥  
 जुंभित है तनु इत उत फेरो गिरे सकल चहुँ ओरा ॥  
 नैन उवारि लखो सबही दिशि कुंभकरण अति घोरा ॥ ७ ॥  
 सैनहि अशन पान सहजै सब करि बूझी तिन पाहीं ॥  
 कहौ मोहिं किहि काज जगायो भ्रात कुशल कै नाहीं ॥  
 नृप मंत्री यूपाक्ष जोरि कर कहो सकल तव हाला ॥  
 सो सुनि कुंभकरण बहु रिस भरि बोलो वचन उताला ॥ ८ ॥  
 तजै भीति सब यातुधानपति हैं अचहीं द्रुत जाई ॥  
 सदल राम लछमणाहि नाश करि भ्रातहि मिलौ सु आई ॥  
 तव कर जोरि महोदर भापी नाथ प्रथम मिलि लीजे ॥  
 पुनि दृढ मंत्र ठानि दल संयुत संयुग विजय करीजे ॥ ९ ॥  
 तासु वचन सुनिकै उठि बैठौ तव वह निश्चर धाई ॥  
 आय कही शिरनाथ भूपसे नाथ जगो तव भाई ॥  
 गुणि नृप दई रजाय प्रथम तिहि मज्जन अशन करावो ॥  
 होय तृप्त पुनि वसन विभूषण साजि सभा मधि लावो ॥ १० ॥

सो सुनि सकल सौंज लै निश्चर कुंभकरण ढिग जाई ॥  
 मजन अशन पान करवायो प्रमुदित भयो अघाई ॥  
 सजितन उठो भ्रात दरशन हित ताछिन पुनि मन माना ॥  
 द्वै सहस्र घट सुरापान करि सहजहि कियो पयाना ॥ ११ ॥  
 पद्मशत धनुष उच्चतनु जाको है शत धनु विस्तारा ॥  
 दृग मंडल दुहुँशकट चक्र सम अंगशैल इव भारा ॥  
 कूप सरिस नासापुट दोऊ मुख गिरि कंदर माना ॥  
 बहु विशाल विकराल काल सो कुंभकरण बलवाना ॥ १२ ॥

प्र० ॥ वा० ॥ यु० का० ॥ स० ६५ ॥ श्लो० ॥

धनुःशत परीणाहः सपद्मशत समुच्छ्रितः ॥

रौद्रः शकटचक्राक्षो महापर्वत सन्निभः ॥

दोवई छंद ।

बली भीम वपु परम प्रतापी कुंभकरण मतिवाना ॥  
 जा सम यातुधान लंकांमधि प्रबल कोउ नाहि आना ॥  
 चलत भयो रावण ढिग तव वह दूरहि परो दिखाई ।  
 तिहि विलोकि है विकल भगे चहुँ भालु कीश समुदाई ॥ १३ ॥  
 कोऊ चढे द्रुमन भजि कोऊ गिरि कंदरन छिपाने ॥  
 कोऊ रघुवर निकट पराने कोउ फिरि विललाने ॥  
 सोगति हेरि राम धनु शर सजि ठाढे भये उताला ।  
 सवहि धीर द लखि लंकेशहि कही कौन विकराला ॥ १४ ॥  
 तव करजोर विभीषण भापी कुंभकर्ण यह नाथा ॥  
 आज दशानन ताहि जगायो युद्ध करन तव साथी ॥  
 सुनि खुबीर नील प्रति बोले सब ही धीर धगाई ॥  
 भालु कीशमय व्यूह रची वर मिलि बहु भट समुदाई ॥ १५ ॥  
 तव सेनापति जाय वेगही राम कथित सब कौने ॥  
 सजग भये हनुमंत आदि भट द्रुम गिरि आपुव लौने ॥  
 कुंभकर्ण रत आय भ्रात ढिग सादर शीश नवायो ॥  
 उठि दशवदन अंक भरि बंधुहि वर आसन बैठायो ॥ १६ ॥

कुंभकर्ण वृद्धी तव भ्रातहि क्यों मुहि वेगि जगायो ॥  
 सुनि भापी दशकंठ कुपित है अजहुँ न परत जनायो ॥  
 सदा वंधु नव सप्त सु दशवसु पट मासन लों सोवै ॥  
 कवहुँ वर्ष बहु सेन करै यों तौहू नौद न खोवै ॥ १७ ॥  
 याह छिन निद्रा दृग छाई परत न कट्टु दरशाई ॥  
 यातुधान नाशो बहु संयुग नर वानर दल आई ॥  
 कुंभकर्ण सुनि कही क्रोध भरि निज करणी फल पाये ॥  
 कहा जानि जगमातु सियाको जाय लंक हरि लाये ॥ १८ ॥  
 साम दान अरु दंड भेद ये चार चाहिय नृप माहीं ॥  
 अर्थ धर्म पुनि काम मोक्ष कृत समय समय भल आहीं ।  
 बल गुण रूप प्रताप भाग्य धन कुल निज परलखि लीजे ॥  
 देश काल निरवेर शुभाशुभ प्रीति वैर तव कीजे ॥ १९ ॥  
 सुनि दशवदन क्रोध करि भापी गुरु सम मोहि सिखावै ॥  
 होनी हुती भई सो अब तौ चाहिय सुजिहि जय आवै ।  
 कुंभकर्ण तब कही जोरि कर रोप करिय जनि ताता ॥  
 जाम्बवंत सुग्रीव सदलहति हौं मारौं दुहुँ भ्राता ॥ २० ॥  
 दृढ़ प्रतीत मुहि निज बलकी पै चिह्न अशुभ दरशावैं ॥  
 याते जानि परै इमि मोकों निश्चर सकल नशावैं ॥  
 यौकहि कही फेरि हे भूपति नर वानर कह भीता ॥  
 जाय एक हौं करौं विजय निज तव वश है है सीता ॥ २१ ॥  
 कुंभकर्णके वचन सुनतही वेगि महोदर भापी ॥  
 भो नृप वंधु प्रौढ है अजहुँ रंचहु बुद्धि न राखी ॥  
 जो रघुवीर सहस चौदह भट आय एक हति डारे ।  
 तिन सन्मुख रणोहत अकेले गमनत विनहि विचारे ॥ २२ ॥  
 घटकरनाहि यों भापि महोदर कह पुनि रावण पाहीं ॥  
 हमद्विजीभ आदिक सुपंच भट नाथ वंधु मिलि जाहीं ॥  
 सदल सर्वंधु अवहि रघुनाथै मारि लंक मधि आवैं ॥  
 तव अनाथ सीता दुख भीता प्रभु तव वश है जावैं ॥ २३ ॥

सुनि कह कुंभकर्ण मुहि रोची यह जु महोदर वरनी ॥  
 करौ विनाश आज तव रिपुको लखौ नाथ मम करनी ॥  
 तव रावण तिहि विशद विभूषण साजि रजायसु दीनी ॥  
 चलो मत्तगज सरिस शूललै संग सैन मदभीनी ॥ २४ ॥  
 पुर प्राकार उलंघि कढ़ा तिहि निराखि भालु कपि भागे ॥  
 तब नल नील तिनै धीरज दै धाये सँग ले आगे ॥  
 दूरहि ते लाखि ताहि विभीषण गहे भ्रात पद जाई ॥  
 कही मोहिं दशमदन तजो हौं राम शरण भो आई ॥ २५ ॥  
 कुंभकर्ण बहु बंधु सराहो सो पुनि दल मधि आये ॥  
 चले निशंक निशाचर लखिकै कीश भालु चहुँधाये ॥  
 बहु गरु शैल शस्त्र द्रुम अगणित हने वीर बलवाना ॥  
 खंडित भये सकल ते तिहि तन लगे न सुमन समाना ॥ २६ ॥  
 कुंभकर्ण करि क्रोध शूल गहि धायो कपिदल माहीं ॥  
 अमित ऋच्छ वनचरन विदारे भागे नाहि बचाहीं ॥  
 लाखन चूर भये दवि लातन लाखन धरि धरि खाये ॥  
 लाखन हने चपेटन मुष्टन लाखन काटि वहाये ॥ २७ ॥  
 लाखन कीश भालु गहि फेंके लाखन धक्कन मारे ॥  
 लाखन भीति विवशभजि डूवे आपहि सिंधु मझारे ॥  
 कुंभकर्ण गहि जे कपि ऋच्छन भच्छन करे अपारा ॥  
 तिन महँ बहु सजीव कढ़ि भागे श्रवण नासिका द्वारा ॥ २८ ॥  
 तिहि भय भगे ऋच्छ कपि पुनि तिन अंगद हांकि प्रचारे ॥  
 तब सब प्राण आश तजि धाये तरु गिरि विविध प्रहारे ॥  
 कुंभकर्ण लगदा विभंजे बहु वनचरन विदारे ॥  
 द्विविदकीशगहि शैल निश्चरन वाहन युत दलि डारे ॥ २९ ॥  
 यातुधान गण हने ऋच्छ कपि ते तिन अगणित नासे ॥  
 भारत भरत मुरत नाहि कोऊ दोऊ दिशि भट खासे ॥  
 हनुमान नभपथ है बहु गिरि कुंभकर्ण पर वरसे ॥  
 ते सब वीर शूलते काटे एकहु नाहि तनु परसे ॥ ३० ॥



तव केसरी किशोर जोर करि घोर शैल तिहि मारो ॥  
 विकल भयो शोणितसे भीजो कुंभकर्ण तनु सारो ॥  
 पुनि गहि शूल तमीचर कपिके उर अंतर हनिहूलो ॥  
 कियो शोर हनुमंत व्यथित है घरि एकलों रण भूलो ॥ ३१ ॥  
 गति लखि सैनपाल गहिभूधर तिहि प्रहार द्रुत कीनो ॥  
 कुंभकर्ण सो शैल मुष्टितें हति चूरण करि दीनो ॥  
 सो अविलोकि पंच मिलि तासों भिरे आय भरि क्रोधा ॥  
 नील गंधमादन गवाक्ष अरु शरभऋषभ वर योधा ॥ ३२ ॥  
 कुंभकर्ण तव नीलहि जंघन दाबि व्यथित बहु कीनो ॥  
 बहुरि गवाक्षहि तल प्रहार तें प्राण कंठ करि दीनो ॥  
 शरभहि हनि मुष्टिका गिरायो ऋषभहि भुजा दबाये ॥  
 सकल वीर ते परे धराणिमें नख शिख रुधिर अन्हाये ॥ ३३ ॥  
 तिन प्रहारि यों पुनि कपि ऋच्छन राक्षस भंजन लागा ॥  
 बहु बिलपाय हाय करि व्याकुल बहुरि सकल दल भागा ॥  
 ताछिन वालिपुत्र तिहि ऊपर पर्वत धाय पवारा ॥  
 निश्चर शूल प्रहारो अंगद सो करि दाव निवारा ॥ ३४ ॥  
 पुनि युवराज तासु उर वेगै तलताड़न किय घोरा ॥  
 कुंभकर्ण कष्टु पीडित हैकै सजग भयो वरजोरा ॥  
 बल करि मुष्टि हनी सो कपि हिय गिरो अचेत सुकीशा ॥  
 तव निश्चर तिन त्यागि शूललै मारो जाय हरीशा ॥ ३५ ॥  
 है कष्टु विकल सुकंठ सम्हारि पुनि गिरि तिहि कीन प्रहारा ॥  
 निश्चर कियो नाद तनु कंपो फिरि भरि क्रोध अपारा ॥  
 भार सहन शूल कपिपति पैवध हित वेगि चलायो ॥  
 लखि हनुमान धाय के बीचहि सो गहि तोरि बहायो ॥ ३६ ॥  
 कुंभकर्ण निज शूल व्यर्थ लखि पुनि गहि गिरि तकिवाला ॥  
 सो शिर परत विकल है दुर्मित गिरे भूमि हरिपाला ॥  
 निरखि अचेत धाय गहि निश्चर तिन लै कांस दवाई ॥  
 चलो लंक मंदन कपि ऋच्छन अनिआनंद अवाई ॥ ३७ ॥

कुंभकर्ण करगत सुग्रीवहि लखि कपि करत विलापा ॥  
 हनुमान बलगुणि सुकंठको दै धीरज दलथापा ॥  
 उत नृप वंधु लिये हरि राजहि प्रविशो लंक मँझारी ॥  
 चंदन सुमन वारि तिहि ऊपर वरपैं मुद नर नारी ॥ ३८ ॥  
 सो शीतलता लहि सुकंठकी भई मूरछा दूरी ॥  
 निरखि लंक पथ आप विवश गुणि कियो दाँव बलपूरी ॥  
 पगन कुक्षि कर नखन श्रौन दंतन नासिका विदारी ॥  
 चाँकि रोष करि कुंभकर्ण तिन डारो अवनि पछारी ॥ ३९ ॥  
 भूतल परत गेद सम हरिपति उछलि गगन पथजाई ॥  
 आये राम निकट तिन लखिकै सकल सैन हुलसाई ॥  
 नासा श्रवणहीन है अतिही कुंभकर्ण सकुचायो ॥  
 फिरो बहोरि क्रोध भरि धायो सवतनु शोणित छायो ॥ ४० ॥  
 आय गदागहि भालु कीश पुनि अमितहने अरु खाये ॥  
 भयो विकल दल लखि रामानुज तासु अंग शर छाये ॥  
 कुंभकर्ण बाणन ते व्याकुल पै न गिने तनु पीरा ॥  
 रामहि देखि क्रोध करि धायो लिये सु आयुध वीरा ॥ ४१ ॥  
 तव रघुवीर तीर निश्चर उर रौद्र अस्त्र मयमारे ॥  
 गिरो गदा भो विकल वानते वेधि गये तनुसारे ॥  
 यातुधान पुनि शैल शृंग लै हनो राम तिहि काटो ॥  
 कुंभकर्ण मुद्गर कर गहि के बहुरि राघवहि डाटो ॥ ४२ ॥  
 हौं न विराध कबंध त्रिशिर खर कपि मारीच न गमा ॥  
 सुर नर नाग विदित तिहुँ पुरविच कुंभकर्ण मम नामा ॥  
 करौ प्रहार काहमैं प्रथमैं तुम निज बल दशभावो ॥  
 पुनि यह मुद्गर हनौं शीश तव तनु ताजि यमपुरजावो ॥ ४३ ॥  
 सुनि रघुनाथ क्रोध करि तिहि तनु ते शर अगागिन मारे ॥  
 जे विराध खर ताल वालिप परम प्रचंड प्रहारे ॥  
 कुंभकर्ण तिन कछु मुद्गरने भंजे कछु वपुलांग ॥  
 सो नाह गिने वीर वर आयुध युन धायो प्रभु आंग ॥ ४४ ॥

तव उताल वायव्य अस्त्रयुत राम बाणतिहि मारा ॥  
 दक्षिण बाहु सहित मुद्गर सो खंडि महीतल डारा ॥  
 वाम हाथसे तरु उपाटिकै कुम्भकर्ण पुनि धायो ॥  
 ऐंद्र अस्त्र शरते द्रुमसह भुज सोऊ काटि गिरायो ॥ ४५ ॥  
 कटत बाहु बहु रिसकरि धायो भक्षण हित मुख फारे ॥  
 अर्धचंद्र शरते रघुवर तव पग खंडित करिडारे ॥  
 पुनि बाणन आनन भरि दीनो भयो विकल वरजोरा ॥  
 रहो रुंड युत मुंड क्रोध वश कियो शोर अतिघोरा ॥ ४६ ॥  
 तव रघुवीर उदंड चंड शर सजि कोदण्ड प्रहारा ॥  
 खंडित भयो शीश सो मरतहु मारौ राम पुकारा ॥  
 कुम्भकर्णको रुण्ड मुंड महि गिरो मेरु सम भारा ॥  
 पुर प्राकार द्वार कपि निश्वर चूरन भये अपारा ॥ ४७ ॥  
 तासु मरन लखि सुदित भये सुर आय सुमन बरसाये ॥  
 किलकें कूदि भालु कपि चहुँ दिशि जै जै शोर मचाये ॥  
 यातुधान बलवान अपर ते लल प्राण पराने ॥  
 रसिकविहारी रामचंद्रकी विजय देव सुखसाने ॥ ४८ ॥

श्रुति श्रीरा० १० वि० सु० कुम्भकर्ण युद्ध वध

वर्गनो नाम एकादशो विभागः ॥ ११ ॥

दोहा—आतुर जाय सुलंक मधि, यातुधान विलपाय ॥  
 गवण प्रति वर्णा सर्व, बंधु मरन अकुलाय ॥ १ ॥  
 कुम्भकर्ण हो निधन मुनि, विकल भयो दशमाय ॥  
 मदन कनन गुणगणिके, दलन भूमितल हाथ ॥ २ ॥  
 अपर निगानन निभरी, कम्मलि शीशधुनान ॥  
 कुम्भकर्ण बल गुणन पुनि, गेय विकल विलपाय ॥ ३ ॥  
 दशमन भाषी बंधु विन, विग जीवन गुणगज ॥  
 कुम्भकर्ण दिग जादुनो, होत नजि मव फाज ॥ ४ ॥  
 तपित मरन पुन वर, सोय श्री भगव ॥  
 नरक मरन दल नयक, वर विजय दयाय ॥ ५ ॥

यौ भापी त्रिशिरा सुभट, अरु देवांतक वीर ॥  
 प्रवल नरांतक रजनिचर, वर अतिकाय सुर्वार ॥ ६ ॥  
 सो सुनि रावण धीर धरि, तिन बहु साज सजाय ॥  
 संग सैन चतुरंग करि, दीनी युद्ध रजाय ॥ ७ ॥  
 बहुरि महोदर वीर अरु, महापार्श्व सजि अंग ॥  
 निश्वरपति निज भ्रात ये, किय पुत्रनके संग ॥ ८ ॥  
 रण दुर्मद पट सुभट ये, निश्वर अपर अपार ॥  
 चले यथोचित साज सजि, वाहन कवच हथ्यार ॥ ९ ॥  
 जै रावण कहि बेगही, भिरे सुनिश्वर आय ॥  
 जै रघुवर कपि भालु करि, गहि गिरि पादप धाय ॥ १० ॥  
 हनै तमीचर ऋच्छ कपि, ते तिनकर संहार ॥  
 कटत अटत नहिं भट हटत, एकहि एक प्रचार ॥ ११ ॥  
 दांतन लातन मुष्टिकन, तलन नखन बहु वीर ॥  
 अम्रन शस्त्रन गिरि तरुन, हनत गनत नहिं पीर ॥ १२ ॥  
 तेज तुरंग फिराय चहुँ, पास शक्ति कर धार ॥  
 हने नरांतक सप्तशत, कपि छिन एक मझार ॥ १३ ॥  
 यौहीं हते अपार भट, दिय कपि दल विचलाय ॥  
 धाये अंगद बेगही, पाय सुकंठ रजाय ॥ १४ ॥  
 देखि नरांतक कीश डर, कीनो पाश प्रहार ॥  
 चूर चूर हे शस्त्र सो, विखरो भूमि मझार ॥ १५ ॥  
 वालिपुत्र तव कोध करि, तलहनि हत्यौ तुरंग ॥  
 यातुधान सो कीश शिर, मारो मुष्ट अभंग ॥ १६ ॥  
 पुनि सकोप अंगद सँभरि, मुष्ट हनो तिहि भाल ॥  
 विकल नरांतक महि परो, निकसो प्राण उताल ॥ १७ ॥

चौं देखि नरांतक वध निशिचारी ॐ धाये कुपित शस्त्र करधारी ॥  
 आय बेगि देवांतक योधा ॐ परिघ हनो अंगदहि सकोधा ॥ १८ ॥  
 तव कपि गहि पादप तिहि मारो ॐ सो त्रिशिरा खंडित करिडारा ॥  
 पुनि यहु तरु गिरि कीश चलाये ॐ ते सब निश्वर भंजि गिराये ॥ १९ ॥

पुनि त्रिशिरा अंगद तनु सारा ॐ वेधो शरण अमिन खर वा  
 वालितनय तरु कुधर प्रहारे ॐ तिनहि महोदर परिघ विदार  
 तव कपि धाय उपल इकमारा ॐ करिभाग्यो करि वोर विकार  
 निज गज व्यथित महोदर देखा ॐ तिहि ताडो भरि क्रोध विशेष  
 देवांतक पुनि आय उताला ॐ हनो कीश शिर परिघ क  
 तव अंगद तलकीन प्रहारा ॐ मत्त महोदर गज हति डारा  
 पुनि तिहि दन्त उखारि सुकीशा ॐ किय प्रहार देवांतक शीश  
 भयो विकल फिरि सम्हारि उताला ॐ अंगद शिरहि परिघ सो वाल  
 तिहि प्रहार वश कहु अकुलायो ॐ जानु टेकि कपि महि लगायो  
 पुनि उताल उटि तनु सुधि लायो ॐ तौ लग त्रिशिरा वाण चलायो  
 तीन तीर त्रिशिरा वरयोधा ॐ कपि ललाट मारे करि क्रोध  
 सो लखि नील पवनसुत धाये ॐ बहु गिरि पादप उपल चलाये  
 पुनि गिरि खंड नील गहि भारा ॐ वेगि त्रिशिर शिर पर सो मार  
 लखि बीचहि निश्चर वल पूरा ॐ बाणन काटि उपल किय चार  
 नील बहुरि इक शैल चलायो ॐ सो लागत त्रिशिरा जमुहायो  
 देवांतक लै परिघ कराला ॐ धाय पवनसुतके शिरघालार  
 तव करि कोप वीर हनुमंता ॐ मुष्ट वज्र सम हनो तुरंता  
 देवांतक शिर चूरन भयऊ ॐ है खल मृतक भूमिगिरि गयऊ  
 लखि निश्चर देवांतक हाला ॐ कियो सकल बहु कोप कराल  
 अपर मत्तगज है असवारा ॐ धाय महोदर कपिहि प्रचारार  
 त्रिशिर महोदर दुहुँ इक साथ ॐ भिरे बहुरि कपि दलपति साथ  
 अमितबाण नीलहि तिन मारे ॐ सोऊ बहु तरु कुधर प्रहारे  
 तव करिकोप महोदर वीरा ॐ कपिहि कियो विह्वल हनितीरा  
 है मूर्छित पुनि कीश सम्हारा ॐ सह तरु शैल सुवेगि उखारा  
 तौलि ताकि सो गिरि वरियारा ॐ सपदि महोदर शीश प्रहारा  
 तिहि लागत गजसहित निशाचर ॐ गिरो मृतक है वेगिः भूमिपर  
 तिहिवधलखि त्रिशिरा भरि क्रोधा ॐ हने वाण हनुमानहि योधा  
 घालो शैल शिखर कपि तासू ॐ शरन चूर किये निश्चर आसू

पुनि हनुमत बहु द्रुम वरसाये ॥ सोहनि शरन त्रिशिर विनशाये ॥  
 वीर धाय तव तासु दुरंगा ॥ नखन विदारि कीन तनु भंगा ॥ ३४ ॥  
 लखि निश्चर वर शक्ति प्रहारी ॥ सो गहि कीश भंजि महि डारी ॥  
 तव त्रिशिरा लै खड्ग विशाला ॥ बल भरि हनुमान उर घाला ॥ ३५ ॥  
 तासु हृदय पुनि कपि तल मारा ॥ सो फिरि कीशहि मुष्ट प्रहारा ॥  
 गहि कृपाण हनुमान सु डाटे ॥ त्रिशिर शीश आतुर तिहुँ काटे ॥ ३६ ॥  
 पडरोछंद ।

लखि त्रिशिर घात निश्चर समस्त । भे अति विहाल बहु शोकग्रस्त ॥  
 कपि भालु पाय आनंद सर्व । चहुँ ओर वीर गर्जे सगर्व ॥ ३७ ॥  
 तव यातुधान करि कोप चंड । धाये हथ्यार गहि गहि उदंड ॥  
 शर शक्ति शूल भट्टन सुघाल । चहुँ भालु कीश बहु किय विहाल ॥ ३८ ॥  
 भट्ट महापार्श्व वर शस्त्रधार । वारनारोह बहु कपिनमार ॥  
 लखि ऋषभकीश धाये उताल । कह आय हेरु खल तोरकाल ॥ ३९ ॥  
 तव गदा कीन निश्चर प्रहार । कपि हृदय स्रवित बहु रुधिर धार ॥  
 पुनि ऋषभ क्रोधकर मुष्ट तान । मारे सुकुक्षि भो विकल प्रान ॥ ४० ॥  
 मूर्छित सुरारि धरणीमझार । गिरि गदाधार पुनि उठि सम्हार ॥  
 कियघात कीशके शीश चंड । तिहि हनो फेरि वानर उदंड ॥ ४१ ॥  
 पुनि यातुधान बहुघात कीन । तव गदा ऋषभ तिहि छीन लीन ॥  
 सो तासु शीशहनि वीर धाय । करिप्रान हीन दीनो गिराय ॥ ४२ ॥  
 भट्टमहापार्श्व वर समर्धीर । तिहि निधन कीन द्रुत ऋषभवीर ॥  
 लखि मरन तासु अतिकाय धाय । स्तब्धन अहट्ट किय समर आय ॥ ४३ ॥  
 अतिकाय काय लखि कहत कीश । हे कुंभकर्ण दृजो सुदीप्त ॥  
 वांजी सहस्र जिहि रथ मझार । साजे अनेक उद्धत हथ्यार ॥ ४४ ॥  
 दुहुँ ओर लंक द्वे खड्ग चंड । जिन मुष्टि पुष्टि अनुपम उदंड ॥  
 विस्तार जासु हे हस्तचार ॥ दशहस्त लंब दृढ भूरि भार ॥ ४५ ॥

म० ॥ पा० ॥ यु० पा० ॥ स० ॥ ५१ ॥ श्लोक ।

नै च खड्गो च पार्श्वस्थो प्रदीर्घो पार्श्वशोभिना ॥

चतुर्दशस्तम्भोचिना व्यक्तस्त्वदशायना ॥ १ ॥



पुनि राम अनुजक्रोधित उताल । कर अग्नि अस्त्र वालो कराल ॥  
 सो रौद्र अस्त्र छांडो प्रचंड । भिरि गिरे दोउ शर होय खंड ॥ ५९ ॥  
 खलकोपि अस्त्र ऐषीकमार । तिहि ऐंद्र अस्त्रते लपण डार ॥  
 पुनि याम्य अस्त्र निश्वर प्रहार । लक्ष्मण सुकीन वायव्यछार ६० ॥  
 पुनि अमित अस्त्रमय बाण चंड । कीने प्रहार लच्छन उदंड ॥  
 अतिकाय अंग एका न भेद । सो कराहि युद्ध निर्भय अखेद ॥ ६१ ॥  
 तव पवन देव लच्छनहि आय । भापी विरंचि कर याहि आय ॥  
 चाको अवध्य तनुवान अंग । विन ब्रह्मअस्त्र होवै न भंग ॥ ६२ ॥  
 दश सुनि वायुवन लछमन उताल । शर ब्रह्म अस्त्र योजित विशाल ॥  
 बलवान भूरि बल धनुष तान । संधान ठान मारो सुवान ॥ ६३ ॥  
 सायक प्रहार होतहि उदंड । अतिकाय शीशभो तुरत खंड ॥  
 विन मुंड रुंडसो भूरि भार । माहि गिगे चापि के दल अपारदश ॥  
 तिहि निधन हेरि कपि ऋच्छ वीर । किय मुदित शोर जे लपण वीर ॥  
 सौमित्र आय आनंद पाय । शिर नायगहे ग्नुगय पाय ॥ ६५ ॥  
 उटि राम वंधु उरुलाय लीन । बहुविधि बखान सनमान कीन ॥  
 सुप्रीव ऋच्छपति आदि वीर । आनंद अवाय धारी सुवीर ॥ ६६ ॥  
 अतिकाय अंत लगि यातुधान । दल नकल विकल ह्वै परान ॥  
 उत कगत गजनिचर रुदन वोर । इत होत जति जे जति शोर ॥ ६७ ॥

इति श्रीग० १० वि० सु० नगंतक अतिकाया-

द्विपुद्गवधवर्णनो नाम द्वादशोऽविभागः ॥ १२ ॥

सो०-निश्वर जाय विहाल, अतिउताल दशभालनों ॥

विलपि कहो रण हाल, पुत्र वंधु दल नकल वध ॥ १ ॥

सुनि रावण पट घात, भयो विकल बहु मोचवश ।

कर्मोजन पाछिनात, चकिन चित्त तनु धाकिन भो ॥ २ ॥

दशमुख निपट अर्थात, ले उपाँन दोलो विलानि ॥

इमि कोउ नाहि वीर, हनै सदल ग्नुवीर जो ॥ ३ ॥



दोहा-पितहि महादुख देखिकै, इंद्रजीत कर जोर ।

कही तात धीरज धरिय, लखिय पराक्रम मोर ॥ ४ ॥

जाम्बवंत हनुमंत अरु, सह तव अनुज सुकंठ ॥

अपर सदल दुहुँ बंधु को, वेगे करौं विकंठ ॥ ५ ॥

यौं बहु धीर धरायकै, मेघनाद वर जोर ॥

जाय सुभट थापे तुरत, किय प्रवंच चहुँ ओर ॥ ६ ॥

पुनि पुनीत है वेगही, धारि वसन शुचिलाल ॥

जाय यज्ञशाला सविधि, ठानो यज्ञ उताल ॥ ७ ॥

समिध विभीतक कुंडराचि, पावक प्रबल बढ़ाय ।

यथा योग वर मंत्र पढ़ि, हवन कियो हुलसाय ॥ ८ ॥

श्याम अजा सहजीवलै, करि अभिमंत्रित ताहि ॥

सविधि समर्पण कीन हुनि, अग्नि कुंडके माहि ॥ ९ ॥

ताही छिन मख कुंडते, स्यंदन कढो विशाल ॥

तामधि कवच हथ्यार वर, धरे अनेक कराल ॥ १० ॥

सो लखि निश्चर मुदित है, करि प्रणाम सब लीन ॥

साजि अंग रथ बैठि कै, गमन युद्ध हित कीन ॥ ११ ॥

संग सैन चतुरंग वर, धीर सुवीर विशाल ॥

नाद करै घननाद सम, सह घननाद कराल ॥ १२ ॥

अंतरिक्ष है इंद्रजित, आयो कपिदल माहि ॥

अपर निशाचर भूमि मग, धाय भिरे चहुँ घाहि ॥ १३ ॥

कीश भालु तरु उपल गिरि, गहि धाये बलवान ॥

घोर शोर चहुँ ओर है, रणछायो घमसान ॥ १४ ॥

रौनि अँध्यारी तम छयो, निज पर सूझत नाहि ॥

कपि कपि निश्चर निश्चरन, ऋच्छनऋच्छ हनाहि ॥ १५ ॥

ऋच्छ कपिन ऋच्छन कपी, निश्चर ऋच्छ कपीन ॥

ऋच्छ कपी हन निश्चरन, कोऊ काहुन चीन ॥ १६ ॥

मेघनाद वर अस्त्रमय, बाण प्रहार अपार ॥

कीश भालु संहार करि, डारे अत्रनि मैझार ॥ १७ ॥

श्रवण नैन मुख नासिका, हृदय चरण कर शीश ॥  
 वाण न वेधे इंद्रजित, भागे वचे न कीश ॥ १८ ॥  
 वालिसुतहि शर अष्टदश, नौ किय नलहि प्रहार ॥  
 सात मयंदहि पंच गज, ऋच्छपातिहि दशमार ॥ १९ ॥  
 नीलहि तीस गवाक्ष पट, गंधमादनाहि चार ॥  
 अपर अमित कपि रीछ तिन, वाणन दिये विदार ॥ २० ॥  
 राम लपण सुग्रीव अरु, लंकापति हनुमान ॥  
 इनाहि जु मारे विशिख शर, तिनको कछु न ग्रमान ॥ २१ ॥  
 भयो सकल कपिदल विकल, आरत करत पुकार ॥  
 प्राण कंठगत है परे, बहुरण भूमि मझार ॥ २२ ॥  
 रघुनंदन तव लपण प्रति, बोले निपट अधीर ॥  
 नागफांस बंधन कियो, जलु आयो सो वीर ॥ २३ ॥  
 इमि रघुवर लक्ष्मण अपर, कीश भालु समुदाय ॥  
 विकल व्यथित शर घातते, बोलत अतिअकुलाय ॥ २४ ॥  
 कीश ऋच्छ दल को कियो, मेघनाद संहार ॥  
 रुंड मुंड छाये चहुँ, शोणित बहत अपार ॥ २५ ॥  
 सरसठकोटि सुवीर वर, वानर भालु उदंड ॥  
 पट घटिका मधि इंद्रजित, वाणन हते प्रचंड ॥ २६ ॥

प्र० घा० ॥ सु० कां० ॥ स० ७४ ॥

सप्तपटिर्हताः कोट्यो वानराणां तरस्विनाम् ॥  
 अह्नः पंचमशेषेण बह्वेन स्वयं भुवः ॥ १ ॥  
 दोहा—अपर व्यथित कीने अमित, ते बहु मृतक समान ॥  
 परे भूमि तल विकल आति, भये कंठगत प्राण ॥ २७ ॥  
 यो विदारि वाणन सवाहि, इंद्रजीत बलवान ॥  
 निराखि विजय निज मुदितहि, कीनो लंक पयान ॥ २८ ॥  
 वेगि आय पितुचरण गहि, कहो सकल गणदाल ॥  
 जयकारी पुत्रहि मुदित, सर लायो दशमाल ॥ २९ ॥  
 सकल निशाचर निश्वरी, प्रमुदित कहन निशंक ॥

इंद्रजीत कीनी विजय, अचल भई अब लंक ॥ ३० ॥  
 उत लंका मधि मोद अति, इत कपि सैन मझार ॥  
 वायल वीर विहाल बहु, आरत करत पुकार ॥ ३१ ॥  
 ताही छिन कछु सजग है, लंकापति वर जोर ॥  
 जाय सम्हारो सकल दल, धाय धाय चहुँओर ॥ ३२ ॥  
 तौ लग पवनकुमारहू, लहो चेत कछु वीर ।  
 बहुरि विभीषण आयकै, दई कपिहि बहु धीर ॥ ३३ ॥  
 तब हनुमत लंकेश प्रति, बोले अतिहि उताल ॥  
 चलो सवहि अवलोकिये, को किहि भांति विहाल ॥ ३४ ॥  
 यौं कहि दोऊ सजग है, लेकर लूक उजेर ॥  
 लंकापति हनुमत लखो, दल समस्त चहुँ फेर ॥ ३५ ॥  
 रुंड मुंड कोटिन परे, कोटिन कहरत वीर ।  
 कोटिन प्राण सुकंठगत, कोटिन मृतक शरीर ॥ ३६ ॥  
 यौंहीं हेरत जात दुहुँ, हनुमत निश्चरराय ॥  
 जे सजीव तिन देत हैं, धीर सुवैन सुनाय ॥ ३७ ॥  
 चलि हेरे दुहुँ ऋच्छ पति, धरणी परे अचेत ।  
 नख शिख वेधित शरनते, विकल उसाँस न लेत ॥ ३८ ॥  
 कही विभीषण जाय दिग, तात जियत कै नाहिं ।  
 सुनि सुवैन रिछराजके, चेत भयो हिय माहिं ॥ ३९ ॥  
 जाम्बवंत तव मंद स्वर, बोले अतिअकुलाय ।  
 वाणी जानी लंकपति, पे दृगते न लखाय ॥ ४० ॥  
 कछो विभीषण वेगहीं, है सजीव हनुमान ॥  
 तुम निग्ये निज ननते, किमि है किन बलवान ॥ ४१ ॥  
 सुनि बोले लंकेश दुत, कहा वान यह नात ॥  
 नहिं प्रभुकी हनुमंतकी, तुम बूझी कुशलात ॥ ४२ ॥  
 जाम्बवान भापो नवै, जो न जियै हनुमान ॥  
 नो जीवन जेने वंचे, ने नद मृतक समान ॥ ४३ ॥

अरु जीवैं हनुमंत तो, बल प्रभाव बलवान ॥  
 मृतक भये कपि ऋच्छते, ज्यावैं सवाहि सुजान ॥ ४४ ॥  
 सुनि सुवैन गहि वेगही, जाम्बवंतके पाय ॥  
 कही पवनसुत कुशल हों, प्रभु तव कृपा प्रभाय ॥ ४५ ॥  
 कपिहि लाय हिय ऋच्छपति, बोले वचन उताल ॥  
 तिहूँलोक तुम सम बली, और न अंजनिलाल ॥ ४६ ॥  
 याते वीर सुवीरता, कीजै अतिहि उताल ॥  
 जाय औपधी लाय कै, विरुज करौ कपि भाल ॥ ४७ ॥  
 हिम गिरि अरु कैलासके, मध्य ऋपभ गिरि नाम ॥  
 तापरहै वर औपधी, सो लावो बलवाम ॥ ४८ ॥  
 सुनि सुवैन हनुमंत द्रुत, करि निज रूप विशाल ॥  
 उछलि चले नभ पंथ है, धाये अतिहि उताल ॥ ४९ ॥  
 उपल रजत अरु हेममय, लखे शैल अभिराम ॥  
 अवलोके हनुमंत पुनि, अपर अमित सुर ठाम ॥ ५० ॥  
 इहि विधि जाय उताल अति, पहुँचे पवनकुमार ॥  
 ऋपभ कूट हेरो चहुँ, शत योजन विस्तार ॥ ५१ ॥  
 कपिहि निरंखि सो औपधी, गुप्त भई चहुँ ओर ॥  
 हनुमान तव क्रोध युत, गिरिहि कही करि शोर ॥ ५२ ॥  
 रे खल रघुवरकाजहित, औपधि लई दुराय ॥  
 लखु भूधर मम बाहुबल, धरौ तोहि युत जाय ॥ ५३ ॥  
 यों कहि तिहि गहि धारि कर, उछलि व्योम पथ जाय ॥  
 आय धरौ कपि सैन मधि, युत औपधि गिरि लाय ॥ ५४ ॥  
 लावतहों गिरि पवन लगि, भे सब विरुज शरीर ॥  
 अपर जिये कपि भालु ते, भये मृतक जे वीर ॥ ५५ ॥  
 होत मृतक निश्चय जिने, ते सब सागर माहि ॥  
 दशमुख आज्ञाने परत, याते जिये सुनाहि ॥ ५६ ॥

प्र० वा० पु० का० ॥ म० ७३ ॥ श्लोक ।

यदाप्रभृति लंकायां युद्धयन्ते हारराक्षसाः ॥

तदाप्रभृति मानार्थमाज्ञया रावणस्य च ॥ १ ॥

ये हन्यन्ते रणे तत्र राक्षसाः कपिकुंजरैः ॥  
 हता हतास्तु क्षिप्यन्त सर्वएव तु सागरे ॥ २ ॥  
 गोहा-रैनि समै बहु भालु कपि, मृतक भये कपि जोय ॥  
 ह्वै सजीव ते दिवस मधि, उठे उठे जनु सोय ॥ ५७ ॥  
 भये विरुज दुहुँ वंधु युत, वानर भालु अपार ॥  
 अति आनंद उमंगाय सब, जैरघुवीर पुकार ॥ ५८ ॥  
 हनुमान पुनि शैल सो, रहो जहाँ तहँ धार ॥  
 नभमारग ह्वै वेगि पुनि, आये सैन मझार ॥ ५९ ॥  
 राम लषण सुग्रीव अरु, अपर अमित बलवान ॥  
 बार बार हनुमानको, बल यश करत बखान ॥ ६० ॥  
 इति श्रीरामरसा० १० वि० यु० इंद्रजितअंतरिक्षयुद्ध  
 वर्णनो नाम त्रयोदशोविभागः ॥ १३ ॥

पदरी छंद ।

यौ विरुज भई कपि भालु सैन । तब कहे सपदि सुग्रीत बैन ॥  
 शीतो समस्त दिन भो न युद्ध । हनुमत करौ बल वेगि युद्ध ॥ १ ॥  
 तब हनुमान बहु भट बुलाय । कर लिये लूक पावक दिपाय ॥  
 वाये अपार सँग भालु कीश । कहि जैति राम जै जै हरीश ॥ २ ॥  
 दिन अस्त होत लखि समय सांझ । कूदे सवीर चहुँ लंक मांझ ॥  
 शीनो लगाय पावक उताल । निश्चरन धाम वर लघु विशाल ॥ ३ ॥  
 प्र० ॥ वा० ॥ यु० कांडे । सर्ग ७४ ॥ श्लोक ।

अदहत्पावकस्तत्र जज्वाल च पुनः पुनः ॥  
 सारवंति महार्हाणि गंभीरगुणवंति च ॥ १ ॥

पदरी छंद ।

हे समै कीन बहु पौन जोर । वाढ़ी उदंड ज्वाला सुघोर ॥  
 धाम वाजि गज रथ अपार । शिशु तरुण वृद्ध वारि होत छार ॥  
 हाय हाय सब करि पुकार । भे विकल कोड काहु न सम्हार ॥  
 यातुधान करि कोप चंड । वाये हथ्यार ले ले उदंड ॥ ५ ॥  
 । भालु वीर गहि गहि सुलूक । भिरि जाय दीन निश्चरन फूक ॥  
 । यातुधान पुनि पुनि प्रहार । भट ऋच्छ कीश फिर तिनहि मार ॥

पावक प्रचंड चहुँ लाय दीन । पुनि भालु कीश विध्वंस कीन ॥  
मर्दत सु भौन अरु लरत जात । बहु धाय धाय दल दरत जात ॥ ७ ॥  
पेटे सु जाय दशकंठ धाम । कीनो विहाल कहि जैति राम ॥  
चहुँ जरत लंक अरु होत युद्ध । कर बहु विनाश कपि भालु उद्ध ८ ॥  
घनाक्षरी-कवित्त ।

थंभडारि देहरो उखारि औ कपाट फारि सदन उजारि जारि डारि  
रंचहू न भै ॥ केसरी किशोर वीर वंकादै उतंका हंका लंकामें फलंका  
वालि कूदत चहुँ अभै ॥ रसिकविहारी जै कपीश ईश गाजें कीश  
सुनि दशशीश कर बीस रीस ह्वै चभै ॥ चंगुल चपेटि औ लंगूरमें  
लोपटि मर्दि मर्दत खखेटि रजनीचर भगे सभै ॥ ९ ॥ ठेलें ठेलि पेलें  
पेलि रेलें रेलि झेलें फेरि झेलिकै ढकेलें यौहीं भौन डारें मीथि मीथि  
भारी तेजधारी जे प्रवृद्ध युद्धकारी तेउ वीरन निहारी मानहारी भमै  
वीथि वीथि ॥ रसिकविहारी विजकारी कपि रीछ झारी डारी औ  
विडारी शत्रु सेन मारी झीथि झीथि ॥ गुंठित हथियार कीने लुंठित  
करहैं कर कुंठित कियेहैं दशकंठ कंठ चीथि चीथि ॥ १० ॥

पदशब्द ।

उत करहिं यों सुविध्वंसलंक । इत राम साजि धनु शर उतंक ॥  
छोडे अपार सायक उदंड । तिन किये आय गृह खंड खंड ॥ ११ ॥  
इमि भालु कीश करि लंक नाश । लै लंकरुद्ध पुर आस पास ॥  
देखें पगत कोऊ जु ताहि । देखें बहाय गहि अनल माहि ॥ १२ ॥  
दशमालि देखि गति है विहाल । दीनी रजाय अतिही उताल ॥  
वर कुंभकर्ण सुत दोउ वीर । उद्धत निकुंभ अरु कुंभ धीर ॥ १३ ॥  
वर शोणिताक्ष शूपाक्ष चंड । कंपन प्रजंघ पट भट उदंड ॥  
पुनि अपर रनिचर शस्त्रधार । तिन संग कृपित धाय अपार ॥ १४ ॥  
भट भालु कीश अरु यातुधान । भिरि परे दोउ दल रुद्ध टान ॥  
दुम शैल शक्ति शर खड्ग चंड । लगि गिरे वीर ह्वै खंड खंड ॥ १५ ॥  
गहि गदा धाय कंपन उताल । अंगदहि चाल भो कपि विहाल ॥  
पुनि सैभरि कीश किय गिरि प्रहार । सो गिरो मृतकह रण मझार १६  
लखि शोणिताक्ष धायो उताल । किय कपिहि मारि वागन विहाल ॥

तब बालि पुत्र धनु तून छीन । करि खंड खंड महि डारि दीन ॥ १७ ॥  
 पुनि शोणिताक्ष असि चर्मधार । धायो सुछीन लिय कपिकुमार ॥  
 सो हनी ताहि करबाल तासु । आये प्रजंघ यूपाक्ष आसु ॥ १८ ॥  
 ये यातुधान अंगद अकेल । लखि द्विविद मैद धाये सकेल ॥  
 इत भये पुवंगम तीन चंड । तिहुँ उतहु वीर निश्चर उदंड ॥ १९ ॥  
 तिहुँ कीश कीन बहु तरु प्रहार । ते सब प्रजंघ असिते विदार ॥  
 पुनि अपर शैल द्रुम घाल चंड । यूपाक्ष डारतिन शरनखंड ॥ २० ॥  
 निश्चर प्रजंघ गहि खड्गतान । अंगदहि घात किय रुद्ध ठान ॥  
 तब कीश रोष भरि सुष्ट मारि । तिहि शीश भंजि महि दीन डारि ॥ २१ ॥  
 लखिकै प्रजंघ वध रोष आन । यूपाक्ष वीरवर लै कृपान ॥  
 सो द्विविदहीय घाली उताल । तब गहो कीश निश्चरहि हाल ॥ २२ ॥  
 लखि शोणिताक्ष किय कपिहि घात । गहि गदा कीश तिहि शिर निपात ॥  
 ताछिन मयंद द्रुत धाय आय । यूपाक्ष वीरको दिय गिराय ॥ २३ ॥  
 भुजन् मर्दि लिय प्राण तासु । त्यों शोणिताक्षको द्विविद आसु ॥  
 गहि दशन कोटि तनु नखन फारि । डारो सु भूमि लै प्राण मारि ॥ २४ ॥  
 इमि दुहुँ कीश दुहुँ भट सँहारि । धाये सुकुंभप्रति कुवर धारि ॥  
 सो यातुधान हन अमित तीरं । कीने विहाल कपि द्विविद वीर ॥ २५ ॥  
 लखि व्यथित भ्रात धाये मयंद । गरु शिला घाल कुम्भहि सुछंद ॥  
 निश्चर सुपंच शर खंड कीन । पुनि कपिहि सायकन भेदि दीन ॥ २६ ॥  
 पीडित विलोकि मातुलन वीर । द्रुत बालिपुत्र धाये सुवीर ॥  
 तिन कुम्भ कीन बहुशर प्रहार । कपि अमित ताहि द्रुम शैल मार ॥ २७ ॥  
 पुनि कुम्भवीर शर सप्त मारि । करि विकल कपिहि दिय भूमि डारि ॥  
 अंगद विहाल गति कीश धाय । भापी उताल रघुवरहि जाय ॥ २८ ॥  
 पुनि जाम्बवंत आदिकन राम । दीनी रजाय करि दृग ललाम ॥  
 धाये सु ऋच्छपति अरु सुखेन । कपि वेगदर्शि तिहुँ सुवल पेन ॥ २९ ॥  
 इहु चेतलहि चहुँ सुवीर । तरु उपल धारि धाये सुवीर ॥  
 नवहि कुंभ शर विपुल शाल । वेधे नमस्त वपु किय विहाल ॥ ३० ॥

धाये सुकंठ सो गति निहार । बहु कुधर कीन कुम्भाहि प्रहार ॥  
 ते सकल शैल भट यातुधानावाणन विदारि किय रज प्रमान ॥ ३१ ॥  
 पुनि शरन बेधि डारो सुअंग । तत्र किय कपीश तिहि चापभंग ॥  
 धनु भंजि कीशपति कर बखान । तुव तेज रूप बल पितु समान ॥ ३२ ॥  
 सुनि कुम्भ कुपित भरि लीन बाथ । तत्र कीन भूरि बल कीशनाथ ॥  
 दुहुँ वीर वीर वर समर उद्ध । अवरुद्ध रुद्ध कर मलयुद्ध ॥ ३३ ॥  
 कुम्भाहि सुकंठ बहु कोपधार । फेंको उठाय सागर मँझार ॥  
 सो बहुरि आय तुर बांधि पुष्ट । बालो कपीश उर वज्र सुष्ट ॥ ३४ ॥  
 पीडित हरीश पुनि ह्वै प्रचंड । तिहि वज्र सुष्ट मारो उदंड ॥  
 सो लगत वच्छ तच्छनहिं फाट । गिरि गयो भूमि निश्चर उलाट ॥ ३५ ॥  
 भो मृतक सुष्ट लागि कुम्भ वीर । लखि यातुधान तजि दीन वीर ॥  
 निरखो निकुंभ निज भ्रातहाल । धाये सकोप अतिही उताल ॥ ३६ ॥  
 सन्मुख सु आय हनुमंत वीर । कीनो निरुद्ध तिहि समर वीर ॥  
 सो कपिहि परिष मारो प्रचंड । लागि हृदय शस्त्र भो खंड खंड ॥ ३७ ॥  
 तव कीश कोपि तिहि उर मझार । द्रुत पुष्ट सुष्ट कीनो प्रहार ॥  
 विहवल निकुंभ ह्वै सजगहाल । गहि लयो धाय कपिको उताल ॥ ३८ ॥  
 पुनि पवनपुत्र हनि सुष्ट ताहि । भो विलग वीर इक छिनक माहि ॥  
 फिरि तासु परिष लै कपि उदंड । तिहि दलो धाय करि कोपचंड ॥ ३९ ॥  
 हनुमंत फिरि तिहि महि पछार । द्रुत लीन वीर गहि शिर उपार ॥  
 तव भो निकुंभ तनु प्राणहीन । लखि भालु कीश जैशोर कीन ॥ ४० ॥

दोहा—सकल निशाचर जायकै, भाजि लंकपति पास ॥

कही नाथ पट भट सदल, रण मधि भये विनास ॥ ४१ ॥

कुम्भ निकुंभादिक मरन, सुनि दशमुख विलपाय ॥

पुनि भापी मकराजसों, हिय बहु रोष बढाय ॥ ४२ ॥

जाहु पुत्र द्रुत सैन लै, हती सदल रघुवीर ॥

अम्ब शम्भ वर युद्धमें, हो तुम निपुण सुवीर ॥ ४३ ॥

तुव पितुको रघुवर हतो, दंडकवन रण माहि ॥

सो रज वदलो लेहु अब, नमय विलंब मुनाहि ॥ ४४ ॥



चौ०—सुनि खर सुत मकराक्ष सुभट्टा \* लिये संग वीरनके ठट्टा ॥  
 शस्त्र कराल कवच तनुसज्जे \* यातुधान दुर्मद बहु गज्जे ॥ ४५ ॥  
 धीर वीर मकराक्ष प्रधाना \* स्यंदन वैठि सुकीन पयाना ॥  
 चलत भूरि अपशकुन जनाये \* तिनहिं निदरि निश्चर सब धाये ॥ ४६ ॥  
 भयो शोर चहुँ ओर अपारा \* सुनत राम धनु बान सँभारा ॥  
 कीश भालु तरु गिरि गहि दौरे \* निश्चर भिरे पानवशबौरे ॥ ४७ ॥  
 शक्ति परिघ असि शस्त्र प्रहारी \* यातुधान कपि सैन विदारी ॥  
 तरु गिरि उपल कीश बहु वरपै \* धीर वीर सो नेक न करपै ॥ ४८ ॥  
 भट मकराक्ष बाहु बल पाई \* सवल प्रबल निश्चर ससुदाई ॥  
 खरसुत अमित चंड शर मारे \* यातुधान बहु शस्त्र प्रहारे ॥ ४९ ॥  
 कराहिं भालुकपि रण वारियारा \* भये सकल तनु व्यथित अपारा ॥  
 सोलखि राम भूरि शर चंडा \* मारि कीन निश्चर दल खंडा ॥ ५० ॥  
 खरसुत निज दल विचल निहारा \* धाय आय रघुवरहि प्रचारा ॥  
 कहा ठाढ हो मम पितुवाती \* आज निपाति सिराऊँ छाती ॥ ५१ ॥  
 अस्त्र शस्त्र तनु बल जिहि नाहीं \* अति अभ्यास होय तुम काहीं ॥  
 द्वंद्व युद्ध मो संग सु करहू \* बहुरि वेगि मम शर लागि मरहू ॥ ५२ ॥  
 सुनि रघुवीर सु उत्तर दीना \* हौं तुहि मूढ़ भली विधि चीना ॥  
 जनि मिथ्या वकवाद बढ़ावै \* निज पुरुषार्थ करि दर्शावै ॥ ५३ ॥  
 सुनि मकराक्ष सकोप उताला \* छाय दीन रामहि शरजाला ॥  
 प्रभु ते सकल खंडि महि डारै \* अरु प्रचंड निज शर बहु मारे ॥ ५४ ॥  
 ते निश्चर भंजे सब तीरा \* इहि विधि हने दुहुँ दुहुँ वीरा ॥  
 नृपसुत शर निश्चर बहु छटे \* तासु वाण प्रभु अगणित कोटे ॥ ५५ ॥  
 तव रघुवीर कोप उर धाग \* तासु चाप खंडित करि डग ॥  
 बहुरि अष्ट शर ते रघुनंदन \* किय विनाश सारथि हरि स्यंदन ॥ ५६ ॥  
 विरथ होय मकराक्ष सुयोधा \* महि धायो गहि झूल सकोधा ॥  
 सवल भ्रमाय सुशस्त्र उताला \* नाकि तोलि रघुवर पर घाला ॥ ५७ ॥  
 नो प्रचंड झूलहि रघुवीर \* भंजो वेगि चार हनि तीग ॥

लखि मकराक्ष मूल निज खंडा ❀ धायो मुष्टिक बाँधि उदंडा ५८॥  
तव रघुनाथ अनल शर मारा ❀ गिरो भूमि करि घोर चिकारा ॥  
भो मकराक्ष मृतक वर वीरा ❀ भागे निश्चर निरखि अधीरा ५९॥

सो०—भो मकराक्ष निपात, निरखि भालु कपि मुदित है ॥

बहु कूदत किलकात, कहै रामजै रामजै ॥ ६० ॥

इति श्री रा० २० वि० यु० लंकदहन मकराक्षादि

युद्धवधवर्णनो नाम चतुर्दशोविभागः ॥ १४ ॥

चामरछंद ।

उतालयातुधान हाल रावणै सबै कहो ॥ नृपाल ह्वै विहाल त्यों  
कराल कोप ते दहो ॥ तवै विचार ठानिकै सुइंद्रजीत सों कही ॥  
सुवीर तो समान वीर आन लंकमें नहीं ॥ १ ॥ कहा विचारि पुत्र  
तू न आजलों विजै करी ॥ मनुष्य भालु कीश कूर आय लंक है  
करी ॥ भई भई सु पे अबै बिलंब है न कामको ॥ उताल हाल जायकै  
सँहार डार रामको ॥ २ ॥ तवै सुमेघनाद यों धराय धीर तातको ॥  
कही न सोच कीजिये कछूक शत्रु वातको ॥ सवंधु राम भालु कीश  
आज हों नशाय हों ॥ परायहूँ कहूँ बचें न व्योमते खसायहों ॥ ३ ॥  
बखानि इंद्रजीत यों सुयज्ञ कीन जायकै ॥ भयो प्रसन्न सो समस्त  
सिद्ध साज पायकै ॥ उताल अंतरिक्ष है अलक्ष गो अकेलही ॥  
कियो विचार आज हों विजै करौ सकेलही ॥ ४ ॥ विशाल चाप  
तान के सँधान वान बालही ॥ उताल कीश भालु शीश भाल गात  
शालही ॥ लखे न कोट ताहि सो समस्तसैन हेरही ॥ प्रहारि तीर  
मारि वीर भूमि मध्य गेरही ॥ ५ ॥ उखार सौल वृक्ष धार कीश ऋच्छ  
धावहों ॥ लखाय ना कहूँ सु व्योम ओरको चलावही ॥ सुरारि  
पुत्र गुप्त है अपार वाण मारिकै । दई गिराय भालु कीश सैनको  
विदारिकै ॥ ६ ॥ परे विहाल ह्वै अधीर वीर तीर पीर ते ॥ करै  
सुहाय हाथ शोर न्हाय नैन नीर ते ॥ सम्हार सार काहुकी न काहु  
को कछू रही ॥ अपार धार रक्तकी समस्त अंगते बही ॥ ७ ॥  
सवंधु राम अंग मध्य रोम रोम छेदिंगे ॥ सुवीर इंद्रजीतके प्रहार तीर

भेदिगे ॥ भये विहाल दोउ राजपुत्र बाणपात ते ॥ चली अपार स  
धार बेसुमार गात ते ॥ ८ ॥ तब अनंत कोपिकै कही उताल भा  
सों ॥ कहा कलेश होय गो बहोरि प्राण वातसों ॥ सुहों अब प्रच  
ब्रह्म अस्त्र बाण मारहुं ॥ जिते त्रिलोक यातुधान ते सर्व सँहारहुं ॥ ९  
सकोप देखि बंधुको कृपालु राम यों कही ॥ अराति वात हेत ता  
वात योगहैं यही ॥ परंतु ह्व नरेश पुत्र ना अनीति धारिये ॥ सुष्ट  
दुष्टलागि क्यों अनेक प्राण मारिये ॥ १० ॥

दोहा-भगो दुरो लीने शरन, नहिं आयो रण मध्य ॥

करजरे उनमत्त हो, ये पट सदा अवध्य ॥ ११ ॥

याते उर धीरज धरो, हौं मारैं अब याहि ॥

मायामय बरिवंड खल, जोपै भागि न जाहि ॥ १२ ॥

यौं तिहि दृढ वध ठानिकै, नभ दिशि लखे निशंक ॥

रघुवर हियकी गति समुझि, गयो इंद्रजित लंक ॥ १३ ॥

पुनि वननाद विचार किय, माया रचौं अपार ॥

ठानि हिये बहुरो तुरत, लै संग सुभट जुझार ॥ १४ ॥

आयो पश्चिम द्वारसो, मायामय सिय रूप ॥

रत्नि बैठारे संग निज, रथ बिच परम अनूप ॥ १५ ॥

यातुधान दल देखिकै, वानर भालु अपार ॥

क्रोधभये चहुँ ओरते, धाये तरु गिरिधार ॥ १६ ॥

आवतही कपि वृंदको, दशमुख सुत दरशाय ॥

माया सियको वध कियो, गहि कच खड्ग चलाय ॥ १७ ॥

सो लखि हनुमत आदि सब, हाय हाय किय शोर ॥

आरत विकल पुकारहीं, करो कर्म खल घोर ॥ १८ ॥

रुदन करत वननाद पर, धाये पवनकुमार ॥

कहत क्रोधमंय दुर्वचन, मूढ तोहि धिक्कार ॥ १९ ॥

है अवध्य अवला सदा, पुनि अति दुखी अधीर ॥

बहुरि विवश तिहि वध कियो, दुष्ट कहावत वीर ॥ २० ॥

यौं भापत धाये सदल, किय तरु कुघर प्रहार ॥  
 तिनाहि छिदि मारत कपिन, इंद्रजीत वरियार ॥ २१ ॥  
 समर करत हनुमान प्रति, कहे इंद्रजित बैन ॥  
 रे कपि मुहि तिय घातको, रंचहु पातक है न ॥ २२ ॥  
 नर नारी कोऊ कहूँ, पीडाकारक जोय ॥  
 ताहि वधेते कैसहु, काहू पाप न होय ॥ २३ ॥  
 सुनि हनुमत कपि भालु युत, धाये करि बहु कुद्ध ॥  
 तरु गिरि पाहन भूरि हनि, करनलगे रणयुद्ध ॥ २४ ॥  
 क्रोधित काल करालसम, भये वीर विकराल ॥  
 पौनपुत्र गहि गरु शिला, घाली अतिहि उताल ॥ २५ ॥  
 ताछिन रथ लै सारथी, भागो निरखि शिलाहि ॥  
 गिरी आय सौ ठौर तिहि, धसी धरणिके माहि ॥ २६ ॥  
 बहुरि हनुमत सदल अरु, युत अनीक घननाद ॥  
 करत युद्ध रव उद्ध भो, मनो प्रवल घननाद ॥ २७ ॥  
 हनुमान सोचत हिये, सियहि हतो खलवाम ॥  
 प्रभु रजाय पाये विना, है अय युद्ध निकाम ॥ २८ ॥  
 यह विचार दृढ़ ठानिके, युक्तिहि युक्ति सुधीर ॥  
 भिरत फिरत निकटत दुरत, गये समरतजि वीर ॥ २९ ॥  
 इंद्रजीत अवकाश लहि, गयो सदल द्रुत लंक ॥  
 हनुमत बल दांपित सकल, निश्चर निपट सशंक ॥ ३० ॥  
 लंक सिद्धि देवी सु जिहि, है निकुंभिला नाम ॥  
 करन लगो मुख इंद्रजित, करि प्रबंध तिहि ठाम ॥ ३१ ॥  
 पवनसुवन इत विकल अति, विलपत जाय उताल ॥  
 कहो सिया वध सुनतही, भूमि गिरे रघुलाल ॥ ३२ ॥  
 करत विलाप अधीर अति, तन मनकी न सँभार ॥  
 बहो पैन मुख स्वेद तनु, चली दगन जल धार ॥ ३३ ॥

पनासरी वारित ।

हाय हाय करि रघुराय विलापय धाये बोले हाय प्यारि कहौ  
 वेगहौ बतायदे ॥ जनकदुलारी किनमागी कितडागी हाय आय

हनुमंत फेरि सकल सुनायदे।हौंहूं प्राण त्यागों तहां चलिकै छवीली  
जहां संगलै उताल तिहिं ठौर पहुँचायदे । होनी ही भई सो आज  
लाज को न काज हाय कैसहू प्रियाको मोहिं वदन दिखायदे ॥ ३४ ॥

दोहा—इमि अधीर रघुवीर को, लपण गहे उठि धाय ॥

बैठारे कहि मृदु वचन, समै सरिस समुझाय ॥ ३५ ॥

धीर धरत नाहि रंचहू, बढी विरहकी पीर ॥

बहु विलपत अकुलायकै, कहत वचन रघुवीर ॥ ३६ ॥

वनाक्षरी कवित्त ।

रसिकविहारी किमि लगनहुती सो कूर जा छिन छवीलीको  
उछाहि व्याहि लायोंमें ॥ कौन कुधरीही वह जाधरी प्रियाको संग  
लैकै त्यागि देशको विदेशहि सिधायोंमें ॥ कैसो दिन अशुभकराल  
सो कलेशकारी जादिन समस्त दल साजि इत आयोंमें ॥ जब ते  
विछोही तबही ते हाय लाडिलीको सकवेर फेर मुख देखन न  
पायोंमें ॥ ३७ ॥ प्यारी सुरधामको सिधारी सो सुखारी भई हौती  
तिहि विरह दुखारी करौ हाय हाय । सुरति बिसारी ना निहारी नेक  
मेरी ओर रसिकविहारी गई न्यारी चित चाय चाय । होवै हितकारी  
जो सहाय सो हमारी करै लागी अंग अंग रूप वारी विन लाय लाय ॥  
ऐसे समै कोऊ आय हनहि कृपान तान त्यागों प्राण मुदित प्रियाके  
गुण गाय गाय ॥ ३८ ॥

दोहा—यौं बहु विलपतही विकल, पुनि बोले रघुराय ॥

हनुमत लपण सुकंठ नल, आदिक सबहि सुनाय ॥ ३९ ॥

वनाक्षरी कवित्त ।

सेवक सुबंधु सखा तन मन वित्त चित्त रसिकविहारी सदानंदमें  
रहीजियो ॥ हौं तौं अव करत पयान प्राणप्यारी ढिग सकल सुजान  
सीख येती सुनि लीजियो ॥ लायकै सुदारु भार भूरि विरचाय शर  
एकै ठौर धारकै दुहुँको दाह दीजियो ॥ मेरो दृढ नेह औ पतिव्रत  
प्रियाको सत्य ताको निरवाह सबै अंतलग कीजियो ॥ ४० ॥

दोहा—सुनि लछमन रघुचंदको, गहि निज अंक मझार ।

कही तात धीरज धरिय, कीजे समय विचार ॥ ४१ ॥

यों कहि पुनि रघुवीर सों, बोले कछु झहराय ।

राज तजो प्रभु धर्म हित, ताको फल यह आय ॥ ४२ ॥

धनाक्षरी-कवित्त ।

वरमधुरीण नाथ पायो सो कलेश ऐसो यातुधान रावण सुमोद  
तूठे हैं॥ परम सुकर्मी प्रभु वन वन डोलें दुखी रावण अवर्मा ताहि  
साज पूठे हैं ॥ रसिकविहारी हैं विचारी निरधारी सत्य सकल  
शुभ त्रिलोकही ते ऊठे हैं ॥ धनको प्रभाव एक सत्य है सदाहों  
धर्म कर्म ज्ञान पाप पुण्य सब झूठे हैं ॥ ४३ ॥

प्र० ॥ वा० ॥ यु० ॥ का० ॥ स० ८३ ॥ श्लोक० ॥

रे युद्धयमानानामस्माकं प्रेक्षतां च सः ॥ जघान रुदतीं सीतामिन्द्र-  
रावणात्मजः ॥ १ ॥ तस्य तद्रचनं श्रुत्वा राघवः शोकमूर्च्छितः ॥  
पात तदा भूमौ छिन्नमूल इव द्रुमः ॥ २ ॥ तं लक्ष्मणोऽथ बाहुभ्यां  
प्वज्य सुदुःखितः ॥ उवाच राममस्वस्थं वाक्यं हेत्वर्थं संयुतम् ३  
वर्त्मनि तिष्ठतं त्वामार्यं विजितेंद्रियम् ॥ अनर्थेभ्यो न शक्नोति  
धर्मो निरर्थकः ॥ ४ ॥ भूतानां स्थावराणां च जंगमानां च दर्शनम् ॥  
अस्ति न तथा धर्मस्तेन नास्तीति मे मतिः ॥ ५ ॥ यद्यधर्मो  
हृतो रावणो नरकं व्रजेत् ॥ भवांश्च धर्मसंयुक्तो नैव व्यसनमाप्नुयात् ६  
य च व्यसनाभावाद् व्यसनं चागतं त्वयि ॥ धर्मो भवत्यधर्मश्च  
स्परविरोधिनौ ॥ ७ ॥ यस्मादर्थो विवर्धते तेष्वधर्मः प्रतिष्ठितः ॥  
अन्यन्ते धर्मशीलाश्च तस्मादेतौ निरर्थका ॥ ८ ॥ मम चेदं मतं  
त धर्मोऽयमिति राघव ॥ धर्ममूलं त्वया छिन्नं राज्यं मुत्सृजता तदा ॥  
९ ॥ हर्षः कामश्च दर्पश्च धर्मः क्रोधः शमो दमः ॥ अर्थादेतानि  
माणि प्रवर्तते नराधिप ॥ १० ॥ इत्यादि ॥

दोहा-योंहीं लखन अनेक विधि, कहे वचन समुझाय ॥

सुनि सुनि समय स्वरूप कछु, धीर धरी रघुराय ॥ ४४ ॥

१०-ताही छिन सब सैन सँभारी ॥ आय विभीषण दशानिहारी ॥  
लपत सकल भाल कपिवीरा ॥ लेत उसोंम विकल रघुवीरा २५ ॥

हनुमंत फेरि सकल सुनायदे।हैंहूं प्राण त्यागों तहां चलिकैं छवीली  
जहां संगलै उताल तिहिं ठौर पहुँचायदे । होनी ही भई सो आज  
लाज को न काज हाय कैसहू प्रियाको मोहिं वदन दिखायदे ॥ ३४ ॥

दोहा—इमि अधीर रघुवीर को, लपण गहे उठि धाय ॥

बैठारे कहि मृदु वचन, समै सरिस समुझाय ॥ ३५ ॥

धीर धरत नाह रंचहू, बढी विरहकी पीर ॥

बहु विलपत अकुलायकै, कहत वचन रघुवीर ॥ ३६ ॥

घनाक्षरी कवित्त ।

रसिकविहारी किमि लगनहुती सो कूर जा छिन छवीलीको  
उछाहि व्याहि लायोंमें ॥ कौन कुधरीही वह जाधरी प्रियाको संग  
लैकै त्यागि देशको विदेशहि सिधायोंमें ॥ कैसो दिन अशुभकराल  
सो कलेशकारी जादिन समस्त दल साजि इत आयोंमें ॥ जब ते  
विछोही तबही ते हाय लाडिलीको सकवेर फेर मुख देखन न  
पायोंमें ॥ ३७ ॥ प्यारी सुरधामको सिधारी सो सुखारी भई हौंती  
तिहि विरह दुखारी करौं हाय हाय । सुरति बिसारी ना निहारी नेक  
मेरी ओर रसिकविहारी गई न्यारी चित चाय चाय । होवै हितकारी  
जो सहाय सो हमारी करै लागी अंग अंग रूप वारी विन लाय लाय ॥  
ऐसे समै कोऊ आय हनहि कृपान तान त्यागों प्राण मुदित प्रियाके  
गुण गाय गाय ॥ ३८ ॥

दोहा—यौं बहु विलपतही विकल, पुनि बोले रघुराय ॥

हनुमत लपण सुकंठ नल, आदिक सबहि सुनाय ॥ ३९ ॥

घनाक्षरी कवित्त ।

सेवक सुबंधु सखा तन मन वित्त चित्त रसिकविहारी सदानंदमें  
रहीजियो ॥ हौं तौं अव करत पयान प्राणप्यारी ढिग सकल सुजान  
सीख येती सुनि लीजियो ॥ लायकै सुदारु भार भूरि विरचाय ॥  
एकै ठौर धारकै दुहूँको दाह दीजियो ॥ मेरो हृद नेह औ पतित  
प्रियाको सत्य ताको निरवाह सबै अंतलग कीजियो ॥ ४० ॥

दोहा—सुनि लछमन रघुचंदको, गहि निज अंक मझार ।

कही तात धीरज धरिय, कीजे समय विचार ॥ ४१ ॥

यों कहि पुनि रघुवीर सों, बोले कछु झहराय ।

राज तजो प्रभु धर्म हित, ताको फल यह आय ॥ ४२ ॥

धनाक्षरी-कवित ।

धर्मधुरीण नाथ पायो सो कलेश ऐसो यातुधान रावण सुमोद  
मध्य तूठे हैं॥परम सुकर्मी प्रभु वन वन डोलें दुखी रावण अधर्मी ताहि  
राज साज पूठे हैं ॥ रसिकविहारी हों विचारी निरधारी सत्य सकल  
शुभाशुभ त्रिलोकही ते ऊठे हैं ॥ धनको प्रभाव एक सत्य है सदाहीं  
और धर्म कर्म ज्ञान पाप पुण्य सब झूठे हैं ॥ ४३ ॥

प्र० ॥ वा०॥ यु०॥ का०॥ स० ८३ ॥ ५लोक० ॥

समरे युद्धयमानानामस्माकं प्रेक्षतां च सः ॥ जवान रुदतीं सीतामिद्र-  
जिद्रावणात्मजः ॥ १ ॥ तस्य तद्रचनं श्रुत्वा राघवः शोकमूर्च्छितः ॥  
निपपात तदा भूमौ छिन्नमूल इव द्रुमः ॥ २ ॥ तं लक्ष्मणोऽथ बाहुभ्यां  
परिप्वज्य सुदुःखितः ॥ उवाच राममस्वस्थं वाक्यं हेत्वर्थं संयुतम् ३  
शुभे वर्त्मनि तिष्ठतं त्वामार्य विजितेन्द्रियम् ॥ अनर्थेभ्यो न शक्नोति  
त्रातुं धर्मो निरर्थकः ॥ ४ ॥ भूतानां स्थावराणां च जंगमानां च दर्शनम् ॥  
यथास्ति न तथा धर्मस्तेन नास्तीति मे मतिः ॥ ५ ॥ यद्यधर्मो  
भवेद्भूतो रावणो नरकं व्रजेत् ॥ भवांश्च धर्मसंयुक्तो नैव व्यसनमाप्नुयात् ६  
तस्य च व्यसनाभावाद्भयसनं चागतं त्वयि ॥ धर्मो भवत्यधर्मश्च  
परस्परविरोधिनौ ॥ ७ ॥ यस्मादर्थो विवर्धते तेष्वधर्मः प्रतिष्ठितः ॥  
क्षिश्यन्ते धर्मशीलाश्च तस्मादेतौ निरर्थका ॥ ८ ॥ मम चेदं मतं  
तात धर्मोऽयमिति राघव ॥ धर्ममूलं त्वया छिन्नं राज्यं मुत्सृजता तदा ॥  
॥ ९ ॥ हर्षः कामश्च दर्पश्च धर्मः क्रोधः शमो दमः ॥ अथादेतानि  
सर्वाणि प्रवर्तते नराधिप ॥ १० ॥ इत्यादि ॥

दोहा—योंहीं लखन अनेक विधि, कहे वचन समुझाय ॥

सुनि गुनि समय स्वरूप कछु, धीर धरो रघुराय ॥ ४४ ॥

चौ०—ताही छिन सय सैन सँभारी ॥ आय विभीषण दशानिहारी ॥  
विलपत सकल भालु कपिवीरा ॥ लेत उर्मोम विकल रघुवीर ॥



वृद्धी लखि लंकेश उताला \* विलखि कहो लछमन सब हाल  
 सुनि भाषी तबसों झहराई \* नृप सुत वैठौ क्यों न चुपाई ४६  
 पुनि हनुमतहि लंकपति बोले \* है बुधिमंत विचारि न बोले  
 सो मायावी दुष्ट मलीना \* मायामय सीतावध कीना ४७  
 यों कहि बहुरि निशाचरराई \* रघुवीरहि बहु धीर धराई ४८  
 राम विभीषण वचन प्रमाना \* मायामय सीता वध जाना ४८  
 पुनि बोले लंकेश उताला \* करै इंद्रजित यज्ञ कराला ४९  
 याछिन लछमन सदल सिधारै \* मख विध्वंस होय तिहि मारै ४९  
 सुनि रघुनाथ रजायसु दीनी \* सुभट सैन लछमन बहु लीनी ५०  
 कवच अंग बहु शस्त्र सुधारे \* जैति जैति जैराम उचारे ५०  
 हनुमानादि सुवीर प्रधाना \* जाम्बवन्त आदिक भट नाना ५१  
 धनु शर गदा विभीषण साजे \* यातुधान चहुँ विकट सुराजे ५१  
 रामहि लपण प्रदक्षिण दीना \* पदशिर धरि प्रणाम पुनि कीना ५२  
 बहुरि कही प्रण ठानि अनंता \* ऐहौं हनि निश्चर बलवंता ५२  
 यों कहि लछमन सदल सिधाये \* द्रुत निकुंभिला धामहि आये ५३  
 तब बोले लंकेश उताला \* लखौ वीर यह वृक्ष विशाला ५३  
 इहि वट तर सु इंद्रजित आई \* होत अलक्ष व्योममाधि जाई ५४  
 याते करि प्रबंध तरु घेरे \* निश्चर खडे विकट चहुँ फेरे ५४  
 सो प्रथमहि दल करि तरु लीजे \* बहुरि निशंक समर दृढ़ कीजे ५५  
 सो सुनि लक्ष्मण दई रजाई \* धाये कीश भालु समुदाई ५५  
 तरु ढिग रहे निशाचर जेते \* कपिन हने बल करि सब तेते ५६  
 मारत भरत लरत वरियाई \* गहो सु वट रिपुदलहि नशाई ५६  
 तिहि तरु तर है सजग सुधीरा \* खड़े लपण युत कोटिन वीरा ५७  
 भिरे अपर निश्चर अरु कीशा \* होत समर दुहुँ दिशि करि खासा ५७  
 भयो चहुँ कोलाहल भारी \* उठो न मखते तबहुँ सुरांगी ५८  
 लखि कपि भालु धसे वरियाई \* यज्ञसाज सब दीन नशाई ५८

दंतन नखन इंद्रजित गाता ❀ फारि केश गहि मारहि लाता ॥  
 भो विध्वंस यज्ञ करि क्रोधा ❀ उठो शूल लै निश्वर योधा ॥५९॥  
 सो बहु वीरन मारि गिराये ❀ अपर भाजि लछमन ढिग आये ॥  
 यज्ञ भंग सुनि सब हरपाने ❀ भयो अवै खलवध दृढ़ जाने ६०॥  
 मेघनाद करि क्रोध कराला ❀ धायो स्यंदन साजि उताला ॥  
 देखो पवनपुत्रकी ओरा ❀ हनत निश्वरन कपि वरजोरा ६१॥  
 तोमरछंद ।

लखि मेघनाद सुहाल । कपि निकट आय उताल ॥  
 किय अमित शस्त्र प्रहार । गहि कीशते दलि डार ॥ ६२ ॥  
 लखि पौनसुतहि लरात । धायो दशानन भ्रात ॥  
 ढिग जाय करि दग वंक । कह इंद्रजितहि निशंक ॥ ६३ ॥  
 रे दुष्ट तू अति उद्ध । करु आज मोसम युद्ध ॥  
 सुनि मेघनाद रिसाय । वोलो सु भौंह चढ़ाय ॥ ६४ ॥  
 भो तात बंधु कनिष्ठ । हो मौन कुमति अनिष्ट ॥  
 महाराज बंधु कहाय । भो भिक्षु सेवक जाय ॥ ६५ ॥  
 दोहा—जो निज सुजन विहाय कै, करें पराई आश ॥  
 ताको इत उत दोट दिशि, हो सब काज विनाश ॥ ६६ ॥  
 इंद्रजीतके वचन सुनि, कहे विभीषण वैन ॥  
 तू खल पितृ युत काल वश, अरु सब निश्वर सैन ॥ ६७ ॥  
 कूर कुशील कुंकर्म रत, कटुवादी मतिहीन ॥  
 लुब्ध अधर्मी कुटुम जो, ताको तजे प्रवीन ॥ ६८ ॥  
 यों कहि कह लंकेश पुनि, रे खल कुमति कराल ॥  
 बटतर जान न पायहै, आज होत तव काल ॥ ६९ ॥  
 सजग दुहैं इमि परस्पर, कहत हुते कटु वैन ॥  
 ताछिन हनुमत कंध चढ़ि, धाय लपण युत सैन ॥ ७० ॥  
 कही आय घननाद सों, रे कायर खल चोर ॥  
 दुरन न पड़े आज तू, देख पराक्रम मोर ॥ ७१ ॥  
 सुनि भाषी घननाद तव, भूलि गई वह पीर ॥

नागफाँस कपिसैन युत, महि डारे दुहुँ वीर ॥ ७२ ॥  
 कही लपण तव हे कुटिल, करी दुराय सु वात ॥  
 आज प्रगट दरशाव बल, जितो होय तुव गात ॥ ७३ ॥  
 तोमर छंद ।

सुनि इंद्रजित रिस धारि । निज अस्त्र शस्त्र सँभारि ॥  
 बोलो बहोरि सुछंद । हो सजग दशरथ नंद ॥ ७४ ॥  
 यौ भापि अतिहि उताल । सायक तजे विकराल ॥  
 सो लागि लक्ष्मण गात । बहु रुधिर धार बहात ॥ ७५ ॥  
 तव लपण बाणन मारि । तिहि कवच दीन विदारि ॥  
 सोऊ महारिसुठान । भंजन कियो तनु त्रान ॥ ७६ ॥  
 पुनि राम अनुज उदंड । द्रुत पंच शर बर चंड ॥  
 वाले सबल धनु तान । तिहि उर विधे विच आन ॥ ७७ ॥  
 घननाद युद्ध प्रवीन । लै विषम सायक तीन ॥  
 मारे सपदि करि लच्छ । वेधे सुलच्छनवच्छ ॥ ७८ ॥  
 यौ विविध उद्धत बान । दुहुँ हनत दुहुँ बलवान ॥  
 पुनि अपर शस्त्र अपार । दुहुँ करत दोऊ प्रहार ॥ ७९ ॥  
 इक एक करत अधीर । पुनि सँभरि युद्धत वीर ॥  
 दुहुँ शस्त्र भंजत दोउ । इमि भिरत फिरत न कोउ ॥ ८० ॥  
 दुहुँ शस्त्र ताकि ताकि बाल । दुहुँ अंग विधत कराल ॥  
 इमि लपण अरु घननाद । कर समर युत अहाद ॥ ८१ ॥  
 बहु यातुधान कराल । कपि ऋच्छ वीर विशाल ॥  
 बर शस्त्र तरु गिरि धार । कर धाय धाय प्रहार ॥ ८२ ॥  
 कपि भालु निश्चर झार । भो दोउ दलहि सँहार ॥  
 महि वही शोणित धार । भे रुंड मुंड पहार ॥ ८३ ॥  
 कपि भालु निश्चर सैन । इमि करत युद्ध हटैन ॥  
 त्यों लपण अरु घनगाद । किय समर हिय न विपाद ॥ ८४ ॥  
 तव राम बंधु उदंड । उर गुनो भट वरिवंड ॥  
 यौ करि विचार उताल । पुनि हने बाण कराल ॥ ८५ ॥

सो लगत भो मुख दीन । लखि लंकनाथ प्रवीन ॥  
 बोले लपण प्रति ठान । अब मरिहि खल दृढ़ जान ॥ ८६ ॥  
 तव इंद्रजीत रिसान । लछमनाहिं सप्त सुवान ॥  
 मोरे बहुरि दशतीर । हनुमतहि वेध सुवीर ॥ ८७ ॥  
 तव कोपि लक्ष्मण चंड । छोडे सुअस्त्र उदंड ॥  
 तिमि इंद्रजीत अपार । किये विविध अस्त्र प्रहार ॥ ८८ ॥  
 इमि अस्त्र शस्त्र अनेक । घाले जु एकहि एक ॥  
 भे दोउ विह्वल वीर । पै तजत नहिं रणधीर ॥ ८९ ॥  
 लंकेश लपणहि हेरि । धाये धनुष सजि फेरि ॥  
 द्रुत इन्द्रजीतहि आय । शर हने कोप बढ़ाय ॥ ९० ॥  
 पुनि अपर निश्चर भूर । दिय तिनहिं वाणन पूर ॥  
 संग यातुधान जु चार । ते करहिं समर प्रचार ॥ ९१ ॥  
 लंकेश समर मझार । कह भालु कपिन प्रचार ॥  
 यहि खलहि मारहु बंक । फिरि और वीर न लंक ॥ ९२ ॥  
 सो सुनि भये भट क्रुद्ध । किय प्रबल औरहु युद्ध ॥  
 लपणहिं लिये निज पीठ । कर समर हनुमत दीठ ॥ ९३ ॥  
 लै भालु दलहि रिछेश । करशत्रु यूथनिशेश ॥  
 भो घोर शोर अपार । दुहुँ ओर भट वरियार ॥ ९४ ॥  
 तव इन्द्रजीत सुवाय । रथते उतरि महि आय ॥  
 रिछपतिहि शक्ति प्रहार । लगि वही शोणित धार ॥ ९५ ॥  
 तव जाम्बवंतहु धाय । पद पकरि भूरि भ्रमाय ॥  
 फेंको रिसाय निशंक । गो इन्द्रजित गिरिलंक ॥ ९६ ॥  
 लजित सु ह्वै घननाद । पुनि आय करि घननाद ॥  
 रथ बेठि कीन सु युद्ध । रव घोर दुहुँ दल उद्ध ॥ ९७ ॥  
 सुनि शोर पुनि दुहुँ वीर । धाये भिर रणधीर ॥  
 घननाद लछमन उद्ध । ठानो समर भरि क्रुद्ध ॥ ९८ ॥  
 तव लपण हनि शर चार । रथ बाजि तासु विदार ॥  
 पुनि स्तह हंति दीन । सारथ्य सो निज कीन ॥ ९९ ॥

तव धाय कपि वरियार । डारो तुरंग चहुँ मार ॥  
 सो धाय लै रथ आन । आयो जु कोट न जान ॥ १०० ॥  
 तिहि लाववी लखि सोय । भे चकित चित सब कोय ॥  
 पुनि इन्द्रजित धनुधार । किय कपिन बाण प्रहार ॥ १०१ ॥  
 भागे प्रवंगम धीर । कहि पाहि छद्मण वीर ॥  
 तव रामबंधु प्रचंड । किय इन्द्रजित धनुखंड ॥ १०२ ॥  
 निश्चर शरासन आन । ले हने अगणित वान ॥  
 लखि राम अनुज सुवीर । भंजे सकल तिहि तीर ॥ १०३ ॥  
 घननाद तव सहरोप । द्रुत धाय करि बहु वोप ॥  
 पितु बन्धु हीय मझार । शर तीन कीन प्रहार ॥ १०४ ॥  
 तवहीं विभीषण धाय । गहि गदा चंड भ्रमाय ॥  
 सह सारथी रथ वाजि । विध्वंस कीन सु गाजि ॥ १०५ ॥  
 ह्वै इन्द्रजित रथ हीन । गरुचंड शक्ति शुलीन ॥  
 वाली तिनहिं बहु डाटि । द्रुत दीन लपण सु काटि ॥ १०६ ॥  
 पुनि मेघनाद रिसाय । दिय लपण कवच गिराय ॥  
 तव राम अनुज उदंड । तनु वान तिहि किय खंड ॥ १०७ ॥  
 पुनि दौड वीर प्रवीन । बहु शस्त्र संयुग कीन ॥  
 फिरि अस्त्र करत प्रहार । दुहुँ दलत दुहुँ वरियार ॥ १०८ ॥  
 तब ऐंद्र अस्त्र उडंड । संयुत लपण शरचंड ॥  
 संधानि तानि सु चाप । भाषी बढाय प्रताप ॥ १०९ ॥  
 जो राम दशरथ नंद । सत धर्म सत्य सुछंद ॥  
 ह्वै तौ लगत यह वान । हो इन्द्रजित विन प्रान ॥ ११० ॥  
 यौ सुमिरि दृढ़ प्रण ठान । सो अस्त्र संयुत वान ॥  
 किय इंद्रजितहि प्रहार । अति उठी पावकझार ॥ १११ ॥  
 सो जायके शरचंड । किय तासु शिरभुज खंड ॥  
 हाराम कहि घननाद । तनु तजो करि घननाद ॥ ११२ ॥  
 तिहि रुंड भो महि पात । निश्चर भगे विललात ॥  
 ह्वै कीश भालु अनंद । कह जैति दशरथ नंद ॥ ११३ ॥

सब देवहृंद उताल । नभ आय युत सुरपाल ॥  
 वरपे प्रसून अनंद । कहि जैति रघुकुल चंद ॥ ११४ ॥  
 बहु भांति विनय सुनाय । सुरगये निज निज ठाय ॥  
 प्रमुदित कही सुरराज । निर्भय भये हम आज ॥ ११५ ॥  
 दोहा—मेघनाद वध करि लपण, लहो अनंद अपार ॥  
 चले सदल रण भूमितें, कहि जैराम उदार ॥ ११६ ॥  
 हनुमान लंकेशके, कन्ध लपण धरि हाथ ॥  
 सिथिल गात शोणित सनो, चले सुमिरि रघुनाथ ॥ ११७ ॥  
 राम बन्धु विजयी मुदित, इंद्रजीत कहैं जीति ॥  
 सकल सन युत आयकैं, प्रभुपद गहे सप्रीति ॥ ११८ ॥  
 उठि रघुवर हिय लायकैं, बैठारे निज गोद ॥  
 बहु सराहि सनमानिकैं, कहे वैन भरि मोद ॥ ११९ ॥  
 महावीर हो इन्द्र जित, युद्ध प्रवीन निशंक ॥  
 ताको वध कीनो अनुज, जीति लई अब लंक ॥ १२० ॥  
 तीन रैन दिनलों लपण, ठानो समर अभंग ॥  
 दुष्कर कृत कीनो अनुज, भयो सकल दुख भंग ॥ १२१ ॥  
 यौ रघुवर आनंद भरि, लिये बन्धुको अंक ॥  
 लपण वीरता सबहि प्रति, वर्णन करत निशंक ॥ १२२ ॥  
 ताही छिन श्रीराम दिग, मेघनादको शीश ॥  
 लाये भट अवलोकिकैं, मुदित ऋच्छ अरु कीश ॥ १२३ ॥  
 सो विशाल शिर तेजमय, निरखतहीं रघुनाथ ॥  
 कही धौ मर्याद युत, हे सुवीरको माथ ॥ १२४ ॥  
 यौ कहि पुनि लखि अनुजको, शोणित व्यथित शरीर ॥  
 श्रीरघुवर कीमल हृदय, भरि आयि दृग नीर ॥ १२५ ॥  
 ताही छिन वर औपवी, वेगहि लाय सुखेन ॥  
 किये विरुज लपणहि सदल, तुरत लहो सब चैन ॥ १२६ ॥  
 अनुज सन युत विरुज लखि, राघव भये अनंद  
 कोश भालु किय शोरचहुँ, जे जे जे रघुचंद ॥ १२७ ॥  
 इति श्रीरा० २० वि० यु० मेघनादयुद्धवध  
 वर्णनो नाम पंचदशोविभागः ॥ १५ ॥

दोहा—सुनत दशानन पुत्र वध, धरणि गिरी मुरझाय ॥  
 हाय इंद्रजित वीर वर, कहि रोवत अकुलाय ॥ १ ॥  
 सकल निशाचर निश्वरी, करत विलाप अपार ॥  
 छयो शोर चहुँ लंकमें, आरत होत पुकार ॥ २ ॥  
 पुत्र मरन दुख दुसह लहि, छायो क्रोध अखंड ॥  
 लै कृपाण धायो सपदि, सिय वध हित खल चंड ॥ ३ ॥  
 बरजत धाये सचिव सँग, पहुँचो सियढिग जाय ॥  
 तिहि विलोकिकै मैथिली, भई सभय विलपाय ॥ ४ ॥  
 बहु मंत्री गण रावणाहि, सविनय नीति बुझाय ॥  
 लाये सदन बहोरिकै, बैठारो समुझाय ॥ ५ ॥  
 इत दशमुख दुख रोष भरि, मंत्रिन मिलि विलपात ॥  
 उत सबतिय रोवैं विकल, बहु उर शीश धुनात ॥ ६ ॥  
 इत रण मध्य सु इंद्रजित, जबहि भयो महिपात ॥  
 तासु तीय तब महल उत, लखी अनोखी बात ॥ ७ ॥

दांवाई छंद ।

नागसुता तिय इंद्रजीतकी है सुलोचना नामा ॥  
 परमरम्य सो दृढ़ पतिव्रता बैठी हुती सुधामा ॥  
 औचकही ता छिन शर छिदित मेघनाद भुजभारी ॥  
 नभ मग आय परी तिहि सन्मुख विशद विभूषण धारी ॥ ८ ॥  
 उझकि उठी अकुलाय हेरितिय धाय वेगि ढिग आई ॥  
 निज पति भुज अनुमानि हाय करि गिरी धरणि मुरझाई ॥  
 घोर शोर करि रोवन लागी सखिन ताहि समुझाई ॥  
 तव स्वामी बल गुणि सुलोचना हिय कछु धीरज लाई ॥ ९ ॥  
 छिन भुज पेपि विकलहो छिन पति गुणाहि सुमिरि रहि जाई ॥  
 नियो विचार नारि दृढ़ जाते सब संदेह मिटावै  
 कर जोरि ध्यान धरि पतिपद वचन विनय युत बोली ॥  
 बाहु तौ लिखौ भूमि जो हौं निज धर्म न डोली ॥ १० ॥  
 भुज निज गति लिखी सकल महि लखि पियवध दृढ़ जानी ॥

करि विलाप बहु निराखि कु औसर पुनि धोरज उर आनी ॥  
 सत्य प्रेम पति धर्मधारिनी उठि धन वित्त लुटाई ॥  
 सहित बाहु तेनु सजि शिविका चढि सखिन समेत सिधाई ११ ॥  
 दशमुख पासं जाय बहु विलपत भापे वचन कठोरा ॥  
 कहि बल पुत्रबधुहि समुझाई रावण सहित निहोरा ॥  
 ताहि निदरि सो जाय सासु ढिग पगपरि कियो विलापा ॥  
 मंदोदरी गोदलै रोवै बढो हृदय संतापा ॥ १२ ॥  
 पुनि मयसुता बधू जियकी गति नेह धर्म लखि लीनी ॥  
 जाय लेहु रघुवरते पति शिर यों कहि शुभ सिख दीनी ॥  
 सासु रजाय पाय सो सखि गण संगहि वेगि सिधारी ॥  
 आय राम ढिग माथ नायकै मंजुल गिरा उचारी ॥ १३ ॥  
 प्रभु समर्थ उर अंतर्गामी मो रुचि पूरण कीजे ॥  
 हौं निज सत्य धर्म निरवाहौं याहित पति शिर दीजे ॥  
 नेह धर्म दृढ़ लखि रघुनायक तिहि सो शीश दिवायो ॥  
 उठि लै पियमस्तक सुलोचना हृद सप्रेम लगायो ॥ १४ ॥  
 ताछिन हँसि कपीश यों बोले निश्चर माया भारी ॥  
 छिंदित मृतकबाहु लिखि देवै यह मिथ्या गति सारी ॥  
 जोप सत्य भुजा लिपि कीनी तोपै अब यह शीशा ॥  
 याछिन हँसै बात तव मान नत प्रपंच सब दीशा ॥ १५ ॥  
 सुनि बोले रघुवर सुकंठ सों सखा न मिथ्या मानौ ॥  
 लिखी भुजा सो सत्य बात अरु शिरहु हँसै दृढ़ जानौ ॥  
 मो हिय ध्रुव प्रतीत याते यह है पतिव्रता नारी ॥  
 पतिव्रत धर्म प्रभाव अमित सो इती बात कह भारी ॥ १६ ॥  
 सुनि हिय अमरप सोच सकुच युत धारि सन्मुख पति माथा ॥  
 हँसो नाथ लज्जा मम राखो कही जोरि युग हाथा ॥  
 विनय करतही हँसो वेगि सो लखि सब अचरज आयो ॥  
 दशमुख पुत्र बधू हरपीलजि कपिपति शीश नवायो ॥ १७ ॥  
 पुनि सु राम लछमन लंकेशहि सविनय शीश नवाई ॥



लैशिर धरि शिविका अरूढ है वेगि लंक मधि आई ॥  
 सुथल उताल रचाय सविधि सर लै भुज शीश सुवामा ॥  
 है निशंक तनु दहो सपति सो गमन कियो सुरधामा ॥ १८ ॥  
 दोहा—मेघनाद बल वीरता, अरु सुलोचना धर्म ।

देव अदेव सराहहीं, निरखि दुहुँ दृढ कर्म ॥ १९ ॥  
 लंकापति निश्चर सकल, विकल अधिक अकुलाय ॥  
 हाय हाय करि रोवहीं, इंद्रजीतगुण गाय ॥ २० ॥  
 कहत निशाचर निश्चरी, विलपि विलपि पछिताय ।  
 हाय दशानन का कियो, डारी लंकनशाय ॥ २१ ॥  
 इहि विधि लंका मध्य सब, सोचैं निश्चर वृंद ॥  
 इत रघुवर दल माहिं चहुँ, छायो परमानंद ॥ २२ ॥

इति श्रीरा० २० वि० यु० सुलोचना सत्य

वर्णनो नाम षोडशोविभागः ॥ १६ ॥

तोटक छंद ।

दशकंठ सुमौन उसास भैर । वननाद बिना बहु सोच करै ॥  
 धरि धीर बहोरि विचार कियो । इत मोविन है नहिं और वियो ॥ १ ॥  
 वर वीर जिते बहु लंक रहे । सब राम शरानल ज्वाल दहे ॥  
 अब है महिरावण आवहि सो । छलते बलते जय पावहि सो ॥ २ ॥  
 इमि ठानि शिवालय माहिं गयो । जपि मंत्र महाबलिदान दियो ॥  
 तिहि सिद्धि प्रभाव उतालहिते । महिरावण आय पतालहिते ॥ ३ ॥  
 दशमाथहि वेगि मिलो सु तवै । तिहि ते वरणो तिन हाल सबै ॥  
 सुनिकै महिरावण रावणको । बहु धीर दर्ई जै पावनको ॥ ४ ॥  
 पुनि यों अहिरावण बात कही । हरिलै हतिहों दुहुँ भ्रात सही ॥  
 जब राम सर्वधु रहैं न यहां । तवही कपि भालु वचैं सु कहां ॥ ५ ॥  
 इक याम सु औरहु धीर धरौ । पुनि धाय विजय-निरसंक करौ ॥  
 हरि दोउ पताल सिधावहुँगो । बलि देविहि जाय चढ़ावहुँगो ॥ ६ ॥  
 जब भूरि प्रकाश दशौदिशिमें । दिनको सम देखि परे निशिमें ॥  
 तव जानि लियो ध्रुव काज भयो । अहिरावण ले दुहुँ बंधु गयो ॥ ७ ॥

इहि भांति बुझाय चलो खल सो । दशमाथ सहर्ष गयो थल सो ॥  
 महिरावण आय उताल तहां । निरखी कपि सैन प्रबंध महा ॥ ८ ॥  
 हनुमंत सुपुच्छ बढ़ाय घनी । चहुँ कोट कियो विच मुख्य अनी ॥  
 सुचमू मधि राम सुबंधु लसे । पुनि संनिध वीर सचेत गसे ॥ ९ ॥  
 कपि ऋच्छ सुयूथप सैन लिये । सहचेत फिरैं चहुँ चक्र दिये ॥  
 गति कीट पतंगहुकी न तहां । प्रभुके ढिग जाय सु और कहां ॥ १० ॥  
 हनुमंत लँगूर सुकोट चहं । नहिं काहु दिशा मधि पंथ कहूं ॥  
 इक पौन तनै ढिग ते मग है । तितहुँ कपि रोपि रहो पग है ॥ ११ ॥  
 महिरावण ठाम अगम्य लखो । तव रूप विभीषणको सुरखो ॥  
 द्रुत पौन तनै ढिग जाय कही । कपि राघव जागत हैं कि नहीं ॥ १२ ॥  
 दुरि भेद लगावन लंक गयो । तिहिते मुहिं आज विलंब भयो ॥  
 प्रभु पास जु वेगहि जावहुँ मैं । सब हाल इकंत सुनावहुँ मैं ॥ १३ ॥  
 इमि भापि चलो सु अनंद लहो । निज जानि कछु नहिं कीश कहो ॥  
 हनुमंत भुलायगये छलमें । निरशंक सुजात भयो दलमें ॥ १४ ॥

दोहा—जाय लखे सब दूरिते, राम लपण कपिराज ॥

गज गवाक्ष लंकेश अरु, अपर समस्त समाज ॥ १५ ॥  
 सहित प्रबंध सचेत बहु, शोभित सब सरदार ॥  
 अपर पाहरू भालु कपि, निज निज ठौर हुस्यार ॥ १६ ॥  
 सो लखि महिरावण तब, काज समैं अनुमान ॥  
 कीनो कामा देविको, मंत्र पठन युत ध्यान ॥ १७ ॥  
 सो निश्वरमाया विवश, सबही भये अचेत ॥  
 छाई निद्रा घोर बहु, काहु कछु न चेत ॥ १८ ॥  
 तव महिरावण राम ढिग, गयो निशंक उताल ॥  
 जाय लखो दुहुँ बंधुको, तनुमुख तेज विशाल ॥ १९ ॥  
 गुनि कीनो दोऊनको, तंभन वगलामंत्र ॥  
 प्रभु मर्यादा पाल सो, सब विधि भये निजंत्र ॥ २० ॥  
 माया करि इहि भाँतिसो, अहिरावण हरपाय ॥  
 राम लपण हरिलै गयो, नभ मग वेगि दुगाय ॥ २१ ॥

बहोरि बचे तहँ जे नर नारि । सुते बलवंत समस्त संहारि ॥ ४९ ॥  
 लिये दुहुँ बंधु सुकंध चढाय । चले हनुमंत अनंद बढाय ॥  
 प्रमोद भरे अवधेशकुमार । सराहत कीशहि वारहि वार ॥ ५० ॥  
 लखो पुनि द्वार प्रभंजन लाल । बँधो निज पुच्छहि सो कपिवाल ॥  
 दियो तब छोरि दया हिय लाय । कही इत राज करौ तुम जाय ॥ ५१ ॥  
 सुनी मकरध्वज तात रजाय । सहर्ष सुराज कियो तहँ जाय ॥  
 उतै दुहुँ बंधुहि कंध सुधार । गयो कपि वेगहि सैन मझार ॥ ५२ ॥  
 सुजै रघुवीर कही करि शोर । सुनो कपि भालु उठे चहुँ ओर ॥  
 लखे हनुमंतहि राम समेत । सचेत भये सब हे जु अचेत ॥ ५३ ॥  
 सहर्ष मिले हनुमानहि धाय । गहे दुहुँ बंधुनके सब पाय ॥  
 भयो अति आनंद सैन मझार । छयो चहुँ जय जय शोर अपार ॥ ५४ ॥  
 सुनो दशकंधर हाल समस्त । कियो बहु शोक भयो दुखग्रस्त ॥  
 कही पुनि तीय वनी विधि ताहि । सिया कहँ देहु सुमानत नाहि ॥ ५५ ॥

इति श्रीरामरसायन २० वि० यु० महिरावण वध

वर्णनो नाम सप्तदशोविभागः ॥ १७ ॥

दोहा—महिरावण वध सुनि अतिहि, सोच विवश दशभाल ॥  
 खेद रोप युत प्रातही, आयो सभा उताल ॥ १ ॥  
 व्यग्रचित्त इत उत लखत, बैठो मौन उदास ॥  
 कर कपोल छिन शीश धरि, दृग भरि लेत उसास ॥ २ ॥  
 सो विलोकि बहु वीर वर, उठि बोले कर जोर ॥  
 होय रजाय सुजाय हम, समर करै अति घोर ॥ ३ ॥  
 राम लपण प्रभु अनुज युत, सह सुकंठ हनुमान ॥  
 सत्रकर करि संहार पुनि, वेगि लखैं पदआन ॥ ४ ॥  
 सो सुनि हिय कछु धीर धरि, दशमुख आज्ञा दीन ॥  
 मुख्य वीर ले भरि दल, साजि गमन द्रुत कीन ॥ ५ ॥  
 तिनहि निराखि कपि भालु भट, धाये तरु गिरि धार ॥  
 भयो समर अति घोर चहुँ, हाहा होत पुकार ॥ ६ ॥

प्राणआश तजि रौनिचर, परे अनी विच धाय ॥  
 मारि विडारे भालु कपि, लिये घने गहि खाय ॥ ७ ॥  
 विकल भयो कापि ऋच्छ दल, भभरि भगे तजि धीर ॥  
 जाय पुकारे राम ढिग, पाहि पाहि रघुवीर ॥ ८ ॥  
 तव रघुवर घनु साजि द्रुत, धाय हने बहु बान ॥  
 राम नराचनते व्यथित, निश्चर दल विचलान ॥ ९ ॥  
 पुनि धरि धीर सु रजनिचर, धाये एकहिं वार ॥  
 तिनाहिं राम ते रामपर, किय बहु शस्त्र प्रहार ॥ १० ॥  
 राम गंधर्व अस्त्र शर, छाँडो परम प्रचंड ॥  
 जाते कोटिन रजनिचर, होन लगे शतखंड ॥ ११ ॥  
 पुनि रघुवर कौतुक कियो, प्रगटे रूप अपार ॥  
 इक राक्षस प्रति राम इक, वाणन करत प्रहार ॥ १२ ॥

म० वा ॥ यु० का० ॥ स० १४ ॥ श्लो० ॥

ते तु रामसहस्राणि रणे पश्यन्ति राक्षसाः ॥  
 पुनः पश्यन्ति काकुत्स्थमेकमेव महाहवे ॥ १ ॥  
 दोहा—यातुधान सो चरित लखि, चकित विकल अकुलाय ॥  
 बहुरि छिनक मधि देखहीं, लरत एक रघुराय ॥ १३ ॥  
 यहि विधि श्रीरघुवीर वर, निश्चर सुभट जुझार ॥  
 युग वटिका पदहीन मधि, किये सकल संहार ॥ १४ ॥  
 द्वे लख पदचर अघुत रथ, वसु दश सहस मर्तग ॥  
 सहस चतुर्दश वाजि वर, इक इक यूथपसंग ॥ १५ ॥  
 इमि यूथप अति मुख्यवर, सहस कोटि वलधाम ॥  
 तिनाहिं सदल पूख कथित, वध कीने श्रीराम ॥ १६ ॥  
 निरंखि विजय जय शोर भो, लखि प्रभुवाण प्रभाव ॥  
 चकित चित्त हनुमंत सों, वृद्धी निश्चरराव ॥ १७ ॥  
 कहौ वीर रघुवीर शर, कइत तनते एक ॥  
 कदा हेत सो जायकै, निश्चर हनत अनेक ॥ १८ ॥



निज सैन निहारी मुदित सुरारी कहत राम कह वाता ॥  
 दोऊ धनुधारी सह कपि झारी करिहौं आज निपाता ॥ ७ ॥  
 स्यंदन शंत लक्षा गज दश लक्षा पदचर अगणित घोरा ॥  
 खर छंट तुरंगा सजे सुढंगा तीसहि तीस करोरा ॥  
 इमि सैन मझारा रथ असवारा दशमुख कीन पयाना ॥  
 ताछिन चहुँघाई परे लखाई अशकुन भये जु नाना ॥ ८ ॥  
 दोहा—इत रावण आगमन सुनि; कीश भालु वरि बंड ।  
 चले सजग है समरहित, लै तरु कुधर प्रचंड ॥ ९ ॥  
 उत रावण इत राम दल, प्रवल अभंग अपार ॥  
 चले दुहूँ दिशिते दुहूँ, सहि न सकें महिभार ॥ १० ॥

घनासरी—कवित ।

स्यंदन सवार है अपार उत यातुधान कवच मढे हैं अंग नख  
 शिख झंफि झंफि ॥ रसिकविहारी इत भालु कपि भारीभीर चलत चमूकै  
 धूरि पूरि भानु छंफि छंफि ॥ दोऊ दल भार भूमि डगमग होत चहुँ  
 दिग्गज सु दव्ये पग गुंडनते चंफि चंफि ॥ जोरते सहस्र शीश जोरत  
 फनीश तऊ बोझनते वार वार जात फन लंफि लंफि ॥ ११ ॥

चाँवैया छंद ।

आवत दशशीशा लखि भट कीशा धाये करि आतिरीसा ।  
 सो कोपि विदारा कपि दल सारा गहि धनु शर भुजवीसा ॥  
 पुनि निश्चर नाना बहु बलवाना ऋच्छ पृवंगम खाये ।  
 निज प्रभुवल पाई चहु दिशि धाई शस्त्रन मारि गिराये ॥ १२ ॥  
 सो लखि कपिराजा बल करि गाजा गहि तरु कुधर अपारा ॥  
 निश्चरन प्रदरि दति महि डारि मर्दन रिपुदल सारा ॥  
 करि क्रोध तमीचर कीशपनीपर दर्पाई शस्त्र घेनेरे ॥  
 ते सबधरि भंजै पुनि खल गंजै बालिवंधु चहुँ फेरे ॥ १३ ॥  
 सो—निरखत निज दल भाल, विरूपाक्ष योधा प्रवल ॥  
 करि बहु कोप कगल, तजिरथ गज आष्ट भो ॥ १४ ॥

स्यंदने ॥ मारहूँ समेत सेन आज राजनंदने ॥ यों चलाय  
 वीस हथ्य चाप वानर ॥ घाल घाल तीर वीर वीरडार  
 देखि लंक ईश रीस कीश युद्ध तजिकै ॥ त्राहि त्राहि बोलहीं ॥  
 पास भजिकै ॥ जानिकै सुरारिचंड दोउ बंधु क्रुद्ध है ॥ चाप बाण सा-  
 जिकै सुरारि भे निरुद्ध हैं ॥ ३३ ॥ विगते प्रचंड बाण दोउ वीर छंडहीं ॥  
 यातुधान ईशके समस्त शस्त्र खंडहीं ॥ वीसबाहु बाहुलाघवी चले  
 न नेकहु ॥ कीन जे प्रहार ते बचे न तीर एकहु ॥ ३४ ॥ फेर  
 लंकपाल पै तजे प्रचंडवानजे ॥ सोउ खंडि खंडि कीन रेणुकी  
 समानते ॥ यातुधान वीरके सु अंगतीर छेदिगे ॥ दोउ भ्रात गातमें प्रचं-  
 डमंडभेदिगे ॥ ३५ ॥ कौशलाधिराज निश्वराधिराज क्रुद्धमें ॥ दोउभेनि  
 रुद्ध उद्ध बुद्ध अस्त्र युद्धमें ॥ लंकनाथ राम अस्त्र शस्त्र भंजि  
 डारहीं ॥ राजपुत्र तासु अस्त्र शस्त्रते संहारहीं ॥ ३६ ॥ सर्व अस्त्र  
 शस्त्रमें प्रवीन दोउ वीर हैं ॥ युद्धमें प्रबुद्धमें सु दोउ वीर धीर हैं ॥ काहु  
 के न अस्त्र काहु काहु पै प्रचंड भे ॥ हैं रहे समान जो अखंड खंड मंड  
 भे ॥ हैं रहे समान जो अखंड खंड मंड भे ॥ ३७ ॥ हेरिकै अनंत है सरोप  
 बाण छंडिकै ॥ मूत केतु चाप तासु डारि दीन खंडिकै ॥ तासमै विभी-  
 पणौ गदा प्रहार धायकै ॥ रथ्य वाजि मारि दीन भूमिमें गिरायकै ॥  
 ॥ ३८ ॥ देखि सो सुरारि शक्ति बंधु पै प्रहारकीन ॥ ताहि भंजि बाणते  
 जु राम बंधु डारदी ॥ कोपि लंकनाथ यों अनंत सों तवै कही ॥ क्यों  
 बचै विभीपणै सु मृत्यु आपनी चही ॥ ३९ ॥ भापि यों सुरारि ब्रह्म-  
 दत्त शक्ति धारिकै ॥ कीन्ह सों प्रहार राम बंधु पै प्रचारिकै ॥ तासु-  
 भंग हेतु लै अनेक बाण तज्जही ॥ पै अभंग है उदंड शस्त्र नाहि  
 भज्जही ॥ ४० ॥ शक्ति सो प्रचंड राम बंधु हीय छेदिगी ॥ पातभे  
 विहाल है सुभूमि मध्य भेदिगी ॥ देखि भ्रात घात राम शोकसिंधु  
 ॥ ॥ धीर धार औसरै विचार प्राण ऊबिकै ॥ ४१ ॥ वेगही  
 र शक्ति भंजिकै बहाय दी ॥ भूरिभारचंड देवदत्तसों नशायदी ॥  
 ॥ सुराम शक्ति भंग की नतौ लगे ॥ शालि दीन लंकनाथ

वाण अंगसों लगे ॥ ४२ ॥ फेरि राम बंधुको सुखेन बोलि सौंपिकै ॥  
 रावणै प्रहारकीन भूरि वाण कोपिकै ॥ लंकपाल वीर तीर शक्ति  
 झूल घालही ॥ होत है विहाल है सचेत शस्त्र शालही ॥ ४३ ॥  
 तासमै प्रचंड घोर शोर भो अपारही ॥ कीश भालु यातुधान मर्दिकै  
 वेदारही ॥ औधनाथ लंकनाथ दोउ क्रुद्ध छै गये ॥ कै अराम कै  
 भरावणै यही दृढ लये ॥ ४४ ॥ राम कोपि कोपिकै प्रचंडवान  
 ने हने ॥ ते समस्त लंकनाथ गातमें विधे घने ॥ तासमै निशाचरेश  
 हीयमें विचारही ॥ हौं करों जु युद्ध कोउ तीर ये निसारही ॥ ४५ ॥  
 ता समै जु रामचंद्र बंधुनेह लायकै ॥ कीन यों विचार भ्रात देखि  
 आउँ धायकै ॥ फेर हौं सुरारिको सुरारि ठान मारहूँ ॥ बेगि भंजि  
 याहि भूमिभारको उतारहूँ ॥ ४६ ॥ यों विचार ठानि रामबंधु पास  
 धायगे ॥ देखिकै विहाल क्रुद्ध बुद्धिसों भुलायगे ॥ तासमै सुलंकनाथ  
 औसरै निहारिकै ॥ है अलक्ष गो उताल धामको सिधारिकै ॥ ४७ ॥

दोहा—जाय लंकपति लंकमधि, बैठो रहसि निकेत ॥

रामसायकन व्यथित सो, दीह उसाँस न लेत ॥ ४८ ॥

ताछिन तिहि मंदोदरी, समुझायो पुनि भूर ॥

कही कंत अजहूँ भली, करी सकल हट दूर ॥ ४९ ॥

सियहि साथ लै नाथ द्रुत, मिलहु जाय रघुनाथ ॥

जाते हौं आनंद मय, प्रभुयुत रहाँ सनाथ ॥ ५० ॥

सुनि दशमुख मंदोदरिहि, गहि लाई निज अंक ॥

बहु विधि धीर धरायकै, कहे बिन निश्शंक ॥ ५१ ॥

हौं जानै सब भामिनी, पैं हैं अकथ सुभेद ॥

युद्धकियेही मोर भल, ह्वै करो न खेद ॥ ५२ ॥

तब बोली तिय लखहु पिय, अब कह जयकी आश ॥

कुंभकर्ण घननादसे, समरथ भये विनाश ॥ ५३ ॥

बंधु पुत्रको नाम सुनि, दशमुख भारि जलनन ॥

पुनि बहु कोप बढायकै, भाषे उद्धत वन ॥ ५४ ॥

हौं अवरो द्रुत जायकै, करि मख गनिमहा ॥



पुनि तुम जात काज सो जानौं ❀ सुनौ सत्य भवितव्य वखानौ  
 मरै लंकपति प्रभु जै पैहैं ❀ निश्चर नाथ विभीषण है हैं ॥८३॥  
 सो सुनि कपि आनंद अघाना ❀ पुनि मुनि प्रति भाषी हनुमाना ।  
 तृषा विवश मो चित्त अधीरा ❀ आयसु होय पियौ शरनीरा ॥८४॥  
 सो सुनि कही करौ जलपाना ❀ आवो वेगि कहाँ कछु आना ॥  
 गति भविष्य युत विशद चरित्रा ❀ कपि सुनि लैयो कथा विचित्रा ॥८५॥  
 सुनि सानंद वेगि सर आई ❀ पैठि पियो जल सरस अघाई ॥  
 ताछिन तहँ मकरी इक धाई ❀ गहि लीनो कपिपद वरियाई ॥८६॥  
 कपि अकुलाय दाबि तिहिं दीनी ❀ भई मृतक सो परम मलीनी ॥  
 पुनि वह दिव्य नारि वपुधारी ❀ गई गगनवर गिरा उचारी ॥८७॥  
 है कपि यह निश्चर मुनि नाहीं ❀ बैठो छलन हेतु तुम काहीं ॥  
 सो सुनि हनुमान रिसलाई ❀ है करालवपु पुच्छ बढ़ाई ॥८८॥  
 ताहि लंगूर लपेटि उठाई ❀ करि बल पटको भूमि भमाई ॥  
 कालनेमि भो मृतक तुरंता ❀ कियो गमन वेगै हनुमंता ॥८९॥  
 जाय देखि गिरिकीन विचारा ❀ हेरत औषधि लागै वारा ॥  
 यौं गुनि कुधर वामकर धारा ❀ धाये नभपथ वेग अपारा ॥ ९०॥  
 मारग व्योम अवध ढिग आये ❀ प्रलै पौन सम वेग जु छाये ॥  
 सो सुनि भरत उठे अकुलाई ❀ रैनै समय लखि नभ चहुँघाई ॥९१॥  
 हेरो कछु न व्योम अँधियारा ❀ तब ताकि शब्दवेध शर मारा ॥  
 विन फल सायक लगत तुरंता ❀ गिरे भूमि नगयुत हनुमंता ॥९२॥  
 गिरत कीश कह हा सिय रामा ❀ सुनि धाये भूपति बलधामा ॥  
 कपिहि भरत बूझो लखिं हाला ❀ सो सूक्ष्म सब कहो उताला ॥९३॥  
 सुनि कैकयीसुवन पछिताने ❀ सुमिरि लपण सिय प्रभु दुखसाने ॥  
 कुसमय जानि धीर उरधारी ❀ गदगद कंठ सु गिरा उचारी ॥९४॥

दोहा—व्यथित भये इहि हेतुते, गिरि युत अंजनिलाल ॥

रठि बैठो ममवाण पर, भेजाँ अतिहि उताल ॥ ९५ ॥

सो सुनि कै कपि चकित है, मनमहँ कीन विचार ॥

लेंड परीक्षा किमि चले, शर गिरि युत ममभार ॥ ९६ ॥

यौं गुनि गिरि युत पवनसुत, बैठवाणपर आय ॥  
 तवहिं, भरत शर धनुष धर, चाहो देहुँ चलाय ॥ ९७ ॥  
 लखि अपार बल भरतसों, कही वेगि हनुमान ॥  
 प्रभु, न परिश्रम कीजिये, जैहौं बाण समान ॥ ९८ ॥  
 कपि हिय रुचि लखि भूप तब, दीनी वेगि रजाय ॥  
 लै गिरि कर कूदे गगन, भरत चरण शिरनाय ॥ ९९ ॥  
 उत रघुवर लखि लपणको, विलपत करत विचार ॥  
 रौनि चली आयो न कपि, कहा लगाई वार ॥ १०० ॥  
 नंदग्रामते तासमे, गिरियुत पवन कुमार ॥  
 नभमगःघटिका अर्घ मधि, आये सैन मझार ॥ १०१ ॥  
 लखि हनुमंतहि गिरि सहित, मुदित भये रघुचंद ॥  
 अपर भालु कपि सैन सब, लहो परम आनंद ॥ १०२ ॥  
 तब सुवैद्य लै औषधी, लपणहि सविधि सुँघाय ॥  
 करतहि सो अग्रानके, उठे वीर हरपाय ॥ १०३ ॥  
 मिटे सकल व्रण तुरतही, दूर भई सब पीर ॥  
 विरुजहेरि वर बन्धु बहू, सुखपायो रघुवीर ॥ १०४ ॥  
 प्रेम सहित वर अनुजको, लीनो अंक लगाय ॥  
 पुनि बोलै हनुमंत सों, ह्वै अधीन रघुराय ॥ १०५ ॥

घनाक्षरी कवित ।

प्रथम सुकंठ ते मिलायो सिंधु नांघो सीय शोधी दल ज्यायो  
 निज नैनन निहारो में ॥ रसिकविहारो महिरावण ते लायो इमि  
 भूरि सबही ते यह अधिक विचारो में ॥ तुव उपकारहैं अनेक प्राण  
 पंच एक प्रति उपकार हेत सो तौ वारि डारो में ॥ येहो हनुमान बल  
 वानहों वखानों सत्य आज ते रहों गो सदा ऋणिया तिहारो में १०६  
 प्र० ॥ हनुमन्नाटक ॥ श्लोक ॥

एकैकस्योपकाराणां प्राणान्दास्यामि ते कपे ॥

प्रत्यक्ष क्रियमाणो व शेषस्य ऋणिनो वयम् ॥ १ ॥

दोहा-सुनि प्रभु वैन समीरसुत, गहे राम पद धाय ॥

करो विनय बहु राजसुत, कपिहि लियो उर लाय १०७ ॥

पुनि रघुवीर सुखेन को, कीनो मान वखान ॥  
 वहुरि हिये रुचि जानिकै, दियो अभै वरदान ॥ १० ॥  
 पुनि प्रभु रुख लखि पवनसुत, गिरि अरु सगृह सुये  
 निज निज थल दुहुँ धरि तुरत, आय गये मधि सैन  
 अपर भालु कपि जे रहे, पीड़ित मृतक शरीर ॥  
 शैल पवनके परशते, विरुज उठे सब वीर ॥ ११० ॥  
 उठि बोले सब राम जै, जैति लपण वर जोर ॥  
 जै कपीश हनुमंत यों, करै भालु कपि शोर ॥ १११ ॥  
 रसिकबिहारी सुदित अति, रहे सकल सुख पूर ॥  
 राम कृपा ते ह्वै गये, तन मनके दुख दूर ॥ ११२ ॥  
 इति श्रीरा० २० वि० यु० रावणयुद्धकालनेमि वध  
 वर्णनो नाम एकोनविंशोविभागः ॥ ११॥

दोहा—रैनिसमै उत दशवदन, कालनेमि पठवाय ॥  
 करनलगो मख सविधि वर, वेगि यज्ञ थल जाय ॥ १ ॥  
 यज्ञ करतही कपिनको, सुनो सु जै जै शोर ॥  
 जानि गयो लै औषधी, आयो कपि वरजोर ॥ २ ॥  
 ताही छिन चर आय कै, वर्णन कियो समस्त ॥  
 सुनि रजाय दीनी तबै, वर दल सजै प्रशस्त ॥ ३ ॥  
 मध्य दिवस अभिजित समै, संयुत सकल सुसाज ॥  
 मख पूरण करि वेगही, चलि हति हौं रघुराज ॥ ४ ॥  
 यों रजायदेके सविधि, करन लगो मख फेर ॥  
 मद आमिष अज कृष्ण युत, मंत्रन आहुति गेर ॥ ५ ॥  
 उत निश्वर साजन लगे, वाहन कवच हथ्यार ॥  
 भयो शोर चहुँ ओर अति, लंका नगर मझार ॥ ६ ॥  
 निज निज दल सजि धृथपति, जुरन लगे सब आन ॥  
 रंग रंग फहरात ध्वज, गर्जत घुमरि निशान ॥ ७ ॥  
 ताछिन भेद मैगाय के, वेगि विभीषण जाय ॥  
 कद्दी रामसों मख करे, याछिन निश्वरराय ॥ ८ ॥

सो प्रभु वेगि पठाइये, हनुमानादिक वीर ॥  
 करै जाय विध्वंस मख, छूटै दशमुख धीर ॥ ९ ॥  
 मध्य दिवस मधि धायहै, समर हेत मम भ्रात ॥  
 याते मख विध्वंस भल, अवहीं समय प्रभात ॥ १० ॥  
 सुनि रघुवीर सुकंठ सों, कही वेगि भट जाय ॥  
 करै लंकपति यज्ञ सो, डारै सकल नशाय ॥ ११ ॥

सो०—ताही छिन कपिराज, ऋच्छराजके संग करि ॥  
 भट कपि भालु समाज, भेजे समर सुधीर बहु ॥ १२ ॥  
 चले सुभट कपि ऋच्छ, हनुमानादि प्रवीन अति ॥  
 सकल युद्ध गति शिच्छ, अस्र शस्त्र निर्भय निपुण ॥ १३ ॥  
 समर वाजने घोर, वजत शोर चहुँ नगरमें ॥  
 भालु कीश वरजोर, ह्वै सकोप धाये सपदि ॥ १४ ॥

पनासरी-कवित्त ।

ढंकाकी धुकार सुनि लंकामें सुहंका करि कूदे कपि भालु दे  
 फलंका भिरे जूटि जूटि ॥ निरखि निशंका रजनीचर सशंका भये  
 वंका वीर हाथते हथ्यार गिरे छूटि छूटि ॥ रसिकविहारी कहै राम  
 जे उतंका सवै ढंका दे ढहाये भीन भंका परे टूटि टूटि ॥ शोणित  
 की पंका पाय छंका काक कंका धाय धाय खाय रंका औ मलंका  
 धरै लूटि लूटि ॥ १५ ॥

तामरछंद ।

इमि भालु कीश प्रचंड । करि प्रवल रिपु दल खंड ॥  
 गे यज्ञशालाहि धाय । देखो सुनिश्वरराय ॥ १६ ॥  
 चहुँ बहु प्रबंध समेत । मख करत घेठ निकेत ॥  
 लखि भालु वानर धाय । भट भिरे निश्वर आय ॥ १७ ॥  
 शर शक्ति परिच कृपान । हुम उपल सुव अरु जान ॥  
 दुहुँ ओर होत प्रहार । भट गिरत भूमि मझार ॥ १८ ॥

अमृतध्वनिछंद ।

उद्धत भरकट विकट भट झपट तर पट लछट ॥  
 हिय हरपत धरपत खल न दगलत वरपन मह ॥

मल्लन गंजत भल्लन भंजन हल्लन करि करि ॥  
 लथ्थन रद्धत मथ्थन मद्धत हथ्थन धरि धरि ॥  
 कट्टत दंतन फट्टत अंतन दट्टत रुद्धत ॥  
 भजत रिपु बल छजत कपि दलगजत उद्धत ॥ १९ ॥

तोमरछंद ।

मि सकल दल विनशाय । कपि भालु पुनिं रिस लाय ॥  
 खशाल दीनढहाय । नाहिं उठो निश्वरराय ॥ २० ॥  
 [दि मंत्र आहुति देत । सो अनत चित्त न देत ॥  
 [ब पौननंदन कूदि । गहि लियो तिहि मुख मूदि ॥ २१ ॥  
 [लि चरणते सब साज । कीनो सुघोर गराज ॥  
 गुनि अपर ऋच्छ सुकीश । धाये चहुँ करि खीस ॥ २२ ॥  
 देय अनल कुंडहि फोरि । साकल्य सकल विधोरि ॥  
 [ल मूत्र करि करि भूर । सो यज्ञ थल चहुँ पूर ॥ २३ ॥  
 [नि वीर वर हनुमान । तिहि हनो इकतल तान ॥  
 [त धाय कुपित रिछेश । गहि लीन दशमुख केश ॥ २४ ॥  
 [वण तबै अकुलान । गहि लीन दुहुँ बलवान ॥  
 [द पकरि पटकन चाह । तब तिन मरोर सुवाँह ॥ २५ ॥  
 गुज मुरत तिन दिय छोरि । ते दंत नखत न छोरि ॥  
 [हँते उछलि प्रभुपास । आये सदल सहुलास ॥ २६ ॥  
 [शकंठ किय अनुमान । अब नाहिं बचै मम प्रान ॥  
 गुनि धीर धरि बलवंत । लै विशिख शस्त्र अनंत ॥ २७ ॥  
 [नु वसन भूषण धार । स्यंदन भयो असवार ॥  
 वतुरंग सैन अपार । लै चलो उत्तर द्वार ॥ २८ ॥  
 तेहि समय मधि चहुँ ओर । बहु होत अशकुन घोर ॥  
 [कालवश दशभाल । तिन निदरि जात उताल ॥ २९ ॥  
 शोहा-गिरो गिद्ध ध्वज यान पर, अरु इकश्वेतकबंध ॥  
 रुधिर सिक्त महि पतन भो, लखो निकट दशकंध ॥ ३० ॥  
 शोणित, वरपो व्योम ते, भयो भूर भू कंप ॥

वोर पवन रजते तवै, गई दशो दिश झंप ॥ ३१ ॥  
 विज्जुपात भो मेघ विन, प्रगटी पावक ज्वाल ॥  
 मृग लोवा अरु श्वान खर, रोदन करत शृगाल ॥ ३२ ॥  
 पंथ चलत महि अरुझिकै, गिरैं यान भट भार ॥  
 बहुरि आपही ते सहज, करते खसे हत्यार ॥ ३३ ॥  
 चलैं न वाहन रुकत सब, पुनि भट मुख रति हीन ॥  
 दोन चित्त गदगद गिरा, भये अंग बल छीन ॥ ३४ ॥  
 विन घन झंपो भानु नभ, फरक वाम भुज नैन ॥  
 पुनि पुनि बोलहि लूक अरु, शिवा सृगाल डरै न ॥ ३५ ॥  
 पल आहारी द्विज फिरैं, ऊपर मंडल वाम ॥  
 पुनि दक्षिण मुख केतु पर, बैठो गिद्ध निकाम ॥ ३६ ॥  
 वोर गर्जना मेघ कर, पशुरथ त्यागि परात ॥  
 कसा सारथी हाथते, वाहत भो महिपात ॥ ३७ ॥  
 गिरो ध्वजा रथ शिखर महि, वाहन दृग जल जात ॥  
 गर्दभ दशो कूर स्वर, सन्मुख शोर करात ॥ ३८ ॥  
 सन्मुख आयो रिक्त घट, गुप्क काष्ठको भार ॥  
 तिय विधवा अरु नग्न गज, रुदन करत शिशु चार ॥ ३९ ॥  
 विप्र लखो इक नैन को, तेलकार घटकार ॥  
 तीन मिले ब्राह्मन बहुरि, रोवत तिया अपार ॥ ४० ॥  
 बहु पक्षीगण पल भपी, शीशान पै मडगात ॥  
 चुंच हनत बैठत भजत, वाहन भभरि परात ॥ ४१ ॥  
 इनहि आदि अशकुन विविध, लखे सुरारि प्रबुद्ध ॥  
 सो न गिनै कछु मृत्युवश, भो अबुद्ध भारि कुद्ध ॥ ४२ ॥

तोमर छंद ।

इमि यातुधान प्रचंड । करि कटे शोर रुदंड ॥  
 सब कहत जे दशमाथ । जे जेति निश्चरनाथ ॥ ४३ ॥  
 लखि इति रिपु सैन । कह राम राजिव नैन ॥  
 इहि लंक नगर मझार । देवीर को नाहि पार ॥ ४४ ॥



सो सुनि कही रघुवीर । हे लंकपति छल वीर ॥  
 क्यों करहु मिथ्यहि गर्व । है विदित तव बल सर्व ॥ ५९ ॥  
 जब हरी सीतहि चोर । तब गयो बल किहि खोर ॥  
 अब करत बात बढ़ाय । निज सुयश निज मुख गाय ॥ ६० ॥  
 हौं आज दृढ प्रण ठान । नहिं बचहि अब तव प्राण ॥  
 हो सकल छलबल जौन । दरशाव वेगहि तौन ॥ ६१ ॥  
 दोहा—राम बचन सुनिकै तवै, हँसिभासी दशमाथ ॥

हौं याही हित ठानिकै, युद्ध करों तुव साथ ॥ ६२ ॥  
 हौं साँचो रावण जु पै, हो साँचे तुव राम ॥  
 दुहुँ प्रभाव साँचो अबै, लखो परे इहि ठाम ॥ ६३ ॥  
 कै हौं तुमहिँ सँहारिकै, अवहीं होत विशोक ॥  
 कै रणमें तनु त्यागि कै, वसों जाय सुरलोक ॥ ६४ ॥  
 सो०—तव सुनिके रघुनाथ, भापी मृदु मुसक्यायकै ॥  
 तुव छल निश्चरनाथ, हौं जानो सब हीय को ॥ ६५ ॥  
 याते तुव रुचि जोय, समर मरनकी है सु अव ॥  
 वेगहि पूरित होय, जौ न जाहु रणभूमि तजि ॥ ६६ ॥

तोमर छंद ।

सुनि राम वैन मुरारि । करि क्रोध बंक निहारि ॥  
 करि वेगि धनु शर धारि । धायो प्रचंड प्रचारि ॥ ६७ ॥  
 किय अमित बाण प्रहार । भंजे सु राजकुमार ॥  
 तिन खंडि अतिहि उताल । सायक तजे रघुलाल ॥ ६८ ॥  
 लाघव दशानन वीर । खंडित किये सब तीर ॥  
 इमि दोउ दुहुँ बलवान । हठि हनत अगणित वान ॥ ६९ ॥  
 तिहि समय युद्ध निहार । चहुँ होत जैति पुकार ॥  
 सुरपाल यह चित दीन । हैं राजसुत रथहीन ॥ ७० ॥  
 तव मातलीहि बुलाय । दीनी उताल रजाय ॥  
 तुम वेगि मम रथ साज । लै जाहु द्विग रघुराज ॥ ७१ ॥  
 सुनि सूत सहित रमंग । सजि रथहि हरित तुरंग ॥  
 बहु शस्त्र विशद विशाल । भेजे प्रभुहि सुरपाल ॥ ७२ ॥



पुनि भूरि अचरज और । देखो पै इहि ठौर ॥  
 जैसे नशे रण माहि । तैसे बहुरि दरशाहि ॥ ४५ ॥  
 सुनि राम बैन उताल । भाषो बिभीषण हाल ॥  
 कह लंकपति पुनि ईश । है एक इक दशशीश ॥ ४६ ॥  
 अरु भूरि निश्चर आन । बहु रूप नाम समान ॥  
 हैं एक सरिस अनेक । जिन माहि भेद न नेक ॥ ४७ ॥  
 इमि लंकपति रघुराज । कह निरखि लंक समाज ॥  
 ताछिन भयो अतिशोर । धाये निशाचर घोर ॥ ४८ ॥  
 सो सुनि उठे रघुनाथ । सजि वेगि धनु शर भाथ ॥  
 लछमनहु चाप निपंग । धारण लगे निज अंग ॥ ४९ ॥  
 सो लखि कही रघुराज । तुम युद्ध करहु न आज ॥  
 सुनि बंधु कह कर जोर । यह नाथ धर्म न मोर ॥ ५० ॥  
 बोले बहुरि रघुवीर । हौ बंधु अति रणधीर ॥  
 पै हौं करौं प्रण आज । ध्रुव हतौं निश्चरराज ॥ ५१ ॥  
 याते सु जाय अकेल । हौं करौं युद्ध सकेल ॥  
 हैं भालु कपि बहुवीर । हनुमंत आदिक धीर ॥ ५२ ॥  
 उत सदल इक दशमाथ । इत सदल इक रघुनाथ ॥  
 जो लरिय मिलि दुहुँ भाय । तो आज उचित न आय ॥  
 इमि राम दृढ़ प्रण ठान । किय गमन सजि धनुवाण ॥  
 भट कीशभालु अपार । धाये कुधर तरुधार ॥ ५४ ॥  
 रामहि निरखि दशभाल । करि वीस लोचन लाल ॥  
 सन्मुख सु आय उताल । बोले सकोप कराल ॥ ५५ ॥  
 हे राजसुत रणधीर । हौ भानुवंश सुवीर ॥  
 पुनि अम्र शस्त्र प्रवीन । सब भौंति हीं लखि लीन ॥ ५६ ॥  
 पै मोर रावण नाम । जानो भली विधि राम ॥  
 हौं तुमहि अब यमलोक । पठवाय होत विशोक ॥ ५७ ॥  
 याने प्रथम तुम भर । करि लेहु निज बलपूर ॥  
 अभिन्याप तुव न ग्हाय । तव लखो मम बल आय ॥ ५८ ॥

सो सुनि कही रघुवीर । हे लंकपति छल वीर ॥  
 क्यों करहु मिथ्यहि गर्व । है विदित तव बल सर्व ॥ ५९ ॥  
 जब हरी सीतहि चोर । तब गयो बल किहि खोर ॥  
 अब करत बात बढ़ाय । निज सुयश निज मुख गाय ॥ ६० ॥  
 हौं आज दृढ प्रण ठान । नहिं वचहि अब तव प्राण ॥  
 हो सकल छलबल जौन । दरशाव वेगहि तौन ॥ ६१ ॥  
 दोहा—राम वचन सुनिकै तवै, हँसिभासी दशमाथ ॥

हौं याही हित ठानिकै, युद्ध करों तुव साथ ॥ ६२ ॥

हौं साँचो रावण जु पै, हो साँचे तुव राम ॥

दुहुँ प्रभाव साँचो अबै, लखो परै इहि ठाम ॥ ६३ ॥

कै हौं तुमहिँ सँहारिकै, अवहीं होत विशोक ॥

कै रणमें तनु त्यागि कै, वसों जाय सुरलोक ॥ ६४ ॥

सो०—तव सुनिकै रघुनाथ, भापी मृदु मुसक्यायकै ॥

तुव छल निश्चरनाथ, हौं जानो सब हीय को ॥ ६५ ॥

याते तुव रुचि जोय, समर मरनकी है सु अब ॥

वेगहि पूरित होय, जौ न जाहु रणभूमि ताजि ॥ ६६ ॥

तामर छंद ।

सुनि राम वेन मुरारि । करि क्रोध वंक निहारि ॥

करि वेगि धनु शर धारि । धायो प्रचंड प्रचारि ॥ ६७ ॥

किय अमित बाण प्रहार । भंजे सु राजकुमार ॥

तिन खंडि अतिहि उताल । सायक तजे रघुलाल ॥ ६८ ॥

लाघव दशानन वीर । खंडित किये सब तीर ॥

इमि दोर दुहुँ बलवान । हठि हनत अगणित वान ॥ ६९ ॥

तिहि समय युद्ध निहार । चहुँ होत जेति पुकार ॥

सुरपाल यह चित दीन । हैं राजसुत रथहीन ॥ ७० ॥

तव मातलीहि बुलाय । दीनी उताल रजाय ॥

तुम वेगि मम रथ साज । ले जाहु दिग रघुराज ॥ ७१ ॥

सुनि सूत सहित उमंग । सजि रथहि हरित तुरंग ॥

बहु शस्त्र विशद विशाल । भेजे प्रभुहि सुरपाल ॥ ७२ ॥

सो सहित स्यंदन लाय । रघुवीरही शिरनाय ॥  
 करि विविध अस्तुति गूढ । कह होउ प्रभु आरूढ ॥ ७३ ॥  
 सुनिकै प्रदक्षिण लाय । पुनि रथहि शीश नवाय ॥  
 बैठे सु दशरथ लाल । युत कवच शस्त्र विशाल ॥ ७४ ॥  
 तिहि समय व्योम मझार । सुर लखत समर अपार ॥  
 रामहि रथी अविलोक । भे सकल भक्त विशोक ॥ ७५ ॥  
 दशवदन हेरि रिसान । शर छाये दशहु दिशान ॥  
 दिय राम स्यंदन झंप । तिहि समय भो महि कंप ॥ ७६ ॥  
 तब आगि शर रघुवीर । तजि किये भस्म सु तीर ॥  
 कपि भालु चहुँ दिशि धाय । दिय अपर दल विचलाय ॥ ७७ ॥  
 पुनि यातुधान प्रचंड । गहि विविध शस्त्र उदंड ॥  
 कीशान सु ऋच्छन मार । तरु कुधर तेउ प्रहार ॥ ७८ ॥  
 भिरि राम रावण वीर । वर्षहि अपार सु तीर ॥  
 तिहि समय दुहुँ दल युद्ध । अति होत अनुपम उद्ध ॥ ७९ ॥

धनाक्षरी—कवित्त ।

ठोंके भुज दंड वीर प्रबल प्रचंड भिरे उद्धत विरुद्ध रुद्ध कुद्ध दल  
 दंडि दंडि । अट्टत सुभट्ट औ दपट्टत उचट्ट चट्ट भट्टन के ठट्ट  
 कट्टत हैं खंडि खंडि । हथ्य लथ्य हथ्यनते मथ्य गथ्य ।  
 मथ्यत समथ्य पथ्यलेत रथ छंडि छंडि । रसिकविहारी राम  
 जैति जै उदंड शोर छावै नवखंड नभमंडलमें मंडि मंडि ॥ ८० ॥  
 टिकत न वीरनके प्राण रण भूमि मध्यक्रुद्ध बुद्ध रुद्ध उद्ध युद्ध  
 गये अघा ॥ इष्ट बल पाय फेरी प्रबल वरिष्ट भिरे झुंड झुंड रुंड उंड  
 गिरत दुहुँ जचा ॥ यातुधान कपिन कर्पिद गहि यातुधान भंजत  
 माय फारि फेकत अनी नचा ॥ चारहु दिशान वान वरपत आन आन  
 रसिकविहारी झरि लार्हैं हैं मनो मचा ॥ ८१ ॥

दंडक ।

दोउ दल उद्ध र्यौ क्रुद्ध अवरुद्ध है करहि बहु युद्ध नाहि शुद्ध क  
 प्रानकी ॥ दंत कट कटत भट भालु मकंठ विकट कटत फिरि अट

जै रटत बलवानकी ॥ गजन गज मर्दके रथन रथ गर्दके वाजि  
 वाजीन हनि शस्त्र शस्त्रन दलें ॥ रुंड रुंडन झटकि मुंड मुंडन पटकि  
 झुंड झुंडन झटकि चापि कर पद मलें ॥ ८२ ॥ रैनचर चंड शर  
 शक्ति कर खंडते कीश ऋच्छन सु उदंड खंडित करें । उच्छलत  
 पुच्छ गुच्छाहि धरि धराणिमें पटकि तिन पट शिर कट प्राणन  
 हरे ॥ होत यों समर थर हरत धर धर धरा रुधिर धारा तवाहि धराणि  
 नहिं मावहीं ॥ शीश कर चरणके ढेर चहुँ फेर ते बहुलरनभूमिमें मेरुसे  
 छावहीं ॥ ८३ ॥ खगगण मुदित नभ मगग ह्वे धायकें मुंड कर पगले  
 सगग उडि भगगहीं ॥ योगिनी वृंद सानंद नखें सुभरिखप्परन रुधिर  
 करि पान अनुरगगहीं ॥ शोर चहुँ वोर छाई कबंधन धरा छिनहि  
 छिन उठत फिरि गिरत लारि गजिकै ॥ प्रबल निश्चरन दल दलत  
 कपि ऋच्छ भट सवल अरु अवल भजत समर ताजिकै ॥ ८४ ॥  
 यातुधानेश लखि सवल दल विचल निज भालु कपि छलन हित  
 प्रबल माया ठनी ॥ अमित हनुमंत सुग्रीव अंगद लपण प्रगटते  
 आपनी आप वालें अनी ॥ ऋच्छ वानर भये चकित तव रैनचर  
 निधन किय तिनहिं अवकाश लहि ता घरी ॥ वीर रघुवीर सो  
 हेरि अति वेगही एकही तीर ते सकल माया हरी ॥ ८५ ॥  
 फेरि बहु कोपि कै धाय रथ लाय दिग राम निज चंड कोदंड  
 मंडित लियो ॥ सायकन घाल बलशाल दशभालको सहित  
 धनुवाण तनत्राण खंडित कियो ॥ क्रोध भरि चाप लै आन तिहि  
 तान के लंकपति अमित शर आतुरी ते हने ॥ सर्व रघुवीर ते  
 तीर निज तीर ते भंजि पुनि तासु तनु तीर वेधे वने ॥ ८६ ॥

हरिगीतिका छंद ।

तव क्रोध भरि दशभाल ठानो अस्त्र युद्ध अपार सो ॥  
 रघुवीर ते सब भंजि डारे कीन अमित प्रहार जो ॥  
 पुनि लंकपति शतत्राण मारे भो विकल मुर सारथी ॥  
 कर धार तिहि वेग उठायो रामचंद्र महारथी ॥ ८७ ॥  
 जो लग उठायो राम सुतहि दशवदन तौलग घने ॥  
 शर वालि रथको केतु काटो वेगि चहुँ वाजी हने ॥

लखिके तुरंगहु राजपुत्र सँभारि स्यन्दनमें सजे ॥  
 ताही सम भुजवीस राघव गात पै बहु शर तजे ॥ ८८ ॥  
 रघुवीर कछु दुख पाय पुनि है सजग वाणन खँडिकै ॥  
 रथ सारथी ध्वज वाजि तासु नशाय डारे खँडिकै ॥  
 द्रुत आन स्यन्दन बैठि घालो घोर शूल प्रचारि कै ॥  
 रघुवीर सुरपति शक्ति छोडी भस्म दुहुँ दुहुँ जारिकै ॥ ८९ ॥  
 पुनि क्रोध कर शरतीस वेधे बीस भुज दशशीशमें ॥  
 तब भये अंतरधान निश्वर ईसभरि बहु रीसमें ॥  
 रहि गुप्त घाले बाणवर बहु व्योमते आवन लगे ॥  
 ते विविध रूप कराल भालु कपीन चहुँ खावन लगे ॥ ९० ॥  
 है बाण शूकर सिंह श्वान शृगाल अहि गज धावहीं ॥  
 मारत पछारत भखत मर्दत सकल सैन नशावहीं ॥  
 पुनि वृष्टि कीन अपार सिक्ता उष्ण सब व्याकुल भये ॥  
 फिर लागि वरपै आगि सब भट भागि प्रभु शरणै गये ॥ ९१ ॥  
 द्रुत वरुण अस्त्र चलाय राघव सकल छल किय दूरसो ॥  
 पुनि वीर विद्या आसुरी प्रगटी दशानन भूर जो ॥  
 बहुभूत प्रेत पिशाच योगिनि खड्ग खप्पर धारिकै ॥  
 चहुँ ऋच्छ कीशान भक्षिवे हित धावहीं मुख फारिकै ॥ ९२ ॥  
 तिन देखि वानर ऋच्छ इतर विहाल डरि डरि भाजहीं ॥  
 हनुमंत आदिक वीर ते बहु मर्दि मर्दि सु गाजहीं ॥  
 पुनि अपर माया कीन दशमुख पवनसुत प्रगटे घने ॥  
 ते धारि तरु गिरि उपल रामहि धाय चहुँ दिशि ते हने ॥ ९३ ॥  
 रणवीर श्रीरघुवीर पावक तीर सपदि चलायकै ॥  
 मायाः हरी सब निरखि दौरे सुभट हिय हरपायकै ॥  
 तरु शैल हनि हनि निश्वरन पुनि भालु कपि गंजन लगे ॥  
 दंतन नखन तल मुष्टि लातन कोपकारि भंजन लगे ॥ ९४ ॥  
 भट विकट मर्कट ऋच्छ युद्धत रुद्धहे उद्धत महा ॥  
 अव कहु निश्वर हीन लंक निशंक यों सबही कहा ॥

तिय पुरुष वालक तरुण वृद्ध सु यातुधान न छंडिये ॥  
 जे नगर अरु रण मध्य होवैं वेगि ते सब खंडिये ॥ ९५ ॥  
 ताछिन दशानन आय प्रगटो रूप कोटिन धारिकै ॥  
 चहुँधाय लच्छन कीश ऋच्छन करत भच्छन मारिकै ॥  
 इक एक वानर भालुपे इक एक रावण धावही ॥  
 धर मार फार पछार यों बहु घोर शोर मचावही ॥ ९६ ॥  
 तिहि समय राम सुकंठ हनुमत अंगदादिक वीरजे ॥  
 करि कोप बहु दशमुखनको भंजैं निशंक सुधीरते ॥  
 सुरवृंद निराखि अनेक रावण विकल है वागन लगे ॥  
 लै लै विमानन हाय करि करि व्योमते भागन लगे ॥ ९७ ॥  
 तव सुरन व्याकुल जानि राघव प्रबल अस्र प्रहारिकै ॥  
 इक वाणते दशकंठके सब रूप लोपे जारिकै ॥  
 सो हेरि बहुरे देव प्रमुदित छाये नभ जै जै करी ॥  
 अवलोकि धायो व्योम दिशि बहु कहत वाणी रिसभरी ॥ ९८ ॥  
 रे खलहु तुम कहैं एकही में कौटि सम आयो अवै ॥  
 पुनि करत हाहाकार नभते देवगण भागे सबै ॥  
 तव क्रुदिकै कपि वीर अंगद ताहि पदगहि जोरते ॥  
 झकझोरि वेगाहि भुमिडारो खँचिकै नभ ओरते ॥ ९९ ॥  
 पुनि उछलि अंगद वेगि रघुवर पास पहुँचे जायकै ॥  
 दशकंठ उठि रथ बैठि धायो कुपित चाप चढायकै ॥  
 हनिवाण अगणित रामको तनु त्रान खंडित कीन सो ॥  
 तव वीर रघुवर शरनते किय तासु दशशिर छीनसो ॥ १०० ॥  
 शिर गिरत दशहू और नूतन फेरि प्रगटे तैसही ॥  
 सोऊ विभंजै राम सबही बहुरि उपजे बैसही ॥  
 इमि रामशर शतवार खंडे माथ दश दशमाथके ॥  
 ते कटत होत नवीन लगि हिय आवरज रघुनाथके ॥ १०१ ॥

प्र० पा० ॥ पु० पा० स० १०९ ॥ श्लोक० ॥

रावणस्य शिरोच्छिद्यमञ्जलितकुंडलम् ॥ तच्छिरः पतितं  
 भूमा दृष्टं लोकस्त्रिभिस्तदा ॥ ११ ॥ तस्यैव सदृशं चान्यद्रावण-

स्योत्थितं शिरः ॥ तत्क्षिप्रं क्षिप्रहस्तेन रामेण क्षिप्रकारिणा ॥ २ ॥  
 द्वितीयं रावण शिरश्छिन्नं संयति सायकैः ॥ छिन्नमात्रं च तच्छिरः  
 पुनरेव प्रदृश्यते ॥ ३ ॥ तदप्यशनिसंकाशश्छिन्नं रामस्य सायकैः ॥  
 एवमेवं शतं छिन्नं शिरसां तुल्यवर्चसाम् ॥ ४ ॥ इत्यादि ॥

पदरीछंद ।

शिर कटत फेरि प्रगटात और । भो मुदित लंकपति निराखि डौर ॥  
 हौं अमर सत्य दृढ ठान लीन । यों गुणि निशंक पुनियुद्ध कीन १०२  
 सुर कीश भालु लखि सकलवस्त । सुनि भई जानकी शोकग्रस्त ॥  
 निश्वर समस्त आनंद छाया । रणं रूपे वोलि जै लंकराय ॥ १०३ ॥  
 रावण सकोप शर तान तान । रामहिं प्रहार कर आन आन ॥  
 रघुवीर सर्व करि खंड खंड । बालत अपार इधु चंड चंड ॥ १०४ ॥  
 प्रभु निकट विभीषण शस्त्र धार ॥ रथ संग धाय निश्वरन मार ॥  
 लखि कुपित होय दशमुख उताल । गरु भूर शक्तिं वाली कराल १०५  
 लखि वेगि राम है अग्र आप । झेलीस्वहीय सो शक्ति दाप ॥  
 निज गुणि विभीषणै अभय कीन । दृढ शरणपाल प्रण राखि लीन १०६  
 सो शक्ति हीय बेधी कराल । मुर्च्छित कछुक भे नृपति लाल ॥  
 लै गदा विभीषण कोप धार । तुरधाय भ्रोंत उर किय प्रहार ॥ १०७ ॥  
 दशकंठ व्यथित गिरि धरणि माहिं । पुनि उठिपछारि तिहि पकरि वाहिं ॥  
 सो सँभरि फेरि भिरि कीन युद्ध । दुहुँ रुद्ध वृद्ध अवरुद्ध उद्ध १०८  
 भे कछुक विभीषण श्रमित अंग । हनुमंत वीर हेरो सु ढंग ॥  
 घालो प्रचंड गिरि धाय गाजि । डारे नशाय रथ सूत वाजि ॥ १०९ ॥  
 दशमुखहि कीन पुनि पद प्रहार । सो त्यागि बन्धु कहँ रोपधार ॥  
 धायो सुकीश परजंग जोम । हनुमान वेगि कूदे सु व्योम ॥ ११० ॥  
 उच्छलत लंकपति पकरि पुच्छ । भापी सु खँचि कहँ जाहि तुच्छ ॥  
 वरवीरकीश भुजवीश युक्त । गो गगन सो न लंगूर सुक्त ॥ १११ ॥  
 दुहुँ भिरे वरिनभ अंतरिक्ष । हैं सबलं सर्व रण रीति शिक्ष ॥  
 करि कोप एक एकहि प्रहार । नाहिं गिरत कोरत न बल अपार ११२ ॥

तव सुमिरि राम कपि कीन घात । भो विकल भूमि दशवदन पात ॥  
 तहँ आय कीश पुनि किय प्रहार । सो सँभरि फेरि हनुमतहि मार ११३  
 वजरंग कोपि तिहि मुष्टवाल । भो लगत लंकपति कछु विहाल ॥  
 तिहि समय कूदि कपि कुधरधार । चहुँ धाय धाय निश्चरन मार ११४  
 दशमौलि सजग ह्वै आनरथ्य । द्रुत ह्वै अरुद्ध धनुवाण हथ्य ॥  
 धायो कपीन भंजत उताल । तिहि समय क्रोध भरिच्छपाल ११५  
 तिहि लात घात कीनो प्रचंड । मुरझाय गिरो भो चापखंड ॥  
 दशमुखहि सारथी विकल हेरि । गहि भुज विठाय रथ मध्य फेरि ११६  
 घटिका सु एकमाधि चेत लाय । ह्वै सजग फेर लंकाधिराय ॥  
 करि घोर शोर भरि क्रोध धीर । छाँडे प्रचंड बहु विशिख तीर ११७ ॥  
 रघुराज पत्र पत्रीन छाय । ध्वज वाजि रंचहु नहिं लखाय ॥  
 दशमथ्य रथ्यहु वाणजाल ॥ चहुँ झंपि दीन दशरथ्य लाल ॥ ११८ ॥  
 इमि इंद्र युद्ध पुनि होत भूरि । दशहूँ दिशान गे वाण पूरि ॥  
 तव रामचंद्र दश शर कराल । वेधे उताल दशभाल भाल ॥ ११९ ॥  
 तिन लगत भयो विह्वल अपार । सारथि प्रवीन सो गतिनिहार ॥  
 रथ वाहि वेगि लै गो सु दूरि । रावण अचेत जल नैन पूरि ॥ १२० ॥  
 द्वे दंड मध्य आयो जु होस । लखि सारथीहि भापो सरोस ॥  
 रणविमुख कीनरे मूढ मोहि । सेवक विचारि नहिं बचहुँ तोहि १२१ ॥  
 रथवाह वेगि पुनि राम पास । हाँ करौं आज रिपुकर विनाश ॥  
 तव कही सारथी जोरि हाथ । अपराध क्षमिय प्रभु लंकनाथ १२२ ॥  
 हे सूत कर्म यह धर्म तात । महि समय लखे जय अजय घात ॥  
 लखि प्रभुहि विकल बहु समर माहि । लायो उताल स्यंदनहि वाहि १२३  
 सुनि मूत वैन दशमुख सराहि । दीनो जु हस्त भूषण उमाहि ॥  
 धारण सुकीन लै नाय मध्य । पुनि वाहि वेगि लायो सु रथ्य १२४ ॥  
 दशकंध वेगि वर धनुषवार । रघुराहि कीन बहु शर प्रहार ॥  
 ते सकल राम तिहि दीन काटि । वेधे अनेक निज वाण डाटि १२५ ॥  
 पुनि शक्ति शूल शरखड्ग चंड । गहि गदा चक्र तोमर उदंड ॥  
 इमि अपर शत्रु अरु अस्त्र भूरि । दशमौलि नमपर दीन पूरि १२६ ॥



ते सकल रामभंजन करांत । पुनि विशिष वाण तिहि हनत जात ॥  
 त्यों हीं बहोरि लंकेश वीर । तिन खंडि फेरि वेधत सु तीर ॥ १२७ ॥  
 तिहि समय राम रावण सु वीर ॥ छिन हो अधीर छिन धरत धीर ॥  
 कीनो अभूत दुहुँ समर घोर । छायो अपार तिहि लोक शोर ॥ १२८ ॥

ह० गी० छंद ।

इमि राम रावण युद्ध देव विलोकिकै सब चकित भे ॥  
 कपि भालु निश्चर निकर दुहुँ बल हेरिकै अति चकित भे ॥  
 सुर कहत अबलग याहि राम समान नहिं भेटो वियो ॥  
 दशमुख बहत्तर चौयुगी भरि राज बहु संयुग कियो ॥ १२९ ॥

प्र० ॥ सुंदर रामायणे लंकाकांडे ॥ सर्ग ५१ ॥ श्लोक ।

राज्यं चकार लंकेशो द्विसप्ततिचतुर्युगम् ॥  
 त्रिषुलोकेषु न प्राप्तस्तं रामसदृशो बली ॥ ५ ॥

ह० गी० छंद ।

तिहि समय वेगि अगस्त्यऋषि श्रीराम संनिधि आयकै ॥  
 आदित्यहृदय अनूप किय उपदेश अतिहि दुरायकै ॥  
 दै सविधि उत्तम कवच मंत्र उताल मुनि पुनि जात भे ॥  
 रघुवीर लहि जय अस्र अतुल अमोघें अति हरपात भे ॥ १३० ॥  
 ताछिन विभीषण राजसुत सों विलाखि यौं बाणी कही ॥  
 दशकंठ नाभी मध्य एक पिथूप कुंड विराजही ॥  
 जौलों न प्रभु तिहि सोपि हो तौलों न यह खल नाशि है ॥  
 वरिवंड चंड सुरारि छिन छिन भालु कीशान त्रासि है ॥ १३१ ॥  
 सुनिके विभीषण वेन शर इकतीस श्रीरघुवीर लै ॥  
 आदित्यहृदय उचारि विधि युत लंक पतिहि सुधीर दै ॥  
 ते कालदंड समान वाण प्रचंड धनुपर तानिकै ॥  
 कीने सपदि संधान प्रभु बलवान दृढ प्रण ठानकै ॥ १३२ ॥  
 तिहि समय झंपी सकल दिशि कंपी अपार वसुंधरा ॥  
 चहुँ, उठी पावक दाह रावण गात हू बहु थरहरा ॥  
 श्रीगम छोडे चंड सायक चलत अमित प्रकाश भो ॥  
 अनि बोर शोर उदंड महि पाताल मध्य अकाश भो ॥ १३३ ॥

ते प्रबल शर इकतीस चलि दशशीश के दशशीशमें ॥  
 इक नाभि शर शोपो अपर लागे सपदि भुज वीसमें ॥  
 शिर बाहु लै नाराच गवने रुंड रावण कांपिकै ॥  
 द्रुत गिरत भो रणभूमि मध्य सुभूरि दुहुँ दल चांपिकै ॥ १३४ ॥  
 विन मुंड रुंड बहोरि उठि बहु गार्जि धायो मंडिकै ॥  
 रघुवीर तिहि युग खंड करि महि डारि दीनो खंडिकै ॥  
 भुव गिरतही अति शोर किय हा राम हाहा जानकी ॥  
 यों कहत निकसो जीव पूजी आश सब बलवानकी ॥ १३५ ॥  
 तिहि समय पावकझार रावण अंग ते अनुपम कढी ॥  
 बहु तेज विशद प्रकाश अद्भुत तासु द्रुत ज्वाला बढी ॥  
 सो आय अतिहि उताल कीन प्रवेश मुख श्रीरामके ॥  
 सत्र निरखि चकृत कहत भेद अलक्ष प्रभु गुण ग्रामके ॥ १३६ ॥  
 तिहि समय रावणवध विलोकि समस्त सुर आनंद लहे ॥  
 जै राम जै रणधीर जै रघुवीर जै जै सब कहे ॥  
 बहु भाँति अस्तुति कराहि प्रभुपर सुमन वर वरसावहीं ।  
 दुंदुभि वजाय वजाय श्रीरघुनाथको यश गावहीं ॥ १३७ ॥  
 कपि भालु कूदें जैति जै करि शोर चहुँ विलकारहीं ।  
 पुनि धाय धाय अनंद भरि भरि राम वदन निहारहीं ॥  
 तिहि समय लछमन दौरि भ्रातहि अंकभरि हुलसायकै ।  
 नखशिख विलोकैं प्रेमयुत वर विजय मोद अघायकै ॥ १३८ ॥  
 सुग्रीव अंगद ऋच्छपति लंकेश हनुमतनील जे ।  
 इन आदि अपर अपार वानर भालु हैं बलशील ते ॥  
 सबको महाआनंद कविष कौन विधि कहिजाय जो ।  
 ज्यों होत प्रमुदित भापि सकहि न मूक मिष्टहि खाय सो ॥ १३९ ॥

घनाक्षरी कविन ।

सरसिज सुभट समूह वर फूल चारु पूरण प्रतापसो प्रकाश अति  
 ही जयो ॥ निशिचर सैन रैन तम दशमाथ भारि विनशि समस्त  
 शोक लोक तिहुँ ते गयो ॥ रासकविहारी देवलोक बृंद भे अनंद दशह

दिगंतमें अनंत जैति जै छयो ॥ कौशलाधिराज रघुराज उदयाचलें  
तेज पुंज विजय दिवाकर उदै भयो ॥ १४० ॥

हरिगी० छंद ।

इत मोद इमि उत लंक निश्चर निश्चरी अकुलावहीं ।  
दशमाथके गुण गाथ कहि धुनि माथ बहु विलपावहीं ॥  
मंदोदरी आदिक अनेक सुतीय विह्वल धायकै ।  
बेहाल आय उताल रोवत गिरीं पतिपद धायकै ॥ १४१ ॥  
दोहा—निरखि विभीषण भ्रात गति, कियो विलाप अपार ॥  
तिनहि धीर दीनी विविध, दशरथ राजकुमार ॥ १४२ ॥  
पुनि भापी लंकेश प्रति, रघुवर दीनदयाल ॥  
मृतककर्म दशकंठ को, सविधि करौ ततकाल ॥ १४३ ॥  
तबहि विभीषण जोरि कर, कही छुवौ नहिं याहि ॥  
तव निंदक पुनि शत्रु मम, अरु अधर्म रत आहि १४४ ॥  
सुनि बोले रघुवंश मणि, यह मम निंदक नाहिं ॥  
अरु अधर्मरतहू न है, हौं जानौं मनमाहिं ॥ १४५ ॥  
बैर जियतलों राखिये, मरण भये नहिं मान ॥  
अंत समै रिपु मित्र सम, जानै वही सुजान ॥ १४६ ॥  
याते सविधि निशंक सब, करौ भ्रात कृत जाय ॥  
जाते तव रावण सहित, दोनों लोक बनाय ॥ १४७ ॥  
राम रजायसु शीश धरि, सकल तियन समु ज्ञाय ॥  
मृतक कर्म दशकंठके, किये विभीषण जाय ॥ १४८ ॥  
सविधि कृत्य करि तियनको, लंका मध्य पठाय ॥  
बेगि विभीषण राम ढिग, आय खरे सनुपाय ॥ १४९ ॥  
तव रघुवर शर तून धनु, कवच कृपाण उतार ॥  
रथते आये भूमि पर, सप्तम दिवस मझार ॥ १५० ॥  
चले देव निज निज भवन, राम रजायसु पाय ॥  
शीश नाय स्पंदन सहित, गयो मृत हरपाय ॥ १५१ ॥  
हरापि राम सुग्रीवसे, कहे वैन भर अंक ॥

तव सहाय बलते सखा, पाई विजय उत्तंक ॥ १५२ ॥  
 यों कहि पुनि अवधेश सुत, सकल भालु कपि मान ॥  
 यथाउचित सादर निरखि, किय बहु विशद बखान ॥ १५३ ॥  
 निरखि विभीषण ओर पुनि, लपणहि कही बुझाय ॥  
 लंकापति अभिपेक द्रुत, करो सदल तुम जाय ॥ १५४ ॥  
 तव सुकंठ हनुमंत अरु, अपर भूरि बलवंत ॥  
 सहित विभीषण लंकमें, आये लपण तुरंत ॥ १५५ ॥  
 बोलि सचिव द्विज ज्ञाति सब, सविधि साज सजवाय ॥  
 किय अभिपेक विभीषणै, लंक निसान बजाय ॥ १५६ ॥  
 श्वेत छत्र चामर विजन, साज समाज समेत ॥  
 चले विभीषण लपण सँग, रामदरशके हेत ॥ १५७ ॥  
 आय बेगि प्रभुपद गहे, उठि रघुवर उर लाय ॥  
 प्रीति रीति नृप नीति युत, दीन मान डुलसाय ॥ १५८ ॥  
 दास भाव कर जोरि कै, ठाढे निश्चरनाह ॥  
 निरखि राम उठि फेरि तिन, बैठारे गहि बाँह ॥ १५९ ॥  
 रीत प्रीत नृप नीति मय, कहे राम बहु बैन ॥  
 सो सुनि निश्चर भालु कपि, सब हिय छायो चैन ॥ १६० ॥  
 पुनि तहँते उठि सैन युत, आनंदित श्रीराम ॥  
 चलि सुबेल गिरि पै सुथल, आय कियो विश्राम ॥ १६१ ॥  
 रसिकविहारी आजते, भयो परम आनंद ॥  
 सब सुर मुनि भापें, सुदित, जैजै दशरथ नंद ॥ १६२ ॥

इति श्रीरामरसायन २० वि० युद्ध० रावणयुद्धवध  
 वर्णनो नाम विंशोविभागः ॥ २० ॥

दोहो—राम लपण लंकेश अरु, अपर समाज अपार ॥  
 शोभित शैल सुबेल पर, विजै मोद उर धार ॥ १ ॥  
 तव हनुमत दिशि हेरिकै, बोले रघुकुल चंद ॥  
 हे कपि रिपु दल जीति अब, भये सकल सानंद ॥ २ ॥

महाराज लंकेश की, लै रजाय तुम जाय ॥

सियहि सुनावो जै कुशल, कहो तासु पुनि आय ॥ ३ ॥

प्र० वा० ॥ यु० कां० ॥ स० ११४ ॥ श्लो० ।

ततः शैलोपमं वीरं प्राञ्जलिं प्रणतं स्थितम् । उवाचेदं वचो रामो  
हनुमंतं पृथंगमम् ॥ १ ॥ अनुज्ञाप्य महाराजमिमं सौम्य विभीषणम् ॥  
प्रविश्य नगरीं लंकां कौशलं ब्रूहि मैथिलीम् ॥ २ ॥

दोहा—सुनि हनुमत लंकेश प्रति, बूझि गये द्रुत धाय ॥

शीश नाय सीतहि कही, विजै कुशल हुलसाय ॥ ४ ॥

जनकसुताके हिय भयो, ताछिन इमि अहलाद ॥

मुदित मयूरी होत जिमि, सुनि पावस घननाद ॥ ५ ॥

कही सीय संदेश सम, कछु न तिहूँ पुर माहिं ॥

कहा देउँ कपि तोहिँ अव, कबहुँ उरुण मैं नाहिं ॥ ६ ॥

कही कीश कर जोर तब, हौं पायो सब मात ॥

महाराज विजयी भये, आप लखी कुशलात ॥ ७ ॥

पै जननी इक मोहिँ ये, रुचि सो कीजै पूरि ॥

हो रजाय तौ निश्चरिन, हनौं कुटिल ये भूरि ॥ ८ ॥

सुनि सिय कोमल हिय कही, करौ पुत्र जनि रोष ॥

पराधीन सिगरी कहा, इन दीननको दोष ॥ ९ ॥

भये मौन हनुमंत पै, तिनै विलोकत वंक ॥

सिय पाछे वेठीं सबै, मिलि इक ठौर सशंक ॥ १० ॥

कही तबै कर जोरि कपि, करिय मातु उपदेश ॥

वेगि जाय भाषां सकल, प्रभुसों तव संदेश ॥ ११ ॥

सुनि सिय बोली पवनसुत, अंतर्यामी नाथ ॥

सब जानत हैं हीय की, कहा कहीं दहु गाथ ॥ १२ ॥

मो दिशिते पद परसिकै, विनय करी जो तात ॥

दरश विना इक एक छिन, कोटि कल्प सम जात ॥ १३ ॥

सुनि कपि गमनो नाथ शिर, आयो खुबर पास ॥

सिय दिशि ते प्रभुचरण गहि, कहो सकल स हुलसा ॥ १४ ॥

सुनिकै प्रिया सँदेश प्रिय, हिलकि हृदय भरि लाल ॥  
 दीह श्वास दृग जल उमड़ि, ह्वे सनेह वेहाल ॥ १५ ॥  
 महि विलोकि लंकेश सौं, कहे सु मंजुल वैन ॥  
 सिय अन्हवाय शृंगारि कै, द्रुत आनौ मति ऐन ॥ १६ ॥  
 पाय रजाय सु रामकी, लंकापति मतिधाम ॥  
 जाय सीय ढिग मातु गुनि, किय कर जोरि प्रणाम ॥ १७ ॥  
 पुनि रघुवर आज्ञा सकल, वरणी शीश नवाय ॥  
 सुनि लंकेशहि सिय कही, अतिअनंद उमगाय ॥ १८ ॥  
 सुन मो उर अभिलाप यह, प्रभुपद प्रथम विलोक ॥  
 पुनि मंजन शृंगार हौं, करौं जु होय विशोक ॥ १९ ॥  
 सुनत विभूषण पुनि कही, जननी हो सर्वज्ञ ॥  
 तव सन्मुख मैं कह कहौं, अति अयान अरुपज्ञ ॥ २० ॥  
 पै कछु विनवाँ दीन है, क्षमियो मम अपराध ॥  
 जानतहौं हे स्वामिनी, है हिय कृपा अगाध ॥ २१ ॥  
 नेम धर्म जप योग तप, ज्ञान ध्यान अरु दान ॥  
 पति आज्ञा पालन सरिस, सुखद सुकृत नहिँ आन ॥ २२ ॥  
 याते मो विनती यही, जो प्रभु कही पठाय ॥  
 सोई करिवो उचितहै, पुनि जिमि होय रजाय ॥ २३ ॥  
 इमि कहि रुचि लखि निश्चरिन, दी लंकेश रजाय ॥  
 विशद विभूषण वसन ते, लाई साज सजाय ॥ २४ ॥  
 तव सिय पिय रुचि गुणि कियो, मंजन सकल शृंगार ॥  
 पुनि वैठी शिविका सुभग, पतिपद हियविच धार ॥ २५ ॥  
 विशद निश्चरी यूथ वहु, सहित साज भट भीर ॥  
 राम दरश हित सिय चलीं, संग विभीषण धीर ॥ २६ ॥  
 सिय आगम सुनि दरश हित, वानर भालु अपार ॥  
 अपर निशाचर निश्चरी, धाये जेति उचार ॥ २७ ॥  
 वेतपाणि रक्षक तिनै, वारन करत दुराय ॥  
 शिविका सह आवरण वर, प्रभु ढिग चले ।

ताछिन भो बहु शोर चहुँ, दूरहि ते लखि राम ॥  
 कह लंकेशहि बोलि द्रुत, करि दृग दोउ ललाम ॥ २९ ॥  
 कीश भालु मेरे सकल, प्राणहु ते प्रिय भूर ॥  
 पुनि हैं मम सुत बन्धु सम, तिनाहि निवारत दूर ॥ ३० ॥  
 कहा हेत आवर्णको, कह शिविकाको काज ॥  
 मम समीप आगमनमें, काह मैथिलिहि लाज ॥ ३१ ॥  
 यों कहि पुनि लंकेश प्रति, भापी राम सप्रीत ॥  
 समय पाय सोहै सवै, भीति रीति नृप नीत ॥ ३२ ॥  
 बहुरि होत याते कहो, जो नहि निर्मल जीय ॥  
 शुभ अरु अशुभ समस्त कृत, निभत आपने हीय ॥ ३३ ॥

सवैया—कवित्त ।

हो न कछु बहु वस्त्र न शस्त्रसे धाम न कोटकी ओट लियेते ॥  
 मापनते कटु भापनते जन लापनते न कपाट दियेते ॥  
 हैं रसिकेश घने नृप साज सु और अनेक प्रबंध कियेते ॥  
 नाहिं रहै तियकी परदा जु न राखहि सो निज आपहियेते ॥ ३४ ॥  
 दोहा—सो विचार यह हीयको, पै जगरीति जु होय ॥  
 यदपि उचित सब भांति है, तदपि समय लखि सोय ॥ ३५ ॥

सवैया—कवित्त ।

भूरि विपत्ति परै जबहीं अरु पीड़ित होय महारुज माहीं ॥  
 औ मख व्याह स्वयंवर युद्ध गुरू नृप मातु पितापति पाहीं ॥  
 ऐसे समय शुभ रीति समेत लखै तिय काहुकि कोउ कहाहीं ॥  
 नारि विलोकनको रसिकेश कहौ दृढ रंचहु दूषण नाहीं ॥ ३६ ॥  
 दोहा—सो सीता या छिन दुखी, तिनाहिं लखे कह रोप ॥  
 पुनि मोढिग कोऊ कवौ, दरश लहे निरदोष ॥ ३७ ॥

प्र० वा० ॥ यु० कां० ॥ स० श्लोक ११६ ॥

न गृहाणि न वस्त्राणि न प्राकारास्तिरस्त्रियाः ॥ नेदशा राजस-  
 त्कारा वृत्तमावरणं स्त्रियः ॥ ३ ॥ व्यसनेषु न कृच्छ्रेषु न युद्धे न

स्वयंकरे ॥ न क्रतौ न विवाहेषु दर्शनं दृश्यते स्त्रियः ॥ ४ ॥ सैषा  
विपद्रता चैव कृच्छ्रेण च समन्विता ॥ दर्शनेनास्तिदोषोऽस्या मत्स-  
मीपे विशेषतः ॥ ५ ॥

दोहा—याते अवहीं सीयको, शिविकाते उतराय ॥

वेगि पियादे लावहु, लखै सबै शुचि भाय ॥ ३८ ॥

सुनि लंकापाति मौन है, सकुचिं प्रभुहिं शिरनाय ॥

तिमि लाये सीतहि यथा, रघुवर दई रजाय ॥ ३९ ॥

आय सियापाति चरण गहि, लज्जित वसन समेटि ॥

वैठीं हेरि सुवाम दिशि; आनंदित भुजभेटि ॥ ४० ॥

झीने पट है लखाति सिय, पियको वदन मयंक ॥

राजकिशोर विलोकहीं, सकुचि विलोकन बंक ॥ ४१ ॥

है प्रमुदित लखि सीय सौं, वचन कहे रघुराज ॥

राजसुता मम सफल भो, सकल परिश्रम आज ॥ ४२ ॥

यों कहि राम सुनीतिवर, अंतर नेह अपार ॥

प्रगट वचन कटु जानकिहि, कहे लोक अनुसार ॥ ४३ ॥

सुनहु मैथिली तुमहि लखि, मां हिय उपज कलेश ॥

कछु न काज मम निकट अब, जाहु रुचै जिहि देश ॥ ४४ ॥

दशमुख सबल महीप पुनि, युत ऐश्वर्य अकर्म ॥

युवा सुन्दरी तिहि सदन, रहो न हूँ धर्म ॥ ४५ ॥

याते तुव दे वर तिहं, पुनि सुकंठ लंकेश ॥

अथवा और जु रोचही, तिहि मिलि रहो हमेश ॥ ४६ ॥

प्र० ॥ पा० ॥ यु० कडि । सर्ग ११० ॥ श्लोक ।

तां तु पार्श्वस्थितां प्रह्ला रामः सम्प्रेक्ष्य मैथिलीम् ॥ हृदयान्तर्गतं  
भावं व्याहर्तुमुपचक्रमे ॥ ६ ॥ प्रातःचारित्र्यसंदेहा मम प्रतिमुखे स्थिता  
दीपो नेत्रातुरस्येव प्रतिकूलसि मे दृढा ॥ ७ ॥ तद्गच्छत्वनुजानद्य  
यथेच्छं जनकात्मजे ॥ एता दशदिशो भद्रे कार्यमस्ति न मे त्वया ॥ ८ ॥  
तदद्य व्याहृतं भद्रे मयैतत्कृतवृद्धिना ॥ लक्ष्मणं वाय भरते कुरु वृद्धिं  
यथासुखम् ॥ ९ ॥ शत्रुमे वाय सुग्रीवे राक्षसे वा विभीषणे ॥



सीते यथा वा सुखमात्मनः ॥१०॥ न हि त्वां रावणो दृष्ट्वा दिव्यरूपां  
मनोरमां ॥ मर्पयत्यचिरं सीते स्वगृहे पर्यवस्थिताम् ॥११॥ इत्यादि ॥

दोहा—सुनि सीतापति वचन कटु, लागी करन विलाप ॥

लज्जित बोली मंद स्वर, बढो हृदय संताप ॥ ४७ ॥

घनाक्षरी—कवित्त ।

ये हो प्रभु इतर तियान सम जान मोहिं दोष अनुमान कटु  
बैन इमि वागौना ॥ रसिकविहारी तुव नारी पति धर्मचारी काहूके  
सिखाये धनुधारी नेक लागौना ॥ विवश परी हों घरी युगसी भारी  
है लाल हृदय जुडानो आज फेरी दुख दागौना ॥ हाय श्यामसुंदर  
सुजान सरवज्ञनाथ करुणा अगाध अपराध विन त्यागौना ॥ ४८ ॥  
चौ० यों कहिसिय पियरुख अनुमानी \* बोली विलखिल पणसों वानी  
राजपुत्र द्रुत सर राखि देहू \* अब नहिं मैं राखों यह देहू ४९  
लछमन रामहि लखि रुख जानी \* विरचो सर वेगै निज पानी ॥  
पावक ज्वलित देखिकै सीता \* उठिपियपदगहिकही अभीता ५०

दोहा—जो अनन्य मन वच करम, हों सेये श्रीराम ॥

तौ रक्षो मुहिं अनल तुम, व्यापक हो सब ठाम ॥ ५१ ॥

चौ० यों कहि सर प्रवेश सिय कीना \* निजपति चरणचित्त दृढदीना  
ताछिन भयो शोर बहु घोरा \* हाहाकार करत चहुँ ओरा ५२ ॥  
सकल सुरासुर करत पुकारा \* है अदोष सीतावर दारा ॥  
ताछिन शिव ब्रह्मादिक आई \* रामहि बहु विधि विनय सुनाई ५३ ॥  
तव पावक मुदिव्यतनु कीने \* सीतहि मुदित अंक निजलीने ॥  
सरते प्रगटि राम ढिग आई \* कही उच्च स्वर सवहि सुनाई ५४ ॥  
परम शुद्ध यह सीता देवी \* सदा राम पतिपद दृढ सेवी ॥  
यों कहि राघव ढिग बैठारी \* सब हर्षे जै जैति उचारी ॥ ५५ ॥

दोहा—सीताराम चरित्र यह, भयो काहको जान ॥

दंडकवन उत लंक इत, गुप्त प्रगट गतिमान ॥ ५६ ॥

चौ० ताछिन भूपति बैठि विमाना \* आये देखि हृदय हुलसाना ॥  
पितहि विलोकि वेगि उठि रामा \* सिया वंधु युत कीन प्रणामा ॥ ५७ ॥

राज तिहुँ अंक लगाई ॥ विपम विरहकी ताप सिराई ॥  
 गुरि परस्पर म अघाई ॥ गये धाम वर दशरथ राई ॥ ५८ ॥  
 छिन देवराज हुलसाई ॥ कही राम कह होत रजाई ॥  
 ॥ बोले रघुवर हुलसाई ॥ मृतक जियै मम भट समुदाई ५९  
 ॥ रु जहँ वसैं ऋच्छ कपि भूरी ॥ रहै अशन जल तहँ नित पूरी ॥  
 ॥ द्वे वर सुरनायक दीजे ॥ सकल मनोरथ पूरण कीजे ६० ॥  
 ॥ नि कह एवमस्तु सुरराजा ॥ जिये सकल कपि भालु समाजा ॥  
 ॥ ल फल फूल पत्र तरुछाये ॥ निरखि राम आनंद अघाये ६१  
 दोहा—बहुरि जोरि कर विनय युत, सुरन बिदा किय राम ॥

ते सबही शिरनायकै, गमने निज निज धाम ॥ ६२ ॥  
 जनककिशोरी राजसुत, दोऊ दुहूँ निहार ॥

प्रगट सकुच जन मध्य पै, अंतर प्रेम अपार ॥ ६३ ॥

लपण कीशपति लंकपति, हनुमानादिकवीर ॥

रसिकविहारी मुदित सब, निरखि सिया रघुवीर ॥ ६४ ॥

कहत सबे जे राम सिय, जैति लपण कपिराज ॥

जै हनुमंत सुवीर वर, जै जै जै सुरराज ॥ ६५ ॥

इति श्रीरा० र० यु० विधाने श्रीसीताराम मिलन

वर्णनो नाम एकविंशोविभागः ॥ २१ ॥

इति श्रीरसिकविहारीकृत श्रीरामरसायनग्रंथे युद्धचरित्र

वर्णनो नाम षष्ठोविधानः ॥ ६ ॥

दोहा—श्रीसीता रघुवर लपण, अपर समाज अपार ॥

शोभित शैल सुवेल पर, विजय मोद उरधार ॥ १ ॥

इहि विधि वीते द्वे दिवस, रावणवध उपरंत ॥

राम लपण सीता निरखि, सवहि अनंद अनंत ॥ २ ॥

तव लंकापति रामसों, कहे वैन कर जोरि ॥

तजिय सहाजुज मुनि वसन, हे प्रभु यह रुचि मोरि ॥ ३ ॥

अरु धन भूषण वसन गृह, देश ग्राम कर नाम ॥

कपि ऋच्छनको दीजिये, प्रीति लंक ललाम ॥ ४ ॥

सुनि बोले प्रभु हे सखा, तुमते विलग न नेक ॥  
 भरत सहित तनु साजहूँ, सो राखो मम टेक ॥ ५ ॥  
 अरु ये प्यारे प्राण सम, हैं कपि ऋच्छ अपार ॥  
 सबहीको सब भाँति ते, करौ उचित सत्कार ॥ ६ ॥  
 बहुरि चाहिये जतन वह, द्रुत हम कराहिँ पयान ॥  
 नतरु अवधि बीते भरत, नहिँ राखैं निज प्रान ॥ ७ ॥  
 सुनि भाषी लंकेश तब, पुष्पकयान विशाल ॥  
 तामधि प्रभु पधराय हौं, चलिहौं अवध उताल ॥ ८ ॥  
 यौ कहिकै लंकेश द्रुत, जाय सु लंक मझार ॥  
 धारे पुष्पकयान मधि, भूषण वसन अपार ॥ ९ ॥

दोवई छंद ।

लै पुष्पक वर नभ मंडल है वेगि विभीषण आये ॥  
 अंतरिच्छ ते अमित अनूपम भूषण वसन लुटाये ॥  
 कीश ऋच्छ सब राम रजायसु पाय मनुज तनु धारे ॥  
 सजि सजि अंग उमंग रंगते प्रभुहि जुहारत सारे ॥ १० ॥  
 पुनि पुष्पकविमान लंकापति वेगि राम ढिग लाये ॥  
 तामधि लपण सीय युत रघुवर बैठे लखि हुलसाये ॥  
 तब सबही सनमानि यथोचित बोले वच अभिरामा ॥  
 सकल भालु कपि प्राणपियारे जाहु सु निज निज ठामा ॥ ११ ॥  
 ऋच्छराज कपिराज लंकपति तिहूँ सखा मम प्यारे ॥  
 वसिहो रौनि दिवस हिय अंतर हैहो छिनहु न न्यारे ॥  
 अब सब निज निज धाम सिधारो करौ राज निरशंका ॥  
 आवत जात अवध मधि रहियो सहित वीर वर वंका ॥ १२ ॥  
 सुनि प्रभु वैन ऋच्छ कपि सिगरे तिहूँ नृप युत हनुमंता ॥  
 गदगद कंठ अवध दर्शनहित कीनी विनय अनंता ॥  
 तब रघुवीर धीर दै वनवर विपुल विदा करि दीने ॥  
 यूपमुह्य शोधि निहूँ भूपति सह सेवक संग लीने ॥ १३ ॥

पुष्पकयान प्रभाव अनूपम जेते होयँ सवारा ॥  
 यथायोग सबहेतु सुखद वर तितो रहै विस्तारा ॥  
 ता माधि कोटिन कीश भालु युत सिया लपण रघुलाला ॥  
 लंक ऋच्छ कपिपति केसरि सुत बैठे सदल उताला ॥ १४ ॥  
 ताछिन पुष्पक इच्छा चारी उत्तर दिशहि सिधायो ॥  
 सियहि राम सब ठाम दिखाये सागर दरश करायो ॥  
 तब लखिसेतु लपण इमि भापी जो यह सदा रहाई ॥  
 तो पयोधि अरु लंक दुहूँ की है है अति लघुताई ॥ १५ ॥  
 सुनि रघुवीर रजायसु दीनी अनुज वेगि सजि तीरा ॥  
 कीनो भंग सेतु तहँ जलमें परी भौर गंभीरा ॥  
 भो खंडित बहु ठोर जहां जहँ तहँ तहँ भँवर महाना ॥  
 इक इक भँवर सिंधु जलमाहीं योजन योजन माना ॥ १६ ॥  
 तिन ऊपर नभ पंचकोशल ग पक्षिहु नाहि उडाई ॥  
 महावेगते भँवर सिंधुमाधि अगम पंथ चहुँघाई ॥  
 इमि प्रबंध करिके पुनि तहँ ते पुष्पक वेगि चलायो ॥  
 सेतु भंग मग अगम लंक गुणि लंकपाल सुख पायो ॥ १७ ॥  
 दोहा—सेतु शिवालय सीयको, दरशायो रघुनंद ॥  
 तिनकी महिमा अमिताविधि, भापी अतिसानंद ॥ १८ ॥

म० ॥ पा० ॥ यु० ॥ का० ॥ स० १२५ श्लोक ।

अत्र पूर्वं महादेवः प्रसादमकरोद्भिः ॥

एतत्तुदृश्यते तीर्थ सागरस्य महात्मनः ॥ १ ॥

सेतुबंधे इति ख्यातं त्रैलोक्येन च पूजितम् ॥

एतत्पावित्रं परमं महापातकनाशनम् ॥ २ ॥

दोषई छंद ।

सिंधुतीर रामेश्वर दरशन पूजन सबही कीना ।

बहुरि उताल चले श्रीरघुवर भगत नेम चित दीना ॥

अतिहि सपदि किष्किन्धा आये नभ मग है दृशायो ॥

जनकसुता रुचि पाय राजसुत तहँ विमान त्रिलमायो ॥ १९ ॥

तव सिय कही राम सों प्रभु मो हीय एक रुचि भारी ॥  
 तारा रुमा चलै मो सँग अरु अपर ऋच्छ कपिनारी ॥  
 सुनि रघुचंद सुकंठहि भापी वेगि सकल ते आवैं ॥  
 जनकनंदिनी प्रीति मानिकै अवधहि साथ सिधायैं ॥ २० ॥  
 सुनि सुग्रीव ऋच्छ कपि संयुत जाय वेगि सब आनी ॥  
 नारि रूपते सकल वानरी तिमि अनूप दुहुँरानी ॥  
 यथायोग सियमिलि बैठारी पुष्पकयान मँझारी ॥  
 बहु आनंदसहित पुनि अवधहि किय पयान धनुधारी ॥ २१ ॥  
 भरद्वाज आश्रम मधि आये तिथि पंचमी प्रमाना ॥  
 ताही दिन मनुवर्ष सु पूंजे भानु अंशते जाना ॥  
 सहित समाज मुनिहि शिरनाई वृद्धी गृह कुशलाई ॥  
 अवध कथा तव सकल सुमंगल ऋपि रघुवरहि सुनाई ॥ २२ ॥  
 सुनि सब कुशल मुदित मुनितें पुनि वर माँगो रघुराई ॥  
 नाथ भालु कपिगण हित बहु तरु फूलें फलें सदाई ॥  
 एवमस्तु कहि ऋपिवर तादिन प्रभुहि सु आश्रम राखे ॥  
 तव हनुमंतहि अवध गमनके अर्थ राम द्रुत भापे ॥ २३ ॥

प्र० ॥ वा० ॥ सु० कां० स० १२६ ॥ श्लोक ॥

पूर्णे चतुर्दशे वर्षे पंचभ्यां भरताग्रजः ॥

भरद्वाजाश्रमं प्राप्य वंदे नियतो मुनिम् ॥ ३ ॥

दोवई छंद ।

तव अंजनि सुत मुदित सिधाये धरि द्विज रूप अनूपा ।  
 प्रभु आगम कहि मिलि निपादसों जाय लखे तुरभूपा ॥  
 शीश नाय भरतहि इमि भापी सिय सवंधु प्रभु आये ।  
 सुनि लठि सपदि कपिहि सो भेंटे अति आनंद अघाये ॥ २४ ॥  
 कथा वृद्धि सब कपिहि भरत अति वेगहि सचिव बुलाये ।  
 चहुँ ओर पुर सरित वाग मग अनुपम साज सजाये ।  
 राम लपण निच आगमं मुनिके मन्नामोद भो भारी ।  
 अकथ अपार अनंद मानु हर भे चर अचर सुखारी ॥ २५ ॥

पुर परिजन नर नारि साज साजि सकल दरश हित धाये ॥

राम पादुका भरत शीश धरि वेगि चले हुलसाये ।

उत हनुमंत जाय सब भापी सुनि मुनि पद शिरनाई ।

गमने राम निपाद लखे मग आये अवध तुराई ॥ २६ ॥

दोहा-लखि सुरसरिहि प्रणाम करि, मज्जन अरु जलपान ॥

सिया सविधि पूजी सरित, पूरव कथित प्रमान ॥ २७ ॥

दोवई छंद ।

चले वेग लखि अवध लपण सिय युत समाज श्रीरामा ॥

उठि करजोरि नवाय शीश सब कीनो पुरिहि प्रणामा ॥

सरयू अवध महातम रघुवर वर्णत विविध अपारा ।

आये नंदिग्राम सन्निध तहँ पुष्पकयान उतारा ॥ २८ ॥

दोहा-लपण सिया प्रभु निरखिकै, धाये सब नर नारि ॥

राम भरत दग जुरत दुहुँ, उमगे दुहुँ निहारि ॥ २९ ॥

भरत धाय प्रभु पद परे, राम लिये उरलाय ॥

मिले परस्पर प्रेम युत, यथा उचित चहुँ भाय ॥ ३० ॥

भरत हरपि सो पादुका, रामचरण पथराय ॥

पुनि सर्वधु सियके गहे, पद पंकज हुलसाय ॥ ३१ ॥

राम लपण सीता सहित, गुरु द्विज पद धरिशीश ॥

विनय करी करजोरि बहु, पाई सुखद अशीश ॥ ३२ ॥

राम लपण हुलसायकै, जाय जाय उमगाय ॥

गहेमातु गणके चरण, सबहि लये उरलाय ॥ ३३ ॥

मात सुमित्रा काँशला, ताछिन जो आनंद ॥

काहिन मकै सो कल्प शत, शेष शारदा बृंद ॥ ३४ ॥

मखा यूथ प्रमुदित मिले, अपर अमिन नर नारि ॥

यथायोग सिय लपण प्रभु, भेटे सबहि निहारि ॥ ३५ ॥

ताछिन चरित अरूप भो, जे जन सकल अपार ॥

एक एक प्रति छिनमें उचिन, भेटे राजकुमार ॥ ३६ ॥

भये मुदित नर अचर नव, अमिन नानि नर बृंद ॥

सो न भेद कोऊ लखौ, कह जै जै नृप नंद ॥ ३७ ॥  
 सुग्रीवादि नृपाल तिहुँ, हनुमानादिक वीर ॥  
 भरतादिक सब सबहि सों, मिले यथोचित धीर ॥ ३८ ॥  
 सिय सासुनके पग परीं, सब लीनी उर लांय ॥  
 भगिनी पुरवासिनि सखी, मिलीं हीय हुलसाय ॥ ३९ ॥  
 तारादिक सब तीय वर, उचित रीत युत नीत ॥  
 मिलीं परस्पर नारि बहु, यथायोग सह प्रीति ॥ ४० ॥  
 मिले परस्पर सबहि सब, यथा उचित हरपाय ॥  
 राम कही तब भरत सों, प्रमुदित सबहि सुनाय ॥ ४१ ॥  
 सखा ऋच्छपति लंक पति, दृढ अंजनि सुत दास ॥  
 प्राणहुते प्रिय अपर सब, कीश भालु बलरास ॥ ४२ ॥  
 हम तुम लछमन शत्रुहन, तिमि सुकंठ कपिराज ॥  
 मिले पंच भ्राता अबै, सुखद समै शुभ आज ॥ ४३ ॥  
 इहि विधि अतिहि अनंद दै, पुष्पक सबहि बिठार ॥  
 आये श्रीरघुवंश मणि, नंदिग्राम मँझार ॥ ४४ ॥  
 तहां आय उतरे तबै, कही पुष्पकहि राम ॥  
 जवः सुमिरें तब आइयो, जाहु सु पूरव धाम ॥ ४५ ॥  
 राम रजायसु शीश धारि, गो कुवेर ढिग यान ॥  
 निरखि धनेश अनंद है, कियो तासु बहु मान ॥ ४६ ॥  
 चौ०—इमि सब मिले परस्पर लोगा ॥ मिटे सकल दुख जनित वियोगा ॥  
 नंदिग्राम बहु जुरो समाजा ॥ बैठे जन युत अगणित साजा ॥ ४७ ॥  
 तब टटि भरत गम पहुँचोले ॥ धर्म सत्य मय वचन अमोले ॥  
 मातृ पिता आज्ञा जो दीना ॥ सो प्रभु अरु मैं शिर धारि कीना ॥ ४८ ॥  
 अब मम विनय मानिये ताता ॥ राज दीन मो कह पितु माता ॥  
 निज दिशिते होँ देहु सु लोके ॥ येती कृपा दीन लाँख कोजे ॥ ४९ ॥  
 ३० ॥ पा० ॥ पु० पा० ॥ सु० ॥ १३० ॥ श्लोक ।  
 अग्रवचि नदा गमं भग्नः सकृन्नाजलिः ॥  
 एतत्ते सकलं गच्छे न्यामं नियातिनं मया ॥ ४ ॥

अमित विनय सुनि दीन दयाला ❀ भरतहि बोले बैन रसाला ॥  
 नेह धर्म तव अति वरियारा ❀ याते करौं सु अंगीकारा ॥५०॥  
 राम वचन सुनि सब नरनारी ❀ कह जै जै अति भये सुखारी ॥  
 भरत हुलसि प्रभुपद शिरनायो ❀ रघुवर बंधुहि अंक लगायो ॥५१॥  
 पुनि तिहुं बंधु जटा रघुनाथा ❀ किये सप्रीति विलग निजहाथा ॥  
 प्रेम सहित सबही अन्हवाये ❀ विशद विभूषण वसन सजाये ॥५२॥  
 पुनि तिहुं बंधु सविधिसजिसाजा ❀ मिलि बहु सेवक सखा समाजा ॥  
 राम जटा निरवारि सुधारे ❀ वर मंजन कराय तनु सारे ॥५३॥  
 भूषण वसन अमोल अनूपा ❀ नख शिख सज शृंगार सुरूपा ॥  
 तन छिन चहुं इमि लगत सुहाये ❀ चहुं वेद जुनु तनु धरिआये ॥५४॥

दोहा—पुनि रिपुहन द्रुत साजलै, सेवक सखा प्रवीन ॥

तिहुं नृप कपिपति आदिको, सकल शृंगार सु कीन ॥५५॥

रामसखा सेवक अपर, यथायोग चहुं जाय ॥

कौश ऋच्छ निश्चरनको, सजे अमल अन्हवाय ॥ ५६ ॥

उत कौशल्यादिक सकल, सियहि मुदित अन्हवाय ॥

नख शिख भूषण वसन सुठि, साजे प्रीति वढाय ॥ ५७ ॥

तारादिक जे सकल तिन, पुत्र वधू सम जान ॥

राम मातु सखिं गण रचित, सजी सहित सनमान ॥५८॥

सियभगिनी अरु आलिंगण, पुनि सबही नर नारि ॥

साजे वर शृंगार निज, रचित सु साज सवारि ॥ ५९ ॥

चा०—इमि सबही शृंगार सुधारे ❀ भोजन पान कीन शुचि नांग ॥

पुनि किय अवध चलन तैयारी ❀ अति आनंद सकल नगनारी ॥६०॥

मंगलमय सब साज सुधारे ❀ रथ नुरंग गज विविध मैनां ॥

तिन पर यथायोग असवारा ❀ भये भयो चहुं जर्जकांग ॥६१॥

नय सहस्र कर कुंजर साजे ❀ तिनपर धरि भाटु कपिगजे ॥

वाहन अपर अनेक अपांग ❀ यथायोग जन भये सज्जंग ॥६२॥



शिविका सुभग अनेक अनूपा ❀ बहु सिय युत तिय वैठि सुहृपा ॥  
 हरि सहस्र मय स्यंदन साजा ❀ तिहि सोहे सवंधु खुराजा ॥६३॥  
 बजे वाजने अमित अनूपा ❀ नृत्यगान ठानो वर हृपा ॥  
 बंदीजन बहु विरुद बखाने ❀ ध्वज फहरत घहरात निसाने ॥६४॥  
 तडपाहिं तोप घोर बहु छाये ❀ दीपावली प्रकाश सुहाये ॥  
 छत्र चमर व्यजनादि नवीने ❀ बंधु सखा सेवक चहुँ लीने ॥६५॥  
 इहि विधि पुर प्रवेश किय रामा ❀ वैठी अटन अमित वर वामा ॥  
 रोचन लाज सुमन बरसावैं ❀ मंगल गीत मनोहर गावैं ॥६६॥  
 दरश देत सबहीको रामा ❀ आये सन्ध्या समय सुधामा ॥  
 धन भूषण वारे मन माहीं ❀ परे कोउ तिन बूझत नाहीं ॥६७॥  
 माता करि आरती उतारे ❀ सहित समाज भवन पगधारे ॥  
 पूजन दान मंगलाचारा ❀ नृप गृह नगर सु भये अपारा ॥६८॥

दोहा—तव सुरनायक भरतसों, कही समस्त बुझाय ॥

सबहि निवास सुपास युत, वेगि करावहु जाय ॥ ६९ ॥

चौ०—राम बंधु तब आतुर जाई ❀ संग सचिव सेवक समुदाई ॥  
 सबहि यथोचित दीन निवासा ❀ सदन साज करि सकल सुपासा ७०  
 वर अशोक वाटिका विशाला ❀ तहँ राखे सुकंठ हरिपाला ॥  
 रंग भवन लंकेश रहाये ❀ वन प्रमोद ऋच्छेश टिकाये ॥७१॥  
 अंगदराज बागके माहीं ❀ विशद कोट अंजनिमुत काहीं ॥  
 अपर धाम आराम मझारा ❀ यथा योग कपि ऋच्छ अपारा ७२  
 अवधि विचारि अवध मधि आये ❀ देश देश के भूप सु छाये ॥  
 सरयू तट निपाद किय वासा ❀ अपर सकल चहुँ सहित सुपासा ७३  
 विविध ऋच्छ कपि नारि अपारा ❀ तिन सबही रनिवास मझारा ॥  
 यथा योग वर दीन निवासा ❀ बहु प्रकार करि सकल सुपासा ७४

दोहा—इहि विधि सबहि निवास भो, सादर सहित सुपास ॥

उमगो अति आनंदें अवध, घर घर होत विलास ॥ ७५ ॥

तिहुँ नृप कपिपति आदि अरु, वानर भालु जु भूरि ॥

सबहीको यश अमल बहु, रहो अवधमें पूरि ॥ ७६ ॥

लंक विजय करि ते सबै, वानर भालु अपार ॥  
 धरे मनुजतनु सुभगवर, आये अवध मझार ॥ ७७ ॥  
 त्योंहीं बहु निश्चरन युत, लंकापति नर रूप ॥  
 तिलक भाल गलमाल वर, शोभित सुभग अनूप ॥ ७८ ॥  
 तिमि तारादि रुमादि सब, सुभग मानुषी रूप ॥  
 कीश ऋच्छ तिय सुंदरी, सजे शृंगार अनूप ॥ ७९ ॥  
 तिनके गुण गण सुनत सब, पुरवासी नर नारि ॥  
 धाय लखत निज गति सरिस, चकृत होत निहारि ॥ ८० ॥  
 प्रात राम अभिपेक सुनि, सब हिय भरी उमंग ॥  
 होत जागरन सदन प्रति, नृत्यगान सुखरंग ॥ ८१ ॥  
 रसिकविहारी प्रातही, होय राज अभिपेक ॥  
 ताहित निज निज साज सब, साजत सुभग अनेक ॥ ८२ ॥

इति श्री रा० २० वि० अ० श्रीरामचंद्र अवध आगमन

वर्णनो नाम प्रथमोविधानः ॥ १ ॥

दोहा-आये श्रीरघुवर अवध, भयो परम आनंद ॥  
 घर घर होत वधावने, मुदित नारि नर वृंद ॥ १ ॥  
 ताही निशि गुरु संचिव अरु, सेवक सखा अनंत ॥  
 सकल साज अभिपेकके, लीने साज तुरंत ॥ २ ॥

हरिगीतिका छंद ।

गुरु भरत मंत्री अपर जन बहु प्रात साज समेतसो ॥  
 कीने सविधि सतकर्म जो अभिपेकके हित हेतसो ॥  
 दिन मध्य ओसर जानि आये देव सकल हुलासमें ॥  
 श्रीगम राज उछाह वर अवलोकिवेकी आशमें ॥ ३ ॥  
 शुभ समय जानि वसिष्ठ द्विज वर सविधि नीनागमको ॥  
 अभिपेक कीनो विप्रगण युन मंत्र पढ़ि पढ़ि सामको ॥  
 शृंगारि पुनि दोठ विगजे गत्न सिंहासन जव ॥  
 घर ब्रह्म निर्मित क्रीट रघुवर शीश गुरु धारो तव ॥ ४ ॥  
 पुनि गंध अन्न तिलक कीन वसिष्ठ गुरु रघुगयके ॥

सुर विप्रवृंद महीप दीनो भाल जग सुखदायके ॥  
 तिहिसमय जै जै शोर भो नभदुंदुभी देवन हनी ॥  
 गुण गान करि उर प्रेम भरि वर सुमन झरि लाई घनी ॥ ५ ॥  
 अंतिमुदित निर्तेहि अप्सरा वरबाजने बहु बाजहीं ॥  
 सुर नाग नर गंधर्व निज निज कलाकरि छाबि छाजहीं ॥  
 सुखकौशला सिय हीयको कहि शेष पार न पावहीं ॥  
 सब मातु पुर परिजन अनंदित अमित वित्त लुटावहीं ॥ ६ ॥  
 कंचनमई शत कंजमाला विशद वर अनुपम नई ॥  
 सो पवनदेव प्रसन्न है पहिराय श्रीरामहि दई ॥  
 बहु रत्न युक्त विशाल सुक्ताजाल संयुत हारसो ॥  
 सुरपाल गल रघुलालके धारो सुक्रांति अपार जो ॥ ७ ॥  
 तिहिसमय चारहु वेद निज निज रूप विशद सुधारिकै ॥  
 आये नवायो शीश रघुवर छटा अमित निहारिकै ॥  
 ब्रह्मादि सुर मुनि नारदादिक एक ठौर समग्र है ॥  
 अस्तुति करत हैं राम-सियकी चहुँ निगमन अग्रकै ॥ ८ ॥

मणिप्रवाल गेति ॥ कुमारदंडकछंद ।

जयति जय सज्जनानंद कर धर्म धुर चंड कोदंड धारी स्वारी  
 प्रभो पाहि पूर्णावतारी कृपाले ॥ जैति लंकाधिपति शमन सीतारम  
 सर्व देवाधि राजेश अवधेश सुत भक्त अनुरक्त जैजक्तपाले ॥ जयति  
 गर्वापकर्षण प्रहर्षण प्रणत कारुणीकात्म सौंदर्य रूपावधी स्वच्छया  
 नंत लीला विहारी ॥ जैति दुष्पार पाथोध बंधान कृत कुद्ध युद्धावरुद्धो  
 भट भीम वपु दुष्ट दल दलन दृढ विजयकारी ॥ ९ ॥ जैतिसुदृढ़ विज  
 विचक्षण विपुल अस्त्र शस्त्रादि संहार वारणानिपुणस्वक्ष सर्वोत्तम वित्त  
 सिंधो ॥ उद्भव स्थिति प्रलय कर्म कर्ता प्रबल धैर्य सौम्याधिपाथी  
 सिद्धीश वर कौश लायीश दीनार्तबंधो ॥ काम क्रोधोद्वेग पार क्लेशप्र  
 जन्म जन्मार्जितानेक पापघ्न ध्रुव भुक्ति मुक्त्यादि स्वच्छायं दाता  
 चंड कालानल ज्वाल दग्धा कुलित तप्त त्रैताप तापांत पादनि  
 श्रीपते नाम भक्ता मुखांना ॥ १० ॥ मकल संगीत गीतज्ञ गीत

महा सर्व शृंगार सारावधीच्छा जनित कोटि कंदर्प दर्पापहर्ता ॥ राम  
श्यामांगनीलोत्पलो फुल्ल द्युति दिव्य पीताम्बरा भरण शर चाप धृत  
राज राजेन्द्र त्रैलोक भर्ता ॥ सद्य जन हृदय सर हंस नृप मौलि  
मणि भानु वंशावतंशाति क्रांतीशवर सत्य व्रत शुद्ध प्रेमानुगामी ॥  
अखिल ब्रह्मांड व्यापक चराचर प्रभो जानकीनाथ सद्गाथ रक्षक  
प्रणत दीन दासोस्मि मां पातु स्वामी ॥ १६ ॥ जयति जनकात्मजा  
जक्तजननी प्रबल असुर संहार कारणि उधारणि धरा राम गजेन्द्र पद  
पद्मसेवी ॥ नाग नर यक्ष गंधर्व किन्नर अमर कन्यकाभिस्त्वमपि  
वेदनीया सदा त्वच्चरण सर्व पूज्यादि देवी ॥ स्वश सद्गीत ज्ञेया सिध्येया  
सित्वं रूप लावण्य स्वेच्छावपुषधारिणी धर्मधर प्रीतमाज्ञानुवर्ती ॥  
रामरामाभिरामरमाधीश्वरी शुभ्र सिंहासनाहूढ सौभाग्यनीराधवे  
वामभागानुवर्ती ॥ १२ ॥

दोहा—कुरु कुशलं प्रणमोस्तुते, देहि भक्ति निष्काम ॥

बंधुभिश्च सहसीतया, वस हृदये श्रीराम ॥ १३ ॥

सो०—इमि सुर निगम अपार, करी विनय सिय राम प्रति ॥

होत सु जैजेकार, भयो राज अभिषेक लखि ॥ १४ ॥

हरिणीतिका छंद ।

तिहि समय रघुवर लक्ष धेनु सवत्स विधियुत साजिके ॥

दीनी सु विप्रन विनय पूरक राज गादी राजिके ॥

पुनि तीसकोटि सु हेममुद्रा दान कीनो सीतिसे ॥

गज वाजि स्यंदन वसन भूषण अमित दिये बहु प्रीतिसे ॥ १५ ॥

पुनि पवनदत्त सु माल दीनी हारिके कापेराजको ॥

भुजवंद चन्दसमान दीनो वालिसुत युवराजको ॥

वरहार जो वासव समर्पित हुलसि सो सीतहि दयो ॥

जिहिको उजास प्रकाश बहु आवासमें चहुँ दिशि दयो ॥ १६ ॥

फछु वार धार उतार पुनि सो हार सियकर धारिके ॥

छिन ललहि दनुमत ओर छिन गहि जाहि पियहि निदार्निके ॥

सो सगुहो दियको श्याम बोले देहु जिहि जिय भावदी ॥

लखि लीन हम तब अंतर्गति जाहि उर उमगावदी

तब सियं सकुचि हनुमंतको वह माल दीनी प्रेमते ॥  
 उठि कीश लै धरि शीश धारी कंठ निज दृढ नेमते ॥  
 पुनि तासु मणि मुक्ता अमोल सु एक एक निहारही ॥  
 तिन दावि दंतन फेर हेर निवेरकै कर धारही ॥ १८ ॥  
 सो देखि सिय हिय कहतिहै कपिरत्नगुण कह जानही ॥  
 अनमोल मणि मुक्ता अनूपम तिनहि दंतन भानही ॥  
 यौं गुणि जु सीता मधुरबूझी वीर काह निहारहू ॥  
 क्यों विमलमाल विशाल दशननशाल सकल विदारहू ॥ १९ ॥  
 हनुमान तब कर जोर भापी मात और न पेखहूँ ॥  
 या में खचितकै नाहिं है श्रीराम नाम सुदेखहूँ ॥  
 सुनि सीय मृदु मुसक्याय बूझी कहौ कपि तब गातमें ॥  
 कह नाम लिपि है सो लखौं उर माथमें कै हाथमें ॥ २० ॥  
 हनुमंत तब निज नखनते उर बाहु चर्म विदारिकै ॥  
 कर जोरिकै सीतहि दिखायो चकित अंग निहारिकै ॥  
 हेरो सिया कपिगात अंतर राम नामहि लिपि चहूँ ॥  
 तिल मानहू भुज हीयतिहि विन वपुष नहिं सूनो कहूँ ॥ २१ ॥  
 हनुमंत भक्ति अनन्य सत्य विलोकि सिय हर्षित भई ॥  
 चिरुजियहु ईश प्रसीदहीं सुत सपदि वर आशिष दई ॥  
 सो लखि समस्त समाज सुर नर कपिहि धन्य बखानहीं ॥  
 ते धन्य जन जे पवनसुतको ध्यान निज उर आनहीं ॥ २२ ॥  
 सो—इहि विधि सकल समाज, लखि कपिभक्ति अनन्य दृढ ॥  
 कहत भक्त शिरताज, हैं हनुमान सुजान वर ॥ २३ ॥  
 होय राम जय शोर, तिहूँ लोक अति सुख छयो ॥  
 दान मान चहुँ ओर, नीति प्रीति शुभ रीति मय ॥ २४ ॥  
 पुनि प्रमुदित श्रीराम, वसन विभूषण विशद बहु ॥  
 भूमि ग्राम धन धाम, कपि ऋच्छन दीने उचित ॥ २५ ॥  
 लंकापतिहि अनूप, मदिन निशाचर वृंद बहु ॥  
 दीनों गुरुकुल भय, यथा उचित नृप भाज मजि ॥ २६ ॥

जाम्बवन्तको राम, मणिन जटित भूषण विविध ॥  
 वसन अनूप ललाम, दीने संयुत प्रीत बहु ॥ २७ ॥  
 पुनि बहु याचक वृंद, किये अयाची सकल विधि ॥  
 इमि श्रीदशरथनंद, दान मान तोषे सवै ॥ २८ ॥

चौ०—पुनि रघुवीर हिये हुलसाई \* लपणाहि कही सनेह बढाई ॥  
 करों बंधु तुम कहैं युवराजा \* या छिन मध्य समस्त समाजा ॥ २९ ॥  
 सुनि लछमन बोले कर जोरी \* नाथ एक विनती है मोरी ॥  
 हैं लघु भरत जेठ मम भ्राता \* तिनहि उचित पदवी यह ताता ॥ ३० ॥  
 तव प्रसुदित भरतहि रघुराजा \* युत अभिषेक कीन युवराजा ॥  
 लपण अर्धान सकल दल राखा \* न्याय काज रिपुदमनहि भाखा ॥ ३१ ॥  
 वृद्ध सुजन प्राचीन प्रबोने \* ते तिहुँ बंधु निकट करि दीने ॥  
 अपर अपार समस्त प्रधाना \* यथायोग राखे युत माना ॥ ३२ ॥  
 जे जन दशरथ नृप ढिग केरे \* तिने राम राखे निज नेरे ॥  
 दान मान प्रथमहुते भूरी \* सबकी सब अभिलाप सु पूरी ॥ ३३ ॥  
 बाल सखा सेवक बहुतेरे \* उचित मान कीने सब केरे ॥  
 इमि सुर नर अनंद मधि फूले । निज निज धाम काम सुख भूले ॥ ३४ ॥  
 दोहा—सप्त दिवसको एक दिन, भयो न अथये भान ॥

रामराज आनंदमें, कछू न कोऊ जान ॥ ३५ ॥  
 पुनि नट नर्तक कौतुकी, अपर अनेक समाज ॥  
 नर नारी तिन भूरि धन, दीनो कौशलराज ॥ ३६ ॥  
 ताछिन द्वे गंधर्व जे, चित्रसेन इक नाम ॥  
 दूजो विश्वावसुगुणी, दोऊ वर मतिधाम ॥ ३७ ॥  
 ते रामहि कर जोरि कै, उठि बोले हुलसाय ॥  
 महाराज रघुवंश मणि, मम विनती यह आय ॥ ३८ ॥  
 पंचवर्ष वय नाथकी, रही तव हम आन ॥  
 महाराज अवधेश ढिग, कियो दुहुँ बहु गान ॥ ३९ ॥  
 ताछिन प्रभु तिहुँ बंधु युत, पितु ढिग रहे विराज ॥  
 सुर गुरु मंत्री नृप सखा, सेवक सकल समाज ॥ ४० ॥

तब अगस्त्य मुनि राम सों, बहु विधि करि निरधार ॥  
 सकल निश्चरनकी कथा, कही सहित विस्तार ॥ ५ ॥  
 पुनि बोले ऋषि रामसों, निश्चर प्रबल महान ॥  
 तब ते अति जवते दयो, पार्वती वरदान ॥ ६ ॥  
 जन्मतही निश्चर तुरत, माता वैस संमान ॥  
 होत प्रौढ ताही समैं, समर योग बलवान ॥ ७ ॥

प्र० ॥ वा० उ० का० ॥ स० ४ ॥ श्लोक ॥

पुरमाकाशं प्रादात्पार्वत्याः प्रियकाम्यया ॥  
 उमयापि वरो दत्तो राक्षसीनां नृपात्मज ॥ १ ॥  
 सद्योपलब्धिर्गर्भस्य प्रसूतिः सद्य एव च ॥  
 सद्य एव वयः प्राप्तिं मातुरेव वयःसमम् ॥ २ ॥ इत्यादि ॥

दोहा—याते बाढत अमित नित, देत सबहि संताप ॥  
 सो गति अजहूँ पै अवै, करि न सकैं बहु पाप ॥ ८ ॥  
 गो द्विज हत्या रैन दिन, करत हुते खल भूरि ॥  
 रही दुखित बहु भूमि सो, भयो सकल दुख दूरि ॥ ९ ॥  
 अब सुब्रह्महत्या सदा, रही चार अस्थान ॥  
 प्रभुहि विदित कारण सकल, है बहु ठौर बखान ॥ १० ॥  
 चार मास पावस विपे, एक अंशते खास ॥  
 चंड ब्रह्महत्या करै, सरितन माहिं निवास ॥ ११ ॥  
 बहुरि ब्रह्महत्या प्रबल, सो इक अंश सदाहिं ॥  
 रहै निरंतर रैन दिन, ऊपर घरणी माहिं ॥ १२ ॥  
 तिय रजवंतिनमें सदा, तीन दिवस लग जोय ॥  
 वास ब्रह्महत्या प्रबल, एक अंशते होय ॥ १३ ॥  
 सदा ब्रह्महत्या रहै, एक अंश तिन माहिं ॥  
 गो द्विज तिय शिशु आत्महन, अरु मिथ्या बतराहिं ॥ १४ ॥

प्र० वा० ॥ उ० का० ॥ स० ८६ ॥ श्लो० ॥

देवानां भाषितं श्रुत्वा ब्रह्महत्या महात्मनाम् ॥ संदधौ स्थान-  
मन्यत्र वरयामास दुर्वसा ॥ ३ ॥ एकेनांशेन वत्स्यामि पूर्णोदासु  
नदीषु वै ॥ चत्वारो वार्षिकान्मासान्दर्पणी कामचारिणी ॥ ४ ॥  
भूम्यामहं सर्वकालमेकेनांशेन सर्वदा ॥ वसिष्यामि न संदेहः सत्ये-  
नैतद्वीमि वः ॥ ५ ॥ योयमंशस्तृतीयो मे स्त्रीषु यौवनशालिषु ॥  
त्रिरात्रं दर्पपूर्णोऽसु वसिष्ये दर्पघातिनी ॥ ६ ॥ हंतारो ब्राह्मणान्ये तु  
मृषा पूर्ववद्रूपकान् ॥ तांश्चतुर्थेन भागेन संश्रयिष्ये सुरर्षभाः ॥ ७ ॥  
दोहा—इन विहाय अब और थल, रहो न पातक लेश ॥

राम कृपाते रावरी, सुखी भये सब देश ॥ १५ ॥

चौ०—जो प्रभु लंकनाथको मारा ॥ सो प्रसिद्ध तिहुँ लोक मझारा ॥  
जासु तेज बल गुण प्रभुताई ॥ आपहि प्रथम समस्त सुनाई ॥ १६ ॥  
जे कुकर्म वश जीव अपारा ॥ परे दुखित बहु नरक मझारा ॥  
तिन उद्धारक तिहुँ पुर माहीं ॥ तुम विन कोउ सुरासुर नाहीं ॥ १७ ॥  
सो रावण यम जीतन काजा ॥ गो यमपुर जब सहित समाजा ॥  
लखि नारकी विकल विललाये ॥ दशमुखते सब जीव छुड़ाये ॥ १८ ॥

प्र० वा० ॥ उ० का० स० २१ ॥ श्लोक० ॥

रावणो मोचयामास विक्रमेण बलाद्वली ॥

प्राणिनां मोक्षितास्तेन दशग्रीवेण रक्षसा ॥ ८ ॥

सुखमापुर्मुहूर्तं ते ह्यतर्कितमचितितम् ॥

प्रेतेषु मुच्यमानेषु राक्षसेन महीयसा ॥ ९ ॥ इत्यादि ॥

चौ०—सो रावणहि सहित परिवारा ॥ संयुत सैन समर संहारा ॥  
पुनि नृप तिलक विभीषण सारा ॥ को प्रभु सम बलवंत उदारा ॥ १९ ॥

दोहा—इहि विधि मुनिवर बहु कथा, कहि पुनि अस्तुति कोन ॥

भई साँझ तब सबहि प्रभु, उचित वास वर दीन ॥ २० ॥

रखवर सादर प्रीत युत, राखे मुनिवर वृंद ॥

अपर कथा नित होत बहु, छायो परमानंद ॥ २१ ॥



मिथिलाधिप केकयनृपति, काशि नृपादि अनूप ॥  
 जुरे अवधमें मुदित बहु, देश देशके भूप ॥ २२ ॥  
 द्विज मुनि कविकोविद निपुण, याचक गुणी अपार ॥  
 ज्ञातिवर्ग वर धनिक बहु, नर तिय वरन सुचार ॥ २३ ॥  
 अपर अमित जन अवधमें, छाये सब कहै राम ॥  
 मान दान सादर सकल, करि राखे निज धाम ॥ २४ ॥  
 बीते बहु दिन प्रीति वश, राम जान नहिं देत ॥  
 ते अतिही आनंदमें, भूले सकल निकेत ॥ २५ ॥

चौ०—तव मुनिगण रामहि समुझाई ॥ गये अनंदित विदा कराई ॥  
 विपुलमहीप राज धन धामा ॥ रामहिं अर्पि लहो विश्रामा ॥ २६ ॥  
 राम उदार धर्म धुर धारी ॥ यथा उचित नृपनीति निहारी ॥  
 दीन बहोरि राज्य तिन काही ॥ कोऊ यह न कीन कोऊ नाहीं ॥ २७ ॥  
 राम नीति युत सब रुचिराखी ॥ तिन प्रति मधुर गिरावर भापी ॥  
 सहित प्रीति नृप नीति रसाला ॥ भये बिदा मुद सकल भुपाला ॥ २८ ॥  
 प्रभु अनुजनलै संग नरेशा ॥ गये प्राय रघुवीर निदेशा ॥  
 तिनहिं राज धन अर्पण कीना ॥ उचित बहोरि ताहि सो दीना ॥ २९ ॥  
 विपुल वस्तु धन राज समाजा ॥ लाये अनुज निकट रघुराजा ॥  
 सो लखि तुरत राम सब दीने ॥ यथा योगपरितोषित कीने ॥ ३० ॥  
 याचक भये समस्त अयाची ॥ ऋधि सिधि फिरै अवधमें नाची ॥  
 इहि विधि होत अनंद सदाई ॥ रामराज वसुधा सुखछाई ॥ ३१ ॥  
 प्रति दिन होम दान सुरपूजा ॥ करि पुनि करै काज निज दूजा ॥  
 ऊंच नीच जे गुणि जन आवै ॥ तिन सबकी अभिलाष पुजवै ॥ ३२ ॥  
 देश कोश कृत नैनन देखै ॥ न्याय माहि निजपर नहिं लेवै ॥  
 पालै प्रजहि पुत्र सम जानै ॥ यथा योग सबही सनमानै ॥ ३३ ॥

दोहा—साम दान अरु दंड पुनि, भेद पराक्रम बुद्धि ॥

कृपा रोप वसुगुण उचित, चाहिय भूप महँ शुद्धि ॥ ३४ ॥

ते सब युत रघुवंश मणि, राज करत निरद्वंद्व ॥

सकल चराचर लोक तिहुँ, रहत सदा सानंद ॥ ३५ ॥

चौ०—कवहुँ अहेर करें वनजाई ॥ संग सखा सेवक तिहुँ भाई ॥  
 कवहुँ सैन जोरें इकठ्ठाई ॥ निरखें वीर शस्त्र निपुणाई ॥ ३६ ॥  
 होहि प्रसन्न देहि वकशीशा ॥ करें अनेक जनन जन ईशा ॥  
 कवहुँ सकल गुणि गणन बुलावैं ॥ गुनाहिं परस्पर प्रगट करावैं ॥ ३७ ॥  
 कवहुँ सब पुरवासिन जोरें ॥ करि बहु नीति निदेश निहोरें ॥  
 कवहुँ सखा सेवकन बुलाई ॥ सिखवाहिं रीति प्रीति हुलसाई ॥ ३८ ॥  
 कवहुँ प्रात सरयू अस्नाना ॥ करहिं देहि विप्रन बहु दाना ॥  
 गृह अनुजनके कवहुँ सिधारें ॥ कवहुँ सखनके भवन पधारें ॥ ३९ ॥

दोहा—उचित प्रजा सेवक कवहुँ, विनय करें युत प्रीति ॥

राम जात ताहु सदन, भक्ति वश्य सह रीति ॥ ४० ॥

चौ०—सब मातनके भवन सिधावैं ॥ चहुँ वन्धु समभाव बढावैं ॥  
 जननी सखी जिती बहु वामा ॥ मातसरिस सब जानत रामा ॥ ४१ ॥  
 त्याँ सिय सब सासुन सम जानैं ॥ तिहुँ देवरन पुत्र इव मानैं ॥  
 भगिनी नित्य आय शिर नावैं ॥ जनकसुता बहु प्रीति बढावैं ॥ ४२ ॥  
 तिहुँ बंधु नित सिय पगपरसैं ॥ बाल सखाहु चरणन दरसैं ॥  
 पुरवासिन रनिवास सिधारें ॥ दान मान सबही सतकारें ॥ ४३ ॥  
 सखा ज्ञाति गृह औसरमाहीं ॥ सासु संग आज्ञा लै जाहीं ॥  
 पुत्रवधू चहुँ धर्म सयानी ॥ प्रमुदित रहें निरखि सब रानी ॥ ४४ ॥  
 तिहुँ भगिनी सिय रीति निहारी ॥ करें उचिन कृत तिहि अनुसारी ॥  
 सीता सयहि सुनीति सिखावैं ॥ सो लखि सकल सासु हुलसावैं ॥ ४५ ॥

दोहा—पुत्रवधू चहुँ पुत्र चहुँ, परम परस्पर प्रीति ॥

धर्म रीति मर्याद कुल, संयुत सब नृपनीत ॥ ४६ ॥

इहि विधि अति आनंद युत, रहत सर्व नर नारि ॥

धन्य धन्य सुर मुनि सकल, वर्णत अवध निहारि ॥ ४७ ॥

प्रजा धर्मस्त ज्ञान युत, विप्रज सुखी गुणवंत ॥

संतति संपति सुरविमय, आनंद दशहु दिगंत ॥ ४८ ॥

जन दक्षित वस्त्र जलद, धरणी धान्य अन्न ॥

रामराज प्रमुदित सदैव, दोन सु जे जे कार ॥ ४९ ॥

सीतारामहि सुमिरिकै, दृढ विश्वास कराय ॥  
 रसिकविहारी हीयकी, सब अभिलाष पुजाय ॥ ५० ॥  
 ब्रह्मादिक सुर वृंद अरु, नारदादि ऋषिराज ॥  
 नित प्रति आवत अवधमें, राम दरशके काज ॥ ५१ ॥  
 इति श्री० रा० र० अ० वि० श्री० रामचंद्रराज्यरीति  
 वर्णनो नाम तृतीयो विभागः ॥ ३ ॥

दोहा—इहि विधि दशरथ चक्रवै, नृप सुत वर श्रीराम ॥  
 सार्वभौम दृढ राज्य शुभ, करत धर्म युत काम ॥ १ ॥  
 मात वंधु सेवक सखा, अपर सकल नर नारि ॥  
 धन्य राम सब कहत हैं, प्रीति सुनीति निहारि ॥ २ ॥  
 समै समै प्रति होत हैं, सकल काज सब ठौर ॥  
 अवध भूप श्रीराम इक, तिहँलोक शिरमौर ॥ ३ ॥  
 एक दिवस रघुवंशमणि, विचरत सरयूतीर ॥  
 संग वंधु सेवक सखा, अपर विविध जन भीर ॥ ४ ॥  
 लखि सरयूतट रेणुवर, नृदुल विमल रघुराज ॥  
 राजे ताविच मुदित महि, संयुत सकल समाज ॥ ५ ॥  
 ताछिन बहु नर नारि तहँ, उंच नीच सब कोय ॥  
 यथायोग प्रभु दरश लहि, अति आनंदित होय ॥ ६ ॥  
 विविध प्रजा चहुँ वरण अरु, मुनि तापस वर संत ॥  
 दरश करत आवत चलत, बैठन जात अनंत ॥ ७ ॥  
 गृध गृध मिलि विविध जन, इन उन निकट मुहूर ॥  
 बेडि यथोचित परम्पर, बनरावन मुख पूर ॥ ८ ॥  
 श्रीगुरुंद नमोप इत, दोन परम आनंद ॥  
 कदम सुनत तब येन बहु, प्रमुदित मनन वृंद ॥ ९ ॥

मे—एक दिन मनुजि आया, गनिसिदागी दोन इक ॥  
 एक दिन गनिसिदागी दोन इक ॥

सवैया कवित्त ।

उत वीत गई लरकाई सवै वा अजानतामें कछु जानो नहीं ॥  
तिमि जात जवानी कुसंगहिमें छिन एक सुसंग जु आनो नहीं ॥  
कर पाय सुधा तजि दीनो में हाय हलाहलखाय अघानो नहीं ॥  
रसिकेस वृथा यह जन्म भयो सिय रामको नाम कमानो नहीं ११  
दोहा—यों कहि पुनि कर जोरिकै, भापि विनय युत वैन ॥

अधम उधारन नाम सुनि, हों आयो तुव ऐन ॥ १२ ॥

सोरठा—तासु विनय सुनि लीन, कछु विहसे तिहि ओर लखि ॥

पै नहिं उत्तर दीन, तब बोले पुनि दीन वह ॥ १३ ॥

सवैया कवित्त ।

गीध गयंदगनी गनिका सवरी कपि रीछहि आदि अनेकू ॥  
तारे तवै रसिकेस तिनै हितकीन न लीन अलीन विवेकू ॥

पातकी मोहिं महा लखि राम न त्यागो दयालु जु आपनि टेकू ॥

पाँवरो बावरो डावरो धावरो रावरो है अवलंब जु एकू ॥ १४ ॥

टेरत दीन है दीन जब तबही तिहिकी सुधि लेतहो लाघो ॥

रावारि रीति सदाकी बैधी अब सो मरयादकी लीक न नाघो ॥

पातक पुंज भरो रसिकेस पै धाय परो तुव पाय पै रावो ॥

राखत आयेकी लाज सवै प्रभु सामुहे जाय ताँ खाय न बाघो १५

दोहा—यों कहि पुनि बोलो निडर, मोहिं नहीं कछु लाज ॥

कठिन ताहि जाकी विरद, होय गरीबनिवाज ॥ १६ ॥

सवैया कवित्त ।

खिंच कसी है कुकर्मनते कटि शीश अधर्मनको धरो गट्टा ॥

मोहिं न जानि परै कछु भार कगें नितकार यही हिय कट्टा ॥

योंही चहं बहु डोलतहो दुहुँ कंध टटायके लोभकेलट्टा ॥

देखि दशा रसिकेस किया जग गम जुगवरो होत है टट्टा ॥ १७ ॥

दोहा—सुनि रघुवर मसक्यायकै, पुनि हेरे तिहि ओर ॥

कछु न उत्तर दीन तब, बोले वचन कटोर ॥ १८ ॥

पनासरी—कवित्त ।

करम खुट्टेला वरणाधम टुट्टेला मंजु धरम छुट्टेला जानि पाँतिने टुट्टे-  
ला है ॥ दीनको छुट्टेला और मलोनको छुट्टेला नदा आन वान

कान सान मान ते रुठैला है ॥ मनको मुटैला पातकीनको पुटैला  
चित्त चाहको चुटैला झूठ यशको झुठैला है ॥ रसिकविहारी तोहि  
नीकी भाँति जानौ रामद्विजको कुटैला भीलनीको तू जुठैला है १९ ॥  
शबरी अहल्या गणिकादि दुराचारी भारी ऐसी ऐसी घनी अधम  
कुनारिनको रंगी तू ॥ वायस निपाद गीध राकस अपावन ये गज  
कपि रीछ भूर कूरनको अंगी तू ॥ काम क्रोध लोभ मोह विवश  
मलीन दीन दुःखित दरिद्री इमि रागिनको ढंगी तू ॥ रसिकविहारी  
भली भाँति पहिचानो राम हाँतो तोहि जानो है सदाते नीच  
संगी तू ॥ २० ॥

सवैया-कवित्त ।

लूटि लयो तिहुँ लोकनमें यश भारी न काम कहूँ कछु कीधो ॥  
पाहन भील निशाचर कीश उधारे तिनै रहो काम सुसीधो ॥  
दीनदयालु कहाय भले रसिकेस सुगीधेहो तारिकै गीधो ॥  
जानि परै तुमैं राम तबै जब मोसम पातकिसे हठि वीधो ॥ २१ ॥  
दोहा-सुनि हैंसि विकल सु दीन गुणि, कृपा करी खुबैर ॥  
हनुमंतहि आज्ञा दई, तिहि धराय बहु धीर ॥ २२ ॥

धनाक्षरी कवित्त ।

ये हो अंजनीके पूत देत हैं रजाय यह रसिकविहारी मो अतन्य  
भक्ति पावही ॥ काम क्रोध लोभ मोह दुरित दरिद्र दोष कोऊ दुख  
याके नेक निकट न आवही ॥ नाम रूप लीला धाम बहु गुण  
ग्राम सत्य सकुल चरित्र मो समस्त दर्शावही ॥ सहित अनंद निर-  
द्वंद यश गावै भूरि फेरि ह्वै निशंक मम संनिध रहावही ॥ २३ ॥

दोहा-सुनि प्रभु आयसु पवनसुत, कही धीर दे ताहि ॥

हम तुव रक्षक हैं सदा, दोऊ लोक बनाहि ॥ २४ ॥

सुनि सुदीन कर जोरिकै, भापी हनुमत पाहि ॥

मो अवगुण जित देखियो, निज दिशि लखो सदाहि ॥ २५ ॥

धनाक्षरी-कवित्त ।

कछु सकल कर्म करिहों करे में करों तिनकी प्रतीतिहि  
धारी है ॥ रसिकविहारी दृढ राखो है विश्वास येही केसरी ॥

केशोर मम रक्षक सु भारी है ॥ है है लोक दोऊ सुख संपति सुयश  
दा सुधै सुधारी सुधैगी वात सारी है ॥ मेरी प्रभुताई करौ प्रभुता  
तेहारी यह जो पै लघुताई करौ लघुता तिहारी है ॥ २६ ॥ जानत  
नीकी भांति मेरे में कुकर्मनको याते अकुलात उर आवत न  
भीरता ॥ ये हो रामदूत अब ऐसी कृपा कीजे जाते सकल अनंद  
हीय धार चित्त धीरता ॥ नीके कर्म कीने सब नीको फल देत सोई  
कीनी तुम यामें का कहावै तुव भीरता ॥ रसिकविहारी कर्म खोटे  
हू किये पै मोहिं नीको फल दीजे तो तिहारी वीर-वीरता ॥ २७ ॥

दोहा— सुनि हनुमत भापी तवै, त्याग सकल अब सोक ॥

राम कृपा तुव सवहि विधि, शुद्ध भये दुहुँ लोक ॥ २८ ॥

रसिकविहारी दीन तव, कहि जेजै रघुचन्द ॥

करन लगो विनती विपुल, पुलकित परमानन्द ॥ २९ ॥

तव रघुवीर कृपालु तेहि, सादर निकट बुलाय ॥

अभय कियो कर शीश धर, गयो सुपद शिरनाय ॥ ३० ॥

रसिकविहारी दीन द्रुत, तहँ ते सुदित सिधार ॥

आय पुकारो पाहि कहि, कनक भवनके द्वार ॥ ३१ ॥

दीन गिरा सुनिके सिया, भेजी अली उताल ॥

सपदि आय बृद्धो सुतव, बोलो सब निज हाल ॥ ३२ ॥

पनाक्षरी कवित्त ।

रहत अनीता रंचनीता ना पुनीता कर्म धर्म ते अतीता ज्ञान  
गुणत न गीताको ॥ जन्म सब बीता विपरीता आँकुरीता बीच  
सहज अभीता हौं सभीता नाहि भीता को ॥ काल यौ व्यतीता नेक  
मनको न जीता कर्मा कीनी ना सुरीता आँ भरो ना हियरीताको ॥  
वेद ना अधीता पुण्य पूरन न कीता मोहिं रसिकविहारी हे भरोसो एक  
सीताको ॥ ३३ ॥ जाकी ओर ताकी नेक, नजरकृपा की कोर ताकी  
करताकी लिपि दूर कर ताकी हे ॥ अमित गुण की तो क्षमा की यह  
काकी बाणि कीरति सुधाकी चंद्रमा की समता की हे ॥ शारदा  
रमाकी मति छाकी क्या समाकी दोय रसिकविहारी दिन देन किमि  
धाकी हे ॥ दीन मुखदाकी खल मन दुख दाकी शुभ दृष्टि पुण्यपाकी  
मिथिलेशकी सुताकी हे ॥ ३४ ॥

दोहा-रसिकविहारी दीन दामि, कही नहिहि निहार ॥  
 हैं आयो स्वामिनि शरण, कहिये वीर कर जोर ॥  
 अर्थ दयालु सुनाय दूत, सियहि कही नव दार ॥  
 सुनि शिष्ट जानि समीप निहि, लियो डुलार ॥  
 रसिकविहारी दीन तव, धाय चरण गहि लीन ॥  
 जाहि जाहि कहि जोरि कर, पुनि बहु विनती कीन ॥  
 धनादरी कविच ।

कुटिल कुपंथी है कुकर्माँ औ कुसंगी सदा कुमति कु  
 कपटी कुकामको ॥ कायर कलंकी कुट्ट कुयगी कु  
 कुवसी कठोर औ कुचाली हैं कुठामको ॥ दुष्ट दुराचारी द  
 दगित्री दोही दया हीन दंभी दोष भाजन अदामको ॥ रसि  
 सुखकारी अवलंब मोहि स्वामिनी तिहारे पदपंकज ललामको  
 कीरति तिहारे तिहुँ लोक रजियारी भारी भाषे वेदचारी  
 दीन जनकी ॥ हैं तो हृदयारी यही हृदय विचारी निज  
 काय गति राखे चरनकी ॥ रसिकविहारी ओखेरोकृपा  
 राखेही वनेगी लाज किकर करनकी ॥ काहु की न आश स  
 निराश भयो मोको बड़ी आश सिया स्वामिनी शरनकी  
 जाय हैं न और दिग दीनता सुनाय हैं न ध्यायहों न और  
 को न गायहों ॥ खायहों न औरको प्रसाद चित्तलाय हैं न  
 न और शीश और को न नायहों ॥ रसिकविहारी मैं कह  
 रामचक्रो भूलिहुँ कवहुँ न औरको कहाय हों ॥ गहे हृद  
 तो सकल अभीष्ट फल स्वामिनी तिहारे पद पंकज ते पाय  
 चौ-दीन वचन सुनि जनकडुलारी ॥ कृपा दृष्टि करि ताहि  
 रसिकविहारी शिर कर धारी ॥ कियो अभे दुहुँ लोक म  
 मखी चारुशीलाहि बुलाई ॥ कर गहि सौंपो हिय ड  
 शरण लहो मम रसिकविहारी ॥ याहि सदा राखियो सुख  
 तव सो अति अनंद उमगाई ॥ सविनय स्वामिनि पद शि  
 कदनलगो दंपति गुण गाथा ॥ रसिकविहारी अति सुखसा

दोहा—स्वामिनि हियकी मृदुलता, इत अलि करै बखान ॥

उतं रघुवर उर सरलता, लखि सबही सुखमान ॥ ४४ ॥

रसिकविहारी दीन है, भापे वचन कठोर ॥

सो क्षमिकै पुनि अति कृपा, कीनी राजकिशोर ॥ ४५ ॥

क्षमा दया श्रीरामकी, लखि सब करै बखान ॥

धन्य धन्य रघुवीर सम, स्वामी कोउ न आन ॥ ४६ ॥

ताछिन बोले राम सों, कपिपति दुहुँ कर जोर ॥

सब कहँ आदर देत प्रभु, निरखि चकित चित मोर ॥ ४७ ॥

रंच दीन है आय फिरि, करै कोटि अपराध ॥

सो क्षमिकै कीजे कृपा, प्रभु हिय दया अगाध ॥ ४८ ॥

तव रघुवर हँसिकै कही, सुनौ सखा दृढ़ वैन ॥

बडो कहावो लोकमें, यह साधारण है न ॥ ४९ ॥

धन ते गुन ते रूप ते, कुल ते वयते नाहिं ॥

बडो कहावै जाहि ते, ते लक्षण ये आहिं ॥ ५० ॥

दीननके अवगुण क्षमै, मैटै दुखित कलेस ।

यथायोग सब आदरै, सोई बडो सुदेस ॥ ५१ ॥

संवया—कवित्त ।

जूकहि बोलै यथोचितसों अरु तू कहि बोलै न बोल कडो ॥

आसन देत विठारत पास औ आवत जात जु होवे खडो ॥

योग जितो जिहि आदर होत तितो तिहि हेत सदा उमडो ॥

और की राखे बड़ाई भली विधि सो जगमें रसिकेस बडो ॥ ५२ ॥

दोहा—पुनि जगमें छोटे बडे, सब प्रकारके लोय ।

पै ऐसे अति स्वरूप हैं, शुद्ध हृदय जिहि होय ॥ ५३ ॥

पनासरी कवित्त ।

ढूँढ़े नर नारी बहु बालक जवान बूढ़े रुढ़े और गूढ़े तिन  
बुद्धि ते विचारे भाफ ॥ देखे तौ दुरंगी कोउ काहु के न अंगी  
होत स्वारथके संगी परकाज हेत आवि जाफ ॥ रसिकविहारी  
यही रीति में निहारी चहुँ तव या उचारी बात सौँची चूक कीजो  
भाफ ॥ दानी गुनी ज्ञानी मानी जगमें बनेरहि पै होत है करोरनमें



कोऊ एक जीको साफ ॥ ५४ ॥ खूनीमें खुबत कोऊ दूबत डिमाक  
माहिं कोऊ गरकाव है गहर भूरमें गडै ॥ कोऊ मतवारो मतवारो  
वनि बैठत है कोऊ आन आन के कहे ते आन में अडै ॥ वित  
वसुधा औ वाम हेत तजि हेत सबै जितै अवलोकौ तितै एक एक  
ते लडै । रसिकविहारी कोऊ सज्जन मिलै है तवै ताको अविलोकि  
घनो चैन चित्तमें चडै ॥ ५५ ॥

दोहा—तब भापी कर जोरि कै, भरत सुमति प्रभु पाहिं ॥  
काहूको कह दोष सब, माया विवस भुलाहिं ॥ ५६ ॥  
काम क्रोध मद लोभ अरु, मोह प्रबल ये पांच ॥  
इनके होत अधीन तब, सबहि सुरासुर नाच ॥ ५७ ॥  
हैं पांचहु ये प्रबल पै, अधिक सबहि ते लोभ ।  
दुहूँ लोक नाशक दुखद, करै सदा मन छोभ ॥ ५८ ॥  
सवैया कवित । - -

ज्यों मद मत्त मतंग बली निवली अति होत जुपंक रहै खुभि ॥  
ज्यों वर वीर सुधीरहु होय अधीर जबै दृग तीर अडै बुभि ॥  
दारु विधीरसिकेसमालिंद ज्यों होत अधीन सुपंकजमें गुभि ॥  
त्यों मतिमंत रु संत गुणी बहु वेवस होत जु लोभ परै लुभि ॥ ५९ ॥  
दोहा—सो सुनि बोले लपण ते, लोभ करैं भल काज ॥  
बिन धनके जगमें कछू, होय नहीं सुख साज ॥ ६० ॥

सवैया कवित ।

पैसहिते सुख होय सबै अरु पैसहिते दुख छूटत गाढू ॥  
पैसहिते जग काम चलै अरु पैसहिते सतकार हो वाढू ॥  
पैसा न हो तब और कहा समबंधिहु होत सुद्वार न ठाढ़ ॥  
पैसा रहे रसिकेस जु पास तों होंय घने श्वशुरे अरु साढ़ ॥ ६१ ॥  
दोहा—सो सुनि बोले शत्रुहन, सबकी है मर्याद ॥  
मर्यादा युत काज भल, त्यागे ताहि विपाद ॥ ६२ ॥

सवैया कवित ।

ख्यात चहुँ यह ताहि कहूँ न मिलै सुख जो मर्याद चले नवि ॥  
सुखतहे अति वेगहि सो जल जो सरिता सर सीम बहे नवि ॥

याते अनंद चहै रसिकेस . तौ लोक दुहूनकी लीक नहीं नधि ॥  
देखहु कैसो कलेश लहो मिथिलेशसुता धनुरेख कढी नधिद३॥  
चौ०—तबहिं विभीषण वात उचारी ❀ जो मम भ्रात सरिसनरनारी  
करै सकल मर्याद विहाई ❀ ताहि कहौ का चलै उपाई ॥६४॥

सो०—सुनत वचन श्रीराम, मुसक्याने मुख वसन दै ॥

जाम्बवंत मतिधाम, तब भापी लंकेशप्रति ॥ ६५ ॥

कोऊ हो नर नारि, कूर कृपण वर धर्मगत ॥

ताको संग न कारि, सबते उत्तम यत्र यह ॥ ६६ ॥

तब बोले रघुचंद, सत्य कही ऋछराजपै ॥

जो मन होय प्रवंद, करै कोउ तिहिको कहा ॥ ६७ ॥

ताछिन पवनकुमार, विनय करी कर जोरि कै ॥

कहा प्रबल उपचार, जाते मन बंधन रहै ॥ ६८ ॥

मुनि बोले श्रीराम, मन बंधन करिवो कठिन ॥

बहु सुर मुनि मतिधाम, विवसरहं याते सदा ॥ ६९ ॥

विविध उपाय उदंड, सो मन बन्धन हेत हैं ॥

साँचो सदा अखंड, सबते उत्तम यत्र यह ॥ ७० ॥

मनबंधनके काज, प्रीति करै सजन विपे ॥

त्यागि सकल जग काज, तौ पुनि वेवस होय सो ॥ ७१ ॥

सर्वथा कवित्त ।

है मति कूर महाबल भूर छुटै तब काहुके हाथ न लागा ॥

ज्ञान विराग जंजीरन ते जकरो तिन तोरि फिर चहुँ भागा ॥

जो रसिकेसनिशंक चहुँ तर लाज दहावत है मदपागा ॥

सो मन मत्तमतंग अधीन ह्व आप बधे हठि प्रेमके धागा ॥ ७२ ॥

दोहा—यों कटि बोले फोरि पै, कीजे प्रेम विचारि ॥

हो अनंद दुहुँ ठौर जिहि, सो लीजे निरधारि ॥ ७३ ॥

मर्दवा कवित्त ।

प्रीति निभे न कवों तिहिसों जिहिके हिय मां हिम अंतरहायद ॥

तासों मिले न कवों सुख काहुको जा मनमें कट मध्य बनायपा ॥

जाते नैज ह्यो उहिसों जिय जाको सदा सर और जना  
जो गतिहेतुहो इहि भाँति तो नंदके आदि हमेश मिलाय  
दोहा—हुनि सो काज न कीजिये, जाते लघुता होय ॥

नीति शीति वरगीति युन, कर काम भल सोय ॥ ७५ ॥

वन-धरो कवित्त ।

लोकी वात तातों कहै जाको जी गंभीर होवै वासों कहिये  
जो कहत फिरि चहुँ ॥ जैसे तिहि पास जो गयेको पास राखै  
जीन मान राखै तो न जैसे भलो होतहूँ ॥ रसिकविहारी होय नेही  
सनेह कीजे नेही जो न होतहूँ, त्यागि दीजे भूपहो जहूँ ॥ आन  
मान सान कान निज चाहै तब देही ठान ठाने घर बाहर रहैकहूँ ॥

दोहा—ताछिल बोले लख्य हुनि, दुखमें सुधि न रहाय ॥

तब भाषी मरु तबहै हउ, रहै धीर सो आय ॥ ७७ ॥

नईया कवित्त ।

ठूठु नाहै रहै तरु कोउ नवै जब लागत है वन ठाढा ॥  
बुल ड कोउ जै उजै विन शाख सुपत्र रहै तहँ ठाढा ॥  
सो फिरि होत हरो रसिकेश सपहव फूलै फलै बहु बाढा ॥  
त्यों सुख आन न त्यागै कबौ कहूँ कैसहु आय परे दुख डाढा ॥  
दोहा—कोउ साँचे जीयते, शुभ प्रणगहै दिढाय ॥

ताहि प्रथमहो दुखहुतो, अंत सुखहु ध्रुव आय ॥ ७९ ॥

सवैया कवित्त ।

जास कहू न कबौ तिहिको जिहिको जिय रंचहु होय न कावू ॥  
चाहै इकंत रहै नितही अरु बैठहि चाहै सदा मिलि पांचू ॥  
सत्य सुसत्यहि सत्य भलो रसिकेश कहाँ ध्रुवरेखहि खांचू ॥  
देखो सिया प्रहलाद भिया इमि साँचहि आवै कबों नहि आंचू ॥  
दोहा—राम वचन सुनिकै तबहि, कह सुकंठ कर जोरि ॥

नाथ सिया प्रहलाद सम, हैहै दृढ़ता थोरि ॥ ८१ ॥

रघुवर भाषी सखा, लोक अमित नरनारि ॥

। अवगुण मिश्रित सकल, हेरो बुद्धि विचारि ॥ ८२ ॥

पैहो दुर्गुण गुण कहूँ, गुण कहूँ दुर्गुण होय ॥  
 प्रकृति समै अरु विवश वश, गुण अवगुण दुहुँ जोय ॥ ८३ ॥  
 याते जे बुधिमंत ते, करत समस्त विचार ॥  
 सत्य शुभाशुभ शुद्धता, सब विधि लेत निहार ॥ ८४ ॥  
 केते अंतर शुभ सकल, ऊपर लगत कुभेष ॥  
 केते अंतर अशुभ पै, प्रगट परैं शुभ देख ॥ ८५ ॥  
 सो अंतरगति लपणकी, बुद्धि सहज नहिं होय ॥  
 करै घनो सतसंग सो, ज्ञान चहै जो कोय ॥ ८६ ॥  
 विना ज्ञान गति अंतरी, नहीं परै पहिचान ॥  
 विन पहिचाने शुभ अशुभ, कर्म किये बहु हान ॥ ८७ ॥  
 याते मो मत है यही, भाषों सहित उमंग ॥  
 सकल कुसंगहि त्यागि कै, सदा करै सतसंग ॥ ८८ ॥  
 सुनि रघुवरके वैनवर, मुदित भये सब कोय ॥  
 दृढ़ धारी सतसंगते, दुहुँ लोक सुख होय ॥ ८९ ॥  
 इहि विधि वाक्य विलास बहु, होत अनेक प्रकार ॥  
 कहत सुनत सब जन उचित, सह चहुँ राजकुमार ॥ ९० ॥  
 अपर अनेक विनोद वर, नृत्य गान रस रंग ॥  
 हास विलास सुहोत बहु, सब उर भरी उमंग ॥ ९१ ॥

इति श्री० रा० २० अ० वि० वाक्य विलास

वर्णनो नाम चतुर्थो विभागः ॥ ४ ॥

दोहा—श्रीकेशलपति निकट उत्त, होत अपार अनंद ॥  
 इत जहँ तहँ बैठे विविध, कहन सुनत जन वृंद ॥ १ ॥  
 संत विप्र मुनिमंडली, जुगी होत ननमंग ॥  
 वर्णत सुमुख मुनीश्वर, प्रभु यश सहित उमंग ॥ २ ॥  
 ताछिन सुमुख मुनीश्वर, बोलि हगपि सुख ॥  
 कहिय उपानक रीतिक, मुनिवर क नख ॥ ३ ॥

चौ०-मुनि मुनि सुमुख परम सुखमाना ॥ तिन सराहि बोले मतिमाना ॥  
 हो वसिष्ठ सुत परम प्रवीना ॥ तुमहि विदित सब हम लखि लीना ॥  
 पै कछु निज मतिके अनुसार ॥ कहिहौं यदपि सुभेद अपारा ॥  
 है परन्तु यह गुप्त बखाना ॥ याते वरणों सभा प्रमाना ॥ ५ ॥  
 पुनि कबहुं येकांत मझारा ॥ कहि हैं हम समेत विस्तारा ॥  
 यह उपासना रीति अनूपा ॥ जानिलहै जन शुद्ध स्वरूपा ॥ ६ ॥  
 यों कहि पुनि बोले मुनिनाथा ॥ सुनिय सुयज्ञ विशदवर गाथा ॥  
 परम गुप्तसो गुप्तहि रापों ॥ है प्रसिद्ध योगै सो भापों ॥ ७ ॥

दोहा-सुर नर सब रघुचंदको, ध्यावैं मन बच कर्म ॥

करैं अनन्य उपासना, लहैं शुद्ध पद परम ॥ ८ ॥

सो उपासना पंचविधि, मुख्य प्रथम शृंगार ॥

सख्य दास्य वात्सल्य पुनि, है ऐश्वर्य विचार ॥ ९ ॥

जो अपने हित सत्य यह, राखे सदा विचार ॥

हम दंपति की हैं सखी, सो जानौं शृंगार ॥ १० ॥

याही अंतर दासिका, आदिक भाव अनेक ॥

मिथिला अवध प्रसंग युत, जानौ सहित विवेक ॥ ११ ॥

जो दृढ जानै हीय दृढ, अपने हेत सदाय ॥

राजकुँवरके हम सखा, सोई सख्य कहाय ॥ १२ ॥

सुहृद नर्म सचिवादि बहु, भेद सकल इहि माहि ॥

जाति विजाति कुटुंब कुल, रीति घनी दरशाहि ॥ १३ ॥

जो ध्रुव दशरथनंदको, सेवहि स्वामी जानि ॥

सत्य दास हो आपतिहि, दास्य उपासन मानि ॥ १४ ॥

मात पिता गुणि आप कहैं, जो दृढ प्रीति कराय ॥

वाल लखै दशरथ सुतहि, सो वात्सल्य कहाय ॥ १५ ॥

जो श्रीराजकिशोरको, परब्रह्म दृढ मानि ॥

ध्यावैं सबचर अचरमें, सो ऐश्वर्य बखानि ॥ १६ ॥

ये वर पंच उपासना, तिनके निज निज ठाम ॥

सकल उपासक जन लहैं, जहाँ मोद विधाम ॥ १७ ॥

चौ०—जिते उपासक हैं शृंगारी ❀ तिहूँ लोक कोऊ नर नारी ॥  
 तिनको पूजनीय है जानौ ❀ कनकभवन वर मुख्य बखानौ १८  
 सख्य उपासक हेत प्रमाना ❀ रंगभवन है पूज्य प्रधाना ॥  
 दास्य जनन लग रतन सिंहासन ❀ जो वरराज्य तिलकको आसन १९  
 वातसल्य जन हित सो ठामा ❀ जन्मसदन जहँ प्रगटे रामा ॥  
 थल ऐश्वर्यिनको वह आई ❀ बैठि जाहि जहँ ध्यान लगाई २०  
 दोहा—पंच उपासकहेत ये, मुख्य पंच अस्थान ॥

अपर सबहि सब पूज्य है, सरयू अवध प्रधान ॥ २१ ॥  
 याही विधि सिय रामको, ध्यावत हैं सब कोय ॥  
 भुक्ति मुक्ति वर भक्ति रुचि, होय सुपूरित होय ॥ २२ ॥  
 जे प्रवीन ते भूलिहूँ, भक्ति मुक्ति नहिं चाय ॥  
 निज सुभक्ति सिय रामकी, चाहत कृपा सदाय ॥ २३ ॥  
 अति उदार मृदु चित्त पुनि, समर्थ सीताराम ॥  
 रासिकबिहारी हीयके, पूजें सबही काम ॥ २४ ॥  
 अतिसमर्थ सिय राम साँ, होहि भक्ति आधीन ॥  
 भक्ति नाम आधीन है, नाम सुगुरु आधीन ॥ २५ ॥  
 गुरु सतसंग अधीन है, संग सुभाग्य अधीन ॥  
 भाग्यहीन बहु जन्मके, ले पति कर्म मलीन ॥ २६ ॥  
 सो कुभाग्यको जो चहै, हो सुभाग्य सुखधाम ॥  
 तौ अनन्य दृढ नेम ते, सुमिरै सीताराम ॥ २७ ॥  
 सुनि सुयज्ञ आनंद है, कही सहित सनमान ॥  
 धन्य धन्य ऋषिराज वर, बहु गुणज्ञान निधान ॥ २८ ॥  
 ताछिन अपर सुभक्त वर, बोले शीश नवाय ॥  
 मुनिवर पुनि उपदेश कछु, कीजै कृपा दिढाय ॥ २९ ॥  
 जाते दोऊ लोकको, होय शुद्ध निरवाह ॥  
 सोई शिख शुभ दीजिये, दाया युत मुनिनाह ॥ ३० ॥  
 तथ मुनि बोले प्रेम युत, प्रश्न करौ तुम जोय ॥

दुहूँ लोक अनुकूल हम, उत्तर देवें सोय ॥ ३१ ॥  
 सुनि प्रसुदित है सुमति जन, है इक मुख सब कोय ॥  
 करत प्रश्न सुनि तामुको, उत्तर वर्णत जोय ॥ ३२ ॥

प्रश्न ॥ करै क्या ? ।

उत्तर—सिया राम भजिये सदा, करै दान सनमान ॥  
 सतसंगति दाया क्षमा, येही बात प्रधान ॥ ३३ ॥

प्रश्न ॥ संग किसका करै ? ।

उत्तर—संत सुजन पंडित चतुर, इनको कीजे संग ॥  
 कै अपने दृढ़ मीतको, जानो वैन अभंग ॥ ३४ ॥

प्रश्न ॥ सज्जन कौनहै ? ।

उत्तर—दयावंत दानी गुनी, रामभक्त रतधर्म ॥  
 अविरोधी सज्जन भले, शुभ संतत सत कर्म ॥ ३५ ॥

प्रश्न ॥ दुर्जन कौनहै ? ।

उत्तर—धर्म विरोधक पापरत, कपटी लोभी जान ॥  
 रामविमुख दुर्जन लखौं, वचन सबै दृढ़मान ॥ ३६ ॥

प्रश्न ॥ सुखकाहेमेंहै ? ।

उत्तर—राम भजन दानादि बहु, सुख है प्रीय मिलाप ॥  
 येकाकी सुनिरास पुनि, जानौ सज्जन आप ॥ ३७ ॥

प्रश्न ॥ दुखकाहेमें है ? ।

उत्तर—राम विमुख दाया रहित, दुखहै प्रीय विछोह ॥  
 परवश निर्धन निर्गुणी, वचन सबै जन जोह ॥ ३८ ॥

प्रश्न ॥ मित्र कौंहै ? ।

उत्तर—विद्यामित्र वखानिये, पुनि चित भावें सोय ॥  
 तन मन धनते जो चहै, लखौ सुजन सब कोय ॥ ३९ ॥

प्रश्न ॥ पट क्या ? ।

उत्तर—सधै लोक परलोक दुहूँ, बढे हिये आनंद ॥  
 सोई पढियो चाहिये, होवै बुद्धि अमंद ॥ ४० ॥

प्रश्न ॥ मुनिये क्या ? ।

उत्तर—राम कथा सुनिये सदा, चतुर्गईकी बात ॥  
 विविध प्रसंग सुग्रंथके, लखौ सुजन अवदात ॥ ४१ ॥

प्रश्न ॥ रहिये किस रीति ।

उत्तर—सबसों नमि रहिये घने, मनमें दीन सदाय ॥

लोक वेद दोऊ लिये, समुझौ सुजन दिढाय ॥ ४२ ॥

प्रश्न ॥ जाना किस जगो ।

उत्तर—जैयेकैती रथनकै, राम कथा जहँ होय ॥

कै दुहुँ लोक वैन तहाँ, यह समुझौ सब कोय ॥ ४३ ॥

प्रश्न ॥ कमावै क्या ।

उत्तर—नाम कमावै रामको, कै यश लोक मझार ॥

कै सुख दोऊ ठौरको, लीजे वचन विचार ॥ ४४ ॥

प्रश्न ॥ विचारै क्या ।

उत्तर—लोक और परलोकको, कीजे सदा विचार ॥

आपरूप पररूपको, वचन सुनौ यह सार ॥ ४५ ॥

प्रश्न ॥ त्यागिये क्या ।

उत्तर—कामादिक चारहु तजो, पुनि जो सियवर हीन ॥

अरु कुसंग अभिमानको, जानौ वचन प्रवीन ॥ ४६ ॥

प्रश्न ॥ गहिये क्या ।

उत्तर—गहिये सकल सुधर्म निज, गुणधीरज मन नैन ॥

नेह नेम अरु शत्रुकों, ये जानौ दृढ़ वैन ॥ ४७ ॥

प्रश्न ॥ शत्रु को है ।

उत्तर—तन धन हित घातक रिपू, अरु कामादिक जान ॥

कुसमय सम शालक सदा, वचन लेहु दृढ़मान ॥ ४८ ॥

प्रश्न ॥ विश्वास किसका करै ।

उत्तर—थीसीता अरु रामको, चाहिये दृढ़ विश्वास ॥

कै पुनि सौंचे मित्रको, मानौ वचन सुपास ॥ ४९ ॥

प्रश्न ॥ गुरु को है ।

उत्तर—भव वन्धन छोरे सबै, ताको गुरु वन्तान ॥

रक्षक अरु शिक्षक लग्यो, हेरो हरपि मुजान ॥ ५० ॥

प्रश्न ॥ मोक्षकैसे होवै ।

उत्तर—राम भक्ति दिन्हा रहित, जानौ मोक्ष प्रमान ॥

वच सुपर संतापसे, गहियो वचन प्रमान ॥ ५१ ॥



प्रश्न ॥ नरककाहे से होयहे ? ।

उत्तर-पर पीडित निंदा निरत, हिंसक राम विरोध ॥

गुरु द्विज शाप सुमित्रकी, नरक होय जिय शोच ॥ ५२ ॥

प्रश्न ॥ अमर कौन है ? ।

उत्तर-सुकृती सुयशी रामरत, योगी योग प्रवीन ॥

सदा अमर सो जानिये, वेद वचन रसलीन ॥ ५३ ॥

प्रश्न ॥ मृतक कौन है ? ।

उत्तर-राम विमुख अयशी सदा, मृतक समान सुजान ॥

नीच देव सेवक सबै, देखीं वचन प्रमान ॥ ५४ ॥

प्रश्न ॥ सार क्या है ? ॥

उत्तर-प्रीति राम द्विज संतमें, दया अधिक जिय माहि ॥

ज्यों चाहै त्योही रहै, सार गहै शुभ ताहि ॥ ५५ ॥

इहि विधि प्रश्न अनेकके, मुनिवर उत्तर दीन ॥

पुनि सबही दिशि हेरिकै, बोले वचन प्रवीन ॥ ५६ ॥

लोक और परलोकमें, सुखद सत्य शुभसार ॥

राम नाम सांचो सदा, अपर असत्य असार ॥ ५७ ॥

यातें कैसहु कीजिये, भजन वनै जिमि जोय ॥

भाव कुभाव सुविधि अविधि, राम जपे सुख होय ॥ ५८ ॥

सियाराम की भक्ति दृढ, सियाराम गुणग्राम ॥

सियारामकी ध्यान नित, सियारामको नाम ॥ ५९ ॥

नाम प्रभाव अपार है, विधि हरि हरहु न जान ॥

मैं वरणीं किहि भाँतिते, अति मतिमंद अजान ॥ ६० ॥

घनाक्षरी कवित्त ।

ताप दूर करवेको सीतकर सोहैसीत तमके नशायवेको भावुकी  
समान है ॥ बुद्धिके बढायवेको शारदासे बुद्धिवंत वित्तपूखिके  
जो कुवेर सो महान है ॥ पालिवेको विष्णु उपजैवेको विरंचि  
खलके संहार हेत शंभुसो प्रधान है ॥ अभिमत देनवारो रामना

कामतरु रसिकविहारी भला राम नाम गान है ॥६१॥ काम क्रोध लोभ  
मोह मारवेको मारन है विधि हरि हर आदि मोहिवेको यंत्र है ॥ महा  
दुख दारिद्र्य त्रितापको उचाटन है आकरपवेको सुख संपतिको तंत्र है ॥  
कठिन कुचालरत इन्द्रिनके हेत असतंभन प्रबल भूरि परम सुतंत्र  
है ॥ रसिकविहारी राम नाममें प्रयोग पट रामवश्य करवेको वसीकर  
मंत्र है ॥ ६२ ॥ जगत अथाह सिंधु भरोहै कुमति नीर पावत न थाह  
कोऊ सुर मुनि राज हैं ॥ काम क्रोध लोभ मोह भँवरगंभीर परै तामें  
जलजंतु भूर वासनादराज हैं ॥ कोऊ वहे बूडे कोऊ बूड बच डूब पुनि  
कोऊहैं विकल चढे ज्ञानकी जहाज हैं ॥ तेईहैं निशंक भये रसिकवि-  
हारी पार रामनामसेतुपे चले जे तजिकाज हैं ॥ ६३ ॥ नामके भरोसे  
सब भौंति ते निशंकरहैं लोक परलोकको उपाय ना करत हैं ॥ नामके  
भरोसे उपजावैं विधि पालें हरि हरहू संहारे नाम ओटले तरत हैं ॥ नामके  
भरोसे भील सबरी सुगीध कीश भये बडभारी राम जाको सुमिरत  
हैं ॥ रसिकविहारी राम नाम अवलंघ बडो जाते दिन रेनि यमराज हू  
डरत हैं ॥ ६४ ॥

दोहा—ऐसो नाम अनूप जो, नाहिं सुमिरै मन लाय ॥

कोऊ केनहु होय तिहि, जन्म अकारथ जाय ॥ ६५ ॥

घनाक्षरी कविन ।

योग जप साधि कीटि देव अवसार्थ करै संयम समर्थ निरुपाध  
हो न पाविना ॥ ज्ञान अरु ध्यान मान पूजा असनान दान निगम  
पुरानके बखान सुख आविना ॥ तीरथ घनेरे नेम यज्ञ बहुतेरे प्रेम  
रसिकविहारी रूप पेरते सुहाविना ॥ येते हैं निकाम कोऊ कामके न  
काम कछु हें नहिं काम जीलों राम नाम ध्याविना ॥ ६६ ॥  
पढो चारो वेद ओ अठारह पुगण पट शास्त्र यंत्र मंत्र तंत्र आदिक  
प्रवीनता ॥ गान तान आदिक अनेक विद्यामें प्रवान बहु गुन ज्ञान  
धन माननमें पीनता ॥ रूपमननोके मनिमंत ओ कहावें मंत्र फिरेम  
दिगंतनमें जेहना अधीनता ॥ रसिकविहारी सब भौंति भडो चाहो-  
तोप जपो राम नाम जाते मिटन मलीनता ॥ ६७ ॥

सवैया कवित्त ।

सी कहते सब सिद्धि मिलै अरु ता कहते तन आनंद आवै ॥  
 रा कहते रस होत महा कहतेही मकार महत्व बढ़ावै ॥  
 जो रसिकेस प्रतीति समेत सुवर्ण भले ये चहुँ चित लावै ॥  
 होय उजागर लोक तिहुँ विचिताहि हिये सियराम लगावै ॥६८॥  
 दोहा—कहत राम सीता मिलत, सीता कहतहि राम ॥

रीति अनोखी देखिये, सुमिरत सीता राम ॥ ६९ ॥

राम विना सीताभजै, सीता विन जो राम ॥

होय ताहि फल है सकल, पूरो पुजै न काम ॥ ७० ॥

जे जन प्रीति प्रतीति युत, सुमिरैं सीता राम ॥

सुख पावैं दुहुँ लोकते, लहैं सदा विश्राम ॥ ७१ ॥

प्र० ॥ गुणावली ग्रंथे ॥ श्लो० ।

सीतया सहितं रामं सीतां रामेण संयुताम् ॥

न स्मरेत्स फलं पूर्णं लभते न कदाचन ॥ १ ॥

घनाक्षरी कवित्त ।

प्रीति राम नाम सों प्रतीति राम नाम सों सुरीति राम नाम सों  
 सवहि भाँति भाँतिये ॥ आशराम नामसों विलास राम नाम सों  
 सुपास राम नाम सों अनेक विधि जानिये ॥ लोक राम नाम  
 परलोक राम नाम सों हे रसिकविहारी सो विचार चितठानिये ॥  
 राम नामको विहाय पावै जो पियूष सोहै हलाहल की समाप्त  
 तामें धूर सानिये ॥ ७२ ॥

दोहा—करे लोकपरलोकके, साधन वृथा निकाम ॥

भये सकल निष्फल जु पै, भजे न सीता राम ॥ ७३ ॥

सवैया कवित्त ।

मूढ़ मुंडाय कहाय कै साधु लगाई विभूति कहा तो भयो ॥

जग लोग रिझाय बने रसिकेश रचोहन धाम कहा तो भयो ॥

नख केश बटाय विद्यायके चाम धरो वक ध्यान कहातो भयो ॥

दृढनेह न लायो मियावर सों नरजन्म लियेही कहातो भयो ॥७४॥

धनाक्षरी कवित्त ।

रूप गुण धनमें जु शंका अति होत आय त्याग औ विरागमें  
अनेक विघ्न लेखिये ॥ रसिकविहारी यज्ञ योगमें उपाधि भारी  
देहमें मरन नेहमें विछोह पेपिये ॥ भूत प्रेत पूजे गति अंतकी  
नशात सबै जगमें वृथाही पाचि दुःख अवरेखिये ॥ जामें अव-  
लोकौ एक एक है कलंक तामें सीता राम नामें निकलंक सदा  
देखिये ॥ ७५ ॥

दोहा—सीता राम सुनाम यंह, सकल सिद्धिको मूल ॥

ताहि त्यागि साधत अपर, साधन मति भ्रम भूल ॥ ७६ ॥

सो यंह भ्रम सतसंग विन, कबौ न होवै दूर ॥

याते तजै कुसंग सब, जो चाहै सुख पूर ॥ ७७ ॥

सवेया—कवित्त ।

ग्राम नशै धन धाम नशै सुत वाम नशै सब काम कुटंगू ॥

राज नशै सुख साज नशै जग लाज नशै औ नशै वर अंगू ॥

मान नशै तन प्राण नशै गुण ज्ञान नशै दुख होय अभंगू ॥

याते सुदूर रहौ रसिकेश जु भूलि कबौ करियो न कुसंगू ॥ ७८ ॥

दोहा—पै कहूँ कहूँ संसारमें, धूतहु धरत सुभेष ॥

याते बुद्धि विचार युत, संग कीजिये देख ॥ ७९ ॥

सवेया—कवित्त ।

डिंभ दिखावत लोगनको अति झूठे सुनावत ज्ञानके गाथे ॥

आरनको उपदेश विराग सु आप घने जगजालमें गाथे ॥

बेलसे डोलत हैं नित गल करें वहु फैलहु लोभसे नाथे ॥

ऐसन ते रसिकेसबचे हठि सोई नशै जो लगै इन साथे ॥ ८० ॥

आरहि काद सुझावहि ते सुजने अपनेहीं न आगुण मृद्रे ॥

आरहि काद बुझावहि ते नर आपुहि जे सब भौंति अवृद्रे ।

आरहि ते सुझावहिका अति आपुहि जे जग जाल अद्वे ॥

भापतहैं रसिकेस सुनौ लगि भेष पनावनहीं विनवृद्रे ॥ ८१ ॥

अंकन भागे गुणे उनपै उन अंकन भागे गुणे न करे हठु ॥  
जो गति गूढ विचारो चहै रसिकेश तो रामको नाम भले पठु १००  
दोहा—ग्रह साँचे फल सत्य पै, राम नामको इष्ट ॥

जाहि न सो जाने कहा, निजपर इष्ट अनिष्ट ॥ १०१ ॥

सो सुनिकै इक मंत्रविद, विप्र कही हुलसाय ॥

नाम मुख्य पै औरहू, मंत्रादिक सु उपाय ॥ १०२ ॥

ग्रन्थन माहिं अनेक हैं, देव सिद्ध समुदाय ॥

जाते कारज सिद्धिं सब, गति त्रिकाल दरशाय ॥ १०३ ॥

तव तापस तिहि प्रति कही, कही सत्य तुम जोय ॥

जाने नामप्रभाव तिहि, और न भावे कोय ॥ १०४ ॥

सवैया कवित्त ।

टूटत है जग मोह जबै तव छूटत है सब दुःख विपादू ॥

होत विराग विशेष हिये कछु फेरि न भावत वाद विवादू ॥

रामके नामहिमें दृढ प्रीति प्रतीति रहे रसिकेस अनादू ॥

नाम बिहायकै और सुहाय न मंत्र न यंत्र न तंत्र न जादू १०५ ॥

दोहा—यों कहि भापी जटिल पुनि, सबहि सुनाय पुकार ॥

राम नाम विन और जो, जपै तासु मुख छार ॥ १०६ ॥

तापस परम प्रवीन लखि, सुमुख सुयज्ञ तुरंत ॥

सादर कर गहिकै निकट, बैठारो गुणि संत ॥ १०७ ॥

ताछिन एक सुभक्त वर, कह सुयज्ञ प्रति दीन ॥

काह करौं जिहि नाशहो, मोकृत कर्म मलीन ॥ १०८ ॥

सुनि सुयज्ञ बोले मधुर, हरि गुरु कृपा विहाय ॥

कोटि जतन कोऊ करै, तऊ न दुरित नशाय ॥ १०९ ॥

जो कोऊ गुरु विमुख हो, अथवा गुरु न कीन ॥

कृपा आश प्रभुकी धरै, सोई है मतिहीन ॥ ११० ॥

सवैया कवित्त ।

ढेर सुमेर सो कंचन दान करै नित जायकै क्षेत्र कुरु ॥

धेनु अलंकृत कोटिन देतन अक्षत नीरते रीते कुरु ॥

मान प्रमान यही रसिकेश चहुँ युग भाषत धर्म धुरू ॥  
कैसहु राम न रीझत काहु पे तो लग जौलों द्रवै न गुहं ॥ १११ ॥

दोहा—गुरुद्वारा प्रभु शरण है, सदा जपे शुभ नाम ॥  
तो दुहुँ लोक अनंद हो, कृपा करै सियराम ॥ ११२ ॥

राम नाम सुमिरै सदा, करै शक्तिसम दान ॥  
तो नित सुख संपत्ति बढै, होय नहीं कछु हान ॥ ११३ ॥

सुन सुभक्त सविनै कही, कहिय भजो नित सोय ॥  
तव द्विज है नामावली, कह याते भल होय ॥ ११४ ॥

घनाक्षरी कवित्त ।

सीतानाथ १ सीतावर २ सीताकंत ३ सीतापति ४ सुंदर ५ सुजान ६  
सुखमानिधान ७ शोभासिंधु ८ ॥ रसिकविहारी ९ हृषिकेश १०  
रघुचंद ११ राम १२ बुद्धिवर १३ दाता १४ वेद ज्ञाता १५ वीर  
१६ विद्यासिंधु १७ धाता १८ दीनत्राता १९ दुष्टघाता २०  
दुःखहाता २१ दोषदारिद्र्यनिपाता २२ देव २३ पाता २४ दाता २५  
दयासिंधु २६ ॥ अवधभुवाल २७ भक्तपाल २८ रघुलाल २९  
प्रात लेवै तीस नाम ये सप्रेम द्रवै—दीनबंधु ३० ॥ ११५ ॥

दोहा—पुनि सुयज्ञ भापी तवै, सबही प्रति दृढ़ वात ॥  
याते सबही नारि नर, हो भुव मंडल ख्यात ॥ ११६ ॥

घनाक्षरी कवित्त ।

झंडा आँ निसान के निसान ते न जाने कोऊ जाने है न कोऊ  
द्वार दुंदुभी बजायेते ॥ उंचे महिलानके उठानते न जाने कोऊ  
जाने है न कोऊ, मत्त गजके बंधानते ॥ सानते न जाने आँ गुमा-  
नते न जाने धन धाम ते न जाने कोऊ, कोटिहू विधानते ॥  
रसिकविहारी चार वातते जहान जाने विद्या हरि ध्यान ते कृपान  
ते सुदानते ॥ ११७ ॥

दोहा—सुनि सुभक्त आनंद है, हृद धर दृढ़ वैन ॥  
अपर विविध जन मुदित भै, जे बुधि विद्या पेन ॥ ११८ ॥  
इहि विधि सग्यतीर मधि, वाक्य विलास उमंग ॥  
राज समाज समेत बहु, भयो विशद मन्मंग ॥ ११९ ॥



धर्म नीति वरज्ञान कथा कहि सबहि सुधीर धराई ॥  
 पुनि बोले तुम सकल हमारे हिय विच वसो सदाई ॥  
 सखा सुकंठ प्राण ते प्यारे तुमते उरुण सु नाहीं ॥  
 तिमि लंकेश ऋच्छपति मेरे भरत लपण सम आहीं ॥ ६ ॥  
 हनुमान अंगद नीलादिक सकल प्राण सम प्यारे ॥  
 मो जियहोत यही काहूको छिन भरि करों न न्यारे ॥  
 पै नृप धर्म प्रजापालनको सो न आप विन होवै ॥  
 याते जाहु सदल तिहुँ भूपति सकल सुजन मुख जोवै ॥ ७ ॥  
 सुनि सब विनय करी बहु प्रभु सों भरे नैन विच नीरा ॥  
 पुनि वर नीत प्रीत मृदु कहिकै दई राम तिन धीरा ॥  
 यों कहि निकट बुलाय सुकंठहि दीन सु अंग प्रसादा ॥  
 निजकर सखहि विभूषितकीने भरे हृदय अहलादा ॥ ८ ॥  
 ऋच्छपाल लंकेशहि रघुवर सादर निज कर दीने ॥  
 भरत वेगि उठिकै दुहुँ भूपन प्रमुदित भूपित कीने ॥  
 अपर यथोचित राज साज बहु सादर दिये कृपाला ॥  
 सनमाने सब भाँति नेह युत राम तिहुँ भूपाला ॥ ९ ॥  
 अंगद नील नलादि मुख्य तिन लछमन अरु रिपुशाला ॥  
 हित करि यथायोग पहिराये शिख नख साज विशाला ॥  
 बहुरि विभूषन वसन अनूपम रघुवर भूर मँगाये ॥  
 कीश भालु निश्चरन यथोचित सन्मुख सखहि दिवाये ॥ १० ॥  
 ताछिन हनुमान उठि वेगै रामचरण धरि माथा ॥  
 पुलकित गात दीन ह्वै विनती करी जोरि युगहाथा ॥  
 मो अभिलाष नाथ यह तव पद सेवों निकट सदाई ॥  
 जबलग प्रभु चरित्र महि तबलग श्रवण करों हुलसाई ॥ ११ ॥  
 लखि हनुमंत प्रीति रघुनंदन उठि गहि अंक लगायो ।  
 एवमस्तु कहि विशद हार निज लै प्रमुदित पहिरायो ॥  
 पुनि अंगदहि गोदल सुत सम कियो प्यार बहु रामा ॥  
 तासु भार सुग्रीवहि दीनो भापि वन सुख धामा ॥ १२ ॥



संध्या वंदन करि मुदित, सकल समाज समेत ॥  
 द्वै घटिका बीती निशा, गवने राम निकेत ॥ १२० ॥  
 यौही नित प्रति होत है, अवध परम आनंद ॥  
 कहैं नारि नर वृंद सब, जै जै जै रघुचंद ॥ १२१ ॥  
 इति श्री रा० २० अ० वि० सत्संगवर्णनो नाम पंचमो विभागः ॥ ५ ॥

दोहा—इमि नित सुखमाधि बीति गो, मास अधिक इक वर्ष ॥  
 नृपति सुकंठादिक तिहूँ, दल युत रहैं सहर्ष ॥ १ ॥  
 कीश ऋच्छ निश्चर सकल, पल मद मधु पकवान ॥  
 अशन पान प्रमुदित करैं, सहित प्रीत सनमान ॥ २ ॥  
 प्र० वा० ॥ उ० कां० ॥ स० ३९ ॥ श्लोक ॥

ते पिबन्ति सुगन्धीनि मधूनि मधुपिंगलाः ॥ मांसानि च सुमिष्टानि  
 मूलानि च फलानि च ॥ १ ॥ एवं तेषां निवसतां मासः सायौ ययौ  
 तदा ॥ मुहूर्तमिव ते सर्वे रामभक्त्या च मेनिरे ॥ २ ॥ रामोपि रसे  
 तैः सार्धं वानरैः कामरूपिभिः ॥ राक्षसैश्च महावीर्यैश्चैव  
 महाबलैः ॥ ३ ॥ इत्यादि ॥

दोहा—ऋच्छ कीशतिय भूरि तिन, नित रनिवास मझार ॥  
 सादर बहु नूतन विविध, होत सकल सतकार ॥ ३ ॥  
 दोवई छंद ।

लंकनाथ हरिपाल ऋच्छपति सदल सकुल यह चावैं ॥  
 इतहि रहिय नित कबहुँ नाथ अब हमैं न गेह पठावैं ॥  
 तिनको परमनेहु रघुवरमें राम प्रेम तिन माहीं ॥  
 दोऊ हिये परस्पर चाहैं कोउ न छिन विलगाहीं ॥ ४ ॥  
 तव रघुवीर ज्ञाननिधि हियमें दृढ विचार ठहरायो ॥  
 राज साज धन धाम कुटुम इन मो हित सकल भुलायो ॥  
 पे अब निज निज गेह सिधारैं लखैं काज जन जाई ॥  
 इमि गुणि सभा मध्य प्रभु बैठे लीजे सवहि बुलाई ॥ ५ ॥

धर्म नीति वरज्ञान कथा कहि सवहि सुधीर धराई ॥  
 पुनि बोले तुम सकल हमारे हिय विच वसो सदाई ॥  
 सखा सुकंठ प्राण ते प्यारे तुमते उक्कण सु नाहीं ॥  
 तिमि लंकेश ऋच्छपति मेरे भरत लपण सम आहीं ॥ ६ ॥  
 हनूमान अंगद नीलादिक सकल प्राण सम प्यारे ॥  
 मो जियहोत यही काहूको छिन भारि करों न न्यारे ॥  
 पै नृप धर्म प्रजापालनको सो न आप विन होवै ॥  
 याते जाहु सदल तिहुँ भूपति सकल सुजन मुख जोवै ॥ ७ ॥  
 सुनि सब विनय करो बहु प्रभु सों भरे नैन बिच नीरा ॥  
 पुनि वर नीत प्रीत नृदु कहिकै दई राम तिन धीरा ॥  
 यों कहि निकट बुलाय सुकंठहि दीन सु अंग प्रसादा ॥  
 निजकर सखहि विभूषितकीने भरे हृदय अहलादा ॥ ८ ॥  
 ऋच्छपाल लंकेशहि रघुवर सादर निज कर दीने ॥  
 भरत बेगि उठिकै दुहुँ भूपन प्रमुदित भूपित कीने ॥  
 अपर यथोचित राज साज बहु सादर दिये कृपाला ॥  
 सनमाने सब भाँति नेह युत राम तिहुँ भूपाला ॥ ९ ॥  
 अंगद नील नलादि मुख्य तिन लछमन अरु रिपुशाला ॥  
 हित करि यथायोग पहिराये शिख नख साज विशाला ॥  
 वहुँरि विभूषन वसन अनूपम रघुवर भूर मैगाये ॥  
 कोश भालु निश्चरन यथोचित सन्मुख सचाहि दिवाये ॥ १० ॥  
 ताछिन हनूमान उठि वेगै रामचरण धारि माथा ॥  
 पुलकित गात दीन ह्वै विनती करी जोरि युगहाथा ॥  
 मो अभिलाष नाथ यह तव पद सेवों निकट सदाई ॥  
 जवलन प्रभु चरित्र माहि तवलन श्रवण करौं हुलसाई ॥ ११ ॥  
 लखि हनुमंत प्रीति रघुनंदन उठि गहि अंक लगायो ।  
 एवमस्तु कहि विशद हार निज लै प्रमुदित पहिरायो ॥  
 पुनि अंगदहि गोदल सुत सम कियो प्यार बहु रामा ॥  
 तासु भार सुग्रीवहि दीनो भापि बिन मुख धामा ॥ १२ ॥

उत तारा अरु रुमा आदि पुनि ऋच्छतिया जे हूरी ॥  
 सादर सबहि अमोल साज वर दये सुरानिन भूरी ॥  
 कौशल्यादि सियादि प्रीति युत अपर सखी पुरनारी ॥  
 सह सनमान उचित मिलि भेंटी भरे सकल दृग वारी ॥ १३ ॥  
 इहि विधि इत रघुवीर निकट अरु उत रनिवास मझारा ॥  
 अतुल साज धन धाम ग्राम दै भयो अमित सतकारा ॥  
 ताछिन पुष्पकयान राम ढिग विचरत नभ मग आयो ॥  
 समै प्रमाण तासु आगमलखि प्रभु उर आनंद छायो ॥ १४ ॥  
 तब रघुवीर मुदित उठि तिहुँ नृप सादर अंक लगाये ॥  
 अपर यथोचित कीश भालु मिलि पुष्पक मधि बैठाये ॥  
 त्यों कपि ऋच्छ तीय गण पद नमि भई अरुढ विमाना ॥  
 यौ सब सबहि उचित मिलि गमने हृदय प्रेम उमगाना ॥ १५ ॥  
 निज निज धाम सबहि पहुँचाई पुष्पक वहुरि सिधारी ॥  
 राम धनद पद वंदि व्योम चहुँ विचरत इच्छाचारी ॥  
 हनुमान आनंद सहित नित रघुवर निकट रहाहीं ॥  
 राम चरित्र सनेम प्रेम युत सुनत अंग पुलकाहीं ॥ १६ ॥  
 तारा रुमा सहित उत हरिपति प्रमुदित करै विहारा ॥  
 दये ग्राम धन बहु कपि ऋच्छन ते सब सुखी अपारा ॥  
 निज तिय अरु मंदोदरि युत त्यों लंकनाथ बिलसावैं ॥  
 चहुँ मुख्य निश्चर समस्त पुनि परमानंद रहावैं ॥ १७ ॥  
 पुनि लंकेश विभीषण प्रमुदित निज लघु सुतहि बुलाई ॥  
 मत्तगंध नाम तिहि सादर दीनी हुलसिरजाई ॥  
 जाहु पुत्र मम दिशि ते प्रभुकी सेवा करौ सदाई ॥  
 पितु आज्ञा सुनि अति अनंद सों साजि चले शिरनाई ॥ १८ ॥  
 आये वेगि राम ढिग प्रमुदित शीश नाय कर जोरे ॥  
 कही विनय युत पूर्व जन्म कृत सुकृत उदैभे मोरे ॥  
 सादर तिहि बैठारि निकट प्रभु सुत सम प्यार बढाई ॥  
 वृद्धि कुशल पुनि आज्ञा दीनी इतही रहौ सदाई ॥ १९ ॥

यौं कहि भूपण वसन अनूपम अपर यथोचित साजा ॥  
 मत्तगयंदहि अरु हनुमंतहि दियो सभा रघुराजा ॥  
 किय लंकेशसुतहि निजपुरको रक्षक अधिप महाना ॥  
 गढ़पति पवनपुत्रको थापो सबही मध्य प्रधाना ॥ २० ॥  
 पुनि बहु सखा सुसेवक पुरजन परिजन अपर अपारा ॥  
 यथायोग बहु राज काज तिन सौंपे सहित विचारा ॥  
 इहि विधि कौशलपाल कृपानिधि धर्म नीतिमय राजा ॥  
 करहि निदेश न्याय पालन वर संयुत सकल समाजा ॥ २१ ॥

इति श्री रा० २० वि० अ० मुग्रीवादि गमनवर्णनो

नाम षष्ठो विभागः ॥ ६ ॥

सो०—श्रीदशरथ सुत राम, करत राज मर्याद युत ॥  
 सबहीके मन काम, यथायोग पूजै सदा ॥ १ ॥  
 सिंह पौरि कछु वार, बैठत हैं रघुराय नित ॥  
 करें विनय सब झार, तहैं निबंध नहिं काहुको ॥ २ ॥  
 दोहा—सभामध्य राजें तवै, छिनहीं छिन सुधिलेत ॥  
 विनय कार कोऊ विमुख, जाय न आय निकेत ॥ ३ ॥  
 एक दिवस इक श्वान तहैं, आय पुकारो द्वार ॥  
 सुनतहि राम कृपालु तिहि, लिय बुलाय दरवार ॥ ४ ॥  
 बृद्धी तिहि कह विनय तुव, तव सौं शीश नवाय ॥  
 कही नाथ हीं पंथ विच, बैठो सहज सुभाय ॥ ५ ॥  
 अमुक ठाम वासी जु द्विज, मोकों विन अपराध ॥  
 कियो प्रहार सुन्याय मम, कीजे बुद्धि अगाध ॥ ६ ॥  
 सुनि रघुवर तिहि विप्रको, बैगै सभा बुलाय ॥  
 बृद्धी श्वान प्रहारको, हेन कही मतभाय ॥ ७ ॥  
 तव द्विज बोलो श्वान यह, बैठो पंथमझार ॥  
 भयो शंक वश अतिहि में, चाको रूप निहार ॥ ८ ॥  
 दूरहिते बहु वार हों, कही दूर हो दूर ॥  
 रही तहैं श्वान यह, दुरो नहीं मदपूर ॥ ९ ॥

हुतो शुधित में तासमे, आयो क्रोध अपार ॥  
 तबहिं भजायो याहि में, करके दंड प्रहार ॥ १० ॥  
 हनो जु इहि अपराध विन, मोते भो अपराध ॥  
 क्षमादंड जो उचित सो, कीजे नीति अगाध ॥ ११ ॥  
 सो सुनि प्रभु बूझी द्विजन, उचित दंड इहि काह ॥  
 विप्र अवध्य अदंड सब, कह पुनि रुचि नरनाह ॥ १२ ॥  
 ताछिन बोलो श्वान पुनि, न्याय करिय प्रभु जोय ॥  
 तौ जो कछु हौं भापहुँ, याहि दण्ड सो होय ॥ १३ ॥  
 सुनि तिहि बूझी राम तव, कह कूकुर शिरनाय ॥  
 चित्रकूट ढिग शिव सदन, ग्राम कलिंजरमाय ॥ १४ ॥  
 कीजे तहँको अधिप इहि, सुनि रघुवीर तुरंत ॥  
 किय अभिषेक चढाय गज, भेजो थापि महंत ॥ १५ ॥  
 राज साज गज वाजि जन, पाय मुदित भो विप्र ॥  
 राम रजायसुते तहाँ, गयो अधिपह्वै क्षिप्र ॥ १६ ॥  
 निरखि श्वान रुचि चकित सब, तव बूझी तिहि राम ॥  
 कही दिवायो दंड यह, भाप प्रगट मनकाम ॥ १७ ॥  
 कही श्वान तव सुनिय प्रभु, हौं अधिप सुआउ ॥  
 तिही पापते योनि यह, पाई चहुँ भ्रमाउ ॥ १८ ॥  
 शिव निर्मायल वस्तुको, ग्रहण करत जो कोय ॥  
 प्रगट पुराणनमें सकल, ताको पाप जु होय ॥ १९ ॥  
 कहूँ पुनि मुखिया आपही, भयै सुवस्तु अकेल ॥  
 संनिध जनहिं न देय सो, परै नरक महँ पेल ॥ २० ॥  
 सो द्विज तहँको अधिप ह्वै, करिहै वेई पाप ॥  
 मोसम ह्वै है श्वान ध्रुव, सदासहै संताप ॥ २१ ॥  
 यो कहि श्वान नवाय शिर, गयो तासु गति सोच ॥  
 कहत सबै पर भागको, खैवो हे अति पोच ॥ २२ ॥

सुनि पुरजन यह न्याय गति, कहत मुदित वरवैन ॥

धर्म नीति ज्ञाता नृपति, और राम सम है न ॥२३॥

चौ०—योंहीं सब चर अचर सुखारी ॥ रामराज नहिं कोउ दुखारी ॥

मान मान अरु न्याय विचारा ॥ होय नीत संयुग कृत सारा ॥२४॥

एक दिवस कौशलपति रामा ॥ सहित समाज सकल मतिधामा ॥

भासदन मधि आय विराजे ॥ निज निज काज साज सब साजे ॥२५॥

गछिन द्वै पक्षी तहैं आये ॥ भूरि परस्पर वाद बढ़ाये ॥

एक उलूक एक गृध्र कराला ॥ झगरत दुहुँ सकोप विहाला ॥२६॥

आय प्रभुहि दुहुँ शीश नवायो ॥ निरखि रामतिन विस्मय छायो ॥

अतिहि उताल प्रथम है दीना ॥ अस्तुति कीनी गिद्ध प्रवीना ॥२७॥

पुनि बोलो प्रभु मोर अगारा ॥ यह उलूक लेवै वरियारा ॥

याको न्याय नाथ ध्रुव कीजे ॥ सत्य विचारि रजाय सु दीजे ॥२८॥

सुनि तिहि वचन उलूकहि रामा ॥ बूझी भाप कौनको धामा ॥

दुहुँ बखान सुनै हम जवहीं ॥ न्याय विचार करै पुनि तवहीं ॥२९॥

सुनि उलूक बोलो हे नाथा ॥ दिवा अंध मुहि जानि अनाथा ॥

सदन मोर यह गीध सु लेवै ॥ वृथा सकुल मोको दुख देवै ॥३०॥

सुनि दुहुँ वचन गुणी महिपाला ॥ जानो परै गीध बाचाला ॥

प्रथमहि अस्तुति मधुर बखानी ॥ कही बहोरि विवाद कहानी ॥३१॥

दोहा—धृत होत ते काज निज, साधत चित्त लुभाय ॥

छल बल गुण धन दीनता, मन वच कर्म दिखाय ॥३२॥

यों गुनि पुनि दुहुँ ते कही, भाषा सत्य प्रमाण ॥

हे वह वेत्ते वर्षको, निर्मित तव अस्थान ॥ ३३ ॥

चौ०—सुनि उताल पुनि गिद्ध बखानी ॥ जवते भूमि मृष्टि उपजानी ॥

तवही ते वह आलय भरो ॥ इमि प्राचीन करिय निखरो ॥३४॥

सुनि उलूक सत वचन सुनायो ॥ प्रभु जवने वह तरु प्रगटायो ॥

तब ते तिहि ऊपर मम धामा ॥ गुणि कीजिये न्याय श्रीगामा ॥३५॥

मुनि रघुवीर सुहीय विचारा \* जब ते प्रगट भयो संसारा ॥  
 तबको द्रुम अवलग किमि रहई \* मिथ्या वात गोधं यह कहई ॥ ३६ ॥  
 याते गृह उलूकको आही \* यौं गुणि राम दिवायो ताही ॥  
 गोध हारि गमनो सकुचाई \* भो उलूक मुद आलय पाई ॥ ३७ ॥  
 शीशनाय द्विज गयो सुधामा \* इमि वर न्याय करत श्रीरामा ॥  
 सकल चराचर परम सुखारी \* धर्मराज चहुँ आनंदकारी ॥ ३८ ॥  
 इति श्री रा० र० वि० अ० न्याय वर्णनोनाम सतमो विभागः ॥ ७ ॥

पदरी छंद ।

इक समय राम प्रमुदित विराज । शोभित समस्त सज्जन समाज ॥  
 ताछिन सुमंत तहँ वेगि आय । किय विनय जोरि कर शीश नाय ॥ १ ॥  
 भार्गव मुनीशच्यवनादिनाथ । आये समस्त मुनि विशद गांथ ॥  
 सुनतहि बुलाय लीने सुधाम । सत्कार उचित सब कीन राम ॥ २ ॥  
 जल सर्व तीर्थ लायें मुनीश । फल फूल दीन प्रभु लीन शीश ॥  
 बहु कुशल परस्पर बृझि दोउ । बैठे प्रसन्न मन सबहि कोउ ॥ ३ ॥  
 तब कही राम कहहै रजाय । दीजे सु लेहुँ निज शिर चढ़ाय ॥  
 मुनि मुनि समस्त बोले उताल । रघुलाल धन्य जन भक्तपाल ॥ ४ ॥  
 दीनो उत्तार प्रभु भूमिभार । अब एक दुष्ट मधुपुर महार ॥  
 मुनि जनन देत सो दुख अपार । इति चहिय, नाथ ताको संहारा ॥ ५ ॥

सो०—है लवणासुरनाम, चंड शूलधारी सबल ॥  
 ताहि बधे विनराम, अजहुँ चराचर दुखित बहु ॥ ६ ॥  
 शूल रहै करमध्य, जवलों मधु सुत लवणके ॥  
 तब लों निडर अवध्य, हे इमि वर हरदत्त तिहि ॥ ७ ॥  
 गज मृग वाव अपार, अपर जीव मानुष विपुल ॥  
 नित सो करत अहार, याते होत विनाश चहुँ ॥ ८ ॥

पदरी छंद ।

मुनि तबहि कीन रघुवर विचार । कोकरहि जाय तिहि को मंहार ॥  
 तासमय शत्रुहन जोरि नाथ । भापी रजाय मुहिं होय नाथ ॥ ९ ॥

भु भरत लपण बहु कीन काम । हों रहों आजलग अवध धाम ॥  
 वा सु एक यह मैं कराउँ । वध हेत तासु अव द्रुतहि जाउँ ॥१०॥  
 नि बन्धु बैन आनंद समेत । दीनी रजाय तिहि वधन हेत ॥  
 तुरंग सेन कीनी जु संग । प्रिय वीर धीर वर युद्ध ढंग ॥ ११ ॥  
 नि दीन वाण इक प्रवल चंड । कह होय याहिते शूलखंड ॥  
 मि भापि सोधि दिन साजि साज । किय विदा बन्धुको अवधराज ॥२॥  
 दोहा—चलत कही प्रभु बन्धुसे, जिते सु सेवक संग ।

सादर सबको राखियो, सब विधि सुखी सुढंग ॥ १३ ॥

धन गुन बल तिय बंधु हित, तिमि न देय आराम ॥

प्रीतिपाल सेवक सुजिमि, सदा करै रुचि काम ॥ १४ ॥

पद्मरी छंद ।

सुनि भ्रात सीख वर गुण दमान । मिलि शशिनाय कीनो पयान ॥  
 सुनि वाल्मीकिते भेंटि वीर । मधुपुरहि गये सह सुभट भीर ॥ १५ ॥  
 सो लवण सदाही प्रातकाल । चहुँ जाय गहत बहु जीव घाल ॥  
 त्यों नित समान लै शूल आन । उठिकै प्रभात कीनो पयान ॥१६॥  
 इत वीर शत्रुहन समय पाय । औचकहि आय मधुपुर तुराय ॥  
 धनुवाण साजिके नगर द्वार । ठाढे सचेत चहुँ दिशि निहार ॥१७॥  
 दिन युगल याम भो तव सुरारि । आयो अपर मृत जीव धारि ॥  
 लखि राजसुतहि सो क्रोध लाय । बूझी मनुष्य तू कौन आय ॥१८॥  
 तव रामबन्धु निज नाम ठाम । भापो निशंक कुलग्राम धाम ॥  
 सुनि लवण रोप करिके उताल । बोलो प्रचारि वाणी कराल ॥ १९ ॥  
 तुव भ्रात रावणहि कीन घात । हों सुनि तवही ते जरत गात ॥  
 तिहि बन्धु आज मो निकट आय । अव फेरि नहि गृह जियत जाय २०  
 दुक धीर धार हे नृपति बाल । हों गेहजाय आऊँ उताल ॥  
 वर चंड शूल लाऊँ तुरंत ॥ तव लखहुँ फेरि तुव बल अनंत ॥२१॥

दोहा—सुनि भापी रिपुदमन तव, अरे असुर मतिमंद ॥

अव गृह जैवो सहज नहि, परो वीरके फन्द ॥ २२ ॥

स्ववश पायके शत्रुको, जो नहि साधत काज ॥

दुख पावै पछताय मो, पुनि हो अधिक अकाज ॥ २३ ॥



याते खल याही समै, यमपुर पठऊं तोहि ॥

शूल आश तजि अंगवल, जो दरशाव सु मोहि ॥ २४॥

पदरी छंद ।

शत्रुघ्न वैन सुनिकै सुरारि । घालो विशाल इक द्रुम उखारि ॥  
तिहि राम बंधु बहु शर प्रहारि । करि खंड खंड दिय भूमि डारि ॥ २५॥  
तरु घात देखि निष्फल सुभारि । पुनि किय प्रहार सो वृक्ष पूरि ॥  
ते सकल शत्रुहन कीन छिंद । बहुवाण मारि तन तासु भिंद ॥ २६॥  
तब लवण कोपि गहि विटपचंड । घालो भ्रमाय बल करि उदंड ॥  
सो लगो आय ततकाल भाल । महिगिरे शत्रुसूदन विहाल ॥ २७॥  
जानी सुरारि भो मृतक वीर । याते निसंक है धार धीर ॥  
गवनो न धाम लायो न शूल । तिन भपण हेतु धायो सुभूल ॥ २८॥  
तत्क्षण सचेत है शत्रुशाल । उठि गहो द्वार अतिही उताल ॥  
साजो सुवाण जो राम दीन । तिहि समय त्रसित भे लोक तीन ॥ २९॥  
सो चंडवाण तिहि उर मझार । किय शत्रुशाल क्रोधित प्रहार ॥  
भ्रमि गिरो लवण भूमधि तुरंत । है हृदय चूर भो प्राण अंत ॥ ३०॥  
तेहि निधन देखि सुर भे निहाल । ख कियो जैति जै शत्रुशाल ॥  
वरपे प्रसून दुंदुभि वजाय । तिहुँलोक रहो आनंद छाया ॥ ३१॥  
तिहि मारि शत्रुहन सहसमाज । मधुपुरी मध्य कीनो सु राज ॥  
तहँ रहे वर्ष द्वादश प्रमाण । बहु प्रजापाल परबंध ठान ॥ ३२॥  
बहु सैन सचिव सेवक प्रवीन । तहँ राखि आप पुनि गमन कीन ॥  
आये उताल श्रीराम पास । कीनो प्रणाम संयुत हुलास ॥ ३३॥  
उठि राम बंधु लिय अंक लाय । सब मिले उचित आनंद अघास ॥  
रघुवीर अनुजको बहु सराह । वर मान दीन कीनो उछाह ॥ ३४॥  
इमि सप्त दिवस तिन भवन राखि । दीनी रजाय बहु नीति भाखि ॥  
प्रभु कही जाहु मधुपुर उताल । विन भूष आनको न जाहि ॥  
सुनि प्रभु रजाय रिपुदमन वीर । कछु है उदास पुनि धारि धीर ॥  
साजि साजि ईश आयसु प्रमाण । नमि कीन वेगि मधुपुर पयान ॥ ३५॥

तहँ जाय सबहि आनंद दीन । रिपुदमन राजधानी सुं कीन ॥  
 मधुपुर निवास कर सह समाज । तिय सचिव सखा सेवक विराज ३७ ॥  
 लखि समय कबहुँ सो अवध आया रहि कछु दिवस पुनि तितहि जाय ॥  
 इहि भाँति शत्रुहन युत समाज । सानंद करत मधुपुर सराज ३८ ॥  
 इत भरत लपण युत रामचंद । कर अवध राज अतिही अनंद ॥  
 निज सभै सभै सब होत काज । बहु दान मान नृपनीति भ्राज ३९ ॥

इति श्रीरामरसायन वि० अ० लवणासुरवधवर्णनो

नाम अष्टमो विभागः ॥ ८ ॥

सो०—एक सभै रघुवीर, सभामध्य शोभित सदन ॥

ताछिन निपट अधीर, वृद्ध विप्र आयो रुदत ॥ १ ॥

तासु पुत्र वर एक, योवन वय ज्ञानी गुणी ॥

संयुत परम विवेक, सो सुठि वालक मृतक भो ॥ २ ॥

मात पिता मृत बाल, लाये भूपति द्वार पै ॥

रोवत विकल विहाल, कहि नृपके पातक मरो ॥ ३ ॥

भूपति करै अनीति, होय दुखी तिहि फल प्रजा ॥

प्रजा करै अनरीति, नृपहि पाप सो लागही ॥ ४ ॥

यों कहि द्विज सो बाल, राज द्वार धरि दीन हठि ॥

प्रभु दिग आय उताल, भाषी हत्या लेहु मम ॥ ५ ॥

कै नृप कै ते लोग, राज काज अधिकार जिन ॥

कारज करै अयोग, प्रजा दुखी हो पाप तिहि ॥ ६ ॥

सो तब पाप कदंब, जाते मम बालक मरो ॥

हों इत सहित कुटुंब, प्राण देहुँगो राज पै ॥ ७ ॥

मुनि विप्रहि कर जोर, समुझायो बहु राम मृदु ॥

कही मोर जो खोर, होय सकल निर्णय अवधि ॥ ८ ॥

चौ०—यों कहि करुणाकर अकुलाये ॥ मंत्री द्विज गुरु वेगि बुलाये ॥

नारदहू विचरत तहँ आये ॥ सादर सबहि राम बेटाये ॥ ९ ॥

गुड़ी राम द्विजन कर जोरी ॥ कहिये कह अननीति हो मोरी ॥

तब त्रिकाल दर्शी वर ज्ञाता ॥ नारद मुनि बोले वच ॥

सुनहु राम सतयुगके माहीं ❀ सदा तपस्या विप्र कराहीं ॥  
 तव काहु नाहिं होय कलेसा ❀ रहे न रचहु पातक लेसा ॥ ११ ॥  
 जेता मध्य करै तप क्षत्री ❀ तव इक पदधर पाप धरत्री ॥  
 पुनि द्वापर तपवैश्य दिढावै ❀ महि पातक द्वे चरणजमावै ॥ १२ ॥  
 कलिमें नीच शूद्रगण आदी ❀ करें तपस्या मूढ विवादी ॥  
 तृतीय चतुर्थ चरण तव पापा ❀ धरत भूमि वाँटे, तिहुँ तापा ॥ १३ ॥  
 जब कलि करै शूद्र तप भूरी ❀ रहे पाप तव चहुँ पद पूरी ॥  
 अल्प मृत्यु दारिद्र दुख नाना ❀ तिहि फलते सब लहत निदाना ॥ १४ ॥

दोहा—सिद्ध साधुको भेष बहु, लेत नीच जन नष्ट ॥

निजते उच्च तिनै सुते, करत विविध विधि अष्ट ॥ १५ ॥

वेद पुराण प्रमाण जो, सो नाहिं करै प्रमाण ॥

नूतनगाथा जोरकै, ठानै महत बखान ॥ १६ ॥

सवैया—कवित्त ।

ज्ञान अखंड पखंड कथैं रसिकेश भरो उर लोभ अगाधू ॥  
 जोरत दाम सँवारत धाम भये ममता मदमें अति आवू ॥  
 धूत महा अवधूत बने बहु देतहैं पतन धैं जगनाधू ॥  
 कर्म कुकर्म करैं कपटी जन ते कलिकाल कहावत साधू ॥ १७ ॥  
 दोहा—हो विरक्त अथवा गृही, चाहिय विप्रकुल जन्य ॥

तप महत्त्व पद उचित तिहि, अनुचित करै जु अन्य ॥ १८ ॥

बिन द्विज कुल जे सुर सदन, पूजन पाक कराय ॥

करता कारयिता दुहुँ, ते ध्रुव नरकहिं जायँ ॥ १९ ॥

बिना विप्र तिहुँ वरण जे, कोऊ गृही बिरक्त ॥

देत मंत्र गुरु शिष्यते, दुहुँ नरक अनुरक्त ॥ २० ॥

द्विज कुल बिन जे सत कथा, कहि सुनाय विधि युक्त ॥

सो वक्ता श्रोता दुहुँ, हों न नरकसे मुक्त ॥ २१ ॥

ऐसे पातक भूरिते, होत सदा कलिमाहिं ॥

जाते जग नर नारि सब, संतत दुखी रहाहि ॥ २२ ॥

ताही पातकते नृपति, होवै धन सुत हीन ॥  
 पुनि रुजपीडित रहत हैं, प्रजा नशै सुख छीन ॥ २३ ॥  
 महा पाप यह जानिये, शूद्र वनै जो सिद्ध ॥  
 यह प्रबंध भूपहि उचित, होय न कर्म निषिद्ध ॥ २४ ॥  
 सो जु शूद्र तप पाप है, द्वापर कलिहू घोर ॥  
 त्रेताहीमें होय तौ, पातकको कह छोर ॥ २५ ॥  
 प्रजा जासु अवनोशके, संतत पाप कराय ॥  
 राज्य नाश हो ताहि ते, पुनि नृप नरकहि जाय ॥ २६ ॥  
 कृपी जनित धन धान्य अरु, पाप पुण्य ये चार ॥  
 पष्टम भाग प्रजानते, लहै भूप अधिकार ॥ २७ ॥  
 याते भूपहि उचित है, प्रजा करै जो पाप ॥  
 ताहि निवारै जतनते, तौ न होय संताप ॥ २८ ॥  
 आप प्रजा सेवक सहित, रहै सधर्म नरेश ॥  
 तौ काहू कबहूँ कष्ट, होय न रंच कलेश ॥ २९ ॥  
 प्रमाण ॥ वाल्मीकीये ॥ उत्तरकांडे । सर्ग ७३ ॥ श्लोक ॥

रामस्य दुष्कृतं कर्म महदस्ति न संशयः ॥ यथा हि विषयस्थानां  
 बालानां मृत्युरागतः ॥ १ ॥ रामद्वारे मरिष्यामि पत्न्या सार्धमना-  
 थवत् ॥ ब्रह्महत्यां ततो राम समुपेत्य सुखी भव ॥ २ ॥ राजदोषविषयं-  
 ते प्रजा द्वाविधिपालिताः ॥ असदृत्ते हि नृपतावकाले म्रियते जनः ॥ ३ ॥  
 यद्वा पुरेष्वपुक्तानि जना जनपदेषु च ॥ कुर्वते न च रक्षास्ति तदा  
 कालकृतं भयम् ॥ ४ ॥

पुनः ॥ त्रैवि ॥ स० ७४ ॥ श्लोक ॥

श्रुत्वा कर्तव्यतां राजन्कुरुष्व रघुनंदन ॥ पुरा कृतयुगे राजन्ब्रा-  
 ह्मणा वै तपस्विनः ॥ ५ ॥ अब्राह्मणस्तदा राजत्र तपस्वी कथंचन ॥  
 तस्मिन्युगे प्रज्वलिते ब्रह्मभूते त्वनावृते ॥ ६ ॥ अमृत्यवस्तदा सर्वे  
 यज्ञिरे दीर्घदर्शिनः ॥ तत्रैतायुगं नाम मानवानां वपुष्मताम् ॥ ७ ॥  
 क्षत्रिया यत्र जायंते पूर्वेण तपसान्विताः ॥ वीर्येण तपसा-  
 तेऽधिकाः पवंजन्मानि ॥ ८ ॥ तस्मिन्युगे प्रज्वलिते धर्मभूते

अधर्मः पादमेकं तु पातयत्पृथिवीतले ॥ ९॥ ततः पादमधर्मस्य  
 तीयमवतारयत् ॥ ततो द्वापरसंख्या सा युगस्य समजायत ॥ १०  
 अस्मिन्द्वापरसंख्याने तपो वैश्यान्समाविशत् ॥ त्रिभ्यो युगेभ्यो त्रीन्  
 णान् क्रमाद्वै तप आविशत् ॥ ११ ॥ त्रिभ्यो युगेभ्यो त्रीन्वर्णान्  
 मर्श्च परिनिष्ठितः ॥ न शूद्रो लभते धर्मं युगतस्तु नरर्षभ ॥ १२  
 हीनवर्णो नृपश्रेष्ठ तप्यते सुमहत्तपः ॥ भविष्यच्छूद्रयोऽन्यां हि तपश्च  
 यां कलौ युगे ॥ १३ ॥ अधर्मः परमो राजन्द्वापरे शूद्रजन्मनः  
 स वै विषयपर्यैते तव राजन्महातपाः ॥ १४ ॥ अद्य तप्यति दुर्बुद्धिः  
 स्तेन बालवधो ह्ययम् ॥ योऽद्य धर्ममकार्यं वा विषये पार्थिवस्य तु  
 करोति चाश्रीमूलं तत्पुरे वा दुर्मतिनरः ॥ क्षिप्रं च नरकं याति स  
 राजा न संशयः ॥ १५ ॥ अधीतस्य च तप्तस्य कर्मणः सुकृतस्य  
 च ॥ पष्टं भजति भागं तु प्रजा धर्मेण पालयन् ॥ १७ ॥ पद्मभाग  
 स्य च भोक्तासौ रक्षते न प्रजाः कथम् ॥ सत्त्वं पुरुषशार्दूल मार्गस्य  
 विषयं स्वकम् ॥ १८ ॥ दुष्कृतं यत्र पश्येथास्तत्र यत्नं समाचर ॥  
 चेद्धर्मवृद्धिश्च नृणां चायुर्विवर्धनम् ॥ भविष्यति नरश्रेष्ठ बालस्यास्तु  
 च जीवितम् ॥ १९ ॥

पुनः ॥ अन्यत्रापि ॥ ब्राह्मे ॥

ये च भागवताः शुद्धास्ते नृनं मम मूर्तयः ॥ तान्विप्रान्ये न  
 मस्यन्ति ते मामेव नमन्ति वै ॥ २० ॥ शुद्धा भागवताः पूज्या  
 द्रष्टव्याः सर्वदा नृभिः ॥ विशेषेण कलौ ब्रह्मन्दिजरूपो ह्यवस्थितः ॥ २१ ॥

विष्णुपुराणं ।

वर्णाश्रमाचारवता पुरुषेण परः पुमान् ॥

विष्णुराराध्यते पंथा नान्यत्तत्तोपकारकम् ॥ २२ ॥

वासिष्ठसंहितायाम् ।

ज्ञानिनोऽज्ञानिनो वापि यावद्देहस्य धारणम् ॥

तावद्दर्णाश्रमप्रोक्तं कर्तव्यं कर्म मुक्तये ॥ २३ ॥

मनुस्मृती ।

न तिष्ठति तु यः पूर्वा नोपास्ते यस्तु पश्चिमान् ॥

न शूद्रवद्ब्रह्मिकार्यः सर्वस्माद्भिज्जकर्मणः ॥ २४ ॥

लक्ष्मीतंत्रे ।

सर्वलक्षणसंयुक्तो ब्राह्मणो वेदपारगः ॥ पट्कर्मनिरतः शांतः पंच-  
कालरतः शुचिः ॥ २५ ॥ न स्थूलो न कृशो ह्रस्वो न काणो नैव  
रोगवान् ॥ नांधो न वधिरो मूढो न खल्वाटो न पंगुकः ॥ २६ ॥ न  
हीनांगोतिरिक्तांगो न श्वित्री न च दांभिकः ॥ क्रोधनो नैव दुष्कर्मा  
लोभोपहतचेतनः ॥ २७ ॥ अकुलीनं दुराचारं शठं जिह्मं च वर्ज-  
येत् ॥ दयादमशमोपेतं दृढभक्तिं क्रियापरम् ॥ २८ ॥ कुर्याल्लक्षण-  
सम्पन्नमाचार्यं चारुहासिनम् ॥ एवं गुणगणाकीर्णं गुरुं विद्यात्तु वैष्ण-  
वम् ॥ २९ ॥ उपनीय तु यः शिष्यं वेदमध्यापयेद्विजः ॥ सकल्पं  
सरहस्यं च तमाचार्यं प्रचक्षते ॥ ३० ॥ पाराशरस्मृतौ ॥ दुःशी-  
लोपि द्विजः पूज्यो न तु शूद्रो जितेंद्रियः ॥ कः परित्यज्य गां दुष्टां  
दुहेच्छीलवतीं खरीम् ॥ ३१ ॥ महाभारते ॥ श्वचर्मणि यथा क्षीरमपेयं  
ब्राह्मणादिभिः ॥ तद्रच्छूद्रमुखाद्वाक्यं न श्रोतव्यं कथंचन ॥ ३२ ॥  
पंडितस्यापि शूद्रस्य शास्त्रज्ञानरतस्य च ॥ वचनं तस्य न श्राव्यं  
शुनोच्छिष्टं हविर्यथा ॥ ३३ ॥ कर्मसिधौ ॥ भविष्यन्ति नरा मूढाः  
कलौ धर्मच्युतास्तथा ॥ अमर्यादां करिष्यन्ति प्रमादाद्विष्णुमंदिरे ॥  
॥ ३४ ॥ अज्ञानाद्वा प्रमादाद्वा अमर्यादां करोति यः ॥ इह लोके  
भवेद्भ्रष्टः परलोके विनश्यति ॥ ३५ ॥ विष्णुस्थानेषु कुर्वति अमर्या-  
दां च ये नराः ॥ नो बुधाः न च धर्मिष्ठाः न भक्ता न च वैष्णवाः ॥  
॥ ३६ ॥ आचारहीना ये कार्या भवन्ति विष्णुमंदिरे ॥ तस्यापराधा-  
न्नुपश्यन्ति धर्माः स्थानाधिकारिणः ॥ ३७ ॥ तस्मात्सर्वप्रयत्नेन सर्वा-  
चारसमन्विताः ॥ सर्वे कार्याणि कुर्वन्ति साचारैर्विष्णुमंदिरे ॥ ३८ ॥  
पूर्वाचार्यकृतां शुद्धां मर्यादां यो समाचरेत् ॥ तस्य सर्वमुखं भूया-  
त्सदा विष्णुः प्रसीदति ॥ ३९ ॥ विष्णुस्थाननिर्णयः ॥ स्वयंव्यक्ति-  
स्तु या मूर्तिर्वेदमंत्रात्प्रतिष्ठिता ॥ भवेद्यत्र हि तत्स्थानं विष्णुस्थानं  
निगद्यते ॥ ४० ॥ विष्णुस्थाने योग्यायोग्यनिर्णयः ॥ पाकपाकाधि-  
काराय पूजनाय महत्पदे ॥ विष्णुस्थानेषु तिष्ठेयुर्वैष्णवा द्विजजातयः ॥  
॥ ४१ ॥ द्विजवैष्णवनिर्णयः ॥ पंच द्वाविडगोडाश्च ब्राह्मणा दश

ज्ञातयः ॥ तेषां मध्येपि भूयासुर्वेण्णवा द्विजवेण्णवाः ॥ ४२ ॥ वेण्ण-  
 वपरत्वे कार्यनिर्णयः ॥ अन्ये तु वेण्णवाः सर्वे सर्वकार्याधिकारिणः ॥  
 चत्वारि नहि कार्याणि योग्यानि विष्णुमंदिरे ॥ ४३ ॥ विष्णुस्थाना-  
 तिरिक्ता हि वेण्णवाः सर्वज्ञातयः ॥ सर्वेष्वप्युचितं पाकं पूजनं विष्णु-  
 हेतवे ॥ ४४ ॥ पंचसंस्कारसंयुक्ता वेण्णवाः सर्वज्ञातयः ॥ पूजनी-  
 याश्च ते सर्वे स्थानमर्यादसंयुताः ॥ ४५ ॥ स्पर्शनिर्णयः ॥ स्पर्श-  
 स्पर्शं न चिंतयुर्विष्णवर्चायां हि ये नराः ॥ ते च्युताः सर्वधर्मभ्यो  
 नरके यांति रौरवे ॥ ४६ ॥ वेदसंस्कारसंयुक्ता विष्णुमूर्तिः प्रतिष्ठिता ॥  
 नैवान्यस्पर्शनीया सा विनापि द्विजवेण्णवम् ॥ ४७ ॥ द्युत्तरे  
 ताम्रपर्ण्याश्च पुरुषोत्तमपुरीष्वपि ॥ स्पर्शनेपि च पाकाच्च स्पर्शदोषो न  
 विद्यते ॥ ४८ ॥ पाकनिर्णयः ॥ विष्णुस्थानेषु यो मूढो विनापि  
 द्विजवेण्णवम् ॥ कुर्यात्पाकार्चनं विष्णुर्नो गृह्णाति कदाचन ॥ ४९ ॥  
 स्वयं व्यक्तां तथा मूर्तिं वेदसंस्कारसंयुताम् ॥ नार्पयेदन्यकृत्पाकं  
 विनापि द्विजवेण्णवम् ॥ ५० ॥ द्विजवेण्णवकृत्पाकमार्पितं हि हरेस्त-  
 दा ॥ पाकार्चा तत्कृता नूनं विष्णुस्थाने सदोचिता ॥ ५१ ॥

विष्णु पुराणे ।

सर्वे ब्रह्म वदिष्यन्ति संप्राप्ते तु कलौ युगे ॥ नानुतिष्ठन्ति मैत्रेय शिशो  
 दरपरायणाः ॥ ५२ ॥ यदा यदा सतां हानिर्वेदमार्गानुवर्तिनाम् ॥ तदा  
 तदा कलेर्वृद्धिरनुमेया विचक्षणैः ॥ ५३ ॥ वसिष्ठस्मृतौ ॥ श्रुतिस्मृ-  
 त्युदितं धर्ममकृत्वा यश्चरेन्नरः ॥ विकर्मस्थः स विज्ञेयः सर्वकर्मविग-  
 हितः ॥ ५४ ॥ यो वेदार्थं गर्हयति धर्माधर्मं न विदति ॥ न बुध्यते पा-  
 लोकं स नास्तिक उदाहृतः ॥ ५५ ॥ उक्तधर्मं परित्यज्य यो  
 प्रवर्तते ॥ पतितः स तु विज्ञेयः सर्वधर्मबहिष्कृतः ॥ ५६ ॥ महाभारते ॥  
 श्रुतिः स्मृतिर्मैवाज्ञा यस्तामुलंघ्य वर्तते ॥ आज्ञाछेदी मम द्रोही  
 मद्भक्तोपि न वैष्णवः ॥ ५७ ॥ श्रुतिस्मृती उभे नेत्रे ब्राह्मणानां प्रकी-  
 र्तिते । एकेन विकलः काणो द्वाभ्यामंधस्तथैव च ॥ ५८ ॥ इत्यादि ॥

दोहा—यातें हौं जानौं अबै, करत सूद तप कोय ।

ताहिदंड दीने तुरत, द्विजसुत जीवित होय ॥ ३० ॥

०-मुनि नारदहि राम शिरनाई ❀ वेगि कही लछमनाहिं बुझाई ॥  
 देज सुत मृतकहि जतन समेता ❀ राखौ सवहि भाँति सह चेता ३१ ॥  
 गोकहि पुनि किय पुष्पक ध्याना ❀ आयो अतिहि उताल विमाना ॥  
 राजि सव साज वैठि द्रुत रामा ❀ कियो पयान लखे बहु ठामा ३२ ॥  
 पश्चिम उत्तर पूरव देखी ❀ दक्षिण दिशा जाय चहुँ पेखी ॥  
 एक तडाग तहँ विशद निहारा ❀ सैवल गिरि अरु विंध्य मँझारा ३३ ॥  
 तहाँ अधोमुख इक नर झूलो ❀ करहि तपस्या आनँद फूलो ॥  
 ताहि जाय बूझो रघुराजा ❀ कोतू तप साधे किहि काजा ३४ ॥  
 मुनि सो कही शूद्र मम जाती ❀ देव होन हित यह तप थाती ॥  
 है शंबूक नाम मम नाथा ❀ हौं नहिं भापों वचन अकाथा ३५ ॥  
 सुनतहि राम खड्ग खरधारा ❀ अति उताल तिहि कंठ प्रहारा ॥  
 तापस प्राण गयो प्रभु हाथा ❀ दुरित दूर है भयो सनाथा ३६ ॥  
 तापस शूद्र भयो वध जबहीं ❀ बालक विप्र जियो सो तबहीं ॥  
 सो लखि जन समस्त हुलसाये ❀ मात पिता आनंद अघाये ३७ ॥  
 तत तिहि वध लखि सव सुर हरपे ❀ अस्तुति करत सुमन वर वरपे ॥  
 ताछिन मुदित कही सुरराजा ❀ निज रुचिवर याँचौ रघुराजा ३८ ॥  
 तव रघुवर बोले सुरराई ❀ दीजे सो द्विज पुत्र जिवाई ॥  
 इंद्र कही इहि मरतहि वीरा ❀ जियो सुवाल मिटी सद पीरा ३९ ॥  
 मुनि हुलसाय सुरन शिरनाई ❀ पुनि बैठे पुष्पक रघुराई ॥  
 आय अगस्त्य मुनिहि श्रीरामा ❀ गहिसप्रेम पद कीन प्रणामा ४० ॥  
 ऋषि रघुवर कर आदर कीना ❀ भूषण इक अमोल वर दीना ॥  
 तव करजोरि मुनिहि शिरनाई ❀ मधुर वचन बोले हुलसाई ४१ ॥

दोहा—क्षत्रिन काहू दानको, लेवो उचित न आय ॥

अरु द्विज धनतौ कैसहू, ग्रहण अयोग कहाय ॥ ४२ ॥

सो हम क्षत्रिय बहुरि नृप, प्रभु मुनिवर द्विजराय ॥

उचित कहा करतव्य है, दीजे नाथ रजाय ॥ ४३ ॥

तव अगस्त्य ऋषि रामको, बहु विधि कियो बखान ॥

नीति धर्म संयुत बहुरि, बोले सत्य प्रमाण ॥ ४४ ॥



देव गुरु नृप पितर द्विज, साधु प्रजा सह तोष ॥॥

सादर देवे वस्तु कछु, लिये न काहू दोष ॥ ४५ ॥

चौ०—मुनि आज्ञा सुनिके रघुराई ॥ लिय कर भूषण शीश चढ़ाई ॥  
 पुनि तिहि भूषण कथा विशाला ॥ ऋषिवर कही सुनी खुलाला ॥४६॥  
 तिहि निशि मुनि आश्रम वसिरामा ॥ प्रात चले करि दंडप्रणामा ॥  
 पुष्पक बैठि अयोध्या आई ॥ उतरि विमानहि दई रजाई ॥४७॥  
 द्वारपालते खबर जनाई ॥ आये भरत लपणदुहु भाई ॥  
 करि प्रणाम रामहि करं धारी ॥ गये भवन जन आनंद करी ॥४८॥  
 द्विज अशीश दै प्रमुदित भारी ॥ गयो सदन संयुत सुत नारी ॥  
 राम सुयश वर्णत सब कोई ॥ तिहुँ लोक नित आनंद होई ॥४९॥

दोहा—दान मान वर न्याय नित, करत राम नृप काज ॥

पालत प्रजहि सुधर्म युत, प्रमुदित सकल समाज ॥ ५० ॥

राजमूय आदिक विविध, मख कीने श्रीराम ॥

अमित दान दीने सविधि, धेनु धाम धन ग्राम ॥ ५१ ॥

प्र० ॥ वा० ॥ युद्धकांडे सर्ग १३० श्लोक ॥

पौंडरीकाश्वमेधाभ्यां वाजिमेधेन चासकृत् ॥

अन्यैश्च विविधैर्यज्ञैर्यजत्पार्थिवात्मजः ॥ ५२ ॥

इति श्री रा० र० अ० वि० द्विजपुत्रसंजीवन-

वर्णनो नाम नवमो विभागः ॥ ९ ॥

दोहा—श्रीरघुवर गुण गण विमल, सुर मुनि करत बखान ॥

कहत सबै को राम सम, है त्रिलोक बलवान ॥ १ ॥

जो दशमुख निज बाहुबल, जीति लये सब लोक ॥

ताहि मारि रघुवीर प्रभु, कीने सकल विसोक ॥ २ ॥

सो अस्तुति मुनि राम सों, कही सिया मुसकयाय ॥

देखहु सब लघु बातको, वर्णत किती वढाय ॥ ३ ॥

तव रघुवर मन मापिकै, बोले वैन उताल ॥

किमि लघुबात जु बध कियो, महा प्रबल दशभाल ॥ ४ ॥

चौ०—सो सुनि भापी जनकदुलारी ❀ कहाहुतो रावण बल भारी॥  
 लघु निश्वर ताको प्रभु मारा ❀ यामहँ कौन वीर गुण सारा ॥५॥  
 मिथिला माहि सुनी हों ख्याता ❀ गौतमऋषि वरणी वर ज्ञाता ॥  
 त्रैरावण इक लंक रहाही ❀ दूजो सो पाताल बसाही ॥६॥  
 त्रितिय महारावण जिहि नामा ❀ जाके सहस शीश अभिरामा ॥  
 रहैसु पुष्कर द्वीप मझारा ❀ दशमुख सम तिहि दास अपारा ७॥  
 सुनतहि राम क्रोध उरलाई ❀ दर्ई सपदि मंत्रीन रजाई ॥  
 सकल सैन चतुरंग सजावो ❀ अरु चहुँ दिशिके भूप बुलावो ॥८॥  
 पुष्कर द्वीपहि वेगि सिधारैं ❀ सुभट महा रावण तिहि मारैं ॥  
 सुनि मंत्री हृत पत्र पठाये ❀ सदल भूप बहु अवधहि आये ॥९॥

दोहा—तव रघुवर ध्यायो सपदि, आयो पुष्पक यान ॥

बंधु सैन युत बैठि तिहि, कीनो सुदिन पयान ॥ १० ॥

राम संग सुग्रीव अरु, जाम्बवंत लंकेश ॥

अपर भूप निज निज विपुल, साजे सैन सुदश ॥ ११ ॥

अंगद हनुमत नील नल, आदिक वीर अपार ॥

यह दल ताहूते अधिक, रहो जु लंक मझार ॥ १२ ॥

चौ०—पुष्करद्वीपहि जाय उताला ❀ परो घेरि चहुँ कटक विशाला॥  
 रावण सुनी सदल रघुनाथा ❀ आये युद्ध करन मम साथी ॥१३॥  
 सहज विहंसि सो बैन उचारे ❀ करें समर कह राम विचारे ॥  
 हों तिनहित क्यों सैन सजाऊँ ❀ एक बाण ते सवहि भजाऊँ ॥१४॥  
 यों कहि सहज बाण धनु लीनो ❀ चलो महारावण मद भीनो ॥  
 आप एकदल सन्मुख आवा ❀ तिहि लखि राम कटक किय धावा १५॥  
 तब महारावण धनुताना ❀ छाँडो सहज एक वर वाना ॥  
 तिहि शर जनित प्रचंड समीरा ❀ लागि उडे सब प्रभु दल वीरा १६॥  
 उड़े सबंधु सदल श्रीरामा ❀ परे आय कांशलपुर धामा ॥  
 जाम्बवंत अंगद कपिराई ❀ गिरे सुभट किंकिचा जाई ॥१७॥  
 परे लंकपति लंक मझारी ❀ संयत सकल निशाचर धारी ॥  
 सैन समेत अपर नृप जेतै ❀ निज निज टाम गिरे सब तेने १८॥

दोवई छंद ।

शोणित बिंदु परै भूतल मधि असुर अंगते जेते ॥  
होयँ महारावण तिन कणते प्रगटते तत्क्षण तेते ॥  
गति विलोकि यह महा कालिका निज रसना विस्तारी ॥  
झंपित करी वेगि ताही ते सो रण धरणीसारी ॥ ४२ ॥  
तब तिहि तनुते रक्तबिंदु जो गिरैं सकल सो चाटैं ॥  
गहि कर खड्ग महारावणके शीश भूरि ते काटैं ॥  
महा कालिका शक्तिन संयुत इमि ताको संहारा ॥  
असुर मरन लखि सुर हरपाये किये सु जैजकार ॥ ४३ ॥  
वरपि सुमन दुंदुभी बजाई अस्तुति करी कदंबा ॥  
सो सुनि क्रोध त्यागि शक्तिन युत गुप्त भई जगदंबा ॥  
सिय ह्वै प्रगट राम ढिग धाई लखे निपट बेहाला ॥  
ताही छिन विधि शंभु इन्द्र तहँ आये अतिहि उताला ॥ ४४ ॥  
दोहा—तब विरंचि प्रभु अंगपर, प्रमुदित फेरो हाथ ॥  
विनय करी बहु चेतलाहि, हरपि उठे रघुनाथ ॥ ४५ ॥  
सिय महिमा सुन राजसुत, लहो परम आनंद ॥  
दुहुँ अस्तुति करिकै मुदित, गये सकल सुरवृन्द ॥ ४६ ॥  
रघुवर सिय हनुमंत युत, वैठि सुपुष्पक यान ॥  
आये कौशलनगर मधि, कोनो विदा विमान ॥ ४७ ॥  
राम सिया आगमन सुनि, धाये तीनहु बन्धु ॥  
आय परे पग प्रेम भरि, उमगाये सुखसिंधु ॥ ४८ ॥  
पुर परिजन सिय राम लखि, भये परम आनंद ॥  
घर घर भये वधावने, कहैं जैति रघुचंद ॥ ४९ ॥  
भयो महा रावण निधन, शोर छयो तिहुँ लोक ॥  
सिय प्रभाव वर्णत सबै, मिटो सकल दुख शोक ॥ ५० ॥  
सीताराम अनंद युत, राजत अवध मझार ॥  
सुर सुनि नर यश गावहाँ, होत सु जे जैकार ॥ ५१ ॥

इति श्रीरा० २० अ० वि० महारावणवध

वर्णनो नामदशमो विभागः ॥ १० ॥

दोहा-एक समै श्रीरामसों, हनुमत कह कर जोरि ॥  
 भुव मंडल हेरौं चहुँ, है प्रभु यह रुचि मोरि ॥ १ ॥  
 हो रजाय इक दिवसकी, आऊँ निराखि उताल ॥  
 सुनि कपि रुचि आज्ञा दर्ई, पुनि बोले रघुलाल ॥ २ ॥  
 जैयो सबही देशपै, वंग देशके माय ॥  
 है सुंदर इक रतन वन, तहँ न धारियो पाय ॥ ३ ॥  
 सुनि प्रभु सिख शिर नायकै, उछले कपि वरजोर ॥  
 अवलोको द्वे याम मधि, भुव मंडल चहुँ ओर ॥ ४ ॥  
 आये प्राची दिशि तवै, लखि कौशिक अस्थान ॥  
 गये मुनिहि शिरनायकै, बोले कपि हनुमान ॥ ५ ॥  
 मुनिनायक मम स्वामि गुरु, मो हिय शंका भूर ॥  
 कृपा सहित उपदेश करि, कीजे सो भ्रम दूर ॥ ६ ॥  
 विधि विरचित यह सृष्टि मधि, सुख दुख रूप कुरूप ॥  
 किहि गुण औगुण होतहैं, सो वरणिय मुनि भूप ॥ ७ ॥  
 तव सादर कह गाधिसुत, सुनौ वीर हनुमान ॥  
 जीव लहै संसार फल, पूरव कृत्य प्रमाण ॥ ८ ॥  
 प्रथम किये जप योग तप, दान जीव सो आय ॥  
 धन गुण प्रभुता रूप बल, सुख युत जग बिलसाय ॥ ९ ॥  
 जिन कुकर्म कीने तिनै, दुख होवैं दुहुँ ठौर ॥  
 हौं भापों संक्षेप इमि, गुणि लीजो बहु और ॥ १० ॥  
 परवन तिय सुत हरनते, होताभिश्च जु नरक ॥  
 गोद्विज पितृ वध द्रोहते, कालसूत्र संतर्क ॥ ११ ॥  
 दंडा दंडहि देत सो, शूकरमुख मधि जात ॥  
 अंध कृपते पराहि जे, सुरस अकेले खात ॥ १२ ॥  
 गरुड अग्निद चौर ते, सारमेय मधि जायँ ॥  
 दंडसूक पाँव पिसुन, निंदक राख भायँ ॥ १३ ॥  
 चौ०-जे विश्वासघात कहु करदौ ॥ ते जन शूल नरक महँ परदौ ॥  
 मिथ्यावादी बीचहि जादौ ॥ गुरु श्रुति विमुख सुनार रदादौ ॥ १४ ॥

इमि अनेक जे पातक आहीं ॐ तिहि कृत जीव नर्कमधि जाहीं ॥  
भोगि पाप पुनि जग महँ आवि ॐ तिहि प्रमाण सब चिह्न जनार्णव ॥

दोहा—श्याम दंत मद पीलखाँ, वादी खंडित अंग ॥

निंदक हो खल्वाट अरु, परहासक दृढ़ भंग ॥ १६ ॥

मातागामी लिंग विन, कन्यागामी कुए ॥

भगिनीगामी के हृद, होय महा व्रण पुए ॥ १७ ॥

मित्रतियागामी जु सो, रहै भारजाहीन ॥

स्वामिगम्य तिय गमन ते, गंडमाल दुख दीन ॥ १८ ॥

राखै तियन प्रतीतिपै, तिनते करै अवर्म ॥

तासु अंगमें दुखद बहु, रुज होवै गज चर्म ॥ १९ ॥

उच्च जात जो आप ते, तिहि तिय भोग कराय ॥

ताके मस्तकमें सदा, महा रोग सरसाय ॥ २० ॥

आत्मघाती हस्त रुज, मिथ्यावादी मूक ॥

परसुख अनदर्शी हिये, उठै सदाही हूक ॥ २१ ॥

देवनिंद प्रिय बधिर हो, कुब्ज कुटिलता पाय ॥

बट पारी पद रुज रहै, पिशुन श्वास उपजाय ॥ २२ ॥

गर्भघात कारिहि सदा, क्षई जलोदर जान ॥

छर्दि विपद धूर्तहि मृगी, मत्त कृतघ्नी मान ॥ २३ ॥

अग्निदाह कारीहि बहु, होय रक्त अंति सार ॥

शतकृत बाधकके रहै, रुज नित उदर मझार ॥ २४ ॥

शिशुघाती सुतहीन अरु, तियघाती धनहीन ॥

गोद्विज स्वामी घात ते, गालित कुष्ठ तनु छीन ॥ २५ ॥

मृषा पक्षकारी सुतिहि, होवै पक्षाघात ॥

गुदरोगी जल सुर सदन, जे विट मूत्र करात ॥ २६ ॥

इहि विधि चिह्न अनेक ते, नर नारीके अंग ॥

पूरव कृत पातकनके, लखे परै सब ढंग ॥ २७ ॥

प्र० ॥ पञ्च० श्लोक ॥

परावित्तं परापत्यं कलत्रं हरते च यः ॥

तस्य पातं तु तामिस्त्रेकुर्वन्ति यमकिंकराः ॥ १ ॥ इत्यादि ॥  
तत्रैव ।

मातृगामी च पुरुषो जायते लिंगवर्जितः ॥

स्वसुतागमने चैव रक्तकुष्ठं प्रजायते ॥ २ ॥ इत्यादि ।

वौ०—यों कहि भापी गाधिकुमारा ॥ है नहिं पापं पुण्यको पारा ॥  
याते सवहि उचित यह वाता ॥ हरिहि भजे दुहुँलोक सुवाता २८॥  
मुनि मुनि वचन वीर हुलसाने ॥ धन्य धन्य ऋषिवरहि बखाने ॥  
शीशनाय गवने वजरंगा ॥ वश भवितव्य भई मतिभंगा ॥ २९ ॥

दोहा—किय विचार कपि ईश मुहिं, क्यों वरजो तहँ जान ।

चलि हेरौ तौ देश वह, किमि सुरत्न वन थान ॥ ३० ॥

यौं विचारि हनुमत सपदि, जाय लखो सो देश ।

पुनि अवलोको रत्न वन, परम अनूप सुदेश ॥ ३१ ॥

रजत हेम विद्रुम विटप, मणि मुक्ताफल फूल ।

द्विज सजीव बहु रत्न मय, सरित तडाग अतूल ॥ ३२ ॥

तिहि वन चहुँ प्राकारवर, चारु चार दृढ द्वार ।

परम विचित्र विशाल बहु, तासु मध्य आगार ॥ ३३ ॥

तहाँ द्वार रक्षक तिया, एक वृद्ध बलरास ।

तेज पुंज दुर्बल अतिहि, बैठी सहित हुलास ॥ ३४ ॥

ताडिग हनुमत आयकै, कही लखाँ वनजाय ।

सो वरजो तव तिहि निदारि, चले वीर वरियाय ॥ ३५ ॥

तव वह तिय कपि पगंपकारि, गँके भूरि भ्रमाय ।

राम निकट हनुमंत द्रुत, परे अवधमें आय ॥ ३६ ॥

लखि सकुचे कपि प्रभु हँसे, तव हनुमत करजोरि ॥

विनय करी रघुवर क्षमी, आज्ञाभंग सुखोरि ॥ ३७ ॥

निज अपराध क्षमायक, रहे मुदित हनुमंत ॥

राम स्वभाव कृपालुता, यश वर्णत सवसेत ॥ ३८ ॥

इति श्री० रा० र० अ० वि० हनुमत पर्यटन वर्णनो

नाम एकादशो विभागः ॥ ११ ॥

सो०—श्रीरघुवर गुणग्राम, कथा होत तिहुँलोक मधि ॥

सुर नर मुनि वसु याम, यूथ यूथ वर्णत सुनत ॥ १ ॥

चौ०—मुनि अगस्त्य इक समै सुजाना ॥ करतहुते रघुवर यशगाना ॥  
ताछिन ऋषि बोले हुलसाई ॥ करौ कहाँलग रामवडाई ॥ २ ॥

दोहा—लखौ कीश नल लंकमें, किमि कीनो अपराध ॥

अपनायो तिहि करि क्षमा, ऐसे कृपा अगाध ॥ ३ ॥

मुनि बूझी सब चकित है, कहा कियो नलनाथ ॥

तब मुनिवर ऋषि गणनते, वर्णन लगे सुगाथ ॥ ४ ॥

चौ०—कीनी लंक विजै जव रामा ॥ तव वर भूषण वसन ललामा ॥  
तीजे दिवस सवाहि बहु दीने ॥ कीश भालु परितोषित कीने ॥  
तादिन पट भूषण सजि नाना ॥ नल कपि धरि नरतनु बलवाना ॥  
हाट वाट चहुँलंक मझारी ॥ निरखत पुर शोभा सुखकारी ॥  
ताछिन एक निश्वरी बाला ॥ ऋतु मंजन किय युवा रसाला ॥  
मोहित भई नलहि सो हेरी ॥ कीशहु दृष्टि नारि सों भेरी ॥ ५ ॥  
धाय आय सो निश्वर वामा ॥ कपिहि बोलि लैगई स्वधामा ॥  
बहु सन्मान सहित बैठारे ॥ सकुचि विहँसि मृदु वचन उचारे ॥  
कीन आजहौं ऋतु अस्नाना ॥ तुमहि निरखि मोचित्त लुभाना ॥  
लावो हीय न और विचारा ॥ मोमिलि करौ निसंक विहारा ॥  
तासु वचन मुनि कपि हिय सोचा ॥ परतिय गमन कर्म अति पोचा ॥  
बहुरि कीश यह उर ठहराई ॥ उत्तर दीने नाहिं भलाई ॥ १० ॥

दोहा—तिय सपष्ट मुख आपने, जो माँगै रतिदान ॥

हैं समर्थ नहिं देय तौ, तिहि सम दोष न आन ॥ ११ ॥

यौं गुणि भापी कीश तिहि, सुनौ सुंदरी बाल ॥

तुम निश्वरी अनूप हौ, नव योवना रसाल ॥ १२ ॥

पै विशुकर्मा देवके, अंश जनित हम आहिं ॥

सुर निश्वरी विहारमें, पातक दुहूँ लगाहिं ॥ १३ ॥

तव बोली वह निश्वरी, सुनौ एक इतिहास ॥

सत्य प्रमाण बखानहूँ, मानौ दृढ़ विश्वास ॥ १४ ॥





सो०—श्रीरघुवर गुणग्राम, कथा होत तिहुँलोक मधि ॥

सुर नर मुनि वसु ग्राम, यूथ यूथ वर्णत सुनत ॥ १ ॥

चौ०—मुनि अगस्त्य इक समै सुजाना ॥ करतहुते रघुवर यशगाना ॥  
ताछिन ऋषि बोले हुलसाई ॥ करौ कहाँलग रामवडाई ॥ २ ॥

दोहा—लखौ कीश नल लंकमें, किमि कीनो अपराध ॥

अपनायो तिहि करि क्षमा, ऐसे कृपा अगाध ॥ ३ ॥

मुनि बूझी सब चकित है, कहा कियो नलनाथ ॥

तब मुनिवर ऋषि गणनते, वर्णन लगे सुनाथ ॥ ४ ॥

चौ०—कीनी लंक विजै जब रामा ॥ तब वर भूषण वसन ललामा ॥

तीजे दिवस सवाहि बहु दीने ॥ कीश भालु परितोपित कीने ॥

तादिन पट भूषण सजि नाना ॥ नल कपि धरि नरतनु बलवाना ॥

हाट वाट चहुँलंक मझारी ॥ निरखत पुर शोभा सुखकारी ॥

ताछिन एक निश्वरी बाला ॥ ऋतु मंजन किय युवा रसाला ॥

मोहित भई नलहि सो हेरी ॥ कीशहु दृष्टि नारि सों भेरी ॥ ७ ॥

धाय आय सो निश्वर वामा ॥ कपिहि बोलि लैगई स्वधामा ॥

बहु सन्मान सहित बैठारे ॥ सकुचि विहँसि मृदु वचन उचारे ॥

कीन आजहौं ऋतु अस्नाना ॥ तुमहि निरखि मोचित लुभाना ॥

लावो हीय न और विचारा ॥ मोमिलि करौ निसंक विहारा ॥

तासु वचन मुनि कपि हिय सोचा ॥ परतिय गमन कर्म अति पोचा ॥

बहुरि कीश यह उर ठहराई ॥ उत्तर दीने नाहिं भलाई ॥ १० ॥

दोहा—तिय सपष्ट मुख आपने, जो माँगै रतिदान ॥

है समर्थ नहिं देय तौ, तिहि सम दोष न आन ॥ ११ ॥

यौं गुणि भाषी कीश तिहि, सुनौ सुंदरी बाल ॥

तुम निश्वरी अनूप हौ, नव योवना रसाल ॥ १२ ॥

पै विशुकर्मा देवके, अंश जनित हम आहिं ॥

सुर निश्वरी विहारमें, पातक दुहूँ लगाहिं ॥ १३ ॥

तब बोली वह निश्वरी, सुनौ एक इतिहास ॥

सत्य प्रमाण बखानहुँ, मानौ -





पुनि अति अंतरंगिनीजोई ❀ गवनी निकट मंदगति सोई ॥  
दंपति पद सरोज मृदु चापे ❀ मधुरमधुरसुरगीतअलापे ॥  
दोहा—तव दंपति निद्रा विगत, उठि बैठे सानंद ॥

बलिहारी सखि लेत सव, लखि दोऊ मुखचंद ॥ ७ ॥

पुनि दंपति उठि सेजते, सेन सिंगार उतारि ॥

अपर वसन धारे विशद, निज निज कुंज पधारि ॥ ८ ॥

चौ०—यथायोग दंपतिहि अलीगन ❀ निज निज थल सेवें प्रसन्न मन ॥

सकल सौच करि कर पद धोये ❀ वदन प्रछालि नोद सव खोये ॥ ९ ॥

पुनि घन कुंज मधि आवे ❀ सखिन सविधि मंजन करवाये ॥

वर शुचि पीतांबर तनु धारे ❀ कीने देव नित्य कृत सारे ॥ १० ॥

दोहा—होम ध्यान जप यजन वर, दान विधान अपार ॥

यथा उचित कीने सकल, दंपति सहित विचार ॥ ११ ॥

स्वर्णदान गोदान अरु, अन्नदान महिदान ॥

अपर दान बहु सविधि किय, सह श्रद्धा सन्मान ॥ १२ ॥

चौ०—पुनि शृंगार कुंजपग धारे ❀ भूषण वसन सु अंग सँवारे ॥

विविध सुगंध प्रसूनन माला ❀ साजि कियो शृंगार रसाला ॥ १३ ॥

इहि विधि सखिन दुहुँ शृंगारे ❀ पुनि इक सिंहासन बैठारे ॥

शुचि फल मेवा सरस सुहाये ❀ कछुक दंपतिहि अशन कराये ॥ १४ ॥

पुनि सरयू जल पान कराई ❀ कर प्रक्षालि वर विरी पवाई ॥

सजि आरती अलिन दुहुँ कीनी ❀ सविधि चतुर्दश आवृत्ति दीनी ॥ १५ ॥

दोहा—चरणवेद ४ ढंग २ लंकमुख, शशि १ वासर ७ सव अंग ।

इमि चतुर्दशा १४ वृत्ति सो, सविधि आरती ढंग ॥ १६ ॥

प्र० ॥ नामाजी कृत अष्टजामे ।

दोहा—चार आवरत चरण पुनि, कटि युग मुख पर एक ॥

सप्त अवरत सर्व अंग, विधि युत करि सविवेक ॥ २॥ इत्यादि

चौ०—पुनि तहँ ते दंपति पग धारे ❀ संग सखीगण यूथ अपारे ॥

छत्र विजन चामर बहु साजा ❀ लिये यथोचित अली समाजा ॥ १७ ॥

विलग विलग सिविका मधि राजे ❀ निराखि छटा रति मनसिज लाजे ॥

सखियन दुहुँ पालकी उठाई ❀ प्रमुदित निज निज ओर सिधवाई ॥ १८ ॥

चौ०-एवमस्तु तव कही दिनेशा ॐ पुनि वो  
कीनी कृपा यथा दिनराई ॐ तिमि  
दोहा-इमि वर दै ग्रहपति गये, सो आये

दिनईशहि नित ध्यावहीं, मुदित

चौ०-सप्तसहस्र वर्ष अब वीते ॐ ति  
ते कलि मध्य करै महिराजा ॐ इ  
न्याय नीति तत्पर मतिधामा ॐ  
विमुकर्मा सुदेव शुभ अंशी ॐ  
अपर अनेक अनूपम काजा ॐ  
भूरि काल लग राज्य कराहीं  
इहि विधि विपुल कथा मुनि गाई  
मुनि सुर नर ऋषि संत अपारा

इति श्री० रा०

वर्णनो नाम

इति श्रीरसिकविह

चरित्र वर्णन

दोहा-यथा योग व

अष्ट याम म

चौ०-चार दंड निशि

आय द्वार द्विज

बाजै वर नौब

कुंज कुंज अलि

दोहा-है इ

पुनि

ॐ

जे नृप सुत संगी सखा, सेवक बैठे द्वार ॥

सब दिशिकी वर वंदना, अलिगण करी उचार ॥ ३३ ॥

चौ०-ताछिन कौशल्या महरानी ॥ आलिन प्रति भापी मृदुवानी ॥

धुर सरस मेवा पकवाना ॥ लावो साजि थाल वर नाना ॥ ३४ ॥

नि सखिगण अति आतुर जाई ॥ भरि भरि थार सौंज ले आई ॥

व सब सुतन सखान समेता ॥ निज कर परसिमात भरि हेता ॥ ३५ ॥

य पकवान सविधि फल मेवा ॥ मात कराये सबहि कलेवा ॥

गेर प्याय वर विरी खवाई ॥ निज पट मुख पोछो हुलसाई ॥ ३६ ॥

नि जे द्वार सखा सेवकगण ॥ अशन पान तिन पठे मुदित मन ॥

नेज सुत सों सबहीको प्यारा ॥ किय महरानी परम उदारा ॥ ३७ ॥

त कैकयी सुमित्रारानी ॥ अपर भूरि हिय अति सुख मानी ॥

व वधुन आलिन युत तेऊ ॥ करवायो मन मुदित कलेऊ ॥ ३८ ॥

दोहा-सखा बंधु युत राम पुनि, मातनशीश नवाय ॥

चले विपुल जन संग चहुँ, दिवस याम इक आय ॥ ३९ ॥

सभा धाम मधि आयकै, श्रीरघुराज विराज ॥

जुरे विप्र सुर संत मुनि, अपर अनेक समाज ॥ ४० ॥

चौ०-तहां वेद वर शास्त्र पुराना ॥ नीति धर्म इतिहास जु नाना ॥

होत कथा सतसंग अनूपा ॥ कहत सुनत कौशल पुर भूपा ॥ ४१ ॥

इहि विधि दिन आयो द्वे यामा ॥ दीनी सबहि रजायसु रामा ॥

अपर सकल निज धाम सिधारे ॥ रहे संग जे जेवन हारे ॥ ४२ ॥

ताछिन राजसदन ते आई ॥ सेवक वृंद सुविनय सुनाई ॥

सो सुनि गमने राजकुमारा ॥ संग सखा सेवक सरदारा ॥ ४३ ॥

आय सकल शृंगार उतारा ॥ ह्वे सब शुचि पीतांबर धारा ॥

बैठे हेम पीठ रघुराजा ॥ यथायोग सह बंधु समाजा ॥ ४४ ॥

दोहा-कंचनमय मणि जटित वर, पात्र अनूप अपार ॥

अशन पान बहु वस्तु सब, परसी सुमति सुआर ॥ ४५ ॥

चौ०-पंच ग्रास युत भोजन कीना ॥ पुनि सब मुदित आचमन लीना ॥

बहुरि सकल सेवक हरपाई ॥ कियो मुअशन प्रसाद अवाई ॥ ४६ ॥

अंतर मग है जनकदुलारी ❀ रानी वंदन हेत सिधारी ॥  
 जाय सासु ढिग राजकुमारी ❀ पदगहि कीन प्रणाम मुखारी ॥१९॥  
 उत सिय भगिनी विशद सुहाई ❀ रानी सदन सखिन संग आई ॥  
 ते तिहुँ सासु सियहि नमि सोही ❀ सबही मुदित चहुँ मुख जोही ॥२०॥  
 दोहा—राम मातके ढिग जुरीं, रानी अपर अनेक ॥

तिन सबको सादर बधुन, किय प्रणाम सविवेक ॥ २१ ॥  
 चौ०—पुत्र बधुन सब दयो अशीशा ❀ बैठारी सुघ्राण करि शीशा ॥  
 इत रघुवीर कनक गृह द्वारे ❀ अलिंगण संग मुदित पग धारे ॥२२॥  
 तहाँ सखा सेवक बहु राजे ❀ निज निज साज समय सम साजे ॥  
 आवतही उठि सकल प्रवीना ❀ प्रमुदित उचित सुवंदन कीना ॥२३॥  
 यथायोग रघुवर सनमाने ❀ सबही अति आनंद अवाने ॥  
 पुनि सिविकाते राज कुमारा ❀ उतरि भये स्यंदन असवारा ॥२४॥  
 तब अलिंगण मिलि महल सिधारी ❀ सियके निकट गई ते सारी ॥  
 इत रघुवीर समेत समाजा ❀ गमने गुरु पद वंदन काजा ॥ २५ ॥  
 दोहा—नित्य कर्म करि वंधु दुहुँ, अपर सखा सरदार ॥

जुरे आय जन वृंद बहु, रंगभवनके द्वार ॥ २६ ॥  
 तहँ आये रघुवंश मणि, उचित वंदि सब कोय ॥  
 मिलि गमने गुरु गेहको, सहित भक्ति मुद होय ॥ २७ ॥  
 चौ०—आय सबंधु गुरुहि शिरनाये ❀ दिय आशिप वसिष्ठ हुलसाये ॥  
 जुरे सुविपुल विप्रतिहि ठामा ❀ सबहि कीन रघुवीर प्रणामा ॥२८॥  
 पुनि गुरुपत्निहि शीश नवाई ❀ चले राम शुभ आशिप पाई ॥  
 आये मात भवन हुलसाई ❀ संग सकल सज्जन समुदाई ॥२९॥  
 दोहा—बाल सखा अरु वंधु वर, संग लिये रघुराय ॥

अपर द्वार थपि मातु ढिग, गवने विदित कराय ॥ ३० ॥  
 जाय सकल जननीन पद, सादर नायो शीश ॥  
 कंठ लाय शिर घ्राण करि, सबही दयो अशीश ॥ ३१ ॥  
 बैठारे सादर सवै, राम मात हुलसाय ॥  
 कियो प्यार सुत लखनसों, अति उमंग उमगाय ॥ ३२ ॥

जे नृप सुत संगी सखा, सेवक बैठे द्वार ॥

सब दिशिकी वर वंदना, अलिगण करी उचार ॥ ३३ ॥

चौ०—ताछिन कौशल्या महारानी ॥ आलिन प्रति भापी मृदुवानी ॥  
मधुर सरस मेवा पकवाना ॥ लावो साजि थाल वर नाना ॥ ३४ ॥  
सुनि सखिगण अति आतुर जाई ॥ भरि भरि थार सौंज ले आई ॥  
तब सब सुतन सखान समेता ॥ निज कर परसिमात भरि हेता ॥ ३५ ॥  
पय पकवान सविधि फल मेवा ॥ मात कराये सवहि कलेवा ॥  
नीर प्याय वर विरी खवाई ॥ निज पट मुख पोछो हुलसाई ॥ ३६ ॥  
पुनि जे द्वार सखा सेवकगण ॥ अशन पान तिन पठै मुदित मन ॥  
निज सुत सौं सवहोको प्यारा ॥ किय महारानी परम उदारा ॥ ३७ ॥  
उत कैकयी सुमित्रारानी ॥ अपर भूरि हिय अति सुख मानी ॥  
पुत्र वधुन आलिन युत तेऊ ॥ करवायो मन मुदित कलेऊ ॥ ३८ ॥

दोहा—सखा वंधु युत राम पुनि, मातनशीश नवाय ॥

चले विपुल जन संग चहुँ, दिवस याम इक आय ॥ ३९ ॥

सभा धाम मधि आयकै, श्रीरघुराज विराज ॥

जुड़े विप्र सुर संत मुनि, अपर अनेक समाज ॥ ४० ॥

चौ०—तहां वेद वर शास्त्र पुराना ॥ नीति धर्म इतिहास जु नाना ॥  
होत कथा सतसंग अनूपा ॥ कहत सुनत कौशल पुर भूपा ॥ ४१ ॥  
इहि विधि दिन आयो द्वे यामा ॥ दीनी सवहि रजायसु रामा ॥  
अपर सकल निज धाम सिधारे ॥ रहे संग जे जेवन हारे ॥ ४२ ॥  
ताछिन राजसदन ते आई ॥ सेवक वृंद सुविनय मुनाई ॥  
सो सुनि गमने राजकुमारा ॥ संग सखा सेवक सरदारा ॥ ४३ ॥  
आय सकल शृंगार उतारा ॥ ह्वे सब शुचि पीतांबर धारा ॥  
बैठे हेम पीठ रघुराजा ॥ यथायोग सह वंधु समाजा ॥ ४४ ॥

दोहा—कंचनमय मणि जटित वर, पात्र अनूप अपार ॥

अशन पान बहु वस्तु सब, परसो सुमति सुआर ॥ ४५ ॥

चौ०—पंच ग्रास युत भोजन कीना ॥ पुनि सब मुदित आचमन लीना ॥  
बहुरि सकल सेवक दरपाई ॥ कियो सुअशन प्रसाद अवाइ ॥ ४६ ॥



यौहीं तिहुँ भगिनी युत हेता ❀ अपर नारि वर सखिन समेता ॥  
 राम भामिनी भोजन कीना ❀ दासी जन प्रसाद सब लीना ॥४७॥  
 पुनि सब सासुन शीशनवाई ❀ निज निज भवन बधू मुद आई ॥  
 उत रघुवीर रजायसुपाई ❀ गवने बंधु सखा समुदाई ॥४८॥  
 सैन कुंज मधि जाय सुरामा ❀ कीनो द्वै घटिका विश्रामा ॥  
 पुनि उठि सजि शृंगार अनूपा ❀ आये सभा अवध पुर भूपा ॥४९॥  
 रत्न सिंहासन मध्य विराजे ❀ सेवक सखा सचिव जन भ्राजे ॥  
 राज काज अधिकारी जेते ❀ आये सभा समै लखि तेते ॥५०॥  
 मंत्र निदेश न्याय नृप काजा ❀ यथायोग किय सब रघुराजा ॥  
 वासर रहो दंड युग जवहा ❀ उठे सभा ते रघुवर तबहीं ॥५१॥  
 प्रमुदित रंगभवन मधि आये ❀ मुख प्रक्षालि शृंगार सजाये ॥  
 बंधु सखा सेवक हित संगी ❀ तहाँ जुरे सब जन बहु रंगी ॥५२॥  
 वाहन विविध वाजि गज स्यंदन ❀ शिविका अरु विमान वर वृंदन ॥  
 पदचर वीर शस्त्र धर भूरी ❀ बहु चतुरंग सैन अति हुरी ॥५३॥  
 छत्र चमर व्यजनादिक साजा ❀ लिये यथोचित सुजन समाजा ॥  
 वाद्यकार गायननतंक गन ❀ वेतपाणि रक्षक वंदीजन ॥५४॥  
 भूषण वसन वित्त बहु लीने ❀ कोशप मुख निरखे दृगदीने ॥  
 इमि सब गज साज वर साथी ❀ सहसमाज गवने रघुनाथी ॥५५॥  
 यथायोग वाहन सब राजे ❀ रघुवर शत्रुंजय पर भ्राजे ॥  
 मंद मंद विचग्न पुरमाहीं ❀ चले राम जन दरश कराहीं ॥५६॥  
 नगनिवासी अचित जुहारें ❀ मान सहित रघुवीर निहारें ॥  
 कर उठाय सबही सनमानें ❀ नमैं ताहि जिहि भूमुर जानें ॥५७॥  
 वसन विभूषन वित्त अपाग ❀ कोशप वरपन गज अमवारा ॥  
 इति विविध मंथ्या लग रघुवीर ❀ पुर निगमनगे मग्यतीर ॥५८॥  
 गये गये जन संयुत प्रेमा ❀ मंथ्या वंदन कियो मनमा ॥  
 पुनि गयी विविधदिव मनमाना ❀ आये मानसदन रघुगजा ॥५९॥

जननी पद गहि वंदन कीने ❀ सोलखि सुतहि अंक भरि लीने ॥  
 कंचन जटित पीठ वैठारी ❀ करि आरती लई वलिहारी ६० ॥  
 पुनि कछु पय भेवा पकवाना ❀ अशन कराय दये मुख पाना ॥  
 सखा बंधु युत रामहि माता । कियो प्यार इमि प्रफुलित गाता ६१

दोहा—पुनि जननिहि शिरनायके, गवने सहित समाज ॥

रंगभवन आये मुदित, कौशलपति रघुराज ॥ ६२ ॥

दई रजायसु अपर बहु, गमने निज निज ठाम ॥

सखा बंधु सेवक उचित, रहे निकट अभिराम ॥ ६३ ॥

मणिनजटित वरमंच मधि, सोभित श्रीरघुराय ॥

राजे सादर उचित बहु, बंधु सखा समुदाय ॥ ६४ ॥

नृत्य गान वर वाद्य बहु, कौतुक हास विलास ॥

भयेरेनि इक याम लों, रंग सदन विचखास ॥ ६५ ॥

पुनि उठि बंधु सखान युत, बोलि संग सरदार ॥

राजमहल आये मुदित, दशरथ राजकुमार ॥ ६६ ॥

मिलि बैठे संग अपर सब, भोजन कीन अघाय ॥

रंच रंचही ग्रास लिय, बंधु सहित रघुराय ॥ ६७ ॥

चौ०—यों सब मिलि तहँ भोजन कीना । सेवक वृंद प्रसाद सुलीना ॥

दई रजाय तवहि श्रीरामा । गये अपर जन निज निज धामा ६८

बंधु सखा सेवक अति प्यारे ❀ तिन युत कनकभवन पगधारे ॥

द्वार आय दिय सवहि रजाई ❀ निज निज सदन गये शिरनाई ६९

साज सहित प्रथमहि सखि वृंदा ❀ खरीं तहाँ लखि समय अनंदा ॥

तिन संग अंतर महल पधारे ❀ मुदित उठौं सिय पीय निहारे ७०

कर गहि सिंहासन पधराये ❀ राजकुंवर लखि आनंद छाये ॥

सादर मधुर वचन कहि प्यारी ❀ वाम भाग निज ढिग वैठारी ७१

ताछिनसाँज साजि सखि आई ❀ करी आरती हिय हुलसाई ॥

पुनि दंपति शृंगार उतारे ❀ रौने साज वर अपर सुवारे ७२ ॥

दुहुँ रुचिमय दुहुँ कियो शृंगारा ❀ साजि परस्पर करि करि प्यारा ॥

अंगराग शुचि वसन विभूषण ❀ सुमन सुगंध धारि प्रमुदित मन ७३



मणि दीपक बहु भवन चहुँ, छायो परम प्रकाश ॥  
 तासु छटाहै अकथ जो, रहसि विलास अवास ॥ ८७ ॥  
 अष्टयाम सिय राम इमि, करत रीति युत काज ॥  
 नीत प्रीत मर्याद लखि, प्रमुदित सकल समाज ॥ ८८ ॥  
 अष्टयाम प्रति रीति जिमि, करत काज श्रीराम ॥  
 तिहुँ बन्धुन तिमि निज उचित, रहत सदा मंतिधाम ॥ ८९ ॥

इति श्री० रा० र० विहारविधाने अष्टयामरीति-

वर्णनो नाम प्रथमो विभागः ॥ १ ॥

दोहा-अवध नगर आनंद अति, नित नव होत उछाह ॥

ब्रह्मादिक वर विविध बहु, आवत दरश उमाह ॥ १ ॥

पवंगम छंद

देश देशके भूप अवध पुर आवहीं । सब रघुवर नृपनीतिहेरि  
 हुलसावहीं । अखिल प्रजा गुणवंत आप चहुँ ओरके ॥ दरश करैं  
 सानंदित राजकिशोरके ॥ २ ॥ यथायोग सनमान दान अधिकायकै  
 सवहि देत सुख राम सुआश पुजायकै । कोऊ वर महिपाल समय  
 लखि रामको ॥ युत समाज लेजाहि मुदित निज धामको ॥ ३ ॥  
 कवहुँ मिथिलानाथ सप्रेम बुलावहीं ॥ लक्ष्मीनिधि चहुँ भगिनि  
 आय लै जावहीं । भरत लपण रिपुदमन जाय तिन लावहीं । कवहुँ  
 नेहवश रामहि आप सिधावहीं ॥ ४ ॥ मिथिला अवध समाज  
 जय इक ठारहो । ताछिनको आनंद अकथ कह्यु ओरहो ॥ राम  
 सियाकी वर्ष ग्रंथि प्रति वर्षके ॥ को वरणे किमि सो जिमि होय  
 सहर्षके ॥ ५ ॥ जनक नगरते विविध वस्तु वर आवहीं ॥ नृपगनी  
 जन विपुल सप्रेम पठावहीं । इहि विधि बहु व्यवहार लोक कुलगति  
 के ॥ सब राखत गुर्वार सहित नृप नीतिके ॥ ६ ॥ अगणिन  
 उत्सव होत यथोचित मोदमें । हुलसावैं नर नारि समस्त विनोदमें ॥  
 सकल तिया सानंद सदा गनिबानमें ॥ छकी गई नित उचित  
 उछाह हुलानमें ॥ ७ ॥

दोहरे छंद ।

कवहूँ सखा बन्धु सेवक युत ऋतुवसंत खुराई ॥  
 प्रमुदित जाय लखें वन वागन बहु वर साज सजाई ॥  
 अशन पान अरु नित्य गान तहँ मृगया हास विलासा ॥  
 होतरह मर्याद मोद मय सहित सखी रनिवासा ॥ ८ ॥  
 ग्रीष्म ऋतु कवहूँ जल विहरें सखन सहित रघुवीरा ॥  
 कवहूँ रहसि सरयूमंधि सिय युत रमैं सखिनकी भीरा ॥  
 कवहूँ सुमन कुंजमहें राजें कहुं उशीर गृहमाहीं ॥  
 दशम्य सुत अरु जनकनंदिनी इमि सानंद विलसाहीं ॥ ९ ॥  
 दोहा—प्रति ऋतु अति अनुपम अवध, शोभा बढ़त अपार ॥  
 पेपावस ऋतुमें छटा, और बहु सुखसार ॥ १० ॥  
 परमगम्य सुरसदन वे, जिनते सुखद न आन ॥  
 निनते उत्तम अवधमें, लघु सेवक गृहजान ॥ ११ ॥  
 जहाँ मिया रघुवीर नित, रहत अवध पुर सोय ॥  
 निहि समान निहूँ लोकमें, दूजो थलनिमि होय ॥ १२ ॥

हांगी० छंद ।

मुंदर विगजै भूमि चिता मणि जटिन छवि छावहो ॥  
 तहँ राजमहल ललामकी सोभा अनुल सरसावहो ॥  
 नहूँ ओर कंचन गनिन गनिन अमोह बहु माणिक लगे ॥  
 नहँ सिंघि लीलाहे सुभग निवाम नरगंगनंगे ॥ १३ ॥  
 नहूँ जाल गंध विशाल सुभग कपाट सोभिन अवि भले ॥  
 मनि नील अरुण अनूपगज गंध शालाल शालमले ॥  
 मुंदर पौदेसा गान्ध मुक्तामाल्यें झमन रनी ॥  
 विज नील नील मुंग पीत अनेक विवि मरंजमनी ॥ १४ ॥

हांगी० छंद ।

नहूँ नहूँ मुंते नहूँ नहूँ निज निज मनय सुभावे ॥  
 नहूँ नहूँ नहूँ नहूँ नहूँ नहूँ नहूँ नहूँ नहूँ नहूँ ॥

पुनि तीनहुँ भैया मोद भैया सुख युत करत कलोलैं ॥  
 रघुवर रुचि लीने रहत प्रवीने संग सखनकी गोलैं ॥ १५ ॥  
 रघुनंदन संगी सखा सुढंगी निज निज महलन राजैं ॥  
 जिनकी प्रभुताई वराणि न जाई लखि धनेश मन लाजैं ॥  
 सब भाँति सुपासा भोग विलासा करत दास अरु दासी ॥  
 मिथिला पुरवासी अवधनिवासी सकल सुकृतकी रासी ॥ १६ ॥

भुजंगी छंद ।

छटा औधकी को सकै गायकै । सिया राम राजैं भले भायकै ॥  
 सदाही प्रभामंत सो धाम है । पुरी सातमें मुख्य जो नामहै ॥ १७ ॥  
 कहूँ गेह सो हैं घने रंगके । सुचित्राम राजैं भले अंगके ॥  
 कहूँ हाट बाटे सुगंधें सिची । कहूँ चांदनी है चहुँघाखिची ॥ १८ ॥  
 कहूँ फूल डाली धरी हैं घनी । सुधासी कहूँ वस्तुकेती वनी ॥  
 मिली झुंड गावैं सुनै नीकहू । कहूँ कौतुकी खेलठाने चहुँ ॥ १९ ॥  
 कहूँ मल्ल जोरी भिरंजंगसे । कहूँ वाल खेलैं घने रंगसे ॥  
 कहूँ लेततानैं सुरावर्त की ॥ कहूँ नृत्य ठानैं भले नर्तकी ॥ २० ॥  
 कहूँ विप्र उच्चारहीं वेदकी । हरं वेगि कामादिके खेदकी ॥  
 कहूँ छल डोलैं भरे मोदमें । कहूँ वाललीने तिया गोदमें ॥ २१ ॥  
 कहूँ वाम सोहिं पिया संगमें । हिंडोरे सुझूलैं छकी रंगमें ॥  
 भरे मोदमें औधवासीरहैं । सिया लालके सो उपासी रहैं ॥ २२ ॥  
 घने जन्मलों शेष जो गावहीं । प्रभा धामकी पार ना पावहीं ॥  
 कही कौनप जात सोभामहा । विहार स्थली लाड़िलेकी जहां ॥ २३ ॥

दोहा—पुनि सबही ते रुचिर अति, शन सदन निहि ठाम ॥

शिव अगस्त्य आदिक अभिन, कहो जासु गुणग्राम ॥ २४ ॥

पदरी छंद ।

श्रीकनक भवन आनंद रूप । शोभा अभंग अनुलित अनूप ॥  
 तिहि नसावरन विचित्र सोह । जिहि देखि कोटि सुरग्राम मोह ॥ २५ ॥  
 निय रघुनंदनको केलि भान । तिहि की समता कवि कहाइ कान ॥  
 ना महल मध्यसखिगण अनूप । जहँ प्राप्त होत नहिं दुःख रूप ॥ २६ ॥

इकराज कुँवर प्यारे विहाय । तहँ सखी वृन्द सवही लखाय ॥  
 निज निज सेवाकी सौँज साज । सेवै नित दम्पति रसिकराज २७॥  
 सेवै श्रीसियपतिको सदाय । ते धन्य सखी दम्पति सुहाय ॥  
 प्रति कुंज कुंज शोभा अपार । सुखधाम नित्य लीला विहार २८॥  
 कहँ सुभग लसत अस्नान कुंज । सजि अमित वस्तु जहँ अलिन पुंज ॥  
 तहँ मंजन करत जु सीयलाल । बहु भाँति परस्पर होत ख्याल २९॥  
 कहँ सुखद सुभग शृंगार कुंज । जहँ लहि सुगंध बहु मधुप गुंज ॥  
 नव वसन विभूषण अंगराग । साजै अलि दम्पति कीर विभाग ३०॥  
 कहँ भोग कुंज सुंदर अनूप । जहँ अमित वस्तुवर अमृत रूप ॥  
 सखि वृन्द सवै निज सौँजसाज । सेवै नित दंपति रसिकराज ३१ ॥  
 कहँ शैल कुंज शोभा अभंग । जिहि देखि लजै शतरति अनंग ॥  
 जहँ लाल लाडिली सुख समेत । विहरत दोऊ आनंद लेत ॥ ३२ ॥  
 कहँ रास कुंज अतिही ललाम । जहँ लहत मोद सुखधाम श्याम ॥  
 संगीत निपुण तहँ विविधि बाल । निज निज सेवा तत्पर विसाल ३३॥  
 कहँ शरद कुंज अति स्वक्ष चारु । जहँ करत सीय रघुवर विहार ॥  
 तहँ सखी वृंद नितै सुढंग । जिहि रूप देखि लजरति अनंग ॥ ३४॥  
 हेमंत कुंज सुखमा ललाम । जहँ करत विहार जु सीय श्याम ॥  
 बहु केलि साज साजे अभंग । सरसात मोद सुनि राग रंग ॥ ३५ ॥  
 कहँ शिशिर कुंज शोभा लखात । बहु दीप माल दुति जगमगात ॥  
 नव वसन मसाले गृह सुहाय । निरखत ग्रीपम जिहि अति लजाय ३६॥  
 कहँ लसत अनूप वसंत कुंज । जहँ सरस सुहाई अलिन पुंज ॥  
 विलसत पिय प्यारी मुदित हीयारसक्रतुरति सुरपति लजत जीय ३७॥  
 कहँ ग्रीपम कुंज विशाल सोह । लखि जाहि शिशिर हेमंत मोह ॥  
 जहँ सकल सुशीतल विविध साज । राजतपिय प्यारी युत समाज ३८॥  
 कहँ पावस कुंज अनूपराज । जहँ मुदित पीय प्यारी विराज ॥  
 तहँ सदा लखिय प्राविट अभंग । द्रुमवेलि फूल नभ सरस रंग ३९॥  
 कहँ फाग कुंज शोभा अपार । हिंडोल कुंज कहँ अतिसुदार ॥  
 कहँ सखी भवन सोहै अनूप । मुद रसिकविहारी निरखि रूप ४० ॥

सो०—इहि विधि कुंज अपार, कनक भवन मधि राजहीं ॥  
 एक कोश विस्तार, शैन धाम सिय रामको ॥ ४१ ॥  
 पुनि सरयू तट कुंज, वाग वाटिका वन विविध ॥  
 यूथ यूथ अलि पुंज, रहैं यथोचित सकल थल ॥ ४२ ॥  
 श्री सरयू तट धाम, अपर अमित तिय नरनके ॥  
 उचित घाट वर ठाम, परमरम्य शोभित सरित ॥ ४३ ॥

कुंडलिया ।

नीके घाट सुहावहीं, मणि गण जटित विचित्र ॥  
 बहु सोपान अनूप अति, मोहत मनहिं पवित्र ॥  
 मोहत मनहिं पवित्र तीर सुर मंदिर राजैं ॥  
 सुखद सुभग आराम सरस वन उपवन भ्राजैं ॥  
 रसिकविहारी मधुर शब्द शुक पिक अलि नीके ॥  
 विप्र वृंद उच्चरत वेद धुनि मृदु रव नीके ॥ ४४ ॥  
 राजैं नर नारीनके विलग विलग शुचि घाट ॥  
 पुनि न्यारे मज्जत जहाँ, विपुल वाजि गज ठाट ॥  
 विपुल वाजि गज ठाट अमित गोवृंद पियत जल ॥  
 उत्तम मध्यम नीच गहत अपने अपने थल ॥  
 विविध वृंद वृंदारकानके बहु छवि छाजैं ॥  
 रसिकविहारी युगल ध्यान युत मुनि गण राजैं ॥ ४५ ॥  
 रामवाट अति सुभग जहैं, मज्जतहैं सब भाय ॥  
 करत विविध विधिकेलि तहैं, सखन सहित सुखदाय ॥  
 सखन सहित सुखदाय अधिक आनंद लहैं जति ॥  
 निराखि सकल पुरलोग हृदय पावत प्रमोद गति ॥  
 रसिकविहारी मानरहत शागद नारद मति ॥  
 को वरणे छवि अतुल स्वच्छ वर राम घाट अति ॥ ४६ ॥

चौ०—सुभग जानकी घाट विशाला ॐ मज्जें अंतरंगिनीवाला ॥  
 तहैं प्रमोद वन परम सुहावन ॐ कोटिन अमरावती ।



लतिका छंद ।

सुखद सुंदर वन प्रमोद विराजही । विमल सरयू तट अधिक  
छवि छाजही । जहाँ पावस प्रगट रूप दिखावही ॥ सो सदा सिय  
श्यामके मन भावही ॥ ४८ ॥ कलित कदलि कदंब तरु राजत घने ॥  
वकुल विविध रसाल सरस सुहावने ॥ पनस पाकर पल्लवित सोहैं  
भले ॥ सुफल समय निहारि निज निज सो फले ॥ ४९ ॥ ललित  
लतिका तरुन तनु लपटावहीं ॥ मोर निर्तत सुखद शब्द सुनावहीं ॥  
शोर करि पपिहा घनो पी पी रटै ॥ जाहि सुनि बिरहीनकी छाती  
फटै ॥ ५० ॥ झूमि झुकि झुकि पवन झोका लेत हैं ॥ करत घन  
घनघोर अति सुख देत हैं ॥ दामिनी दमके चहुँदिशि धायके ॥  
नीर वरसत भूमि मंडल छायेके ॥ ५१ ॥ श्यामघन चहुँओर  
सुंदर घेरही ॥ अरुण नील सुपीत रंग बहु फेरही ॥

इंद्र धनुष विशाल कबहुं दरशई । सुखद पावसकी छटा अति सरसई ५२

दोहा—इमि अति सुभग प्रमोद वन, बाढ़ी छटा अपार ॥

पावसक्रतु उत्सव समय, वर हिंडोल विहार ॥ ५३ ॥

श्रावण शुक्ल सु तीज तिथि, लखि औसर अलिबुंद ॥

वन प्रमोद हिंडोलनव, सजो सुभग सानंद ॥ ५४ ॥

लतिका ।

हेम खंभ विशाल मणि गण खचित है । बेल बूटे रंगके बहु रचित  
है ॥ सुकुर अगणित भाँतिके लागे घने । मनो मनसिजके सुभग  
करते वने ॥ ५५ ॥ रुचिर डाँडी राजहीं बहु रंगकी । जगमगत  
जिहि ज्योति सरस सुढंगकी ॥ नगन जटित अमोल चारों चारु  
है ॥ मनौ सुखमाकी सुखद सुखसार है ॥ ५६ ॥ लाल बेलन चा-  
खडी चित्रित घनी । ललित चमकत चहुँ दिशि मर्कत मनी ॥ झू-  
मका बहु स्वच्छ मोतिनके वने । बीच विच कहुँ लाल पत्रासों  
वने ५७ ॥ सुभग पटुली अरुण विद्रुम मंय लसै । मध्य चहुँ बहु  
मणिनकी अवली वसै ॥ झालरे नव रंग जरित जरावकी । अमल  
मोतिन युक्त नवल वनावकी ॥ ५८ ॥ मृदल रेसम डोर पचरंगी

खरी । अधिक छवि सरसात मोतिनसों भरी ॥ कहूँ गाथे नव सु-  
 गांधित फूल हैं । जहाँ अलि कल ख करै अनुकूल हैं ॥५९॥ शि-  
 खर सुंदर अरुण मणिमय राजहीं । निरखि सो छवि वालरवि युति  
 लाजहीं ॥ हरित नीलमणीनके बहु मोर हैं । नचत मनहुँ सजीव  
 करत न शोर हैं ॥ ६० ॥ सखिन साजि हिंडोल सबही भांति सो ।  
 अति विचित्र अनूप निज गुण जाति सो ॥ झूलि हैं सिय पीय दोल  
 मोदसों । करति अलि अभिलाप सकल विनोदसैं ॥ ६१ ॥ समय  
 लखि सखिगण चली शृंगार कै । वसन भूषण सरस अंग सुधारकै ॥  
 जाय दंपति ढिग रहीं कर जोरकै ॥ वैन मृदु हाँसि कहत दुहुँन निहो  
 रकै ॥ ६२ ॥ सुभग पावस चहूँ दिशि छवि छै रही । विविध सरस  
 समीर अति सुख दै रही ॥ हरित भूमि विशाल उपवन राजही । मधुर  
 शब्द सुहावने घन गाजही ॥ ६३ ॥ ललित लघु बुंदन फुही सुंदर  
 परै ॥ निरखि सावन रूप मन मनसिज हरै । हुलसि प्यारी पीय सु-  
 दित सिधारिये ॥ झूलिये गल बाँह दे सुखकारिये ॥ ६४ ॥ सुनि  
 सखिनके वैन मृदुल सुहावने । भये दंपति मुदित सुख सरसावने ॥  
 पीय मुख सिय सीय मुख पिय देखिकै । धरे दुहुँ गल बाँह आनंद  
 पेखिकै ॥ ६५ ॥ वन प्रमोदहि चले सखि गण संगमें । होत कौतू-  
 हल विविध रस रंगमें ॥ लिये अलि सुखपाल दंपति राजहीं । निर-  
 खि छवि रतिमन कोटिन लाजहीं ॥ ६६ ॥ सरयुतीर प्रमोद वन  
 शोभा महा । नित्य पिय प्यारी विहारस्थल जहाँ ॥ गये युगल कि-  
 शोर हिय आनंद भरे ॥ झूलहीं सिय पीय भुज अंस न धरे ॥ ६७ ॥  
 भांति इहि झुलत सदा दंपति भले । गीत वाद्य संगीनके नवरंग  
 रले ॥ नचति गावति सखीगण प्रमुदित सब । समै निज निज गगिनी  
 सुंदर परै ॥ ६८ ॥ कोउ झोका देत अली झुलावही । कोउ भर  
 आनंद विजन झुलावही ॥ कोउ प्यारे दग दगनमों जागही ॥  
 कोउ बलिहारी करै तृण तोगही ॥ ६९ ॥ कबहुँ झोका देत प्यारे  
 रमकिकै । हरिष हर लगि जान प्यारी झमकिकै ॥ कबहुँ पिय गति  
 लेन सियको अंकमें ॥ कबहुँ दंसि कानन दोउ

रंग भरे इहि भाँति झूलत सोहहीं ॥ निरखि छवि रति काम कोटिन-  
 मोहहीं ॥ कहति प्यारी लाल धीरे झूलिये ॥ डरति हम सुकुमारि क्यों  
 इमि झूलिये ॥ ७१ ॥ वीरके सुतवीर हो तुम श्यामजू ॥ डरति  
 अधिक अधीरहैं हम वामजू ॥ तुमहि धनु तोरत न लागी वारहैं ॥  
 हमहि निज शृंगारहीको भार है ॥ ७२ ॥ सुनि रसीले बदन प्यारीके  
 नये ॥ प्राणप्यारे सुरसहिय प्रमुदित भये ॥ चाह उर बाढी घनेरी  
 लालके ॥ वदुरि झोका दियो मिसकरि झ्यालके ॥ ७३ ॥ लखि  
 निठुरता लालकी अति लाडिली ॥ मानिकें मनमान उठि तहँ  
 ते चली ॥ लसत पावस कुंज बहु सोभाजहाँ ॥ मोरि मुख नख लिखत  
 महि बैठी तहां ॥ ७४ ॥ देखि अलिंगण मान चक्रित जहँ तहीं ॥  
 कछूसियजूसंग कछु पिय ढिग रहैं ॥ विकल बोलत बदन प्यारे दीन  
 हैं ॥ धरत धीर न नीर विन जिमि मीन हैं ॥ ७५ ॥

घनाक्षरी कवित्त ।

कोऊ जाय सुघर सहेली लाडिलीको यह विनय हमारी कर जोरकै  
 सुनावो धाय ॥ हमतौ तिहारे रस रूपके अधीन घने तुम हो प्रवीन  
 निठुराई यौ धरी क्यों हाय ॥ रावरो निहारि रुख रहत सदाही मोद  
 तन मन प्राण भये विकल वियोग पाय ॥ रसिकविहारी प्यारी डारि  
 गलबाहीं वेगि विरह कटारी लगी भारी सो सँभारो आय ॥ ७६ ॥  
 चंद्रकला परम प्रवीन गुण आगरी हो जाय प्राणप्यारी ढिग कहो  
 कर जोरकै ॥ सुभग सलोनी तुम सुंदर चतुर बाल प्रियाको मिलावो  
 वेगि नेह रस बोरिकै ॥ रसिकविहारी हेमा क्षेमादिक प्यारी अली  
 क्यों न अब विरह सुनावो हाय दौरिकै ॥ विनै हम ओर ते जू कीजो  
 चारुशीला चारु काहे चित्त चोरि आज बैठी मुखमोरिकै ॥ ७७ ॥ जाय  
 सखि वृंद पाय औसर विलोकि रुख जोरि कर मंद मृदुवचन उचारे  
 हैं ॥ स्वामिनी सुजान प्राणप्यारी सुनि लीजै विनै विकल विहाल  
 लाल विरह तिहारे हैं ॥ खान पान भूषण वसन सुख सैन सबै रावरे  
 वियोग वश निपट विसारे हैं ॥ रसिकविहारी चलि कीजिये सुखारी  
 वेगि मन वच कर्म प्यारे रसिक तिहारे हैं ॥ ७८ ॥ पलक विछोह

जासों आज लों भयो ना कहूँ तासों सुख मोरि मान गहि कै रहीजे  
क्यों॥हाय प्राणप्यारी जक लागी तबही ते यह दया हिय लाय तिनै  
आनंद न दीजे क्यों ॥ रसिकविहारी बरसावन सुहायो चहुँ प्यारे  
संग झुलि सुख सुंदर न लीजे क्यों ॥ घेरि घहरावैं धन घुमड़ प्रमोद  
वन गह्वर भुज डार प्यारी रमन न कीजे क्यों ॥ ७९ ॥

सो०—हे प्यारी सुखदान, जैसी तुम गुण आगरी ॥

त्यों प्यारे रसखान, योग विरंचि भलो रचो ॥ ८० ॥

कीजे तहँ न विछोह, तुम विन प्यारे विकल अति ॥

दुहुँ न दुहुँ मिलि सोह, दुहुँ विन लखिय मलीन दुहुँ ८१॥

सवैया कवित्त ।

क्यों हठि मान कियो नवला तुम जीवनमूर ललाकि सदाई ॥

श्याम निरंतर रावरे हीय बसैं छिनहुँ विलगाय न जाई ॥

रीति नई विपरीति कहा यह हठि रही पिय सों अनखाई ॥

लाडिली रोप विहाय सवै रसिकेश मिलौ हिय सों हियलाई ८२

आज दशा लखि लालनकी सखियान सवै उर वाढत पीर है ॥

रावरो मान विलोकतही तनु प्राण बनो विधि होत अवीर है ॥

राजकुमारि विनै सुनिये रसिकेश मिलो सजि भूषण चीर है ॥

हो मिथिलेशसुता इततो उत वे अवधेश तने रबुवीर है ॥ ८३ ॥

शील दया अरु प्रीति सुरीति हिये विच रावरे सोह विशेखी ॥

ज्यों वन दामिनि फूल सुवासहि कोऊ कहूँ विलगात सुपेखी ॥

प्यारी विना पिय प्यारी विना पिय रंच लहै सुख है किन लेखी ॥

त्यों रसिकेश तिहारे विषे सुइती निठुराई न आज लों देखी ८४

चौ०—इहिविधिसखिप्यारिहिसमुझावैं ॥ करि मृदुविनयसुमानछुटावैं ॥

तौ लग राजकुमर अकुलार्ह ॥ बोले मधुर प्रिया द्विग आई॥८५॥

सवैया कवित्त ।

नेक निहारो प्रिया इत तौ किहि हेत इती निठुराई थरी है ॥

लाडिली क्यों न कहो हँसिके सु कहा हम ते वाढ़ि चूक परी है ॥

चंद्रकला विमलादि सखी विनती हम ओगने केती करी है ॥

रंच दया नहीं आई हिये अजहूँ दृग सैन सुरोप भरी है ॥ ८६ ॥  
 कहूँ घनसों तड़िता मिलि जात लता लपटी तरु मध्य चहूँ ॥  
 चहूँ दिशि प्राविट रूप अनूप भलो दरशौ ऋतु माहिं छहूँ ॥  
 छहूँ अरु चार अठारहमें प्रिय हीन प्रमोद लखो न तहूँ ॥  
 तहूँ पुनि हीय विचारौ प्रिया कोर सावन मान करै न कहूँ ८७ ॥  
 नव रूप उजागरि नागरि आगरि रोष तजौ किन भूतनया ॥  
 इन मोरनको निक सोर सुनौ कह बोलत हैं पपिहा छनया ॥  
 रसिकेश विचारहु प्यारी हिये यह योग भलो विधिने वनया ॥  
 हम हूँ अवधेश किशोर प्रिया तुमहूँ मिथिलाधिपकी तनया ८८ ॥  
 सुनि बैन सिया जू कहो हँसिकै हम जानतिहैं तुम प्यारे छली ॥  
 पिय बोले जू जैसे हैं तैसे तिहारे प्रिया जू भला तुम तौ हौ भली ॥  
 रसिकेस लखौ अलिके गुणकैसे तऊ रस देत प्रसून कली ॥  
 कपटी सब कारे सुनौ घनश्याम मलिंद विचारेकी काह चली ८९ ॥  
 स्वारथ के तुम मीत लला कछु रंच दया नहीं हीय तिहारे ॥  
 पीर पराई न जानत हौ छल छंदनमें सुप्रवीन अपारे ॥  
 जीय रुचै सु करौ न डरौ सिंगरे हम रावरे फैल निहारे ॥  
 आये मनावन बोलत मीठे सु बैन इतै जु भले पग धारे ॥ ९० ॥  
 कारे भले सब प्यारी सुनौ जगजीवन दायक हैं घनकारे ॥  
 नैन रुचैं कजरारे हिये रसिकेश सुकेश सुहात हैं कारे ॥  
 कोकिल कारे कितो सुख देत सिंगार मनोज सुभावत कारे ॥  
 रावरी आयसु पालैं तिहूँ पुर सो कमलापतिहूँ अतिकारे ॥  
 लाल सुनौ इककारे भुजंग डसैं जिहिको वह होत अचेत है ॥  
 पावसरैनि जु कारी अंध्यारी घनो विरहीन हिये दुख देत है ॥  
 कारो हि है विरहा कपटी जिन कोटिन प्राण लये विनहेत है ॥  
 कारे ठगी मिथिलापुरकी तिय ऊची उसाँस सो आजलों लेत है ९२ ॥  
 लाल कही हँसि प्यारी सुनौ हम तौ न कछु छलछंद न जानैं ॥  
 नागरि द्योति प्रवीण घनी जिहिकी रति लोकहु वेद वखानैं ॥

रावरो आनन पंकज सो तिहिकी रस चाह मलिंद समानैं ॥  
 वा दिन दीजिय दोष प्रिया रसिकेश वनैगी दया उर आने ९३॥  
 झूलतहीं मिचकी निक देत धरो तुम रोष प्रिया जु विशेखो ॥  
 चूक निहारि किती विनती कर जोर करी सु कछु नहि लेखो ॥  
 रावरो कोमल चित्त घनो सुन कानन रंचन नैनन पेखो ॥  
 प्यारी पिया सों कहूँ रसिकेश इतो हम मान न आजलों देखो ९४॥

घनाक्षरी कवित्त ।

सरस रसीले व्यंग्य वचन दुहूँके होत ताही समै घेरि घन घटा  
 बहरानी है ॥ झोकि झोकि पवन प्रचंड तरु तोरै लगी धाराधर धारा  
 धरा मध्य सरसानो है ॥ रसिकविहारी कारी रैनि अंधियारी अति  
 दामिनी दमंकि मेघ मंडल समानी है ॥ नवल किसोरी देखि पावस  
 ससंकित है नृपति किशोर उर दौरि लपटानी है ॥ ९५ ॥

दोहा-भयो मान मोचन दुहूँ, हृदय बढो आनंद ॥

करी आरती वेगही, मुदित सहचरी वृंद ॥ ९६ ॥

पुनि आनंदित नित्य प्रति, झूलत युगल किसोर ॥

परम परस्पर प्रीति लखि, सखि डारैं तृण तोर ॥ ९७ ॥

सर्वैया कवित्त ।

सुंदर दंपति की छवि देखनको पुरवासिनि आवैं घनी ॥  
 सब चंद्र मुखी तिय साजे शृंगार स्वरूप अतृपम अंग घनी ॥  
 रसिकेस परस्पर वेन कहैं बहु भाग्य सराहत मोदसनी ॥  
 हम धन्य लखें भर नैनन जो सिय स्वामिनि औरु वंशमनी ९८॥  
 कोऊ कहैं सियजू पटरानी मिली बडभागी नरेश लला ॥  
 कोऊ कहैं इनकी सम को कमला विमालादिक चंद्रकला ॥  
 कोऊ कहैं तिय प्यारिहि धन्य जु त्यागत पीय न एको पला ॥  
 कोऊ कहैं हमसों जगको रसिकेस लखे छवि जो अमला ९९ ॥  
 कोऊ पसारक अंचलको विधिसे कर जोर कैं येही मनावैं ॥  
 आंध निवासिनि होवैं सब हम जोरी अनूप निहारि मुहावैं ॥  
 हरे कृपा करि लाल सिया रसिकेश मदा सुख सों अपनावैं ॥  
 प्यारी पिया पदपंकजमें नित नेह बँड यह आशिख पावैं ॥ १०० ॥

कोऊ कहैं इन राज किसोर की आँखनमें है सखी कछु दोना ॥  
 जाके विधैं उर अंतरमें तिहि फेर सुहाय नहीं सुख सोना ॥  
 कोऊ कहैं मुसक्यान कृपान ह्वे लागत दुःख परै री सहो ना ॥  
 कोऊ कहैं रसिकेश सवै तनु सुंदरहै कछु जात कहो ना ॥१०१॥  
 कोऊ कहैं सखिरी निरसंक ह्वे ग्रीतमप्यारी निहारिवो कीजे ॥  
 कोऊ कहैं तजिये कुलकान भट्ट इनसों मिलिके कह लीजे ॥  
 कोऊ कहैं रसिकेश सुनौ अव एक उपाय भलो चित दीजे ॥  
 योगिनि ह्वे तनु लाय विभूति सुऔधकी वीथिन बीच रमीजे १०२  
 दोहा—इहिविधि नेह भरी सवै, वचन परस्पर भाप ॥

प्रतिदिन सुख पावत रहैं, सिय सियवर हिय राख ॥१०३॥  
 झूलत अष्टादश दिवस, यों सिय पिय मिलि दोउ ॥  
 माणि पर्वत वन महल कहूँ, जवै जहाँ रुचि होउ १०४ ॥  
 कोऊ सिय कृत मानको, भ्रम कछु हीय न मान ॥  
 प्रथम लिखे जे ग्रंथ वर, तिन महँ लखौ सुजान ॥ १०५ ॥  
 बहुरि स्वकीया मानको, है बहु ठौर प्रमान ॥  
 भेद लखौ साहित्यके, तहाँ सकल विलगान ॥ १०६ ॥

प्र० । समंजरीग्रंथे । सूत्र ।

स्वामिन्धेवानुरक्ता स्वकीया । स्वकीया तु त्रिविधा । मुग्धा मध्या  
 प्रगल्भा चेति । मध्याप्रगल्भे प्रत्येकं माना वस्थायां त्रिविधे ॥ धीरा  
 अधीरा धीराधीरा चेति ॥ इत्यादि ।

इति श्रीरा० २० वि० वि० हिंडोल विहार

वर्णनं नाम द्वितीयो विभागः ॥ २ ॥

दोहा—इमि अगणितं आनंद नित, पुनि पावसके अंत ॥  
 आई शरद अनूप ऋतु, सब हिय मोद अनंत ॥ १ ॥  
 संतत प्रति ऋतु शरदमें, करैं सखी गण रास ॥  
 निरखैं सिय रघुवर मुदित, बाढत हृदय हुलास ॥ २ ॥  
 कवहूँ दंपति नेह युत, अति अनंद उमगाय ॥  
 सखिन मध्य एकांत थल, नटत मनोहर गाय ॥ ३ ॥

याते सब आली सदा, सजे रहैं सब साज ॥

नृत्य गान बहु वाद्य नित, ठानैं तीये समाज ॥ ४ ॥

हरिणी ० छंद ।

कवहुँ सुभैरव १ मालकोश २ हिंडोल ३ दीपक ४ गावहीं ॥

श्री ५ मेघ ६ ये पट राग नारि समेत शुद्ध सुहावहीं ॥

कवहुँ जु शंकर रागिनी बहु सरस सुरन उचारहीं ॥

तिहुँ ग्राम इकविस मूर्च्छना युत सकल भेद सचारहीं ॥ ५ ॥

दोषई छंद ।

भैरव तिय भैरवी १ सिंघवी २ मधुमाधवी ३ रसाला ॥

बंगाली ४ बैराड़ी ५ सुंदर गान करें बरवाला ॥

मालकोसकी नारि गुणकली १ खंवावती २ अनूपा ॥

ककुभा ३ अरु टोडी ४ सुठि गौरी ५ गावैं सखी सुरूपी ॥ ६ ॥

पटमंजरी १ विलावल २ सुंदर रामकली ३ मनहारी ॥

अरु देसाख ४ ललित ५ ये गावैं हैं हिंडोलकी नारी ॥

कामोदी १ देशी २ केदारा ३ नट ४ कान्हारा ५ सुढंगा ॥

ये दीपक तिय गान करें तिय शुद्ध सुरनके संगी ॥ ७ ॥

आसावरी १ मालथी २ मालव ३ अरु धनाशिरी ४ नीकी ॥

सुभग वसंत ५ सरस सुरगावैं सखी नागि ये श्रीकी ॥

मेवतिया सुठि टंक १ मलारी २ देशकार ३ भूपाली ४ ॥

मखद गूजरी ५ शुद्धरीत सोंगान करें बर आली ॥ ८ ॥

दोटा-पंच पंच तिय सहित जे, हैं पट राग रसाल ॥

गान करें आली सब, शुद्ध समय सुरताल ॥ ९ ॥

पुनि जे शंकर रागिनी, रागिनि राग मिलाय ॥

तिनहुँ सखी सब गावहीं, शुद्ध सुरनसुन्नाय ॥ १० ॥

दोषई छंद ।

ईमन १ हंस २ हमीर ३ पखी ४ मारू ५ गौडद्वन्द्वाना ७ ॥

दरवागि ८ काफ़ी ९ सिंदूर १० मूहा ११ तिलक १२ अहाना ॥ १३ ॥

भोलशिनि १४ बड़हंस १५ अहीनि १६ सगपदा १७ अवन १८ गारा १९



पीलू२०वरवार१माझ२२शंकरा२३लूम२४तिलंग२५वहारा २६  
 सिंधुभैरवी२७ ककुभ विलावाल२८चेती२९जाजमलारा ३० ॥  
 मुलतानी३१वाटो३२प्रदीपकी३३परज३४कमोदमलारा ३५ ॥  
 चोरा अष्टक३६मंगल अष्टक३७गोंडकली ३८भठियारा ३९ ॥  
 लंकदहन सारंग ४०सावनी ४१पट४२हिंडोलवहारा४३॥१२॥  
 सोरठ ४४रामपूरिया४५जंगला४६पंचम४७नट कल्याना४८ ॥  
 जैजैवती ४९ भीमपलासी ५० देवगिरी ५१ कल्याना ५२ ॥  
 नट नारायण ५३ चेती गौरी ५४ युगिया ५५ गोंडमलारा ५६  
 श्याम ५७शंकराभरन ५८ त्रिवेनी ५९ सारंग ६०देवगंधारा ६१॥१३॥  
 लंकदहन ६२ पूरवी ६३ झंझोटी ६४ खेमखरज ६५ सुर्यरया ६६ ॥  
 तिलक कमोद ६७ विहाग ६८ विहंगा ६९ कुंभावती ७० अहैया ७१  
 नटसारंग ७२ विभास ७३ पहाडी ७४ फरोदस्त ७५ सामंता ७६ ॥  
 जैतशिरी ७७पूरिया ७८ मनोहर ७९जैत ८० वहारवसंता ८१॥१४॥  
 दोहा-नट मलार ८२ वागेशरी ८३, अरु ईमनकल्यान ८४ ॥  
 देश मलार ८५विहागडा ८६, देश ८७ श्यामकल्यान ८८॥१५॥  
 सरस्वती ८९ बंगालश्री ९० और लूम सारंग ९१ ॥  
 सिवरी ९२ कुंभारी ९३ तथा, अपर गोंडसारंग ९४॥१६॥  
 गौरीकालंगडा ९५ रुचिर, अरु सोरठमलार ९६ ॥  
 पुनि सारंग बडहंस ९७ सो, वर धूरिया मलार ९८ ॥ १७॥  
 बहुरि सु गौरी कान्हरा ९९, अपर झूम सारंग ॥ १०० ॥  
 अरु सोहनी १०१सुईमनी, १०२पुनि सामत सारंग १०३ १८॥  
 झूम १०४धूरिया १०५नारदी १०६, अरु कान्हरा मलार १०७  
 गिरिनारी सोरठ १०८तथा भगवंती १०९गिरि नार ११०॥१९॥

दोवई छंद ।

श्रीवहार १११ भैरवी कलंगडा ११२ काहल ११३ नटकेदारा ११४  
 काफी सिंधु ११५ सिंदूरा सोरठ ११६ अरु कान्हरा वहारा ११७ ॥  
 सूर मलारी ११८ राम मलारी ११९ यमनमलारी १२० वाला १२१

इनहि आदि शंकर सुरागिनी गावैं सखी रसाला ॥ २० ॥  
 खरज १ ऋषभ २ गंधार ३ सु-मध्यम ४ पंचम ५ धैवत ६ हीके ॥  
 अरु निपाद ७ ये सप्त सुरनको लै स १ रि २ ग ३ म ४ प ५ ध ६ नी ७ के  
 औडव १ अरु पाडव २ संपूरण ३ अस्थाई १ आरोही २ ॥  
 अवरोही ३ संचारी ४ संयुत गान करैं मनमोही ॥ २१ ॥  
 इकताला १ अद्धा २ अरु रूपक ३ धीमा ४ जलद तिताला ५ ॥  
 मूल ६ झपक ७ त्योंरा ८ धमार ९ पुनि आडा १० शुध चौताला ११ ॥  
 असावरी १२ तिमि फरोदस्त १३ इन आदि ताल अभिरामा ॥  
 ब्रह्म १४ रुद्र १५ लक्ष्मी १६ गणेश १७ वर विष्णु १८ वजावैं वामा २२ ॥

दोहा—इमि अपार संगीतके, भेद सकल नित ठान ॥

नृत्य गान बहु वाद्य युत, साजे रास विधान ॥ २३ ॥  
 सो लखि दंपति मुदित है, दीनी डुलसि रजाय ॥  
 शरद रौने अव रास वर, ठानौ साज सजाय ॥ २४ ॥  
 सरयू उत्तर तीर थल, परमरम्य सुखधाम ॥  
 वै योजन मंडल विशद, रचौ रास तिहि ठाम ॥ २५ ॥  
 कुंजवाटिका वाग वन, सरि सर सुभग सुधार ॥  
 तिहि थल रास विहारको, आनंद होय अपार ॥ २६ ॥  
 लहि रजाय आलि वृंद तहैं, सपदि सजे सब साज ॥  
 गये सु दंपति मोद भरि, संयुत रहशि समाज ॥ २७ ॥  
 शुभ्र वसन भूषण विविध, दंपति कियो शृंगार ॥  
 सब ललनागण त्यों सजे, नख सिख अंग सुधार ॥ २८ ॥  
 दोषदं छंद ।

चंद्रकला १ उर्वशी २ मेनका ३ चंद्रमुखी ४ वरवाला ॥  
 मृगलोचना ५ चारुशीला ६ अरु क्षेमा ७ रूप रसाला ॥  
 त्यों राधा ८ रंभा ९ सुमालिनी १० सुठि सुलोचना ११ नारी ॥  
 हरिणी १२ ये द्वादश आली हैं सियकी प्राणपियारी ॥ २९ ॥  
 हेमा १ वीणाधरी २ हंसिनी ३ गुणवहारी ४ ललामा ॥  
 चंद्रावली ५ सुभद्रा ६ पदमा ७ मनोरमा ८ अभिरामा ॥

सुखद चंद्रभागा ९ सुमोदनी १० पदमगंध ११ मतवाली ॥

सरस वरारोहा १२ द्वादश ये राजकुंवरकी आली ॥ ३० ॥

दोहा-चतुरविंश ये मुख्य सखि, इनके ग्रंथ अपार ॥

मिलि सुरासमंडल रचो, सजि अनूपी शृंगार ॥ ३१ ॥

अधिक चतुर्दश त्रिशत अरु, चौविंश सहस्र २२३१४ सुवाल

रचो रासमंडल रुचिर, लखत सिया खुलाल ॥ ३२ ॥

चंद्र चंद्रिका चारुचहुँ, राका शरद प्रकाश ॥

मणिदीपक भूषण प्रभा, मिलि भो अमित उजास ॥ ३३ ॥

घनाक्षरी कवित्त ।

श्यामा श्याम सुभग सिंहासन विराजे चारु आली सब साजे  
साज सहित उमंगके ॥ वीणा औ मृदंग वेणु मधुर मंजीर मंजु बाजने  
बजावैं वर विविध सुंदरके ॥ ठानो गति कार झनकार बुँदुखन छाई  
रसिकविहारी पद न्यास बोल संगके ॥ थेईततथेईतातिथैयाथुंग  
तत्ता थेई आदिक सचारैं भेद जैसे गीत अंगके ॥ ३४ ॥ पद चपलाई  
कोमलाई मधुराई मंजु कर कमनीयताई अति छवि छाई है ॥ लंककी  
लटकलोनी लोचन चटक चारु मटक उत्तक वंक भृकुटी निकाई  
है ॥ ग्रीवकी डुलन शोभा खुलन सुअंगनकी हार नथ कुंडल की  
झूलन सुहाई है ॥ रसिकविहारी रासमंडलके मंडल की कुंडली  
विलोकि विज्जु कुंडली लजाई है ॥ ३५ ॥ मंजु मृगनैनी पिकवैनी  
सुखदैनी वाल करैं कलगान कोकिलानकी समानके ॥ सम सुर ताल  
लै विराम रिक्त पूर भूर गीत पद छंद बंद विविध विधानके ॥ निरंतर  
नवेली तांडवादि जे अनेक गति कर श्रद्ध जानुभेद सकल कलानके ॥  
रसिकविहारी सुरनारी अवलोकि सारंगी दंग हैं किये हैं मान भंग  
अप्सरानके ॥ ३६ ॥ अमित उमंग है अभंग वर अंग भरी अंतरंग  
अरु बहिरंग दंग छावै है ॥ नैन सैन हैं चैन कर चैन औ अचैन दशा  
शिख हाव भाव शुद्ध दरशावै है ॥ दीप कुंभ कंदुक कृपान माल  
कलावारी चित्रकारी ये सु नृत्य १ सरसावैं हैं ॥ रसिकविहारी गुण-  
नौल नारी सारी रुचि अनुसारि १ श्यामा श्यामको रिझावैं हैं ३७

हरिगीतिका छंद ।

इमि रास बहु सुखरास ठानो शरदरैनि प्रकाशमें ।

गंधर्व किवर अमर तिय मिलि लखहिं दुरि आकाशमें ॥

तिहि समय सरयू सलिल खग मृग अपर जड़ चेतन जिते ॥

सबही थकित है रहे जहँ तहँ भये अति मोहित तिते ॥ ३८ ॥

दोहा—शिव विरंचि सुर राज रवि, नारदादि ऋषिराय ॥

लखत रासमंडल सबै, दुरि नभ मंडल आय ॥ ३९ ॥

उडुगणपति उडुगण सहित, अचल भये लखि रास ॥

गति मति भूले मुदित अति, कीनो अमित प्रकाश ॥ ४० ॥

धनाक्षरी कवित्त ।

दरन पै द्वारन पै कलिते किवारन पै द्रुमन पै डारन पै लोनीलतिकान पै

हाटन पै वाटन पै नीके नव घाटन पै गेहन पै सेजन पै अमल अटान पै ॥

वागन पै वन पै निकुंजन पै पत्रन पै फूलन पै कूलन पै सर सरितान

पै ॥ रसिकविहारी सुखदाई चहुँवाई भाई छाई यह शरद जुन्हाई

वानितान पै ॥ ४१ ॥

दोहा—सो चंद्रिका विलोकिके, हुलसे सिय रघुचंद ॥

नाहिं मायो मुख हीयमें, उमगो अधिक अनंद ॥ ४२ ॥

उटि दंपति अनुराग भारि, नृत्य साज सब साज ॥

आय रास मंडल विपे, ठाढ़े मध्य समाज ॥ ४३ ॥

निरखि व्योम दिशि अर्ध निशि, जानी राजकुमार ॥

रही याम द्वे यामिनी, हिय माधि कियो विचार ॥ ४४ ॥

कही सियहि तव रनि अब, वोति गई द्वे याम ॥

या छिन वादत रामको, छिन छिन मुख अभिगम ॥ ४५ ॥

शरदनिशा यह आजकी, जुपे रहै एक वर्ष ॥

ता प्यारी अभिलाष भारि, होय रासपुन हर्ष ॥ ४६ ॥

सुनि बोली सिय लाडिले, होय यही भालि वात ॥

हेरो रास अनंद अब, छिन छिन प्रति अधिकान ॥ ४७ ॥

तव रघुवर भापी प्रिया, ऐसिहि अब भ्रुष होय ॥

आज रैन एक वर्षकी, रहै न जाने कोय ॥ ४८ ॥

इत इमि दंपति हिय रुची, उत सब देव समाज ॥  
 यही चहै आनंदछके, प्रात होय नहि आज ॥ ४९ ॥  
 भई तैसिही रैनि वह, एक वर्ष परमान ॥  
 सुर मायावश भेद सो, कौळ कछू न जान ॥ ५० ॥  
 करहि रासलीला मुदित, सहित सीय रघुचंद ॥  
 रीझत रिझवत परस्पर, अलिदंपति सानंद ॥ ५१ ॥

घनाक्षरी कवित्त ।

कौशलाधिराज सुत राम रमणीय जैसे तैसी मिथिलेश सुता  
 सिय अभिराम हैं ॥ रसिकबिहारी सुखकारी छवि धारी दोउ नृत्य  
 गान वाद्यमें प्रवीण गुणधाम हैं ॥ पूरण मयंकराका शरदनिशामें  
 रासकरत उमंग संग रंग भरी वामहैं ॥ दम्पति सुरूप उपमाको है  
 न रूप कहूं श्यामा श्याम रूपसे अनूप श्यामा श्याम हैं ॥ ५२ ॥

दोहा—छाई सुंदर शरद ऋतु, सुखदाई चहुंओर ॥

निरखि छटा आनंद भरि, निरत युगल किशोर ॥ ५३ ॥

घनाक्षरी—कवित्त ।

गुंजत मलिंद पुंज नव नव कुंजनमे छाके मत्तडोलै मकरंद पान  
 करिकै ॥ शीतल सुधाकरहू मुदित मयूखन ते श्रवत पियूष सोचको  
 रहेत धरिकै ॥ रसिकबिहारी सुखकारी चंद्रिकां अनूप हृदै हुलसात  
 अनुरागराग भरिकै ॥ निरत सुढंग रस रंग श्याम श्यामासंग  
 अंग अंग मोरत अनंग मान हरिकै ॥ ५४ ॥ ता छिन अपार  
 सुख छायो रासमलडको जेते जड चेतन ते सकल लुभायगे ॥ झूमि  
 भूमि चूमैं डार अंबन कदंबनकी पक्षी ते निपक्षीसे अचेत महि आयगे ॥  
 चित्र सम ह्वैकै रहे परम विचित्र मृग मुछैं सुर सुरताकी सुरति  
 भुलायगे ॥ रसिकबिहारी सो निहारी छवि भारी सबै तन मन प्राण  
 हीय आनंद छायाये ॥ ५५ ॥

दोहा—जड चेतन मोहित भये, काहु कछू सुधि नाहि ॥

अति मूर्छित है चंद्र तहँ, गिरो सु धरणी माहि ॥ ५६ ॥

ता छिन भयो प्रकाश अति, निरखि सीय रघुराज ॥

उझकि चौकि चितये चहुं, संयुत सकल समाज ॥ ५७ ॥

लखो मयंकहि विकल तव, जनकसुता अकुलाय ॥  
 करुणाकरि धाई सपदि, परम कृपा उर लाय ॥ ५८ ॥  
 वर सरयूतट रेणुमाधि, धावत अतिहि उताल ॥  
 चणकत्वचाइक शुष्क अति, चरण चुभी तिहि काल ॥ ५९ ॥  
 सो लखि सिय दीनो तबै, चोर शाप रिसलाय ॥  
 कबहूँ इहि थल आज ते, चणक नहीं उपजाय ॥ ६० ॥  
 यौं कहि पुनि उमगायकै, धाय चंद्रद्विग आय ॥  
 परसायो तिहि शीशकर, सुतसम गोद उठाय ॥ ६१ ॥  
 सियकर परसत चेत भो, लहो परम आनंद ॥  
 शीश नाय सकुचायकै, गयो व्योम मधि चंद ॥ ६२ ॥  
 दोहई छंद ।

सो लखि मुदित राम तव भापी चंद्रगिरो इहि ठामा ॥  
 सिय पालो याते या थलको चंद्रपालहै नामा ॥  
 यौं कहि गहि प्यारी कर सानंद गवने अतिहि उताला ॥  
 ता छिन भयो प्रभात पक्षिगण कीनो शोर रसाला ॥ ६३ ॥  
 तव सब रास शृंगार उतारे ताछिन जनकदुलारी ॥  
 कछु मुसक्याय मधुर पिय कर गहि मंजुल गिरा उचारी ॥  
 वर्ष प्रमाण होय रुचि कीनी भई रासनिशि सोई ॥  
 एकहि दिवस शेष यह तामधि दीनो चंद्र विलोई ॥ ६४ ॥  
 दोहा—कही तबै रघुवर प्रिया, कीजत रास सदाहि ॥  
 पै यह इक दिनशेषसो, है हे द्रापर माँहि ॥ ६५ ॥  
 यौं कहि अति आनंद युत, ठानत हास विलास ॥  
 सिय समाज युत महल मधि, आये सहित हुलास ॥ ६६ ॥  
 इमि प्रति दिन प्रति शरद ऋतु, होय रास अभिराम ॥  
 अपर अमित उत्सव सदा, विहरत सीताराम ॥ ६७ ॥  
 इति श्रीरामरसायन २० वि० वि० रामविद्वान्मण्डनं  
 नाम तृतीयो विभागः ॥ ३ ॥

दोहा—श्रीसीतारघुवर सदा, विहरत अवध मझार ॥  
 समै समै उत्सव उचित, होत अनंद अपार ॥ १ ॥  
 एक समय मिथिलाधिपति, लक्ष्मीनिधिहि पठाय ॥  
 परम प्रेम युत रामको, बुलवाये हुलसाय ॥ २ ॥  
 लषण शत्रुसूदन अपर, सेवक सखा अपार ॥  
 लै सानँद रघुवर गये, मिथिलापुर ससुरार ॥ ३ ॥  
 जनक सुनैना आदि बहु, निमिवंशी नर नारि ॥  
 पुरवासी सबही मुदित, रघुवर रूप निहारि ॥ ४ ॥  
 नई पहुनई प्रति दिवस, होय नगर रनिवास ॥  
 सिद्धा आदिक नारि बहु, ठानै हास विलास ॥ ५ ॥  
 दोबई छंद ।

जनकनगर नर नारि अनंदित राघव छटा निहारी  
 कहैं सकल मृदु बैन परस्पर छिन छिन लै बलिहारी ॥  
 धनुषभंग कीनो जबही अति हुतो सुभग वर रूपा ॥  
 पुनि आये तब और बढी छवि अब कछु और अनूपा ॥ ६ ॥  
 तब बोली इक तिया बुद्धि वर अति अचरज यह आही ॥  
 छवि अधिकात सदा पैवयवपु एकै सरिस जनाही ॥  
 ता छिन विशद नारि भापी यौं सुनि मुख सुनो प्रमाना ॥  
 सियारामको रूप रहै नित पोडश वर्ष समाना ॥ ७ ॥  
 इहि विधि निरखि श्यामसुंदर छवि छाकी हैं बहु नारी  
 तिनमें एक वाम इमि मोही दियो प्राण तन वारी ॥  
 तासु दशा लखि संग सहेली जानि लई गति जीकी ॥  
 हृदय सनेह भूरि ऊपर कटु कही वात हितहीकी ॥ ८ ॥

सर्वयो कवित्त ।

न्यारी चल सव ते नितही अरु संग सखीन ते न्यारी रहै छट ॥  
 न्यारहि ठाट सुन्यारिहि वाट औ न्यारहि घाट रहै सरिता तट ॥  
 जानि पर गसिकेस न तो गति वात कहा तुव हीय गई जट ॥

बोल भट्ट घटको अटको घट आय भैर तब आय भैर घट ॥९॥  
दोहा-यौं कहि पुनि बोली अली, बात लई हौं जान ॥

प्रथम दर्द सिख फेर हौं, कहों लेहु सो मान ॥ १० ॥

सवैया कवित्त ।

ढीठ वचायकै पीठ दै ईठहि ढीठ है ढीठ सों ढीठहि जोड़ौ ॥  
जो कहिये कछु प्रीत ते नीतकी रीत तबै सुनि भौंह मरोड़ौ ॥  
मानौ कही रसिकेश यही हौ बडे घरकी कुल कान न तोड़ौ ॥  
फेरभली पछतैहौ लली नित या गलिको अली आयवो छोड़ौ ११॥  
टक दै तिहि देखनकी टक छोड भट्ट यह तोटक है न भली ॥  
चहुँ चौचंद चोल चवाई करै पुनि चोज चले चरचाजु चली ॥  
रसिकेश रसीली रहौ रसमें रसतें रस राखहु रंग रली ॥  
गुणलेहु कहों गुणके गुण बातन औगुणको गुण मान अली १२॥  
दोहा-पुनि हेली यह प्रीत सम, और न दुख जगमाहिं ॥

जान परै जब जिय लगे, तब सब गुण दरशाहिं ॥ १३ ॥

सवैया-कवित्त ।

लाज तजै निज साज तजै गृह काज तजै सुख दूर धरै सो ॥  
मान तजै तन प्राण तजै कुलकान तजै दुख भूर भैर सो ॥  
लोक तजै परलोक तजै हिय शोक तजै सब धूर परै सो ॥  
योग औ भोग स्वलोग तजै तबही रसिकेश सु प्रीति करै सो १४॥  
दोहा-पुनि हेली ये नैन निज, निपट प्रपंची जान ॥

मिले रहे मिलि मारहीं, ऐसे धूत महान ॥ १५ ॥

धनाक्षरी कवित्त ।

मिलत अगाऊ जाय नेकहूँ न माने शंक फेरे ना फिरहें लोक  
लाज सब डारें तोरि ॥ लावत मिलाय वेगि आपने सजातिनको  
आसन दै चित्तकी हिये सो नेह लावै जोरि ॥ रसिकविहागि भन  
रसनाको रसनासो रसनाके रसहि पिवाय मति डारें भोरि ॥ ऐसे  
ठग नैननकी कर ना प्रतीत ये तो देत पर हाथ मन माणिक  
बुथाहीं छोरि ॥ १६ ॥



दोहा-प्रीति घुरी वैसहि सखि, फेर विदेशी संग ॥

जिहि विछुरे मिलिवो कठिन, विरह दहै नित अंग ॥ १७ ॥

सवैया-कवित्त ।

गिरिसे गिरवो मरवो विपसे निज हाथसे काटवो नीको गरेको ॥

पावकमें जरवोहै भलो नहिं खेद हिमालैमें जाय गरेको ॥

त्यागवोहै दुहुँ लोकको लोनो नहीं है कछु दुख नर्क परेको ॥

रसिकेश कलेश न जो इतनेमें सु होत विदेशीसे प्रीत करेको १८ ॥

दोहा-सुनि बोली वह वाम तव, कहो सत्य सखि वैन ॥

कहा करों अब विवशहूँ, दरश विना नहिं चैन ॥ १९ ॥

अली श्याम गुण रूपको, कहँ लग करों बखान ॥

तुमहि विदित है सकल अरु, मो हियकी हिय जान ॥ २० ॥

सवैया कवित्त ।

आननकी उपमा अरविंदसी इंदु कलासी कोऊ अनुमानैं ॥

नैन कुरंगसे कोऊ कहै अलिखंजन मीनसे कोऊ बखानैं ॥

शेष न भाषिसकै छबिसो रसिकेश हिये शत शारदा आने ॥

साँवरेकी वा निकाई भट्ट अँखियानें ते मेरी लखैं सोई जानैं २१ ॥

धनाक्षरी कवित्त ।

आसन किधौ है रूप भूपतिके शोभा देत कीधौ यह पंचवानहीके नौल घर है ॥ कीधौ पंथ आनंदके रसिकविहारी स्वच्छ कीधौ वास

हेत नैन मीननके सर है । प्रेम के विलोकिवेके कीधौ द्वै मुंकर राजैं कीधौ मन मोहिबेके यंत्र वसी कर हैं ॥ लालके कपोल कीधौ

कामने दिखाये युग सुमन गुलाबके बनाये आप कर हैं ॥ २२ ॥

खुलत चहुँघा खुशबोईके खजाने खूब वह महबूब जब आयकै चढ़े अटा ॥ अलकै अनूप अति अतर भरी सो चारु मुख पै परैं हैं जनु

चंद पै धिरैं घटा ॥ रसिकविहारी रूप सरसरसीलो मंजु कोहै जो न जो हैं मन मोहे छैलकी छटा । आनन विलोकि अंग भान न रहैरी

वीर मार नैन वानन ते प्राणन करै कटा ॥ २३ ॥

दोहा-सुनि बुझाय पुनि अलि कही, करौ भट्ट वह काज ॥

जाते सबही भाँति तुव, रहै लोक कुल लाज ॥ २४ ॥

चौ०—तब वह वाम नेह मद माती ❀ सत्य विशुद्ध राम रंगराती ॥  
संग सहेलिन प्रति झहराई ❀ वचन कहे दृढ सदाहि सुनाई २५ ॥  
सवैया कवित्त ।

होत नहीं कछु काहुहिते जग लोग वृथा समुझाय के खूटें ॥  
प्राण रहै किन जाय भले धन धाम सो काम नहीं कोउ लूटै ॥  
भूमि चलै नभ मेरु हलै वरु ऊपर ते शशि सूरहु दूटै ॥  
होय सबै अनहोनी तऊ रसिकेशलगी यह प्रीति न छूटै ॥ २६ ॥  
डौंडी बजाय के प्रीति करी तब कौन कीहों अब लाज लजों ॥  
जो कछु होनी हुती सु भई पुनि औरहु होय सु होय अजों ॥  
शंक न काहु की है रसिकेश रही पग रोपि कहा मैं भजों ॥  
नेह न छोडो कवों उन सों सजनी वरु गेह औ देह तजों ॥ २७ ॥  
टोकों नहीं अब रोकों नहीं हमसे सजनी न वृथाहि अरुझौ ॥  
लाज बढ़ाई घनी कुलकान की राममें जाय तुमैं सब जूझौ ॥  
हैंतों रंगी रंग साँवरेके कछु होत न कोउ किते कहूँ झूझौ ॥  
होरसिकेश कहूँ टुक काहु सनेही सों नेहकी रीति तौ बूझौ २८ ॥  
दीवई छंद ।

तासु वचन सुनिकै सब बोलीं लोक लाज जाँ त्यागो ॥  
तौ तप करौ भस्म तनु लावो ब्रह्म ज्ञानमें पागो ॥  
तब वह वाम राम अनुरागिनि तिन दिशि देखि रिसानी ॥  
भापी बहुरि संग आलिन सों परम तत्त्व मय बानी ॥ २९ ॥

घनाक्षरी कवित्त ।

टौवा ये बनावजाय औरकों सुनावो हम नेह कथा छोड़ वात दूसरी  
सुनें नहीं ॥ रसिकविहारी श्यामसुंदरको त्यागि और दृजा ज्ञान  
ध्यान हीय काहुको गुनें नहीं । प्रेम वारि शीतलको मंजन विहाय  
नित्य योग ज्वाल मध्य निज देहको भुनें नहीं । नीको मनमोहनके  
नेहमें पगोहें हम ब्रह्मज्ञान मोख वृथा शीशको धुनें नहीं ॥ ३० ॥  
दोहा—यों कहि पुनि बोली तिया, मैं बहु सुने पुगन ॥  
राम भक्ति ते अधिक कछु, कोउ न कियो बखान ॥ ३१ ॥

आये विचरत बाग मधि, लखि पावस चहुँ अ  
सवही प्रति हिय झुलासकै, बोले राजकिशोर ।

घनाक्षरी कवित्त ।

घिसन लगेहैं घन घूम घूम चारों ओर पावसवे  
फिरन लगे किधौं ॥ दौरि दौरि दामिनी दमकन ल  
विरहिनि कामिनी चमकन लगी किधौं॥ रसिकविहारी  
लगेहैं मंजु रसिकविहारी रंगराचन लगे किधौं ॥ चलन  
शीतल समीर आज मनसिज वीर तीर घालन लगो वि

दोहा-इमि वर्णत विचरत बहुरि, आये धाम मझार

ताछिन लाये पत्रिका, अवध नगर ते चार ॥

अपर पत्र सबही सुने, सियकर लिपि कर धार

लखि सुख दुख छायो हिये, रघुवर करत विच

घनाक्षरी कवित्त ।

भोगभरी योग भरी सकल संयोग भरी प्रेम भरी  
ताकी रीतकी । साम भरी दान भरी दंड अरु भेद भरी  
परम अभेद भरी नीतकी ॥ रसिकविहारी बहु चाह भरी  
क्षेम भरी क्षमा भरी भरी शुभ गीतकी । मोद भरी वि  
भरी आई आज पाती लाडिलीकी किधौं थाती यह प्रीति

दोहा-इमि मिथिला में रामको, बीतगयो इकवर्ष ॥

जात न जाने रैनि दिन, नित नव आदर हर्ष ।

सुंदर शेखर शीलनिधि, तेज रूप रशिकेश ॥

इनहि आदि बहु प्रियसखा, रघुवर संग सुदेश ॥

तिन सखानकी तीय अरु, सिया सखी समुदाय

निज निज पिय दरशन बिना, सकल हीय अकु

चौ०-अशोकवार्तिका मण्डपि ॥ विद्या मन्त्रि वैरी

घनाक्षरी कवित्त ।

घौर घौर द्रुमन लगेहैं फल ठौर ठौर शोभितहै झौर झौर पल्लव  
प्रसून पेखु ॥ मौर मौर मंजुल मल्लिद मडरात मत्त रसिकविहारी  
सुखकारी सबही कौ लेखु ॥ और और बोलै कीर कोकिल सु तौर  
तौर डौर डौर वल्ली लपटानी जो कहा विशेखु ॥ घौर झौर मौर  
और तौर चहुँ ठौर भये दौर दौर आली आज आयो ऋतुराज देखु ॥  
॥ ५४ ॥ झौर झौर ठौर ठौर झूमत रसाल मौर पीवैं मकरंद लै  
मल्लिद वृन्द धापि धापि ॥ सबै जड चेतनके अंग उमंगो अनंग लपटी  
सुमालती तमालतरु ढापि ढापि ॥ रसिकविहारी हैं संयोगिनी मुखारी  
हीय कोकिला अलापैं सुर पंचमको थापि थापि ॥ सुनि सुनि कूकैं  
उर विरह भभूकैं उठैं निरखि वसंत रहैं विरहिनि कापि कापि ॥ ५५ ॥  
पेखिये पलाशन पै प्रबल हुताशन है पाय अनुशासन विरह सरसा-  
योहै ॥ कोकिलाकी कहिये हूकसी उठावतहै लूकसी लगावत समीर  
अधिकायोहै ॥ रसिकविहारी मैन मनकों मरोरतहै भौरन को शोर  
जोर अधिक जनायो है ॥ संतहै असंत प्राण लैहै विनकंत हेली  
आज विरहनपे वसंत चढि आयोहै ॥ ५६ ॥

दोहा-यौंकहि दीह उसाँसलै, पुनि बोली अकुलाय ॥

कहादोष ऋतुराजको, है वियोग दुखदाय ॥ ५७ ॥

घनाक्षरी-कवित्त ।

हेलीहीं विकल विललाता तबही तैं बनी जवते विदेश गोन  
भयो प्राणप्यारेको ॥ रसिकविहारी तोहैं वृद्धाँ यह बात भटू कौन  
विधि देहुँ धीर हृदय विचारेको । विरह सतावैं दिन रैन दुख कासों  
कहीं ऐसी को मिलावै हाय प्रीतम हमारेको । हेम लंकदाही कपि  
नीको मैन जारो शंभु कोऊ नाव रायो या वियोग दर्द मारेको ॥ ५८ ॥

दोहा-तोछिन दूजी बाल इक, पिय सुधि करि अकुलाय ॥

सुधि बुधि भली विरहवश, बोली सखिहि रिसाय ॥ ५९ ॥

घनाक्षरी कवित्त ।

भोन दाधि राखे ताको भोनहीं न राखौं धीर कैं ह जो गणेश ताहि  
देश तैं निकारौंगी । ज्योतिष पढ़ेगो मेरे ग्राम ते कटेंगो वह धान

जो ववैगो ताकी सान मैं विगारौंगी । रसिकविहारी यह डौंडी  
फिरवाय देरी आज ते चहूँघा यही आज्ञा अनुसारौंगी । प्रथम भई  
सो भई अब तौ समै पै सदा सासु औ ननँदकै प्रवंद वंद पारौंगी ६०

दोहा—इमि निज निज प्रीतमसुरति, करि करि होय अधीर ॥

जनकनंदिनी प्रीति युत, तिनहिं धरावैं धीर ॥ ६१ ॥

ग्रीपमऋतु आई तबै, बोली विरहिनिवाल ॥

अब किमि वचिहैं प्राण ये, एक अंग द्वै ज्वाल ॥ ६२ ॥

सवैया—कवित्त ।

यौं मुरझाय रहीं द्रुम बेलि हुताशनसी जंनु लागी प्रहारन ॥

नीर ते छीन भये सरिता सर कौन सहै यह आतप झारन ॥

है रसिकेश अनंद पिया संग या ऋतु है विरहीनके कारन ॥

एक तो जारततो विरहा पुनि दूजहु ग्रीपम लागी है वारन ॥ ६३ ॥

धनाक्षरी कवित ।

कीधौं शेष मुख झाल कीधौं बड़वाग्रि ज्वाल कीधौं भानु काला

भानु भानु कीनो वांस है । कीधौं हर तीजो नैन खोलो फेरि क्रोधित

है कीधौं शंभु कंठते कढो जो विष त्रास है । कीधौं महा प्रलयको

आतप प्रचंड अति कीधौं महाकाली कोप प्रगट प्रकाश है ॥ कीधौं यह

ग्रीपमकी तपन समेत पौन रसिक विहारी कीधौं विरही उसीसहै ६४ ॥

दोहा—यौं विलपत ग्रीपम गई, पावस आई बेरि ॥

जनकसुता सखियान सों, कही चहूँ दिशि हेरि ॥ ६५ ॥

धनाक्षरी कवित ।

मोरनमें मगमें मनोजमें सु मीननमें मनमें महीमें गति औरहि

छई है आज । तरुन तमालनमें तालनमें तरुनीमें तममें तमीमें यति

औरहि छई है आज । रसिकविहारी रस रंगनमें रागनमें रीति रमनीमें

गति औरहि नई है आज । पवनमें पावसमें पत्रनमें पुष्पनमें प्रीतिमें

सु पीमें मति औरहि भई है आज ॥ ६६ ॥ वेई मेघमंडल मढ़ें हैं

नभमंडलमें वेई मोर कोकिला कलाप करें नीके री ॥ वेई वन वेई वाग

सवननिकुंज वेई वेई राग रंग जो प्रमोद दानही केरी । वेई नवनागरी

सहेली संग वेई रैनिकांरी हित वेई कोंधा दामिनी केरी।रसिकविहारी  
वेई पावस मनोज वेई साज सब पीके बिन दाहकहैं जीकेरी ॥६७॥  
आवन न दीने पिय चारौं दिशि रोकि राखी चातंक शिखंडी व्यंग्य  
वाणी सो उचारी है । विरह विलोकि भेरो दामिनी हँसतहेली रैनि  
दिन संधि पाय होत अरु नारी है । इंद्र धनु भ्रकुटी चढाई  
करि कोप येरी पवन प्रचंड दूती सीखदैं सिधारी है ॥ रसिक  
विहारी हम जानी री, सयानी सुनौ पावस नहीं है यह सवति  
हमारी है ॥ ६८ ॥

दोहा—सुखछावन सावन छयो, तिय मनभावन संग ॥

झूलै हुलसि हिंडोरने, हृदय बढाय उमंग ॥ ६९ ॥

घनाहरी कवित्त ।

वृन्द वृन्द जुरिके अनंद भरी चंद्रमुखी झूलतीं हिंडोरे हिय हुलसि  
बढाय चाव ॥ रसिकविहारी सजे भूपन अनूप अंग वसन सुरंग रंग  
रंग रचिकै बनाव ॥ गाय गाय उमंग अभंग उमंगाय उर भाय  
भाय सुरस जनाय पिय प्रीत भाव ॥ सावन अपार सुखछावन सु-  
हावन हैं प्यार ते बुलावैं मनभावन पियारी आव ॥ ७० ॥

दोहा—इमि सबके पिय प्यार करि, झूलै प्रिया समेत ॥

राजकुंवर बिन या समै, हम उसाँस नित लेत ॥ ७१ ॥

इमि पावस सोचत गई, छायो शरद प्रकाश ॥

रास सुरति करि सिय कही, लै अति दीह उसास ॥ ७२ ॥

घनाहरी कवित्त ।

आतपसी चांदनी तपन तन दूनी देत लागत हिये में चंद्र कि-  
रने करदसी ॥ आवत उसाँस उंची सुखद सुवास लहि त्रिविध स-  
मीर धीर शालत दरदसी ॥ रसिकविहारी है संयोगिनी अनंद सब  
विकल वियोगिनी न लागत शरदसी ॥ आशने निगशह निगशहने  
आश पाय मरि मरि जीवत हैं चाँपर नरदसी ॥ ७३ ॥

दोहा—चौं सबही अकुलायक, वर्ष बिनाई वाम ॥

आई पेर वसंत पे, नहिं आवे वनश्याम ॥ ७४ ॥

अवध नगर ते सिय सहित, तिय अति विह्वल होय ॥

निज निज पिय हित पत्रिका, पठवत हैं सबकोय ॥ ७५ ॥

दोवई छंद ।

उत रघुवर बहु जनक राजसों गमन रजाय सु चाहैं ॥

पै विदेह राखत मिसही मिस नित नव नेह उमाहैं ॥

जे मिथिलावासी निमिवंशी वर किशोर सुठि रूपा ॥

तिन मिलि राम परस्पर अतिही बाढ़ी प्रीति अनूपा ॥ ७६ ॥

ते सांचे रघुवीर मित्र सब छिनहु संग नहिं त्यागैं ॥

वनविहार मृगयादि खेल बहु केलि ठनैं अनुरागैं ॥

जब जब अवध चलनकी चर्चा राजकिशोर चलवैं ॥

तब तब सकल मित्र कछु उत्सव रचैं तहाँ बिलमावैं ॥ ७७ ॥

दोहा—यों बहु काल व्यतीत भो, तब भापी रघुचंद ॥

अहो मित्र अब हमहिं शिप, देहु सकल सानंद ॥ ७८ ॥

सुनि सब भापी रामसों, लखो जनकपुर माहि ॥

जिमि सुखहोत बसंत तिमि, कहुँ त्रिलोक मधि नाहि ॥ ७९ ॥

दोवई छंद ।

माघ मास शित पक्ष पंचमी शुभमुहूर्त सुखधामा ॥

ऋतुपतिको प्रस्थान दिवस है अति पुनीत अभिरामा ॥

तादिन ते ऋतुराज दशौं दिशि छावत करत विहारा ॥

याते ख्यात वसंत पंचमी नाम त्रिलोक मँझारा ॥ ८० ॥

दोहा—सो आनंद अरु फाग लखि, चलैं अवध सब फेरि ॥

लक्ष्मीनिधि सों राम तब, कही कंठ भुज गेरि ॥ ८१ ॥

जनक नगरके नारि नर, सबही मंत्र प्रवीन ॥

पढि भुरकी डारी कहा, हमै स्ववश करिलीन ॥ ८२ ॥

अनुज सखा सेवक जिते, तेऊ पगे सनेह ॥

अवध सुरति काहु नहीं, भूल गये सब गेह ॥ ८३ ॥

यों कहि बोले राम पुनि, राजपुत्र तुव वैन ॥

कवहुँ काहु भौंति हम, रंच उलांवि सकैन ॥ ८४ ॥

याते तव रुचि राखि हम, और रहैं इक मास ॥  
 फाल्गुन अर्घ वितै विदा, दीजो सहित हुलास ॥ ८५ ॥  
 तव लक्ष्मीनिधि राम रुचि, पालि कही दृढ ठान ॥  
 राज कुँवर हैहै यही, सत्य लीजिये मान ॥ ८६ ॥  
 यौ विचार ठनि कै सवै, रहे परमआनंद ॥  
 भो वसंत उत्सव महा, जुरे नारि नर वृंद ॥ ८७ ॥  
 लागो फाल्गुनमास तव, रंग रचे सब कोय ॥  
 अवधनिवासी छैल बहु, खेलैं प्रमुदित होय ॥ ८८ ॥  
 इक होरी ससुरार पुनि, कहा लाजको काज ॥  
 धम करैं घर घर चहुँ, रंग गुलालहि साज ॥ ८९ ॥  
 डफ मृदंग वंशी बजै, जुनक नगर चहुँ ओर ॥ ९० ॥  
 रेनि दिवस छायो रहै, होरी होरी शोर ॥ ९० ॥  
 वचियोरी वचियो कहैं, एकहि एक पुकार ॥  
 अवधनिवासी लोगते, सवै बडे फगुहार ॥ ९१ ॥  
 राम अनुज रिपुदमन ते, औरहु चपल प्रवीन ॥  
 संग सखन लै फिरत हैं, रंग गुलालहि भीन ॥ ९२ ॥  
 इहि विधि मिथिलावासिनी, कोउ कहैं सकुचाय ॥  
 कोऊ है सन्मुख रचै, फाग रंग वरसाय ॥ ९३ ॥  
 कोउ तिय जुरिकै रहसि, करैं परस्पर बात ॥  
 सखी न होरी होइ यह, वरजोरी दरशात ॥ ९४ ॥  
 ताछिन बोली एक तिय, सुन गोरी मम बात ॥  
 अवकी फाल्गुन माहैं यह, नये दंग दरशात ॥ ९५ ॥

सवैया-कवित्त ।

धंधर लाल गुलालकी छाई चहुँ दिशि केशर रंग रहो नचि ॥  
 गावत हैं डफ ताळ बजावन गारी द लंक लचावन हैं नचि ॥  
 होरी कहा वरजोरी भट्ट गनिकेश भई सब गीति नई नचि ॥  
 लचल मोहो कहैं सजनी इहि लागकी फाग ने भाग दुगै नचि ॥ ९६ ॥



दोहा—ताछिन बोली अपर तिय, सखी एक खिलवार ॥

अवध निवासी कौन धौं, है वह बडो धुतार ॥ ९७ ॥

घनाक्षरी कवित्त ।

छेकत गलीमें छैल नवल छवीलिनको छाती छै छिपात जो  
छरीलै तिहि धावै तौ ॥ गजब गरार गारी गावत गरूर भरो  
गुण गन वाके गिनै पार नहिं पावै तौ ॥ रसिकविहारी रूप चतुरसीलो  
अति रिसहू करौ जो रस रीति तें रिझावै तौ ॥ येरी यह गांव छोड़ि  
अनत वसीजे अब कीजैकां उपाय जाते लाज रहि जावै तौ ॥ ९८ ॥

दोहा—तासु वचन सुनि एक तिय, बोली अतिहि उताल ॥

हौं भापौं तोसों भट्ट, सुन होरीको हाल ॥ ९९ ॥

घनाक्षरी कवित्त ।

लीने पिचकारी कर झोरिन गुलाल भरे खेलत छवीले छैल होरी  
मद छाकि छाकि ॥ रंग बरसावैं अंग जोवन अभंग भीनै घालत हैं  
कुंकमा कपोलन पै ताकि ताकि ॥ रसिकविहारी सबै सुघर खिलारी  
भारी देखि नौल नारी गाय गारी देत वाकि वाकि ॥ तूतो है भली  
पै अली चरचा चली मैं सुनी जात या गली है छली तेरो भौन  
झांकि झांकि ॥ १०० ॥

दोहा—सो सुनि कही प्रवीन तिय, कहा आपनो जोर ॥

हैंहै प्रति दिन दिन घनो, फाग रंगको शोर ॥ १०१ ॥

याते हौं हित बात यह, भाषौं सवहि बुझाय ॥

होरी बरजोरी रचै, कहा दोष तिहि आय ॥ १०२ ॥

घनाक्षरी कवित्त ।

होरी में मचैगी धूम धूँधर चहुँ दिशान गानवान ताननमें  
कानन पगैयो जनि ॥ रंग पिचकारिनकी धारनमें भीजि  
भीजि आवैगी सहेली सबै दोष त्यों लगैयो जनि ॥ रसिकविहारी है  
अनोखे खिलवार इहाँ नीकै नैन वैननकी सैन भूलि जैयो जनि ।  
हौं तो इहि फागुनमें फाग ना रचौंगी वीर कोऊ रंग डारै बरजोरी  
कट्टकैयो जनि ॥ १०३ ॥

दोहा-इमि बतरात हुतीं सवै, ताछिन तहँ इक बाल ॥

आई भाजत रंग सनी, बोली निपट विहाल ॥ १०४ ॥

घनाक्षरी कवित्त ।

थोरी बैस कोरी मोसे करि बरजोरी गोरी डारिकै ठगोरी मेरे  
गरभुज मेलिगो ॥ वेनी लै विथोरी माल तोरी तनी छोरी भट्ट झोरी  
भरि रोरी कहि सोरी तनु झेलिगो ॥ काह मैं कहोरि रस चोरी में  
खरोरी छैल रसिकविहारी अंग अंग रंग रेलिगो ॥ होरी में भयोरी  
जो नयोरी स्वाँग देखो वीर कोधौं खिलवार आज ऐसी फाग  
खेलिगो ॥ १०५ ॥

दोहा-इहि विधि मिथिलानगर मधि, मची फाग चहुँओर ॥

अरु सिद्धा रनिवास मधि, सकल सखिनको जोर ॥ १०६ ॥

कोशलराज किशोरको, अनुज सखनके संग ॥

रंग अवीर गुलाल भरि, रचैं तियाके अंग ॥ १०७ ॥

परमानंद समेत इमि, सब हिय भरि अनुराग ॥

फागुन द्वादश दिवस लग, खेली नित प्रति फाग ॥ १०८ ॥

पुनि लक्ष्मीनिधिते कही, रघुवर नेह बढ़ाय ॥

अब नृपरांनिहि विनय करि, दीजे हमें रजाय ॥ १०९ ॥

तव लक्ष्मीनिधि वेगही, मातु पितहि समुझाय ॥

रामविदा को साज सब, साजो अमित सजाय ॥ ११० ॥

तव सब संगी मित्रते, रामहि कहैं सुवै न ॥

हम चलि हैं संग रावरे, क्षणहुँ विलग रहै न ॥ १११ ॥

सुनि रघुवर तिन धीर दे, समुझाये हिय लाय ॥

तव सो कोऊ दीन हूँ, बोले कोउ रिझाय ॥ ११२ ॥

संवेधा कवित्त ।

चाहो न चाहो पियारे हमें दिन रनि सदा जिये हूँसे बने रहो ॥

बोली न बोली हँसा न हँसा गर लागी न लागी जुरो सजने रहो ॥

जो जिय भावे करौ रसिकेश भले सुख साज में सार सने रहो ॥

नैननसे लखि लीजे लला युग कोटिनलों तुम नौके बने रहो ॥ ११३ ॥

पहिले छलते मन मोहि लयो अब क्यों जियरा तरसावत हो ॥  
 मृदु बैन सुनावत ऊपरसे हियमें न दया कहु लावत हो ॥  
 निठुराई तजो रसिकेश सबै तुमतो दिलदार कहावत हो ॥  
 हम जानि लई हौ बड़े कपटी तव तौ ममप्राण सतावत हो ११४  
 भौर दयो जिय पंकज पै तनु दीपमें जारत धाय पतंगी ॥  
 त्यों हम मित्र जु साँचे भये अजहूँ तुम यार न त्यागि दुरंगी ॥  
 ठौर घनी अनरीति लखी जिहि दीजिये प्राण सु होय न संगी ॥  
 नेह दुहूँ सु भले रसिकेश है हाय जरे यह प्रीत इकंगी ॥११५॥  
 दोबई छंद ।

राम मित्र मिथिलावासी बहु इमि अति होय दुखारी ॥  
 कोऊ मृदु कहु कोउ नेह वश विह्वल गिरा उचारी ॥  
 सुन उमंगाय लगाय अंकसो समुझाये रघुनाथा ॥  
 दै बहु धीर काहु तहँ राखे काहु लये निजसाथा ॥ ११६ ॥  
 उत सिय मात प्रेम भर प्रमुदित पुत्रिन निरखन हेता ॥  
 सिद्धाकी प्रिय सखी विचित्रा ताहि समाज समेता ॥  
 दई रजाय जाव कौशलपुर सो आनंद अघानी ॥  
 तिहि संग अपर भूरि पुरवासिन गई दरश रुचि ठानी ॥११७॥  
 तब मिथिलेश विदा किय रामहि दै बहु साज समाजा ॥  
 परम सनेह उमंग यथोचित मिले सबहि रघुराजा ॥  
 दुधरी शोध पयान कियो द्रुत संग विपुल नर नारी ॥  
 अति उताल पुर सन्निध आये सप्तम दिवस सुखारी ॥ ११८ ॥  
 दोहा—इत सिय ढिग बहु नारि मिलि, करहि परस्पर बात ॥  
 भये घने दिन तबहिं ते, नित शुभ शकुन जनात ॥११९॥

घनाक्षरी कवित ।

डेरी भौह डेरी आँख डेरी भुज डेरी कुच डेरे अंग मेरे सब फरक रहे  
 हैं री । आजहूँ न आये कहूँ छाये प्राणप्यारे लाल मेरी जान कोऊ  
 वाल गाढे कै गहे हैं री । रसिकविहारी यह कारण कहा है वीर आँगीमें

न मावै मो उरोज उमहे हैं रीहोत हैं शकुन वेई पीके मिलिवेके नित्त  
तीके हेत नीके नीके नीके जे कहे हैं री ॥ १२० ॥

दोहा—सो सुनि बोली एक तिय, सत्य कहौ मैं वाल ॥

हौ जानौ मो प्राणप्रिय, आवन चहत उताल ॥ १२१ ॥

घनाक्षरी कवित्त ।

हिय हुलसात मन मोद सरसात भट्ट अंचल उडात वाम नैन  
बाहु फरकै । दाहिने कुंग पाँत काग शुभ बोलि जात रसिकविहारी  
त्यौ उरोज युग थरकै । गनक बुलायो प्रात सोड कही नीकी बात  
शकुन दिखात लोन नीवी फंद सरकै । हेली हम जानी मिलो  
चाहत हमारे प्यारे वार वार आज कंचुकीके वंद तरके ॥ १२२ ॥

दोहा—ताछिन बोली मैथिली, स्वपन लखो हम आज ॥

कौशलराजकिशोर जनु, आये सहित समाज ॥ १२३ ॥

इमि वतरात हुतौ सवै, ताछिन इक अलि धाय ॥

आय कही सानंद अति, आवत हैं रघुराय ॥ १२४ ॥

तापु वचन सुनिकै मुदित, सिय निज निकट बुलाय ॥

दीने भूषण वसन वर, परमप्रेम उमगाय ॥ १२५ ॥

भरत साज साज जायके, लाये नगर लिवाय ॥

वर वर भये वधावने, मिले सवै हुलसाय ॥ १२६ ॥

मिथिलाते आई अली, जासु विचित्रा नाम ॥

ताहि सिया सादर निकट, राखी हरपि सु धाम ॥ १२७ ॥

फागुन मास अनंदको, आये सव निज गह ॥

मिले परस्पर नारि नर, हिय उमगाय सनेह ॥ १२८ ॥

रचो रंग निज निज सदन, खेलत सवही फाग ॥

बहु दिनके विछरे मिले, बाढो अति अनुगग ॥ १२९ ॥

इहि विधि ते गुरुवंश मणि, अनुज सखान समेत ॥

करि विहार मिथिला मुदित, आये अवय निकेत ॥ १३० ॥

इत सीता सखिगण सहित, सखन सहित रत राम ॥

दुहुँ दिशि फाग उमंग भगि, सजे साज मुखधाम ॥ १३१ ॥

इति श्री० रा० २० वि० वि० मिथिलादिहाग्रन्थो

नाम चतुर्थोदितानः ॥ ४ ॥

दोवई छंद ।

आये कौशल नगर सुदित सब रची फाग सुखरासी ॥  
 जनकनगर वासी नर नारी मिले अवध पुरवासी ॥  
 जे तिय पुरुष भूरि मिथिला ते राघव संग सिधारे ॥  
 ते अरु प्रथम हुते जे सिंगरे जरे एक ह्वै सारे ॥ १ ॥  
 जबते सिय आई कौशलपुर तबते बहु नर नारी ॥  
 जनकनगर वासी सानंदित निवसे अवध मझारी ॥  
 तिनके सदन अपार अनूपम विस्तृत भूरि सुवासा ॥  
 पुनि आवत तेऊ तहँ विलसत सब विधि सकल सुपासा ॥ २ ॥  
 तिहि वर वास मध्य रघुवरके अनुज सखा प्रति वर्षा ॥  
 होरी धूम करै कबहुँ तहँ रामहुँ जात सहर्षा ॥  
 सो मिथिलावासी नर नारी भये अवधपुर वासी ॥  
 तदपि सकल सम्बंध यथोचित रचै फाग सुखरासी ॥ ३ ॥  
 ते सब हीय उमंग भरी अति ठानी फाग सुहाई ॥  
 रघुवर अनुज सखा सानंदित करी धूम तहँ जाई ॥  
 इत रघुवंशी छैल सुभग उत निमि वंशी नर वामा ॥  
 यूथ यूथ मिलि होरी खेलत सुख शोभा अभिरामा ॥ ४ ॥  
 दोहा—इमि माची नित धूम तब, एक तिया चहुँ धाय ॥  
 जे आई नव नारि तिन, सबही कही बुझाय ॥ ५ ॥

वनाक्षरी कवित्त ।

छैल नित याही गैल आयके मचावैं फेल भौंह मटकावैं औ  
 नचावैं नैन गारी दे ॥ देखि नव गोरी वरजोरी करि धावैं ताहि रंगमें  
 भिजावैं ताकि तन पिचकारी दे ॥ रसिकविहारी हैं अनोखे फगुहार  
 फेर पकर वनावैं नर भेष हँसैं तारी दे ॥ याते प्राणप्यारी सीख  
 मानियो हमारी दुरि बैठियो अटारी चहुँ ओर ते किंवारी दे ॥ ६ ॥  
 दोहा—याँ कहि पुनि बोली भट्ट, जे रघुवंशी छैल ॥  
 तिहूँ लोकते अवधमें, तिनको न्यारी गेल ॥ ७ ॥

चैतमास आरंभकी, रंग पंचमी होय ॥  
 पुनि त्रैदिन लग अष्टमी, फाग गिनै सब कोय ॥ ८ ॥  
 इहि विधि मिथिलावासिनी, करै परस्पर वात ॥  
 छिन छिन प्रति दिन दिन चहुँ, होरी सुख सरसात ॥ ९ ॥  
 उत खेलत पुर माहिँ सब, नरे नारी सानंद ॥  
 रची फाग इत महल सिय, सहित सखिनके वृंद ॥ १० ॥  
 आई मिथिला ते सखी, तिहि सिय दर्ई रजाय ॥  
 होहु सजग अलि यूथ मिलि, सुठि सिंगार सजाय ॥ ११ ॥  
 सुनि सिय आयसु हुलसिकै, सुभग विचित्रा नारि ॥  
 सजे अंग भूषण वसन, वर शृंगार सुधारि ॥ १२ ॥

घनाक्षरी कवित्त ।

जावक लगायो युग पाँयन सुरंग अति घेरदार घाँघरो नवीन  
 पहिरायकै ॥ नीलरंग चूनरी चटकदार चातुरी ते चुनि चुनि चारु  
 राखी सरस उढ़ायकै ॥ रसिकविहारी भली तियहि सिंगारी अली माँग  
 रचि दीनी वर सेंदुर भरायकै ॥ मानो रसराजको विदारि आयो  
 रौद्र रस लालमन जीतिवेको विजय बढाय कै ॥ १३ ॥

दोहा—तासु छटा लिख परसपर, कहैं अवधकी तीय ॥

याको शिख नख सुभग पे, पीठ कहा कमनीय ॥ १४ ॥

घनाक्षरी कवित्त ।

कंचन पटी कै अँगनाई मेन मंदिरकी जोवन महीपके  
 विराजिवेको कैधौ पीठ ॥ कैधौ मान गढकी दिवाल हे विशाल अति  
 रूप परदाकै कोऊ ढीठकी परै ना डीठ ॥ रसिकविहारी हेरि हेरि मति  
 हारै घनी ऐसी हे अनूप जाकी उपमा मिलै है नीठ ॥ कैधौ कदलीको  
 पत्र कोमल नवीन मंजु कैधौ यह शोभित नवेली नागरीकी पीठ ॥ १५ ॥

दोहा—निरखि विचित्राकी छटा, तिय बोलैं हुलसाय ॥

हो सुंदरि तुव नाम यह, सत्य रूप सम आय ॥ १६ ॥

सवैया कवित्त ।

धुर वृद्ध भयो करतार अबे थहरै तनु औ कटि कंठ लपो ॥  
 इहि ते तिहि ते वर रूप बनै न चनावत पै उर अपि चपो ॥  
 अति तो छवि हेरि अनूप हिये रसिकेश यही दृढ हेत थपो ॥  
 विरची विधि तोहि भटू जबही तव रंच कहूँ कर नाहिँ कपो १७  
 भृंग चहूँ भ्रमते मड़रात विलोकतहैं दृग पंकज फूले ॥  
 आवत कीर हिये ललचात लखैं अधरारुण विम्व अतूले ॥  
 चंदके धोखे चकोर लखैं मुख है रसिकेश सदा अनुकूले ॥  
 तो छवि हेरतही नवला निरपक्ष कहा पुनि पक्षिहु भले ॥ १८ ॥

घनाक्षरी कवित्त ।

खंजन मलिन्द मीनहूते गुण चौगुणो है ऐसे दृग दोऊ जिनै  
 निरखि लजाय कंज ॥ मधुते सुधाते बसै छैगुणो मिठास जामें वाणी  
 यौ अनूप सुनि सकल नशात रंज ॥ रसिकविहारी रूप नौगुणो  
 गुलावहूते जिनको कपोल ये ललाम मदकाम भंज ॥ शीतकरहूते  
 अति शीतकर सौगुणो है येरी प्राणप्यारी तेरो वदन मयंक मंजु १९ ॥  
 दोहा—सुनत विचित्रा सकुचिकै, कहे भाव युत वैन ॥

अवधवांसिनी धन्य तुव, पद रज सम हम हैं न ॥ २० ॥  
 इमि अति आनंदित सबै, सखिगण कियो श्रृंगार ॥  
 आई सिय ढिग मणिजटित, पिचकारी कर धार ॥ २१ ॥  
 सिय श्रृंगार तिहि समय को, वरणि सकै कवि कोय ॥  
 जिहि भापै बहु शारदा, तऊ थकितं मति होय ॥ २२ ॥  
 सो मिथिलाधिप नंदिनी, संयुत सखी समाज ॥  
 शोभित महल उमंग भरि, फाग साज सब साज ॥ २३ ॥  
 साजे होरी साज सब, सकल अनूप अनेक ॥  
 सो अवलोकत ही बनै, वर्णत बनै न नेक ॥ २४ ॥

घनाक्षरी कवित्त ।

मृगमद चूर औ कपूर धूर भूर पूर कुंकुमा करोरनते सु लघु विशा-  
 ल हैं ॥ मेरु सम चारों फेर अबिर गुलाल ढेर स्वच्छ गुच्छ विपुल

प्रमृन्नकी मालहैं ॥ केशर कुसुम रंग पूरे कुंभ कुंड हरे अतर तमोल  
 येल अमित निरालहैं ॥ रसिकविहारी इमि फागकी तयारी संग जन-  
 कदुलारीके उमंग भरी बाल हैं ॥ २५ ॥ अनुज सखान वृंद युत रघुचंद  
 सजे अतिही अनंदते प्रवंद करि होरीके ॥ रसिकविहारी करधारी पि-  
 चकारी मंजु सहित अजीर औ गुलाल भर झोरीके ॥ रंग रंग रंगके  
 अपार घट लीने संग वाजत सुदंग ते मृदंग डफ जोरीके ॥ मिथिला-  
 निवासिनमें अति अनुराग भरि खेलि फाग आये भौन जनककिशो-  
 रीके ॥ २६ ॥ देखि रघुराईको विचित्रा उठि धाई वेगि सखिन समेत  
 आय रंग झरिलाई सो ॥ करि चपलाई लंगराई औ ढिठाई भूरि मस-  
 लि गुलाल मुख औचक दुराई सो ॥ रसिकविहारी चारु परम प्रवीन  
 नारी सकल खिलारिनकी सुमति छकाई सो ॥ सरस अनूप रूप हेरि  
 मन मोहित है जानी सब येही मिथिला ते बाल आई सो ॥ २७ ॥

दोहा-निरखि विचित्राकी छटा, चकित भये रघुचंद ॥

करत विचार सु हीयमें, पूरे परमानंद ॥ २८ ॥

पनाहरी कवित ।

मेरो चित्त निश्चल छल्ले छल ठानि सीय गुण बलते धौं प्रगटाई  
 यह भामिनी ॥ कैयों किवरी है के नरी है के सुरी है कोउ कैयों वन  
 त्यागि इत आई आज दामिनी ॥ रसिकविहारी रूपवारी है अनूप नारी  
 कहाते सिधारी प्यारी ढिग अभिरामिनी ॥ कैयों भारती है के रती है के  
 सुती है नीय शरद शशीकी जोन्ह कैयों भई कामिनी ॥ २९ ॥ कैयों भूप  
 जोवनके चपल तुरंग युग कैयों दलपंकजके सरस सलौने ये ॥ कैयों  
 मदगंजन निरंजन हैं खंजनके कैयों मृग मीन हेत भये अनहोने ये ॥  
 कैयों मन मोहिवेके उभय अभूत दूत कैयों सुखदेत लेत अमीविष  
 दोने ये ॥ रसिकविहारी कैयों हरन सुहीके पाँके लोचन सुतीके  
 अतिनीके रचे काने ये ॥ ३० ॥ कैयों शशि अंकमें विगज शनिवाल  
 रूप कैयों कंज कलिकापि सो है भृंग नीको है ॥ कैयों हेम  
 संपुटमें जटित सु नीलमणि कैयों धगे आरनी प फल



अरसीको है ॥ कैधों शुभ्र आसन पँवटो है मनोज भूप कैधों जंत्र  
मोहन है मोहन सु जीको है ॥ रसिकविहारी कैधों डीठ काहूकी है  
गडी कीधों यह आनन पँ गुदना सु तीको है ॥ ३१ ॥

दोहा—इमि विचार करि राजसुत, बहुरि लखे तिहि ओर ॥

ताछिन कमला धायकै, दये रंगमें वोर ॥ ३२ ॥

लखि रिपुसूदन कुंकुमा, वालो तासु कपोल ॥

मुख गुलाल मलि मेनका, धाय मिली निज टोल ॥ ३३ ॥

ताछिन आलीगण उमँगि, रंग गुलालहि छाये ॥

अनुज सखन युत श्यामको, नख शिख दये रचाय ॥ ३४ ॥

तिहि ओसर छवि फागकी, अकथ अभूत अनूप ॥

सो सुख जानै नैन मन, जहँ छायो वह रूप ॥ ३५ ॥

वनाक्षरी—कवित्त ।

वरसत रंग तिय दामिनी सी दैरें दुरि वन अँधियार है गुलाल  
अवरोधमें ॥ गरजत मेवसे मृदंग मन पौन झोकै होत कलगान  
कोकिलानके प्रबोधमें ॥ फागुन पलट भयो सावन सुहावन सो  
रसिकविहारी कहौ निज मति शोधमें । सरिता नवेली उमड़ी है नेह  
नीर भरि धायकै मिलीहैं जाय प्रीतम पयोधमें ॥ ३६ ॥

दोहा—इहि विधि इत होरी मची, कोऊ कछू नें जान ॥

राम विचित्रा डीठ लखि, सिय उत ठानो मान ॥ ३७ ॥

मिसकरि उठि तहँ ते सिया, विमलहि निकट बुलाय ॥

रहसि भवन मधि लै गयी, भापी भौंह चढ़ाय ॥ ३८ ॥

सखीन हौं आयसु दर्ई, पै सु विचित्रा नारि ॥

आवतहीं नृपनंद द्विगं, धाई रूप निहारि ॥ ३९ ॥

पुनि श्यामहु की डीठ हौं, पहिचानी तिहि ओर ॥

चकित भये टक लाय दृग, मानो शशिहि चकोर ॥ ४० ॥

याते हौं अब लाल द्विग, जाय न खेलौं फाग ॥

सुनि विमला समुझायकै, बोली युत अनुराग ॥ ४१ ॥

धनाक्षरी कवित्त ।

नृपतिकिशोरी मोरी विनय सुनीजे इती कहति निहोरी करजोरी  
मान लीजिये ॥ गोरीते सु जोरी डीठ होरी में न चोरी कछू खोरी  
तिन ओरी है न जीमें ठान लीजिये ॥ जोरी श्याम गोरी विधि जोरी  
या करोरी युग अचल सदाही सत्य नेह जान लीजिये ॥ राम एक  
नारी व्रतधारी मुनि झारी कहै रसिकविहारी बात सारी छानि लीजि  
ये ॥ ४२ ॥ हम सब आली दिन रैनि नित दंपतिको सेवैं हैं सदाही  
जीय गति पहिचानैं हैं ॥ रहसिरसहैं दरसहैं परसहैं अंग बोलहैं  
हंसहैं औ विनोद मोद ठानैं हैं ॥ रसिकविहारी धीर अवधविहारी  
सत्य धर्म धुरधारी सो सुनीति रीति जानैं हैं ॥ मन बच कर्मते सु भूलिहु  
कवौ न लाल रावरे विहीन काहु बाल उर आनैं हैं ॥ ४३ ॥

दोहा—यौं कहि पुनि विमला सुमति, बोली परम सुजान ॥

धनि दंपति जोरी मिली, दोऊ दुहूँ समान ॥ ४४ ॥

धनाक्षरी कवित्त ।

प्यारे सौं न कोऊ एक नारी व्रतधारी और प्यारीसी पतिव्रता  
पुनीत कहूँ नारी ना ॥ अवधविहारी ऐसे कितहूँ न रूपमंत नृपति  
दुलारीसी सुतीय छविहारी ना ॥ रसिकविहारी दुहूँ दोऊ अनुहारी  
इमि काहु ठौर दंपति सनेह सत्य कारी ना ॥ एक सुख कैसे यह  
भाग्यकी बड़ाई करों गिरिजा रमाहु सम स्वामिनी तिहारी ना ॥ ४५ ॥

सर्वथा कवित्त ।

व्याह भयो जवहीते पिया तुव रूप लखें नितही दृग दीने ॥

रंच न त्यागत हैं रसिकेश तिहारहि नेह सुधारस भोने ॥

रावरे अंगकी देखि प्रभा ललकें पलकें नाहि देत प्रवीने ॥

हौ बड़ भागिनि राजसुता रघुनंदनको अपने वश कीने ॥ ४६ ॥

धनाक्षरी कवित्त ।

परमसुजान ज्ञान गुणकी निधान मंजु अति मतिमान मुददान  
प्राणप्यारेकी ॥ मेरी विन मान मान त्यागी अनुराग प्रिया सिखई  
सखीको आज यह गति न्यारेकी ॥ कीजे फाग विजय सु दंग गदि

लीजे धाय सुथरी भली है या गुलालके अँध्यारेकी ॥ रसिकविहारी  
प्यारी रंग बरसावो चलि पिय दरशावो द्युति आनन उज्यारेकी ॥ ४७ ॥

दोहा—यौं कहि विमला सीय मुख, लखि पुनि कर गहि लीन ॥

नैननाय मुसकाय फिर, बोली अली प्रवीन ॥ ४८ ॥

घनाक्षरी कवित्त

झेलि झेलि झोरिन अबीर रंग रेलि रेलि मेलि मेलि कुंकुमा  
गुलाल भरि मूठि मूठि ॥ खेलो फाग आई अनुराग भरी भाग्यनते  
काहे इतरात बात बोलतीहौ तूठि तूठि ॥ रसिकविहारी कौन वानि  
या तिहारी प्यारी प्यारेको वृथाही क्यों लगावो खोरि झूठि झूठि ॥  
मानो सीख मेरी बैस थोरी पै न भोरी वीर होरीमें न गोरी बरजोरी  
चलो हूठि हूठि ॥ ४९ ॥

दोहा—सुनि आलीके वर वचन, हँसि लगाय तिहि हीय ॥

सीय कही विमला सखी, हौं अति मति कमनीय ॥ ५० ॥

यौं कहिकै आनंद भरि, लै पिचकारी हाथ ॥

कोउ न जानो भेद सिय, मिलीं सखिनके साथ ॥ ५१ ॥

बरसत है दुहुँ ओरते, रंग गुलाल अपार ॥

कोऊ लखै न काहुको, छायो अति अँधियार ॥ ५२ ॥

छिन छिन कहत उमंग भरि, सखी सखा दुहुँ ओर ॥

जै मिथिलाधिप नंदिनी, जै अवधेशकिशोर ॥ ५३ ॥

घनाक्षरी कवित्त ।

बरसत दोउ ओर रंग पिचकारिनते मृगमद मिश्रित गुलाल  
धुंधछाईहै ॥ रलित कपूर धूर पुरोहै अबीर चहुँ केशरकी कीच बीच  
महल मचाई है ॥ चलत अपार चारु कुंकुमा प्रसूनगुच्छ रसिकविहारी  
गान धुनि सरसाईहै ॥ अवधकिशोर अरु जनककिशोरी गोरी खेलें  
आज होरी आज होरी अधिकाई है ॥ ५४ ॥

दोहा—इमि खेलत होरी दुहुँ, आय भये इकठौर ॥

जनकनंदिनी राजसुत, रसिकनके शिरमौर ॥ ५५ ॥

ताछिन पिय कर गहि सिया, बोली मृदु मुसक्याय ॥

कितते विचरत रंग भरे, आये हौं इहिं ठाय ॥ ५६ ॥

सवैया कवित्त ।

फौज लिये फगुवारनकी सब सौँज सजे निज मौँजमें सूबे ॥  
लाल गुलाल ते लाल भये छवि छाक छोके दृग हैं मद उबे ॥  
हौ रसिकेश उमंग भरे रसरंगमें अंग सु रंगमें डूबे ॥  
साँचि कहौ किहिके घर जाय लला वनिआये हौ आज अजूबे ५७ ॥  
दोहा—सुनि हँसिकै बोले तबै, रघुवर प्रेम प्रवीन ॥

इन दिन मिथिलावासिनी, भई सबै रसलान ॥ ५८ ॥  
तिनके सदन सखान युत, कियो जाय रसपान ॥  
अंब इत आये तब सखी, सब करिहैं सनमान ॥ ५९ ॥  
इमि वतरातहि औचकै, चंद्रकला अलि आय ॥  
अंजन रेख कपोल करि, वेंदी दर्द लगाय ॥ ६० ॥  
सो—ताछिन लपण प्रवीन, गहि बोरी तिहि रंगमें ॥  
भरत धाय धरि लीन, हेमा मुख रोरी मली ॥ ६१ ॥  
दुरत विचित्रा नारि, आई कर कज्जल लिये ॥  
रिपुहन ताहि निहारि, गहि सोई तिहि मुख मलो ॥ ६२ ॥  
ताछिन ताहि निहारि, पहिचानी रघुवीर ध्रुव ॥  
यह सु विचित्रा नारि, सिद्धाकी प्यारी सखी ॥ ६३ ॥  
अति उताल रघुलाल, मारी मूठ गुलाल तिहि ॥  
सो प्रवीन वर वाल, भजी श्याम मुख चूमिकै ॥ ६४ ॥  
ताछिन अलिगण धाय, गहि लीने बहु सखनको ॥  
नारी वेप बनाय, पाँव पराये सीयके ॥ ६५ ॥  
लपण शत्रुहन धाय, गहि लाये सखियानको ॥  
वर नर रूप सजाय, राम पाँव डारी मुदित ॥ ६६ ॥  
सो लखि सिय उमँगाय, रँगुलाल अरु कुंकुमा ॥  
सहित सखी समुदाय, पिय तन ताँके वरमन लगी ६७ ॥  
अनुज सखन युत श्याम, होरी होरी शोर करि ॥  
रँग गुलाल आभिगम, चहुँ दिशिते लाई दंग ॥ ६८ ॥

दोवई छंद ।

लपण विचित्रा अंग शत्रुहन चंद्रकला पर मेलैं ॥  
 भरत चारुशीला मिलि रघुवर जनकनंदिनी खेलैं ॥  
 सखा सखी अरु अपर अनेकन भरि भरि हृदय उमंगा ॥  
 गेंद प्रसून गुलाल कुंकुमा घालत वरसत रंगा ॥ ६९ ॥  
 वजत मृदंग झांझ डफ दुहुँ दिशि होत मनोहर गाना ॥  
 अतर मलत मुख पान देत हठि अति अनंद उमगाना ॥  
 राजकुँवर मिथिलेशनंदिनी दोऊ सुघर खिलारी ॥  
 खेलत दुहुँ परस्पर होरी भरे सनेह मुखारी ॥ ७० ॥

धनाक्षरी कवित्त ।

श्यामा श्याम सुघर खिलारी हुसियारी करि रसिकविहारी धाय  
 धाय दोऊ रेलैं हैं ॥ केशरके रंगमें सुअंग सराबोर भीजे ताकि ताकि  
 कुंकुमाकपोलन पै मेलैं हैं । लाल मुख लाल सोहैं सहित गुलाल  
 तापै अलकैं अबीर भरी झूमैं छवि झेलैं हैं । पीत जरतारी झंगा पहिरे  
 भुजंग छोना मानो बाल भानु संग धाय धाय खेलैं हैं ॥ ७१ ॥

दोवई छंद ।

ताछिन धाय अली कमलादिक औचकही द्रुत जाई ॥  
 चारहु राजकिशोरन गहिकै निज सु गोल मधि लाई ॥  
 नैन आँजि वेदी लिलारदै फूल माल गल डारी ॥  
 आय खरे कीने सिय सन्मुख हैंसी सकल दैतारी ॥ ७२ ॥  
 लखि मुसकाय कही सिय प्यारे अव कहैं सखा तिहारे ॥  
 मन भावै सो रचिय रूप चहुँ बोलि देहु किन हारे ॥  
 तव रघुचंद मंद हैंसि भापी प्रिया सदा हम हारे ॥  
 हैं अवला सवला सहाय जिहि मनसिज धनु शरधारे ॥ ७३ ॥  
 सुनि सिय नैन नवाय विहंसिकै पिय दुहुँ कर गहि लीने ॥  
 कही लाल मिलि अनुज सखन इत आय फैल बहु कीने ॥  
 फगुवा देहु छेल तव छूटो नत ये मिथिला नारी ॥  
 साजि तिया शृंगार नचे हैं चहुँबुध धनुधारी ॥ ७४ ॥

कही तवै रघुचंद मंद हँसि वर फगुवा हम देहीं ॥  
 अनुज सखा ये जिते तिते सब सखी एक इक लेहीं ॥  
 हमै लेहु प्यारी तुम याते कह उत्तम सो दीजे ॥  
 पुनि बहु सखा सखिनको भूषण वसन विभूषित कीजे ॥ ७५ ॥  
 दोहा—सुनि सिय पिय वाणी विहँसि, बोली हम लखि लीन ॥  
 सखा अनुज संयुत लला, हौ सब कला प्रवीन ॥ ७६ ॥  
 यों कहि सिंहासन विशद, बैठारे रघुचंद ॥  
 श्याम वाम दिशि लाडिली, शोभित परमानंद ॥ ७७ ॥  
 अशन पान मादक विविध, अतर तमोल सु माल ॥  
 वसन विभूषण विशद बहु, सकल रसाल विशाल ॥ ७८ ॥  
 यथायोग सादर सकल, देत लेत युत मोद ॥  
 भरे परस्पर प्रेम सब, छाके फाग विनोद ॥ ७९ ॥  
 पुनि तहँ ते निज निज भवन, गवन कियो सब कोय ॥  
 इहि विधि फाग अनंद अति, अवधनगरमें होय ॥ ८० ॥  
 बहुरि परस्पर करत सब, निज निज भवन उछाह ॥  
 अनुज सखा सेवक सखी, सहित सनेह उमाह ॥ ८१ ॥  
 सर सरिता गृह वाग वन, विहरत निज निज टोल ॥  
 भोग राज कौतुक करें, ठानें विविध कलोल ॥ ८२ ॥  
 इहि विधि फाग अनंद अति, होय अवध पुर माहिं ॥  
 जो सुख लखि सुरपालहू, निज सुख तुच्छ गिनाहिं ॥ ८३ ॥  
 परमानंद समाज युत, कौशलनगर मझार ॥  
 इहि विधि सीताराम नित, करें अनेक विहार ॥ ८४ ॥  
 इति श्रीरा० २० वि० वि० फागविहार वर्णनो नाम पंचमो विभागः ॥ ५ ॥

हमिनीविद्या छंद ।

इहि भांति श्रीरघुवीर सिय युत करत नित लीला नर्द ॥  
 अवलोकि पुर परिजन यथोचित रहन सब आनंद मई ॥

वर बंधु सेवक सखन संगुत मुदित शहर निवासके ॥  
 वर विशद विधि मय सकल तीरथ किये सहित हुलासके ॥ १ ॥  
 दशसहस वर्ष सहर्ष बीते विविध विपुल विहारमें ॥  
 छाके रहैं नर नारि निशि दिन सब अनंद अपारमें ॥  
 रघुवीर निश्चल राज काज सुरीति संगुत बहु करें ॥  
 नित नगर चरचा चरनते सुनि सुनि सुयशनिज सुख भैं ॥ २ ॥  
 इक समय सियके सदन रघुवर मध्य दिन माधि जायकै ॥  
 बैठे वरासन प्रियहि लखि भापी हृदय हुलसायकै ॥  
 हे मैथिली कछु दिन व्यतीते सुभग संतति पाय हौ ॥  
 सुत गोदलै करि प्यार छिन छिन निरखि मुख सुख छाय हौ ॥ ३ ॥

प्रश्न । रामाश्चमेधे । अध्याय ॥ ५५ ॥ श्लोक ० ।

रामो राज्यमयोध्यायां भ्रातृभिः सहितोऽकरोत् ॥  
 धर्मेण पालयन्सर्वं क्षितिखंडं स्वया स्त्रिया ॥ १ ॥  
 सती दधार तद्बीजं मासाः पंचाभवंस्तदा ॥  
 अत्यंतं गुशुभे देवी त्रयीव पुरुषं धरा ॥ २ ॥

हरिगीतिका छंद ।

सुनि सीय हिय सकुचाय शीश नवाय कछु मुसकायकै ॥  
 करि वदन अंचल ओट निरखैं पीय मुख हुलसायकै ॥  
 रघुचंद पुनि सानंद बूझी काह तव रुचि भामिनी ॥  
 अभिलाप उर जो होय सो सब पूजही गज गामिनी ॥ ४ ॥  
 सुनि जानकी आनंद भरि मृदु बैन यौं पिय ते कहे ॥  
 तव कृपा कंत अनंत सब सुख विविध भाँतिन ते लहे ॥  
 है और कछु नहिं चाह इक अभिलाप यह उरमें रही ॥  
 बूझी दया ते नाथ जानौं सोउ अब पूजे सही ॥ ५ ॥  
 दोहा—सुनि बोले पुनि राजसुत, भापी प्रिया उताल ॥  
 जो तुव उर अभिलाप सो, सब पूजे इहि काल ॥ ६ ॥

दोवई छंद ।

तव सिय कही जोरि कर प्यारे यह रुचि मो मन माहीं ॥  
 बहु मुनि नारि तपोवन वासिनि सुरसरि तीर रहाहीं ॥  
 तिनके दरश करौ इक वासर प्रमुदित तितहिं रहाऊँ ॥  
 अशन वसन भूषण दै पूजौ पुनि प्रभु ढिग द्रुत आऊँ ॥ ७ ॥  
 सुनि सानंद कही रघुनंदन प्रिया प्रात द्रुत जावो ॥  
 सकल साज संयुत तिन पूजौ प्रमुदित दरंश करावो ॥  
 इमि रजाय दै प्रीति रीति युत तहँ ते राम सिधारे ॥  
 राजे आय मध्य कच्छा बिच चरवर विविध जुहारे ॥ ८ ॥  
 उत सिय साज सजन लागी बहु उर अनंद उमँगाई ॥  
 सखिन कहँ चलि मुनिनारिनके दरश लहँ सुख छाई ॥  
 इत रघुवर ढिग विजय मत्त मधु भद्र आदि वर चारा ॥  
 वर्णत नगर कथा सानंदित हास विलास अपारा ॥ ९ ॥  
 तव कौशलपति सकल चरनते बृझी सहज विलासी ॥  
 हमहिं सियहि बंधुहि पितु मातहि काह कहँ पुरवासी ॥  
 भद्र दूत भापी तव प्रणमित प्रभु सब सुयश अपारा ॥  
 वर्णत सकल नारि नर प्रमुदित चहुँ दिशि नगर मँझारा ॥ १० ॥  
 दोहा—मुनि बोले क्षितिपाल तव, यह जगरीति न आय ॥

सब सबही शुभही कहै, कोउ न अशुभ कहाय ॥ ११ ॥

सो मम शपथ निशंक जिय, भापो सत्य जु होय ॥

यही काज हित नियतहौ, सदा सु चर सब कोय ॥ १२ ॥

चौ०—तव कर जोरि भद्र चर भापो ॥ हों प्रभुते कछु गुन न राखो ॥  
 इक यह वर सेवक गति होई ॥ स्वामिनिंद मुनि कहँ न कोई ॥ १३ ॥  
 पे मुहिं अब निज शपथ दिवाई ॥ याते भापो कौशलराई ॥  
 सो अपराध क्षमा प्रभुकीजे ॥ कुमति वचन पर चित्त न दीजे ॥ १४ ॥  
 वसै रजक इक नगरमँझारी ॥ भो विपाद हठी तिहि नारी ॥  
 सो सब दिन कहँ अनत रहाई ॥ संख्या समयगेह मधि आई ॥ १५ ॥  
 रजक ताहि ताडन करि भापी ॥ हों नहिं राम लेउँ तुहि राखी ॥



ते वर भूप रुचै सो करहीं ❀ हमतौ दुहूँ लोकते डरहीं ॥ १६ ॥  
 यौं सकोप है ताहि निकारी ❀ दीनी त्यागि रजक निज नारी ॥  
 इमि पुनि अपर कुमति जन वृंदा ❀ करत परस्पर कटु प्रभु निंदा ॥ १७ ॥  
 कहत लोग सिय लंक मझारी ❀ रही ताहि पुनि रघुवर धारी ॥  
 भूपतिही जो ठान अनीती ❀ तो किमि करै प्रजा शुभरीती ॥ १८ ॥  
 दोहा—दूत वचन सुनि राम उर, भयो महादुख शोक ॥

गुणत सोय वर धर्म घर, दोष देत तिहि लोक ॥ १९ ॥

पै कछु हो वै शुभ अशुभ, लोक देश कुलरीति ॥

निपट त्यागि वो ताहुको, नीति प्रमाण अनीति ॥ २० ॥

कर्म शुभाशुभ कैसहू, जाते निंदा होय ॥

सुजन प्रतिष्ठित काज सो, भूलि करै नहिं कोय ॥ २१ ॥

इमि विचारि हिय विविध विधि, लिय उसाँस रघुराय ॥

वेगि बुलाये अनुज तिहुँ, सेवक सुमति पठाय ॥ २२ ॥

तिहि औसर शत्रुग्रह, रहे अववपुर माय ॥

आये तीनहु बंधु दूत, राज रजायसु पाय ॥ २३ ॥

चौ०—तब सब दूत गये सिख पाई ❀ रहे इकंत चारहू भाई ॥

बंधुन प्रति प्रभु कीन उचारन ❀ पुरचरचा निज हिय दुख कारन ॥ २४ ॥

तब तिहुँ अमित भौंति समुझाये ❀ पै रघुवर हिय तोष न लाये ॥

लै उसाँस अनुजन प्रति भापी ❀ आवो सियाहि गंगतट राखी ॥ २५ ॥

सुनत वचन भे बंधु विहाला ❀ तब बहु शोक सहित रघुलाला ॥

कही अनुज तिहुँ धर्म धुरीना ❀ सो मम आयसु चित्त न दीना ॥ २६ ॥

सुनि लछमन बोले शिरनाई ❀ प्रात करौं जिमि होय रजाई ॥

तब नृपाल सब बंधुहि भापी ❀ मुनि तिय दरशन रुचि सिय राखी ॥ २७ ॥

ताही मिस सीतहि लै जावो ❀ तहां राखि पुनि वेगहि आवो ॥

इमि कहि सबहि विदा किय रामा ❀ गये मौन तिहुँ दुखित सुधामा ॥ २८ ॥

प्रात होत लछमन रथलाई ❀ तामधि जनकसुताहि चढ़ाई ॥

सुत सुमंत लपण सियसंगा ❀ गवने मुनि आश्रम तट गंगा ॥ २९ ॥

पूजन दान साज बहु भांती ❀ लिये संग सिय हिय हुलसाती ।  
 मुनि तिय गण दरशन करि आऊं ❀ निज उरकी अभिलाप पुजाऊं ॥ ३० ॥  
 वाल्मीकि आश्रम मधि जाई ❀ लपण सियहि भापी शिरनाई ॥  
 दीनी नाथ रजायसु येही ❀ कछु दिन रहैं तहां वैदेही ॥ ३१ ॥  
 पति आज्ञा मुनि हिय अकुलानी ❀ पुनि तिय धर्म रीति अनुमानी ।  
 वाल्मीकि आश्रम मध सीता ❀ सबहि पूजि वर वसी पुनीता ॥ ३२ ॥  
 लपण सुमंत राम ढिग आई ❀ कही सकल सिय गति शिरनाई ॥  
 यह चरचा मुनि पुर नर नारी ❀ भये सकल बहु हीय दुखारी ॥ ३३ ॥  
 अति वह रजक हीय पछताता ❀ कहत कठी कह मो मुख बाता ॥  
 तब तिहि पूर्वजन्म सुधि आई ❀ जानी यह भवितव्य रहाई ॥ ३४ ॥  
 हम शुक रहे जनकपुर माहीं ❀ तिय युत तजे प्राण सिय पाहीं ॥  
 ताते जन्म अवधमें पायो ❀ सो बदलो सीतासे आयो ॥ ३५ ॥

दोहा-अपर नारि नर अमित विधि, करत परस्पर बात ॥

सुमति कुमति बहु शुभ अशुभ, जो कछु जिहि उपजात ३६

प्र० रा० ॥ अ० ५ ॥ श्लो० ।

तत्र नीचजनाच्छ्रुत्वा सीताया अपमानताम् ॥

स्वां च निंदां रजकतस्तां तत्याज रषद्ग्रहः ॥ ३ ॥

दोहा-उत मुनि आश्रम जानकिहि, वीते चार सु मास ॥

तब प्रगटे द्वै सुत विशद, पितु सम जासु प्रकाश ॥ ३७ ॥

वाल्मीक मुनि दुहुँनकी, दृढ रक्षा वर कीन ॥

भये संग याते तिनै, को बड छोट न चीन ॥ ३८ ॥

चौ०-तब मुनि नाथ समेत विचारा ❀ पूख पर उतपति निरधारा ॥

जेठे सुतहि नाम कुश राखा ❀ पुनि कनिष्ठ पुत्रहि लव भापा ३९ ॥

सीता लखि दुहुँ सुत अभिरामा ❀ पायो अति अनंद विश्रामा ॥

रहैं निकट सखि मुनि जन नारी ❀ सेवैं सियहि प्राणतें प्यारी ॥ ४० ॥

इहि निधि बडे भये दुहुँ भाई ❀ मुनिवर विद्या सकल पढ़ाई ॥

अस्र शस्त्र मधि परम प्रवीना ❀ गीत वाद्य संगीत धुगेना ॥ ४१ ॥

विरचित वाल्मीकि मुनिनाथा ❀ राम चरित पदकांड सु गाथा ॥

सो लव कुश सुरताल प्रमाना ❀ कंठ मनोहर करैं सु गाना ॥ ४२ ॥

दोहा—सिय तिय मुनि सुत अरु मुनिन, निकट सदा तिहि जाना॥

इन विहाय कुश लव दुहुँ, नहिं काहु पहिचान ॥ ४३ ॥

चौ०—वाल्मीकि ऋषि गुरु हमारे \* हैं क्षत्रिय दुहुँ दंधु करारे ॥

यौं गुनि मुनि सेवा दुहुँ करहीं \* कानन धनु शर धारि विचरहीं ४४

राम पुत्र दुहुँ तेज निधाना \* छवि गुणबलवपु पिता समाना॥

तिनयुतरहतिसियामुनिआश्रम \* करति सदापतिनामभजनश्रम ४५

इत रघुवीर अवधपुर मारि \* राज काज सब सविधि कराहीं ॥

पै दिन रैन प्रिया को ध्याना \* राखत हृदय सहित वर ज्ञाना ४६

बहुरि भये द्वैद सुत नीके \* भरत लपण रिपुसूदनजीके ॥

सबही निज निज पितु अनुहारी \* सुंदर बली गुणी शुभकारी ४७ ॥

तक्ष और पुष्कल शुभनामा \* ये द्वै भरत पुत्र अभिरामा ॥

अंगद चित्रकेतु दुहुँ वीरा \* हैं लछमनके सुवन सुधीरा ॥ ४८ ॥

इक सुबाहु अरु शत्रुघाति वर \* ये शत्रुघ्न पुत्र दुहुँ धनुधर ॥

चहुँ राजसुत सब गुणराशी \* रूपतेज बल धर्म प्रकाशी ॥ ४९ ॥

प्रमुदित रहत सदा सब कोई \* समय समय वर कारज होई ॥

लोक वेद कुलरीति प्रमाना \* उत्सवकरत सकलविधि नाना ५०

दोहा—तिहुँ लोक नर नारि अरु, अपर चराचर जोय ॥

श्रीरघुवरके राजमें, सुखी रहैं सबकोय ॥ ५१ ॥

इति श्रीरा० र० वि० वि० कुशलवादिजन्मवर्णनो

नाम पद्योविभागः ॥ ६ ॥

सो०—इमि रघुवर मतिधीर, करत राज वर नीति मय ॥

भरत लपण दुहुँ वीर, सेवत युत सेवक सखा ॥ १ ॥

चौ०—एक समय रघुवर करजोरी \* बोले गुरुहि सप्रीति निहोरी ॥

प्रभु बहु वार सकल मख कीने \* यथाशक्ति दानहु कछु दीने ॥ २ ॥

पे कृपालु यह रुचिह मोरी \* अश्वमेध मखहोय बहोरी ॥

मुनि वसिष्ठ आदिक ऋषिराई \* भये प्रसन्न परम सुखपाई ॥ ३ ॥

बोले राज विलंब न कीजे \* साजसजनहित आयसु दीजे ४ ॥

मुनि मंत्री सेवकन बुलाई ॐ यथा योग सब दर्ई रजाई ॥  
 पुनि दशहूँ दिशि दूत पठाये ॐ यज्ञ निमंत्रन सबहि दिवाये ॥  
 कपिपति जाम्बवंत लंकेशा ॐ आये सदल साजि वर वेशा ॥५॥  
 अपर भूप सुर नर मुनि नागा ॐ जिनके हिय रघुवर अनुरागा ॥  
 ते सब सदल यज्ञ हित आये ॐ राम सकल सतकार कराये ॥६॥  
 कोऊ नृपति वीर अभिमानी ॐ कियो विलंब युक्ति कछु ठानी ॥  
 कोऊ हय सँग गमन विचारा ॐ ते गृह रहे साज सजि सारा ७ ॥  
 इहिविधि भई अवध अतिभोरा ॐ जुरे भूरि जन सुमति सुधीरा ॥  
 कोऊ अतिहि उताल सिधाये ॐ कोऊ कछु विलंब ते आये ॥८॥

दोहा—कोऊ द्विज मुनि संतवर, कीनो हृदय विचार ॥

यज्ञ अंतलग जुराई जन, ह्वै है मोद अपार ॥ ९ ॥

याते जुरै समाज बहु, तब चलिये हुलसाय ॥

काहू कियो विलंब इमि, अरु छाये सब आय ॥ १० ॥

भूप प्रजा ज्ञानी गुनी, सब संयुत परिवार ॥

साज समाज समेत बहु, आये यज्ञ मझार ॥ ११ ॥

सुथल नैमिषारण्य मधि, भयो सकल मखकाज ॥

अशन वसन धन धाम वर, अपर उचित बहुसाज ॥ १२ ॥

कंचनमय तिय सविधि सुठि, रची सीय अनुहारि ॥

विधि विशुकर्माहूँ चकित, जाकी बनक निहारि ॥ १३ ॥

सकल अनूपम साज सजि, सविधि प्रथम श्रीराम ॥

बन्धु सखा सेवक अमित, पटै दये मखठाम ॥ १४ ॥

तिन तहँ साजो साज सब, तिहि पाछे रनिवास ॥

अपर अमितजन यज्ञ थल, गवने सहित हुलास ॥ १५ ॥

चौ० पुनि शुभ समय मध्य रघुराजा ॐ नैमिष गये समेत समाजा ॥

लखि थल साज सकल हुलसाये ॐ राम यथोचित काज दिढाये १६ ॥

कीश ऋच्छ नर निश्वर नाना ॐ करें काज जिमि जाहि बखाना ॥

अरु कपि भालु रैनेचर नारी ॐ लागी उचित कृत्य महँ सारी १७ ॥

यथायोग सबही रनिवासा ॐ सखा सखी दासी अरु दासा ॥

पुर परिजन पाहुन नर नारी ॐ करें काज निज निज अनुहारी १८ ॥

दोहा—सब प्रबंध वर हेरि कै, ह्व प्रमुदित रघुनाथ ॥  
 कियो अरंभ सु यज्ञको, विशद विप्र मुनि साथ ॥ १९ ॥  
 श्यामकरण तनु गौरवर, पुच्छ पीत मुख लाल ॥  
 तरुण सुलक्षण सर्व गति, वली तुरंग विशाल ॥ २० ॥

प्र० रा० अ० ९ श्लोक ॥

गंगाजलसमानेन वर्णेन वपुषा शुभः ॥  
 कर्णे श्यामो मुखे रक्तः पीतः पुच्छे सुलक्षितः ॥ १ ॥  
 मनोवेगः सर्वगतिरुच्चैःश्रवस्समप्रभः ॥  
 वाजिमेघे हयः प्रोक्तो शुभलक्षणलक्षितः ॥ २ ॥  
 दोहा—हेम पट्टिका राम यश, लिखित वैंधी तिहि माथ ॥  
 साजि सविधिवाजी तजो, सदल शत्रुहन साथ ॥ २१ ॥  
 सदल वाजि तजि अवधपति, ह्व सनेम विधि उक्त ॥  
 निकट शृंग मृग हेम सिय, मखकर मुनि द्विज युक्त ॥ २२ ॥  
 प्रतिदिन आवत विपुल जन, होत सकल सत्कार ॥  
 दान मान तिहि समयको, को कहि पावै पार ॥ २३ ॥  
 उत रामानुज शत्रुहन, संग तुरंग प्रधान ॥  
 चले परम आनंद कहि, जैति राम बलवान ॥ २४ ॥

दोवई छंद ।

भरत पुत्र पुष्कल सिय भ्राता लक्ष्मीनिधि बलवाना ॥  
 नील रत्न रिपुताप उग्रहय प्रतापाग्र नृप नाना ॥  
 जाम्बवंत सुग्रीव सु हनुमत आदि ऋच्छ कपि वीरा ॥  
 सकल भूप युत सैन राम दल रिपुहन संग सु धीरा ॥ २५ ॥  
 सचिव सुमति वर सखा सु सेवक सदल विभीषण भूपा ॥  
 इहि विधि अमित सैन तिहि पाछे अग्र तुरंग अनूपा ॥  
 जहाँ जहाँ निज रुचिते वाजी गवनत तहँ सब जावै ॥  
 नृपति अनेक आय रिपुशालहि शिर नमि संग सिधायै ॥ २६ ॥

सुंदरपुरी नाम अहिछत्रा तहाँ सुमद नरनाथा ॥

आवतही सो राज्य समर्पण कियो नाय पद माथा ॥

रिपुहन तासु पुत्र कहँ नृप करि सदल भूप लिय संग ॥

परमानंद चले पुनि तितहीं गमनो जितै तुरंगा ॥ २७ ॥

चौ०-यौं विचरत मख वाजि अनूपम ॥ आयो च्यवन मुनीके आश्रम ॥

राम वंधु नामि ऋषिहि सप्रीती ॥ गवने पुनि सुनि कथा सुनीती ॥ २८ ॥

विचरत संग सैन चतुरंगा ॥ गयो नीलगिरि निकट तुरंगा ॥

जहँ चक्रांकापुरी अनूपा ॥ तहाँ सुबाहु नाम वर भूपा ॥ २९ ॥

तासु कुमार दमन जिहि नामा ॥ समर धीर वर गुणवल धामा ॥

सो नृपसुत मृगयाहित आयो ॥ मख तुरंग वन तिहि दरशायो ॥ ३० ॥

दोहा-नख शिख साज अमोल वर, साजो वाजि विशाल ॥

यह रघुवर यश खचित सो, पत्र लसै तिहि भाल ॥ ३१ ॥

धनाक्षरी कवित्त ।

श्रीयुत सकल धर्मधारी चक्रवर्ती ख्यात क्षत्री भानुवंशी दशरत्थ

अवधेशके ॥ परम पवित्र पुत्र राजा रामचंद्र वीर ठानो अश्वमेध जो

दलैया निश्चरेशके ॥ तिनको तुरंग याहि कोऊ हो बली सो गहै जीतै

शत्रुशाल ताहि सदल सदेशके ॥ नतरु नवाय माथ हाथ जोरि आवै

साथ रसिकविहारी है अधीन कौशलेशके ॥ ३२ ॥

चौ०-इमि लिपि देखि दमन करि क्रोधा । कही राम विन और न योधा ॥

यौं हटि गयो धामलै वाजी ॥ चतुरंगिनी अनी द्रुत साजी ॥ ३३ ॥

लै दल दमन युद्ध हित आयो ॥ प्रतापाग्र लखि कटक चलायो ॥

भिरे दुहुँ दिशि वीर जुझारा ॥ भयो समर तिहि समय अपारा ॥ ३४ ॥

प्रतापाग्र नृप इत रणवीरा ॥ भूपति पुत्र दमन उत वीरा ॥

अछ शत्रु दुहुँ दुहुँन प्रहारे ॥ मुरै न कोउ दोउ भट भारे ॥ ३५ ॥

तव नृपसुत वर वाण प्रहारा ॥ विधो सु भूपति हृदय मझारा ॥

प्रतापाग्र अति भये विहाला ॥ तिन रथ लगो सूत उताला ॥ ३६ ॥

सुनि रण हाल शत्रुहन धीरा ॥ पठयो भरत पुत्र वरवीरा ॥

पुष्कल सदल आय ततकाला ॥ दमन संग किय युद्ध कराला ॥ ३७ ॥

भरत पुत्र शर अग्नि प्रहारा ॥ होन लगो तिहि दल जरिछारा ॥  
 वरुण वाण तव दमन चलावा ॥ अनल बुझी बहु जल चहुँ छावा ॥ ३८ ॥  
 शर वायव्य सु पुष्कल छोरा ॥ छाई पवन भजे वनवोरा ॥  
 पर्वत अस्त्र तजो सो उद्धा ॥ भो गिरि कोट वायु बलरुद्धा ॥ ३९ ॥  
 भरत पुत्र तव हनो वज्र शर ॥ गिरे कुंभर है चूर धरणिपर ॥  
 पुनि दमनहि इक वर इपु शाला ॥ भयो राजसुत लगत विहाला ॥ ४० ॥

दोहा-दमनहि निरखि विहाल अति, वर सारथी प्रवीन ॥

तिहि युत रथ लै नगरगो, नृपहि विदित सब कीन ॥ ४१ ॥

सुनि सुबाहु निज सुत व्यथा, दुखित सकोप उताल ॥

साजि सैन चतुरंग लै, चलो महीप विशाल ॥ ४२ ॥

चौ०-नृपसुत इक चित्रांग ललामा ॥ दूजो है विचित्र जिहि नामा ॥

दोऊ दमन अनुज ये वीरा ॥ भूपति बन्धु सुकेतु सुधीरा ॥ ४३ ॥

ये तिहुँ अपर अनेकन योधा ॥ लै गमनो नृप सुभुज सक्रोधा ॥

ताछिन दमनहु भयो सचेता ॥ चलो सोड वर सैन समेता ॥ ४४ ॥

आय भिरे भट सकल जुझारा ॥ दुहुँ दल एकहि एक प्रचारा ॥

उत सुबाहु जय होत पुकारा ॥ इत शत्रुघ्न जैति उच्चार ॥ ४५ ॥

लक्ष्मीनिधि सुकेतु दुहुँ युद्धे ॥ पुष्कल अरु चित्रांग निरुद्धे ॥

संयुग धीर सुभुज नरनाथा ॥ ठानो समर शत्रुघ्न साथ ॥ ४६ ॥

दोहा-युद्ध करै रिपुतापते, उद्धत दमन सुधीर ॥

लरत विचित्र विचित्र गति, नील रतनते वीर ॥ ४७ ॥

अपर वीर बहु वीर सँग, नर निश्चर कपि ऋच्छ ॥

अस्त्र शस्त्र वर मल्ल युध, करत सबै रण शिच्छ ॥ ४८ ॥

रुंड मुंड कर पद रुधिर, समर भूमि मधि छाये ॥

भयो जु हाहाकार चहुँ, निज पर कछु न जनाये ॥ ४९ ॥

तव पुष्कल चित्रांगको, वध कीनो हनिवान ॥

सुभुज नृपति लखि सुत मरन, शोक दुःख अकुलान ॥ ५० ॥

पुनि धरि धीर सकोप अति, धाय सुबाहु नृपाल ॥

अति उताल शत्रुघ्न पर, घाले बाण कराल ॥ ५१ ॥

चौ०—ताछिन धाय पवनसुत वीरा ❀ वीचहि गहि भंजे सब तोरा ।  
मर्दन किय स्यंदन हय सूता ❀ भिरे भूप कपि सुबल अकूता ॥ ५२ ॥  
तव हनुमंत क्रोध करि ताही ❀ चरण प्रहार कीन उर माही ।  
गिरो भूमि भूपाल विहाला ❀ मुछित है अचेत ततकाला ॥ ५३ ॥  
तव तिहि तजि कपि अपर निरुद्धे ❀ सो लखि क्रुद्ध उद्ध भट युद्धे ।  
बहु सेवक जन धाय उतालै ❀ घेरि रहे है विकल नृपालै ॥ ५४ ॥  
ताछिन भयो आचरज भारी ❀ जो न होत रणभूमि मझारी ।  
मुछित परो अचेत जु भूपा ❀ तवै लखो यह स्वप्न अनूपा ॥ ५५ ॥

हरिगीतिका छंद ।

श्रीराम शोभाधाम प्रमुदित यज्ञशाल विराजहीं ॥  
ब्रह्मांड अगणित देव ब्रह्मादिक अमित तहैं भ्राजहीं ॥  
ते सकल सुर मुनि नारदादि अपार अस्तुति ठानहीं ॥  
गंधर्व किन्नर अप्सरा बहु सुयश कर वर गानहीं ॥ ५६ ॥

प्र० ॥ रा० ॥ अ० २८ ॥ श्लोक ॥

तदा तु मूर्छितो राजा स्वप्नमेकं ददर्श ह ॥  
रण मध्ये कपिवरप्रपदावातताडितः ॥ ३ ॥  
रामचंद्र स्त्वयोध्यायां सरयूतीरमंडपे ॥  
ब्राह्मणैर्याज्ञिकश्रेष्ठैर्वहुभिः परिवारितः ॥ ४ ॥  
तत्र ब्रह्मादयो देवास्तत्र ब्रह्मांडकोट्यः ॥  
कृतप्रांजलयस्तत्र स्तुवंति स्तुतिभिर्मुहुः ॥ ५ ॥

हरिगीतिका छंद ।

यह लखत स्वप्न सुवाहु नृपहीं चेत भो मुग्धा गई ॥  
उर ज्ञान आयो तवाहिं श्रीरघुवीर प्रभुता द्विय छई ॥  
रठि बेगि वरजे युद्धते सुत वंधु सेवक धायके ॥  
पुनि सकल युत शत्रुप्रके पद शीश नायो आयके ॥ ५७ ॥  
सो०—कीनी विनय अनंत, नृप सुवाहु कर जोरिके ॥

राम अनुज मतिवंत, तव भूपहि उगलाय लिय ॥ ५८ ॥

रामबंधु बलवान, किय सन्मान वग्नान बहु ॥



नृप गुण ज्ञान निधान, राज समर्पो प्रभुहि निज ॥ ५९ ॥

तब रिपुदमन उदार, दमनहिं करि अभिपेक पुनि ॥

संयुत सैन अपार, चले संग लै नृप हरिहि ॥ ६० ॥

इति श्रीरा० र० वि० वि० अश्वमेधयज्ञारंभ सुबाहु

युद्धवर्णनो नाम सप्तमोविभागः ॥ ७ ॥

दोहा—इहिविधि श्रीरघुवीरको, मख तुरंग चहुँ ओर ॥

निज इच्छित गमनत मुदित, संग सैन वरजोर ॥ १ ॥

दोवई छंद ।

विचरत वाजी गयो तेजपुर तहँ वर भक्त भुवाला ॥

सत्यवान जिहि नाम हरपि सो आयो अतिहि उताला ॥

शीशनाय निज राज समर्पो तब रिपुदमन प्रवीना ॥

तासु पुत्र रुक्माहिं अभिपेको चले नृपहि संग लीना ॥ २ ॥

तहँते कछुक दूर गमने तब औचक भो अँधियारा ॥

धूरि पूरि नभ विज्जु चमंकी है घन गर्ज अपारा ॥

वरपि रुधिर कच अस्थि उपल मल तम करि खल दल धायो ॥

दशमुख मित्र सुविद्युन्माली नाम निशाचर आयो ॥ ३ ॥

भयो विकल दल कछु नहिं सूझै ताछिन सो निशिचारी ॥

अंतरिक्ष है हरि हरि लैगो दुष्ट सु मायाकारी ॥

पुनि ताही छिन मिटो सबै तम दशहू दिशि उजियारा ॥

यातुधान नभ मंडल छाये गर्जाहिं विकट अपारा ॥ ४ ॥

सो विलोकि सब दल अकुलायो तबै शत्रुहन वीरा ॥

भापी अवाहिं निश्चरन नाशैं हौ भट सकल सुधीरा ॥

सुनि पुष्कल लक्ष्मीनिधि हनुमत आदि अमित बलवाना ॥

रामवंधु युत भये सु उद्धत समर हेत प्रण ठाना ॥ ५ ॥

समरधीर वर वीर दुहँ दल भिरे क्रोध करि भारी ॥

पुष्कल संग सु विद्युन्माली ठनो युद्ध बलकारी ॥

तासु भ्रात जो उग्रदंत सो लै धनु खड्ग विशाला ॥

मिथिलापति लक्ष्मीनिधि साथे संयुग कियो कराला ॥ ६ ॥

अपर वीर बहु दुहुँ दिशि युद्धत उद्धत ह्वै करि शोरा ॥  
 हटत न यातुधान तब धायो कपि केशरी किशोरा ॥  
 तरु गिरि उपल दंत नख मुष्टन चरण चपेटन मारे ॥  
 आय जाय महि व्योम छिनहि छिन निश्चर निकर सँहारे ॥७॥  
 यातुधान है विकल थकित तब निज माया विस्तारी ॥  
 मृतक पपाण रुधिर मल वरपो भयो चहुँ तम भारी ॥  
 भभरि भगे नर भालु कीश भट लखि रामानुज वीरा ॥  
 छिनमहँ दूर कियो सो खल छल मोहनास्र हनि तीरा ॥ ८ ॥  
 सो विलोकि निश्चर पुनि ठानो अस्र शस्त्र वर युद्धा ॥  
 व्याकुल भये सदल रामानुज तब छायो बहु क्रुद्धा ॥  
 राम सुमिरि नाराच प्रहारे लगत दुहुँ बलवाना ॥  
 उग्रदंत अरु विद्युन्माली गिरे भूमि गत प्राणा ॥ ९ ॥  
 तब अनाथ है विकल भीतिवश लै तुरंग द्रुत धाई ॥  
 यातुधान सब रामबंधुके परे चरण माधि आई ॥  
 भये सुदित सब विजय वाजि लहि कियो सु जैजैकारा ॥  
 तहँ ते चलि पुनि विचरन लागो मख हय दल युत सारा ॥१०॥

इति श्रीरा० १० वि० वि० विद्युन्मालीयुद्ध

वर्णनो नाम अष्टमोविभागः ॥ ८ ॥

चौ०—इमि विचरत वाजी वर वीरा ॐ पहुँचो रेवा सारित सु तीरा ॥  
 तहँ आरण्यक मुनि वर ज्ञाता ॐ तिनहि मिले सादर प्रभु भ्राता ॥  
 तहँते गमन कियो जन सारे ॐ तब हय सेवक आय पुकारे ॥  
 सरिता तट तडाग वर भारी ॐ तामहँ पान करत हो वारी ॥२॥  
 जल पीवतही तुरंग न जाना ॐ भयो मध्य मर अंतरध्याना ॥  
 सो गति सुनि रिपुहन अकुलाये ॐ सुमति सकल मिलि मंत्र दृढाये ॥  
 तब रिपुहन पुष्कल हनुमंता ॐ सर प्राविशे जल मध्य तुरंता ॥  
 लखो गंभीर नीरतल धामा ॐ मणि कंचनमय पद्म ललामा ॥  
 तामहँ इक तिय तेज विशाला ॐ शोभित युन अनेक वर वाला ॥  
 तहां सु वाजि निबंधित देखा ॐ सवाहि भयो आचरन विशेषा ॥

रिपुहन आदि सकलधारि धीग ॥ नाथो शीश जाय ॥  
 सो बूझी गति तव हनुमंता ॥ वरणी सत्य समस्त तु  
 सुनि योगिनी कही हम काहीं ॥ जीत कोट सुरासुर  
 पै तुरंग मम प्रभुकर याते ॥ किमि हीं गहों जाहु ल  
 यौं कहि पुनि योगिनी प्रवीना ॥ एक अछ रिपुदमनाहि  
 भापी लरै वीरमणि राजा ॥ तहँ ऐह तुमरे यह काज  
 सुनि सबही आनंद अघाई ॥ ल तुरंग गवन  
 सरजलते कढि दल मधि आये ॥ चले मुदित ज शोर मच  
 विचरत मख वाजी अभिरामा ॥ आये नगर देवपुर  
 तहँ गिरिवन सारि सुभग पुनीता । लखि तृण जल गो अश्व

दोहा—नृपति देवपुरमें प्रबल, नाम वीरमणि जासु ॥

शंकर नित रक्षा करें, प्रगट सगणके तासु ॥ ११

हैं अनन्य शिवभक्त नृप, तासु पुत्र बलधाम ॥

परमरम्य गुणवंत वर, रुक्मांगद जिहि नाम ॥ १२

सो तिय गण संयुत मुदित, वनविहार करवीर ॥

लखि तुरंग शिर पत्र पढि, गहि लायो रणधीर ॥

पितहि बखानो हाल सब, सुनि शिवसहित नृपाल

कही कियो अनुचित महा, है हे युद्ध कराल ॥

पुनि पुरारि भापी नृपहि, लाभ महारण माहि ॥

हम तुम दोउनको इहाँ, रघुवर दरश मिलाहि ॥ १३

प्र० । रा० । अ० ३९॥ श्लोक ।

परमत्र महालाभो भविष्यति रणांगणे ॥

यद्रामचरणांभोजं द्रक्ष्यामः स्वीयसेवितम् ॥ १४

दोहा—सुनि नृप उठि तिहि वाजिके, निज कर चरण प्र

किय निबंध दै अशन जल, वर हय शाल विशाल

सचिव सैन पति बोलि पुनि, कही वीरमणि वीर ॥

सजौ सैनहों देखिहों, किमि रिपुहन रणधीर ॥ १५

तिहुँ पुरके सुर असुर जो, युद्ध करें मम साथ ॥

तौ नहिं पावैं वाजि अब, बिन आये रघुनाथ ॥ १८ ॥

नृप रजाय सुनि वेगही, सजी सैन बलपूर ॥

जै महेश कहि वीरमाणि, चलो संग भट भूर ॥ १९ ॥

नृपसुत रुक्मांगद प्रथम, द्वितीय शुभांगद नाम ॥

वीरसिंह भूपति अनुज, अपर अमित बलधाम ॥ २० ॥

इमि सुत बंधु अनीक युत, गमन कियो भूपाल ॥

इत रिपुसूदन सजग है, विरचो व्यूह विशाल ॥ २१ ॥

चौ० ताछिन आय भूप कटकाई ❀ कहि जै जैति वाण झरिलाई ॥

कीश ऋच्छ निश्चर नर धाये ❀ इतते गिरितरु शस्त्र चलाये २२ ॥

भिरि सुभट दुहैं कटक विरुद्धे ❀ उद्ध प्रवुद्ध सु युद्ध निरुद्धे ॥

अस्त्र शस्त्र बहु करत प्रहारा ❀ लरत मरत भो हाहाकारा २३ ॥

ताछिन भूप कटक विचलाना ❀ सो लखि रुक्मांगद धनुताना ॥

धाय भिरो पुष्कलसे योधा ❀ दोऊ हनत दुहैं भरि क्रोधा २४ ॥

तव पुष्कल तिहि अस्त्र प्रहारा ❀ भ्रमो सरथ नभ मंडल सारा ॥

भानु निकट जातहि हय स्यंदन ❀ दग्ध भयो व्याकुल नृपनंदन २५ ॥

तासु हस्त इक भो जरिछारा ❀ गिरो विकल है धरणि मझारा ॥

रुक्मांगदहि विहाल निहारी ❀ भगे भीति भरि बहु भटभारी २६ ॥

लखिसुत गति करि क्रोध कराला ❀ धायो गहि धनु वाण भुवाला ॥

मारि सायकन दल विचलावा ❀ निरखि हनुमत क्रोध बढावा २७ ॥

दोहा-धाय वीर कपि भिरि कियो, वीरसिंहते युद्ध ॥

पुष्कल अरु नृपवीर मणि, भये समर अवरुद्ध ॥ २८ ॥

पुष्कल रथ हय कवच धनु, दियो वीरमाणि कोटि ॥

भये विकल पुनि सजग है, हने वाण तिहि डाटि ॥ २९ ॥

भरत पुत्र शरघातते, गिरो भूमि भूपाल ॥

नृपगति लखि दल विचलभो, भगे सु वीर विहाल ॥ ३० ॥

वीरसिंह तव क्रोध भरि, किय हनुमनहि विहाल ॥

शालि मुष्टिका भूमि तिहि, डगे अंजनिलाल ॥ ३१ ॥

चौ०-ताछिन कोपि शुभांगद वीरा \* कीनी सैन विकल हनि तीरा ॥  
 रुक्मांगदहु सजग है धायो \* दुहुँ वंधु मिलि दल विचलायो ३२ ॥  
 सो लखि हनुमानादिक वीरा \* धाय कियो नृप कटक अधीरा ॥  
 नृपसुत वन्धु समेत अचेता \* निरखि भजे सब वीर निकेता ३३ ॥  
 ताछिन शंभु क्रोध उर धारा \* भूत प्रेत गण संग अपारा ॥  
 रथ अरूढ है गहि धनु धाये \* लखि रिपुहन सजि बाण सिधाये ३४ ॥  
 महादेव रिपुसूदन वीरा \* पुष्कल वीरभद्र वर वीरा ॥  
 नंदी हनुमत संग निरुद्धे \* इमि बहु एक एक मिलि युद्धे ३५ ॥  
 चार दिवस भो समर महाना \* पुष्कल वीरभद्र बलवाना ॥  
 अस्त्र शस्त्र दुहुँ दुहुँन प्रहारे \* एकहि इक मुँच्छित करि डारे ३६ ॥  
 तव करि वीरभद्र रिसि चंडा \* हनि त्रिशूल पुष्कल शिरखंडा ॥  
 भरत पुत्र वध लखि सब वीरा \* सहित शत्रुहन भये अधीरा ३७ ॥  
 पुनि धरि धीर वीर सब धाये \* युद्धे महा क्रुद्ध उर छाये ॥  
 शंभु शत्रुहन दुहुँ बलवंता \* अस्त्र शस्त्र रण कियो अनंता ३८ ॥

दोहां-इमि एकादश दिवस लग, युद्ध कियो दुहुँ वीर ॥

हनो अस्त्र शर प्रबल हर, है हिय निपट अधीर ३९ ॥

सो पीडित शर शत्रुहन, मुँछित धरणि मझार ॥

गिरे निरखि गति विकल दल, हाहा होत पुकार ॥ ४० ॥

अपर शंभुगण क्रोध भरि, धाय धाय चहुँ ओर ॥

बहु मुँछित बहु वध किये, कपि नर भट वर जोर ॥ ४१ ॥

यह गति लखि निज सैनकी, तव हनुमत उताल ॥

पुष्कल तनुको बहुरि पुनि, किय प्रबंध रथ घाल ॥ ४२ ॥

आय शंभु सन्मुख सपदि, हनुमत कही सकोप ॥

परम संत गुणवंत है, कियो धर्म सब लोप ॥ ४३ ॥

तव शिर भापी सत्य कपि, पे हौं भक्ति अधीन ॥

याते हौं कछु क्रोध भरि, याछिन संयुग कीन ॥ ४४ ॥

प्र० ॥ रा० ॥ अ० ४४ ॥ श्लोक ॥

आगत्य सविधे रुद्रं समरांगणमूर्धनि ॥

जगाद हनुमान् सुराधिपम् ॥ २ ॥

मया पुरा श्रुतं देव ऋषिभिर्वहुधोदितम् ॥

रघुनाथपदस्मारी नित्यं रुद्रः पिनाकधृक् ॥ ३ ॥

तत्सर्वं तु मृषा जातं शत्रुघ्नं प्रति युद्धयता ॥

पुष्कलो मे हतोः वीरः शत्रुघ्नोपि विमूर्छितः ॥ ४ ॥

इत्युक्तवन्तं प्लवगं प्रोवाच स महेश्वरः ॥

धन्योसि वीरवर्य त्वं भवान्वदति नो मृषा ॥ ५ ॥

मत्स्वामी रामचंद्रो वै सुरासुरनमस्कृतः ॥

तदश्वमानयामास तद्रक्षार्थं मयागतम् ॥ ६ ॥

निवसामि पुर नित्यं तद्भक्त्यानुवशीकृतः ॥

यथा कथंचिद्रक्तोऽसौ रक्ष्यः स्वात्मा इति स्थितः ॥ ७ ॥

एवं वदति चंडीशे हनुमान्कुपितो भृशम् ॥

शिलामादाय कोपेन ताडयामास तद्रथम् ॥ ८ ॥ इत्यादि ॥

चौ०—सुनि हनुमत करि क्रोध कराला ॥ वालो गहि गिरि खंड विशाला ॥

तिहि लागतहि मूत हय स्यंदन ॥ वचे शंभु तिहुं भये निकंदन ४५

तव शंकर नंदी पर भ्राजे ॥ हनुमत वहुरि शैलहनि गाजे ॥

शंभु कपिहि वर झूल प्रहारा ॥ सो गहि कीश भंजि महिडारा ५६

पुनि हर कीशहि शक्ति प्रहारी ॥ तासु घात सो भयो दुखारी ॥

इहिविधि शंकर अरु हनुमाना ॥ उद्ध युद्धकर दुहुं बलवाना ४७ ॥

जौ लग कपि प्रहार कृत तरु गिरि ॥ भंजत शंभु कीश तौ लग भिरि ॥

मर्दत शंकर दलहि कराला ॥ हर सन्मुख पुनि होत उताला ४८

करते लगत शंभु ते वीरा ॥ दल पद पुच्छ दलै रणवीरा ॥

इमि किय उद्ध युद्ध बहु कीशा ॥ सगणभये विहल गौरीशा ४९ ॥

प्र० ॥ रा० ॥ अ० २४ ॥ श्लोक ।

अत्यंतं विह्वलो जातो महेशानः प्रकोपनः ॥

क्षणेक्षणे प्रहारेण कुर्वन्तं विह्वलं भृशम् ॥ ९ ॥

दोहा—लखि हनुमतकी बुद्धिबर, भये प्रसन्न महेश ॥

कही वीर कपि याचहु, वर जो रुचे सुदेश ॥ ५० ॥

तब कपि भाषी और हौं, कछु न चहौं बरदान ॥

जो प्रसन्न तौ रक्षिये, मम दल सकल महान ॥ ५१ ॥

वायस गृद्ध शृगाल सुन, भूत प्रेत तब जोय ॥

मम दल घायल मृतक जे, तिनै भखै नहिं कोय ॥ ५२ ॥

हौ द्रोणाचल जायकै, वेगहि भेपज लाय ॥

करिहौं विरुज सजीव सब, खुवर दल समुदाय ॥ ५३ ॥

चौ० सुनि भाषी शिव जाहु उताला ❀ करिहौं सदल सकल प्रतिपाल ॥

तब कपि उछलि व्योम पथ धाये ❀ द्रोणशैल ढिग वेगहि आये ५४ ॥

तहाँ इंद्रसेवक बलवाना ❀ भेपज ग्रहण हेत रण ठाना ॥

तिनहिं पराजय करि हनुमंता ❀ लै औपधि पुनि आय तुरंता ५५

दोहा—पुष्कल शिर धर जोरि कै, हिय धरि जीवन मूर ॥

राम ध्यान करि कै कही, सत्य प्रेम प्रण पूर ॥ ५६ ॥

जौ हौं मन वच कर्म ते, ध्याऊं राम अनन्य ॥

तौ ए होउ सजीव द्रुत, कर भेपज गुण धन्य ॥ ५७ ॥

याँ कहतहि पुष्कल उठे, ह्वै सजीव धनुधारि ॥

वीरभद्र दुरिगो कहाँ, भापत चहुँ निहारि ॥ ५८ ॥

पुनि रिपुहन ढिग जायकै, धरि औपधि तिन हीय ॥

सियाराम पद सुमिरि कपि, बोले वच रमणीय ॥ ५९ ॥

ब्रह्मचर्य व्रत सत्य मम, जो आजन्म प्रयंत ॥

जिय सचेत तौ होयँगे, याही समय तुरंत ॥ ६० ॥

याँ भापतही शत्रुहन, उठि बैठे सर साजि ॥

इत उत हेरत कहत हँ, गये शंभु कहँ भाजि ॥ ६१ ॥

पुनि हनुमत चहुँ धायकै, भेपज कियो उताल ॥

धाये विरुज सजीव सब, नर निश्चर कपि भाल ॥ ६२ ॥

पुनि शिव दल अरु रामदल, भिरा भयो बहु घोष ॥

अति उद्धत उद्धत सुभट, कटत अटत सह रोष ॥ ६३ ॥

चौ०-ताछिन है सचेत धनु साजा ❀ धायो सदल वीरमणि राजा ॥  
 अस्त्र शस्त्र शिवनृप रिपु शाला ❀ हनै परस्पर विशिख कराला ६४  
 तव ब्रह्मास्त्र वीरमणि घाला ❀ सो विलोकि शत्रुघ्न उताला ॥  
 अस्त्र योगिनी दत्त विशाला ❀ योजित करि शर हनो कराला ६५  
 ब्रह्म अस्त्रको मार्दे सु तीरा ❀ मूर्छित कियो सदल नृप वीरा ॥  
 ताछिन एक शंभु बिनु जेते ❀ गिरे भूत नरगण सब तेते ॥ ६६ ॥  
 तव लखि पुनि क्रोधित शिव धाये ❀ अस्त्रन मारि वीर बिचलाये ॥  
 रिपुहन भये कंठगत प्राणा ❀ विह्वल हनुमतादि बलवाना ६७ ॥

दोहा—ताछिन रिपुहन विकल है, बोले वचन अधीर ॥

हाय नाथ हा भ्रात मम, पाहि पाहि रघुवीर ॥ ६८ ॥

यौं भापतही वेगि अति, प्रगट भये श्रीराम ॥

यज्ञ साज साजे सकल, श्याम अंग छवि धाम ॥ ६९ ॥

दरशतही रघुचंदके, सबही भये अनंद ॥

त्राहि त्राहि कहि पद गेहे, धाय धाय जन वृंद ॥ ७० ॥

शंभु धाय कीनी विनै, कही क्षमिय अपराध ॥

सुनि रघुवर उर लायकै, बोले कृपा अगाध ॥ ७१ ॥

हौं प्रसन्न राखो भलो, भक्तपाल वर धर्म ॥

रंच विलग मानौं नहीं, मम तव हितहै परम ॥ ७२ ॥

मम तव भक्त सु एक है, मम तव हित इक आय ॥

पावैं नरक निवास जो, मम तव भेद कराय ॥ ७३ ॥

प्र० रा० अ० ॥ ४६ ॥ श्लोक ॥

मया बह्वपकारा यत् कृतं कर्म तव स्फुटम् ॥

क्षम्यतां तत्कृपालो हि भवतोप्यभिधायकम् ॥ १० ॥

इति वाक्यं समाकर्ण्य महेशस्य रघूत्तमः ॥

उवाच धीरया वाचा कृपया पूर्णलोचनः ॥ ११ ॥

ममासि हृदये शर्व भवतो हृदये त्वहम् ॥

आवयोरंतरं नास्ति मृदाः पश्यन्ति दुर्धियः ॥ १२ ॥

ये भेदं विदधात्यद्वा आवयोरैकरूपयोः ॥



कुंभीपाकेषु पच्यन्ते नराः कल्पसहस्रकम् ॥ १३ ॥

ये त्वद्भक्तास्त एवासन्मद्भक्ता धर्मसंयुक्ताः ॥

मद्भक्ता अपि भूयः स्युर्भक्ता स्तव नर्तिकराः ॥ १४ ॥ इत्यादि ॥

चौ० इमि दुहुँ राम शंभुआनंदभर \* मिले समर महि मध्य परस्पर ॥

पुनि रघुवीर उताल सिधाये \* सदल नृपहि निज कर परशाये ७४

विरुज सजीव वरिमाणि राजा \* उठो उताल समेत समाजा ॥

सकुल भूप जोरे युग हाथा \* विनय करी प्रभुपद धरि माथा ७५

रिपुहन हनुमतादि जे वीरा \* सबहि मिले नृप सकुल सु धीरा ॥

पुनि नृपराज साज बहु साजी \* प्रभुहि समर्पों युत मख वाजी ७६

ताछिन रघुवर अंतरध्याना \* भये भेद कछु कोउ न जाना ॥

जै जै राम सवै उच्चार \* दुहुँदिशि भयो अनंद अपारा ७७

सो०—सदल वीरमाणि भूप, चले शत्रुहन संग सुद ॥

यज्ञ तुरंग अनृप, इमि विचरत इच्छितं चहुँ ॥ ७८ ॥

इति श्रीरामरसायन र० वि० वि० वरिमाणियुद्ध

वर्णनो नाम नवमोविभागः ॥ ९ ॥

दोहा—इमि विचरत मख वाजिवर, इक अरण्य मधि आय ॥

पंथ चलत औचकरूपे, भूमि अश्व चहुँ पाय ॥ १ ॥

अचल भयो हरि चलत नहिं, कीनेहुँ कसा प्रहार ॥

पुनि हनुमानादिक सुभट, गहि उठाय रह हार ॥ २ ॥

तहाँ विजन वन माहिं चहुँ, जन धाये अकुलाय ॥

दूरि गहन कानन विपे, शौनक आश्रम पाय ॥ ३ ॥

जाय शत्रुहन शीशानामि, कही सुगति अति दीन ॥

सादर मुनि प्रभु वंधु तें, कथा सुवर्णन कीन ॥ ४ ॥

पुनि बोले हे राजसुत, जहँ हय रूपो पवित्र ॥

तहाँ सविधि होवै कथन, सीताराम चरित्र ॥ ५ ॥

तौ हय पद मोचै तुरत, मुनि रिपुहन शिरनाय ॥

गये तहाँ हनुमत सविधि, कहो राम यश नाय ॥ ६ ॥

छूटे पाय तुरंगके, हरपाने रिपुशाल ॥  
गमन कियो मखवाजि लै, कहि जै जै रघुलाल ॥ ७ ॥  
इहि विधि विचरत यज्ञ हय, संग सुभट समुदाय ॥  
सतमास डोलत भये, अवध नगर ते आय ॥ ८ ॥

पद्मरी छंद ।

इक नगर नाम कुंडल विशाल । जहँ सुरथ भूप वर धर्मपाल ॥  
नृप प्रजा सर्व तहँ रामभक्त । कोऊ न अन्य देवानुरक्त ॥ ९ ॥  
सुनि राम वाजि आगम नृपाल । सादर गहाय बाँधो उताल ॥  
मिलि प्रजा भूप सेवक अपार । कीनो सहर्ष यह दृढ विचार १० ॥  
मिस याहि सबै प्रभु दरश होय । विन राम वाजि पावै न कोय ॥  
इमि ठानि भूप चतुरंग सैन । साजी समस्त भट सुबल ऐन ११ ॥

दोवई छंद ।

चंपक १ मोहक २ सुभट रिपुंजय ३ अरु दुर्वार ४ प्रतापी ५ ॥  
बल मोदक ६ हर्यक्ष ७ और सहदेव ८ शत्रु संतापी ॥  
भूरिदेव ९ गुणमंत सुतापन १० ये दशवीर विशाला ॥  
सुरथ वीरके पुत्र धनुर्धर रण कोविद रिपुशाला ॥ १२ ॥

पद्मरी छंद ।

नृपराज पुत्र अरु भट अपार । दृढ कवच शस्त्र वर विविध धार ॥  
इत राम बंधु करिकै विचार । भेजो सु दूत वालीकुमार ॥ १३ ॥  
अंगद उताल नृप सुरथ पास । आये विलोकि छायो हुलास ॥  
सब तिलक भाल गल माल राजा तुलसी सुपुत्र शिर मध्य भ्राज १४ ॥  
सादर विठाय वृद्धी नरेश । तब वालिपुत्र बोले सुदेश ॥  
त्यागिय नृपाल वर मख तुरंग । सोहै न दासरण ईश संग ॥ १५ ॥  
पुनि वृद्ध भूप कीजे न युद्ध । हैं तरुण वीर रिपुदमन उद्ध ॥  
तिमि पुष्कलादि भट अमित धीराजिन हेरि सैन तवहो अवीर १६ ॥  
तब सुरथ भूप भापे सु बैन । श्रीराम रूपानिधि कमल नेन ॥  
जौलौं सु आप इत आय हैं न । तौलौं सुकोइ हय पाय हैं न ॥ १७ ॥  
अरु ईश दासको रण अयोग । ताकी मुरीति कह वीर लोग ॥

प्रभु ते सु युद्ध किहु उचित नाहिं। संयुग अदोष सेवकन माहिं॥१८॥  
 पुनि वैस नेम नाहिं वीर केर । कीनो विचार बंधु ठौर हेर ॥  
 सो यवा वृद्ध दुहुँ बल प्रशस्त । रण मध्य हेरि लीजो समस्त॥१९॥  
 तव सैन माहँ भट जे सगर्व । है हैं निबंधते सपदि सर्व ॥  
 हौं राम भक्त जानौ न आन । द्रुत कहौ शत्रुहन ठनहिं ठान ॥२०॥  
 सुनि सुरथ वैन अंगद उताल । रिपुहनाहिं आय भापो सुहाल ॥  
 तव रामबंधु बहु क्रोध छाये । ध्रुव होय युद्ध दीनी रजाय ॥ २१ ॥  
 सुनिसकल वीर इत साजि साजि । शत्रुहन जैति कह गाजि गाजि ॥  
 उत राम जैति वर कीन शोर । धायो नृपाल दल प्रबल जोर ॥२२॥  
 भिरि गये दोउ दल परम चंड । दुहुँ ओर राम सेवक उदंड ॥  
 भो द्रुंद्र युद्ध तिहि समय भूर । दशहूँ दिशान मध बाण पूर ॥ २३ ॥

दोहा—चंपक अरु पुष्कल भिरे, मोहक मिथिलानाथ ॥

विमल रिपुंजय वीरमणि, भूरिदेवके साथ ॥ २४ ॥

है दुर्वार सुबाहुते, सत्यवान सहदेव ॥

प्रतापाय नृप युद्ध कर, संग प्रतापी एव ॥ २५ ॥

नीलरतन हर वक्ष अरु, अंगद सह बल मोद ॥

असुतापन उग्राश्व इमि, भिरे भरे रण मोद ॥ २६ ॥

अपर वीर दुहुँ ओरके, इहि विधि लरत अपार ॥

अस्त्र शस्त्र वर्षत विपुल, छायो हाहाकार ॥ २७ ॥

पदरी छंद ।

चंपकहि कीन पुष्कल विहाल । हनि अस्त्र शस्त्र अगणित कराल ॥  
 तव राजपुत्र रामास्र घाल । लिय भरत सुवनको वाँधि हाल ॥ २८ ॥  
 तव हनुमान धाये तुरंत । किय तासु संग संयुग अनंत ॥  
 नृप पुत्र पवनपुत्रहि उठाय । गहि पुच्छ भूमि डारों भमाय ॥ २९ ॥  
 पुनि सैभरि वीर पद पकरि तासु । फेको फिराय बहु दूरि आसु ॥  
 मुर्छित विहाल भो नृपति बाल । हनुमंत पुष्कलहि छोर हाल ३० ॥  
 विदल विलोकि सुन मुग्ध वीर । कीशहि प्रहार किय विपुल तीर ॥  
 हनुमंत धाय नव तामु चाप । गहि कीन भंग भरि कोददाप ॥ ३१ ॥

पुनि धनुष आन लै नृपति मंड । कोदंड सोड किय खंड खंड ॥  
 इमि असी चाप भंजे सुवीर । तव सुरथवीर अति है अधीर ॥ ३२ ॥  
 गरु चंड शक्ति कीनी प्रहार । हनुमंत ताहु धरि भंजि डार ॥  
 पुनि कीश तासु स्यंदन उछाल । तव भूप कोपि दृढ़ परिघशाल ॥ ३३ ॥  
 चौं ताछिन तासु सूतरथ स्यंदन ॥ गहि पछारि महि कीन निकंदन ॥  
 पुनि रथ आन वैठि नृप धावा ॥ सोऊ हनुमत वेगिनशावा ॥ ३४ ॥  
 इहि विधि एकऊन पंचाशा ॥ वीर सुरथ रथ करे विनाशा ॥  
 अस्र पाशुपति तव नृप घाला ॥ तासु घात कछु भये विहाला ॥ ३५ ॥  
 है सचेत धाये वरियारा ॥ तव नृप ब्रह्मअस्र पुनि मारा ॥  
 तऊ न नेक सुरे हनुमाना ॥ सुरथ महीप अतिहि अकुलाना ॥ ३६ ॥  
 तव रामास्र कपिहि नृप घाला ॥ गिरे भूमि हनुमंत उताला ॥  
 सुरथ कपिहि दृढ़ बंधन कीना ॥ गहिपुर गमन हेत चित दीना ॥ ३७ ॥

दोहा—तव बोले हनुमंत कपि, अहो सुरथ नृप वीर ॥

अपर अस्रते बांधते, तव हे सत्य सुवीर ॥ ३८ ॥

ताछिन कपिहि निबंध लखि, धाये पुष्कल वीर ॥

हने परस्पर दोड दुहुँ, विविध विषम खरतीर ॥ ३९ ॥

तोमरछंद ।

तव नृपति बहु अकुलाय । धनु चंड बाण चढाय ॥

पुष्कल हिये महँ शाल । भे तासु घात विहाल ॥ ४० ॥

भूमधि गिरे सुरझाय । रिपुदमन लखि दुख छाय ॥

पुनि समय सम धरि धीर । करि कोप धाय सुवीर ॥ ४१ ॥

भूपहि हने बहु बान । छिंदे सु वीर महान ॥

तव शत्रुहन रिस धार । बहु अस्र कीन प्रहार ॥ ४२ ॥

ते भये निर्फल सर्व । तव कही नृपति सगर्व ॥

प्रभु दास सत्यजु आहि । तिन पे न मंत्र चलाहि ॥ ४३ ॥

यों कहि सुरथ बलवान । रिपुहनहि दन इक बान ॥

तिहि लगतही रथ मारि । गिरि परे कछु सुधि नारि ॥ ४४ ॥

पुनि भूप बाणन मारि । दिय अपर भट मारि डारि ॥

तिहि समय रिपुहन सैन । चहुँ भजत धीर धरै न ॥ ४५ ॥  
 लखि कटक गति कपिराय । गरुशैल कर धरि धाय ॥  
 कीनो सकोप प्रहार । दीनों सुभूप विदार ॥ ४६ ॥  
 पुनि विपुल तरु गिरि वीर । घाले सु सब नृपधीर ॥  
 बाणन विभांजि बहाय । कपितन दिये शर छाय ॥ ४७ ॥  
 सुग्रीव धाय उताल । नख दशन तिहि तनु शाल ॥  
 तब सुरथ अस्त्र प्रहारि । कपिपातिहि दिय महि डारि ॥ ४८ ॥  
 तिहि समय प्रभु दल माहिं । कोऊ सुभट इमि नाहिं ॥  
 जिहि नृपन बंधन कीन । तब विजय दुन्दुभि दीन ॥ ४९ ॥  
 शत्रुघ्न आदिक वीर । मुर्च्छित सबै रणधीर ॥  
 कछु पवनपुत्रहि चेत । अरु समस्त अचेत ॥ ५० ॥  
 सो विवश कपि रणधीर । वर अस्त्र बद्ध सु वीर ॥  
 नृप सबहि रथ मधि घाल । आयो सु धाम निहाल ॥ ५१ ॥  
 बैठो सभा हुलसाय । हनुमतहि लै तिहि ठाय ॥  
 भांपी तवै नृप धीर । अव सुमिरहू रघुवीर ॥ ५२ ॥  
 श्रीराम आपहि आय । जौलौं न देखैं छुडाय ॥  
 तौलौं न कोटिन वर्ष । छूटै न अस्त्र प्रकर्ष ॥ ५३ ॥  
 तब सबहि निरखि अधीन । दृग नीर भरि अति दीन ॥  
 श्रीरामपद हिय लाय । हनुमंत कह अकुलाय ॥ ५४ ॥

धनाक्षरी कवित्त ।

सीतानाथ सुभग दयाल भक्तपाल वीर दासहों तिहारो या  
 प्रचंड फास तोरिये ॥ रसिकविहारी दीन दुखित घनेरो त्राहि  
 त्राहि त्राहि वेगि अव समय बहोरिये ॥ रावरोहि एक अवलंब है  
 कदंब सत्य मेरे दोष देखिकै कबों ना मुख मोरिये ॥ आपनी बडाई  
 जानि कीजिये कृपालु कृपा पाहि पाहि पाहि मोहि बंधनते छोरिये ५५

नीको हौं बुरो हौं सांचो झूठो हौं खरो हौं खोटो कैसहू हौं  
तोऊ सब भापैं रामदास है ॥ रसिकविहारी मन वच अरु कर्म  
गति नाथहि प्रसिद्ध सदा हृदय निवास है ॥ भेषज उपाय यंत्र  
मंत्र तंत्र देवी देव काहूको न मानौं एक रावरीही आश है ॥ मोको  
वेगि दुसह कलेशतें छुटावो राम यामें नत होत आपहीको उप-  
हास है ॥ ५६ ॥

दोहा—इमि ध्याये हनुमंत तव, ताही छिन श्रीराम ॥

अति उताल दीनो दरश, करुणानिधि छविधाम ॥ ५७ ॥

शोभित पुष्पकयान मधि, भरत लपण मुनि संग ॥

दूरहिते लखि कपि कही, भूपहि सहित उमंग ॥ ५८ ॥

सो०—देख नृपति मम नाथ, विनय सुनत आये सपदि ॥

भक्तपाल जिहि गाथ, सो विलंब किमि लावहीं ॥ ५९ ॥

चौ०—यौं कहतहि कौशलपुर राजा ॥ आये द्रुत लखि सहित समाजा ॥

धाय सुरथ रघुवर पद परसे ॥ जल आनंद नैन दुहुं वरसे ॥ ६० ॥

राम कही बहु भाँति सराही ॥ क्षत्री वीर धर्म यह आही ॥

मुनि नृप विनय करी कर जोरी ॥ पूजी नाथ सकल रुचि मोरी ॥ ६१ ॥

तव रघुवर सब वीर छुटाये ॥ दुहुं दलके भट मृतक जिवाये ॥

उठि रिपुहन भेंटे मुद भ्राता ॥ गहे कीश प्रभु पद जलजाता ॥ ६२ ॥

अपर समस्त प्रभुहि शिरनाये ॥ प्रजा नारि नर दरश अवाये ॥

तीन दिवस तहँ श्रीरघुराजा ॥ रहे भक्तवश सहित समाजा ॥ ६३ ॥

दोहा—पुनि रघुवर मुनि बन्धु युत, बैठि सु पुष्पविमान ॥

गये मुदित नृप सुरथको, बहु विधि करि सनमान ॥ ६४ ॥

कोउ न जानत भद कलु, कहा करत रघुवीर ॥

यज्ञ करत उत नित ईत, हरत भक्तकी पीर ॥ ६५ ॥

रसिकविहारी दुख सब, मिटे भयो सुखभारि ॥

दुहुं ओर आनंद हे, चहुं जै जै धुनि पूरि ॥ ६६ ॥

सुरथ चंपकहि थापि पुर, भये सदल हय साथ ॥

राम बन्धु गमने सुखी, कहि जै जै रघुनाथ ॥ ६७ ॥

इति श्रीराम० र० वि० वि० सुरययुद्धवर्णनो

नाम दशमो विभागः ॥ १० ॥

दोहा—श्रीरघुवर मख वाजिवर, विचरत बहु दल साथ ॥  
 वाल्मीकि आश्रम तहाँ, आयो सुरसरिपाथ ॥ १ ॥  
 परमरम्य वन हेरिकै, डोलत चहुँ निशंक ॥  
 अशन करत तृण पियत जल, हिंसत इंक उतंक ॥ २ ॥  
 मुनि कुटीनते ठौर सो, योजन एक प्रमान ॥  
 तहँ मृगयाहित आवहाँ, सिय सुत सजि धनु वान ॥ ३ ॥  
 तादिन लव आये तहाँ, कुश विन आप अकेल ॥  
 वन विचरत मुनि सुतन युत, करत मुदित बहु खेल ॥ ४ ॥  
 सो लव वरवाजी निरखि, वांचि तासु शिर पत्र ॥  
 गहि बांधो तरुते तहाँ, कही न भूमि निक्षत्र ॥ ५ ॥  
 प्रबल होत भवितव्य गति, कोउ न जानत भेद ॥  
 औचक प्रगटै बुद्धि जिहि, होवै खेद अखेद ॥ ६ ॥  
 वाल्मीकि पट कांड जो, सिय सुत करत सु गान ॥  
 सो तिन हिय भो भ्रम इतो, को हैं राम न जान ॥ ७ ॥  
 त्योंहीं मति मुनि सुतनकी, ताछिन गई भुराय ॥  
 कही न कोऊ वाजि यह, तब पित मखको आय ॥ ८ ॥  
 ताछिन मुनि बालक लवहि, इमि भापी समुझाय ॥  
 वर्ष पंचदश ते अधिक, निज मधि कोउ न आय ॥ ९ ॥  
 तजौ वाजि झूँते चलौ, करिय बाल कहँ युद्ध ॥  
 हूँ हैं संग तुरंगके, रक्षक जन भट उद्ध ॥ १० ॥  
 पुनि मुनि शिष्यनको समर, उचित कहै नहिं कोय ॥  
 ताहूँ पै नृप दल अमित, तुम इक ते कह होय ॥ ११ ॥  
 तब लव भापी हे सखा, तुम सब हौ द्विजबाल ॥  
 भोजन भिक्षा पढ़न तजि, और न जानौ हाल ॥ १२ ॥  
 क्षुधित तृपित हूँ हौ अतिहि, जावो गेह पराय ॥  
 इत अबहीं हूँ है समर, लखि तुव चित्त भ्रमाय ॥ १३ ॥  
 कही मित्र तुम सत्य यह, हैं अबहीं हम बाल ॥  
 पै क्षत्रीसुत शुद्ध सो, वीरनके उरशाल ॥ १४ ॥  
 रामहि इमि अभिमान है, जानत भूमि निक्षत्र ॥  
 बाँधो वैन उतंक लिखि, मख तुरंग शिर पत्र ॥ १५ ॥

कितहूँ वीर सु आजलों, मिलो न हैहै कोय ॥  
 जानि परैगी सबहि अब, क्षत्रिय बल इमि होय ॥ १६ ॥  
 ताछिन हय सेवक तहां, आये वीर विशाल ॥  
 तिनहि दूरहीते निरखि, भाजि दुरे द्विजबाल ॥ १७ ॥  
 लव अकेल सजि बाण धनु, रहे वाजिके पास ॥  
 सो वीरधत लखि बाल दिग, किय सेवक गण हास ॥ १८ ॥  
 ते सेवक लखिकै सपदि, छोरन लगे तुरंग ॥  
 लव बरजे माने न फिर, कीने नैन सुरंग ॥ १९ ॥  
 तव सीतासुत कोपिकै, सपदि धाय बहु डाट ॥  
 तिन सब हय सेवकनके, भुज डारे महि काट ॥ २० ॥  
 भजे विकल तहँते सकल, आये रिपुहन पास ॥  
 कही सबै गति विलपिकै, है हिय निपट हिरास ॥ २१ ॥  
 शत्रुशमन सुनि चकित है, कहे विचारि सु बैन ॥  
 विष्णु होय कै शंभु ध्रुव, सो नर बालक हैन ॥ २२ ॥

प्र० ॥ रा० ॥ अ० ६० ॥ श्लोक ।

नायं बालो हरिर्नूनं भविष्यति हयं धरः ॥  
 अथवा त्रिपुरारिः स्यान्नान्यथा मद्भयापहृत् ॥ १ ॥  
 दोहा—पै हरि हर हो कोट सो, कहा विजय ले जाय ॥  
 श्रीरघुवर ते काहुको, छल बल कछु न चलाय ॥ २३ ॥  
 यों कहि पुनि रिपुदमन द्रुत, सेनापतिहि बुलाय ॥  
 दई रजायसु युद्ध करि, लावो वाजि छुटाय ॥ २४ ॥  
 सो०—कालजीत जिहि नाम, सकल सेनापति वीर वर ॥  
 ले बहु भट बलधाम, चलो साजि चतुरंग दल ॥ २५ ॥

सुजंगमपात छंद ।

चमृनाथ ले सेन आयो तहाँई । अकेले सियापुत्र ठाटे जहाँई ॥  
 कही सो तबे छोरि दे वाजि बाला । करै क्यों वृथा आपनी मृत्यु दाला ॥ २६ ॥  
 सिया सूनु भापी तबे रे अयाना । जुहो काल तेरो सु क्यों बाल जाना ॥  
 कछु वीरता होय वेगै दिखाव । न तो सेनले फेर पाछे सिखाव ॥ २७ ॥  
 तबे फेर सेनापती यों बखानी । लखों गुम सो रूप, दाया सुदानी ॥  
 भली हे अजों छोटि दे यज्ञ वाजी । न तो बाँधे न नोहि तो होय गजी ॥ २८ ॥



तोटक छंद ।

सुनिकै लव वेगहि बाण सजे । धनुतान सँधान सकोप तजे ॥  
 छिनमें बहु सैन विदारि दर्ई । वर वीरनकी मति हार गई ॥ २९ ॥  
 सजि सायक चाप अनीप घने । करि कोप महाबल अंग हने ॥  
 नृपराज सबै शर भंजि दिये । बहुरौ तिहि प्राण विहाल किये ३० ॥  
 पुनि स्यंदन खंडि चमूपतिको । किय हाल विहाल कहै गतिको ॥  
 तब सो द्रुत भीम गयंद चढ़ो । कर धारि गदा बहु कोप मढ़ो ३१ ॥

तोमर छंद ।

सो गदा कीन प्रहार । लव भंजि तिहि दिय डार ॥  
 मारो परिघ पुनि चंड । किय सोड नृप सुत खंड ॥ ३२ ॥  
 बहुरौ सु लै करवाल । गज गुंड काटि उताल ॥  
 तिहि दंभ पद धरि वीर । करि शीश चढि रणधीर ॥ ३३ ॥  
 कीनो सुकुट तिहि छिदि । पुनि कवच वेगहि भिदि ॥  
 दलपतिहि कच कर धार । डारो सु भूमि मझार ॥ ३४ ॥  
 तब कालजित अति पुष्ट । मारो लवहि दृढ मुष्ट ॥  
 पुनि लै कृपाण कराल । तानो सुहस्त उताल ॥ ३५ ॥  
 सो सपदि हनि शर चंड । सह खड्ग भुज किय खंड ॥  
 तब कोपिकै दलनाथ । लिय गदा वामहि हाथ ॥ ३६ ॥  
 सोऊ भुजा लव वीर । दिय छिंद हनि खर तीर ॥  
 तब कालजित वरिधार । किय कोपि चरण प्रहार ॥ ३७ ॥  
 लव पगहु खंडित कीन । सो गिरत शिर हनि दीन ॥  
 तिहि वीरता लखि वीर । जिय कहत वीर सु वीर ॥ ३८ ॥  
 पुनि लै कृपाण प्रचंड । लव तासु शिर किय खंड ॥  
 फिरि विशिषवाणन मारि । दिय सकल सैन विदारि ॥ ३९ ॥  
 दोहा—लव लाघवता अकथ यह, लरत चमूपति संग ॥  
 आवत अमित हथ्यार ते, करत तिनहुँको भंग ॥ ४० ॥  
 लखि यह गति सब थकित है, पुनि दलपतिको घात ॥  
 विजय आश ताजिकै सुभट, भगे विकल विललात ॥ ४१ ॥  
 कही जाय रिपुदमन ते, रण गति सकल अधीर ॥  
 कालजीत दलपालको, वध कीनो शिशुवीर ॥ ४२ ॥

शत्रुशमन सुनि चकित है, कीनो शोक अपार ॥  
 पुनि धरि धीरज पुष्कलहि, कही समेत विचार ॥ ४३ ॥  
 वीर जाहु भट सैन लै, गहि लावो सो बाल ॥  
 भरतपुत्र सुनिकै सकल, साजो साज उताल ॥ ४४ ॥  
 ख० गगन० नभ० महि१ ग्रह१ निगम४, स्यंदन इते सुदंग ॥  
 हय गज पद चर अपर बहु, दल चतुरंग अभंग ॥ ४५ ॥  
 इमि सजिकै धाये सकल, सिया सुतहिं लखि वीर ॥  
 वीर शस्त्र वर्पन लगे, शक्ति शूल असि तीर ॥ ४६ ॥

• दोवई छंद ।

राज पुत्र तिन मध्य अकेले पद मंडल दै युद्धे ॥  
 खंड खंड करि चंड वीरते वाणन प्राण निरुद्धे ॥  
 गज तुरंग स्यंदन अरु पदचर लव निशंक बहु भंजे ॥  
 भये अधीर मरत तजि भागे सकल सुभट मद गंजे ॥ ४७ ॥  
 तौ लग पुष्कल आय वेगही सैन दशा अवलोकी ॥  
 फिरौ फिरौ कहि टेर धीर दै भगत अनी सब रोकी ॥  
 बचे वीर ते अपर भूरियुत भरत पुत्र द्रुत धाये ॥  
 सकल सुभट मिलि राम पुत्र पै अमित शस्त्र वरसाये ॥ ४८ ॥  
 लव ते सर्व हथ्यार शरनते छिदि भूमि मधि डारे ॥  
 पुनि धनु तान वाण अगणित हनि विकल किये भट सारे ॥  
 तब पुष्कल बहु विशिख तीरते राजपुत्र तनुशाला ॥  
 सो फिरि मूत वाजि स्यंदन दलि वीरहि कियो विहाला ॥ ४९ ॥  
 गिरे भूमि पुष्कल तब हनुमत लवहि वृक्ष लै मारा ॥  
 सियसुत सपदि छिदि वाणन ते सो तरु भूमि पैवारा ॥  
 पुनि करि क्रोध शैल पाहन द्रुत कीश अनेक प्रहारे ॥  
 सोळ सकल वीर तीरनतें भंजि महीतलडारे ॥ ५० ॥  
 पुनि हनुमंत लपेटि पुच्छ मधि चाहो सपदि उछाला ॥  
 लव अकुलाय उताल मुष्ट हनि कपि लंगूरहि शाला ॥  
 तासु घात है विकल वीर तिन छोड दये ततकाला ॥  
 वेगि सीयसुत दलि वाणन ते कीशहि कियो विहाला ॥ ५१ ॥

पुनि मुनि गण विन इहि विपिन, और न कोठ रहाहि ॥ ७७ ॥  
 सो सब गये अवंतिका, मुनि गण कुशहू साथ ॥  
 हाय करौ मैं काह अब, या छिन निपट अनाथ ॥ ७८ ॥  
 इमि अति विलपतही सिया, ताही छिन कुशवीर ॥  
 आये औचक मातु गति, निरखत भये अधीर ॥ ७९ ॥  
 त्रिकालज्ञ मुनि चरित सब, जानत परम सुजान ॥  
 भेद न प्रगटो रंचहू, मानों निपट अयान ॥ ८० ॥  
 मातहि शिर नमि जोरि कर, तब कुश बूझो हाल ॥  
 निज दुख भापो जानकी, विलपत सकल उताल ॥ ८१ ॥

चौ०-मुनि कुश हीय भयो अतिक्रोधा। मातहि करि बहु भौंति प्रबोधा  
 साजो द्रुत अभंग तनु त्राणा \* चर्म कृपाण शक्ति धनुबाणा ८२ ॥  
 गवने मातु चरण धरि शीशा \* सीय दई जय सिद्धि अशीशा ॥  
 कुश धाये करि क्रोध अपारा \* दूरहि ते लखि सबहि प्रचारा ८३ ॥  
 रिपुहन आदि कुशाहि जब देखा \* छायो हिय आश्चर्य विशेषा ॥  
 कहत बाल यह मायाकारी \* पुनि आयो दूजो तनुधारी ॥ ८४ ॥

दोहा-इक तनुते इत विवश है, परो सबहि भरमाय ॥  
 दूजो वपु धरि औचके, आयो अंग सजाय ॥ ८५ ॥  
 वय वपु शोभा साज सब, दोऊ एक समान ॥  
 ध्रुव यह सुरमाया कछू, भेद परत नहि जान ॥ ८६ ॥  
 कहत परस्पर चकित इमि, सजग भये सब कोय ॥  
 ताक्षण लव मुच्छा जगी, अति अलक्ष चहुँ जोय ॥ ८७ ॥  
 भ्रातहि आवत देखिकै, भयो महाआनंद ॥  
 तौ लग कुश पहुँचे सपदि, कियो शोर जनवृंद ॥ ८८ ॥  
 ताक्षण तुर धनुबाण गहि, रथते उछलि उताल ॥  
 परे भ्रात ढिग वीर लव, सजग भये तत्काल ॥ ८९ ॥

चारी छंद ।

अति मुदित दुहुँ बलवंत सिय सुत सपदि चाप चढ़ाय ॥  
 चहुँ धाय धाय कराल वाणन बाल दल दिय छाय ॥  
 तब सकल वीर सुधीर गहि गहि शस्त्र अगणित उद्य ॥  
 रिपुशाल आदि विशाल भट बहु करन लागे युद्ध ॥ ९० ॥

वर सुभट वनचर भालु मानुष यातुधान अपार ॥  
 तरु कुधर पाहन शक्ति शर असि परिघ शूल प्रहार ॥  
 दुहुँ वीर ते बहु तीर हनि हनि करत सवही चूर ॥  
 पुनि मारिकै सु प्रचंड बाणन सकल गातहि पूर ॥ ९१ ॥  
 तब कोपि रिपुहन वीर तीरन छाये दिय दुहुँ वीर ॥  
 रणधीर सियसुत तदपि भे तिहि समय कटुक अधीर ॥  
 कुश अग्नि अस्त्र प्रहार सो लखि वरुणते किय खंड ॥  
 वायव्य छोडो ताहि पर्वत घालकै चहुँ मंड ॥ ९२ ॥  
 वर वज्र ते गिरि चूर किय तब कुश महारिस लाय ॥  
 नारायणास्त्र प्रहार सो रिपुहनहि कछु न जनाय ॥  
 लखि सीयसुत आरि शाल ते भापी अहो नृप वीर ॥  
 अब तुमहि डारत भूमि हौं सब भाँति होउ सधीर ॥ ९३ ॥  
 यों कहि प्रहारे तीन शर सो लगतही रिपुशाल ॥  
 बहु व्यथित है अकुलाय मूर्छित गिरे भूमि विहाल ॥  
 तिहि समय हाहाकार भो धाये समस्त नृपाल ॥  
 तिन सवहि दोऊ बंधु बाणन वेधि डारे हाल ॥ ९४ ॥  
 सो गति विलोकि समीर सुत तरु कुधर अमित प्रहार ॥  
 तीरन विदारे सकल ते दुहुँ वीर राजकुमार ॥  
 पुनि कीश बहु दृम शैल पाहन घाल चहुँ दिशि छाये ॥  
 अकुलायकै सिय पुत्र कुश तब अतिहि कोप बढ़ाय ॥ ९५ ॥  
 संहार अस्त्र प्रहार कीनो तबहि पवनकुमार ॥  
 कहि राम राम अचेत मूर्छित गिरे धरणिमझार ॥  
 पुनि कोपिकै लव कुश दुहुँ बहु चंड बाणन मारि ॥  
 दल सकल किय विध्वंस भागे सुभट हाय पुकारि ॥ ९६ ॥  
 सो हरिकै कपिनाथ धाये शैल तरु गिरि खंड ॥  
 दुहुँ बंधु पर वरपाय छाये कीन क्रोध प्रचंड ॥  
 ते सकल राजकुमार बाणन भंजि डारे भूमि ॥  
 सुग्रीव तब लंगूर वालो भूरी बल युन दृमि ॥ ९७ ॥  
 कुशवीर कपिपति अंगमें बेधे अनेकन तीर ॥  
 तोड़ सुकंठन न फिरत फिरि फिरि भिन्न भट रणधीर ॥

सादर सहित उमंग, रहे मुदित मख दरशहित ॥ ३ ॥

लव कुश दोऊ वीर, जिन ठानो बहु युद्धवर ॥

पट कपाय द्रुम चीर, ते धारण कीने सुभग ॥ ४ ॥

चौ०-जाक्षण समर करो दुहुँ बाला ❀ ताक्षण औरहि छटा विशाला ॥  
 अब सुवेप मुनि शिष्य प्रमाना ❀ इनहिं कियो रण कोउ न जाना ५  
 वाल्मीकि हियकी हिय राखी ❀ राम पुत्र ये काहु न भापी ॥  
 सन्निधि ऋषि जेते गति ज्ञाता । लखि मुनि रुचि किय कोउ न ख्याता  
 जब सीता मखवाजि छटायो ❀ सुनत तबै सब कहि समुझायो ॥  
 सो लव कुश जानैं यह वाता ❀ राम अवधपति हैं मम ताता ७ ॥  
 पै दोऊ गुरु आज्ञाकारी ❀ याते निज मुख कछु न उचारी ॥  
 सदा रहैं मुनि शीश प्रमाना ❀ तिहि तजि काज करैं नहिं आना ८  
 सो कुश लव तापसके भेपा ❀ शोभित नख शिख अंग सुदेशा ॥  
 गुरुकृत रामायण नित गावैं ❀ परमस्थ वर वीण बजावैं ॥ ९ ॥  
 राग रागिनी समय समाना ❀ शुद्धवर्ण स्वर ताल प्रमाना ॥  
 लय विश्राम सु भेद समेता ❀ गान करैं सह वाद्य सचेता ॥ १० ॥  
 तिन लखि सब जन अति हरपावैं ❀ मुनि द्विज नृप निज निकट बुलावैं  
 सादर बारहिं बार गवावैं ❀ रामायण मुनि अचरज लावैं ११  
 मुनि रघुवर दुहुँ वेगि बुलाये ❀ गुणी समाज जोरि बैठाये ॥  
 तिन विच रामायण तिन गाई ❀ सुनत सकल हिय विस्मय छाई १२  
 अति प्रसन्न हैं राम प्रवीना ❀ वसु दशसहस १८००० स्वर्ण तिन दीना  
 तब भापी दुहुँ रघुवर पाहीं ❀ हम मुनि शिष्य लेत धन नाहीं १३ ॥  
 पुनि इमि भापी राम नृपाला ❀ हम मुनिहैं सब ग्रंथ रसाला ॥  
 तब लै गुरु आज्ञा नित आई ❀ बहु दिन लग रामायण गाई १४  
 इहि विधि नित अनंद अधिकाना ❀ पूरण यज्ञ समै नागिचाना ॥  
 तब रघुवर निज हीय विचारी ❀ अब इत सिय आगम शुभकारी १५  
 पुनि मुहिं वाल्मीकि मुनिराई ❀ सिय अंगीकृत हित समुझाई ॥  
 याते जाय लपण लै आवैं ❀ यज्ञ दरश सीताहू पावैं ॥ १६ ॥  
 यां गुणि वंधुहि दई रजाई ❀ ऋषि आश्रम ते सीतहि लाई ॥  
 राख्यो वाल्मीकि मुनि पासा ❀ सुनत लपण हिय भयो हुलासा १७  
 दोहा-वाल्मीकि मुनिके जु हैं, शिष्य महोदय नाम ॥

तिन युत रथ लैकै लपण, वेगि गये तिहि ठाम ॥१८॥

प्रभु आज्ञा कहि शीश नमि, लाये अति समुझाय ॥

वाल्मीकि ढिग सीयको, राखी राज रजाय ॥ १९ ॥

प्र० रा० ॥ अ० ६६ ॥ श्लोक ॥

इत्युक्त्वा लक्ष्मणो रामं रथे स्थित्वा नृपाज्ञया ॥

सुमित्रमुनिशिष्याभ्यां युतोगाद्भूमिजाश्रमम् ॥१॥ इत्यादि ॥

दोहा—जादिन मख पूरण हुतो, तादिन आई सीय ॥

मुनि अतिही आनंद भयो, पुर परिजनके हीय ॥ २० ॥

सो मखपूरण दिवस प्रभु, गुरु मुनि आयसु पाय ॥

दिये दान बहु सहित विधि, श्रद्धा भक्ति दृढाय ॥ २१ ॥

दोषई छंद ।

पुनि जैते नृप अरु नृपरानी नरपति पुत्र समाजा ॥

नृपति पुत्र नारी ये सबही सहित उचित रघुराजा ॥

हैं पुनीत इकठौर भये तब गुरु वसिष्ठ मुनि वृंदा ॥

लै शुचि जल समस्त अभिषेके वाढो हृदय अनंदा ॥ २२ ॥

पुनि अगस्त्य मुनि खड्ग मंत्रि कै सविधि राम कर दीना ॥

सो ले वाजि पीठ प्रभुधारा दिव्यरूप तिहि लीना ॥

ताजि पशुगात देव वषु हैं के बैठि विमान सिंधारा ॥

सुर नर मुनि अवलोकि तासु गति कियो म जैजकारा ॥ २३ ॥

प्र० ॥ रा० ॥ अ० ६७ ॥ श्लोक ।

करवाले धृते पृष्टे रामेण स ह यः क्रतौ ॥

पशुत्वं तु विहायाशु दिव्यरूपमविदत ॥ २ ॥

विमानवरमारुह्य अप्सरोभिः समंततः ॥

चामरेर्वाज्यमानश्च वैजयंत्या विभूषितः ॥ ३ ॥

गतोसौ शाश्वतस्थानं रामपादप्रसादतः ॥

पुनरावृत्तिरहितं शोकमोहविवर्जितम् ॥ ४ ॥ इत्यादि ॥

दोषई छंद ।

बहुरि देव सब सविधि तृप्त करि पूजा आहुति दीनी ।

अपर क्रिया मख अंत उचित सो सकल यथार्थ कीनी ॥

अश्वमेध कर यज्ञ समापत भयो सुदित सब कोई ॥

नृत्य गान सन्मान दान बहु चहुँ जज ध्वनि होई ॥ २४ ॥

दोहा—पुनि गुरु मंत्री राम मिलि, कियो विचार दृढाय ॥

सवहि विदा अब दीजिये, भयो वर्ष इत आय ॥ २५ ॥

चौ०—तव रघुवर जन निकट बुलाये ॥ सबहि यथोचित काज दृढाये ॥

भूपनके सतकारन हेता ॥ थपे अनुज तिहुँ परमसचेता ॥ २६ ॥

द्विजगण आदर अर्थ महीशा ॥ दै शिख राखे निपुण कपीशा ॥

मुनि जन मानन काज कृपाला ॥ आरोपित किय लंकनृपाला ॥ २७ ॥

अपर जनन परतोपन हेता ॥ राखे सेवक सखा सचेता ॥

तियन विदा रनिवास मझारा ॥ इमि प्रबंध रघुवर किय सारा ॥ २८ ॥

दोहई छंद ।

इहि विधि विदा प्रबंध ठानि पुनि राघव हृदय विचारी ॥

ऋषि आश्रमते आये सीतहि बीत गये दिन चारी ॥

लपणहि पठै बोलि लीनी मैं पुनि मुनि पासहि राखी ॥

ऐसे समय शपथ होवे तो भली भूरिजन साखी ॥ २९ ॥

दोहा—यों विचारि श्रीराम तव, सभामध्य द्रुत आय ॥

दूतन प्रति आज्ञा दई, ताक्षण सवहि सुनाय ॥ ३० ॥

वाल्मीकि मुनिनाथको, मम दिशिते शिरनाय ॥

विनय करो सिय प्रात निज, शपथ देय नित आय ॥ ३१ ॥

तव चर मुनि ढिग जायकै, कही कही जिमि राम ॥

भापी ऋषि आशीर्षदे, पुजै राज मन काम ॥ ३२ ॥

चौ०—भयो शोर चहुँ ओर सु भारी ॥ जुरे प्रभात अमित नर नारी ॥

नित्य नेम करि श्रीरघुराई ॥ शोभित भये सभा मधि आई ॥ ३३ ॥

ताक्षण वाल्मीकि मुनिनाथा ॥ आये लै सिय कुश लव साथी ॥

उठे राम नमि सहित समाजा ॥ आशिष दीन मुदित ऋषिराजा ॥ ३४ ॥

नख शिख अंग सु वध दुराये ॥ कर जोरे लखित शिरनाये ॥

वाल्मीकि पाछे सिय टाढी ॥ शोक निरह ब्रीडागिनि बाढी ॥ ३५ ॥

दोऊ नृपसुत मुनि पट धारी ॥ खरे मातु युत मंभा मझारी ॥

त्यो सिय वसन कपाय निदारी ॥ भये नकल नर नारि दुखारी ॥ ३६ ॥

तव मुनि कही सुनौ रघुनाथा ❀ अति पुनीत सिययुत तवगाथा ॥  
 सीय समान पतिव्रत नारी ❀ नहिं तिहुँ लोक धर्मधुरधारी ॥ ३७ ॥  
 हम बहु नेम धर्म व्रत लीना ❀ विपुल सहस्र वर्ष तप कीना ॥  
 ते मम सब निरफल है जाहीं ❀ जो कछु दोष होय सिय माहीं ॥ ३८ ॥  
 ये कुश लव दुहुँ शिष्य हमारे ❀ हैं रघुवीर सुपुत्र तिहारे ॥  
 यों कहि सत प्रतीति मुनि दीनी ❀ सुतन सहित सिय सन्मुख कीनी ॥ ३९ ॥  
 तब करजोरि मुनिहिं शिरनाई ❀ सत्य वचन बोले रघुराई ॥  
 परम प्रमाण वाक्य तव नाथा ❀ प्रभु शिख हैं धरि लई सुमाथा ॥ ४० ॥  
 पुनि बोले प्रभु मुनिहिं विनीता ❀ हों जानो सिय परम पुनीता ॥  
 पै पुरजन कछु अनुचित भापी ❀ तब कछु दिन प्रभु आश्रम राखी ॥ ४१ ॥  
 हैं मम पुत्र दुहुँ मैं जानो ❀ पूत मैथिली सत्य बखानो ॥  
 ताक्षण सुर नर मुनि चहुँ ओरा ❀ कही शुद्ध सीता करि शोरा ॥ ४२ ॥  
 तिहि औसर पिय हिय गति जानी ❀ सिय निशंक है त्याग गलानी ॥  
 हाथजोर पतिपद उर आनी ❀ महि टकलाय कही बरवानी ॥ ४३ ॥

दोहा—जो अनन्य मन कर्म वच, सदा भजे रघुराय ॥

तो मोको याही समय, विवर देहि महि माय ॥ ४४ ॥

प्रदन ॥ वाल्मीकीये ॥ उत्तरकांडे सर्ग ॥ ९७ ॥

सर्वास्तानागतान्दृष्टा सीता कापायवासिनी ॥

अब्रवीत्प्रांजलिर्वाक्यमधोदष्टिरवाद्मुखी ॥ ५ ॥

यथाहं राघवादन्यं मनसापि न चिंतये ॥

तथा मे माधवी देवी विवरं दातु मर्हति ॥ ६ ॥ इत्यादि ॥

दोहा—यों सिय मुख ते कटत ही, बरणी भई दगर ॥

इक सिंहासन विवरे, प्रगटो तेज अपार ॥ ४५ ॥

शीश धरे तिहि नाग बहु, ताही क्षण महि आय ॥

सिंहासन पे नीयको, कर गहि लई बिटाय ॥ ४६ ॥

जो सिंहासन वेगही, पुनि गो धरि मझार ॥

विवर भयो परित सपादि, गही न



जै जै छायो शोर चहुँ, व्योम पताल मझार ॥

सुरगण अति आनंद है, वरपे सुमन अपार ॥ ४८ ॥

अंतर्द्धान सियाहि लखि, सब नर नारि पुकार ॥

विह्वल बहु विलपात चहुँ, छाँयो हाहाकार ॥ ४९ ॥

श्रीरघुवीर अधीर अति, कियो भूमिपै कोप ॥

लपण लाव धनु शरं अबै, करौ धरणिको लोप ॥ ५० ॥

तब सुर मुनि कर जोरि कै, विनय करी समुझाय ॥

है तब अरधंगी सिया, प्रभु विहाय कहँ जाय ॥ ५१ ॥

सियाहि तजी विन दोष प्रभु, यों तिहि मातु रिसाय ॥

लै गमनी निज धाम पुनि, देहै अवध पठाय ॥ ५२ ॥

अंतर मग प्रभुते प्रथेम, गई सिया तब धाम ॥

सदा निरंतरसे इहै, लखि लीजो श्रीराम ॥ ५३ ॥

सुनि रघुवर प्रमुदित भये, देव गये निज धाम ॥

तादिन नैमिष मध्य सब, कीनो निशि विधाम ॥ ५४ ॥

चौ०-प्रात समय पुनि जुरो समाजा \* भयो समस्त विदाको साजा ॥

ताक्षण वाल्मीकि मुनिनाथा \* दै लवकुशही सप्तम गाथा ५५ ॥

पुनि भापी यह यह प्रयंता \* अबहीं कहँ सुनै सब संता ॥

अंत कथा वह गुप्तहि राखौ \* सहस वर्ष पाछे पुनि भापो ५६ ॥

तब तिन निज गुरु शीप प्रमाना \* गायो मुनि सब अचरज माना ॥

ताक्षण शिव ब्रह्मासुर राजा \* बोले सकल सुदेव समाजा ५७ ॥

दोहा-प्रभु तव आविर्भाव ते, वर्ष सहस चौबीस ॥

प्रथमहि विरचो ग्रंथ यह, वाल्मीकि मुनि ईश ॥ ५८ ॥

सो कुश लवको कांडपट, प्रथम दये ऋषिराज ॥

दीनो सप्तमकांड यह, प्रभु तव सन्मुख आज ॥ ५९ ॥

वेदमात सर्वोपरी, गायत्री जगमूल ॥

चतुर्विंश वर वर्णमय, ब्रह्म अनादि अवूल ॥ ६० ॥

सो चौबीस सुवर्ण जे, वेदमातके आय ॥

सहस सहस अश्लोक प्रति, ते इक इक इहि माय ॥ ६१ ॥

याते उत्तम लोक तिहुँ, याते काव्य न आन ॥

परम प्रमाणिक ग्रंथ यह, है वर वेद समान ॥ ६२ ॥

भातु चंद महि सिंधु ये, जवलग विदित रहाय ॥  
 वाल्मीकिकृत ग्रंथ यह, तौलग अचल सदाय ॥ ६३ ॥  
 सुनि सु कांडलै सातहू, श्रीरघुवर हुलसाय ॥  
 हिय लगाय दिय हनुमतहि, लियो सु शीश चढ़ाय ॥ ६४ ॥  
 ताक्षण देव अदेव सब, अति आनंद उर आन ॥  
 कही धन्य जै जैति जै, वाल्मीकि भगवान ॥ ६५ ॥  
 इमि अतिही आनंद युत, नैमिष भयो समाज ॥  
 पुनि सबही सादर उचित, विदा किये रघुराज ॥ ६६ ॥  
 इहि विधि पूरण यज्ञ भो, परमसुखी श्रीराम ॥  
 विदा होय मिलि उचित जन, गये सु निज निज धाम ॥ ६७ ॥

चौ०-पुनि समाज संयुत श्रीरामा ॥ आये अवध लहो विश्रामा ॥  
 सहित कुटुम्ब मुदित रघुराजा । करत नीति मय नित सब काजा ॥ ६८ ॥  
 राम पुत्र कुश लवहि निहारी ॥ रहत सदा पुरलोग सुखारी ॥  
 सब जननी राखै समप्यारा ॥ एक सरिस दुहुँ राजकुमारा ॥ ६९ ॥  
 वाल्मीकि वर ग्रन्थ अनूपा ॥ सादर सुनत प्रजा अरु भूपा ॥  
 धन्य धन्य श्रीराम चरित्रा ॥ पंचम वेद सु परम पवित्रा ॥ ७० ॥

प्र० ॥ रामाश्वमेधे ॥ अध्याय ॥ ६६ ॥ श्लोक ॥

इत्युक्तौ तौ सुतौ रामचरित्रं बहुपुण्यदम् ॥  
 आगायतां महाभागौ सुवाक्यपदचित्रितम् ॥ ७ ॥  
 वीणाया रणितं श्रुत्वा तालमानेन शोभितम् ॥  
 निखिला परिपत्तत्र शालभंजीव चित्रिता ॥ ८ ॥  
 हर्षादश्रूणि मुंचंतो रामाद्या भूमिपास्तथा ॥  
 तद्गानं पंचमो वेदो विहितश्चित्रितैः पदैः ॥ ९ ॥

इति श्रीरा० २० वि० वि० अश्वमेधयज्ञांतर्णनो नाम द्वादशा विभागः १२ ॥

चौ०-इहि विधि पुनि बहु वर्ष वितीते ॥ पूरित सकल मोद सबहीते ॥  
 राम मातु वय वृद्ध सुखारी ॥ युत अनंद सुरलोक सिधारी ॥ १ ॥  
 पुनि क्रम क्रम सब दशरथ रानी ॥ गई देवपुर आनंदसानी ॥  
 ते सब जाय रहीं पति पासा ॥ सबे प्रभुहि समेत हुलासा ॥ २ ॥  
 सबके सकल यथोचित कर्मा ॥ समय समय प्राति संयुत धर्मा ॥  
 कीने राम सप्रेम अपारा ॥ लोक वेद कुल ॥

तिहि पाछे बीते कछु वर्षा ॥ अंगिरादि ऋषि आप सहर्षा ॥  
भापी केकय भूप युधाजित ॥ पठये हमहि नाथ ढिग या हित ॥

दोहा—कही निकट मम देशके, हे नद सिंधु अनूप ॥

तिहि दुहुँ तटवर भूमि तहँ, हे गन्धर्व जु भूप ॥ ५ ॥

तीस कोटि वर वीर हैं, युद्ध उद्ध गन्धर्व ॥

तिनहिं जीति प्रभु लीजिये, तासु राज्य शुभ सर्व ॥ ६ ॥

चौ०—तव रघुवर द्रुत भरत बुलाई ॥ कही जाहु बहु लै कटकाई ॥

तिनहिं जीति दुहुँ सुत करि राजा ॥ आवो पुनि इत सहित समाजा ॥

इमि कहि प्रभु दुहुँ सुतन बुलाये ॥ पुष्कल तक्ष आय शिरनाये ॥

दोउनको अभिषेक सु कीना ॥ प्रमुदित राज राजपद दीना ॥ ८ ॥

तव लै भरत अनीक अपारा ॥ ते मुनि गण दुहुँ राजकुमारा ॥

वेगि गये मातुल मिलि साजे ॥ भिरे जाय दोऊ दल गाजे ॥ ९ ॥

सप्तदिवस निशि युद्ध अपारा ॥ भयो भरत तव अस्त्र प्रहारा ॥

सो संवर्त अस्त्र ते सारे ॥ तीसकोटि गंधर्व सँहारे ॥ १० ॥

भरत विजय करि नगर निहारे ॥ परम अनूप सुभग सुखकारे ॥

तक्ष शिलापुर तक्षहि दीना ॥ पुष्कलावती पुष्कल कीना ॥ ११ ॥

भूरि भूमि वर राज अपारा ॥ दुहुँ पुर साजविशद बहु सारा ॥

पंचवर्ष तहँ भरत रहाये ॥ करि प्रबंध पुनि अवध सिधाये ॥ १२ ॥

दोहा—मिलि सबही प्रमुदित रहे, इतै भरत हुलसाय ॥

तिय युत निज निज राज उत, करत सदा दुहुँ भाय ॥ १३ ॥

इत रघुवर पुनि लपणके, दोऊ सुतन बुलाय ॥

करि अभिषेक सुबंधु सँग, दीने सदल पठाय ॥ १४ ॥

विशद कारुपथ देश जो, उत्तर भूमि मझार ॥

तहँ अंगद पुर राजसो, अंगद लहो अपार ॥ १५ ॥

मल्लभूमि माधि सुभग थल, चंद्रकांति पुर नाम ॥

चंद्रकेतु किय राज तहँ, सुभग देश सुखधाम ॥ १६ ॥

इमि दुहुँ सुतन सुराज दै, करि कछु दिन तहँ वास ॥

भरत लपण पुनि मोदयुत, आये रघुवर पास ॥ १७ ॥

इहि विधि राम सुनीति युत, बंधु सुतन दै राज ॥

प्रमुदित कौशल नगर नित, रहत समेत समाज ॥ १८ ॥

चौ०-एक समय इक तापस आयो ॥ श्याम रूप तनु तेज सुछायो ॥  
 विदित कराय सु आयसु पाई ॥ जाय सु बेठो शीश नवाई ॥ १९ ॥  
 आदर तासु राम बहु कीना ॥ बोले तापस परम प्रवीना ॥  
 कछु विनवों एकांत मझारी ॥ सुनिय कृपा करि अवधविहारी ॥ २० ॥  
 तव द्रुत लपणाहि राम बुलाई ॥ कही द्वार रक्षौ दृढ जाई ॥  
 जौ लग करैं बात हम दोई ॥ तौ लग इत आवैं नहिं कोई ॥ २१ ॥  
 याक्षण कोउ भूलि ढिग ऐहै ॥ सो ध्रुव दंड प्राण बध पैहै ॥  
 सुनि लक्ष्मण धनु बाण सजाई ॥ ठाढे भये द्वारपर जाई ॥ २२ ॥  
 तव रघुवर अरु तापस दोऊ ॥ रहे भवन तीजो नहिं कोऊ ॥  
 ताक्षण तिहि बूझी रघुनाथा ॥ सुनि भापी सु जोरियुग हाथार ॥ २३ ॥  
 मो कहैं विधि प्रभु पास पठाई ॥ शीश नाय यह विनय कराई ॥  
 सत्यसिंधु रावव प्रणपालक ॥ जनरक्षक दुर्जन दल बालक ॥ २४ ॥  
 एक समय प्रभु करी रजाई ॥ हम सुर लोक लखाहिंगे आई ॥  
 तव में बूझो समय प्रमाना ॥ ग्यारह सहस्र वर्ष प्रण ठाना ॥ २५ ॥  
 सो अब अवधि आय नियराई ॥ याते प्रभुको सुरति दिवाई ॥  
 पुनि जिमि नाथ हृदय रुचि होई ॥ कीजे राज रजायसु सोई ॥ २६ ॥  
 सुनि बोले रघुवर तिहि पाहीं ॥ हम मिथ्या प्रण नाहिं कराहीं ॥  
 पै विधि जानत मो हिय वाता ॥ मुहितजि अवध न और सुहाता ॥ २७ ॥  
 याते सदा अवध पुर माहीं ॥ रहैं मुदित हम अनत न जाहीं ॥  
 जु पै हेतु वश कितहु सिखावैं ॥ तौ पुनि बेगि अयोध्या आवैं ॥ २८ ॥  
 पुनि चर अचर अवधपुर वासी ॥ हें अनन्य मम परम उपासी ॥  
 एकहु दिवस दश नाहें पावैं ॥ तौ सबही क्षण क्षण अकुलावैं ॥ २९ ॥  
 ये मुहिं सकल प्राणते प्यारे ॥ काहू करों न क्षण भर न्यारे ॥  
 में इनको भरे सब आहां ॥ दोऊ हिय दुहुं सदा बसाहां ॥ ३० ॥  
 याते हीं निज समय प्रमाना ॥ करों सत्य सौ जो प्रण ठाना ॥  
 लखि सुरलोक अवधगुनि ऐहां ॥ पै प्रियजन सबही संग लहां ॥ ३१ ॥  
 इमि रघुवीर तापसाहि भापी ॥ चलन चहो सो सब उर राखी ॥  
 तौ लग दुवांसा मुनि आयि ॥ राम द्वार इत वचन सुनाये ॥ ३२ ॥  
 कहाँ राम हम तिन ढिग जहै ॥ बेगि कहा नन शाप मुदहै ॥  
 तव करजोरे लपण शिरनाई ॥ दोन गिरा करि विनय सुनाई ॥ ३३ ॥  
 नाथ नाथ कछु मंत्र कगाहीं ॥ तहां गमन हिन ॥

दुहुँ पुत्रन इमि राजदै, आये अवध उताल ॥  
 मिले चरण गहि भ्रात लखि, मुदित भये रघुलाल ॥  
 पुनि रघुपति निज सुतनको, कीनो वर अभिषेक ॥  
 सरयू दक्षिण राज कुश, उत्तर लव सविवेक ॥ ६२ ॥  
 करत राज कुश लव दुहुँ, पितु आज्ञा अनुसार ॥  
 राम सरिस सब कृत्य वर, बल गुण धर्म विचार ॥ ६३ ॥  
 इति श्रीरा० र० वि० वि० राज्यविभागवर्णनोनाम त्रयोदशोविभागः ॥

हरिगीतिका छंद ।

श्रीराम दोऊ सुतन दै सब राजभार प्रमोदमें ॥  
 नित करत विविध विहार लीला सुजन सहित विनोदमें ॥  
 कपि केसरीसुत सेवहीं सानंद प्रभु पद प्रीतिसे ॥  
 मुनि रचित रामचरित्र वर्णत मुनित सादर रीतिसे ॥ १ ॥  
 जबसे लखो वर वाल्मीकि सु ग्रंथ हनुमत प्रेमते ॥  
 तबसे सहर्ष प्रकर्ष आपहु रचत प्रभु यश नेमते ॥  
 हनुमाननाटक नाम धरि शुभ ग्रंथ कीनो स्वक्ष जो ॥  
 मुनि कृतहुते अति रुचिर छंद प्रबंध सह पद लक्षसो ॥ २ ॥  
 पापाण पत्रन पै लिखो नखते विशद सुधारिकै ॥  
 राखो सुकंठ समस्त रामचरित्र विशद विचारिकै ॥  
 करिकै सु पूरण एक दिन औसर विलोकि अनंदको ॥  
 कर जोरि निज कृत ग्रंथ नाटक विदित किय रघुचंदको ॥ ३ ॥  
 कपिकाव्य उत्तम मुनिहुते मुनि राम अति प्रमुदित भये ॥  
 बहु बार बार सराहि कीशहि पुलकि अंक लगा लये ॥  
 ऋषि विप्र कवि कोविद सुरासुर श्रवण करि ज्ञाता सबै ॥  
 भापी हनुमत सरिस तिहुँपुर कोउ नहि बुधिवर अबै ॥ ४ ॥  
 श्रीराम तब हनुमत सों बोले अतिहि सकुचायकै ॥  
 हे वीर हम कछु चाहहीं सो देहु हिय हुलसायकै ॥  
 मुनि दीन ह्वै कपि कही कौन पदार्थ इमि बहु श्रेय है ॥  
 तनु प्राण हों अर्पित कियो दृढ बहुरि काह अदेय है ॥ ५ ॥  
 तब मुदित ह्वै रघुवीर कह तुव रचित ग्रंथ अपार जो ॥  
 नाटक उताल दराय आवो सिंध नीर मध्यम सो ॥

इहि देखिकै वर वाल्मीकि प्रभाव लघु जन मानि हैं ॥  
 सो गाथ है जग पृज्य तिहि लघुता किये बहु हानि हैं ॥ ६ ॥  
 सुनि ईश आयसु वीर गवने पै कछु मुख दीन भो ॥  
 लखि राम दिय बरदान जाते मुदित कीश प्रवीन भो ॥  
 कलिकाल मधि तुव ग्रंथ यह कछु कोउ नृप प्रगटाय है ॥  
 हनुमाननाटक विदित रहै श्रम वृथा नहि जाय है ॥ ७ ॥  
 सुनि वेगही कपि जाय प्रमुदित सिंधु वन गंभीर में ॥  
 लिपि उपल डारे सब गिरे बहु मध्य कछु तट नीरमें ॥  
 हुत आय पुनि प्रभु पास सहित हुलास विनय सुनायकै ॥  
 सेवन लगे नित चरण सादर परम प्रेम बढाय कै ॥ ८ ॥  
 जहँ होत रामचरित्र तहँ हनुमंत वेगि सिधावहीं ॥  
 सादर सुनै कर जोर शिर धरि नैन भरि पुलकावहीं ॥  
 याते सबै करि नेम आसन प्रथम कपि हित राखहीं ॥  
 शुचि सविधि प्रेम समर्थ श्रद्धा सहित प्रभु यश भापहीं ॥ ९ ॥

प्रश्न० ॥ वाल्मीकिटीकायाम् ॥ श्लोक ।

यत्र यत्र रघुनाथकीर्तनं तत्र तत्र कृत मस्तकांजलिम् ॥  
 वाष्पवारिपरिपूर्णलोचनं मारुतिं नमत राक्षसान्तकम् ॥ १ ॥

हरिगीतिका छंद ।

कोऊ करै विधि भंग कहुँ अस्थान अरु अभिमान ते ॥  
 अपराध अनुचितनेक सो सहिचाय नहि हनुमान ते ॥  
 तब कीश ठानी देहुँ शिक्षा सबहि यों हिय दृढ गुनी ॥  
 करि हंक शोर उत्तक भापी शीख जो तिहुँपुर सुनी ॥ १० ॥  
 जो सुनहि वर्णहि रामचरित सदाहि संयुत नेमसों ॥  
 सब भाँति सो दुहुँ लोकमें सानंद रहै क्षेमसों ॥  
 यह गाथ विशद त्रिलोक पूजित वेद पंचम जानिये ॥  
 इक एक वर्ण अनंत पातक प्रबल वातक मानिये ॥ ११ ॥  
 शुचि नेम उत्सव यज्ञ दान सु मान साज सजायके ॥  
 श्रद्धा सनेह प्रतीति नीति समेत हिय हुलसायके ॥  
 वक्तासु पुस्तक पूजि सविधि समस्त सुनहि सुनायके ॥  
 यह राम चरित प्रभावते अभिलाष ॥  
 प्रति दिवस वा प्रति मान वा ॥

सव्येपिच महोदेवी व्यवसायस्तथाग्रतः ॥ ९ ॥  
 शरानानाविधाश्चापि धनुरायत्तमुत्तमम् ॥  
 तथायुधाश्चतेसर्वेययुः पुरुषविग्रहाः ॥ १० ॥  
 वेदा ब्राह्मणरूपेण गायत्री सर्वरक्षिणी ॥  
 ॐकारोऽथवपट्कारः सर्वराममनुव्रताः ॥ ११ ॥  
 तथातामनुगच्छन्ति ह्यंतःपुरचराःस्त्रियः ॥  
 सवृद्धवालदासीकाः सवर्षवर्षिककराः ॥ १२ ॥  
 सांतःपुरश्चभरतः शत्रुघ्नसहितो ययौ ॥  
 रामं गतमुपागम्य साग्निहोत्रमनुव्रतः ॥ १३ ॥  
 तेच सर्वे महात्मानः साग्निहोत्राः समागताः ॥  
 सपुत्रदाराः काकुत्स्थमनुजमुर्महामतिम् ॥ १४ ॥  
 मंत्रिणो भृत्यवर्गाश्च सपुत्रपशुवांधवाः ॥  
 राघवस्यानुगाः सर्वे ह्यष्टा विगतकल्मषाः ॥ १५ ॥  
 ऋक्षवानररक्षांसि जनाश्च पुरवासिनः ॥  
 आगच्छन्परया भक्त्या पृष्टतस्तु समाहिताः ॥ १६ ॥  
 यानि भूतानि नगरेष्यंतर्धानं गतानि च ॥  
 राघवं तान्यनुययुः स्वर्गाय समुपस्थितम् ॥ १७ ॥  
 यानि पश्यन्ति काकुत्स्थं स्थावराणि चराणि च ॥  
 सर्वाणि रामगमने अनुजमुर्हि तान्यपि ॥ १८ ॥  
 नोच्छसत्तु ह्ययोध्यायां सुसूक्ष्ममपि दृश्यते ॥  
 तिर्यग्योनिगताश्चैव सर्वे राममनुव्रताः ॥ १९ ॥  
 अध्यर्धयोजनं गत्वा नदीम्पश्चान्मुखाश्रिताम् ॥  
 शरयुं पुण्यसलिलां ददर्श रघुनंदनः ॥ २० ॥ इत्यादि ॥

चौ०—आये मुदित तहाँ रघुवीरा ॐ संग अपार चराचर भीरा ॥  
 ताक्षण ब्रह्मादिक सब देवा ॐ धाये मुदित करनहित सेवा ॥ १॥  
 शतकोटिन विमान नभ छाये ॐ विशद विशाल अनूप सुहाये ॥  
 अस्तुनि कराहि देव मुनि वृन्दा ॐ नटाहि अप्सरा परम अनंदा ॥ २॥  
 तब रघुवर मग्य करि मञ्जन ॐ सजो शृंगार मुदित लखि सजन  
 पुनि प्रभु कहा चगचर जोइ ॐ द्रुत स्नान करि सब कोइ ॥ ३॥  
 गये गिधि निकट विमाना ॐ जामु तेज शत भातु समाना ॥  
 १ श्रीगुरुन श्रीगमा ॐ शोभित भये मयं ध ललामा ॥ ४॥

अपर चराचर सरयू न्हाई \* है सु दिव्य शृंगार सज  
 बैठे सकल विमानन मांहीं \* तिनहि देखि सुरवृन्द सिहाई  
 जै जै करें देव समुदाई \* दुंदुभि हनै सुमन वरस  
 नभमंडल है सकल विमाना \* कियो सजन सुरलोक पयान  
 निरखत जन चहुँ सुगति विचित्रा \* देवधाम बहु सुभग पवि  
 सुरपुर भई भीर अति भारी । चकित होत लखि लखि नरनार  
 बैठे वर विमान पुरवासी \* देव सरिस अति रूप प्रका  
 पहुँचे वेगि सहित श्रीरामा \* यथायोग पाये सब धामा ॥  
 जनकनंदिनीयुत रघुराई \* संग अनुज तिहुँ आनंद छ  
 कीनो वास उच्च वर धामा \* देव मुदित लहि दरश ललाम  
 ब्रह्मादिक सुर विविध अपारा \* युत अस्तुति किय बहु सतक  
 इमि रघुवर निज वचन प्रमाना \* लखो देवपुर सब सुखमाना  
 दोहा—जिते चराचर राम संग, आये सुरपुर माहि ॥

ते विधि हरि हर से सकल, जिन लखि देव सिहाहि ॥  
 सरयू अवध प्रभाव अरु, राम कृपा फल जानि ॥  
 तिनहि सराहत देव सब, सुकृत सुभाग्य बखानि ॥  
 पै जेतें चर अचर सब, अवध निवासी जोय ॥  
 कहा अधिक आनंद इहाँ, यों भापें सब कोय ॥ ५३ ॥  
 कव चालिये पुनि अवधमें, सबही जिय उमगाय ॥  
 कौशलपुर सुख सामुहें, सुरपुर काहु न भाय ॥ ५४ ॥  
 इमि बहु भापत पै विवश, प्रभु आज्ञा आधीन ॥  
 बहु सुख साज समेत पुनि, वास देवपुर कीन ॥ ५५ ॥  
 सीतारामहि नेह युत, नित सेवत सुरवृंद ॥ ५६ ॥  
 पुरजन परिजन चर अचर, विहरत सब सानंद ॥ ५६ ॥  
 देव भक्ति आधीन तहँ, रहे यदपि श्रीराम ॥  
 प समाज संयुत सदा, सुमिरत अवध सुधाम ॥ ५७ ॥  
 इमि रघुवर सुर प्रेममें, मग्न रहे बहु काल ॥  
 दुष्ट दरन संकट हरन, करन भक्त प्रतिपाल ॥ ५८ ॥  
 पुनि सब देवन धीर दे, कहि मृदु वचन बुझाय ॥  
 देव लोकते मुदित हैं, गमन कियो रघुराय ॥ ५९ ॥  
 ऋतु बसंत लखि श्रीरमण, स  
 पार ॥



पूरव सम सानंद द्रुत, आये अवध मझार ॥ ६० ॥  
 सिया बंधु तिहुँ मातु पितु, सेवक सखा समाज ॥  
 पुर परिजन चर अचर सब, युत आये रघुराज ॥ ६१ ॥  
 तिहुँ लोक आनंद भो, छायो जैजै शोर ॥  
 रसिकविहारी सुख भरे सब अपार चहुँ ओर ॥ ६२ ॥  
 नितप्रति लीला होत बहु, प्रसुदित सकल समाज ॥  
 सुख शोभा लखि अवध पुर, अति सिहात सुरराज ॥ ६३ ॥  
 सीताराम समाज युत, परमानंद अपार ॥  
 सदा निरंतर अवधमें, करंत अनेक विहार ॥ ६४ ॥  
 नित्य राम सिय अवधनित, नित्य नाम गुण रूप ॥  
 नित्य चरित लीला सकल, नित्य समाज अनूप ॥ ६५ ॥

प्र० ॥ वा० ॥ यु० का० ॥ स० ॥ १३० ॥ श्लोक ॥

यावदावर्त्तते चक्रं यावती च वसुंधरा ॥  
 तावत्त्वमिह लोकस्य स्वामित्वमनुवर्तय ॥ २१ ॥

पुनः पद्मपुराणे ।

रामस्य नाम रूपं च लीलाधाम परात्परम् ॥  
 एतच्चतुष्टयं नित्यं सच्चिदानंदविग्रहम् ॥ २२ ॥

पुनः ॥ महारामायणे ॥

श्रीअधोध्यां परित्यज्य पदमेकं न गच्छति ॥  
 अशोकवाटिकायान्तु रमते सर्व दैवहि ॥ २३ ॥ इत्यादि ॥

दोहा— जे जन ज्ञाता विमल दृढ, राम भक्त मतिवंत ॥  
 ते यहि भेदहि जानहीं, हरि गुरु कृपा अनंत ॥ ६६ ॥  
 कल्प कल्पके चरित बहु, कोऊ लहै न अंत ॥  
 निज निज मति अनुसार कछु, वर्णत सुर मुनि संत ॥ ६७ ॥  
 पै निज निज कृत ग्रंथमें, धरत अनूपम युक्ति ॥  
 सो सुबुद्धिते लखिय तो, एक मिलै सत उक्ति ॥ ६८ ॥  
 पक्षवाद भ्रम तर्क तजि, अवलोकै सदग्रंथ ॥  
 अर्थ व्यंग्य ध्वनिते मिलै, सबको एकाहि पंथ ॥ ६९ ॥  
 हेरौ पद्मपुराण में, अश्वमेधके अंत ॥  
 परम प्रमाणिक उक्ति सत, किमि राक्षी मतिमंत ॥ ७० ॥  
 युत समाज श्रीरामको, वर सुरलोक विहार ॥  
 पुनि आगम श्रीअवधमें, कियो युक्ति निरधार ॥ ७१ ॥

१ प्र० ॥ पञ्चपुराणां तर्गतगमाधर्मं ॥ अध्याय ६८ ॥ श्लो० ॥

गजेंद्रं मीनया साकं गच्छंतं सुरितं प्रति ॥

विलोक्य गुदितं लोकाश्चिरं दर्शनलालसाः ॥ २१ ॥

अनेकराजकाटीभिः परितः परिवारिभिः ॥

जगाम स सुरिच्छेष्टा पश्चिद्वृन्दसमाकुलाम् ॥ २२ ॥

तत्र गत्वा स वदेत्या गमः कमललोचनः ॥

प्रविशेश जलं पुण्यं वसिष्ठादिभिरन्वितः ॥ २३ ॥

अनु प्रविशिशुः सयं गजानो जनता तथा ॥

तत्पादरजसा पृतं जलं लोककव्यदितम् ॥ २४ ॥

परम्परं प्रसिचंतो जलं यंत्रमनोरमः ॥

सुशोणनयनाः सयं हर्षं प्राप्नुमनोधिकम् ॥ २५ ॥

स रामः सीतया सार्द्धं चिरं पुण्यजलप्लवे ॥

कीदृत्वा जलकाञ्चलेर्निरगाद्धर्मसंयुतः ॥ २६ ॥

दुःकलवासाः सफिरीटकुण्डलः केयूरशोभावरकंकणान्ति

कंदर्पलोदिश्रियगुह्यद्वन्द्वनृपो राजा च सर्वरूपसंस्तुतो व

दीता-ददि विधि अमित प्रमाण मय, हे श्रीरामचरित्र ॥

फट्टु संदेह न कीजिये, गुणिये ग्रंथ पवित्र ॥ ७२ ॥

जनम १ व्याह २ वन ३ सियहरण ४, शोध ५ पुद्गद अभियेक

राज ८ केलि ९ मख १० गुप्त ११ पे, राम चरित्र अनेक ॥ ७३ ॥

धन्य राम यश कहहि अरु, श्रवण करें ते धन्य ॥

धन्य धन्य सिय रामके, जे हृद भक्त अनन्य ॥ ७४ ॥

राम रसावन ग्रंथ यह, प्रगट भयो सुख ॥

अवलोकत दुलसायिह, जे शुचि सुमति ॥

गिरा गुरु सिय राम कपि, यह ॥

प्रगटायो करि ॥

मं गतिमंद

जन्म

२

छंदनाम	इस छंदके चारों चरणों में इतने वर्ण सहो	इस छंदके चारों चरणों में इतने वर्ण अनुमाने	यह छंद कितने वर्णों के हिमायत है	यह छंद कितने वर्णों के हिमायत है	यह छंद कितने वर्णों के हिमायत है
मालिनी	६०		३॥॥=	१	२
उपजाति	४४		१॥=	१३	१८
गार्हपत्य	७६		२॥=	७	१६
ध्रुति	५८			५	२
इंद्रवज्रा	४४			२	३
वसन्ततिलका	५६			२	४
उपेद्रवज्रा	४४			७	१०
रधाद्विता	४४			१	१
अनुष्टुप	३२			३५७	३५७
कुमारवृद्धक	१५२			४	१९
घनाक्षरी	१२४			४०३	१५६२
दोहा	३६			२४५१	२७५७
चौपाई	४८			१४४७	२१७०
सोरठा	३६			२६७	३००
काव्य	५६			८	१४
हरिगीतिका	८०			१२७	३१८
संवेया	९६			१३१	३९३
पद्वरी	५२			२८९	४७०
११२				१	३
४०				२७९	७०